

হেনরি রাইডার হ্যাগার্ড-এর

শী

রিটার্ন অভ শী

রূপান্তর: নিয়াজ মোরশেদ

দুটি বই  
একত্রে

BanglaBook.org



অনুবাদ

দুটি বই একত্রে

শী

হেনরি রাইডার হ্যাগার্ড/নিয়াজ মোরশেদ

দু'হাজার বছর ধরে অপেক্ষা করছে সে,  
তার ক্যালিক্রেটিস আসবে।

যে দয়িতকে নিজহাতে হত্যা করেছিল,  
পুনর্জন্ম নিয়ে আসবে সে তার প্রেম গ্রহণ করতে।  
এল ক্যালিক্রেটিস—

তাকে অনন্ত যৌবন দেয়ার জন্যে  
রহস্যময় আঙনের কাছে নিয়ে গেল।...  
তারপর?

রিটার্ন অভ শী

হেনরি রাইডার হ্যাগার্ড/নিয়াজ মোরশেদ

মৃত্যুর আগ-মুহূর্তে বলে গেছে আয়শা,  
আবার সে আসবে।

অন্তত একবারের জন্যে হলেও সে সুন্দর হবে।  
কিন্তু কী করে?

জানে না লিও ভিনসি, জানে না হোরেস হলি।  
অবশেষে সত্যিই একদিন দৈব-সংকেত পেল ওরা,  
আয়শা ডাকছে।

দুর্গম পর্বতমালা, দুস্তর মরুভূমি পেরিয়ে  
রওনা হলো লিও ও হলি।  
আয়শার খোঁজ কি ওরা পাবে?



সেবা বই

প্রিয় বই

অবসরের সঙ্গী

সেবা প্রকাশনী

২৪/৪ কাজী মোতাহার হোসেন সড়ক, সেগুনবাগিচা, ঢাকা-১০০০

সেবা প্রকাশনী শো-রুম: ৩৬/১০ বাংলাবাজার, ঢাকা-১১০০

প্রজাপতি প্রকাশন শো-রুম: ৩৮/২ক বাংলাবাজার, ঢাকা-১১০০


অনুবাদ

শী

হেনরি রাইডার হ্যাগার্ড  
রূপান্তর ■ নিয়াজ মোরশেদ

রিটার্ন অভ শী

হেনরি রাইডার হ্যাগার্ড  
রূপান্তর ■ নিয়াজ মোরশেদ  
(দুটি বই একত্রে)



The Online Library of Bangla Books

**BANGLA BOOK**.ORG

## শুরুর আগে

প্রথমেই পাঠকদের একটা কথা বলে নিতে চাই, যে অবিশ্বাস্য ইতিহাস আপনাদের শোনাতে যাচ্ছি, তার লেখক আমি নই—আমি সম্পাদক মাত্র। কি করে আমি জানতে পারলাম এ ইতিহাস, তা যদি না বলি, খচ খচ করতে থাকবে আমার মনের ভেতর—বুঝি পাঠকরা প্রভারক ভাবলেন আমাকে।

কয়েক বছর আগের কথা। কোনো এক বিশ্ববিদ্যালয়—ধরুন কেমব্রিজে (আসল নামটা গোপন রাখছি) নিজের কিছু কাজ উপলক্ষে এক বন্ধুর বাসায় কিছুদিন থাকতে হয়েছিলো। সে সময় একদিন বন্ধুর সাথে হাঁটছি রাস্তা দিয়ে। এমন সময় দেখি, দুজন লোক হাত ধরাধরি করে আসছে। এরকম তো কত লোকই যায় আসে, কিন্তু ওদের কথা বিশেষ ভাবে আমার মনে গেঁথে গেল। কারণ ওদের একজন অসম্ভব সুপুরুষ! নির্দিষ্টায় বলতে পারি, জীবনে অমন সুপুরুষ আমি কখনো দেখিনি, সম্ভবত আর দেখবোও না। যেমন লম্বা তেমন চওড়া। সুনাম মর্দা হরিণের মাঝে যেমন দেখা যায়, অনেকটা তেমন অদ্ভুত এক শক্তি আর মহিমার আভাস তার চোখে—মুখে। অপূর্ব সুন্দর চেহারা, নিখুঁত—নির্ভীক মুখের ত্বক। হেঁটে যাওয়া এক মেয়েকে যখন টুপি খুলে অতিবাদন জানালো, দেখলাম, ছোট ছোট কোঁকড়া সোনালি চুলে ছাওয়া তার মাথা।

'কি চেহারা, দেখেছো!' বন্ধুকে বললাম আমি। 'সাক্ষাৎ অ্যাপোলোর মূর্তি, যেন প্রাণ পেয়ে নেমে এসেছে মর্তে!'

'হ্যাঁ,' জবাব দিলো বন্ধু। 'বিশ্ববিদ্যালয়ের সবচেয়ে সুপুরুষ ব্যক্তি যতাব চরিত্রও সেরকম। সবাই ওকে "গ্রীক দেবতা" বলে। আর অন্যজনের দিকে তাকাত, ও হলো ভিনসির (দেবতার নাম এটা) অতিভাবক—দুনিয়ার যাবতীয় বিদ্যেপণ্ডিত, চলন্ত বিশ্বকোষ বলতে পারো, কিন্তু চেহারা দেখ—ঠিক উল্টো।'

সত্যিই তাই, ভিনসি যেমন সুপুরুষ এই লোকটা ঠিক তেমন কদাকার। বছর চল্লিশেক হবে বয়েস। ছোট ছোট পাগুলো বাইরের দিকে রাখানো ধনুকের মতো, চাপা বুক, শরীরের তুলনায় অস্বাভাবিক লম্বা হাত। কালো চুল লোকটার মাথায়, কুতকুতে চোখ, কপালেও চুল গজিয়েছে তার, আর গাল দুই দিকই উঠে গেছে চুল পর্যন্ত। একমাত্র গরিলার সাথেই তুলনা করা যেতে পারে এ চেহারার। বন্ধুকে বললাম, 'লোকটার সাথে রিচিত হতে চাই আমি।'

'ঠিক আছে,' জবাব দিলো বন্ধু, 'আমি চিনি ভিনসিকে, এক্ষণি আলাপ করিয়ে

দোবো ডোমার সাথে।'

আলাপ হলো। কিছুদিন আগে আফ্রিকায় এক অভিযান শেষে ফিরেছি আমি। সে সম্পর্কে কথা বললাম কয়েক মিনিট। এমন সময় মোটাসোটা এক মহিলা এগিয়ে এলো আমাদের দিকে, সঙ্গে সুন্দরী একটা মেয়ে। সম্ভবত আগে থেকেই ওদের সাথে পরিচয় আছে ভিনসির, কারণ ওদের দেখেই ও এগিয়ে গেল আলাপ করার জন্যে। আর বয়স্ক লোকটার মুখের ভাব বদলে গেল সঙ্গে সঙ্গে। ইতিমধ্যে তার নাম জেনে ফেলেছি— হলি। আচমকা আলাপ থামিয়ে দিলো সে। আমার দিকে তাকিয়ে সামান্য মাথা ঝুঁকিয়ে হেঁট চলে গেল দ্রুত ভঙ্গিতে। বন্ধু জানালো বেশির ভাগ মানুষ পাগলা কুকুরকে যতখানি ভয় পায় ঐ লোকটা মেয়ে মানুষকেও ঠিক ততখানিই ভয় পায়।

যা হোক; সেদিন রাতেই আমি কেম্ব্রিজ থেকে চলে এলাম। এবং ঐ-ই আমার শেষ দেখা ভিনসি এবং হলির সাথে। প্রায় ভুলতে বসেছিলাম ওদের কথা, এমন সময় মাসখানেক আগে একটা চিঠি আর দুটো প্যাকেট এসে হাজির আমার ঠিকানায়। চিঠিটা খুলে দেখলাম, লেখকের নাম 'হোরেস হলি'। তাতে লেখাঃ

..কলেজ, কেম্ব্রিজ, মে, ১৮-

প্রীতিভাজনেষু,

'এ চিঠি পেয়ে সম্ভবত আপনি আশ্চর্য হবেন। এত কম সময়ের জন্যে আমাদের আলাপ হয়েছিলো যে, আমার কথা আপনার মনে না থাকাই স্বাভাবিক। সুতরাং আগে পরিচয়টা দিয়ে নেয়াই বোধহয় ভালো। বেশ ক'বছর আগে আমি এবং আমার পালিত পুত্র সিও ভিনসির সাথে আপনার আলাপ হয়েছিল, কেম্ব্রিজের এক পথে। এঁদের আশা করি চিনতে পেরেছেন।

'ভূমিকা দীর্ঘ না করে কাজের কথায় আসি। সম্প্রতি মাঝে আফ্রিকায় এক অভিযানের বর্ণনা দিয়ে লেখা আপনার একটা বই পড়লাম। বেশ কৌতূহল নিয়েই পড়লাম। আমার ধারণা, ওতে আপনি যা যা বলেছেন তা আংশিকভাবে সত্যি আর আংশিক আপনি কল্পনার রং চড়িয়ে রচনা করেছেন। যা হোক, আপনার ঐ বইটা পড়ার পরই আমার মাথায় বুদ্ধিটা আসে। আমার অভিজ্ঞতা আমি লিখে ফেলার সিদ্ধান্ত নেই (এই চিঠির সাথে পাণ্ডুলিপিটা পাঠাচ্ছি আপনার কাছে)। আমি এবং আমার পালিত পুত্র সিও ভিনসি সম্প্রতি এক অভিযানে আফ্রিকা গিয়েছিলাম। ঐ সময় আমাদের যে অভিজ্ঞতা হয়েছে তা আপনার বইয়ের বর্ণনার চেয়ে অনেক অনেক বেশি চমকপ্রদ। সত্যি কথা বলতে কি, জিনিসটা আপনার কাছে পাঠাতে আমি সঙ্কোচ বোধ করছি— পাছে আপনি অবিশ্বাস করেন আমার গল্পটা। এই ভয়েই আমি—বলা ভালো আমার,

সিদ্ধান্ত নিয়েছিলাম, আমাদের জীবনকালে আমাদের এ অবিশ্বাস্য অভিজ্ঞতার কথা প্রকাশ করবো না। কিন্তু কদিন আগে এমন একটা পরিস্থিতির উদ্ভব হয়েছে যে, আমার মত না বদলে পারলাম না। পাণ্ডুলিপিটা পড়া শেষ হলে আপনি নিজেই বুঝতে পারবেন। হ্যাঁ, আবার আনরা রওনা হচ্ছে। এবার মধ্য এশিয়ার দিকে। এবার হয়তো আরো বেশি দিন দেশের বাইরে থাকতে হবে, হয়তো কোনোদিনই ফিরে আসা হবে না। সুতরাং যে অবিশ্বাস্য অভিজ্ঞতা আমরা অর্জন করেছি দুনিয়ার মানুষকে তার ভাগ দেবো না কেন? জানি, মানুষ অবিশ্বাস করতে পারে, গালগল্প মনে করতে পারে, তবু ঘটনাটা প্রকাশ করা দায়িত্ব মনে হয়েছে আমাদের কাছে। লিও আর আমি অনেক আলোচনার পর পাণ্ডুলিপিটা আপনার কাছেই পাঠানোর সিদ্ধান্ত নিয়েছি। আপনার হাতে পুরো কর্তৃত্ব থাকছে, যোগ্য মনে হলে এটা প্রকাশ করবেন, অযোগ্য মনে হলে করবেন না। কেবল একটা অনুরোধ, আমাদের আসল নামগুলো গোপন রাখবেন।

‘বিশেষ আর কি? সত্যিই বলছি, যা যা ঘটেছিলো শুধুমাত্র তা-ই লিখেছি পাণ্ডুলিপিতে, কোনো ঘটনাই বিন্দুমাত্র অতিরঞ্জিত করিনি। “সে” সম্পর্কে বলতে পারি, যা লিখেছি তার চেয়ে বেশি কিছু আমরা জানতে পারিনি। কে সে? কোর-এর গুহায় কোথেকে, কিভাবে সে এসেছিলো, কি তার ধর্ম? কিছুই আমরা জানতে পারিনি, সম্ভবত পারবোও না কোনোদিন।

‘কাজটা নেবেন আপনি? আপনার সম্পূর্ণ স্বাধীনতা থাকবে। বিনিময়ে, আমাদের ধারণা, চমকপ্রদ এক ইতিহাস পৃথিবীর সামনে উপস্থিত করার গৌরব আপনি অর্জন করবেন। দয়া করে পাণ্ডুলিপিটা পড়বেন, এবং আপনার সিদ্ধান্ত জানাবেন।

‘বিশ্বাস করুন, আপনার একান্ত বিশ্বস্ত,  
‘এল. হোবকেন হার্নি\*।’

‘পুনশ্চঃ পাণ্ডুলিপিটা প্রকাশ করার পর যদি মুনাফা হয়, সে টাকা দিয়ে আপনার যা ইচ্ছে তাই করতে পারবেন। আর যদি ক্ষতি হয়, আমার আইনজীবী মেসার্স জিওফ্রে অ্যাণ্ড জর্ডান-এর প্রতি নির্দেশ দিয়ে যাচ্ছি, ওরা পুষিয়ে দেবে। যতদিন না আমরা দাবি করছি ততদিন পোড়ামাটির ফলক, গোলমোহর এবং পাঠমেন্টগুলো আপনার কাছেই থাকবে।

—এল. এইচ. এইচ.।’

চিঠিটা পড়ে বেশ অবাক হলাম। কিন্তু পাণ্ডুলিপিটা যখন শেষ করলাম তখন শুধু অবাক বললে ভুল হবে, রীতিমতো স্তম্ভিত হয়ে গেলাম। আমার ধারণা, পাঠকরাও

\* লেখকের অনুরোধে আসল নাম বদলে দেয়া হয়েছে।—সম্পাদক।

হবেন। সঙ্গে সঙ্গে আমি ওটা প্রকাশ করার সিদ্ধান্ত নিলাম, এবং সেকথা লিখে জানালাম মিস্টার হালিকে। জবাব এলো এক সপ্তাহ পর। তবে মিস্টার হালির কাছ থেকে নয়, তাঁর আইনজ্ঞদের কাছ থেকে। তাঁরা জানালেন, তাঁদের মক্কেল এবং মিস্টার সিও ভিনসি ইতিমধ্যে রওনা হয়ে গেছেন তিস্তের পাথে।

এ-ই আমার বক্তব্য, বাকিটা পাঠকরা বিচার করবেন। গৌণ দু-একটা বিষয়ে সামান্য পরিবর্তন ছাড়া পাণ্ডুলিপিটার সম্পূর্ণই তুলে দিলাম আপনাদের জন্যে। আয়শা এবং কোর-এর গুহাগুলোর রহস্য উন্মোচনের দায়িত্ব থাকলো আপনাদেরই ওপর।

-- সম্পাদক।

The Online Library of Bangla Books  
**BANGLA BOOK**.ORG

## এক

প্রত্যেকেরই জীবনে এমন কিছু ঘটনা ঘটে যা আমরা কোনো দিনই ভুলতে পারি না। তেমন একটা ঘটনার কথাই আমি বলতে যাচ্ছি। আমার মনের পর্দায় এখনো এমন উজ্জ্বল হয়ে আছে, মনে হয় মাত্র কালই বুঝি ঘটেছিলো ঘটনাটা।

প্রায় বিশ বছর আগের এক রাত। আমি, লুডউইগ হোরেস হলি, আমার কেমব্রিজের বাসায় বসে জটিল একটা গাণিতিক সমস্যা সমাধানের চেষ্টা করছি। সেই সন্ধ্যায় শুরু করেছি, এখন মাঝরাত, কিন্তু কিছুতেই বের করতে পারছি না সমাধানটা। শেষমেষ বিরক্ত হয়ে বই খাতা সব ছুঁড়ে ফেলে দিয়ে উঠে পড়লাম। ম্যান্টেলপিসের ওপর থেকে পাইপটা নিয়ে তামাক ভরলাম। ম্যান্টেলপিসের ওপর মোমবাতি জ্বলছে, পেছনে লম্বা সুরু একটা আয়না। মোমবাতির আগুনে পাইপ ধরাতে গিয়ে চোখ পড়লো আয়নায়। নিজের চেহারাটা দেখতে পেলাম পরিষ্কার।

'জীবনে যদি কিছু করতে হয়,' নিজেকে শোনানোর জন্যেই যেন বললাম আমি। 'মাথার ভেতরটা দিয়েই করতে হবে। বাইরেটা দিয়ে যে কিছু সম্ভব নয় তা নিশ্চয়ই বুঝতে পারছো?'

অনেকের কাছেই হয়তো দুর্বোধ লাগবে, হঠাৎ এমন একটা মন্তব্য কেন? আমার চেহারার কথা বলছি। দেখতে যেমনই হোক, বাইশ বছর বয়সে বেশির ভাগ লোকের চেহারায় আর কিছু না হোক যৌবনের দীপ্তি অন্তত থাকে। কিন্তু আমার বেলায় এ জিনিসটাও অনুপস্থিত। আমাকে কুৎসিত বললেও কম বলা হয়—বৌঁটে, মোটা, প্রায় বিকৃত চাপা বুক; লম্বা মোটা মোটা দুটো হাত; চোখগুলো কৃতকৃত্যে, ধূসর; বিগী মোটা এক জোড়া ভুরু।

প্রায় সিকি শতাব্দী আগে এমন ছিলো আমার চেহারা, দুঃখের বিষয় সামান্য কিছু পরিবর্তন ছাড়া এখনও তেমনই আছে। চেহারার দিক দিয়ে প্রকৃতি আমাকে বঞ্চিত করেছে সন্দেহ নেই, তবে পুষিয়ে দিয়েছে অন্য দিক দিয়ে। লোহার মতো শক্ত আমার শরীর, অস্বাভাবিক শক্তি পেশীগুলোয়। মগজের শক্তিশীল, বলা যায়, একটু অসাধারণ। ফলে আমার কোনো বন্ধু নেই—না একজন আছে। কোনো মেয়ে স্বেচ্ছায় কখনো আমার ছায়া মাড়ায় না। এই গত সপ্তায়ই শুনেছি, আড়ালে একটা মেয়ে আমাকে বলেছিলো, 'রাফস'। আমি যে শুনে ফেলেছি সে টের পায়নি। পেলে হয়তো বলতো না।



একবার হঠাৎ করেই আমার সম্পর্কে কৌতূহলী হয়ে উঠেছিলো একটা মেয়ে। ব্যাপারটা টের পাওয়ার সঙ্গে সঙ্গে আমি পারলে জান দিয়ে ফেলি ওর জন্যে। এমন সময় আমার টাকার উৎসটা গেল বন্ধ হয়ে। মেয়েটারও আর চেহারা দেখি না। অনেকদিন পর ওকে খুঁজে বের করে কাকুতি মিনতি করলাম। জীবনে ঐ প্রথম এবং ঐ-শেষ কোনো মেয়েকে কাকুতি মিনতি করা। বললাম যেন আমাকে প্রত্যাখ্যান না কর। কিছুই বললো না সে, আয়নার সামনে নিয়ে গেল আমাকে। আমার পাশে দাঁড়িয়ে বললো, 'দেখ, আমি যদি বিউটি হই, তুমি কে?'

তখন আমার বয়স মাত্র বিশ।

আয়নার সামনে দাঁড়িয়ে নিজের কুৎসিত মুখটা দেখছি আর এই সব আবেল তাবোল ভাবছি, হঠাৎ একটা শব্দ হলো দরজায়। বাস্তবে ফিরে এলাম আমি। কান খাড়া করলাম। আবার শব্দ। কেউ দরজা ধাক্কাচ্ছে। রাত প্রায় বারোটা। এত রাতে কে আসতে পারে? কলেজে একজনই আমার বন্ধু, সম্ভবত পৃথিবীতেও-ও-ই কি?

একটা কাশির শব্দ শোনা গেল বাইরে। তাড়াতাড়ি এগোলাম দরজা খোলার জন্যে—কাশিটা পরিচিত।

লম্বা এক লোক ত্রস্ত পায়ে ঢুকলো ঘরে। বছর তিরিশেক হবে বয়েস, অসম্ভব সুন্দর পুরুষালি চেহারা। ডান হাতে ভারি একটা লোহার বাস্র। ওজনে নুয়ে পড়েছে সে। সিন্দুকের মত বাস্রটা কোনো রকমে টেবিলের ওপর রেখেই কাশতে শুরু করলো লোকটা। প্রচণ্ড কাশি। কাশতে কাশতে লাল হয়ে গেল তার মুখ। অবশেষে একটা চেয়ারে বসে ধু করে একদলা রক্ত ফেললো মেঝেতে।

একটা গেলাসে খানিকটা ছইকি ঢেলে এগিয়ে দিলাম। ওটুকু খেয়ে একটু যেন ভালো বোধ করতে লাগলো সে। তারপর চোখ-মুখ কুঁচকে চিন্তিত করলো, 'এই ঠাণ্ডায় এতক্ষণ দাঁড় করিয়ে রাখলে কেন? জানো ঠাণ্ডায় শুলে নেয়া আর মরে যাওয়া একই কথা আমার জন্যে!'

'আমি কি করে জানবো তুমি এসেছো?' বললাম আমি। 'এত রাতে কেউ আসে কারো কাছে?'

'হ্যাঁ, সম্ভবত তোমার কাছে এ-ই আমার শেষ আসা,' অনেক কষ্টে একটু হাসার চেষ্টা করলো সে। 'আমি শেষ, হলি, আমি শেষ। মনে হয় না কালকের দিন পর্যন্ত টিকবো।'

'পাগল! বসো তো আমি ডাক্তার ডেকে আনছি।'

হাত নেড়ে আমাকে নিষেধ করলো সে। 'আমি বুঝতে পারছি আমার অবস্থা।'

ডাক্তার ডেকে লাভ হবে না। আমি ডাক্তারি পড়েছি, ভালোই জানি, কোনো ডাক্তারই আর কিছু করতে পারবে না। আমার শেষ সময় ঘনিয়ে এসেছে! তার চেয়ে যা বলছি মন দিয়ে শোনো—হয়তো দ্বিতীয়বার শোনার জন্যে জীবিত পাবে না আমাকে। দু'বছর ধরে আমরা বন্ধু। বলো তো, আমার সম্পর্কে কতটুকু জানো তুমি?’

‘জানিঃ তুমি ধনী, সাধারণত যে বয়েসে সবাই কলেজ থেকে বেরিয়ে যায় সেই বয়েসে তুমি কলেজে ভর্তি হয়েছে। তুমি বিবাহিত, তোমার স্ত্রী মারা গেছেন তা-ও জানি। আর জানি; তুমি আমার সবচেয়ে ভালো এবং সম্ভবত একমাত্র বন্ধু।’

‘আমার একটা ছেলে আছে তা জানো?’

‘না তো!’

‘পাঁচ বছর বয়েস। ওর মায়ের বিনিময়ে ওকে পেয়েছি, সেজন্যে কোনোদিনই ওর দিকে তাকানোর ইচ্ছে হয়নি আমার। হলি, ছেলেটার ভার আমি তোমাকে দিয়ে হেতে চাই।’

চেয়ার ছেড়ে প্রায় লাফিয়ে উঠলাম আমি। ‘আমাকে!’

‘হ্যাঁ, তোমাকে। গত দু'বছর ধরে খামোকা আমি তোমার সঙ্গে মিশেছি ভাবো? কিছুদিন ধরেই বুঝতে পারছিলাম, আমার দিন শেষ। তখন থেকে খোঁজ করতে থাকি এমন একটা লোক যার জিম্মায় রেখে যেতে পারবো আমার ছেলেকে আর এটাকে,’ লোহার সিন্দুকটায় টাকা দিলো সে। ‘তুমিই সেই লোক, হলি। অনেক ঝড়জল সওয়া প্রাচীন বৃক্ষের মতো শক্ত তুমি, জানি পারবে তুমি ছেলেটাকে মানুষ করে তুলতে। শোনো, আমার মৃত্যুর পর, দুনিয়ার সবচেয়ে প্রাচীন বংশগুলোর একটার একমাত্র প্রতিনিধি হিসেবে বেঁচে রইবে ছেলেটা।’

‘আমার পয়সাটি কি ছেহট্রিতম পূর্বপুরুষ ছিলেন দেবতা আইসিটসের মিসরীয় পুরোহিতদের একজন। তুমি হয়তো হেসে উড়িয়ে দেবে, কিন্তু আমি বলছি একদিন নিঃসংশয়ে প্রমাণিত হবে একথা। তাঁর নাম ক্যালিক্রেটিস। মিসরীয় বংশোদ্ভূত হয়েও মিসরীয়দের পুরোহিত হয়েছিলেন তিনি। ঊনত্রিশতম শতাব্দীর এক মেনডেসিয়ান ফারাও হাক হোর গ্রীক ভাড়াটে সৈন্যদের নিয়ে এক বাহিনী গঠন করেছিলেন। এই বাহিনীরই সৈনিক ছিলেন তাঁর বাবা। হেরোডোটাস যে ক্যালিক্রেটিসের কথা উল্লেখ করেছেন, আমার বিশ্বাস তিনি আমার পূর্বপুরুষ ক্যালিক্রেটিসের দাদা অথবা পরদাদা। ফারাও পরিবারের এক রাজকন্যা এই পুরোহিত ক্যালিক্রেটিসের প্রেমে পড়েন। খ্রীষ্টপূর্ব ৩৩৯ অব্দের দিকে, ফারাওদের চূড়ান্ত পতনের সময় মিসর থেকে পালিয়ে গেলেন ক্যালিক্রেটিস। কৌমার্যের ব্রত ভঙ্গ করে সঙ্গে নিয়ে গেলেন সেই রাজকন্যাকে।’

জলপথে পালাচ্ছিলেন তাঁরা। পথে জাহাজডুবি হলো। কোনো মতে তীরে উঠলেন দুজন। দলের বাকিরা মারা পড়ে।—জায়গাটা আফ্রিকা উপকূলে, সম্ভবত আজকের ডেলাগোয়া উপসাগরের উত্তরে কোথাও।

প্রচণ্ড কষ্ট সহ্য করে তাঁরা জীবন ধারণ করতে লাগলেন সেখানে। অবশেষে সেখানকার এক জংলী জাতির দোর্দণ্ড প্রতাপ রানীর অনুগ্রহ লাভ করলেন। জাতিটা জংলী হলেও তাদের রানী অদ্ভুত সুন্দরী এক শ্বেতাঙ্গিনী। কোনো কারণে—কারণটা আমি জানতে পারিনি, বেঁচে থাকলে এই বাস্তবের জিনিসগুলো থেকে তোমরা হয়তো জানবে—সেই শ্বেতাঙ্গিনী রানী খুন করে আমার পূর্বপুরুষ ক্যালিফোর্নিয়ায়। তাঁর স্ত্রী, কিভাবে জানি না, শিশু পুত্রকে নিয়ে পালিয়ে চলে গেলেন এখেন্দে। ছেলের নাম রাখলেন টিসিসথেনেস, অর্থাৎ শক্তিমান প্রতিশোধগ্রহণকারী।

পাঁচশো বা তার কিছু বেশি বছর পর পরিবারটা চলে আসে রোমে—কি পরিস্থিতিতে, কেন, কিছুই জানা যায়নি। এখানেও ওঁরা পাঁচ শতাব্দী বা তার কিছু বেশি সময় বসবাস করেন। তারপর ৭৭০ খ্রীষ্টাব্দের দিকে শার্লোমেন যখন লোয়ার্ডি দখল করলেন, ওঁরা চলে এলেন লোয়ার্ডিতে। পরিবারের কঠা খুব ঘনিষ্ঠ হয়ে ওঠেন সম্রাটের সাথে। অবশেষে তাঁরা আলপস পর্বতমালা পেরিয়ে ব্রিটানিতে এসে স্থিত হলেন। আট পুরুষ পরে তাঁর (পরিবারকর্তার) এক বংশধর চলে গেলেন ইংল্যান্ডে। এডওয়ার্ড দ্য কনফেসরের আমল সেটা। উইলিয়াম দ্য কনকোয়ারার সময় খুবই ক্ষমতাশালী আর সম্মানিত লোক হয়ে উঠলেন তিনি (সেই বংশধর)।

সেই সময় থেকে আজ পর্যন্ত পূর্বপুরুষদের পরিচয় নিখুঁতভাবে জানি আমি। যাহোক, উইলিয়াম দ্য কনকোয়ারার আমলে ক্ষমতাশালী হয়ে উঠছিলেন তিনি, তাঁর বংশধরদের কেউই খুব একটা নাম করতে পারেননি। তাই বলে উইলিয়াম, সবাই খুব নিচু ধরনের পেশা বেছে নিয়েছিলেন। কখনো তাঁরা সৈনিক হিসেবে কাজ করেছেন, কখনো সওদাগর—মোট কথা মাঝামাঝি একটা অবস্থানে থেকেছেন সব সময়। দ্বিতীয় চার্লসের সময় থেকে এই শতাব্দীর শুরু পর্যন্ত শুধু সওদাগরীই ছিলো তাঁদের পেশা।

১৭৯০-এর দিকে আমার দাদা মদ চালাইয়ের ব্যবসা করে বেশ মোটা অঙ্কের সম্পদের মালিক হয়ে যান। ১৮২১ সালে তিনি মারা গেলে আমার বাবা উত্তরাধিকারসূত্রে মালিক হলেন তাঁর সম্পত্তির। ঐ বিশাল সম্পত্তির বেশির ভাগই বাজে খরচ করে উড়িয়ে দিলেন বাবা। দশ বছর আগে মারা গেছেন তিনি। আমার জন্যে রেখে গেছেন বছরে দু'হাজার পাউণ্ড আয়ের সম্পত্তি।

হাতে নগদ টাকা আসার সঙ্গে সঙ্গে আমি বেরিয়ে পড়লাম অভিযানে। এটার

সঙ্গে সম্পর্ক ছিলো সেই অভিযানের,' লোহার বাল্লটার দিকে ইশারা করলো সে। 'শোচনীয়ভাবে শেষ হলো আমার সেই অভিযান। কোনো মতে প্রাণ নিয়ে ফিরতে পারলাম আমি। ফেরার পথে দক্ষিণ ইউরোপ ভ্রমণ করলাম, শেষে পৌঁছলাম এথেন্সে। ওখানে পরিচয় হলো আমার প্রিয়তমা স্ত্রীর সাথে। আমার গ্রীক পূর্বপুরুষদের টংয়ে যদি নাম দেয়া হতো, তাহলে হয়তো ওর নাম হতো "অপরূপা"। ওকে বিয়ে করলাম আমি। এক বছর পর আমার এক ছেলেকে জন্ম দিতে গিয়ে মারা গেল ও।'

কিছুক্ষণের জন্যে থামলো সে। মাথাটা ঝুলে পড়লো হাতের ওপর। একটু পরে আবার শুরু করলো—

'বিয়ে আমাকে সরিয়ে দিলো আমার কাজ থেকে। এখন ইচ্ছে করলেও আর তাতে ঢুকতে পারবো না আমি। আমার সময় শেষ, হলি--আমার সময় শেষ! আমি যে দায়িত্ব তোমাকে দিতে যাচ্ছি তা যদি নাও, একদিন সব জানতে পারবে তুমি।

'স্ত্রীর মৃত্যুর পর মন শক্ত করে আরেকবার চেষ্টা করার সিদ্ধান্ত আমি নিয়েছিলাম। কিন্তু আমার প্রথম অভিযানের অভিজ্ঞতা থেকে বুঝতে পারলাম, পূর্ব দেশীয় কথ্য ভাষা, বিশেষ করে আরবী বলায় দক্ষ না হলে লাভ হবে না। এ ভাষা শেখার জন্যেই এখানে এসেছিলাম আমি। এখানে আসার কিছু দিনের ভেতরেই আমার এই রোগটা দেখা দেয়। এখন তো শেষ অবস্থায় এসে পড়েছি।' কথাটার ওপর জোর দেয়ার জন্যেই যেন তীব্র কাশির দমকে কুঁকড়ে গেল সে।

আমি আর একটু হুইকি দিলাম তাকে। খেয়ে আবার একটু সুস্থ বোধ করতে লাগলো সে। বলে চললো—

'লিও মানে আমার ছেলেকে কখনো দেখিনি আমি। জন্মের পর যখন ছোট এতটুকুন ছিল তখন দেখেছি, তারপর আর না। দেখার ইচ্ছেই হয়নি কখনো। তবে শুনেছি, এখন নাকি খুব চটপটে হয়েছে, সুন্দরও।' পকেট থেকে আমার নাম লেখা একটা চিঠি বের করলো সে। আমার দিকে এগিয়ে দিয়ে বললো, 'এতে আমি লিখে দিয়েছি, কি পাঠক্রম অনুসরণ করবে ছেলেটাকে লেখাপড়া করানোর সময়। একটু অদ্ভুত মনে হবে, কিন্তু উপায় নেই, ওভাবেই গড়ে উঠতে হবে ওকে। সে-কারণেই অপরিচিত কারো ওপর ওর ভার দেয়া যাবে না। হুইকি, তুমি নেবে এই দায়িত্ব?'

'কি দায়িত্ব, সেটা আগে জানতে হবে অফিকে,' বললাম আমি।

'আমার ছেলে লিওর দায়িত্ব। ওর বয়স পঁচিশ না হওয়া পর্যন্ত তোমার কাছে থাকবে—একটা কথা মনে রাখবে, কখনো কুলে পাঠাবে না ওকে। যেদিন ওর বয়স পঁচিশ পূর্ণ হবে সেদিনই শেষ হবে তোমার অভিভাবকত্ব। তারপর এই চাবিগুলো

দিয়ে,' টেবিলের ওপর রাখলো সে চাবি ক'টা। 'ঐ লোহার বাস্কাটা খুলবে। ওকে পড়তে দেবে ভেতরের জিনিসগুলো। পড়া শেষ হলে ওকে জিজ্ঞেস করবে, রহস্য অনুসন্ধানে যেতে চায় কিনা। কোনোবকম বাধ্যবাধকতা নেই; ওর ইচ্ছে হলে যাবে, না হলে যাবে না।

'এবার শোনো শর্তগুলো। আমার বর্তমান আয় বছরে দু'হাজার দুশো। যদি আমার ছেলের অভিভাবকত্ব নাও তাহলে আমার উইল অনুযায়ী ওর অর্ধেকটা তুমি পেতে থাকবে সারা জীবন। বছরে এক হাজার তোমার পারিগ্রমিক—আগেই বলেছি ওকে স্কুলে পাঠাতে পারবে না, সুতরাং ছেলেটাকে মানুষ করতে হলে জীবন দিয়ে খাটতে হবে তোমাকে। আর একশো হচ্ছে ছেলেটার ভরণপোষণের খরচ। বাকি অর্ধেক লিওর বয়স পঁচিশ না হওয়া পর্যন্ত জমা হতে থাকবে। যে রহস্যের কথা বললাম তা সমাধানের জন্যে যদি ও বেরোতে চায়, তখন যেন মোটা অঙ্কের একটা টাকা থাকে হাতে।'

'ধরো দায়িত্ব শেষ হওয়ার আগেই আমি মারা গেলাম, তখন?' জিজ্ঞেস করলাম আমি।

'চ্যাম্পারি ওর অভিভাবক হবে। তোমাকে শুধু একটা উইল করে যেতে হবে। যেন এই বাস্কাটার মালিক হয় লিও। শোনো, হলি, আমাকে ফিরিয়ে দিও না। বিশ্বাস করো, তুমি ছাড়া আর কেউ পারবে না এ দায়িত্ব নিতে।'

আগ্রহী চোখে আমার দিকে তাকালো সে। আমি এখনো ইতস্তত করছি, দায়িত্বটা এত অদ্ভুত!

'আমার মুখ চেয়ে দায়িত্বটা নাও, হলি। আমাদের বন্ধুত্বের কথা মরণ করো, তাছাড়া, আমার শরীরের যা অবস্থা আর কোনো ব্যবস্থা করার সময় আমি পাবোনা।'

'ঠিক আছে,' অবশেষে আমি বললাম, 'আমি করবো, তবে এতে যা লিখেছো তা যদি আমার মনঃপূত হয় তবেই।' একটু আগে যে খামটা ও দিয়েছে সেটা দেখলাম।

'আহু, বাঁচালে, হলি। কি বলে তোমাকে ধন্যবাদ দেবো। জানি না। নিশ্চিত থাকো, তোমার মনঃপূত হবে না এমন কোনো কথাই ওতে নেই। কথা দাও, বাবার স্নেহে মানুষ করবে ছেলেটাকে, আর ঐ চিঠিতে আমি যেভাবে যেভাবে বলেছি সেভাবে ওকে শিক্ষা দেবে।'

'বেশ, কথা দিলাম।'

'এবার তাহলে যাই আমি, হলি, বাস্কাটা রইলো এখানে। খামের ভেতর পাবে উইল। ছেলেটাকে আনিয় নিও। উইলটা দেখালেই ওরা দিয়ে দেবে তোমার কাছে। তোমার সততা সম্পর্কে আমার কোনো সন্দেহ নেই, হলি, তবু বলছি, যদি

বিশ্বাসঘাতকতা করো, আমার আত্মা সারাজীবন তোমাকে তাড়া করে ফিরবে।’

কিছু বললাম না আমি। — আসলে বলতে পারলাম না।

চেয়ার ছেড়ে উঠে দাঁড়ালো সে। মোমবাতিটা তুলে নিয়ে আয়নায় নিজের প্রতিবিক্ষের দিকে তাকালো। মুখটা এক কালে সুন্দর ছিলো, কিন্তু অসুখ সেটাকে বিধ্বস্ত করে দিয়েছে।

‘পোকামর খাদ্য,’ বললো সে। ‘ভাবতে পারো, কয়েক ঘণ্টার ভেতর ঠাণ্ডা শক্ত হয়ে যাবে আমার এই শরীর— বেড়ানো শেষ, খেল খতম। বেঁচে থাকার যে যন্ত্রণা তার তুলনায় কতটুকু দাম জীবনের? অন্তত আমার ক্ষেত্রে তো শূন্য! আশা করি আমার ছেলের বেলায় তা হবে না, যদি ওর সাহস আর বিশ্বাস থাকে। বিদায় বন্ধু!’ বলেই আচমকা আমাকে জড়িয়ে ধরলো সে। কপালে একটা চুমু খেয়ে ঘুরে দাঁড়ালো যাওয়ার জন্যে।

‘শোনো, ভিনসি, তুমি যদি এতই অসুস্থ, একটু বসো, আমি ডাক্তার নিয়ে আসি।’

‘না-না, হলি। ডাক্তার ডাকার কোনো দরকার নেই। ডাক্তার আমার মরণ ঠেকাতে পারবে না। বিষ খাওয়া ইঁদুরের মতো আমি মরবো। আমি চাই না, সে সময় কেউ থাকুক আমার কাছে।’

‘না-না, ভিনসি, আমি বিশ্বাস করি না...।’

হাসলো সে। একটা মাত্র কথা উচ্চারণ করলো, ‘মনে রেখো তোমার দায়িত্ব!’ তারপর চলে গেল।

আর আমি, আন্তে আন্তে বসে পড়লাম একটা চেয়ারে— ভিনসিকে ~~কথা~~ মনেও পড়লো না। বসে বসে চোখ ডলতে লাগলাম, যেন নিশ্চিত হতে চাইছি, সত্যিই জেগে আছি না স্বপ্ন দেখছি। স্বপ্ন যে দেখছি না তা বুঝতে অসুবিধা হলো না। তখন ানে হলো, নিশ্চয়ই মাতাল অবস্থায় ছিলো ভিনসি। ও যা বলে গেলি বা করে গেল, কোনো স্বাভাবিক মানুষের পক্ষে তা বলা বা করা অসম্ভব। অনেকগুলো প্রশ্ন জাগলো আমার মনে, এক এক করে সেগুলোর উত্তর খুঁজতে লাগলাম। ষোল বছর বয়সের একটা ছেলে আছে অথচ তাকে বাচ্চা বয়েসে ছাড়া কখনো দেখেনি, সম্ভব? না। এত নিখুঁত ভাবে কেউ তার মৃত্যুর কথা আগে থাকতে বলে দিতে পারে? না। ষ্ট্রীট-জেনার, তিনশো বছর আগের পূর্বপুরুষের পরিচয় জানা বা এমন আচমকা একমাত্র ছেলের অভিভাবকত্ব আর নিজের সম্পত্তির অর্ধেক কোনো কলেজ বন্ধুকে দিয়ে দেয়া সম্ভব কারো পক্ষে? অবশ্যই না। তাহলে? হয় পাগল হয়ে গেছে, নয়তো মাতাল অবস্থায় ছিলো ভিনসি। তা-ই যদি

হয়, লোহার বাস্কেটায় কি আছে?

মাথা-মুণ্ডু কিছুই বুঝতে পারছি না। পাগল হওয়ার অবস্থা আমারও। শেষে বিরক্ত হয়ে শুয়ে পড়লাম বিছানায়। সঙ্গে সঙ্গে তলিয়ে গেলাম গভীর ঘুমে।

ঘুম ভাঙলো সকাল আটটায়। শুনলাম কে যেন ডাকছে আমার নাম ধরে। উঠে গিয়ে দেখি, জন। কলেজে নানা কাজে আমাকে আর ভিনসিকে সাহায্য করে ছেলেটা।

‘কি ব্যাপার, জন, কি হয়েছে?’ জিজ্ঞেস করলাম আমি। ‘এমন চেচাচ্ছে, ভূত দেখেছো নাকি?’

‘আরো খারাপ, স্যার,’ জবাব দিলো সে। ‘লাশ! রোজকার মতো আজও মিস্টার ভিনসিকে ডাকতে গিয়েছিলাম। গিয়ে দেখি, ঠাণ্ডা, শক্ত, মরে পড়ে আছেন!’

## দুই

হতভাগ্য ভিনসির মৃত্যুতে বেশ একটা আলোড়ন হলো কলেজে। তবে তার মৃত্যুর কারণ অনুসন্ধানের কোনো তোড়জোড় হলো না। কারণ সবাই জানতো, ও অসুস্থ, তাছাড়া ডাক্তারও রায় দিলেন, মৃত্যুটা স্বাভাবিক, আগের দিন রাতে ওর সাথে আমার যে আলাপ হয়েছিলো, সে সম্পর্কে আমি কোনো উচ্চবাচ্য করলাম না। শুধু বললাম, প্রায়ই যেমন আসতো সেদিনও তেমন ও এসেছিলো আমার কাছে।

অন্ত্যেষ্টিক্রিয়ার দিন এক আইনজীবী এলেন লগুন থেকে। ভিনসির শব্দ যাত্রায় অংশ নিলেন ভদ্রলোক। তারপর চলে গেলেন। যাওয়ার আগে ওর ঘর থেকে নিয়ে গেলেন উত্তরাধিকার সংক্রান্ত কাগজগুলো। নিশ্চয়ই ভিনসি ঠিকসকলে আগেই জানিয়েছিলো কোথায় পাওয়া যাবে ওগুলো। লোহার বাস্কেটায় রইলো আমার কাছে।

পরের এক সপ্তাহ আর এ নিয়ে ভাবনা-চিন্তার সুযোগ পেলাম না আমি। ভীষণ ব্যস্ত থাকতে হলো ফেলোশীপের পরীক্ষা নিয়ে। অবশেষে শেষ হলো পরীক্ষা। ক্রান্ত শরীরে ঘরে ফিরে ডুবে গেলাম একটা আরাম কেদারায়। শব্দটা বেশ খুশি খুশি, ভালোই হয়েছে পরীক্ষা।

আর সব চিন্তা বিদায় হয়েছে। মস্তিষ্কটা ফ্রী। এই সুযোগে আবার গুড়ি মেরে এগিয়ে এলো ভিনসি, তার ছেলে, তার সম্পত্তি, তার রহস্যময় আচরণ। প্রথম থেকে শেষ পর্যন্ত ভেবে দেখলাম আবার। মনে হলো, একটাই সিদ্ধান্ত টানা যায়, আত্মহত্যা করেছে ভিনসি। কিন্তু কেন? এ প্রশ্নের সমাধান আমার জানা নেই। লোহার সিন্দুকটা খুলতে পারলে হয়তো জানা যেতো। কিন্তু তা সম্ভব নয়। ভিনসির কাছে প্রতিজ্ঞা

করেছি—ওর ছেলের বয়স পঁচিশ হওয়ার আগে খোলা হবে না ওটা।

বসে বসে ভাবছি এসব, এমন সময় দরজায় শব্দ। বড়, পেট মোটা, নীল একটা খাম দিয়ে গেল ডাক-পিয়ন। দেখেই বুঝলাম উকিলের চিঠি, আর নিঃসন্দেহে ডিনসির দেয়া দায়িত্বের সাথে এর সম্পর্ক আছে। চিঠিটা পড়লাম। ডিনসি তার সম্পত্তি আর ছেলের দায়িত্ব নেয়া সম্পর্কে যা যা বলেছিলো প্রায় তা-ই বলেছেন আইনজীবী দুজন। অতিরিক্ত যা বলেছেন তা হলো, নাবালক লিও ডিনসির স্বার্থ ঠিকমতো রক্ষা হচ্ছে কিনা তা তদারকির জন্যে ডিনসির উইলের ব্যাপারটা কোর্ট অভ চ্যান্সারিকে জানিয়েছেন তাঁরা। বাফাটাকে কবে, কোথায় কিভাবে হস্তান্তর করবেন তা জানতে চেয়েছেন সবশেষে।

চিঠির নিচে স্বাক্ষর রয়েছে, 'জিওফ্রে অ্যাণ্ড জর্ডান'।

চিঠি রেখে এবার উইলের অনুলিপিটা তুলে নিলাম। সহজ ভাষায় পরিষ্কার করে লেখা। আমার সাথে শেষ সাক্ষাৎের সময় উইল সম্পর্কে ডিনসি যা যা বলেছিলো সবই তাই। তার মানে সত্যিই ছেলেটার দায়িত্ব নিতে হবে আমাকে! হঠাৎ মনে পড়লো গোহার সিন্দুকের সঙ্গে যে চিঠিটা রেখে গেছিলো ও সেটার কথা। তাড়াতাড়ি নিয়ে এসে খুললাম চিঠিটা। প্রথমে লেখা লিওর পঁচিশতম জন্মদিনে সিন্দুকটা খোলার নির্দেশ। তারপর লিখেছে কি কি পদ্ধতি এবং শিক্ষাক্রম অনুসরণ করতে হবে ছেলেটার শিক্ষার ব্যাপারেঃ গ্রীক, উচ্চতর গণিত এবং আরবী যেন অবশ্যই পড়ানো হয় সে সম্পর্কে রয়েছে স্পষ্ট নির্দেশ। সবশেষে পুনশ্চ দিয়ে লিখেছে, পঁচিশ বছর বয়স হওয়ার আগেই যদি ছেলেটা মারা যায়, যদিও ওর বিশ্বাস তেমন কিছু ঘটবে না, আমিই খুলবো সিন্দুকটা এবং যে সব তথ্য পাবো, নিজেকে যোগ্য মনে করলে সে অনুযায়ী বের হবো বহুসংখ্যক অনুসন্ধানের আর অযোগ্য মনে করলে পুড়িয়ে ফেলবো—ইংবে ভেতরের জিনিসগুলো। কোনো পরিস্থিতিতেই অপরিচিত কারো কাছে দেয়া চলবে না ওসব।

চিঠিটা পড়ার পর আপত্তি করার মতো কিছু খুঁজে পেলাম না আমি। যেসার্স জিওফ্রে অ্যাণ্ড জর্ডানকে লিখে দিলাম, 'দায়িত্ব গ্রহণ করছি' আশা করি, দিন দশেকের ভেতর আমি লিও ডিনসির অভিভাবকত্ব নিতে পারবো।

চিঠিটা পাঠিয়ে দিয়ে কলেজ কর্তৃপক্ষের কাছে গেলাম আমি। আসল কথা পুরোটা চেপে গিয়ে কেবল ডিনসির অনুরোধে তাঁর ছেলের অভিভাবকত্ব নেয়ার কথাটুকু জানাসাম। কলেজের ফেলো থাকা অবস্থায় ছেলেটাকে যেন আমার কাছে রাখতে পারি তার অনুমতি চাইলাম। প্রথমে তো কিছুতেই রাজি হবে না কর্তৃপক্ষ। অনেক পীড়ানীড়ির পর রাজি হলো, তবে এক শর্তে, কলেজের ঘর ছেড়ে দিতে হবে আমাকে,



নিজেয় থাকার ব্যবস্থা নিজেকেই করতে হবে।

ভালো কথা। একটু কষ্ট হলেও কলেজের কাছাকাছিই একটা বাসা খুঁজে বের করে ফেলতে পারলাম। এবার ছেলেটার দেখাশোনার জন্যে একজন লোক ঠিক করতে হবে। একটা ব্যাপার ভেবে রেখেছি প্রথমেই, কোনো মহিলাকে খবরদারী করতে দেবো না লিওর ওপর। আমার জন্যে যদি বিন্দুমাত্রও ভালোবাসা জন্মায় ওর মনে তাতে কিছুতেই ভাগ বসাতে দেবো না কোনো মেয়েকে। তাছাড়া বাচ্চাটার যা বয়েস তাতে মেয়েমানুষের সাহায্য ছাড়াই ও চলতে পারবে। বেশ খোঁজাখুঁজি করে গোলমুখো এক যুবককে ঠিক করে ফেললাম। নাম জব। এক শিকারীর আস্তাবলে সাহায্যকারীর কাজ করতো। পাঁচ বছরের একটা বাচ্চার দেখাশোনা করতে হবে শুনে বেশ খুশি মনেই ও চলে এলো আমার সঙ্গে। এরপর সিন্দুকটা নিয়ে লগুন গেলাম। ব্যাঙ্কে জমা রাখলাম ওটা। তারপর শিশুর স্বাস্থ্য ও পরিচর্যা বিষয়ক কয়েকটা বই কিনে ফিরে এলাম বাসায়। বইগুলো প্রথমে নিজে পড়লাম, তারপর জোরে জোরে পড়ে শোনালাম জবকে। তারপর অপেক্ষা লিওর জন্যে।

অবশেষে এলো লিও। বয়স্ক এক মহিলা দিয়ে গেল তাকে।

কি সুন্দর ছেলেটা! এমন নিখুঁত সুন্দর শিশু এর আগে কখনো দেখিনি আমি। চোখ দুটো ধূসর, চওড়া কপাল, মুখটা এই বাচ্চা বয়সেই খোদাই করা মূর্তির মতো কাটা কাটা। সবচেয়ে আকর্ষণীয় জিনিসটা, সম্ভবত, ওর চুল। নিখাদ সোনার মতো রং। কৌকড়া। ঘন হয়ে পেপ্টে আছে সুগঠিত মাথার সাথে।

সঙ্গের মহিলা যখন চলে গেল, সামান্য কাঁদলো ও। কখনো আমি ভুলতে পারবো না সে দৃশ্য। দাঁড়িয়ে আছে ও, জানালা দিয়ে রোদ এসে পড়েছে ওর লিঙ্গালি চুলে, একটা হাত মুঠো পাকিয়ে উলছে একটা চোখ, অন্য চোখে চেয়ে আছি আমাদের দিকে। চেয়ারে বসে আছি আমি, একটা হাত বাড়িয়ে দিয়ে অপেক্ষা করছি, কখন আসবে আমার কোলে। অন্যদিকে জব, ঘরের এক কোণে দাঁড়িয়ে নীচ বরনের ছেলেভোলানো শব্দ করে চলেছে। কয়েক মিনিট চললো এরকম, তারপরে হঠাৎ দু'হাত বাড়িয়ে দিয়ে আমার দিকে ছুটে এলো ছেলেটা।

'তুমি ভালো,' বললো ও। 'দেখতে পচা, কিন্তু ভালো।'

বুকের ভেতর জড়িয়ে ধরলাম লিওকে।

দশ মিনিট পর দেখা গেল, মাখন লাগানো বিরাট এক টুকরো রুটি পরম ভঙ্গির সাথে খাচ্ছে ও। রুটিতে জ্যাম মাখিয়ে দিতে চাইলো জব। কড়া চোখে ওর দিকে তাকালাম আমি, স্বরণ করিয়ে দিলাম, মাখনের সঙ্গে জ্যাম কঠোর ভাবে নিষেধ করা

হয়েছে বই-এ।

অল্পদিনের ভেতর সারা কলেজের প্রিয় পাঠ হয়ে উঠলো লিও। আমার সঙ্গে খুব ভাব হয়ে গেছে ওর। যত দিন যাচ্ছে ততই আমরা আরো ঘনিষ্ঠ হয়ে উঠছি। আমি ওকে যতটা আদর করি খুব কম ছেলেই বাবার কাছ থেকে ততটা আদর পায়, আর ও আমাকে যতটা ভালোবাসে খুব কম বাবাই তা পেয়েছে ছেলের কাছ থেকে। পৃথিবীটাকে আজকাল খুব সুন্দর মনে হয় আমার।

দিনগুলো কেমন দ্রুত চলে যাচ্ছে। ছোট্ট লিও শৈশব পেরিয়ে কৈশোরে পা দিলো। তারপর যৌবনে। বয়স যত বাড়ছে ওর শরীরের এবং মনের সৌন্দর্যও যেন ততই বাড়ছে।

ওর বয়স যখন পনেরো, কলেজের সবাই ওকে ডাকতে লাগলো বিউটি বলে আর আমার নাম দিলো বিস্ট! আমরা দু'জন এক সাথে বেরোলেই আড়ালে ওরা বলাবলি করে, 'ঐ দেখ, বিউটি অ্যাণ্ড দ্য বিস্ট যাচ্ছে।'

এক লোক একদিন একটু জ্বোরেই বলে ফেললো কথাটা। শুনতে পেলো লিও। চোখের পলক ফেলার আগেই দেখলাম, ছুটে গেল ও। টুটি টিপে ধরলো ওর হিগুন আকারের লোকটার। মজা দেখার জন্যে কিছু দেখতে পাইনি, এমন ভঙ্গি করে এগিয়ে গেলাম আমি। একটু পরে পেছন ফিরে দেখি, লোকটাকে মাটিতে শুইয়ে দিয়ে ফিরে আসছে লিও।

আরো কয়েকটা বছর কেটে গেল। এখন কলেজের নিন্দুকেরা আড়ালে আমাকে ডাকে চারণ (গ্রীক পুরাণে বর্ণিত মৃত্যু নদীর খেয়া নৌকার মাঝি) আর লিওকে গ্রীক দেবতা! এবার দারুণ একটা নাম দিয়েছে ওরা। লিওর দিকে তাকানো মনে হয়, সত্যিই সাক্ষাৎ আপোলো যেন নেমে এসেছে মর্তের মাটিতে।

এ তো গেল চেহারার কথা, জ্ঞান বুদ্ধির দিক থেকেও লিও চমৎকার! ওর বাবার নির্দেশ মতো ওকে শিক্ষা দিচ্ছি আমি। গ্রীক এবং আরবীতে অশিক্ষারূপ দক্ষতা দেখাচ্ছে ও। আরবী ভাষাটা ওকে ঠিকমতো শেখানোর জন্যে আমাকেও শিখতে হয়েছে। পাঁচ বছরের ভেতর দেখলাম, আমার চেয়ে তো বটেই, যে অধ্যাপক আমাদের দু'জনকেই শিখিয়েছেন তাঁর চেয়ে কোনো অংশে খারাপ জানেন না ও ভাষাটা।

শিকার সব সময়ই আমাকে বিশেষ আন্তরিকতার সাথে আকর্ষণ করে। আমার অপ্রতিরোধ্য আবেগের প্রকাশ যেন আমি ঘটাতে পারি এর ভেতর দিয়ে। লিওর মাঝেও আমি সঞ্চারণিত করেছি এই আবেগটা। প্রতি শরতে আমরা কোথাও না কোথাও চলে যাই। হয় মাছ ধরতে, নয়তো শিকার করতে। কখনো স্টল্যাণ্ডে, কখনো নবওয়েতে, রাশিয়ায়ও

গিয়েছি একবার। বন্দুকে আমার হাতের টিপ খুব ভালো, কিন্তু আজকাল দেখছি আমাকেও হারিয়ে দিচ্ছে লিও।

লিওর বয়স যখন আঠারো, ওকে কলেজে ভর্তি করে দিলাম। একুশ বছর বয়সে ও ডিগ্রি নিয়ে বেরোলো—সম্মানজনক একটা ডিগ্রি, যদিও খুব উঁচু কিছু নয়। এই সময় আমি প্রথম বারের মতো ওকে ওর ইতিহাস শোনালাম। সামনে যে রহস্য উন্মোচন করতে হবে তা—ও বললাম। খুবই কৌতূহলী হয়ে উঠলো লিও। আমি বললাম, পঁচিশ বছর বয়স হওয়ার আগে কৌতূহল মেটানোর কোনো উপায় নেই, কেননা ওর বাবা সেরকমই নির্দেশ দিয়ে গেছে।

ওকে নিয়ে একটাই মাত্র ঝামেলা আমার—কোনো মেয়ে পরিচিত হওয়া মাত্র প্রেমে পড়ে যায় ওর। তবে আমার ভাগ্য ভালো, খুবই বুদ্ধিমান ছেলে লিও, প্রেমের প্রতিটা ফাঁদই সাফল্যের সঙ্গে কেটে বেরিয়ে আসে ও।

এভাবে পেরিয়ে গেল বাকি দিন ক'টা। পঁচিশ বছর পূর্ণ হলো লিওর।

## তিন

লিওর পঁচিশতম জন্মদিনের আগের দিন আমরা দু'জনেই লণ্ডন পেলাম। সেই রহস্যময় সিন্দুকটা ন্যাক থেকে তুলে সন্ধ্যার দিকে ফিরে এলাম কেমব্রিজে।

সারারাত ঘুমোতে পারলাম না আমরা। ভোর হওয়ার সঙ্গে সঙ্গে আমার ঘরে হাজির হলো লিও। পরনে এখনো রাতের পোশাক। ওর ইচ্ছা, এখনি ~~কোথা~~ হোক সিন্দুকটা।

'বিশ বছর না কোলা অবস্থায় আছে,' বললাম আমি। 'আর কিছুকণ থাকলে খুব একটা অসুবিধা হবে না। নাশভা সেরেই ওটা খুলবো আমরা।'

ঠিক ন'টায়—একটু অস্বাভাবিক রকম কাঁটায় কাঁটায় ন'টায় আমরা নাশভা সারলাম। উদ্বেজনায় টগবগ করছে আমাদের দেহেরটা। এমন কি জ্বের ভেতরেও সংক্রামিত হয়েছে উদ্বেজনা। আমরা কেউই ঠিক স্বাভাবিক অবস্থায় নেই। লিওর চায়ে চিনির বদলে এক টুকরো বেকন দিয়ে দিলাম আমি। আমার অত্যন্ত দামী একটা চায়ের কাপের হাতল ভেঙে ফেললো জব। সব মিসিয়ে অস্থির একটা অবস্থা।

অবশেষে, এঁটো বাসন পেয়াল সরাণো হলো টেবিল থেকে। আমার অনুরোধে জব সিন্দুকটা এনে রাখলো টেবিলের ওপর। তারপর ভাব দেখালো যেন চলে যাচ্ছে ঘর

ছেড়ে, সিন্দুক বা তার ভেতরের জিনিসপত্র সম্পর্কে কোনো উৎসাহ নেই ওর।

‘একটু দাঁড়াও, জব,’ বললাম আমি। ‘লিওর আপত্তি না থাকলে নিরপেক্ষ একজন সাক্ষী রাখতে চাই। তবে একটা কথা, আমাদের দু’জনের অনুমতি ছাড়া মুখ পূলতে পারবে না।’

‘নিশ্চয়ই, হোরেস কাকা,’ বললো লিও—কাকা ডাকতেই আমি শিখিয়েছি ওকে।

‘দরজা বন্ধ করে দাও, জব,’ বললাম আমি। ‘অন্ন টুকটাক জিনিস রাখার যে বাস্রটা আছে, ওটা নিল্য এসো।’

নির্দেশ পালন করলো জব। তিনসি অর্ধাৎ লিওর বাবা মৃত্যুর রাতে যে চাবিগুলো দিয়ে গিয়েছিলো সেগুলো বের করলাম বাস্র থেকে। মোট তিনটে। সবচেয়ে বড় চাবিটা তুলনামূলকভাবে আধুনিক, দ্বিতীয়টা অতি প্রাচীন আর তৃতীয়টা—কি বলবো, কোনো কিছুর সাপে সাদৃশ্য নেই এর। রূপোর তৈরি নিরেট একটা টুকরোর মতো। টুকরাটার সঙ্গে আড়াআড়িভাবে লাগানো সুরু একটা দণ্ড। হাতপের কাজ করে দণ্ডটা। শেষ মাথায় ছোট ছোট কয়েকটা খাঁজ। মোট কথা; চাবির চহারা যে এমন হতে পারে তা আমাদের ধারণায় ছিলো না।

‘তৈরি হোমরা?’ বিস্ফোরক বিশেষজ্ঞরা মাইন ফাটানোর আগে যেমন জিজ্ঞেস করে তেমন জিজ্ঞেস করলাম আমি।

কেউ কোনো জবাব দিলো না। বড় চাবিটা তুলে নিলাম। উত্তেজনার মৃদু মৃদু কাঁপছে আমার হাত। খাঁজগুলোয় তেল মাখিয়ে ধীরে ধীরে তালায় ঢোকালাম চাবি। মোচড় দিতেই খুলে গেল তালা। একটু বৃকে এলো লিও। দুহাতে সর্বশক্তি দিয়ে টেনে ওঠালো সিন্দুকের ভারি ডালাটা। কজাগুলোয় মরচে পড়ে গেছে বলে শক্তি লাগলো বেশ। ডালাটা উঠে যেতেই দেখলাম ভেতরে আরেকটা বাস্র, ধুলোয় ছেয়ে আছে। কোনোরকম কষ্ট ছাড়াই সিন্দুকের ভেতর থেকে বের করে আনলাম সেটা।

আবলুন কাঠের বাস্র—অস্তিত্ব দেখে তাই মনে হলো আমার। প্রতিটা কোনা লোহার পাত দিয়ে মোড়া। কালের করাল গ্রাসে ক্ষয়ে গেছে জয়গায় জায়গায়।

‘এবার এটা,’ দ্বিতীয় চাবিটা ঢোকাতে ঢোকাতে বিড় বিড় করলাম আমি।

নিঃশব্দ বন্ধ করে সামনে বৃকলো লিও আর জব। যোরালাম চাবি। আমিই খুললাম এই বাস্রের ডালা। পরমুহূর্তে সিন্দুকের একটা ধানি বেরোলো আমার গলা দিয়ে। বাস্রটার ভেতর আরেকটা বাস্র। রূপোর। অত্যন্ত চমৎকার সূক্ষ্ম কারুকাজ করা।

বাস্রটা বের করে রাখলাম টেবিলের ওপর। অদ্ভুতদর্শন রূপোর চাবিটা এবার

ফলাফল। এদিকে ওদিকে নানা ভাবে ঘুরিয়ে চাপ দিয়ে যেতে লাগলাম। ক্লিক করে এক সময় খুলে গেল তালাটা। আপনা আপনি খাড়া হয়ে গেল বাস্তের ডালা। বাদামী রঙের ফালি ফালি জিনিসে বাস্তটার কানা পর্যন্ত ঠাসা। দেখতে অনেকটা কাগজের মতো কিন্তু কাগজ নয়, নরম কোনো উদ্ভিদের আঁশ সম্ভবত! সাবধানে ওগুলো বের করে আনলাম। ওপর দিক থেকে প্রায় তিন ইঞ্চি খালি হয়ে গেল বাস্ত। আধুনিক চেহারার সাধারণ একটা খাম চোখে পড়লো। ওপরে আমার প্রয়াত বন্ধু ভিনসির হাতে লেখাঃ

‘আমার পুত্র লিওর প্রতি।’

চিঠিটা লিওর হাতে দিলাম। খামটার দিকে এক পলক তাকিয়েই সেটা টেবিলে নামিয়ে রাখলো ও। তারপর এমন একটা ভঙ্গি করলো, আমার বুঝতে অসুবিধে হলো না, বাস্তের অন্যান্য জিনিস দেখতেই বেশি আর্থহী ও।

এরপর যে জিনিসটা আমি বের করলাম, সেটা একটা পার্চমেন্ট, সাবধানে পাকিয়ে রাখা। পাক খুলে দেখলাম, এটাও ভিনসির হাতে লেখা। ওপরে শিরোনামঃ ‘পোড়ামাটির ফলক-এর ওপর প্রাচীন গ্রীক অক্ষরে লেখা বক্তব্যের অনুবাদ।’ চিঠির পাশে নামিয়ে রাখলাম ওটা। তারপর বেরোলো আরেকটা পার্চমেন্ট; অনেক প্রাচীন, আগেরটার মতোই পাকিয়ে রাখা। জায়গায় জায়গায় হলুদ হয়ে গেছে। অত্যন্ত সাবধানে এটা খুললাম আমি। মনে হলো একই মূল গ্রীকের অনুবাদ এটাও। তবে ইংরেজিতে নয়, প্রাচীন ল্যাটিন অক্ষরে। লেখার ধরন ইত্যাদি দেখে মনে হলো, জিনিসটা সম্ভবত ষোল শতকের প্রথম দিককার।

এটার ঠিক নিচেই পেলাম শক্ত এবং ভারি একটা জিনিস, হলুদ রঙের সিনেনে জড়ানো। আগগোছে উঠিয়ে আনতেই দেখলাম আরেক প্রস্থ সেই আঁশ জিনিসের ওপর বঁসানো ছিলো ওটা। ধীরে ধীরে, অত্যন্ত সতর্কতার সাথে জড়ানো লিনেনটা খুলে আনতেই বেশ বড় নোংরা-হলুদ রঙের একটা পোড়া মাটির ফলক বেরোলো। দেখেই বুঝলাম খুব প্রাচীন জিনিস। এক কালে সম্ভবত মানুষের আকৃতির সাধারণ কোনো পাত্রের অংশ ছিলো। লম্বায় হবে সাড়ে দশ ইঞ্চি, চওড়ায় সাত, এবং প্রায় সিকি ইঞ্চির মতো পুরু। উত্তল দিকটায় খুদে খুদে প্রাচীন গ্রীক অক্ষরে কি যেন লেখা। জায়গায় জায়গায় অস্পষ্ট হয়ে গেছে অক্ষরগুলো। লম্বায় একটা দাগ দেখতে পেলাম ফলকটায়— বোধহয় ভেঙে গিয়েছিলো কখনো, পরে সংযোজক কোনো পদার্থ দিয়ে জোড়া দেয়া হয়েছে। ভেতরের দিকটায়ও অসংখ্য লেখা। কিন্তু এগুলো ভীষণ এলোমেলো আর অদ্ভুত। স্পষ্টতই রোমা যায় বিভিন্ন সময়ে বিভিন্ন জনের হাতে লেখা। ভাষাও বিভিন্ন।

আর কিছু?’ উত্তেজিত গলায় ফিসফিস করে উঠলো শিশু।

রূপোর ব্যাল্‌বটর ভেতর হাতড়ালাম আমি। ছোট্ট একটি শিল্পনের পলে শেলাম এবার। পলের ভেতর থেকে বেরোলো হাতির দাঁতের ওপর আঁকা খুলট্ট সুন্দর একটি মিনিয়েচার (ছোট্ট ছবি), আর একটা ছোট্ট চকলেট রঙের গোলমোহর সেটির ওপর আঁকা কয়েকটা চিহ্নঃ



যার অর্থ, এ পর্যন্ত আমরা যতদূর উদ্ধার করতে পেরেছিঃ ‘সুটেন সি রা,’ অনুবাদ করলে দাঁড়ায় ‘রা অর্থাৎ সূর্যের রাজোচিত পুত্র’। মিনিয়েচারের ছবিটা লিওর মায়ের। অপূর্ব সুন্দরী এক মহিলা। উল্টোপিঠে ভিনসিবর হাতে লেখা, ‘আমার প্রিয়তমা স্ত্রী।’

‘বাস, আর কিছু নেই,’ বললাম আমি।

‘বেশ,’ মিনিয়েচারটা নামিয়ে রাখতে রাখতে বললো লিও, এতক্ষণ গভীর মমতার সঙ্গে মায়ের ছবিটা দেখছিলো ও। ‘এবার তাহলে বাবার চিঠিটা পড়া যাক।’

খামের সীলমোহর ভেঙে চিঠিটা বের করলো ও। জোরে জোরে পড়তে শুরু করলোঃ

‘প্রিয় পুত্র লিও,—এ চিঠি যখন খুলবে, যদি ততদিন বেঁচে থাকো, পরিপূর্ণ যুবক হয়ে উঠবে তুমি। আর আমি, অনেক দিন আগে মরে যাওয়া বিসৃত এক মানুষ। তবু এটা পড়ার সময় মনে রাখবে, আমি ছিলাম, আমার সমস্ত অস্তিত্ব নিয়ে আমি ছিলাম, হয়তো এখনো আছি, এই কাগজ কলমের যোগসূত্রের মাঝ দিয়ে মরণ সাগরের এপার থেকে ঝাড়িয়ে দিচ্ছি হাত, কবরের নৈঃশব্দ পেরিয়ে আমার স্বর পৌঁছাতে তোমার কাছে। যদিও আমি মৃত, আমার কোনো স্মৃতিই আর অবশিষ্ট নেই তোমার মনে, তবু এই মুহূর্তে—যখন তুমি পড়ছো এটা, আমি আছি তোমার সাথে তোমার জন্মের পর সামান্য সময়ের জন্যে একবার তোমাকে দেখেছিলাম। বাস এটুকুই, আর কখনো তোমাকে আমি দেখিনি। ক্ষমা করো আমাকে। এমন একজনের প্রাণের বিনিময়ে তুমি প্রাণ পেয়েছিলে যাকে আমি আমার সমস্ত হৃদয় দিয়ে ভালোবেসেছিলাম। এখনো সেই তিক্ত স্মৃতি আমি ভুলতে পারিনি। বেঁচে থাকলে হয়তো পারতাম, কিন্তু আমার নিয়তি তার বিপক্ষে। অসহ্য শারীরিক এবং মনসিক যন্ত্রণা আমাকে কুরে কুরে খাচ্ছে। তোমার ভবিষ্যৎ সম্পর্কে একটা ব্যবস্থা করতে পারলেই এর ইতি টানবো আমি। সেটা যদি ভুল হয়, ঈশ্বর যেন আমাকে ক্ষমা করেন। কিছুতেই আর এক বছরের বেশি বাঁচা চলবে না আমার।’

‘যা ভেবেছিলাম!’ বললাম আমি, ‘আত্মহত্যা করেছিলো ও!’

জবাব দিলো না লিও। পড়তে লাগলো, ‘নিজের সম্পর্কে অনেক কথা বললাম, এবার আসল কথায় আসা যাক। আমার বন্ধু হলি (ও যদি রাজি হয়, ওর ওপরই তোমাকে মানুষ করার ভার দিয়ে যাবো বলে ঠিক করেছি) ইতিমধ্যে নিশ্চয়ই তোমাকে জানিয়েছে তোমার বংশের অসাধারণ প্রাচীনত্বের কথা। এই বাস্তবে হেসব জিনিস আছে তাতেও তার সপক্ষে যথেষ্ট প্রমাণ পাবে। আমার বাবা তাঁর মৃত্যুশয্যায় আমাকে দিয়ে যান বাস্কেট। সেই মুহূর্ত থেকেই ব্যাপারটা শেকড় ছড়াতে শুরু করে আমার মনের ভেতর! আমার বয়স যখন মাত্র উনিশ, তখন আমি সিদ্ধান্ত নিয়ে ফেললাম, পোড়ামাটির ফলকে লেখা উপাখ্যানের সত্যতা যাচাই করবো। এলিজাবেথের আমলে আমাদের এক হতভাগ্য পূর্বপুরুষও সে চেষ্টা করেছিলেন, শোচনীয় পরিণতি হয়েছিলো তাঁর। আমাকেও একই পরিণতি বরণ করতে হয়েছিলো। তবে আমার সৌভাগ্য, আমি ফিরে আসতে পেরেছিলাম এবং নিজের চোখে সব দেখে ফিরেছিলাম। আফ্রিকা উপকূলে, এখনো মানুষের পা পড়েনি এমন এক জায়গায়, জায়েসি নদী যেখানে সাগরে পড়েছে তার কিছু উত্তরে একটা অন্তরীপ আছে। তার শেষ প্রান্তে নিখোর মাথার মতো দেখতে একটা চূড়া উঠে গেছে ওপর দিকে, লেগায় যেমন বর্ণনা আছে তেমন। ওখানে আমি নেমেছিলাম। স্থানীয় এক লোকের সাথে দেখা হয় আমার—কিছু একটা অপরাধ করেছিলো লোকটা ফলে নিজের মানুষজন তাকে বিতাড়িত করে। সে আমাকে জানায়, ডাঙার ভেতর দিকে অনেক দূরে বিরাট বিরাট পাহাড় আছে, পেয়ালার মত চেহারা। অসংখ্য গুহা সেগুলোতে। বিস্তীর্ণ জলাভূমি ঘিরে রেখেছে পুরো অঞ্চলটাকে। আমি আরো জানতে পারি, আরবীর এক উপভাষায় কথা বলে তারা। অদ্ভুত সুন্দরী এক খেতাবিনী তাদের শাসন করে। কালে ভদ্রে কখনো সে দেখা দেয় তাদের সামনে। জীবিত বা মৃত সব কিছুর ওপর নাকি তার ক্ষমতা রয়েছে। দুদিন পরে আমি জানতে পারি, ঐ লোকটা মারা গেছে। জলাভূমি পেরোনোর সময় সংক্রামক জ্বরে আক্রান্ত হয়েছিলো। এই সময় খাবার এবং পানির তীব্র অভাবে পড়ি আমি, অদ্ভুত এক অসুখের লক্ষণও দেখা দেয়। কোনো রকমে আমি আমার ডাউট-এ (এক মাস্তুলতলা এক ধরনের জাহাজ) ফিরে আসতে পেরেছিলাম। সে সময় আমার অবস্থা রীতিমতো বিধ্বস্ত।

‘এরপর বেঁচে থাকার জন্যে কি দুঃসাহসিক কাজ করতে হয়েছিলো আমাকে তার বর্ণনা নিশ্চয়োজন। মাদাগাস্কার উপকূলে ঝিকস্ত হয় আমার ডাউট। কয়েক মাস পর এক ইংলিশ জাহাজ আমাকে উদ্ধার করে এডেন-এ নিয়ে আসে। সেখান থেকে ইংল্যান্ডের পক্ষে রওনা হই আমি। তখনো আমি সিদ্ধান্তে অটল, উপযুক্ত প্রতুতি নিতে যে কয়দিন

লাগে অপেক্ষা করবো, তারপর আবার ফিরে যাবো সেখানে, রহস্যের শেষ দেখে ছাড়বো। ফেরার পথে গ্রীসে ধামলাম। ওখানে পরিচয় হলো তোমার মায়ের সাথে! তাঁকে বিয়ে করলাম আমি। ওখানেই জন্ম হলো তোমার, এবং তোমাকে পৃথিবীর আলো দেখাতে গিয়ে মারা গেলেন তোমার মা। তারপর সেই অন্তিম অসুখে পড়লাম আমি, মরার জন্যে ফিরে এলাম দেশে। তখনও আমি আশা ছাড়িনি, যে রহস্য শতাব্দীর পর শতাব্দী ধরে সযত্নে সংরক্ষণ করেছে আমার পূর্বপুরুষেরা সে রহস্য উন্মোচনের জন্যে জীবন আফ্রিকা উপকূলে যাওয়ার আশা নিয়ে লেগে গেলাম আরবীর সেই বিশেষ উপভাষা শিখতে। কিন্তু লাভ হলো না, দ্রুত ভেঙে পড়লো আমার শরীর। এখানেই শেষ আমার কাহিনী।

কিন্তু তোমার জন্যে এখানেই শেষ নয়—বলতে পারো শুরু। আমার পরিচয়ের কল রেখে যাচ্ছি তোমার জন্যে, সে সাথে বংশানুক্রমে হেসব প্রমাণপত্র পেয়েছি সেগুলোও। আমার ইচ্ছা, এমন একটা বয়েসে এগুলো তোমার হাতে পড়ুক যে বয়েসে সবদিক বিবেচনা করে তুমি নিজেই সিদ্ধান্ত নিতে পারবে, রহস্য অনুসন্ধানের বেরোবে কি বেরোবে না। তোমাকে আমি বিন্দুমাত্র প্রভাবিত করতে চাই না। তুমি নিজেই বিচার করে দেখ সব দিক। যদি মনে হয় তুমি বেরোবে তাহলে যাতে কোনোরকম অভাবে পড়তে না হয় সেজন্যে আমি ব্যবস্থা করে যাচ্ছি। আর যদি মনে করো পুরো ব্যাপারটাই গীজাখুরি, সেক্ষেত্রে তোমার প্রতি আমার সনির্বন্ধ অনুরোধ, ধরুস করে ফেলবে পোড়ামাটির ফলক আর লেখাগুলো, যাতে ভবিষ্যতে এ বংশের আর কেউ আমার বা আমার পূর্বপুরুষদের মতো যত্ননা ভোগ না করে। সেটাই সম্ভবত কৃষ্টিমানের কাজ হবে। মনে রাখবে, কোনো ভাবেই যেন অন্য কারো হাতে না পড়ে জ্বিনিসগুলো।—বিদায়!

এভাবে আচমকা শেষ হয়ে গেল ভিনসির তারিখ, স্বাক্ষরবিহীন চিঠি।

'কি বুঝলে, হলি কাকা?' চিঠিটা টেবিলে নামিয়ে রাখতে রাখতে বললো সিও। 'রহস্যময় কিছু একটা আশা করছিলাম আমরা, এবং মনে হয় পেয়েছি, তাই না?'

'কি বুঝেছি জানতে চাইছো?' বললাম আমি। 'আর কিছু বুঝি আর না বুঝি, তোমার বাপের মাথাটা যে নষ্ট হয়ে গিয়েছিলো তা বুঝতে অসুবিধা হচ্ছে না। বিশ বছর আগের সে রাতেই আমি সন্দেহ করেছিলাম।'

'ঠিক বলেছেন, স্যার!' বললো জব, সবজ্ঞাস্তার উদ্গি তার মুখে।

'যা হোক,' বললো সিও। 'এবার দেখা যাক, পোড়ামাটির ফলকটা কি বলতে চায়।'



বাবার হাতে লেখা অনুবাদটা তুলে নিলো সিঙ। পড়তে লাগলোঃ

'আমি, মৃত্যুপথযাত্রী আমেনার্তাস, মিশরের রাজকীয় ফারাও বংশের মেয়ে, দেবতারার যার সন্তুষ্টি কামনা করে এবং দানবরা যাকে ভয় করে সেই আইসিসের পূজারী ক্যালিক্রেটিসের (সৌন্দর্যের শক্তিশালী) স্ত্রী, আমার শিশুপুত্র টিসিসথেনেনকে (শক্তিমান প্রতিশোধগ্রহণকারী) বলাচ্ছিঃ আমি তোমার বাবার সাথে নেকতানেবেস \* এর আমলে মিশর থেকে পালিয়ে যাই। আমার ভালোবাসার কারণে তিনি তাঁর পুরোহিতের ব্রত ভঙ্গ করেন। স্রলপথে দক্ষিণ দিকে পালাই আমরা। দুবার বারো চাঁদ (অর্ধাৎ দু'বছর) সাগরে ভেসে বেড়ানোর পর উদীয়মান সূর্যের দিকে মুখ করে থাকি লিবিয়া (আফ্রিকা) উপকূলে পৌঁছাই, যেখানে এক নদীর তীরে বিশাল পাথর কুঁড়ে তৈরি করা হয়েছে ইথিওপিয়ানের মাথা। এই সময় ঝড়ে পড়ি আমরা। বিরাট এক নদীর তিতর দিয়ে চারদিন একটানা ভেসে চলি ঝড়ের মুখে। আমাদের সঙ্গী-সাথীদের বেশিরভাগই মারা পড়ে--কেউ ডুবে, কেউ অসুখে। আমরা বেঁচে গেলাম। জঙ্গলী মানুষরা জনশূন্য অবর্ষিত জলাভূমির ওপর দিয়ে নিয়ে গেল আমাদের। সেখানে সামুদ্রিক পাখির ঝাঁক আকাশ ঢেকে ফেলে। দশদিন একটানা চলার পর একটা পাহাড়ের কাছে পৌঁছলাম। পাহাড়ের ভেতরটা ফাঁপা। এককালে বিরাট এক নগর ছিলো সেখানে, এখন ধ্বংসস্তুপ। আর সেখানে আছে গুহা, অসুখা, কোনো মানুষ কখনো তার শেষ দেখেনি। আগন্তুকর মাথায় পাত্র বসিয়ে দেয় যে জাতি তাদের রানীর কাছে আমাদের নিয়ে গেল জঙ্গলীরা। মেয়ে মানুষটা জাদুকরী, দুনিয়ার তাবৎ জিনিস সম্পর্কে জ্ঞান রাখে সে। তার জীবন এবং সৌন্দর্য কোনোটাই কখনো নিঃশেষ হয় না। প্রেমের চোখে সে তাবৎ তোমার বাবা ক্যালিক্রেটিসের দিকে, এবং আমাকে হত্যা করে বিয়ে করতে চায় তোমাকে। কিন্তু তোমার বাবা ভালোবাসতেন আমাকে, তাই তার পান ওর কথায়। তাকে বিয়ে করতে রাজি হলেন না উনি। এতে খেপে গেল সে, তার জাদুর প্রভাবে দুর্গম পথ পেরিয়ে বিশাল এক গহ্বরের কাছে যেতে বাধ্য করলো আমাদের। সেই গহ্বরের মুখে বৃদ্ধ দার্শনিককে মৃত পড়ে থাকতে দেখলাম। আমাদেরকে অমর জীবনের সুশায়মান স্তম্ভ দেখালো সে, সেখানে বস্তু গর্জনের মতো শব্দ শোনা যায়। আগন্তুক শিখার ভেতর গিয়ে দাঁড়ালো সে, বেরিয়ে এলো একটু পরে। দেখলাম, কিছুই ছোট তার, বয়ং রূপ আরো বেড়ে গেছে। তারপর সে শপথ করলো, তার মতোই অমর করে দেবে তোমার বারাকে যদি তিনি

\* মিশরের শেষ মিশরীয় ফারাও। খৃঃ পূঃ ৩৩৯ অব্দে ওকাস থেকে ইথিওপিয়ায় পালিয়ে যান।—সম্পাদক।

আমাকে হত্যা করে তার কাছে আত্মনিবেদন করেন। সে নিজে আমাকে হত্যা করতে পারেনি, কারণ আমার দেশে প্রচলিত জাদুবিদ্যায় আমি পারদর্শী, সেই জাদুর পঙ্ডাব কাটিয়ে আমাকে হত্যা করা সম্ভব ছিলো না ওর পক্ষে। তার সৌন্দর্য যেন দেখতে না হয় সেজন্যে চোখে হাত চাপা দিয়েছিলেন তোমার বাবা, তখন ক্রোধে উন্মত্ত হয়ে ওঠে সে, জাদুর প্রভাবে হত্যা করে তাঁকে। এরপর তাঁর শরীরের ওপর আছড়ে পড়ে কাঁদলো সে, বিলাপ করলো। তারপর ভয় পেয়ে যেখানে জাহাজ আসে সেই বিরাট নদীর মোহনায় পাঠিয়ে দিলো আমাকে। কয়েকদিন পর একটা জাহাজ আমাকে উদ্ধার করে অনেক দূর দেশে নিয়ে যায়, সেখানে আমি জন্ম দিই তোমাকে। তারপর অনেক ঘুরে অনেক কষ্টে অবশেষে পৌছাই এথেন্সে। পুত্র, টিসিসথেনেস, তোমাকে বলছি, ঐ মেয়েলোকটাকে খুঁজে বের করবে এবং জেনে নেবে জীবনের গোপন রহস্য, আর যদি পারো হত্যা করবে তাকে... পিতৃহত্যার প্রতিশোধ নেবে। যদি তুমি ভয় পাও বা ব্যর্থ হও, সেজন্যে তোমার সব উত্তরপুরুষদের উদ্দেশ্যে আমি বলে যাচ্ছি, যতদিন না তাদের ভেতর ভেমন সাহসী কেউ জন্মায়, যে ঐ আঁশুনে স্নান করে এসে বসবে ফারাওয়ের আসনে, ততদিন যেন অব্যাহত থাকে চেষ্টা। এসব কথা আমি বললাম, হতে পারে অতীত বিশ্বাসের কথা, কিন্তু আমি জানি, আমি মিথ্যা বলি না।

‘ঈশ্বর ক্ষমা করুন ওঁকে,’ আর্ভনাদের মতো কথা ক’টা বেরোলো জ্ববের মুখ দিয়ে। এতক্ষণ হাঁ করে চমকপ্রদ কাহিনীটা শুনছিলো ও।

আর আমি, কিছুই বললাম না। প্রথমেই আমার মনে হলো, কাহিনীটা ডিনসির বানানো নয় তো? ... যদিও মনে মনে বুঝতে পারছি, এমন একটা কাহিনী বানানো প্রায় অসম্ভব। অতিমাত্রায় মৌলিক এ কাহিনী। সন্দেহ নিরসনের জন্যে তুলে নিলাম পোড়ামাটির ফলকটা। পড়তে শুরু করলাম, প্রাচীন গ্রীক বড় হরফে লেখা মূল পিপিটা। দেখলাম, ডিনসির অনুবাদের সাথে কোনো পার্থক্য নেই এর।

পোড়ামাটির ফলকটার এ পিঠে আরো কয়েকটা জিনিস চোখে পড়লো আমার। একেবারে ওপরে অনুজ্জ্বল লাল রঙে আঁকা একটা ছবি, কাজ করা রূপোর বাস্কে যে গোলমোহরটা পেয়েছি তাতে যে ছবি আঁকা ঠিক সেমতম। পার্থক্য একটাই, এ ছবিটা উল্টো। অর্থাৎ ঐ মোহরে রং মাখিয়ে ছাপ দিয়ে আঁকা হয়েছে ছবিটা।

লিপির একদম নিচে ঐ একই অনুজ্জ্বল জ্বাল-এ আঁকা একটা স্কিৎস-এর মাথা এবং কীধ। মর্যাদার প্রতীক দুটো পালক পছর আছে স্কিৎসটা।

ফলকের ডান পাশে লাল কালি দিয়ে লেখা কয়েকটা কথাঃ ‘পৃথিবীতে, আকাশে এবং সাগরে কত বিচিত্র জিনিসই না আছে।’ নিচে নীল রং-এ সই করা, ‘ডেরোথি

ভিনসি'।

কিছুই বুঝলাম না। হতবুদ্ধি হয়ে ওঁটালাম ফলকটা। এ পাশে খুঁদে খুঁদে অক্ষরে অসংখ্য মন্তব্য আর স্বাক্ষর; গ্রীক-এ, ল্যাটিন-এ, ইংরেজিতে। প্রথমটার লেখক টিনিসথেনেস। গ্রীক বড় হরফে তাঁর ছেলেকে উদ্দেশ্য করে লিখেছে, 'আমি পারলাম না যেতে। টিনিসথেনেস, পুত্র ক্যালিক্রেটিনকে।'

এই ক্যালিক্রেটিন (সম্ভবত গ্রীক রীতিতে দাদার নামে নাম রাখা হয়েছিলো তার) বোধহয় বেরিয়েছিলো অনুসন্ধান, কিন্তু ব্যর্থ হয়। তার হাতে লেখা অস্পষ্ট কথামূলো দেখলামঃ 'রওনা হয়েও ফিরে আসতে বাধ্য হলাম। দেবতারা আমার বিরুদ্ধে। ক্যালিক্রেটিন তার পুত্রকে।'

এর পরের কতকগুলো লেখা একেবারে অস্পষ্ট হয়ে গেছে। দু'একটা শব্দ ছাড়া সেগুলোর কিছুই পড়তে পারলাম না। তারপর এক জায়গায় দেখলাম একটা স্বাক্ষরঃ 'লায়োনেল ভিনসি'। এর ঠিক ডানে লেখা, 'জি.বি.ভি'। এবং এর নিচে বিচিত্র হাতের লেখায় এক গাদা গ্রীক দস্তখত—প্রায় প্রত্যেকটার সাথে এই শব্দ ক'টা আছেঃ 'আমার পুত্রের প্রতি'।

এর পর যে শব্দটা আমি পড়তে পারলাম, তা হলো 'রোম, এ. ইউ. সি.' অর্থাৎ রোমে চলে এসেছে পরিবারটা। এরপর বারোটা ল্যাটিন স্বাক্ষর। এই বারোটার ন'টা নামই শেষ হয়েছে 'ভিনডেক্স' অর্থাৎ 'প্রতিশোধগ্রহণকারী' শব্দটা দিয়ে। সম্ভবত ল্যাটিন শব্দটা প্রথমে দ্য ভিনসি পরে শুধু ভিনসিতে রূপান্তরিত হয়।

রোমান নামগুলোর পর বেশ কয়েক শতাব্দীর ফাঁক। এই সময়ে কি হয়েছিলো, কার কাছে ছিলো ফলকটা, কোনো উল্লেখ নেই। ভিনসি বলেছিলো, পরিবারটা শেষ পর্যন্ত লোন্ডার্ডিতে স্থিত হয়েছিলো এবং শার্লোমেনের সময় আল্পস পেরিয়ে ব্রিটানিতে গিয়ে বসতি স্থাপন করেছিলো। এসব কথা ভিনসি কি করে জানে জানি না। কারণ এ সম্পর্কে কোনো কথা বা, এ সময়ের কারো স্বাক্ষর নেই কলকে।

এরপর দেখলাম অদ্ভুত একটা লিপি। ফলকটার মূল ল্যাটিন ভাষায় লেখা। রূপোর বাজে পাওয়া দ্বিতীয় পাঠমেন্টটায় ইংরেজির পাঠান রূপে রূপান্তর করা হয়েছে সেটা। মূল লিপিটা লিখছেন দ্য ভিনসি, ১৪৪৫ খ্রীস্টাব্দে। তার ছেলে বা নাতি কেউ সম্ভবত করেছে পাঠমেন্টের অনুবাদটা।

সবশেষে এলো আর একটা ভিনসি, আমেনার্তান-এর মূল লিপির আর একটা অনুবাদ, মধ্যযুগীয় ল্যাটিনে করা।

'সব তো শুনলে,' পোড়ামাটির ফলকটা নামিয়ে রাখতে রাখতে বললাম আমি

'এবার তোমার মত কি?'

'তোমার?' স্বভাবসুলভ চটপটে গলায় জিজ্ঞেস করলো লিও।

'পোড়ামাটির ফলকটা নিঃসন্দেহে খাটি। তবে ওর ওপর আমোনাতারসের লেখাটা পাগলের প্রলাপ ছাড়া কিছু নয়। স্বামী'র মৃত্যু এবং তার আগের ও পরের দুঃখ কষ্টে মাথা বিগড়ে গিয়েছিলো মহিলার।'

'তাই যদি হবে, বাবা যা যা দেখেছিলেন বা শুনেছিলেন সে সব কি?'

'নিছক কাকতালীয় ঘটনা। আফ্রিকা উপকূলে অনেক পাহাড় থাকতে পারে যার একটা চূড়া নিগ্রোর মাথার মতো দেখতে, ওখানে এমন লোকও থাকতে পারে যারা জঘন্য আরবীতে কথা বলে, আর জলাভূমি তো থাকতেই পারে। তাছাড়া, একটা কথা, লিও, দুঃখ পেও না, তিনসি যখন ঐ চিঠিটা তোমাকে লেখে, আমার বিশ্বাস ও-ও তখন সুস্থ মস্তিষ্কে ছিলো না। আমি নিশ্চিত, সব ফলতু কথা। -- জুমি কি বসো, জব?'

'আমারও তাই ধারণা, স্যার, সব গাঁজাখুরি গম্বো। আর যদি সত্যি হয়ও, নিশ্চয়ই মিস্টার লিও খামোকা ওসব বিপদ আর কামেলার ভেতর যাবেন না?'

'হয়তো তোমাদের দু'জনের ধারণাই ঠিক,' নিরুৎসাহ গলায় বললো লিও। 'আমি কোনো মত দিতে যাচ্ছি না। কিন্তু আমি, চিরতরে ইতি ঘটতে চাই ব্যাপারটার। তোমরা কেউ যদি না যাও, আমি একাই যাবো।'

লিওর মুখের দিকে তাকাগাম আমি। স্থির প্রতিজ্ঞার ছাপ দেখলাম সেখানে। লিওর মুখের এই বিশেষ ভাবটা আমার পরিচিত। ছোটবেলা থেকে দেখে আসছি—ওর মুখে এই ছাপটা পড়ার অর্থ, ও সিদ্ধান্তে অটল। এখন ও ভাববে তবু মচকতে রাজি নয়। কিন্তু লিওকে একা ছেড়ে দেয়ার কথা আমি ভাবতেও পারি না। এই পৃথিবীতে ও আমার একমাত্র বন্ধন। আমার পৃথিবী বলতেই তো লিও—তাই, সন্তান, বন্ধু—ও—ই আমার সব। ও যেখানে যাবে—যখন জানি বিপদের সম্ভাবনা আছে—আমাকেও যেতে হবে সাথে। কিন্তু অবশ্যই ওকে জানতে দেয়া চলবে না, আমার ওপর ওর প্রভাব কত বড়ো। সুতরাং ওর সাথে যাওয়ার জন্যে এবার একটা ছুতো পুজতে হবে আমাকে। নিরাসক্ত ভঙ্গিতে চুপ করে রইলাম আমি।

'হ্যাঁ, বুড়ো কখনো কখনো লিও এ নামে ডাকে আমাকে), আমি যাবো। "সমর জীবনের ঘূর্ণায়মান স্তরের" দেখা যদি না-ও পাই, তুখোড় এক চোট শিকার তো হবে।'

এই তো পেয়ে গেছি ছুতো! সঙ্গে সঙ্গে বললাম কথাটা।

'শিকার!' বললাম আমি। 'হ্যাঁ-হ্যাঁ, কথাটা তো ভাবিনি। নিশ্চয়ই ভয়ানক বুনো

দেশটা, বড়সড় একটা দান মারা যাবে হয়তো। সারা জীবনের যত্ন আমার, মরার আগে একটা বাফেলো মারবো। এবার সুযোগ পাওয়া গেছে। বুঝলে, লিও, ওসব অনুসন্ধান ইত্যাদি তুমিই চালিও, আমি শিকার করবো। তুমি যখন যাবেই, আমিও যাই, তোমার সাথে কয়েকটা দিন ছুটি কাটিয়ে আসি।’

‘আগেই জানতাম,’ বললো লিও। ‘এমন সুযোগ তুমি ছাড়তে পারবে না। কিন্তু, টাকা পয়সার কি হবে? বেশ মোটা একটা অঙ্ক তো লাগবে?’

‘ও নিয়ে ভাবতে হবে না তোমাকে। গত বিশ বছর ধরে জমা হয়েছে তোমার আয়, আর আনার কাছেও আছে কিছু। তোমার বাবা যা দিয়ে গিয়েছিলো তার তিন ভাগের দু’ভাগই জমা হয়েছে। টাকা-পয়সা কোনো সমস্যাই না।’

‘তাহলে আর দেরি কেন, যত তাড়াতাড়ি সম্ভব রওনা হওয়ার ব্যবস্থা করতে হয়। শহর থেকে কয়েকটা বন্দুকও কিনতে হবে। ভালো কথা, জব, তুমি আসছো নাকি? জীবনটা তো ঘরের কোণেই কাটিয়ে দিলে, এবার দুনিয়াটা একটু দেখ।’

‘দুনিয়া দেখার শখ খুব একটা নেই আমার,’ নিরাসক্ত গলায় বললো জব। ‘ভবে কিনা, আপনারা দু’জন যাচ্ছেন, আপনাদের দেখাশোনার জন্যে তো কাউকে না কাউকে দরকার। বিশ বছর আপনাদের সেবা করেছি, এখনই বা কববো না কেন?’

‘ঠিক, জব,’ বললো আমি। ‘খুব মজার কিছু দেখতে পাবে তা ডেবো না, তবে শিকার করতে পারবে ইচ্ছে মতো। আর হ্যাঁ, তোমাদের দু’জনকেই বলছি এ নিয়ে কোনো কথাই যেন কাইরের কেউ জানতে না পারে,’ পোড়ামাটির ফলকটার দিকে ইশারা করলাম আমি। ‘মানুষ আমাদের পাগল ভাবুক তা আমি চাই না।’

## চার

প্রায় মাঝ রাত। সামনে বিস্তীর্ণ শান্ত সমুদ্র। পূর্ণ চাঁদের রূপালি আলোয় নিকম্বিক করছে। অনুকূল বাতাসে ফুলে আছে আমাদের ডাউ-এর বিশাল পালটা। মৃদু দুর্লুনির সাথে তরতরিয়ে এগিয়ে যাচ্ছে ডাউ। সামনে বেশির ভাগ লোকই ঘুমিয়ে আছে। শ্যামলা রঙের শক্তপোক্ত এক আরব-নাম মাহিমুদ - অলস ভঙ্গিতে ধরে আছে হালের দণ্ড। ডানদিকে তিন-চার মাইল দূরে অস্পষ্ট একটা রেখা। মধ্য আফ্রিকার পূর্ব উপকূল ওটা।

শান্ত রাত। এত শান্ত যে, ডাউ-এর সামনে ফিসফিস করে কথা বললে পেছন

থেকে শোনা যায়। হঠাৎ ডাঙার দিক থেকে ভেসে এলো অস্পষ্ট অথচ গম্ভীর একটা আওয়াজ।

হালের দণ্ডটা শক্ত করে ধরলো আরব, একটা মাত্র শব্দ উচ্চারণ করলো, 'সিমবা (সিংহ)!'।

উঠে বসে কান খাড়া করলাম আমরা আবার। শোনা গেল ধীর: গম্ভীর আওয়াজটা। রোমাঙ্কিত হয়ে উঠলো আমাদের শরীর।

'ক্যান্টেন যদি হিসেবে গোলমাল না করে থাকে,' বললাম আমি। 'কাল সকাল দশটা নাগাদ সেই রহস্যময় মানুষের মুণ্ডুওয়ালা পাহাড়ের কাছে পৌঁছে যাবো আমরা, তারপর শুরু হবে শিকার!'

'তারপর শুরু হবে খোঁজ,' মুখ থেকে পাইপ সরিয়ে সংশোধন করে দিলো লিও। মৃদু হেসে যোগ করলো, 'প্রাচীন নগরীর ধ্বংসাবশেষ আর অমর জীবনের আশুনা।'

'যত্নসব পাগলামি, নিকেলের তো হালের ওই লোকটার সঙ্গে আলাপ বন্ধ ছিলে, কি বললো? ব্যবসার কারণে (সম্ভবত দাস ব্যবসা) জীবনের অর্ধেকটা সময় ও আসা যাওয়া করছে এপথে, সেই "মানুষ" পাহাড়ের কাছে নেমেছেও একবার। ধ্বংস হয়ে যাওয়া শহর আর গুহার কথা কখনো শুনেছে ও?'

'না, ও বলছে, পাহাড়ের ওপাশ থেকেই শুরু হয়েছে জলাভূমি, সাপ-খোপের আড্ডা। যতদূর জানি, আফ্রিকার পুরো পূর্ব উপকূল জুড়েই আছে অমন জলাভূমি, তার মানে খুব বেশি চওড়া নয়।'

'ঐ আশাতেই থাকো--ম্যালেরিয়ার বাসা জায়গাটা। ঐ জায়গা সম্পর্কে কি ধারণা ওদের শুনেছো তো? কেউ যেতে রাজি নয় আমাদের সাথে। পাগল ভাবছে আমাদের। সত্যি কথা বলতে কি, আমার মনে হয় ঠিকই ভাবছে ওরা। সাধের ইংল্যান্ডে যদি ফিরে আসতে পারি বুঝবো অনেক পুণ্য করেছিলো পূর্বপুরুষেরা। তেবো না আমার জনো বলছি গোণ্ডলো। আমার যা বয়েস তাতে এখন বাঁচলেই কি মারা মরলেই কি? ভাবছি আমার আর জবের কথা। সত্যি বলছি, বাবা, কাজটা মোকামি হবে।'

'হোক, হোরেস কাবো। এতদূর যখন এসেছি, তখন আমি করবোই। আরে! মেঘ এসেছে দেখছি!' হাত তুলে ইশারা করলো ও।

সত্যিই তাই, আমাদের কয়েক মাইল পথের রাতের ধূসর আকাশের গায়ে কালো গাণ্ডি লেপে দিয়েছে কে যেন।

'হালের লোকটাকে জিজ্ঞেস করো তো, কি ব্যাপার।'

উঠে এগিয়ে গেল লিও। ফিরে এলো প্রায় সঙ্গে সঙ্গে।

‘ও বলছে, দমকা বড় উঠতে পারে, তবে ভয়ের কিছু নাকি নেই, আমাদের পাশ কাটিয়ে চলে যাবে ঝড়টা।’

এই সময় ওপরে উঠে এলো জব। বাদামী রঙের শিকারির পোশাকে খুবই চৌকস দেখাচ্ছে ওকে। শুধু হ্যাটটা হাস্যকর ভঙ্গিতে ঝুলে আছে মাথার পেছনে।

‘আমি, স্যার, পেছনের ঐ তিমি নৌকায় (Whale boat) গিয়ে শুই,’ উদ্দিগ্ন গলায় বললো ও। ‘আমাদের বন্দুক, গুলি-বারুদ, খাবার দাবার সব ওর ভেতর। ঐ কেলেভৃতগুলোর চাউনি,’ এখানে ঝাদে নেমে এলো ওর গলা, ‘একদম পছন্দ হচ্ছে না আমার। কেউ যদি ওতে উঠে দড়ি কেটে পালায় কিছু করতে পারবো না আমরা।’

তিমি নৌকাটা আমরা তৈরি করিয়েছিলাম স্কটল্যান্ডের ডাণ্ডিতে। কাজে লাগতে পারে ভেবে সঙ্গে এনেছিলাম। যেখানে আমরা নামবো, আফ্রিকা উপকূলের সে জায়গাটা খুব দুর্গম, নানা আকারের ডুবো আধা ডুবো পাহাড়ে ভর্তি। দরকার পড়তে পারে তেবে এমনিই আমরা সঙ্গে এনেছিলাম ওটা। এখন দেখছি আমাদের ধারণাই সত্যি। ক্যাপ্টেন জানিয়েছে ডুবো পাহাড়ের কারণে ডাউ তীরের খুব একটা কাছে যেতে পারবে না। তার মানে ঐ তিমি নৌকায় করেই তীরে যেতে হবে আমাদের। চমৎকার জিনিসটা—ত্রিশ ফুট লম্বা, মাঝামাঝি জায়গায় পাল খাটানোর মাস্তুল, তলাটা তামার পাত দিয়ে মোড়া, কয়েকটা জল নিরোধী কুঁহরিও আছে। আঙ্গ সকালে ক্যাপ্টেন যখন জানায় কাল বেলা দশটা নাগাদ জায়গা মতো পৌঁছে যাবো, তখনই আমরা আমাদের যাবতীয় জিনিসপত্র বোঝাই করে ফেলি ওতে। কাল সকালে হয়তো সময় পাওয়া যাবে না। অর্থাৎ এখন যে কোনো মুহূর্তে ছাড়বার জন্যে তৈরি নৌকাটা। সুতরাং জব যা বলেছে ঠিকই বলেছে।

‘বেশ, জব,’ বললাম আমি। ‘থচুর কল আছে ওতে। গুড়ি দিয়ে শুয়ে গড়োগে যাও।’

আবার আগের জায়গায় এসে বসলাম আমরা। চমৎকার রাত। বসে বসে গল্প করতে লাগলাম আমি আর সিও। তারপর কখন কিম্বলি জেগেছে, কখন ঘুমিয়ে গেছি কিছু টের পাইনি।

আচমকা তীব্র বাতাসের গর্জন আর জোরে জোরে নাবিকদের প্রাণ কাঁপানো চিৎকার শুনে ঘুম ভেঙে গেল আমাদের। জনের কাপড় টানবুকের মতো এসে লাগছে চোখেমুখে। এক পলক তাকিয়েই বুঝলাম এসে পড়েছে দমকা বড়। কয়েকজন নাবিক পাল নামানোর জন্যে ছুটে গেল দড়ি-দড়ার দিকে। কিন্তু তাড়াহড়ায় আটকে গেল কপিকল। নামলো না পাল। আমি তড়াক করে লাফিয়ে উঠে শক্ত করে আঁকড়ে ধরলাম

একটা রশি। মাথার ওপর নিকষ কালো আকাশ। কিন্তু আশ্চর্য, আমাদের সামনেটা এখনো পরিষ্কার, চাঁদ হাসছে।

হঠাৎ খেয়াল করলাম, বিশাল একটা ঢেউয়ের মাথায় চড়ে অনেক উপরে উঠে গেছে তিমি নৌকার কালো অবয়বটা। বিশাল ঢেউটা ক্রমশ এগিয়ে আসছে ডাউ-এর দিকে। পলকের মধ্যে দেখলাম পুরো দৃশ্যটা। রশি আঁকড়ে ধরলাম আরো শক্ত করে। পরমুহূর্তে নোনা জলের নিচে চাপা পড়ে গেলাম আমি।

ঢেউটা চলে গেল। মনে হলো, না জানি কত মিনিট ধরে ছিলাম পানির নিচে— আসলে কয়েক সেকেন্ড মাত্র। উপরে তাকিয়ে দেখলাম, ঝড়ের দাপটে ছিঁড়ে খুঁড়ে গেছে বিশাল পালটা। মাস্তুলের মাথায় প্রকাণ্ড এক পাখির ডানার মতো ঝটপটিয়ে চলেছে।

এই সময় শুনলাম জ্বের চিৎকার, 'এদিকে আসুন, স্যার! নৌকায়!'

পুরোপুরি দিশেহারা অবস্থার ভেতরেও অনুভব করলাম পেছনে ছুটে যেতে হবে আমাকে। বুঝতে পারছি ডুবে যাচ্ছে ডাউ—খালের বেশিরভাগই পানিতে ভরে গেছে। প্রচণ্ড ব্যতাসে ভয়ানকভাবে এদিক ওদিক দুলছে তিমি নৌকা। দেখলাম হালের কাছে দাঁড়ানো আরবটা লাফিয়ে পড়লো ওতে। আমিও ছুটে গিয়ে ধরলাম নৌকা বঁধা রশিটা। সর্বশক্তিতে ডাউ-এর পাশে টেনে আনার চেষ্টা করলাম তিমি নৌকাটাকে। একটু কাছে আসতেই ওতে লাফিয়ে পড়লাম আমি। মাহমুদ তার কোমরের কাছ থেকে বীকা একটা ছোরা বের করে কেটে দিলো রশি। এক মুহূর্ত পরে দেখলাম তীব্র ঝড়ের মুখে ছুটে চলেছে তিমি নৌকা, ডাউ-এর কোনো চিহ্ন নেই কোথাও।

'হায়, ঈশ্বর,' ডুকরে উঠলাম আমি। 'লিও কোথায়? লিও! লিও!'

'ভেসে গেছে, স্যার, ঈশ্বর তার মঙ্গল করুন!' আমার কানের কাছে মুখ এনে চিৎকার করলো জব।

তীব্র আক্ষেপে হাত দুটো মুঠো হয়ে গেল আমার। লিও ডুবে গেছে, আর আমি বেঁচে আছি শোক করার জন্য!

'সাবধান!' হাঁক ছাড়লো জব। 'আরেকটা আসছে!'

মুখ ঘোরাতেই দেখলাম সত্যিই আরেকটা আসছে। ঢেউ! আগেরটার মতোই বিশাল। দ্রুত এগিয়ে আসছে আমাদের ছোট তিমি নৌকার দিকে। অবাধ বিশ্বাসে আমি তাকিয়ে রইলাম সেই ভয়ঙ্কর দৃশ্যের দিকে। উত্তিমধ্যে চাঁদ প্রায় পুরো ঢাকা পড়ে গেছে মেঘের আড়ালে। এখনো যেটুকু বাকি আছে তা থেকে সামান্য আলো এসে পড়েছে বিশাল ঢেউটার ওপর। হঠাৎ মনে হলো কিছু একটা যেন রয়েছে ওটার মাথায়।

এসে পড়েছে ঢেউটা! আর কয়েক গজ। তারপরই উঠে পড়বে নৌকার ওপর।



পরমুহূর্তে জলের পাহাড় হুড়মুড় করে ভেঙে পড়লো আমাদের ওপর। পুরো নৌকা ভর্তি হয়ে গেল পানিতে। কিন্তু বাতাস নিরোহী কুঠুরিগুলোর জন্যে এক সেকেন্ড পরেই রাজহীসের মতো ভেসে উঠলো ওটা। সঙ্গে সঙ্গে দেখলাম বিস্কুরু চেউয়ের চূড়ায় জমে ওঠা ফেনার আড়াল থেকে সোজা আমার দিকে ধেয়ে আসছে কি যেন। হাত বাড়িয়ে দিলাম আমি। পরমুহূর্তে অন্য একটা হাত আঁকড়ে ধরলো আমার হাত। সঙ্গে সঙ্গে অনুভব করলাম চেউয়ের প্রচণ্ড টান। কিন্তু ছাড়লাম না হাতটা। দুসেকেন্ড পর চলে গেল চেউ। আমরা নৌকার ওপর হাঁটুজলে দাঁড়িয়ে রইলাম।

'পানি সেচুন, স্যার!' চিৎকার করে উঠলো জব। বলতে বলতে পানি সেচার কাজে লেগে গেছে ও।

কিন্তু আমি ঠিক সে মুহূর্তে শুরু করতে পারলাম না পানি সেচার কাজ। কারণ এইমাত্র যাকে উদ্ধার করেছি তার মুখ দেখতে পেয়েছি অস্পষ্ট চাঁদের আলোয়। নৌকার খোলে আধশোয়া আধভাসা অবস্থায় পড়ে আছে, আর কেউ না, লিও।

'পানি সেচুন! পানি সেচুন!' আবার হাঁক ছাড়লো জব, 'নয়তো ডুবে যাবো আমরা!'

হাতল লাগানো বড় একটা টিনের গামলা নিয়ে পানি সেচতে শুরু করলাম আমি। মাহমুদও একটা পাত্র নিয়ে হাত লাগিয়েছে। সমানে ফুঁসছে সমুদ্র। ফোয়ারার মতো পানির বাপটা এসে লাগছে আমাদের চোখে মুখে।

প্রাণপণে পানি সেচে চলেছি আমরা। এক মিনিট! তিন মিনিট! ছয় মিনিট। একটু একটু করে হাল্কা হচ্ছে নৌকা! আর কোনো চেউ এলো না আমাদের ওপর। আরো পাঁচ মিনিট কাটলো। নৌকার খোল প্রায় জলশূন্য করে ফেলেছি, এমন সময় বর্ডার জার্ডনাদ ছাপিয়ে শুরু গম্বীর একটা আওয়াজ ভেসে এলো আমার কানে। সর্বমুখ্য। চেউয়ের গর্জন।

ঠিক সেই মুহূর্তে চাঁদ আবার বেরিয়ে এলো মেঘের আড়াল থেকে। স্নিগ্ধ আলোর বন্যায় প্রাবিত হয়ে গেল বিস্কুরু সাগর। সেই আলোয় দেখলাম, আমাদের প্রায় আধমাইল সামনে ফেনার শাদা একটা রেখা। তারপর খানিকটা জায়গা কালো অন্ধকার। তারপর আবার শাদা রেখা। নিঃসন্দেহে স্যারি বেঁধে এগিয়ে আসছে চেউ। ক্রমশ উঁচুঘামে উঠছে গর্জনের আওয়াজ।

'হাল ধরো, মাহমুদ!' আরবীতে চিৎকার করে উঠলাম আমি। 'যেভাবেই হোক ফাঁকি দিতে হবে ওগুলোকে।' বলতে বলতে ছৌ মেরে একটা দাঁড় তুলে নিলাম, জবকেও ইশারা করলাম নিতে।

লাফ দিয়ে পেছনে চলে গেল মাহমুদ। হাল ধরলো। ইতিমধ্যে জ্বও জ্বলে নিয়েছে একটা দাঁড়। প্রাণপণে দাঁড় টানছি আমরা। এক মিনিটেরও কম সময়ের ভেতর দেখলাম, এসে গেছে ঢেউয়ের সারি। আমাদের ঠিক সামনে ঢেউয়ের প্রথম সারিটা, বাঁ অথবা ডানদিকের গুলোর চেয়ে একটু ছোট। ঘাড় ফিরিয়ে ওটার দিকে ইশারা করলাম আমি।

‘ওখান দিয়ে পার করে নাও, মাহমুদ!’ চিৎকার করে বললাম।

অত্যন্ত দক্ষ মাঝি মাহমুদ। নিপুণভাবে পেরিয়ে গেল ঢেউয়ের প্রথম সারিটা। কিন্তু পরেরগুলোকে আর এড়াতে পারলো না। এক সঙ্গে অনেকগুলো ঢেউ—প্রত্যেকটা বিশাল আয়তনের—একের পর এক বয়ে গেল আমাদের ওপর দিয়ে। সে এক অভিজ্ঞতা বটে। আমার শুধু এটুকু মনে আছে, হঠাৎ আবিষ্কার করলাম শাদা ফেনার সমুদ্রে ডাসছি আমরা। ঠান্ডানে, বাঁয়ে, সামনে, পেছনে, যদিকে তাকাই শুধু ফেনা আর ফেনা। আর, প্রতি সেকেন্ডে কতবার করে যে ওপরে উঠেছি আর নিচে নেমেছি বলতে পারবো না।

মাহমুদের দক্ষতার গুণে না ভাগ্যক্রমে জানি না, কিছুই হলো না আমাদের। মিনিট দুয়েক পর হঠাৎ একটা আছাড় খেলো নৌকা, তারপর দেখলাম অপেক্ষাকৃত শান্ত সাগরে ডাসছি আমরা। প্রায় সঙ্গে সঙ্গে খেয়াল করলাম, আধমাইল মতো দূরে আরেক সারি ঢেউ এগিয়ে আসছে। এর মধ্যে আবার জলে ভরে গেছে নৌকার খোল। করণীয় এখন একটাই—আবার প্রাণপণে পানি সেচতে শুরু করলাম আমরা।

ভাগ্য ভালো, বড় প্রায় খেমে গেছে। উজ্জ্বল আলো ছড়াচ্ছে চাঁদ। আধ মাইল বা তার কিছু বেশি দূরে একটা পাহাড়ী অন্তরীপ দেখতে পেলাম। দ্বিতীয় ঢেউয়ের সারিটাকে মনে হচ্ছে সেটারই প্রলম্বিত রূপ। সম্ভবত ওখানে একটা ডুবো বা আধা ডুবো পাহাড়ের সারি আছে। তাতে বাধা পেয়েই ঢেউয়ের সারিটা আরো ফেনাময় হয়ে উঠেছে। প্রাণপণে পানি সেচতে সেচতে এসব ভাবছি, এমন সময় পরম স্বস্তির সান্নিধ্য লক্ষ্য করলাম, চোখ মেলেছে লিও। ওকে চূপ করে শুয়ে থাকতে বললাম, কারণ দ্বিতীয় ঢেউয়ের সারিটা এসে পড়েছে, এ সময় ওটার চেপ্টা বরফে আবার হয়তো ভেসে যাবে না।

এক মিনিটও পার হয়নি, হঠাৎ চিৎকার করে অল্পস্বল্পে ডাকলো আরবটা, আমিও কামনোবাকো স্মরণ করলাম ইশ্বরকে। পর্বতসূত্রে আবার ঢেউয়ের ভেতর পড়লাম আমরা। আগের ঘটনার পুনরাবৃত্তি হলো এবারও, তবে আগের বারের মতো অত প্রচণ্ডভাবে নয়। মাহমুদের দক্ষ নৌচালনা আর বায়ুনিরোধী কুঠুরিগুলো বাঁচিয়ে দিলো আমাদের। কয়েক মিনিটের ভেতর খেয়াল করলাম স্রোতের মুখে ভেসে চলেছি আমরা।

সোজা সেই অন্তরীপটার দিকে।

স্রোতের টানে তীরের দিকে আরও একটু এগোলো নৌকা। তারপর আচমকা থেমে গেল প্রায়। নিস্তরঙ্গ শান্ত জল চারপাশে। ডাঙার দিকে তাকিয়ে দেখলাম, একটা নদীর মুখে এলে পড়েছি আমরা। বড় সম্পূর্ণ থেমে গেছে। আকাশ ঝকঝকে পরিষ্কার। শান্ত পানিতে ভাসছে নৌকা, গতিহীন। লিও কখন ঘুমিয়ে পড়েছে টের পাইনি কেউ। ভেজা কাপড়গুলো সেঁটে আছে ওর শরীরের সাথে। সামনের গলুইয়ে গিয়ে বসেছে জব, মাহনুদ হাল ধরে আছে, আমি বসে আছি নৌকার মাঝামাঝি, লিওর কাছাকাছি।

রাত প্রায় শেষ। চাঁদ ডুবে গেছে। সাগরের মৃদু কল্লোল ছাড়া আর কোনো শব্দ নেই প্রকৃতিতে। যতদূর চোখ যায় দৃষ্টি মেলে দিলাম। না, কোনো চিহ্ন নেই ডুবে যাওয়া ডাউ বা তার কোনো ধ্বংসাবশেষের। পূর্ব দিকে চোখ পড়লো, ফর্সা হয়ে উঠছে আকাশ। একটু পরেই সূর্য উঠবে।

## পাঁচ

ধীরে ধীরে পরিষ্কার হয়ে এলো চারদিক। রাঙা হয়ে উঠতে শুরু করেছে পূর্বের আকাশ। মৃদু স্রোতে একটু একটু করে এগিয়ে চলেছে নৌকা। পাহাড়ী অন্তরীপটার শেষ মাধ্যম চোখ পড়লো আমার। চমকে উঠলাম সঙ্গে সঙ্গে। অদ্ভুত দর্শন এক চূড়া। একটু আগে ওর পাশ দিয়ে এসেছি আমরা। তখন কিছু দেখতে পাইনি—হয়তো অন্ধকার ছিলো বলে, হয়তো দেখার মতো মানসিক অবস্থায় ছিলাম না বলে। চূড়াটা ওপর দিকে প্রায় আশি ফুট মতো চওড়া, গোড়ার দিকে একশো। দেখতে হবহ নিখোর মুখের মতো। পৈশাচিক একটা অভিব্যক্তি ফুটে আছে তাতে। দেখলেই গা শিউরে ওঠে। ভালো করে তাকিয়ে দেখলাম। না চোখের ভুল নয়, নিখোর মুখের মতোই—মোটাসোটা ঠোট, পুরুষ্ট গাল, খ্যাবড়া নাক, গোল মাথা। সত্যিই ভীষণ অদ্ভুত মতো অদ্ভুত, যে কিছুতেই আমার বিশ্বাস হলো না, নেহায়েত প্রকৃতির খেয়ালেই তৈরি হয়েছে এমন একটা জিনিস। হয়তো মিসরের কিংসের মতো এটাও তৈরি করেছিলো এ অঞ্চলের প্রাচীন কোনো জাতি। দু'হাজার বছর আগে মিসরের রাজকন্যা, লিওর পূর্বপুরুষ ক্যালিফ্রেটিসের স্ত্রী আমেনার্তাস দেখেছিলেন এই পৈশাচিক চেহারা, দু'হাজার বছর পরেও যদি কেউ আসে, নিঃসন্দেহে এমনটিই দেখতে পাবে, বদলাবে না কিছুই।

'জব,' ডাকলাম আমি। 'ওদিকে তাকাও, দেখ তো কি ওটা?'

নৌকার এক কোনায় আরাম করে বসে ছিলো জব। ঘাড় ফিরিয়েই বিখিত কণ্ঠে চিৎকার করে উঠলো, 'ও, ঈশ্বর! এ কি?'

ওর চিৎকারে জেগে উঠলো লিও।

'আরে,' অবাক গলায় বললো ও। 'আমার কি হয়েছে?' হাত-পা সব শক্ত মনে হচ্ছে—ডাউ কোথায়? একটু ব্র্যাণ্ডি দাও আমাকে।'

'কপাল ভালো,' বললাম আমি। 'আরো শক্ত হয়ে যাওনি। ডাউটা ডুবে গেছে। ওতে যারা ছিলো তারাও। আমরা চারজনই কেবল রক্ষা পেয়েছি, আর তোমার বেঁচে যাওয়াটা তো রীতিমতো অলৌকিক ঘটনা।' ব্র্যাণ্ডি বের করার জন্যে একটা দেবরাজ খুললো জব, এই ফাঁকে আমি লিওর কাছে বর্ণনা করলাম গত রাতের রোমাঞ্চকর ঘটনা।

'এহ,' অস্ফুট গলায় বললো লিও। 'বড় বাচা বেঁচে গেছি তো!'

ব্র্যাণ্ডি এগিয়ে দিলো জব। নিতে নিতে মুখ তুললো লিও। তরপরই ওর চোখ গেল পাহাড় কুঁদে তৈরি বিশাল নিগ্রোর মাথার দিকে।

'আরে!' চিৎকার করে উঠলো ও, 'ঐ তো সেই ইথিওপিয়ানের মাথা!'

'হ্যাঁ।'

'তার মানে পুরো ব্যাপারটা সত্যি।'

'উহঁ, ওটা এখানে আছে বলেই সব সত্যি এমন ভাবার কোনো কারণ নেই। আমরা জানি, তোমার বাবা এটা দেখেছিলো। কিন্তু আমেনার্তাসের লেখায় যেটার কথা বলা হয়েছে এটাই যে সেটা তার কি প্রমাণ?'

একটু হাসলো লিও। 'তুমি একটা অবিশ্বাসী ইহুদী, হোরেস কফি! যাকগে, ব্যাপারটা সত্যি না মিথ্যে বেঁচে থাকলে আমরা দেখবো।'

'ঠিক,' বললাম আমি। 'এখন নামার চেষ্টা করতে হবে। কব, বৈঠা ধরো,' শেষে আরবীতে যোগ করলাম, 'মাহমুদ, নদীর মুখে ঐ বাগুচরটার দিকে নৌকা চালাও।'

নদীর মুখটা বিশেষ চওড়া মনে হলো না আমার কাছে, যদিও পাড়ের কাছ দিয়ে জমে থাকা কুয়াশার জন্যে প্রকৃত মাপ বুঝতে পারছিলাম না। ধীর গতিতে এগিয়ে চলেছি আমরা সেদিকে। ভাগ্য ভালো ভাটা নয় এখন। পূর্ব আফ্রিকার নদীগুলো সম্পর্কে যা শুনেছি তাতে ভাটার সময় জাহাজ তো দুবেলা কণা নৌকা পর্যন্ত চুকতে পারে না নদীতে।

যা হোক, মিনিট বিশেকের ভেতর আমরা পেরিয়ে গেলাম নদী মুখ। আমি আমার জব দাঁড় টানছি, বাতাসেরও সাহায্য পাচ্ছি সামান্য। লিও এখনো বেশ দুর্বল, তাই

ওকে বসে থাকতে বলেছি। বেশ খানিকটা উঠে এসেছে সূর্য, কুয়াশাও অনেক পাতলা হয়ে গেছে। ধীরে ধীরে উষ্ণ হয়ে উঠছে প্রকৃতি। এখন বেশ পরিষ্কার দেখা যাচ্ছে চারপাশ। খেয়াল করলাম, প্রায় আধ মাইলের মতো চওড়া হবে নদীর মোহনাটা। পাড়গুলো কাদায় ভর্তি আর সে কাদার ওপর শুয়ে আছে অসংখ্য কুমীর। মনে হচ্ছে বিদঘুটে চেহারার অজস্র কাঠের টুকরো যেন কে ছড়িয়ে রেখেছে।

প্রায় এক মাইল চলে আসার পর পাড়ের কাছে এক জায়গায় এক টুকরো শক্ত জমি দেখতে পেলাম। ওখানে নৌকা ভেঙলাম আমরা। একটাও কুমীর দেখতে পেলাম না আশপাশে। ভাগ্যকে ধন্যবাদ দিয়ে নেমে এলাম পাড়ে। গায়ের কাপড় চোপড় এবং নৌকার জিনিসপত্র সব কাল রাতে ভিজে একসা হয়েছিলো। প্রথমেই সেগুলো মেলে দিলাম রোদে শুকানোর জন্যে। তারপর ঝাঁকড়া পাতাওয়ালা একটা গাছের ছায়ায় বসে নাশ্তা সেরে নিলাম। নাশ্তা শেষ হতে না হতেই দেখলাম শুকিয়ে গেছে কাপড়গুলো। চারপাশটা ঘুরে ফিরে দেখতে হবে এবার।

প্রায় দু'শো গজ চওড়া এবং পাঁচশো গজ লম্বা একটুকরো শুকনো জমির ওপর রয়েছি আমরা। এক দিক দিয়ে বয়ে যাচ্ছে নদী। বাকি তিন দিকে অন্তহীন জনশূন্য জলাভূমি। জলাভূমি এবং নদীর উপরিভাগ থেকে প্রায় পঁচিশ ফুট উচু জায়গাটা। দেখে মনে হয় মানুষের হাতে তৈরি।

‘এক কালে বোধহয় জাহাজঘাট ছিলো এখানে,’ বললো লিও।

‘পাগল,’ জবাব দিলাম আমি, ‘একে জঙ্গলীদের রাজত্ব, তার ওপর এ রকম জলা জায়গা, কোন্‌ গর্দভ এখনে জাহাজঘাটা বানাবে?’

‘হয়তো আগে এখানে এমন জলা ছিলো না, হয়তো এখানকার লোকেরা চিরকালই জঙ্গলী ছিলো না,’ পাড়ের খাড়া ঢালে এক জায়গায় তীক্ষ্ণ চোখে তাকিয়ে লিও বললো।

‘ওখানে দেখ, পাথর মনে হচ্ছে না?’

‘পাগল,’ আবার বললাম আমি! বললাম বটে কিন্তু লিওর সঙ্গে সাবধানে নেমে গেলাম জায়গাটায়।

‘কি মনে হয়?’ জিজ্ঞেস করলো ও।

এবার কোনো জবাব দিতে পারলাম না আমি। কারণ দেখলাম সত্যিই মাটির ভেতর থেকে বেরিয়ে এসেছে চৌকো এক খণ্ড পাথর। বেশ বড় এবং শক্ত। ছুরির ডগা দিয়ে খোঁচা মেরে দেখলাম, একটুও দাগ পড়লো না।

‘জৈটির মতোই তো মনে হচ্ছে, হোরেস কাঁকা,’ উত্তেজিত গলায় বললো লিও।

‘বড় বড় জাহাজ ভিড়তো বোধহয়।’

আবার বলতে চেষ্টা করলাম, 'পাগল', কিন্তু কথাটা আটকে গেল গলার কাছে। আমিও এখন বিশ্বাস করতে শুরু করেছি, সত্যিই হয়তো জাহাজঘাট ছিলো এখানে।

'গল্পটা তাহলে নেহাত গল্প ছিলো না, হোরেস কাকা,' উত্তেজিত গলায় বললো লিও।

সরাসরি কোনো জবাব দিতে পারলাম না আমি। বললাম, 'আফ্রিকার মতো একটা দেশে এমন আশ্চর্য অনেক কিছুই থাকতে পারে। মিসরীয় সভ্যতার বয়স কত তা কে বলতে পারে? তারপর ব্যাবিলনীয়রা ছিলো, ফিনিসিয়রা ছিলো, ছিলো পার্সিয়ানরা—এদের সবাই কম বেশি সভ্য ছিলো। এদের কারো উপনিবেশ বা বাণিজ্য ঘাঁটি হয়তো ছিলো এখানে, কে বলতে পারে?'

'ঠিক ঠিক। কিন্তু এতক্ষণ তো এ কথা মানতে চাইছিলো না তুমি।'

এ কথার জবাব দেয়া যায় না। কথার মোড় ঘুরিয়ে দেয়ার প্রয়োজন বোধ করলাম আমি। বললাম, 'বেশ, এখন কি করা যায় তাই বলো।'

জানি এই মুহূর্তে এ প্রশ্নের জবাব দিতে পারবে না ও। ধীরে ধীরে জলাভূমির প্রান্তের দিকে এগিয়ে গেলাম আমরা। যতদূর চোখ যায় ধুধু করছে জল-কাদা। মাঝে মধ্যে নানা ধরনের জলজ উদ্ভিদ। অসংখ্য জলজ পাখিও দেখলাম, একবার উড়ছে একবার বসছে।

'দুটো জিনিস পরিষ্কার বুঝতে পারছি,' আমি বললাম। 'প্রথমত এর ওপর দিয়ে যেতে পারবো না আমরা,' বিস্তৃত জলাভূমির দিকে ইঙ্গিত করলাম, 'আর, দ্বিতীয়ত, এখানে যদি চূপচাপ বসে থাকি, নির্ঘাত অসুখে পড়তে হবে।'

'দিবালোকের মতো পরিষ্কার, স্যার,' বললো জব।

'হঁ। তার মানে দুটো পথ আছে আমাদের সামনে। একটা, তিমি নৌকা করে কোনো বন্দরের উদ্দেশ্যে পাড়ি জমানো—যদিও খুবই ঝুঁকিপূর্ণ কাজটা। আর অন্যটা, পাল তুলে বা দাঁড় টেনে এই নদী ধরে এগিয়ে যাওয়া একটা অপেক্ষা করা, শেষ পর্যন্ত কোথায় গিয়ে পৌঁছাই।'

'তোমরা কি করবে না করবে, জানি না,' বললো লিও, 'আমি নদী ধরে এগিয়ে যাচ্ছি।'

হতশাসূচক অস্কুট একটা ধ্বনি বেধেছিলো জবের গলা চিরে। আরবটাও বিড়বিড় করে উঠলো, 'আল্লাহ।' আর আমি ভেবে দেখলাম, এই তিরিশ ফুটের তিমি নৌকায় সাগর পাড়ি দেয়ার চেষ্টা করা আর নদী ধরে অজানা পথে এগিয়ে যাওয়া একই কথা। তাছাড়া মুখে স্বীকার না করলেও, ঐ বিশাল নিখোর মাথা আর পাথরের জেট দেখে

মনে মনে লিওর মতো আমিও উৎসুক হয়ে উঠেছি, রহস্যের শেষ কোথায় দেখতে হবে। তবে ওপরে ওপরে ভাব দেখালাম, লিও যখন যাবেই, আমাদেরকেও যেতে হবে, ওকে তো আর একা ছেড়ে দেয়া যায় না।

সাবধানে নৌকায় মাস্তুল লাগালাম আমরা। রাইফেলগুলো বের করলাম। তারপর রওনা হয়ে গেলাম উজানের দিকে। ভাগ্য ভালো সাগরের দিক থেকে বাতাস আসছে। সহজেই পাল তুলে দিতে পারলাম। বাকি কাজ মাহমুদের। হাল ধরে রইলো সে।

দুপুর নাগাদ প্রচণ্ড হয়ে উঠলো সূর্যের তাপ। ঘেমে নেয়ে অস্থির আমরা। সেই সাথে জলাভূমি থেকে ভেসে আসছে তীব্র দুর্গন্ধ। সাবধান হওয়ার প্রয়োজন বোধ করলাম আমি। তাড়াতাড়ি এক ডোজ করে কুইনাইন গিলিয়ে দিলাম সবাইকে।

একটু পরেই বাতাস পড়ে গেল। দাঁড় টেনে এগোনোর কথা ভুলেও ঠাই দিলাম না মনে—একে নৌকাটা বেশ ভারি, তার ওপর এগোতে হবে শ্রোতের উল্টোদিকে। সুতরাং আপাতত নৌকা ঘাটে বেঁধে অপেক্ষা করা—ই বুদ্ধিমানের কাজ হবে।

সামনে কিছু দূরে একটা খাঁড়ি মতো দেখে সেদিকে দাঁড় টানতে লাগলাম আমরা। নৌকা বাঁধার জন্যে খুব উপযোগী হবে জায়গাটা, সুতরাং দাঁড় টানার এই কষ্টটুকু স্বীকার করে নেয়া যায়। এমন সময় একটা জিনিস দেখে ফিসফিস করে আমাকে ডাকলো লিও। আমি মুখ তুলতেই পাড়ের একটা জায়গার দিকে ইশারা করলো ও।

অসম্ভব সুন্দর একটা মর্দা হরিণ, নদীর কূলে দাঁড়িয়ে পানি খাচ্ছে। সামনের দিকে বাঁকানো বিরাট শিং। মেরুদণ্ডের শেষ প্রান্তে শাদা একটা ডোরা। নিঃশব্দে এক্সপ্রেস রাইফেলটা দিলাম লিওর হাতে, আমিও তুলে নিলাম আমারটা। ফিসফিস করে বললাম, 'ফস্কাই না যেন।'

'ফস্কাইবে! মাথা খারাপ!'

রাইফেল উঁচু করলো লিও। ইতিমধ্যে পানি খাওয়া শেষ করে মাথা তুলেছে হরিণটা।

গুডুম! ঘুরে দাঁড়িয়েই ছুটলো হরিণ। লাগাতে লাগলাম লিও। গুডুম! এবার আমি, লক্ষ্যবস্তু ছুটন্ত। একলাফ দিয়ে মুখ থুবড়ে পড়লো হরিণটা।

'তোমার চোখে বোধহয় ধাঁধা লাগিয়ে দিয়েছিলাম, কি বলো, লিও বাবু?' বেশ একটু আত্মতৃষ্টির ভঙ্গিতে বললাম আমি।

'সে-রকমই মনে হচ্ছে,' গরগরিয়ে উঠলো লিও। তারপর একটু হেসে যোগ করলো, 'স্বীকার করছি, হোরেস কাকা, টিপটা তোমার চমৎকার হয়েছে, আর

সামারটা একেবারে জঘন্য।’

স্বপটপট নৌকা তীরে ভিড়িয়ে আমরা ছুটলাম হরিণটার দিকে। মোকদ্দমের সোপানে গুলি, সঙ্গে সঙ্গে শেষ। পনেরো মিনিট বা কিছু বেশি সময় লাগলো গুলির চাষাড়া হাড়িয়ে, নাড়ীভাঁড় ফেলে নৌকায় এনে তুলতে। তারপর আবার রওনা হলাম গাঙের দিকে।

ছোটখাটো একটা হুদের মতো জায়গাটা। এর মাঝামাঝি জায়গায় নোঙর ফেললাম আমরা। জলাভূমির বিষাক্ত গ্যাসের ভয়ে তীরের কাছে যাওয়ার সাহস পেলাম না। ইতিমধ্যে সন্ধ্যা হয়ে গেছে। রাতের খাওয়া সেরে নিয়ে ঘুমানোর আয়োজন করতে লাগলাম আমরা।

সবেমাত্র কক্ষল টেনে নিয়েছি গায়ে, এমন সময় টের পেলাম, হাজার হাজার রক্ত পিপাসু একগুয়ে মশা আক্রমণ চালিয়েছে আমাদের ওপর। ইয়া বড় বড় একেকটা। ছাড়াছাড়া কক্ষল টেনে দিলাম মাথার ওপর।

মশার একটানা গুঞ্জন ছাড়া আর কোনো আওয়াজ নেই। হঠাৎ সিংহের গর্জীর গর্জনে কেঁপে উঠলো চারদিক! তারপর আবার। এবার বোধহয় আরেকটা।

‘ভাগ্য ভালো, তীরের কাছে নোঙর ফেলিনি,’ কক্ষলের নিচ থেকে মাথা বের করে বললো লিও। ‘উঁহঁ, মর, শালা! আমার নাকে একটা কামড় বসিয়ে দিয়েছে!’ আবার অদৃশ্য হয়ে গেল ওর মাথা।

কিছুক্ষণ পর চাঁদ উঠলো। একটু পরপরই নানা রকম গর্জনের শব্দ ভেসে আসছে কানে। তীর থেকে দূরে নিরাপদে আছি ভেবে নিশ্চিত মনে গুয়ে রইলাম আমরা।

কি কারণে জানি না—কক্ষলের নিচে থাকার সত্ত্বেও মশার কামড় থেকে নিজস্ব পাচ্ছি না বলেই হয়তো, মাথা বের করলাম। সঙ্গে সঙ্গে শুনলাম জবের ফিসফিস গলাঃ

‘হায় হায়, দেখুন, স্যার!’

আমরা সবাই দেখলাম, দুটো প্রশস্ত বৃশ্—ক্রমশ আরো প্রশস্ত হতে হতে এগিয়ে আসছে নৌকার দিকে।

‘কি?’ জিজ্ঞেস করলাম আমি।

‘ঐ সিংহগুলো স্যার,’ স্পষ্ট আতঙ্ক ওর গলায়। ‘আমাদের দিকে আসছে।’

আবার ভালো করে দেখলাম। না কোনো সন্দেহ নেই, সিংহ। ওদের জুলজুলে হিংস্র চোখ দেখতে পাচ্ছি। হরিণের মাংস অথবা আমাদের গন্ধ পেয়ে এগিয়ে আসছে ক্ষুধার্ত জন্তুগুলো।

এর ভেতরে সাফিয়ে উঠে রাইফেল তুলে নিয়েছে লিও। আমি ওকে অপেক্ষা



করতে বললাম, আগে আরো কাছে আসুক। আমাদের থেকে ফুট পনেরো দূরে একটা চরা মতো। পানির উপরিভাগ থেকে ইঞ্চি পনেরো নিচে। প্রথম সিংহটা ওটার ওপর উঠে গা ঝাড়া দিয়ে পানি সরালো। তারপর মুখ হাঁ করে গর্জে উঠলো। ঠিক সেই মুহূর্তে গুলি করলো লিও। সিংহটার খোলা মুখের ভেতর দিয়ে ঢুকে ঘাড়ের কাছ দিয়ে বেরিয়ে গেল বুলেট। সঙ্গে সঙ্গে মারা গেল ওটা। অন্য সিংহটা গূর্ণ বয়স্ক পুরুষ। সবেমাত্র সামনের থাবা দুটো চরায় ঠেকিয়েছে সে; এমন সময় অদ্ভুত একটা ব্যাপার ঘটলো। তাঁর আলোড়ন উঠলো পানিতে। তড়াক করে লাফিয়ে উঠে পেছন দিকে তাকালো সিংহটা। আকাশ বাতাস কাঁপিয়ে গর্জন করে দ্বিতীয় এক লাফে উঠে পড়লো চরে। কালো কি একটা যেন আটকে আছে তার পায়ে।

‘আল্লাহ্!’ চিৎকার করে উঠলো মাহমুদ, ‘কুমীরে ধরেছে ওটাকে!’

এর পর যে দৃশ্য দেখলাম তাকে শুধু অসাধারণ বললে কম বলা হয়। সিংহটা চরে উঠে পড়তে পেরেছে আর কুমীরটা আধ দাঁড়ানো আধ সাঁতরানো অবস্থায় বেচারার পেছনের পা কামড়ে ধরে সমানে পেছনে টেনে চলেছে। হিংস্রভাবে গর্জন করে চলেছে সিংহটা, সেই সাথে টানা-হাঁচড়া করে ছাড়াতে চেষ্টা করছে পা। হঠাৎ সিংহের হিংস্র একটা থাবা গিয়ে পড়লো কুমীরটার মাথায়। পা ছেড়ে দিয়ে খপ করে সিংহের কোমরের কাছটা কামড়ে ধরলো কুমীর। এই ফাঁকে সিংহও কামড়ে ধরতে পেরেছে কুমীরের গলা। তারপর শুরু হলো আসল কস্তাধস্তি। সিংহের কোমর দুই চোয়ালের ফাঁকে আটকে ধরে ভয়ানকভাবে এপাশে ওপাশে ঝাঁকচ্ছে কুমীর। আর তাকে আঁচড়ে কামড়ে ক্ষতবিক্ষত করে দিতে চেষ্টা করছে সিংহ।

কয়েক সেকেন্ড পরেই দুর্বল হয়ে পড়লো সিংহটা। আচমকা এক ঝাঁকুনিতে কুমীরের পিঠের ওপর গিয়ে পড়লো ওর মাথা। তারপর শেষ একটা আর্তনাদ করে নিশ্পদ হয়ে গেল বেচারা। মিনিটখানেক স্থির হয়ে রইলো কুমীর। তারপর ধীরে ধীরে এক গড়ান দিয়ে চিৎ হয়ে গেল। সিংহের ক্ষতবিক্ষত শরীরটা এখনো আটকে আছে তার চোয়ালে। দু’জনেই মরণ পণ করে লড়েছে, মরেছে দু’জনেই।

চারপাশ আবার নিখর নীরব। একটানা মরণ কল্পনাই কেবল শোনা যাচ্ছে। আবার কখন কি বিপদ উপস্থিত হয়, ঠিক নেই মাহমুদকে পাহারায় রেখে শুয়ে পড়লাম আমরা।

## ছয়

পরদিন, ভোরের আলো ফুটবার সঙ্গে সঙ্গে উঠে পড়লাম আমরা। খোয়াল করলাম, সাগরের দিক থেকে বাতাস বইতে শুরু করেছে আবার। এখন দেরি করা অর্থহীন। বিছানাপত্র গোছগাছ করে নাশতা সেরে নিয়ে পাল তুলে দিলাম। নদীর ওপর দিয়ে এগিয়ে চললাম অজানার দিকে।

কালকের মতো আজও বাতাস পরে গেল দুপুরের পর। ভাগ্য ভালো, বেশি খৌজাখুজি ছাড়াই নদীর পাড়ে একটা শুকনো জায়গা পেয়ে গেলাম। নৌকা ভিড়িয়ে তীরে নামলাম আমরা। আশুন জ্বাললাম। দুটো বুনো হাঁস এবং খানিকটা হরিণের মাংস রান্না করে খাওয়া হলো। হরিণের বাকি মাংসটুকু সরু, লম্বা ফালি করে কেটে শুকাতো দিলাম। পরদিন সকাল পর্যন্ত এ জায়গায় কাটলাম আমরা। একমাত্র মশা ছাড়া আর কোনো হিংস্র প্রাণীর উপদ্রব পোহাতে হলো না। একই ভাবে কাটলো পরের দু'তিনটি দিন।

পঞ্চম দিন নাগাদ উপকূল থেকে প্রায় একশো পঁয়ত্রিশ-চল্লিশ মাইল মতো পশ্চিমে চলে আসতে পারলাম আমরা। এদিন সকাল এগারোটা বাজতে না বাজতেই শুরু হয়ে গেল বাতাস। দাঁড় টেনে কিছুদূর এগোনোর পর থামতে বাধ্য হলাম আমরা। নদী এবং প্রায় পঞ্চাশ ফুট চওড়া একটা জলস্রোতের সঙ্গমস্থলে এসে পড়েছি। যতদূর চোখ যায় একই রকম চওড়া হয়ে এগিয়ে গেছে নতুন জলস্রোতটা। পাড়ের ঠিক ওপরেই বেশ কিছু বড় গাছ। আগেও যত গাছ দেখেছি, বেশির ভাগই পাড়ের কাছাকাছি পল্লী জমিতে, এখানেও তাই। গাছের ছায়ায় কিছুক্ষণ বিশ্রাম নিয়ে নদীর শক্ত পার ধরে এগিয়ে গেলাম জায়গাটার অবস্থা দেখার উদ্দেশ্যে। খাওয়ার জন্যে কয়েকটা পানি শিকার করলাম। পঞ্চাশ গজ যাওয়ার আগেই বুকে ফেললাম, নদী ধরে আর এগোনোর আশা নেই। যেখানে এখন দাঁড়িয়ে আছি এর দুশো গজ পর থেকেই শুরু হয়েছে অগভীর কাদার রাজত্ব। পানির পরিমাণ ছ'ইঞ্চিও হবে কিনা সন্দেহ।

এবার অন্য জলস্রোতটার পাড় ধরে এগোলাম আমরা। নানা আলামত দেখে কিছুক্ষণের ভেতর বুঝতে পারলাম, আসলে এটা প্রাচীন একটা খাল। নিঃসন্দেহে দূর অতীতের কোনো মানবগোষ্ঠী কেটেছিলো এই খাল। অস্বাভাবিক উঁচু পাড়গুলো দেখলে মনে হয় গুণ টানার সুনিধার জন্যে তৈরি করা হয়েছিলো।

খালে পানি যথেষ্ট গভীর, তবে স্রোত প্রায় নেই বললেই চলে। নদী ধরে এগোনোর

প্রশ্ন ওঠে না, আমরা যদি আরো এগোতে চাই, এই খাল ধরেই এগোতে হবে। সবাইকে বললাম কথাটা। শেষে যোগ করলাম, ‘আমার মনে হয়, চেষ্টা করা উচিত, কি বলো?’

আমি ফিরে যাওয়ার বদলে এগিয়ে যেতে চাইছি শুনে ঠোট বঁকিয়ে একটু হাসলো লিও। অন্য দু’জন মৃদু গজ গজ করলো। শেষ পর্যন্ত অবশ্য রাজি হলো ওরাও।

সূর্য পশ্চিম আকাশে হলে পড়ার পরও অনুকূল বাতাসের পাতা পাওয়া গেল না। এদিকে অপেক্ষা করতেও আর ইচ্ছে করছে না। অতএব বণ্ডনা হলো আমরা। প্রচণ্ড পরিশ্রম করে প্রথম ঘন্টাখানেক দাঁড় টেনে এগোনো গেল। তারপরই জলজ আগাছা এত ঘন হয়ে উঠলো যে, তার ভেতর দিয়ে নৌকা এগিয়ে নেয়া অসম্ভব মনে হলো। অবশেষে নৌকা চালানোর প্রাচীনতম পদ্ধতি—গুণ টানার আশ্রয় নিতে হলো আমাদের। দু’ঘন্টা একটানা টেনে চললাম আমরা—আমি, জব আর মাহমুদ। লিও রইলো নৌকার আগ গলুইয়ে। মাহমুদের তলোয়ার দিয়ে যথাসম্ভব কেটে দিতে লাগলো আগাছা।

সন্ধ্যার পর কয়েক ঘন্টার জন্যে বিশ্রাম। তারপর আবার গুণ টেনে চলা। ভোর বেলায় আবার ঘন্টা তিনেকের বিশ্রাম, তারপর আবার চলা। সকাল দশটার দিকে আচমকা ঝড় উঠলো, সেই সাথে বৃষ্টি মুষলধারে। এবং সত্যি বলতে কি, পরবর্তী ছয় ঘন্টা আমরা কাটলাম জলের নিচে।

পরের চারটে দিন কিভাবে কাটলো তার বর্ণনা নিশ্চয়োজ্ঞন। শুধু এটুকু বলতে পারি, জীবনে এত কষ্ট কখনো করিনি। একঘেয়ে কঠোর পরিশ্রম, গরম, মশা, দুর্গন্ধ—সব মিলিয়ে দুর্দশার চূড়ান্ত। খালে ঢোকার তৃতীয় দিনে দূরে একটা গোল মতো পাহাড় দেখতে পেলাম। বিশাল বিস্তৃত জলাভূমির ভেতর থেকে হঠাৎ মাথা তুলে দাঁড়িয়েছে যেন। চতুর্থ দিন সন্ধ্যায় যখন বিশ্রামের জন্যে থামলাম তখন মনে হুজু, এখনও পঁচিশ কি তিরিশ মাইল দূরে রয়েছে পাহাড়টা। ইতিমধ্যে ক্লান্তি বশত শরীরে পৌছে গেছি আমরা। নৌকা টানা দূরে থাক, টিন থেকে যে খাবার পের করে খাবো সে শক্তিটাও নেই। ইচ্ছেও করছে না। মৃত্যুর জন্যে মনে মনে প্রার্থনা হয়ে গেছি যেন। বসে বসে ঝিমোতে লাগলাম সব ক’জন।

আচমকা কেন জানি না—কোনো শব্দ শুনে বা অন্য কোনো কারণেও হতে পারে, চোখ মেলে তাকালাম আমি। সঙ্গে সঙ্গে রক্ত হিম হয়ে গেল! বিরাট বিরাট দুটো চোখ জ্বলজ্বল করছে আমার মুখের ওপর। তীব্র এক চিৎকার করে লাফ দিয়ে উঠে দাঁড়ালাম আমি। আমার চিৎকার শুনে লিও, জব, আর মাহমুদও ধড়মড় করে উঠে দাঁড়ালো। ক্লান্তি এবং আতঙ্কে টলছে ওরা। তারপরই হঠাৎ দেখা গেল শীতল ইম্পাতের বলকানি।

বিরাত একটা বল্লমের ফলা এসে ঠেকেছে আমার গলায়। পেছনে আরো অনেকগুলো জ্বলজ্বলে ফলা, যেন জ্বর চোখে তাকিয়ে আছে আমার দিকে।

'শান্ত হও,' আরবীতে নির্দেশ দিলো একটা কণ্ঠস্বর। 'তোমরা কারা? কোথেকে এসেছো? বলো, না হলে মরবে।' বল্লমের ফলা আর একটু চেপে বসলো আমার গলায়।

'আমরা দেশ ভ্রমণে বেরিয়েছি, ভ্রমণকারী,' আরবীতে জবাব দিলাম আমি। 'পথ ভুলে এখানে এসে পড়েছি।'

আমার কথা বোধহয় বুঝতে পারলো লোকটা। ঘাড় ফিরিয়ে পাড়ে দাঁড়ানো কারো কাছে নির্দেশ চাইলো, 'মেরে ফেলবো, পিতা?'

'রং কেমন লোকগুলোর?' জিজ্ঞেস করলো ভারি একটা গলা।

'শাদা।'

'মেরো না। চার সূর্য আগে নির্দেশ এসেছে "সে-যাকে-মানতেই-হবে"র" কাছ থেকে: "শাদা মানুষরা আসবে, যদি আসে, মেরো না ওদের।" "সে-যাকে-মানতেই-হবে"র" কাছ দিয়ে যেতে হবে এদের। মানুষগুলোকে আগে নিয়ে চলো। ওদের সাথে যে সব জিনিস আছে পরে সেগুলোও নিতে হবে।'

'চলো!' হাঁক ছাড়লো বল্লমধারী। আম নড়ার আগেই সে খপ করে আমার হাত ধরে টেনে হিঁচড়ে নামাতে লাগলো নৌকা থেকে। অন্য কয়েকজন একই আচরণ করলো আমার সঙ্গীদের সাথে।

পাড়ে নেমে দেখলাম জনা পঞ্চাশেক লোক জড়ো হয়েছে। সবকজনই দীর্ঘদেহী। পেশিবহল শরীর। কোমরের কাছে এক টুকরো করে চিতার চামড়া জড়ানো ছাড়া পুরো শরীর উলঙ্গ। প্রত্যেকেরই হাতে বিশাল বল্লম।

জব এবং লিওকে ধাক্কাতে ধাক্কাতে নিয়ে আসা হলো আমার পার্শ্ব।

'ব্যাপার কি? কিছুই তো বুঝতে পারছি না,' চোখ ডলতে ডলতে বললো লিও।

'কি আশ্চর্য! এ কি কাণ্ড...,' শুরু করলো জব। এমন সময় একটা হৈ-চৈ শোনা হাল পেছনে। হৌঁচট খেতে খেতে আমাদের মাঝে এসে পড়লো মাহমুদ। পেছনে উদ্যত বল্লম হাতে অস্পষ্ট একটা ছায়ামূর্তি।

'আল্লাহ্! আল্লাহ্!' হাউ-মাউ করে উঠলো মাহমুদ। 'বাঁচাও আমাকে! বাঁচাও আমাকে!'

'একটা কালো-ও আছে, পিতা,' বললো একজন। ' "সে-যাকে-মানতেই-হবে" কি বলেছেন এর সম্পর্কে?'

'কিছু না, কিন্তু মেরো না ওকে। ভূমি এদিকে এসো।'

এগিয়ে গেল লোকটা। দীর্ঘদেহী ছায়ামূর্তি নুঁকে কি যেন বললো ফিসফিস করে।  
'হ্যাঁ-হ্যাঁ,' বললো অন্যজন, তারপর হেসে উঠলো রক্ত হিম করা এক স্বরে।  
'শাদা তিন জন আছে ওখানে?' জিজ্ঞেস করলো ছায়ামূর্তি।  
'হ্যাঁ।'

'তাহলে যাও, ওদের নেয়ার জন্যে যেগুলো আনা হয়েছে সেগুলো নিয়ে এসো।  
আর কয়েক জনকে বলো ঐ ভেসে থাকা জিনিসটায় যা-যা আছে সব নিয়ে আসুক।'

তার কথা শেষ হতেই কয়েকজন লোক ঘাড়ে করে যে জিনিসগুলো নিয়ে এলো  
সেগুলোকে পাল্কি ছাড়া আর কিছু বলার উপায় নেই। প্রতিটার জন্যে চারজন করে  
বাহক আর অতিরিক্ত দু'জন—এই দু'জন সম্ভবত বদলি বাহক বা প্রহরী হিসেবে কাজ  
করবে। যথেষ্ট স্বস্তি বোধ করলাম মনে মনে। যাক হেঁটে যেতে হবে না তাহলে। লিও  
তো বলেই বসলো—অবশ্য ইংরেজিতে, 'এতদূর নিঃস্বপ্ন এসেছি, এবার নিয়ে চলো,  
বাবারা।' শত বিপদের মাঝেও বেশ উৎফুল্ল থাকতে পারে ও।

প্রতিবাদ করা অর্ধহীন, অতএব একেকজন একেকটা পাল্কিতে চড়ে বসলাম।  
তারপর শুরু হলো যাত্রা। ঘাসের আঁশ থেকে তৈরি এক ধরনের কাপড়ে ছাওয়া  
পাল্কির ভেতরটাঃ বেশ আরমদায়ক। সেই সাথে বাহকদের হাঁটার ছন্দে এক লয়ে  
দুলছে পাল্কি। কিছুক্ষণের ভেতর গভীর ঘুমে তলিয়ে গেলাম আমি।

ঘুম যখন ভাঙলো তখন বেশ উপরে উঠে এসেছে সূর্য। ঘন্টায় প্রায় চার মাইল  
বেগে ছুটে চলেছে বাহকরা। পাল্কির মিহি পর্দার আড়াল থেকে উঁকি দিয়ে স্বস্তির  
একটা নিঃশ্বাস ছাড়লাম। জলাভূমির রাজত্ব শেষ। ঘাসে ছাওয়া সমভূমির ওপর দিয়ে  
ছুটে চলেছে বাহকরা। সামনে পেয়ালার মতো দেখতে একটা পাহাড়। ওটার দিকেই  
নিয়ে যাচ্ছে আমাদের। খালের পাড় থেকে আমরা যেটা দেখেছিলাম এটা সেই  
পাহাড়টাই কি না জানি না। পরে অনেক চেষ্টা করেও এ সম্পর্কে কোনো তথ্য আদায়  
করতে পারিনি স্থানীয়দের কাছ থেকে।

যাহোক, এবার আমি চোখ ফেরালাম আমার বাহকদের দিকে। চমৎকার স্বাস্থ্য,  
বোধহয় কারো উচ্চতাই ছ'ফুটের নিচে নয়। হলদেটে গায়ের রং। চেহারা—ছবি যথেষ্ট  
ভালো। দাঁতগুলো সুন্দর, বকবক মুক্তার মতো। কিন্তু যে জিনিসটা বিশেষ ভাবে  
আমার মনে দাগ কাটলো তা ওদের সৌন্দর্য নয়, ওদের মুখে সেঁটে থাকা শীতল নিষ্ঠুর  
অভিব্যক্তি। আর একটা ব্যাপার খেয়াল করলাম, হাসতে জানে না এরা। পাল্কি বইতে  
বইতে মাঝে মাঝে একঘেয়ে সুরে গান গাইছে। কিন্তু গান শেষ হওয়া মাত্র সবাই  
চুপ—রাম পুরুড়ের ছানা।

এসব কথা ভাবছি আর চারপাশের প্রকৃতি পর্যবেক্ষণ করছি, এই সময় আরেকটা পাল্কি চলে এলো আমারটার পাশে। তার চারদিকের পর্দা ওঠানো। শাদা টিলা আলখাল্লা পরা এক-বৃদ্ধ বসে আছে ওতে। দেখার সঙ্গে সঙ্গে আমি বুঝতে পারলাম, কাল রাতে এই লোককেই 'পিতা' বলে সম্বোধন করা হচ্ছিলো। অদ্ভুত চেহারা বৃদ্ধের। তুষারের মতো শাদা দাড়ি—এত লম্বা যে পাল্কির পাশ দিয়ে বুলে পড়েছে; বীকানো নাক, সাপের মতো তীক্ষ্ণ এক জোড়া চোখ, অদ্ভুত বুদ্ধিদীপ্ত অথচ কৌতুকের দৃষ্টি তাতে।

'জেনে আছে নাকি, বিদেশী?' ভারি অঁচ নিচু গলায় জিজ্ঞেস করলো সে।

'নিশ্চয়ই, পিতা,' বিনীত ভাবে জবাব দিলাম আমি।

শ্বেত-শুভ্র দাড়িতে হাত বুলাতে বুলাতে মৃদু হাসলো বৃদ্ধ। 'কোন দেশ থেকে এসেছো তোমরা? নিশ্চয়ই এমন কোথাও থেকে, যেখানে আমাদের ভাষা একেবারে অজানা নয়।' পরের বাক্যটা নিজেকেই যেন শোনালো বৃদ্ধ। 'স্বরগাভীত কাল থেকে যে দেশে মানুষের পা পড়েনি সে দেশে কিসের আশায় এসেছো তোমরা? জীবনের প্রতি বিতৃষ্ণা এসে গেছে?'

'অজানাকে জানার জন্যে এসেছি আমরা,' দৃঢ় গলায় বললাম আমি। 'সাগর পাড়ি দিয়ে আমরা এসেছি যদি নতুন কিছু আবিষ্কার করা যায় এই আশায়। একটা কথা আপনাকে বলতে চাই, পিতা, সাহসী জাত আমরা, মৃত্যুকে ভয় পাই না।'

'হুম!' বললো বৃদ্ধ, 'যুক্তি আছে তোমার কথায়, নয়তো বলতাম তুমি মিথ্যে বলছো। যাহোক, আমার মনে হয় "সে-যাকে-মানতেই-হবে" মেটাতে পারবেন তোমার এই নতুনকে জানার তৃষ্ণা।'

'"সে-যাকে-মানতেই-হবে"! কে সে?'

বাহকদের দিকে চকিতে একবার তাকালো বৃদ্ধ। 'অপেক্ষা করো, সময় হলেই জানতে পারবে, অবশ্য তিনি যদি শরীরে দেখা দেন।'

'শরীরে? কি বলতে চাইছেন, পিতা?'

কোনো জবাব না দিয়ে হাসলো বৃদ্ধ, ভয়ঙ্কর হাসি।

'আপনাদের জাতির নাম কি, পিতা?' জিজ্ঞেস করলাম আমি।

'আমাহ্যাগার, মানে পাহাড়ের লোক।'

'বেআদবি নেবেন না, আপনার নাম কি, পিতা?'

'বিলালি।'

'কোথায় যাচ্ছি আমরা?'

‘সময় হলেই দেখবে।’ বাহকদের কি একটা ইশারা করলো বুদ্ধ। সঙ্গে সঙ্গে দ্রুত পায়ে এগিয়ে গেল ওরা তার পাল্কি নিয়ে।

এরপর আর তেমন কিছু ঘটলো না। পাল্কির দুগুনিতে আবার যে কখন ঘুমিয়ে সেলাম টের পেলাম না। যখন ঘুম ভাঙলো, দেখলাম, আগ্নেয়গিরির লাভায় তৈরি সঙ্কীর্ণ একটা পাথুরে গিরিপথ দিয়ে এগিয়ে চলেছি আমরা।

একটু পরেই মোড় নিলো গিরিপথটা। সঙ্গে সঙ্গে অপূর্ব একটা দৃশ্য ভেসে উঠলো চোখের সামনে। বিশাল একটা সবুজ পেয়লা যেন পড়ে আছে মাটিতে। চার থেকে ছ’মাইল হবে বিস্তৃতি। অনেকটা প্রাচীন রোমের অ্যাক্টিভিয়েটারের মতো দেখতে। ধারণালো পাহাড়ী। এখানে ওখানে ঝোপঝাড়। সবচেয়ে অপূর্ব এর মাঝখানটা। চমৎকার সবুজ ঘাসে ছাওয়া। ছাগল এবং অন্যান্য গৃহপালিত পশুর পাল চরে বেড়াচ্ছে। তবে কোনো ভেড়া দেখলাম না। অদ্ভুত জায়গাটা কি হতে পারে প্রথমে ভেবে পেলাম না। পরে মনে হলো, প্রাচীন কোনো আগ্নেয়গিরির জ্বালানুখ হয়তো। আগ্নেয়গিরিটা মরে যাওয়ার পর এই চেহারা নিয়েছে। যা দেখে সবচেয়ে আশ্চর্য হলাম তা হলো, পশুর পালগুলো চরিয়ে বেড়াচ্ছে মানুষে, কিন্তু আশপাশে কোনো লোকবসতি নেই। তাহলে থাকে কোথায় এরা?

বাঁ দিকে একটা মোড় নিয়ে প্রায় আধ মাইল এগোনোর পর থামলো পাল্কির সারি। বিলালি নেমে পড়লো তার পাল্কি থেকে। দেখানো আমিও নামলাম। লিও আর জবও। প্রথমেই খেয়াল করলাম, আমাদের আরব সঙ্গী মাহমুদের দুঃবস্থা। পুরো পথ বাহকদের সাথে দৌড়ে আসতে হয়েছে তাকে। ক্রান্তির চরমে পৌঁছে গেছে বেচারি।

বিরাট একটা গুহার মুখে একটা বেদী মতো জায়গায় থেমেছি আমরা। সামনে স্তূপ করে রাখা আমাদের জিনিসপত্র, এমন কি নৌকার পাল এবং দাঁড়পালো পর্যন্ত।

গুহা মুখটা ঘিরে দাঁড়িয়েছে আমাদের পাল্কিবাহক লোকগুলো। একই রকম স্বাস্থ্যবান অন্য লোকও দেখলাম সেখানে। কয়েকজন মহিলাও আছে ওদের ভেতর। এই লোকগুলো চিতার চামড়ার বদলে পরেছে লাল হস্তিশৈব চামড়া। পুরুষদের মতো মেয়েগুলোও দেখতে খুব সুন্দরী। বড় বড় কানো জেঁথ, সুন্দর মুখ, মাথা ভর্তি ঘন চুল—নিখোঁদের মতো কোঁকড়া নয় মোটেই। দু’এক জন—যদিও সংখ্যায় খুব কম—বিলালির মতো হলদেটে এক ধরনের লিনেনের কাপড় পরেছে। পরে জেনেছিলাম এটা আভিজাত্যের প্রতীক। মেয়েগুলোর মুখের ভাব পুরুষদের মতো অমন নিষ্ঠুর নয়।

আমাদের দেখেই কৌতূহলী হয়ে এগিয়ে এলো মেয়েগুলো। সবারই মনোযোগ লিওর দিকে। ওর দীর্ঘ পেটা শরীর আর গ্রীক ধাঁচের চেহারা দেখে মুগ্ধ হয়ে গেছে

সবাই। যখন হ্যাট খুলে নম্রভাবে অভিবাদন জানালো, তখন ওর সোনালী চুল দেখে রীতিমতো একটা গুঞ্জন উঠলো মেয়েগুলোর ভেতর। এখানেই শেষ হলো না ব্যাপারটা। ওদের মধ্যে সবচেয়ে সুন্দরী মেয়েটা এগিয়ে এলো আস্তে আস্তে। লিনেনের আলখাল্লা দুলছে তার হাঁটার ছন্দে ছন্দে। দাঁড়িয়ে পা থেকে মাথা পর্যন্ত ভালো করে দেখলো সে লিওকে। তারপর গলা জড়িয়ে ধবে চুমু খেলো ওর ঠোঁটে।

নিঃশ্বাস বন্ধ হয়ে গেল আমার, নিশ্চয়ই এখুনি বল্লম দিয়ে এফোড় ওকোঁড় করে দেয়া হবে লিওকে। কিন্তু না, তেমন কিছু ঘটলো না। লিও অবাক চোখে কয়েক মুহূর্ত তাকিয়ে রইলো মেয়েটার দিকে, তারপর সেও মেয়েটাকে জড়িয়ে ধরে চুমু খেলো।

আবার শ্বাস বন্ধ হয়ে এলো আমার। এবার কিছু ঘটবেই। কিন্তু আশ্চর্য, কম বয়েসী মেয়েদের মুখে বিরক্তির ছাপ পড়লো একটু, বয়স্করা মৃদু হাসলো। বাস, আর কিছু না। এই মানুষগুলোর রীতি নীতি সম্পর্কে যখন জানলাম তখন বুঝতে পারলাম এর কারণ।

আমাহ্যাগার সম্প্রদায়ের ভেতর নারী এবং পুরুষে কোনো পার্থক্য নেই। বরং নারীরা অনেক ক্ষেত্রে পুরুষের চেয়ে বেশি স্বাধীনতা ভোগ করে। মায়ের পরচয়ে সন্তানরা পরিচিত হয়; যদিও গোত্রের প্রধান একজন পুরুষ, এবং তাকে নির্বাচিত করা হয়। গোত্র প্রধানের উপাধি 'পিতা'। যেমন, প্রায় সাত হাজার মানুষের এই গোত্রের পিতা বিলালি। বিয়ের ব্যাপারেও এখানকার মেয়েরা সম্পূর্ণ স্বাধীন। কোনো পুরুষকে পছন্দ হলে সবার সামনে আলিঙ্গন করে মেয়েটা তার মনের ইচ্ছা প্রকাশ করে। পুরুষটা যদি পান্টা আলিঙ্গন করে তাহলে বুঝতে হবে সে তাকে গ্রহণ করলো। ঠিক এই ব্যাপারটাই ঘটেছে ঐ মেয়েটা—যার নাম উস্তেন—আর লিওর মধ্যে।

## সাত

চন্দনপর্ব শেষ হওয়ার পর এগিয়ে এলো বৃদ্ধ বিলালি। আমাদের দিকে তাকিয়ে আন্তরিক ভঙ্গিতে গুহায় ঢোকান ইশারা করলো। এই ফাঁকে ক্যালে রাখি, উপস্থিত যুবতীদের একজনও আমার প্রতি কোনো আগ্রহ দেখায়নি। এমন কি জবের আশপাশেও ঘুর ঘুর করতে দেখলাম একজনকে, কিন্তু আমার দিকে ফিরেও তাকালো না কেউ।

উস্তেনের পেছন পেছন ভেতরে ঢুকলাম আমরা। এবং পাঁচ কদম যাওয়ার আগেই, আমার মনে হলো, গুহাটা প্রাকৃতিক নয়, মানুষের তৈরি। লম্বায় হবে প্রায় একশো ফুট,



চওড়ায় পঞ্চাশ। অনেক উঁচু। এই মূল গুহার গায়ে প্রতি বারো বা পনেরো ফুট পরপর একেকটা ছোট পথ, সম্ভবত ছোট ছোট প্রকোষ্ঠে গিয়ে ঢুকেছে। গুহামুখ থেকে প্রায় পঞ্চাশ ফুট ভেতরে একটা আগুন জ্বলছে। তার চারপাশে পাতা রয়েছে পঙ্কর ছাল। এখানে থামলো বিলালি। বসতে বললো আমাদের। জানালো, ওর লোকরা খাবার নিয়ে আসবে এক্ষুণি।

আমরা বসলাম। সত্যিই একটু পরে খাবার নিয়ে এলো মেয়েরা। সেক্স ছাগলের মাংস, বড় একটা মাটির পাত্র ভর্তি সদ্য দোয়ানো দুধ এবং এক ধরনের শস্যের সেক্স পিণ্ড। খিদেয় পেট চোঁ-চোঁ করছিলো, মহানন্দে খেলাম আমরা।

খাওয়া শেষে উঠে দাঁড়ালো বিলালি। ভাষণ দিলো আমাদের উদ্দেশ্যে। সে জানালো, আমাদের এ পর্যন্ত আসাটা অদ্ভুত এক ব্যাপার। পাহাড়ের লোকদের দেশে শেতাঙ্গ আগন্তুক আসবে এমন কথা কেউ কোনো দিন শোনেনি, কল্পনা পর্যন্ত করেনি। মাঝে মাঝে কালো মানুষরা আসে এখানে, তাদের কাছে ওরা শুনেছে, দুনিয়াতে শাদা মানুষ আছে, জাহাজে পাল তুলে দিয়ে তারা সাগরে ঘুরে বেড়ায়। কিন্তু তারা যে এখানে এসে পড়বে তা কেউ ভাবেনি। আমরা যখন ঋণের তেতর দিয়ে নৌকা টেনে আনছি তখনই ওর লোকরা দেখে আমাদের। খোলাখুলি জানালো বিলালি, সঙ্গে সঙ্গে সে আমাদের ধ্বংস করার নির্দেশ দিয়েছিলো। কারণ কোনো বিদেশীর এখানে ঢোকা বেআইনী। “সে-যাকে-মানতেই-হবে'র” কাছ থেকে নির্দেশ আসাতেই শুধু আমাদের না মেরে এখানে নিয়ে আসা হয়েছে।

এ পর্যন্ত শোনার পর বাধা দিলাম আমি। বললাম, ‘ক্ষমা করবেন, পিতা, আমি যতটুকু বুঝতে পেরেছি, আপনাদের এই “সে-যাকে-মানতেই-হবে” আরো দূরে কোথাও থাকেন। আমরা যে আসছি তা তিনি জানলেন কি করে?’

ভালো করে চারপাশে তাকিয়ে দেখলো বিলালি, নিশ্চিত হয়ে নিলো আমরা ছাড়া আর কেউ নেই গুহায়-সে যখন কথা শুরু করে তখনই উঠে গেছে উস্তেন। তারপর মৃদু হেসে বললো, ‘চোখ ছাড়া দেখতে পায়, কান ছাড়া শুনেতে পায় এমন কেউ নেই তোমাদের দেশে? কোনো প্রশ্ন কোরো না; তিনি জ্ঞানেন।’

শুনে একটু কাঁধ ঝাঁকালাম আমি। বিলালি বলে যেতে লাগলো, আমাদের কি করা হবে না হবে এসম্পর্কে আর কোনো নির্দেশ এখনো আসেনি। তাই সে কিছুক্ষণের ভেতর বওনা হবে আমাহ্যাগারদের রানী “সে-যাকে-মানতেই-হবে'র” উদ্দেশ্যে।

‘কদিন লাগবে ফিরতে?’ জিজ্ঞেস করলাম আমি।

‘অন্তত পাঁচদিন,’ জবাব দিলো বিলালি। ‘বিস্তৃত জলাভূমি পেরিয়ে যেতে হবে

আমাকে। চিন্তা কোরো না, এদিকে সব ব্যবস্থা করে যাচ্ছি, তোমাদের কোনো 'অসুবিধা হবে না।' একটু থেমে যোগ করলো, 'তবে শেষ পর্যন্ত তোমাদের পরিণতি কি হবে তা বলতে পারি না। আশা করার মতো বিশেষ কিছু আমি দেখছি না। আমার নানীর আমল পর্যন্ত জানি, কোনো বিদেশী এলেই নির্মম ভাবে তাকে হত্যা করা হয়েছে। তাদের বাঁচানোর ব্যাপারে কখনো হস্তক্ষেপ করেননি 'সে'।'

'কিন্তু কিভাবে তা সম্ভব?' বললাম আমি। 'আপনি নিজেই বৃদ্ধ, আপনার মানীর আমলের মানুষকে মারার বা বাঁচানোর নির্দেশ কি করে দেবেন 'সে'? এর ভেতরে তো একজন মানুষ তিনবার জন্মে তিনবার মরবে।'

হাসলো বিলালি—সেই অদ্ভুত হাসি। আমার প্রশ্নের জবাব না দিয়ে বেরিয়ে গেল ওহা ছেড়ে। পাঁচ দিনের ভেতর আর দেখলাম না তার চোহারা।

বিলালি চলে যাওয়ার পর পরিস্থিতি নিয়ে আলোচনা করলাম আমরা। সবদিক বিবেচনা করে আমি একটু শঙ্কিত বোধ না করে পারলাম না। বিশেষ করে এখনকার রহস্যময়ী রানী, "সে-যাকে-মানতেই-হবে" সম্পর্কে যা শুনলাম তা সত্যিই শিউরে ওঠার মতো। যে কোনো আগন্তুককেই নির্দয় ভাবে হত্যা করার নির্দেশ দেয় সে। লিওকেও দেখলাম বেশ চিন্তিত। তবে একটা কথা ভেবে ও সান্ত্বনা পেতে চাইছে, এই রানী নিঃসন্দেহে ওর বাবার চিঠি এবং সেই পোড়া মাটির ফলকে যার কথা লেখা হয়েছে সেই মহিলা। তার বয়স এবং ক্ষমতা সম্পর্কে বিলালি যা বলেছে তাতে ওর বিশ্বাস আরো দৃঢ় হয়েছে। এদিকে আমার মানসিক অবস্থা এমন এক পর্যায়ে পৌঁছেছে যে, এই আজগুবি বিষয় নিয়ে লিওর সাথে তর্ক করারও প্রবৃত্তি হলো না। কাঁধে গিয়ে স্নান করে আসার পরামর্শ দিলাম আমি।

বিলালি যে ক'দিন থাকবে না সে ক'দিন আমাদের দেখাশোনার জন্যে এক লোককে দায়িত্ব দিয়ে গেছে সে। তাকে ডেকে বললাম আমরা স্নান করতে যেতে চাই। সঙ্গে সঙ্গে রাজি হলো সে। পথ দেখিয়ে নিয়ে গেল উপলক্ষে একটা বরনার কাছে।

স্নান সেরে যখন ফিরে এলাম তখন সূর্য ডুবে গেছে। ওহার ভেতর ঢুকে দেখলাম মানুষে প্রায় ভর্তি। আঙনের চারপাশে বসে সন্ধ্যার পাঁচটা সারছে তারা। পোড়া মাটির তৈরি এক ধরনের প্রদীপ জ্বলছে দেয়ালের গায়ে। ওহার মাঝখানেও দেখলাম কয়েকটা প্রদীপ। এগুলো ছোট ছোট। পশুর চর্বি আর মাছের আশের সলতে দিয়ে জ্বালানো।

গোসল করে আসায় এখন বেশ ঝরঝরে লাগছে শরীর। কিছুক্ষণ বসে বসে লোকগুলোর খাওয়া দেখলাম, তারপর আমাদের নতুন তত্ত্বাবধায়ককে ডেকে বললাম, আমরা শুতে যেতে চাই।

বিনা বাক্যব্যয়ে উঠে দাঁড়ালো সে। বিনয়ের সঙ্গে আমার হাত ধরে নিয়ে চললো, গুহার দেয়ালে কিছুটা পর পর যে ছোট পথগুলো দেখেছিলাম তার একটার দিকে। সরু গলির ভেতর দিয়ে পাঁচ-ছয় পা যাওয়ার পর হঠাৎ চওড়া হয়ে গেল গলিটা। আট ফুট লম্বা, আট ফুট চওড়া বর্গাকার একটা কুঠুরি। এক পাশে কুঠুরির এ-মাথা থেকে ও-মাথা পর্যন্ত একটা পাথরের চাঙড়, ওপরটা সমান, মাটি থেকে প্রায় তিন ফুট উচু। এই পাথরটার ওপরই ঘুমাতে হবে আমাকে। কোনো জানালা নেই কুঠুরিতে, বাতাস ঢোকান কোনো ছিদ্রও না। প্রথম দর্শনেই মনে হলো মড়া বাখার ঘর, পাথরটার ওপর শুইয়ে রাখা হয় মৃতদেহ। কথাটা ভাবতেই সরসর করে খাড়া হয়ে গেল ঘাড়ের চুলগুলো। কিন্তু কিছু করার নেই, এখানেই শুতে হবে। কমল নেয়ার জন্যে ফিরে এলাম বড় মূল গুহার-আমাদের নৌকার জিনিসপত্র সব এখন ভেতরে এনে রাখা হয়েছে। লিও আর জবের সঙ্গে দেখা হলো, ওদেরও একই রকম দুটো আলাদা কুঠুরিতে থাকতে দেয়া হয়েছে। কিন্তু জব কিছুতেই একা এক কুঠুরিতে থাকতে রাজি নয়। বলছে ভয়েই মরে যাবে। আমি যদি দয়া করে অনুমতি দিই তো আমার সঙ্গে কাটাতে পারে রাতটা। সানন্দে অনুমতি দিলাম, কারণ আমার অবস্থাও ওর চেয়ে ভাল নয় মোটেই।

মোটামুটি আরামে কাটলো রাতটা। মোটামুটি বলছি কারণ, ভয়ানক একটা দুঃস্বপ্ন দেখা ছাড়া আর কোনো অসুবিধা হয়নি। ভোরে শিঙার শব্দে জেগে উঠলাম। সেই ঝরনার কাছে গিয়ে হাত-মুখ ধুয়ে এলাম। তারপর সকালের নাশতা দেয়া হলো।

সবে খাওয়া শুরু করেছি আমরা, এমন সময় এক মহিলা- মোটেই যুবতী বলা যাবে না তাকে, অনেক আগেই পেরিয়ে এসেছে বয়সের সে পর্ব-এগিয়ে এলো জবের দিকে। সবার সামনে জড়িয়ে ধরে চুমো খেলো ওকে। গুরু গম্ভীর জবের চেহারাটা যা হলো, সে না দেখলে কল্পনা করা সম্ভব নয়। যতটুকু জানি আমার মতো ও-ও একটু নারী-বিদেষ্টা। তড়াক করে লাফিয়ে উঠলো ও। ঠেলে সরিয়ে দিলো তিরিশোত্তীর্ণ মহিলাটিকে।

‘কক্ষণো না!’ ঢোক গিলে বললো জব। কিন্তু মেয়ে ভোকটা ভাবলো লজ্জা পাচ্ছে ও। এগিয়ে গিয়ে আবার আলিঙ্গন করলো।

‘ভাগো, ভাগো! বেহায়া মেয়ে মানুষ কোথাকার!’ চিৎকার করলো জব। হাতের কাঠের চামচটা নাড়তে নাড়তে বললো, ‘আমাকে ক্ষমা করবেন, স্যার, আমি কখনোই পাত্তা দিইনি ওকে। ও, ঈশ্বর! আবার আসছে। ধরুন ওকে, মিস্টার হলি! দয়া করে ধরুন! আমি মরে যাবো, সত্যিই বলছি, দুশ্চরিত্র নই আমি।’ এ পর্যায়ে এসে রণে ভঙ্গ দিলো জব। চামচ, খাবার সব ফেলে উর্ধ্বশ্বাসে ছুটলো গুহার বাইরে। প্রচণ্ড হাসিতে

ফেটে পড়লো উপস্থিত আমাহ্যাগাররা। কিন্তু হতভাগিনী মেয়েটা হাসলো না, অন্যদের হাসি দেখে তেলে বেগুনে জ্বলে উঠলো সে। দুপদাপ পা ফেলে বেরিয়ে গেল গুহা থেকে।

একটু পরেই ফিরে এলো জব। মুখ দেখে বুঝতে পারছি, এখনো আতঙ্কিত বোধ করছে ও—এই বুঝি ফিরে এলো মেয়েটা। উপস্থিত আমাহ্যাগারদের আমি ব্যাখ্যা করে বোঝালাম, দেশে বউ আছে জবের, এখন যদি আরেকটা বিয়ে করে তাহলে পারিবারিক জীবন দুর্বিহীন হয়ে উঠবে, তাই মেয়েটাকে গ্রহণ করতে রাজি হয়নি ও। কি বুঝলো ওরা কে জানে, কিছু বললো না।

নাশতার পর বেরোলাম আমাহ্যাগারদের গৃহপালিত পুত্র পাল দেখতে। সঙ্গে এলো উস্তেন। স্থানীয় প্রথা অনুযায়ী ও এখন লিওর বাগদত্তা। ওর কাছে শুনলাম ওদের জীবন, রীতিনীতি আর রানী সম্পর্কে নানা কথা। আমাহ্যাগার জাতির সূচনা বা কোথেকে ওরা এলো এখানে সে সম্পর্কে বিশেষ কিছু বলতে পারলো না উস্তেন। তবে জানালো, যেখানে 'সে' অর্থাৎ ওদের রানী থাকেন সেখানে বিশাল বিশাল পাথরের তৈরি থাম আছে। কোনো নগরের ধ্বংসাবশেষ সম্ভবত। জায়গাটার নাম কোর। 'প্রাচীনকালে এক জাতি বাস করতো সেখানে। সম্ভবত তারাই আমাহ্যাগারদের পূর্বপুরুষ। এখন আর কেউ থাকে না সেখানে। ভয়ে কেউ যায়ও না। বিশাল বিস্তৃত জলাভূমির এখানে ওখানে আরো প্রাচীন নগরীর ধ্বংসাবশেষ আছে। এখানকার গুহাগুলোও প্রাচীনকালের কোনো জাতির তৈরি। আমাহ্যাগারদের লিখিত কোনো আইন নেই, যা আছে তা হলো প্রথা—লিখিত আইনের চেয়ে কোনো অংশে কম নয় এই প্রথার বাঁধন। প্রথার বিরুদ্ধে কেউ কিছু করলে গোত্র পিতার নিকটস্থ তাকে মৃত্যুদণ্ড দেয়া হয়।

ওদের রানী 'সে'। কালভদ্রে তাকে দেখা যায়—দু'পা ছিন্ন বছরে খুব বেশি হলে একবার। সে সময় লম্বা আলখাল্লা দিয়ে তার সারা শরীর ঢেকে থাকে, এমনকি মুখটাও। সেজন্যে তার মুখ দেখার সৌভাগ্য হয়নি কারো। তার সেবা যত্নের জন্যে ফারা আছে তারা বোবা—কাল। ফলে তাদেরও কেউ কখনো বিলম্বিত পারেনি কেমন দেখতে 'সে'। তবে যতটুকু জানা গেছে, 'সে' অসম্ভব সুন্দরী এমন সুন্দরী পৃথিবীতে কখনো সৃষ্টি হয়নি, ভবিষ্যতেও হবে না। সে অমর এবং পৃথিবীর সবকিছুর ওপর ক্ষমতা আছে তার। তবে এসব কতদূর সত্য সে সম্পর্কে সন্দেহ আছে উস্তেনের। ওর ধারণা রানী মাঝে মাঝে একজন স্বামী বেছে নেয়। সেই সত্য একটা মেয়ে বাচ্চা জন্ম নেয় অমানি উধাও হয়ে যায় এই স্বামী বেচার। মেয়ে বাচ্চাটা বড় হয়ে এক সময় পুরানো রানীর

জামগা দখল করে আর পুরানো রানীকে কোনো গুহায় কবর দিয়ে রাখা হয়। রানীর নিয়মিত কোনো সেনাবাহিনী নেই, তবে রক্ষী আছে। এদের মধ্যে কেউ তার অবাধ্য হলে তাকে প্রাণদণ্ড দেয়া হয়।

দেশটা কত বড় এবং কত লোক থাকে এখানে, উস্তেনকে জিজ্ঞেস করলাম। ও বললো, দশটা গোত্র আছে এখানে। সবচেয়ে বড়টা থাকে রানী যেখানে থাকে সেখানে। সবগুলো গোত্রই গুহায় বাস করে। জনাভূমি অতিক্রম করতে গিয়ে প্রায়ই অসুখে পড়ে এখানকার লোকেরা, এবং মারা যায়, ফলে সংখ্যায় খুব একটা বেড়ে উঠতে পারেনি তারা। পশুর পাল দেখতে দেখতে আমাহাগার জাতি সম্পর্কে এ ধরনের আরো নানা তথ্য জেনে নিলাম উস্তেনের কাছ থেকে।

চারদিন কেটে গেছে। উল্লেখ করার মতো তেমন কিছু ঘটেনি এই চারদিনে। সন্ধ্যার পরে আগুনের সামনে বসে আছি আমরা-আমি, লিও, জব আর উস্তেন। মাহমুদ সেই যে প্রথম দিন গুহার এক কোনায় গিয়ে বসেছে, আর নতুনি। খাওয়ার সময় হলে যেয়েছে, ভোরে একবার বাইরে গিয়ে হাত মুখ ধুয়ে এসেছে, তারপর দিনরাত ক্রমাগত ডেকে গেছে আল্লাহু আর নবীকে-যেন তাকে রক্ষা করেন।

রাতের খাওয়া শেষ। একটু পরে শুতে যাবো আমরা। উস্তেন কখন বিদায় নেবে সেই অপেক্ষায় আছি। কিন্তু বিদায় নেয়ার কোনো লক্ষণ দেখছি না তার ভেতর। নীরবে বসে আছে সে। হঠাৎ উঠে দাঁড়ালো মেয়েটা। লিওর সোনালী চুলের ওপর হাত রেখে সম্বোধন করলো ওকে। তারপর গাঢ় স্বরে অপূর্ব এক সুরে আবৃত্তি করে চললো অদ্ভুত কিছু কথা। লিওর জন্যে গভীর ভালোবাসা আর উদ্দাম কামনা মেল গলে গলে পড়লো কথাগুলো থেকে।

হঠাৎ থেমে গেল ও। ভয়ের ছায়া পড়লো দু'চোখে। লিওর মাথা থেকে হাত উঠিয়ে ইশারা করলো অন্ধকারের দিকে। ঘাড় ফিরিয়ে তাকালো আমরা। কিন্তু কালো অন্ধকার ছাড়া আর কিছু দেখতে পেলাম না।

‘কি, উস্তেন?’ উদ্ভিগ্ন স্বরে জানতে চাইলাম আমি।

‘না,’ বললো ও। ‘কিছু না। আমাকে জিজ্ঞেস করো না। খামোকা কেন ভয় পাইয়ে দেবো তোমাদের?’ তারপর গভীর আবেগে চুমু খেলো লিওর কপালে-যেন মা আদর করছে শিশুকে।

‘যখন আমি থাকবো না,’ ও বললো। ‘যখন রাতে হাত বাড়িয়ে আমাকে পাবে না তখন ভেবো আমার কথা। জানি, আমি তোমার পা ধুইয়ে দেয়ারও যোগ্য নই তবু

ভেবো, সত্যিই আমি ভালোবাসতাম তোমাকে। এখন এসো, যে সুযোগ আমরা পেয়েছি তার সদ্ব্যবহার করি। কবরে তো প্রেম নেই, উষ্ণতা নেই, নেই ঠাণ্ডার ছোঁয়া। কাল কি হবে কে বলতে পারে? আজকের রাতটাই আমাদের, কালকের জন্যে বসে থেকে কেন সেটা আমরা নষ্ট করবো?’

## আট

পরদিন সকালে আমাদের তত্ত্বাবধায়ক এলো সঙ্গে আরো কয়েকজন আমাহ্যাগারকে নিয়ে। জানালো, আজ সন্ধ্যায় আমাদের সম্মানে এক ভোজের আয়োজন করেছে তারা। প্রতিবাদ করলাম আমি। সাধ্য মতো বোঝানোর চেষ্টা করলাম, আমরা এমন কোনো গুরুত্বপূর্ণ লোক নই যে আমাদের সম্মানে ভোজের আয়োজন করতে হবে। চুপচাপ আমার কথাগুলো শুনলো ওরা। বুঝতে পারলাম বিরক্ত হচ্ছে, শেষে ঠিক করলাম চুপ করে থাকাই বুদ্ধিমানের কাজ হবে।

সূর্য অস্ত যাওয়ার ঠিক আগে আমাকে জানানো হলো, সব তৈরি। জবকে নিয়ে গুহার ঢুকলাম। লিও আগেই উপস্থিত হয়েছে সেখানে। উস্তেন যথারীতি আছে ওর সাথে। ওরা দু'জন কোথায় যেন বেড়াতে বেরিয়েছিলো, ভোজের কথা জানতো না। উস্তেন এখন শুনলো একথা; দেখলাম আতঙ্কিত ছায়া পড়লো ওর সুন্দর মুখে। তাড়াতাড়ি এক লোককে ধরে নিচু স্বরে কি যেন জিজ্ঞেস করলো। লোকটার জবাব শুনে স্বস্তির একটা নিঃশ্বাস ছাড়লো। এর পর অন্য এক লোকের কাছে গিয়ে প্রতিবাদের ভঙ্গিতে কিছু একটা বলার চেষ্টা করলো ও। লোকটা একজন কর্তাব্যক্তি, জবাবের সাথে জবাব দিলো ওর কথার। তার পর হাত ধরে টেনে নিয়ে গিয়ে বসিয়ে দিলো দু'জন লোকের মানখানে। আর কোনো উচ্চবাচ্য করলো না মেয়েটা।

আজ একটু অস্বাভাবিক বড় করে তৈরি করা হয়েছে আঙুর। তার চারপাশে গোল হয়ে বসেছে প্রায় পঁয়ত্রিশ জন পুরুষ আর দু'জন স্ত্রীলোক। উস্তেন এবং জবকে প্রেম জানাতে গিয়ে ব্যর্থ হয়েছিলো যে সেই মেয়েটা। নিশ্চয়ই বসে আছে সবাই। প্রতিবাদের পেছনে গুহার মেঝেতে ছোট একেকটা গর্ত তৈরি করে ভেতর খাড়া করে রাখা তাদের বল্লম। যাত্র এক কি দু'জন হলদেটে শিউরেগুমার আলখাল্লা পরে আছে। কোমরে চিতার চামড়া ছাড়া আর কিছু নেই অন্যদের শরীরে।

এবার কি হবে, স্যার?’ সন্দেহের সুরে জিজ্ঞেস করলো জব। ‘সেই

মেয়েলোকটিও এসেছে! আবার চড়াও হবে না তো আমার ওপর? আরে, মাহমুদকেও খেতে ডেকেছে দেখছি! বেটি ওর সাথেই খাতির জমিয়ে আলাপ করছে। যাক বাবা, আমার কথা ভুলেছে তাহলে!

পুরো ব্যাপারটাতেই কেমন একটা রহস্যের গন্ধ পাচ্ছি আমি। শুধু বহসা নয়, বিপদেরও। একদিন সব সময়ই অন্ত্যজ্ঞ ভেবে আলাদা খাবার দেয়া হয়েছে মাহমুদকে। আজ হঠাৎ এমন কি ঘটলো যে, ওকে এক আসনে নিয়ে খেতে বসছে এরা?

‘ব্যাপার বিশেষ সুবিধার লাগছে না,’ লিও আর জবের দিকে তাকিয়ে বললাম আমি। ‘তৈরি থাকা দরকার। রিভলভার আছে তো তোমাদের সাথে?’

‘আমার কাছে আছে,’ কাপড়ের নিচে কোন্টটায় টাকা দিলো জব। ‘কিন্তু লিওর কাছে শিকারের ছুরি ছাড়া কিছু নেই।’

সবাই বসে গেছে। আমরাই কেবল বাকি। এ-সময় লিওর রিভলভার খুঁজতে গিয়ে দেরি করা উচিত হবে না। দৃঢ় পায়ে এগিয়ে গিয়ে এক সারিতে বসে পড়লাম আমরা। গুহার একটা দেয়াল আমাদের ঠিক পেছনে।

আমরা বসার প্রায় সাথে সাথে লম্বাটে চেহারার একটা মাটির পাত্র এলো। চোলাই করা পানীয় তাতে। একজন মুখ লাগিয়ে খাচ্ছে পানীয় তারপর পাশের জনকে দিচ্ছে; এভাবে হাতে হাতে ঘুরে অবশেষে আমাদের কাছে এলো পাত্রটা। অদ্ভুত চেহারা ওটার। দুই হাতলওয়াল। আমাহ্যাগারদের এখানে যত পাত্র দেখেছি তার বেশিরভাগই এই চেহারার। প্রাচীন কোনো পদ্ধতিতে তৈরি করে পরে পোড়ানো হয়েছে। দু'খাগা দুটো দৃশ্য খোদাই করা। নিপুণ হাতের কাজ। একদিকে প্রচণ্ড বলশালী কিছু লোক বলহম হাতে আক্রমণ করছে একটা মর্দা হাতিকে। উন্টোদিকে খোলাখোলা একটা প্রেমের দৃশ্য, অদ্ভুত সরলতায় আঁকা। প্রশংসার চোখে এক মুহূর্ত চাক্ষুণ্যে রইলাম পাত্রটার দিকে। তারপর অন্যদের অনুকরণে গলায় ঢেলে দিলাম পানিকটা পানীয়। আশ্চর্য স্বাদ। অপূর্ব বলবো না, তবে খারাপ যে নয় তাতে সন্দেহ নেই।

এক সময় শেষ হলো পান পর্ব; কেউ বাকি নেই। নিয়ে যাওয়া হলো পাত্রটা। তারপর অনেকক্ষণ কিছু ঘটলো না। আর কোসো খাবার বা পানীয় এলো না। সবাই চুপচাপ বসে। এক দৃষ্টিতে তাকিয়ে আছে বিরাট অগ্নিকুণ্ডের দিকে। ওদের নীরবতা দেখে আমরাও চুপ মেরে গেছি। আগুন এবং আমাদের মাঝখানে যে ফাঁকা জায়গা সেখানে বিরাট একটা কাঠের বারকোশ, চার কোনায় চারটে হাতল লাগানো। বারকোশটার পাশে লম্বা হাতলওয়াল বিরাট একটা সাঁড়াশি, আগুনের উন্টোদিকে

একই রকম আরেকটা।

প্রায় এক ঘণ্টা কেটে গেছে। কেমন ভৌতিক একটা পরিবেশ। সবাই নীরব, নিস্পন্দ। আঙনের লালচে আভা পড়েছে বসে থাকা আমাছাগারদের মুখে। রীতিমতো সম্মোহিত হওয়ার মতো পরিবেশ। এমন সময় আমাদের সামনে বসে থাকা এক লোক চিংকার করে উঠলো -

'আমাদের খাওয়ার মাংস কোথায়?'

গোল হয়ে বসে থাকা প্রতিটা আমাছাগার আঙনের দিকে দু'হাত বাড়িয়ে এক সাথে মাথা মাথা গলায় জবাব দিলো -

'মাংস আসবে।'

'কিসের? ছাগলের?' একই লোক প্রশ্ন করলো।

'ছাগল তবে শিং ছাড়া, এবং ছাগলের চেয়েও ভালো, আমরা তাকে হত্যা করবো,'  
দ্বিধা দিকে একটু ঘুরে বল্লমের হাতল ধরে আবার সম্মিলিত কণ্ঠে জবাব দিলো  
অন্যরা। তারপর সামনে ফিরলো।

'তাহলে ওটা কি ষাঁড়?' আবার প্রশ্ন করলো লোকটা।

'ষাঁড়, তবে শিং ছাড়া, আর ষাঁড়ের চেয়েও ভালো, আমরা তাকে হত্যা করবো,'  
কই ভঙ্গিতে বল্লম ধরে জবাব দিলো অন্যরা।

কিছুক্ষণের জন্যে আবার চুপচাপ। তারপর দেখলাম, জবকে প্রেম নিবেদন  
করেছিলো যে সেই মহিলা জড়িয়ে ধরেছে মাহমুদকে। গভীর সোহাগের ভঙ্গিতে গাল  
হাত বুনিয়ে দিতে দিতে ডাকছে ওর নাম ধরে। গলায় সোহাগ হলোও মহিলার চোখের  
দৃষ্টিতে আশ্চর্য পাশবিকতা। মাহমুদের সারা শরীরের ওপর ঘুরছে সে দৃষ্টি। কেন জানি  
না, দুশাটা দেখে আতঙ্কিত বোধ করতে লাগলাম আমি। গায়ে কাঁটা দিচ্ছে উঠলো। পিও  
এবং ছবের অবস্থাও একই রকম। বেচারী মাহমুদের কালো শরীর ক্যাকানে রক্তশূন্য  
হয়ে গেছে।

'মাংস রান্নার জন্যে তৈরি?' জিজ্ঞেস করলো সেই লোক।

'তৈরি, তৈরি!'

'পাত্র গরম হয়েছে?'

'হয়েছে, হয়েছে!'

'হার, ষঁগর,' বিড়বিড় করে বললো লোকটা। 'বাবার লেখা সেই কথাটা মনে আছে,  
"আগন্তুকের মাথায় উল্টো করে পাত্র বসিয়ে দেয় যে জাতি-"'

লিওর মুখ থেকে সবেমাত্র পড়েছে কথাটা, এমন সময় লাফ দিয়ে উঠে দাঁড়ালো



বিশাল দুই আমাহ্যাগার। ছোঁ মেবে সাঁড়াশি দুটো তুলে নিয়ে আগুনের ওপর ধরলো। এদিকে সেই মহিলা মাহমুদকে আদর করা থামিয়ে আচমকা একটা ফাঁস বের করেছে তার কোমর পেঁচিয়ে থাকা চামড়ার নিচ থেকে। মাহমুদ কিছু টের পাওয়ার আগেই সেটা পরিয়ে দিলো তার গলায়। হ্যাঁচকা এক টানে এঁটে ফেললো কষে। এই ফাঁকে পাশের লোকটা ঝাঁপিয়ে পড়ে চেপে ধরলো মাহমুদের পা-দুটো। এদিকে সেই দুই লোক সাঁড়াশি দিয়ে নেড়ে একটু ছড়িয়ে দিলো আগুন। তারপর সাঁড়াশি দিয়ে ধরে আগুনের ভেতর থেকে উঠিয়ে আনলো বিরাট একটা মাটির পাত্র। গনগনে আগুনের আঁচে শাদা হয়ে গেছে সেটা। এক লাফে মাহমুদের কাছে পৌঁছুলো তারা। গরম পাত্রটা এবার নামিয়ে আনবে বেচারার মাথায়!

হত্যভাগ্য আরব তখন প্রাণপণে যুঝছে নিজেকে মুক্ত করার জন্যে। কিন্তু বিশেষ সুবিধা করতে পারছে না। সেই পিষাচ মেয়েলোকটা গলায় ফাঁস পরিয়ে দেয়ার পরও দু'হাতে জড়িয়ে ধরে আছে তাকে। পা-দুটোও চেপে ধরেছে দশাসই এক আমাহ্যাগার।

আর দেরি করা যায় না। প্রচণ্ড এক গর্জন করে লাফ দিয়ে উঠে দাঁড়ালাম আমি। হাতে চলে এসেছে রিভলভার। এক মুহূর্ত দেরি না করে গুলি করলাম সেই পিষাচীর দিকে। পিঠে লাগলো গুলি। সঙ্গে সঙ্গে মারা গেল সে। একই সঙ্গে অমানুষিক প্রচেষ্টায় তীব্র এক লাফ দিলো মাহমুদ। পরমুহূর্তে মেয়েলোকটার মৃতদেহের ওপর আছড়ে পড়লো ওর মৃত দেহও। রিভলভারের গুলি একই সঙ্গে দু'জনের শরীর ভেদ করে গেছে। ভেবে মনে মনে শান্তি পেলাম, শ্বেততণ্ড পাত্র মাথায় নিয়ে মরার চেয়ে এভাবে অনেক আরামে মরেছে মাহমুদ।

মুহূর্তের জন্যে নীরবতা নেমে এলো গুহায়। এর আগে কখনো আগুনের গর্জন শোনেনি আমাহ্যাগাররা। হতভম্ব হয়ে গেছে তারা। আমাদের কাছেই বসে থাকা এক লোক সংবিৎ ফিরে পেলো প্রথমে। হ্যাঁচকা এক টানে পিঠের কাছ থেকে বস্ত্রমটা নিয়ে ছুটে গেল লিওর দিকে।

'পালাও!' চিৎকার করেই ছুটলাম আমি গুহার মুখেই দিকে। কিন্তু বেশিদূর যেতে পারলাম না। ইতিমধ্যে নড়েচড়ে উঠেছে সব কেউ আমাহ্যাগার। বাইরে থেকেও অনেকে হাজির হয়েছে গুহামুখের কাছে। কয়েক পা ছুটেই থেমে পড়লাম আমি। ধীরে ধীরে পিছিয়ে আসতে লাগলাম। লিও আর জব এসে দাঁড়িয়েছে আমার পাশে। একসাথে পিছিয়ে যাচ্ছি আমরা। গুহার ভেতরের পঁয়ত্রিশজন আমাহ্যাগার পা-পা করে এগিয়ে আসছে আমাদের দিকে। এদিকে বাইরে থেকেও পিল পিল করে চুকতে শুরু কবেছে আরো লোক।

পালানোর কোনো উপায় নেই। এদিক ওদিক তাকালাম আমি। একপাশে ওহার দেয়ালের গায়ে একটা বেদী মতো দেখলাম। রাতে বাতি জ্বালিয়ে রাখা হয় ওটার ওপর। ফুট তিনেক উচু, চণ্ডায় আট ফুট মতো। জব আর লিওর উদ্দেশ্যে ফিসফিস করে বললাম, 'ওটার দিকে।' পরমুহূর্তে আচমকা এক দৌড়ে বেদীটার ওপর গিয়ে উঠলাম আমরা। লিও মাঝখানে, আমি দাঁড়িয়ে আছি ওর ডানে আর জব বায়ে।

পা-পা করে পিছাতে পিছাতে হঠাৎ ছুট দেয়ায় মুহূর্তের জন্যে ধমকে গেল আমাহ্যাগাররা। তারপর আবার এগিয়ে আসতে লাগলো ধীর পায়ে। বল্লম উচিয়ে ধরেছে সবাই। মৃত্যু নিশ্চিত। একবার ভাবলাম গুলি করি। কিন্তু লাভ কি? ক'জনকে মারবো? অনিবার্য নিয়তিকে মেনে নেয়ার জন্যে দাঁড়িয়ে রইলাম আমরা।

'বিদায়, হোরেস কাকা,' ফিসফিস করে অনেকটা আপন মনে বললো লিও। 'কোনো আশা নেই। কয়েক মিনিটের মধ্যেই মরবো আমরা। আমার জন্যেই আজ তোমাদের এই দুর্গতি- -পারলে আমাকে ক্ষমা করো। বিদায়, জব।'

'সবই ঈশ্বরের ইচ্ছা, লিও,' বললাম আমি। 'দুঃখ করো না।'

এই সময় হঠাৎ রিভলভার বের করে গুলি করলো জব। মুখ ধুবড়ে পড়লো একজন।

হড়েহড়ি পড়ে গেল আমাহ্যাগারদের ভেতর। ছুটে আসতে লাগলো তারা। আমিও গুলি শুরু করলাম এবার। কয়েক সেকেন্ডের ভেতর খালি করে ফেললাম রিভলভার। গাঁচজন মরলো। নতুন করে গুলি ভরার সময় নেই। ব্যাপারটা যেন টের পেলো লোকগুলো। গুলি বন্ধ হতেই আবার ধীর পায়ে এগিয়ে আসতে লাগলো তারা।

বিশালদেহী এক আমাহ্যাগার সাইফ দিয়ে উঠলো বেদীর ওপর। কিন্তু ছুরি ধরা হাতের এক আঘাতে হিটকে নিচে গিয়ে পড়লো লোকটা। আমিও একজনকে কাবু করলাম ছুরি মেরে। কিন্তু জবের আঘাতটা ফস্কে গেল। গাটাপোস্ট আমাহ্যাগারটা ধরলো ওকে। কোমর পেঁচিয়ে ধরে নিচে নিয়ে যেতে লাগলো। ছুরি নিজেকে মুক্ত করার জন্যে সমানে হাত পা ছুঁড়েছে। এই সময় ধস্তাধস্তিতে ছুরিটা ছিটকে পড়লো ওর থেকে। পাধরের বেদীর কোনায় যা খেয়ে ছুটে গেল সেটা মাটের গাটার বুক বরাবর। ভারি ছুরিটা অর্ধেক ঢুকে গেল আমাহ্যাগারটার বুকে। জবকে ছেড়ে দিয়ে লুটিয়ে পড়লো সে।

এদিকে দু'জন একসাথে হামলা চালিয়েছে আমার ওপর। ভাগ্য ভালো, 'তাড়াছড়ায় দু'জনই ফেলে এসেছে তাদের বল্লম। সামনের জনের বুক বরাবর ছুরি চালিয়ে হাঁচকা টানে সেটা বের করে নিলাম। পরমুহূর্তে বসে পড়ে উঠে দাঁড়ালাম আবার। এখন দ্বিতীয় জনের বুক আমার সামনাসামনি। প্রথম জনের অবস্থা হলো:

এরও।

লিওর দিকে তাকালাম আমি। শোচনীয় অবস্থা ওর। একসাথে পাঁচ ছ'জন ঝাঁপিয়ে পড়েছে ওর ওপর। একজনকে আঘাত করে ঠেলে ফেলতে না ফেলতেই আরেকজন এগিয়ে যাচ্ছে। রীতিমতো একটা জগাখিচুড়ি জটলা। একসঙ্গে এতজনে আক্রমণ করেছে বলেই বোধহয় এখনো লিওকে ওরা কাবু করতে পারেনি। নিজেরা নিজেরা ঠেলাঠেলি করছে খামোকা।

ইতিমধ্যে আরো দু'জন এগিয়ে এসেছে আমার দিকে। বেশিরভাগ আমাহ্যাগারই কেন যে লিওর দিকে ছুটে যাচ্ছে বুঝতে পারছি না। বা হোক, এ দু'জনকেও আমি সহজেই কাবু করতে পারলাম। তারপর মাথা তুলতেই আঁতকে উঠলাম। বেদীর ওপর পড়ে গেছে লিও। চার পাঁচজন ঠেসে বরোছে ওর হাত পা।

'একটা বল্লম দাও,' চিৎকার করলো একজন। 'একটা বল্লম, ওর গলা কাটাবো, আর একটা পাত্র দাও, রক্ত রাখবো।'

মুহূর্তের মধ্যেই দেখলাম, দীর্ঘদেহী এক আমাহ্যাগার ছুটে যাচ্ছে বল্লম হাতে। চোখ বন্ধ করে ফেললাম আমি।

হঠাৎ অন্যরকম একটা কোলাহলের শব্দ কানে এলো। অনিচ্ছাসহেও চোখ খুললাম আমি। দেখলাম, উত্তেন ঝাঁপিয়ে পড়েছে লিওর ওপর। নিজের শরীর দিয়ে আড়াল করে রেখেছে ওর অচেতন দেহ। দু'হাতে জড়িয়ে ধরেছে গলা। দু'তিন জন পুরুষ আমাহ্যাগার টানা হ্যাঁচড়া করে সরানোর চেষ্টা করছে মেয়েটাকে। পারছে না।

অবশেষে ধৈর্য হারিয়ে ফেললো তারা।

'দু'জনকেই খতম করে দাও,' চিৎকার করে উঠলো কেউ একজন।

বল্লম হাতে লোকটা সোজা হলো। এবার সর্বশক্তিতে নামিছে আনবে অস্ত্র—যেন এক ঘায়েই দু'জনকে শেষ করা যায়। আবার চোখ বন্ধ করে ফেললাম আমি।

এমন সময় গভীর গভীর একটা কণ্ঠস্বর ভেসে এলো আমার কানে। শুহার দেয়ালে বজ্রের মতো প্রতিধ্বনি উঠলো—

'খামো!'

পরমুহূর্তে জ্ঞান হারালাম আমি।

## নয়

জ্ঞান ক্ষিরতে দেখলাম একটা চামড়ার মাদুরের ওপর শুয়ে আছি। কাছেই জ্বলছে আগুনের কুণ্ড—সেই আগুনের কুণ্ড যার পাশে ভোজ খেতে বসেছিলাম আমরা। একটু দূরে শুয়ে আছে লিও। এখনো জ্ঞান ফেরেনি। উস্তেন বুঁকে ঠাণ্ডা পানি দিয়ে পরিষ্কার করে দিচ্ছে ওর শরীরের একটা গভীর ক্ষত। উস্তেনের পেছনে দেয়ালে হেলান দিয়ে বসে আছে জন। আপাতদৃষ্টিতে অক্ষত মনে হলেও থর থর করে কাঁপছে ও, ভয়ে না ক্রান্তিতে, জানি না। আগুনের ওপাশে গায়ে গায়ে শুইয়ে রাখা হয়েছে আমাদের হাতে নিহত আমাহাগারদের। হতভাগ্য মাহমুদ আর সেই মেয়েলোকটা ছাড়াও বারোটা মৃতদেহ দেখলাম। বাঁ-দিকে কিছুদূরে একদল লোক বেঁচে যাওয়া মানুষখেকোগুলোকে বাঁধছে। প্রথমে প্রত্যেককে পিছনোড়া করে তারপর দু'জন দু'জন করে একসাথে। বন্ধনপর্ব তদারক করছে বিলালি।

আনাকে উঠতে দেখে এগিয়ে এলো সে। বললো, 'আশা করি ভালো বোধ করছে এখন।'

'ভালো কিনা জানি না, তবে সারা শরীরে ব্যথি।'

বুঁকে লিওর ক্ষতটা পরীক্ষা করলো সে। 'মারাত্মক ভাবে কেটেছে। ভাগ্য ভালো, আরো গভীরে ঢোকেনি বলায়ের ফলা। চিন্তা কোরো না, ভালো হয়ে যাবে ও।'

'ঠিক সময়মতো এসেছিলেন, পিতা,' আমি বললাম। 'আর কয়েক সেকেন্ডে দেরি হলেই ধরা ছোঁয়ার বাইরে চলে যেতাম আমরা।'

'ভয় পেয়ো না, পুত্র। সমুচিত শাস্তি দেয়া হবে ওদের। হাড় মাংস আলাদা করা হবে। "সে-যাকে-মানতেই-হবে"র কাছে পাঠানো হবে ওদের। বলো তো, কি করে ঘটলো ঘটনাটা?'

সংক্ষেপে আমি বর্ণনা করলাম।

'হুঁ,' জবাব দিলো বিলালি। 'আসলে এখানকার শিক্কাই ওরকম। কোনো বিদেশী এলে গরম পাত্র দিয়ে হত্যা করে তাকে খেয়ে ফেলা হয়।'

'চমৎকার অতিথিপরায়ণতা যা হোক,' বর্ধনাম আমি। 'আমাদের দেশে আমরা অতিথিকে আপ্যায়ন করি খাবার দিয়ে আর আপনারা অতিথিকে খেয়ে নিজেরা আপ্যায়িত হন!'

'কি করবো বলো,' কাঁচুমাছু মুখে বললো বিলালি। 'যেখানকার যা নিয়ম। আমি

বুঝি, আমাদের সব নিয়ম ভালো নয়, কিন্তু ইচ্ছে করলেই আমি তা বদলাতে পারি না। "সে-যাকে-মানতেই-হবে" যখন নির্দেশ পাঠালেন, তোমাদের বাঁচিয়ে রাখতে হবে তখন ঐ কালো লোকটা সম্পর্কে কিছু বলেননি। ফলে সন্তানতই আমার লোকরা ধরে নিয়েছে ওকে বাঁচিয়ে না রাখলেও চলবে। যা হোক, যে ঘট্য কাজ ওরা করেছে তার প্রতিফল তারা পাবে।

'তবে একটা কথা ঠিক,' বলে চললো বুড়ো, 'দারুণ সাহসের সাথে লড়েছো তোমরা। আচ্ছা, পুত্র বেবুন, বলো তো, মারার সময় ওদের গায়ে এমন গর্ত করলে কিভাবে?'

বিভলভারের রহস্য যথাসম্ভব সরল ভাষায় বুঝিয়ে বললাম বিলালিকে। কি বুঝলো জানি না। তবে হাঁ করে শুনলো সে আমার কথা।

একটু পরে চোখ মেললো লিও। এখনো পুরোপুরি জ্ঞান ফিরে পায়নি। ছবও এতক্ষণে একটু সামলে নিতে পেরেছে—অন্তত হাত-পা কাঁপা কমেছে। উঠে এসে একটু ব্যাঙি (আমাদের সাথে এখনো কিছুটা আছে) খাইয়ে দিলো লিওকে। তারপর আমি, জব আর উস্তেন ধরাধরি করে শোয়ার জায়গায় নিয়ে গিয়ে শুইয়ে দিলাম ওকে। জব রইলো ওর কাছে। আমি গিয়ে শুয়ে পড়লাম আমার কুঠুরিতে।

রাতে ভালো ঘুম হলো না। দুঃস্বপ্ন দেখে জেগে উঠলাম বার বার। অবশেষে সকাল হলো। উঠতে গিয়ে টের পেলাম প্রচণ্ড যন্ত্রণা সারা শরীরে। আবার শুয়ে পড়লাম। সাতটার দিকে ল্যাংচাতে ল্যাংচাতে জব এলো। পচা আপেলের রং ধরেছে ওর গোল মুখটায়। জানালো, লিও ভালো মতোই ঘুমিয়েছে। ঘণ্টা দুয়েক পরে এলো বিলালি (জব তার নাম দিয়েছে বিলি ছাগ, সম্ভবত দাড়ির কারণে)। আমি ছাঁশ বুজে ঘুমিয়ে থাকার ভান করলাম।

'আহ!' বিড়বিড় করে বলতে শুনলাম ওকে (এরকম প্রায়ই শুনতে নিজে বিড়বিড় করে কথা বলে সে) 'কি কুৎসিত এটা! ঠিক যেন বেবুন-হ্যাঁ) বেবুন, একেবারে মানানসই নাম! আর অন্যটা—সিংহের সাথে তুলনা করা যায়, কি চেহায়ায় কি সাহসে। তাহলে ওটার নাম সিংহ। দুটোকেই আমার খুব ভালো লাগেছে। নিশ্চয়ই "সে" একে জাদু করবেন না। বেচারা বেবুন। ঘুমিয়ে আছে, ঘুমিয়ে জাগিয়ে কাজ নেই।'

পা টিপে টিপে ঘুরে দাঁড়ালো সে। বুড়োর কুঠুরির মুখে না পৌছা পর্যন্ত অপেক্ষা করলাম আমি। তারপর ডাকলাম, কে, পিতা!

'হ্যাঁ, পুত্র, আমি। দেখতে এসেছিলাম, কেমন আছে। "সে" এখনি তাঁর কাছে নিয়ে যেতে বলেছেন তোমাদের। কিন্তু তোমরা যেতে পারবে বলে তো মনে হচ্ছে না।'

‘না, পিতা, একটু সুস্থ না হওয়া পর্যন্ত কোথাও নড়তে পারবে না আমরা।’ একটু ধেম্বে বললাম, ‘আমাকে একটু বাইরে নিয়ে যাওয়ার ব্যবস্থা করবেন? এই জায়গাটা একদম ভালো লাগছে না।’

‘হ্যাঁ, ঠিক বলেছেন। এখানকার বাতাসে কেমন একটা দুঃখের গন্ধ। ছোট বেলায় আমিও সহ্য করতে পারতাম না এ জায়গা। জানো তো, আমাদের কেউ মারা গেলে তাকে আমরা প্রথমে এখানে এনে রাখি?’

কথাটা শোনার সঙ্গে সঙ্গে শিউরে উঠলাম আমি। তাহলে ঠিকই আন্দাজ করেছিলাম! শরীরের সব যন্ত্রণা ভুলে উঠে বসলাম। বিলালির কাঁধে ডর দিয়ে খুঁড়িয়ে খুঁড়িয়ে গেলাম লিওকে দেখতে। আমার চেয়ে অনেক বেশি বিধ্বস্ত অবস্থা ওর। প্রচুর রক্তক্ষরণের ফলে তীষণ দুর্বল হয়ে পড়েছে। তবে মানসিকভাবে বেশ উৎফুল্ল দেখলাম ওকে। জব আর উস্তুন বসে আছে ওর পাশে।

আমি টুকটাক কিছু আলাপ করলাম লিওর সাথে। তারপর ওকে সঙ্গে নিয়ে বিলালির পেছন পেছন বেরিয়ে এলাম গুহার বাইরে—দিনের সূর্যের নিচে। গুহা মুখের পাশে ছায়ায় বসলাম আমরা। পরের দুটো দিন এখানেই কাটলাম।

তৃতীয় দিন সকালে মোটামুটি স্বাভাবিক হয়ে গেল আমার আর জ্বরের অবস্থা। লিওর অবস্থাও অনেক ভালো। সুতরাং বিলালি প্রস্তাব করতেই রহস্যময়ী “সে-যাকে-মানতেই-হবে” যেখানে থাকে সেই কোর—এর পথে বেরিয়ে পড়তে রাজি হয়ে গেলাম আমরা।

## দশ

এক ঘণ্টার ভেতর পাঁচটা পাল্কি এনে রাখা হলো গুহার মুখে। প্রতিটার জন্যে চারজন করে বাহক আর দু’জন বদলি বাহক। পাহারাদার হিসেবে যাবে পঞ্চাশজন আনহায়াগারের একটা দল। তিনটে পাল্কি আমাদের তিন জনের জন্যে, একটা বিলালির জন্যে, আর একটায় কে যাবে? উস্তুন!

‘মেয়েটা কি যাবে আমাদের সাথে? বিলালিকে জিজ্ঞেস করলাম আমি।

কাঁধ বাঁকালো বৃদ্ধ। ‘ওর ইচ্ছা! আমাদের দেশে মেয়েরা খুশি মতো সব করতে পারে। ওদের পূজা করি আমরা, এবং ইচ্ছে মতো চলতে দিই, কারণ ওদের ছাড়া পৃথিবী চলতে পারে না; ওরা তো প্রাণের উৎস।’

'হুঁ, এ-ভাবে কখনো ভেবে দেখিনি আমি।'

'ওদের পূজা করি আমরা,' বলে চললো বৃদ্ধ, 'তবে ততক্ষণ পর্যন্ত, যতক্ষণ না ওরা অনহ্য হয়ে ওঠে আমাদের কাছে!'

'অনহ্য হয়ে ওঠে নাকি?'

'মোটামুটি প্রতি দ্বিতীয় পুরুষে একবার।'

'আচ্ছা! তখন কি করেন আপনারা?'

'আমরা মাথা তুলে দাঁড়াই এবং মোরে ফেলি বুদ্ধিগুলোকে, যাতে কম বয়েসীগুলো শিক্ষা পায়, আমরা পুরুষরাই আসলে শক্তিশালী। আমার স্ত্রীকেও ওভাবে মারা হয়েছে তিন বছর আগে। খুব দুঃখ পেয়েছিলাম, কিন্তু সত্যি কথা বলতে কি, পুত্র, জীবনটা আমার অনেক সুখের হয়ে গেছে তারপর থেকে।'

'সংক্ষেপে, এখন আপনার স্বাধীনতা অনেক বেশি, দায়িত্ব কম।'

শুনে কিছুক্ষণ থমকে দাঁড়িয়ে রইলো বিলালি। ধীরে ধীরে, অন্তর দিয়ে সে বুঝলো কথাটার মর্ম। 'হ্যাঁ, বেবুন। ঠিক এভাবে কখনো ভাবিনি আমি। তুমি বলায় এখন মনে হচ্ছে, সত্যি তাই। মেয়েটার কথাই ধরো না--সাহসী, সিংহকে ভালোবাসে, তুমি নিজেই তো দেখেছো, কিভাবে তাকে বাঁচিয়েছে। আমাদের প্রথা অনুযায়ী সিংহের সাথে বিয়েও হয়ে গেছে ওর। এখন সিংহ যেখানে যাবে ইচ্ছে হলে ও-ও সেখানে যেতে পারে যদি না,' একটু থেমে যোগ করলো, ' "সে" বারণ করেন।'

'ধরুন, "সে" বারণ করলেন, মেয়েটা শুনলো না, তখন?'

কাঁধ ঝঁকালো বৃদ্ধ। 'ধরো প্রচণ্ড ঝড় বাঁকিয়ে ফেলতে চেষ্টা করছে গাছকে, গাছ বাঁকতে রাজি নয়, তখন?'

জবাবের অপেক্ষায় না থেকে নিজের পালকিতে গিয়ে উঠলো বৃদ্ধ। দশ মিনিটের মাথায় কোর-এর পথে রওনা হলাম আমরা।

বিশাল পেয়ালা আকৃতির আগ্নেয়গিরির ছালামুখটা পেরিয়ে ঘন্টাখানেক লেগে গেল। আরো আধ ঘন্টা লাগলো ওপাশের ঢাল বেয়ে উঠতে। তারপর যে দৃশ্যটা দেখলাম তা জীবনে ভোলার মতো নয়। অপূর্ব সুন্দর সবুজ মাঠে ছাওয়া বিস্তৃত সমভূমি ঈষৎ ঢালু হয়ে নেমে গেছে। এখানে ওখানে ছোট ছোট গাছ, বেশির ভাগই কাঁটা জাতীয়। দুপুর নাগাদ প্রায় মাইল দশেক দীর্ঘ সেই ঢালের শেষ মাথায় পৌঁছলাম আমরা। তারপরই শুরু হলো ভয়ানক জলার রাজত্ব। তার মাঝখান দিয়ে এগিয়ে গেছে সরু এক চিলতে একটা আঁকা বাঁকা পথ। ঢালের শেষ আর জলার শুরু যেখানে সে জায়গায় কিছুক্ষণের জন্যে থেমে দুপুরের খাওয়া সেরে নিলাম আমরা। খানিকটা করে কুইনাইন

নিজে খেতে এবং লিও আর জবকে খাওয়াতে ডুললাম না। তারপর আবার রওনা হলাম।

মাইলের পর মাইল কাদা আর পচা পানি। দলের একেবারে সামনে লম্বা লাঠি হাতে দু'জন লোক। একটু পর পরই কাদা পানির ভেতর লাঠি দিয়ে খুঁচিয়ে খুঁচিয়ে দেখছে মাটি শক্ত কি-না। এই ভর দুপুরেও ব্যাঙের একটানা চিংকারে কান পাতা দায়। এখানে ওখানে ঝাঁক বেঁধে বসে আছে, উড়ছে, রাজহাঁস, বেলেহাঁস, পান কৌড়ি, কাদাখোঁচা, এবং আরো নানা রকম পাখি। যারা উড়ছে তারা তো উড়ছেই, যারা বসে আছে আমাদের উপস্থিতিতে মোটেই বিরক্ত হলো না তারা—যেন পোষা পাখি। জলার ভেতর ছোট এক জাতের কুমীর দেখলাম, সংখ্যায় অজস্র। বড় বড় জলচর সাপও দেখলাম অনেক। ভাগ্য ভালো, পাখিগুলোর মতো ওরাও আমাদের দেখে খুব একটা বিরক্ত হলো না। যেমন ছিলো তেমন পড়ে রইলো। একটা জিনিসই কেবল অসহ্য লাগছে, পচা পানির দুর্গন্ধ। যতক্ষণ না এই জলাভূমি শেষ হচ্ছে ততক্ষণ এই দুর্গন্ধের হাত থেকে মুক্তির কোনো উপায় নেই। কোনোমতে নাক-মুখ কুঁচকে বসে আছি পাল্কিতে। আর এগিয়ে চলেছে বেহারারা, কোথাও মোটামুটি শুকনো মাটির ওপর দিয়ে, কোথাও হাঁটু সমান কাদা ভেঙে।

সূর্য না ডোবা পর্যন্ত এভাবে এগিয়ে চললাম আমরা। অবশেষে প্রায় দু'একর আয়তনের একটা উঁচু শুকনো জায়গা দেখে থামার নির্দেশ দিলো বিলালি। এখানেই রাত কাটাতে হবে। পাল্কি থেকে নামলাম আমরা—আমি, জব আর উস্তেন। ধরাধরি করে নামালান লিওকে। শুকনো ঘাস-পাতা আর সঙ্গে আনা কাঠ দিয়ে ছোট্ট একটা অগ্নিকুণ্ড তৈরি করা হলো। প্রচণ্ড গরম আর দুর্গন্ধ সহ্য করে হতটুকু সস্তর খেয়ে নিলাম সবাই। তারপর কবলের নিচে গিয়ে ঢুকলাম। কিন্তু ব্যাঙের ডাক আর মশার গুনগুনানিতে ঘুমায় কার সাধ্য? কবলের নিচ থেকে মাথা বের করে লিওর দিকে তাকলাম একবার। বসে বসে ঝিমোচ্ছে ও। আগুনের আদ্যুষ্টি আলোয় উস্তেনকে দেখলাম। লিওর পাশে শুয়ে আছে। একটু পরপর ঘুমিয়ে ভর দিয়ে উদ্ভিগ্নমুখে তাকচ্ছে লিওর দিকে। শুয়ে পড়লাম আমি। তারাজ্জিয়া আকাশের দিকে চেয়ে রইলাম কিছুক্ষণ। মশার যন্ত্রণায় কবল মুড়ি দিলাম আবার। তারপর নানা কথা ভাবতে ভাবতে কখন যে ঘুমিয়ে গেছি জানি না।

যখন ঘুম ভাঙলো তখন সবেমাত্র ভোর হচ্ছে। প্রহরী আর বাহকরা ঘুরে ফিরে বেড়াচ্ছে। আবার রওনা হওয়ার জন্যে তৈরি হচ্ছে। ভোরের ঘন কুয়াশায় ভূতের মতো লাগছে ওদের। আগুন নিবে গেছে কখন জানি! দু'হাতে মাথা চেপে ধরে বসে আছে



লিও। চোখ দুটো লাল টকটকে।

‘কেমন লাগছে লিও?’ কোমল গলায় জিজ্ঞেস করলাম আমি।

‘মনে হচ্ছে মরে যাবো,’ খেঁকিয়ে উঠলো ও। ‘মাথাটা ছিঁড়ে যাচ্ছে, ভীষণ শীত করছে।’

ঠোঁট কামড়ালাম আমি। অবশেষে পড়েছে লিও, এত কুইনাইন খাইয়েও ম্যালেরিয়ার হাত থেকে বাঁচানো গেল না। জ্বের অবস্থাও বিশেষ সুবিধার মনে হচ্ছে না। দু’জনকেই পুরো দশ গ্রেন করে কুইনাইন খাইয়ে দিলাম। সাবধানতা হিসেবে আমি নিজেও খেলাম খানিকটা। তারপর গেলাম বিলালির কাছে। আমার সঙ্গীদের অসুস্থতার কথা জানালাম। ব্যস্ত সমস্ত হয়ে এগিয়ে এলো বৃদ্ধ। প্রথমে দেখলো লিওকে। তারপর জ্বকে (এখানে বলে রাখা দরকার, মোটা শরীর, গোল মুখ আর কৃতকৃত্যে চোখ দেখে বিলালি ওর নতুন নামকরণ করেছে শূকরছানা)। ভালোমতো দেখে বুড়ো আমাকে টেনে নিয়ে গেল একটু দূরে।

‘সেই ছুর!’ ফিসফিস করে বললো সে। ‘আমি আগেই ভেবেছিলাম। সিংহের অসুখটা মারাত্মক। তবে ঘাবড়িও না, জোয়ান ছেলে, ঠিক সামলে নেবে। আর শূকরছানার অসুখ সামান্য। আমরা বলি “ছোট ছুর”। তেমন কিছু না।’

‘এখন আর এগোনো কি উচিত হবে, পিতা?’

‘অবশ্যই। এখানে থাকলে ওদের মৃত্যু কেউ ঠেকাতে পারবে না। সবকিছু যদি ঠিকমতো চলে, আজ রাতের ভেতর এই জলাভূমি পেরিয়ে যাবো আমরা। তারপর বিশুদ্ধ বাতাস। এসো ওদের পাল্কিতে তুলে দিই। যত তাড়াতাড়ি রওনা হওয়া যায় ততই মঙ্গল।’

প্রথম ঘন্টাভিনেক ভালোই এগোলাম আমরা। তারপর আরো দুর্গম হয়ে উঠলো পথ। এখানে ওখানে দেখা যাচ্ছে গভীর জলা। কোনো কোনো জায়গায় আক্ষরিক অর্থেই বেহারাদের হাঁটু পর্যন্ত ডুবে যেতে লাগলো কাদায়। হাঁটার ছন্দ আর আগের মতো সমান নেই। পাল্কি দুলাছে ভীষণ। কি করে যে এই ভারি পাল্কি কাঁধে নিয়ে হাঁটছে ওরা ভেবে অবাক হলাম।

ঘন্টাখানেক এগোলাম এভাবে। দু’লুনির মধ্যে পুরো ব্যথা হয়ে গেছে। এমন সময় একটা তীক্ষ্ণ চিৎকার ভেসে এলো। পরমহুঁসে উদ্যানক হৈ-চৈয়ের আওয়াজ। খেনে দাঁড়ালো পুরো দলটা!

লাফ দিয়ে পাল্কি থেকে নেমে সামনে দৌড়ালাম আমি। প্রায় বিশ গজ দূরে দেখতে পাচ্ছি একটা গভীর জলার কিনারা। এই কিনারা ঘেষে এগিয়ে গেছে আমাদের

কাদামগ্ন পথ। জলার দিকে তাকিয়ে আতঙ্কে শিউরে উঠলাম। বিলালির পাল্কিটা পানিতে ভাসছে। হতভাগ্য বৃদ্ধকে দেখা যাচ্ছে না কোথাও। ব্যাপার কি জিজ্ঞেস করতে এক বাহক জানালো, বিলালির বাহকদের একজনকে সাপে কেটেছে। আতঙ্কে লাফিয়ে উঠে লোকটা পাল্কি ছেড়ে দেয়। পরমুহূর্তে আবিষ্কার করে, জলায় পড়ে গেছে সে। তখন প্রাণ বাঁচানোর জন্যে পাল্কির কিনারা ধরে হাঁচড়-পাচড় করতে থাকে সে। এই পরিস্থিতিতে যা ঘটায় তা-ই ঘটে--অন্য বাহকরাও ছেড়ে দেয় পাল্কি। ফলে বিলালি এবং সাপে কাটা লোকটাকে সহ পাল্কি গড়িয়ে চলে যায় পানিতে।

আমি যখন জলার কিনারায় পৌঁছলাম তখন দু'জনের একজনকেও জলের ওপর দেখলাম না। হঠাৎ নোংরা পানির এক জায়গায় একটু আলোড়ন উঠলো। তার পরেই ভেসে উঠলো বিলালির শরীর। হাবুডুবু খেতে খেতে গায়ের লিনেনের জট থেকে নিজেকে ছাড়ানোর চেষ্টা করছে সে।

'ঐ তো উনি!' চিৎকার করলো একজন। 'আমাদের পিতা ঐ তো!' বললো কিন্তু একচুল নড়লো না লোকটা। অন্যরাও হাসি হাসি মুখে তাকিয়ে রইলো বিলালির দিকে।

'সামনে থেকে সরো, পাধার দল!' ইংরেজিতে চিৎকার করে উঠলাম আমি। মাথা থেকে হ্যাটটা খুলে ছুঁড়ে দিলাম এক দিকে, তারপর লাফিয়ে পড়লাম সেই দুর্গন্ধময় সবুজাভ পানিতে। দুবার হাত ছুঁড়েই পৌঁছে গেলাম বিলালির কাছে। কখন কি করতে হয় সে সম্পর্কে টনটনে জ্ঞান বৃদ্ধের—ডুবন্ত মানুষরা সাধারণত যেমন করে তেমন আতঙ্কিত ভঙ্গিতে আমাকে জড়িয়ে ধরার চেষ্টা করলো না। আশ্তে তার এক হাত ধরে টেনে নিয়ে এলাম পাড়ের দিকে।

'কুত্তার দল!' পাড়ে উঠেই খেঁকিয়ে উঠলো বিলালি, চোখ দিয়ে আঁশ্বন করছে তার। 'তোদের বাপকে মরতে বসিয়েছিলি! এই বিদেশী, আমার ছেল বেবুন যদি না থাকতো আজ নিশ্চয়ই ডুবে মরতাম আমি। আর তোরা কি করতিস দাঁড়িয়ে দাঁড়িয়ে হাসতি!'

আরো কিছুক্ষণ তীব্র দৃষ্টিতে তাকিয়ে রইলো লোকটাকে দিকে, তারপর আমার দিকে ফিরলো বিলালি। দু'হাতে আমার হাত জড়িয়ে ধরে বললো, 'পুত্র বেবুন, আজ থেকে আমি তোমার বন্ধু। তুমি আমার প্রাণ বাঁচিয়েছো, যদি কোনো দিন সময় সুযোগ আসে আমি এর প্রতিদান দেবো।'

ঐ জঘন্য জায়গায় যতটা সাফ সূতপে হওয়া যায় হয়ে নিয়ে, বিলালির পাল্কিটা উদ্ধার করে আবার রওনা হলাম আমরা। হতভাগ্য বাহক—যাকে সাপে কেটেছিলো—পড়ে রইলো জলায়। ওর মৃত্যুতে কিছুমাত্র মর্মান্বিত হতে দেখলাম না কাউকে। যেন

বেমানাম ভুলে গেছে, অমন কেউ ছিলো ওদের সাথে।

## এগারো

সূর্যাস্তের প্রায় এক ঘন্টা আগে, অবশেষে জলাভূমির প্রান্তে পৌঁছানো গেল। তারপরই মাটি ধীরে ধীরে উঁচু হতে হতে ঢেউ খেলানো পাহাড়ের চেহারা নিয়েছে। প্রথম ঢেউয়ের গোড়ায় পৌঁছে রাত কাটানোর জন্যে ধামধাম আনরা। পাল্কি থেকে নেমেই ছুটে গেলাম লিওর কাছে। আরো খারাপ হয়েছে ওর অবস্থা। নতুন উপসর্গ দেখা দিয়েছে—বমি করছে ঘন ঘন। সারারাত চললো এই ভাবে। বেচারা উস্তেন সাধা মতো শুশ্রূষা করছে ওর। একটু কম অসুস্থ জ্বরেরও দেখাশোনা করছে। সত্যি উস্তেনের মতো অক্লান্ত সেবিকা জীবনে আর দেখিনি আমি।

জলাভূমি পেরোনোর পরই আকাশ-পাতাল পরিবর্তন এসেছে আবহাওয়ায়। দুর্গন্ধ বিদায় নিয়েছে, না শীত না গরম একটা অবস্থা, মশাও নেই বললেই চলে। বেশ ক'দিন পর একটু ঘুম হলো রাতে।

ভোরে উঠে দেখলাম আরো খারাপ হয়েছে লিওর অবস্থা। এক রাতেই শুকিয়ে প্রায় অর্ধেক হয়ে গেছে। এমন সময় বিলালি এলো। বললো, এখনি রওনা হওয়া দরকার। কারণ, আর আধ দিনের ভেতর যদি শান্ত কোনো জায়গায় পৌঁছে উপযুক্ত শুশ্রূষার ব্যবস্থা না করা হয় তাহলে লিওকে আর বাঁচানো যাবে না।

সুতরাং আবার রওনা হলাম আমরা। জ্বরের ঘোরে যেন না পড়ে যায় সেজন্যে লিওর পাল্কির পাশে পাশে হেঁটে চললো উস্তেন।

সূর্য ওঠার আধ ঘন্টার ভেতর নিচু পাহাড়টার চূড়ায় পৌঁছানো আমরা। সামনে সবুজ ঘাসে ছাওয়া পাহাড়ী ভূমি। এখানে ওখানে ছোট ছোট ঝোপ-ঝাড়। নানা রঙের অগুনতি ফুল ফুটে আছে তাতে। বহু দূরে—আন্দাজ করলাম মাইল আঠারো হবে—মাথা তুলেছে বিরাট একটা পাহাড়। চেহারা দেখে মনে হয়, আগ্নেয়গিরির অগ্ন্যুৎপাতের ফলে সৃষ্টি হয়েছিলো। প্রায় গোল দেখতে। চূড়ায় ক্রমশ সৰু হতে হতে আকাশের গায়ে মিশেছে। মেঘের দল ঘুরে ফিরে বেড়াচ্ছে চূড়ার এপাশে ওপাশে। একটু কম উঁচু একটা পাহাড়ী দেয়াল ঘিরে রেখেছে গোল পাহাড়টাকে।

পাল্কিতে বসে অপূর্ব এই দৃশ্য দেখছি, এমন সময় বিলালির পাল্কিটা পিছিয়ে চলে এলো আমারটার পাশে।

'ওখানে থাকে "সে"!' বললো বৃদ্ধ। 'আর কোনো রানীর এমন সিংহাসন দেখেছো?'

'সত্যিই অপূর্ব, পিতা। কিন্তু, আমরা চুকবো কি করে ওর তেতর?'

'সময় হলেই দেখতে পাবে, বেবুন। নিচে পথের দিকে তাকাও, তোমরা তো বুদ্ধিমান মানুষ, কি বুঝতে পারছো?'

তাকিয়ে দেখলাম, ঘাসে ছাওয়া একটা রাস্তা মতো, সোজা এগিয়ে গেছে পাহাড়টার পাদদেশ পর্যন্ত। পথের দু'পাশে খাড়া উঁচু পাড়। হবহু খালের মতো। পার্শ্বকা একটাই—পানি নেই এতে।

'রাস্তার মতোই মনে হচ্ছে বটে,' বললাম আমি। 'তবে রাস্তার চেয়ে শুকনো খাল বা নদীর সঙ্গেই সাদৃশ্য বেশি এটার।'

'ঠিক বলেছো, পুত্র। ওটা খালই। আমাদের আগে সারা এ এলাকায় বান করতে তারা কেটেছিলো। অনেক আগে ঐ পাহাড়ের কাছে একটা হ্রদ ছিলো। ওখান থেকে পানি নিয়ে আসার জন্যে অনেক বুদ্ধি খাটিয়ে খালটা তৈরি করেছিলো ওরা। পরিশ্রমও করেছিলো প্রচণ্ড। পাহাড়ের উঁচু দেয়ালে সুড়ঙ্গ কেটে প্রথমে পানি বাইরে আনতে হয়েছে তারপর খাল কেটে তা নিয়ে গেছে দূরে। পরে হ্রদটা শুকিয়ে গেছিলো—কি কারণে জানি না। তখন ওরা ঐ শুকনো হ্রদের তলার বিশাল একটা নগর তৈরি করে। কালক্রমে সেই নগরও ধ্বংস হয়ে ঐ পাহাড়ের চহারা নেয়। নগরের "কোব" নামটাই কেবল টিকে আছে এখনো।'

'হঁ, বুঝলাম, কিন্তু বৃষ্টির পানিতে আবার কেন ভরে গেল না হ্রদটা?'

'না, পুত্র, ওরা বুদ্ধিমান ছিলো। বিরাট একটা নালা কেটে দিয়েছিলো, বৃষ্টির পানি চলে যেতো ঐ নালা দিয়ে। ঐ যে সেই নালাটা।' ডান দিকে ইঙ্গারা করলো বিলালি। দেখলাম প্রায় চার মাইল দূর দিয়ে বয়ে যাচ্ছে একটা জলধারা। 'প্রথমে' বোধহয় এই খাল দিয়েই পানি বয়ে যেতো। পরে এটাকে রক্ত হিসেবে ব্যবহারের সিদ্ধান্ত নেয় ওরা। তখন ঐ খালটা কাটায়।'

'এই নালা ছাড়া আর কোনো রাস্তা নেই পাহাড়ের গম্ভীর?'

'আছে। তবে গোপন সেটা। অনেক পরিশ্রম করা হয়েছে ঐ পথে যেতে হলে।'

'"সে" সবসময় ওখানেই থাকেন? সবই দিয়ে আসেন না কখনো?'

'না, পুত্র, যেখানে আছেন সবসময় সেখানেই থাকেন তিনি।'

সন্ধ্যার ঘন্টা দেড়েক আগে সেই বিশাল আগ্নেয় পাহাড়ের ছায়ায় পৌঁছলাম আমরা।..

প্রাচীন শুকনো খাল-পথ ধরে এগিয়ে চলেছে বেহারারা। সামনেই পাহাড়ী দেয়ালটা। কাছাকাছি পৌছে এখন দেখছি, একটা নয়, অনেকগুলো খাড়া খাড়া চূড়া। একটা ছাড়িয়ে উঠে গেছে অন্যটা। যত কাছে এগোচ্ছি তত স্পষ্ট হয়ে উঠছে প্রাচীন কোর নগরী যারা তৈরি করেছিলো তাদের শিল্প এবং কারিগরি নৈপুণ্যের পরিচয়। কি অসামান্য দক্ষতার সাথে পাহাড় কেটে সুড়ঙ্গ তৈরি করা হয়েছে। সামনেই দেখতে পাচ্ছি তার অঙ্ককার গহুর। কি বিপুল সংখ্যক লোক নিয়োগ করতে হয়েছিলো এ কাজে কে বলবে? কোথা থেকে ধরে আনা হয়েছিলো তাদের তা-ই বা কে জানে?

সুড়ঙ্গের মুখে এসে থেমে দাঁড়ালো আমাদের দলটা। রক্ষীদের দু' একজন প্রদীপ জ্বালায় ব্যবস্থা করতে লাগলো। বিলালি তার শল্কি থেকে নেমে এসে বিনীতভাবে জানালো, এখান থেকে চোখ বেঁধে নিয়ে যাওয়া হবে আমাদের। "সে" নাকি তেমনই নির্দেশ দিয়েছে।

আমি আপত্তি করলাম না। আপত্তি করার মতো শারীরিক অবস্থা নয় জিওর। কেবল জ্ব-এখন একটু ভালো ওর শরীরের অবস্থা--খানিকটা গাঁইগুই করলো। কিন্তু ওর আপত্তিতে কান দিলো না কেউ। প্রদীপগুলো জ্বলে ওঠার পরপরই চোখ বেঁধে ফেলা হলো আমাদের। উস্তেনও বাদ গেল না। তারপর আবার চললো কাফেলা। এবার আর কিছু দেখতে পাচ্ছি না। পাল্কির মৃদু দুলুনি অনুভব করছি আর বেহারাদের পদশব্দের প্রতিধ্বনি শুনছি শুধু। একটু পরেই শুরু হলো একঘেয়ে জল পড়ার শব্দ। চোখ ছাড়া বাকি সব কটা ইন্দ্রিয় তীক্ষ্ণ করে বুঝতে চেষ্টা করছি, কোন্‌পথে নিয়ে যাওয়া হচ্ছে আমাদের।

কিছুক্ষণ পরেই বাতাস ভারি হয়ে উঠতে শুরু করলো। শ্বাস নিতে কষ্ট হচ্ছে। কিছু দেখতে পাচ্ছি না, তবে বুঝতে পারছি, এভাবে আর কিছুক্ষণ চললে দম বন্ধ হয়ে মারা যাবো। জোরে জোরে শ্বাস টেনেও ফুসফুস ভরাতে পারছি(না), এমন সময় তীক্ষ্ণ একটা বীক নিলো পাল্কি। তারপর আরেকটা এবং আরেকটা। জল পড়ার শব্দ মিলিয়ে গেল। বাতাস আবার তাজা হয়ে উঠলো। কিন্তু বীক সেয়া চলছে সমানে। প্রথম কয়েকটা খেয়াল করতে পারলাম, কোন্‌ দিকে কোন্‌ দিকে মোড়া নিলো, পরেরগুলো গুলিয়ে ফেললাম।

আধ ঘন্টা চললো এভাবে। তারপর হঠাৎ আলোর আভাস দেখতে পেলাম চোখের ফেটির ভেতর দিয়ে। আরো কয়েক মিনিট এগেলো পাল্কি। তারপর থেমে পড়লো। বিলালির গলা শুনলাম। উস্তেনকে নিভের চোখের বাঁধন বলে আমাদেরগুলো খুলে দিতে বললো। উস্তেনের অপেক্ষায় না থেকে আমি নিজেই আমার বাঁধন খুলে চোখ

মেলে তাকালাম।

যা ভেবেছিলাম তাই, পাহাড়ী দেয়ালটার অন্যপাশে এসে পড়েছি আমরা। গোল পাহাড়ের চূড়াটা তত উঁচু নয় এখন থেকে, শ' পাঁচেক ফুট হবে। তার মানে শুকিয়ে যাওয়া হ্রদের তলা অর্থাৎ বিশাল প্রাচীন জ্বালা মুখটা বাইরের মাটি থেকে বেশ উঁচুতে। বিলালিদের ওখানে যেটা দেখেছিলাম সেটার মতো বিশাল পেয়ালার আকৃতি এটারও, আয়তনে অন্তত দশগুণ বড়--এই যা তফাৎ। প্রাকৃতিক দেয়াল ঘেরা জায়গাটার এক বিরাট অংশে চাষাবাদ হয়। কয়েক জায়গায় গরু, ছাগল ও এই ধরনের আরো গৃহপালিত পশুর পাল ঘুরে বেড়াচ্ছে। যাতে ফসলের খেত নষ্ট করতে না পারে সেজন্যে পাথরের দেয়াল তুলে ঘিরে রাখা হয়েছে তাদের। বেশ দূরে, জায়গাটার প্রায় কেন্দ্রের কাছাকাছি বিশাল এক নগরীর ধ্বংসাবশেষ।

আপাতত আর কিছু দেখার সুযোগ পেলাম না, দমো দলে আমাহাগাররা এসে ঘিরে ধরেছে আমাদের। গত কয়েকটা দিন যাদের মাঝে কাটিয়েছি হুবহু তাদের মতো, কি স্ভাবে কি চেহারায়। গায়ে গায়ে দাঁড়িয়ে অবাক চোখে দেখছে আমাদের। তারপর হঠাৎ একদল সশস্ত্র লোক দ্রুতপায়ে ছুটে এলো আমাদের দিকে। একেবারে সামনে কয়েকজন নেতৃস্থানীয় সৈনিক, প্রত্যেকের হাতে হাতির দাঁত দিয়ে তৈরি লাঠি। চিতার চামড়া ছাড়াও এদের পরনে রয়েছে লিনেনের আলখাল্লা। সম্ভবত "সে-যাকে-মানতেই-হবে"র দেহরক্ষী বাহিনীর সৈনিক এরা।

বিলালির দিকে এগিয়ে এলো তাদের দলমেতা। হাতির দাঁতের দণ্ডটা আড়াআড়ি ভাবে কপালের সামনে ধরে অভিবাদন জানালো। তারপর কয়েকটা প্রশ্ন করলো জবাব দিলো বিলালি। প্রশ্ন বা উত্তর কোনোটাই বুঝতে পারলাম না আমি। বিলালির জবাব শোনার সঙ্গে সঙ্গে ঘুরে দাঁড়ালো দলটা। চলতে শুরু করলো পাহাড়ী দেয়ালের ধার ঘেঁষে। আমাদের পাল্কি কাকোলাও রওনা হলো ওদের পেছন পেছন।

আধ মাইল যাওয়ার পর প্রকাণ্ড এক গুহামুখের সামনে থামলাম আমরা। প্রায় ষাট ফুট উঁচু হবে গুহাটা, চওড়ায় আশি ফুট। পাল্কি থেকে নামলো বিলালি। জব এবং আমাকেও অনুরোধ করলো নামতে। লিওকে কিছু বলার প্রশ্নই উঠলো না, কারণ এখনও ও অজ্ঞান হয়ে পড়ে আছে ওর পাল্কিতে। লিওকে ধরাধরি করে নিয়ে বিরাট গুহাটার ভেতর ঢুকলাম আমরা। কিছুদূরের একটি ফোকর দিয়ে অন্তর্যমান সূর্যের ম্লান আলো আসছে গুহার। সূর্য ডুবে গেলে বেশ ভেতরটা অন্ধকার না হয়ে যায় সেজন্যে অনেকগুলো প্রদীপও জ্বালানো হয়েছে। গুহার দেয়ালগুলো খোদাই করা ভাস্কর্যে মোড়া। বিলালিদের ওখানে পানীয়ের পাত্রে যে ধরনের কাজ দেখেছি অনেকটা

সেরকম—প্রেমের দৃশ্য সবচেয়ে বেশি, তারপর শিকারের ছবি, প্রাণদণ্ড কার্যকর করার দৃশ্য, উত্তপ্ত লাল পাত্র মাথায় বসিয়ে অপরাধীদের শাস্তি দেয়ার দৃশ্য। যুদ্ধের দৃশ্য খুব কম দেখলাম। তাতে আমার ধারণা হলো, বাইরের শত্রুর দ্বারা আক্রান্ত হওয়ার অভিজ্ঞতা খুব বেশি নেই এদের। ভাস্কর্যগুলোর সাথে প্রাচীন কোনো জনগোষ্ঠীর কাজের সাদৃশ্য খুঁজ পেলাম না—না গ্রীক, না মিসরীয়, না হিব্রু, না আসিরীয়। সামান্য সাদৃশ্য যেটুকু পেলাম তা চৈনিক ভাস্কর্যের সাথে। কালের ঘ্রাসে অনেক কাজই ক্ষয়ে গেছে। অনেকগুলো এখনো সম্পূর্ণ অক্ষত আছে।

সশস্ত্র রক্ষীরা দাঁড়িয়ে রইলো গুহার মুখে। এক এক করে আমরা ঢুকলাম ভেতরে। শাদা আলখাল্লা পরা এক লোক এগিয়ে এসে বিনীত ভাবে মাথা নুইয়ে অভিবাदन জানালো। কিন্তু মুখে একটা শব্দও করলো না। লোকটা রানীর বোবা—কালো পরিচারকদের একজন।

প্রবেশ পথ থেকে সমকোণে এগিয়ে গেলে ফুট বিশেক দূরে আরেকটা ছোট গুহা মূলগুহার থেকে ফুড়ে বেরিয়েছে। ডান এবং বাঁ—দুদিকে দুটো মুখ সেটার। বাঁ দিকের মুখে দাঁড়িয়ে আছে দু'জন রক্ষী। ধারণা করলাম "সে" থাকে ওটার ভেতরে। ডান দিকের মুখটায় কেউ নেই। বোবা লোকটা ইশারায় জানালো, ওটার ভেতরে যেতে হবে আমাদের। তারপর সে নিজেই পথ দেখিয়ে চললো।

এক জাতীয় ঘাসের আঁশে তৈরি পর্দা ঝুলছে ছোট গুহাটার মুখে। বোবা লোকটা হাত দিয়ে পর্দা উঠিয়ে একপাশে সরে দাঁড়ালো। ভেতরে ঢুকলাম আমরা। বেশ বড়সড় একটা কামরা বলা যেতে পারে, যথার্থীতি পাথর খোদাই করে বানানো। পরম স্বস্তির সাথে লক্ষ করলাম, আলো বাতাস আসার জন্যে একটা গর্ত আছে গুহাটার দেয়ালে। আরো আছে শোয়ার জন্যে পাথরের চৌকি, হাত-মুখ ধোয়ার জন্যে বড় পাত্র ভর্তি পানি, গায়ে দেয়ার জন্যে চিতার চামড়ার চমৎকার কল।

চৌকির ওপর শুইয়ে দিলাম অচেতন লিওকে। উস্তেন বসলো ওর পাশে। এরপর বোবা লোকটা একই রকম আরেকটা কামরায় নিয়ে গেল আমাদের। জব নিলো এ ঘরটা। তারপর আরো দুটো কামরায়—একটা দখল করলো বিলালি একটা আমি।

The Online Library of Bangla Books

**BANGLA BOOK**.ORG

## বারো

প্রথমেই লিওর চিকিৎসার যথাসাধ্য বন্দোবস্ত করলাম। তারপর হাতনুখ ধুয়ে নিলাম আমি আর জুব। আমাদের সব জিনিসপত্র এখন পর্যন্ত বয়ে এনেছে বিলালির লোকজন। ফলে গায়ের নোংরা কাপড়গুলো বদলে নতুন একপ্রস্থ পোশাক পরে নিতে পারলাম। বেশ বরঝরে বোধ করছি এখন, সেই সাথে ক্ষুধার্তও। তাই একটু পরে যখন কোনোরকম আগাম ঘোষণা ছাড়াই গুহা মুখের পর্দা সরে গেল এবং নতুন একজন বোবা-কালো ঢুকলো তখন বিরক্ত হলাম না মোটেই। এবারের জন যুবতী। মুখ হাঁ করে আর হাত নেড়ে সে যা বোঝাতে চাইলো তার একটাই অর্থ হতে পারে—খাবার তৈরি, খেতে চলুন।

মেয়েটার পেছন পেছন আরেকটা গুহার গিয়ে ঢুকলাম। শোয়ার কুঠুরিগুলোর প্রায় দ্বিগুণ এটা। অন্য একটা মেয়ের সঙ্গে জুব আগেই পৌঁছে গেছে সেখানে। বেশ আড়ষ্ট দেখলাম ওকে। দুশ্চিন্তায় আছে সম্ভবত—যদি এই মেয়েটাও প্রেম নিবেদন করে বসে?

এই গুহার দেয়ালেও খোদাই করা সূক্ষ্ম ভাস্কর্য। বিষয়বস্তু মৃত্যু, মৃতদেহের সংরক্ষণ এবং সংকার। গুহার প্রতি পাশে একটা করে পাথর কেটে বানানো টেবিল। চওড়ায় প্রায় তিন ফুট, উঁচু তিন ফুট ছয় ইঞ্চি। টেবিলের পাশে দেয়াল ঘেষে একটা করে ছোট বেঞ্চ মতো। বেঞ্চ এবং টেবিল—সবগুলোই আটকানো গুহার মেঝের সাথে। অর্থাৎ পাহাড় কুঁদে যখন গুহা তৈরি করা হয়েছিলো আসবাবপত্রগুলোও সে সময়ই তৈরি করা হয়েছিলো। টেবিলের ওপর খাবার সাজানো—পরিষ্কার কাঠের থালায় সেকদ্ধ ছাগলের মাংস, সদ্য দোয়ানো দুধ এবং ছাতুর তৈরি শির্ষা।

খাওয়া শেষ করে লিওর কাছে ফিরে এলাম আমরা। এইটুকু সময়ের ভেতর আরো খারাপ হয়েছে ওর শরীর। অনবরত হাত-পা ছুঁড়ছে আর জুলে বসছে। ওকে জড়িয়ে ধরে শান্ত করার চেষ্টা করছে উস্তেন। কিছু পারছে না। আর্ডি ছাড়া তাড়ি গিয়ে বসলাম ওর পাশে। আদর করে মাথায় হাত বুলিয়ে দিতে লাগলাম। কিছুক্ষণ পর একটু শান্ত হলো লিও। ভুলিয়ে ভালিয়ে একমাত্র কুইনাইন খাওয়া দিলাম ওকে।

এক ঘন্টার ওপর হয়ে গেছে, বসে আছি লিওর পাশে। ক্রমশ অন্ধকার হয়ে আসছে গুহার ভেতরটা। এমন সময় বিলালি এসে হাজির। ব্যস্তসমস্ত ভঙ্গি। জানালো, রানী নিজে আমার সাথে দেখা করার ইচ্ছা প্রকাশ করেছেন। আমার জন্যে যে এটা দুর্লভ



সম্মানের ব্যাপার তা-ও জানাতে ভুললো না।

খবরটা শুনে খুব একটা উৎকল হতে পারলাম না আমি। অসুস্থ লিওর জন্যে দৃষ্টিভ্রম অস্থির হয়ে আছে মন। এর ভেতর কোথাকার কোন্ রানী দেখা করতে চাইলো কি না চাইলো তাতে কি এসে গেল? তবু বিলালির অনুরোধে তার সঙ্গে যাওয়ার জন্যে উঠে দাঁড়লাম। সঙ্গে সঙ্গে মেঝেতে পড়ে থাকা উজ্জ্বল কিছু একটার ওপর চোখ পড়লো আমার। তুলে নিলাম জিনিসটা।

পাঠকের নিশ্চয়ই স্বরণ আছে, সৃষ্টি কারুকাঙ্ক করা রূপার বাস্কে একটা ছোট গোল মোহর ছিলো। একটা সোনার আর্থটির ওপর সেটা বসিয়ে নিয়েছিলো লিও। মোহরটা এত ছোট যে আর্থটির ওপর সেটা বসাতে কোনো অসুবিধাই হয়নি। সব সময় ওটা পরে থাকতো লিও। সেই আর্থটাই এইমাত্র কুড়িয়ে নিলাম আমি। জ্বরের ঘোরে লিও যখন অস্থির ভাবে হাত-পা ছুঁড়ছিলো তখন বোধহয় খুলে পড়ে গেছিলো ওটা। রেখে গেলে হারিয়ে যেতে পারে ভেবে আর্থটটা আমি হাতে পরে নিলাম।

বিলালির সঙ্গে লিওর গুহা থেকে মূল গুহায় বেরিয়ে এলাম। আমার দিকে তাকিয়ে চোখে চোখে ইশারা করলো বৃদ্ধ গোত্রপতি। ছোট গুহার বাঁ দিকের মুখটা দেখাল। তারপর এগোলো সেদিকে। আমিও এগোলাম পেছন পেছন। গুহাটার মুখে মূর্তির মতো দাঁড়িয়ে আছে দুই রক্ষী। আনাদের দেখে মাথা নুইয়ে অভিবাদন জানালো তারা। এরপর হাতের লম্বা বর্শা দুটো আড়াআড়ি ভাবে কপালের সামনে ধরে দাঁড়িয়ে রইলো। মাথা নিচু করে সেগুলোর নিচ দিয়ে এগোলাম আমরা। কয়েক পা যেতেই আমাদেরকে যে ধরনের কামরায় থাকতে দেয়া হয়েছে হুবহু সেরকম একটা কামরায় স্থাবিকার করলাম নিজেস্ব। পার্থক্য একটাই, যে পথে আমরা ঢুকেছি সেটা ছাড়াও প্রেক্ষা বা বেরোনোর আর একটা পথ আছে এটার। অভ্যন্ত উজ্জ্বল আলোয় আলোকিত কুঠুরিটা। দু'জন পুরুষ এবং দু'জন বোবা-কাল মেয়ে দাঁড়িয়ে আছে। মাথা নুইয়ে অভিবাদন জানালো এরাও, তারপর পথ দেখিয়ে নিয়ে চললো। মোটে দু'টি সামনে, পুরুষ দু'জন পেছনে, আমি আর বিলালি মাঝখানে। অনেকগুলো পদাঙ্কনা গুহামুখ পেরিয়ে, ছোট বড় গুহার ভেতর দিয়ে এগিয়ে চললো আমাদের ছোট্ট মিছিল। অবশেষে আর একটা গুহামুখের সামনে পৌঁছলাম আমরা। এখানেও দেখলাম, হসদেটে আলখাল্লা পরা দু'জন রক্ষী পাহারা দিচ্ছে গুহামুখ। এরকম মাথা নুইয়ে অভিবাদন জানালো। কপালের কাছে অল্প তুলে ভেতরে ঢোকান পথ করে দিলো।

ভারি পর্দা সরিয়ে ভেতরে ঢুকলাম আমরা। বিরাট একটা গুহা। লম্বায় প্রায় চল্লিশ ফুট, চওড়ায়ও একই রকম। অনেকগুলো প্রদীপের আলোয় আলোকিত। আট দশ জন

মহিলা, বেশির ভাগই যুবতী এবং সুন্দরী, গদির ওপর বসে হাতির দাঁতের সুই দিয়ে সেলাইয়ের কাজ করছে। এই মেয়েগুলোও যথারীতি বোবা-কাল। গুহার শেষ মাথায় আর একটা প্রবেশ পথ। সুন্দর প্রাচ্যদেশীয় কারুকাজ করা ভারি পর্দা দিয়ে ঢাকা। আগের গুহামুখগুলোয় যত পর্দা দেখেছি তার একটাও এটার মতো নয়। অত্যন্ত রূপসী দুই বোবা সুন্দরী দাঁড়িয়ে প্রবেশ পথের দু'পাশে। আমরা এগিয়ে যেতে বুক পর্যন্ত মাথা নুইয়ে সম্মান জানালো তারা। সোজা হয়ে দুদিক থেকে দু'জনে হাত বাড়িয়ে তুলে ধরলো পর্দা। এর পরই অদ্ভুত এক আচরণ করলো বিলালি। হামাগুড়ি দেয়ার ভঙ্গিতে বসে পড়লো মাটিতে। বৃদ্ধের চেহারায় যে সৌম্য সম্ভ্রান্ত ভাব তার সাথে এ আচরণকে কিছুতেই মেলাতে পারলাম না। হাঁটু আর হাতে ভর দিয়ে গুড়ি মেরে ঢুকছে নতুন গুহাটায়। আমি এখনো সোজা দাঁড়িয়ে অনুসরণ করছি তাকে। গুড়ি মারা অবস্থায়ই ঘাড় ফিবিয়া আমার দিকে তাকালো বিলালি।

'বসে পড়ো, পুত্র; বসে পড়ো, বেবুন, হাঁটু আর হাতে ভর দাও।' সের সামনে যাচ্ছি আমরা। যথাযোগ্য সম্মান না দেখালে মুহূর্তে ছাই হয়ে যাবে!

থেকে পড়লাম আমি। হাঁটু দুটো নিজের অজান্তেই ভাঁজ হয়ে যেতে চাইলো। পরমুহূর্তে সচেতন হলাম আমি— কেন এমন অপমানজনক আচরণ করবো? আমি ইংরেজ, কেন জংলী এক মহিলার সামনে বানরের মতো হাঁটু গেড়ে বসবো, হলোই বা বিলালির ভাষায় আমার চেহারা বেবুনের মতো? উই, কিছুতেই না। পরে যদি জীবন-মরণ সমস্যা দেখা দেয় তখন দেখা যাবে। বিলালির কথায় কান না দিয়ে দঢ় পায়ে হেঁটে চললাম আমি।

অদ্ভুত প্রাচুর্যের সন্যাস এই গুহার। দেয়ালগুলো জমকালো পর্দায় ঢাকা। এমন মনোমুগ্ধকর কাজ পর্দাগুলোয়, দেখলে চোখ জুড়িয়ে যায়। মেঝেতে পাতা গালিচার মতো ভারি শতরঞ্জি। গুহার এখানে ওখানে ছড়িয়ে আছে অনেকগুলো কালো আবলুস কাঠের ওপর হাতির দাঁতের কাজ করা গদিমোড়া আসন। খাতকটা আসনেই ঠেস দেয়ার ব্যবস্থা। গুহার শেষ প্রান্তে খানিকটা জায়গা আলমদা পর্দা দিয়ে ঘেরা। ভেতরে আলো থাকায় বাইরে থেকে ঝকঝকে দেখাচ্ছে। আমি আর বিলালি ছাড়া কোনো লোক নেই গুহার।

অবশেষে গুহার নামামাঝি জায়গায় পৌঁছলাম আমরা। হামাগুড়িতেও আর চললো না এবার। উপুড় হয়ে শুয়ে পড়তে হলো বিলালিকে। হাত দুটো এমন ভাবে ছড়িয়ে দিয়েছে যেন মারা গেছে। অল্প কিছুক্ষণের ভেতর দ্বিতীয় বারের মতো হতভম্ব হলাম আমি। কি করবো বুঝতে না পেরে এদিক ওদিক তাকাতে লাগলাম। সঙ্গে সঙ্গে কেমন

একটা অনুভূতি হলো, আমি আর নিলালি শুধু নয়, আরো কেউ আছে এই কুঠুরিতে— সামনের ঐ পর্দা ঘেরা জায়গার ভেতর থেকে তাকিয়ে আছে আমাদের দিকে। আমি তাকে দেখতে পাচ্ছি না, কিন্তু সে ঠিকই দেখতে পাচ্ছে আমাকে। কেন জানি না, সন্ত্রস্ত বোধ করতে লাগলাম আমি। সম্ভব নেই জায়গাটা অদৃশ্য। চারদিকে কারুকাজ করা পর্দা, তার ওপর প্রদীপের মতো আলো পড়ে রহস্যময় একটা পরিবেশ সৃষ্টি করেছে। কিন্তু এমন গা শির শির করা অনুভূতি হওয়ার মতো কিছু তো নয়! নাকি বিনালির মতো একজন দুঁদে গোত্রপতি ভয়ে আধমরা হয়ে মাটিতে শুয়ে পড়ছে দেখে এমন লাগছে?

অপেক্ষার দীর্ঘ সেকেণ্ডগুলো পেরিয়ে যাচ্ছে এক এক করে। মিনিটে পরিণত হচ্ছে। তারপর আরও মিনিট। এখনো প্রাণের কোনো চিহ্ন দেখা যাচ্ছে না। কোনো পর্দার একটা প্রান্তও একটু কাঁপেনি এখনো। অজানা এক ভয় ক্রমশ গ্রাস করছে আমাকে। বিন্দু বিন্দু ঘাম জমে উঠছে ভুরু ওপর।

অবশেষে—কতক্ষণ পর জানি না—ধীরে ধীরে নড়তে শুরু করলো সামনের একটা পর্দা। চমকে সচেতন হলাম আমি। কে আছে পর্দার পেছনে?—কোনো নগ্ন জংলী রানী? অপরাধী কোনো প্রাচ্যদেশীয় সুন্দরী? না চায়ের কাপ হাতে উনিশ শতকীয় কোনো যুবতী? কোনো ধারণা নেই আমার। স্থির চোখে তাকিয়ে আছি সদ্য নড়ে ওঠা পর্দার দিকে।

সামান্য ফাঁক হলো পর্দা। তারপর হঠাৎ সেটার আড়াল থেকে বেরিয়ে এলো সুন্দর সুগোল একটা শাদা হাত। তুষারের মতো শাদা। আঙুলগুলো লম্বা, ক্রমে সরু হয়ে এসেছে ডগার দিকে, শেষ হয়েছে গোলাপী নখ দিয়ে। আলতো করে পর্দার প্রান্ত পরলো হাতটা। সামান্য টেনে আনলো এক পাশে। তার পরই একটা কণ্ঠস্বর শুনতে পেলাম, 'বিদেশী।'

মনে হলো এমন কোমল মিষ্টি কণ্ঠ আর কখনো শুনি নি আমি। স্বরনার মৃদু কাল্পনের কথা মনে পড়ে গেল আমার। আমাহ্যাগাররা (বা) নর আরবী বলে তার চেয়ে অনেক সুন্দর এবং শুদ্ধ আরবীতে বললো, 'বিদেশী, এত ভয় পেয়েছো কেন?'

আচমকা এই প্রশ্ন শুনে হতভম্ব হয়ে গেলাম আমি। ভয় পেয়েছি সত্যি, কিন্তু ও তা জানলো কি করে? এখনো তো আমাকে দেখেনি ও। প্রশ্নটার জবাব কি দেবো ঠিক করে ওঠার আগেই পুরো সরে গেল পর্দা। দীর্ঘ এক নারীর অবয়ব দেখতে পেলাম সামনে। অবয়ব বলছি, কারণ শুধু শরীর নয় মুখটাও তার ঢাল শাদা প্রায় স্বচ্ছ রেশমী কাপড় দিয়ে। কাফন পরানো লাশের কথা মনে পড়ে গেল আমার। নিজের অজান্তেই শিউরে উঠলাম একবার। প্রায় স্বচ্ছ কাপড়ের ভেতর দিয়ে তার গোলাপী শরীর দেখতে পাচ্ছি

সে শরীরের সৌন্দর্যও অনুভব করতে পারাই, তবু কেন যে এমন একটা উপমা মনে এলো ভেবে পেলাম না।

'এত ভয় পেয়েছো কেন, বিদেশী?' সেই মিষ্টি ঝরনার মতো গলা আবার জিজ্ঞেস করলো। 'আমার ভেতর এমন কি আছে যা দেখে ভয় পেতে পারে একজন পুরুষ? তাহলে বলতে হবে আগের চেয়ে অনেক বদলে গেছে পুরুষ জাত!' এরপর হঠাৎই শরীরে মৃদু দোলা দিয়ে ঘুরে দাঁড়ালো সে, উত্তেজক ভঙ্গিতে উঁচু করলো একটা হাত, যেন তার সৌন্দর্যের সমস্তটাই দেখাতে চাইলো আমাকে।

কি বলবো বুঝতে পারছি না। মনে হচ্ছে কিছু একটা বলা দরকার।

'আপনার সৌন্দর্যই আমাকে ভয় পাইয়ে দিচ্ছে, মহামান্য রানী,' অবশেষে বিনীত ভঙ্গিতে বললাম আমি।

'হঁ, মিথ্যে চাটুকারি করে মেয়েদের ভোলানোর কৌশল তাহলে এখনো জানে পুরুষরা!' হাসলো সে। কিসের সঙ্গে তুলনা করবো সে হাসির? আমার মনে হলো, দূর থেকে ভেসে আসা রূপোর ঘন্টার মৃদু ধ্বনি যেন শুনলাম। তারপর আবার বললো, 'আহ, বিদেশী, মিথ্যে বোলো না! স্বীকার করো আমার অন্তর্ভেদী দৃষ্টি দেখে তুমি ভয় পেয়েছিলে। অবশ্য, মিথ্যে হলেও কথাটা তুমি বলেছিলে বেশ কাঁয়দা করে, এবারের মতো ক্ষমা করা গেল তোমাকে। যত যা-ই হোক, মেয়ে তো আমি!'

'এবার বলো, ঐ বিশাল জলাভূমি পেরিয়ে গুহাবাসীদের এই দেশে এলে কি করে? কি দেখতে এসেছো? তোমাদের প্রাণ কি এতই সস্তা যে তা "হিয়া'র" হাতে— "সে-যাকে মানতেই-হবে'র" হাতে তুলে দিতে না পারলে স্বস্তি পাচ্ছিলে না? আমার ভাষাই বা জানলে কি করে? এই প্রাচীন ভাষা কি এখনও প্রচলিত আছে খুবীতে?'

এক মুহূর্ত থামলো সে। তারপর আবার বললো, 'দেখতেই পারছো, গুহা আর ধ্বংসস্থূপের মাঝে আমার বাস, দুনিয়ার আর কোনো কিছু সম্পর্কে জানি না আমি, জানার ইচ্ছেও নেই। আমি বেঁচে আছি, হে বিদেশী, কেবল আমার স্মৃতি নিয়ে, আর সে স্মৃতিও এমন এক কবরে প্রাণিত যার অর্চনা করে আদিম হাত। কারণ, সত্যি কথা বলতে কি, মানুষের মন কখনোই সত্য-সুন্দরের গন্ধে থাকতে চায় না।' শেষ দিকে এসে মৃদু হতে হতে এক সময় মিলিয়ে গেল তার গলা। হঠাৎ চোখ গেল মেঝেতে উপুড় হয়ে থাকা বিলাসির দিকে। সংবিৎ ফিরে গেলো যেন সে। সঙ্গে সঙ্গে আশুন ছুলে উঠলো তার চোখে।

'হঁ! তুমি, বুড়ো, আছো এখানে! তোমার গোত্রে ঐ সব উল্টোপাল্টা ঘটনা ঘটলো কি করে? আমার নিষেধ সত্ত্বেও তোমার সন্তানরা আমার অতিথিদের একজনকে গরম

পাত্র করে খেলো কোন্ সাহসে? ওরা জানে না, দেহ থেকে প্রাণ একবার বেরিয়ে গেলে আমিও আর ফিরিয়ে আনতে পারি না? এ সবেবর মানে কি, বুড়ো? আমি যদি এখন চরম প্রতিশোধ নিতে চাই, কি করবে তুমি?’

‘ও “হিয়া”! ও “সে”!’ মেঝে থেকে মাথা না তুলেই ডুকরে উঠলো বুদ্ধ। ‘ও “সে”, আপনি মহান, দয়া করুন আমাকে। আমি কোনো দোষ করিনি। আমি এখনো আপনার দাস, কীটানুকীট। ও “সে” আপনি যাদের আমার সন্তান বলছেন, তাদের চেয়ে খারাপ লোক হয় না। এক বেটি আপনার অতিথি শূকরছানার গলায় মালা দিয়ে প্রত্যাখ্যাত হয়। স্বভাবতই সে খেপে ওঠে এবং অন্যদের সাথে দল পাকিয়ে আপনার অতিথি বেবুন এবং সিংহের সাথে আসা কালো অতিথিকে গরম পাত্র করে খাওয়ার চেষ্টা করে। কালো লোকটা সম্পর্কে তো আপনি কিছু বলেননি, বোধহয় সেজন্যেই অতখানি সাহস পেয়েছিলো ওরা। কিন্তু বেবুন আর সিংহ ব্যর্থ করে দিয়েছে ওদের সে চেষ্টা। কি ভয়ানক লড়াই না লড়তে হয়েছে আমার বেবুন, সিংহ আর শূকরছানাকে! ও “হিয়া,” অপরাধীদের আমি সাথে করে নিয়ে এসেছি। আপনি আপনার মহত্ত্ব দিয়ে যা বিবেচনা হয়, করবেন।’

‘ই, বুড়ো, সব জানি আমি। ভয় পেও না। কাল বড় কামরায় বসবো, বিচার হবে ওদের। আর তোমাকে ক্ষমা করে দিলাম এবারের মতো। তবে সাবধান, ভবিষ্যতে আর যেন কোনো গড়বড় না হয় তোমার গোত্রে!’

মাথা তুললো বিলালি। চোখে সকৃতজ্ঞ বিশ্বাস। পর পর তিনবার মাথা নুইয়ে কুর্নিশ করলো সে। তারপর যেমন এসেছিলো তেমনি হামাগুড়ি দিয়ে পিছিয়ে বেরিয়ে গেল কুঠুরি থেকে। আমি একা দাঁড়িয়ে রইলাম সেই ভয়ঙ্কর অথচ অদ্ভুত আহিনী মূর্তির সামনে।

## তের

‘গেছে বুড়ো হাবড়াটা,’ বললো “সে”। ‘ওহু, জীবনিকি সামান্য জ্ঞানই না সঞ্চয় করে মানুষ! জলের মতো সংগ্রহ করে, জলের মতোই বেরিয়ে যায় আঙুলের ফাঁক গলে। ভেবেছো লোকটা জ্ঞানী, তাই না? কিন্তু কি বলে ও ডাকে তোমাকে। “বেবুন”, একটু হাসলো সে, ‘অসভ্যদের কল্পনা শক্তি ঐ পর্যন্তই—একটা নাম রাখবে, তা-ও পশু-পাখির কাছে ছুটে যায়। তোমার দেশের লোকরা তোমাকে কি বলে ডাকে, বিদেশী?’

'হলি, মহারাণী,' বললাম আমি।

'হলি,' অনেক কষ্টে সে উচ্চারণ করলো শব্দটা। 'হলি মানে কি?'

'হলি এক ধরনের কাঁটাওয়ালা গাছ।'

'আচ্ছা! তা যাই-বলো না কেন, দেখতে তুমি কিন্তু কাঁটাওয়ালা গাছের মতোই। দৃঢ় এবং কুৎসিত। তবে, আমার জ্ঞান যদি ত্রুটিপূর্ণ না হয়ে থাকে তাহলে বলবো, হাড়ে মজ্জায় সং তুমি, দুনিয়াদারি সম্পর্কে ভাবনা চিন্তা করারও প্রবণতা আছে তোমার ভেতর। কিন্তু, হলি, অমন গাছের মতো দাঁড়িয়ে থেকে না তো, এসো, বসবে আমার সাথে। আমি চাই না, ঐ দাসনুদাসগুলোর মতো হানাগুড়ি দাও তুমি।' আমি যাতে ওপাশে যেতে পারি সেজন্যে পর্দা ঘেরা অংশের একটা পর্দা এক পাশে উঁচু করে ধরলো সে।

কম্পিত পায়ে ঢুকলাম আমি। তার পাশ দিয়ে যাওয়ার সময় অদ্ভুত এক সুগন্ধ এসে লাগলো আমার নাকে। একি তার গায়েরই সুগন্ধ না কিছু মেখেছে বুঝতে পারলাম না।

পর্দা ঘেরা জায়গাটা লম্বায় হবে বারো ফুট, চওড়ায় দশ। হেলান দেয়ার ব্যবস্থাওয়ালা একটা আসন আর একটা টেবিল এক পাশে। টেবিলের ওপর একটা পাত্রে টলটলে পানি আর নানান রকম ফল। পাশেই গোল একটা পাথরের বাটি। এটাও পানি ভর্তি। প্রদীপের মৃদু আলোয় জায়গাটা কোমল ভাবে আলোকিত। সেই আলোর ভেতর অনিশ্চিত ভঙ্গিতে দাঁড়িয়ে রইলাম আমি।

'বসো,' আসনটার দিকে ইঙ্গিত করে বললো সে। 'এখনো ভয় পাওয়ার মতো কিছু করোনি তুমি। করলে অবশ্য খুব বেশিক্ষণ ভয় পাওয়ার সুযোগ পাবে না, তার আগেই আমি তোমাকে হত্যা করবো। সুতরাং গোমড়া মুখটাকে প্রফুল্ল করে তোলো।'

আসনটার এক প্রান্তে বসলাম আমি। অন্য প্রান্তে গা এলিয়ে দিলো সে।

'এবার, হলি, বলো, আরবী বলতে শিখলে কি করে? আশ্চর্য প্রিয় ভাষা এটা। জানো জন্মসূত্রে আমি একজন আরব?—'আল আরাব আল আরাবিয়া,' অর্থাৎ আরবের-ও আরব। কাহ্তানের পুত্র ইয়ারাব আমার পিতা। ইরামান অর্থাৎ সুদী প্রদেশের প্রাচীন নগরী ওজাল-এ আমার জন্ম। অবশ্য একেবারে আমার মতো করে তুমি বলতে পারো না ভাষাটা। হামিয়ার উপজাতির কথায় যে স্রিষ্টি সাংগীতিক টান, তা নেই তোমার কথায়। কিছু কিছু শব্দও যেন বদলে গেছে। এই আমাহাগারগুলো তো আরো দূরবস্থা করে ছেড়েছে আমার ভাষার। ওদের সাথে কথা বলার সময় মনে হয় আলাদা কোনো ভাষায় কথা বলছি। যাক, বলো কি করে শিখলে আরবী।'

'চেষ্টা করে শিখেছি,' বললাম আমি। 'মিসর এবং আরো কিছু জায়গায় প্রচলিত এ

আমি।

'আঃ মানে আরবীতে এখনো কথা বলে মানুষ? মিসর নামের দেশটাও টিকে আছে এখনো? সিংহাসনে এখন কোন্ ফারাও? পারস্যের ওকাস বা তার আণ্ডাবাচ্চারা কি এখনো শাসন করছে দেশটা?'

'না, পারস্যের অনেক আগেই বিতর্কিত হয়েছে মিসর থেকে—প্রায় দু'হাজার বছর আগে। তারপরে টলেমীয়, রোমান এবং আরো অনেক জাতি পারস্যের মত অমন গৌরবের শিখরে উঠেছে, দোর্দণ্ড প্রতাপ ঘুরে বেరిয়েছে নীলনদের ওপর দিয়ে। অবশেষে সময় কুরিয়ে গেলে টুপ করে ঝরে পড়েছে। পারস্যের আর্টারজেরজেস সম্পর্কে কি জানেন আপনি?'

হাসলো সে, কোনো জবাব দিলো না। তার হাসির বিনরিনে শব্দ আবার ঠাণ্ডা একটা স্রোত বইয়ে দিলো আমার শরীরের ভেতর দিয়ে।

'এবং গ্রীস?' জিজ্ঞেস করলো সে। 'গ্রীস নামের দেশটা কি আছে এখনো? আহ, গ্রীকদের কি পছন্দই না করতাম আমি। দিনের মতো সুন্দর উজ্জ্বল লোকগুলো, বুদ্ধিমান, কিন্তু হৃদয় বলে কিছু ছিলো না।'

'হ্যাঁ, একটা গ্রীস এখনো আছে বটে। লোকও আছে সেদেশে। তবে আজকের গ্রীক জাতি আর প্রাচীন সেই গ্রীক জাতির ভেতর আকাশ পাতাল তফাৎ।'

'তাই নাকি! আচ্ছা হিব্রুদের খবর কি? এখনো কি ওরা জেরুজালেমে বাস করে? আর সেই মন্দিরটা? জ্ঞানী রাজা যেটা তৈরি করিয়েছিলো? ওখানে এখন কোন্ দেবতার পূজা হয়? ওদের মেসায় (যীশু, খ্রীষ্ট) কি এসেছিলো?'

'ইহুদি জাতি ছিন্নভিন্ন হয়ে ছড়িয়ে পড়েছে দুনিয়ার আনাচে কানাচে। ওদের সেই জেরুজালেম আর নেই। আর হেরোডের তৈরি সেই মন্দিরটা—'

'হেরোড! হেরোডকে তো আমি চিনি না। আচ্ছা বলে যাও।'

'রোমানরা পুড়িয়ে ফেলে মন্দিরটা। এখন সে জায়গায় মসজিদ।'

'আচ্ছা, আচ্ছা! মহান জাতি ছিলো ওরা, এ রোমানরা— একেবারে নিশ্চিহ্ন হয়ে গেল!'

'Solitudinem faciunt Pacem appellant.' বললাম আমি।

'আরে আরে, তুমি দেখছি ল্যাটিনও জানো। উহ! কতদিন পরে শুনলাম ল্যাটিন কথা! তবে তোমার উচ্চারণ কিন্তু রোমানদের মতো হয়নি। মনে হচ্ছে বহুদিন পর একজন পণ্ডিত লোকের সাক্ষাৎ পেয়েছি। গ্রীকও জানো নাকি?'

'হ্যাঁ, মহামান্য রানী, সমান্য হিব্রুও, তবে কথা বলতে পারি না। ওগুলো এখন

মৃত ভাষা।’

বাচ্চা মেয়ের মতো হাত তালি দিয়ে উঠলো সে। ‘সত্যিই, হলি, ফলবান গাছ তুমি। দূর থেকে মনে হয় কদাকার কুৎসিত, কাছে গিয়ে ভালো করে তাকালে দেখা যায় ফল, জ্ঞানের ফল। কিন্তু, ইহুদীরা...আহ কি ভীষণ ঘেন্না করতাম এই ইহুদীদের! ওদেরকে আমার দর্শন শোনাতে গিয়েছিলাম, ওরা আমাকে পৌত্তলিক বলে গাল দিয়েছিলো। ওদের মেসয়া কি এসেছিলো শেষ পর্যন্ত? সারা দুনিয়া নিজের শাসনে নিতে পেরেছিলো?’

‘হ্যাঁ, তিনি এসেছিলেন। তবে বড় দীনহীনভাবে। ওরা তাঁকে জুশবিদ্ধ করে মেরেছে। কিন্তু এখনো তাঁর বাণী বেঁচে আছে, কারণ তিনি ছিলেন ঈশ্বরের পুত্র। এখন, সত্যি কথা বলতে কি, অর্ধেক দুনিয়া শাসন করছেন তিনি, যদিও একটা মাত্র সাম্রাজ্যের মাধ্যমে নয়।’

‘আহ, নিষ্ঠুর নেকড়ের দল। যে এসেছিলো ত্রাণ করতে তাকেই কিনা মেরে ফেললি! জেরুজালেমে মন্দিরের সামনে আমার গায়েও পাথর ছুঁড়ে মেরেছিলো। আমিও গিয়েছিলাম ধর্মের কথা শোনাতে। এই দেখ, এখনো দাগ আছে!’ সুগোল হাতের ওপর থেকে কাপড় সরিয়ে ফেললো সে। ধবধবে শাদা বাহর ওপর ছোট্ট একটা লাল দাগ দেখতে পেলাম।

আবার শিরশির করে উঠলো আমার শরীর। বললাম, ‘বেয়াদবি মাফ করবেন মহামান্য রানী, আমি তো কিছুই বুঝতে পারছি না, প্রায় দু’হাজার বছর আগে মেসয়াকে জুশবিদ্ধ করে হত্যা করেছে ইহুদীরা, তারও আগে কি করে ওদের ধর্মের কথা শোনাতে গিয়েছিলেন আপনি? আপনি তো রক্তমাংসের মানুষ, অস্বাভাবিক আত্মা নন। কি করে দু’হাজার বছরেরও বেশি সময় ধরে বেঁচে থাকে একজন মানুষ?’

আসনে হেলান দিলো সে। প্রায় স্বচ্ছ মুখাবরণের নিচে অস্বস্ত একজোড়া চোখের অন্তর্ভেদী দৃষ্টি আবার আমি অনুভব করলাম আমার শরীরে।

‘মনে হচ্ছে,’ অবশেষে ধীরে ধীরে বললো সে। ‘দু’বিশ্বের অনেক কিছু সম্পর্কেই কিছু জানো না তোমরা। ইহুদীদের মতো তোমরাও কি বিশ্বাস করো, সব কিছু মরে যায়? আমি বলছি শোনো, কিছুই মরে না। মৃত্যু বলে কিছু নেই পৃথিবীতে, পরিবর্তন বলে একটা ব্যাপার অবশ্য আছে। দেখ, পাপিষ্ঠ দেয়ালের ওপর কিছু ভাব্বের্যের দিকে ইশারা করলো সে, ‘এই ছবিগুলো যারা আঁদাই করেছিলো, মহামারীর বিষনিঃশ্বাসে ধ্বংস হয়ে গেছে তারা। তিনবার দু’হাজার বছর করে পেরিয়ে গেছে তারপর। কিন্তু ওরা মরেনি, হয়তো এমুহূর্তে তাদের আত্মা চলে এসেছে এখানে,’ চারপাশে একবার



তাকালো সে। 'সত্যিই মাঝে মাঝে মনে হয়, আমার চোখগুলো দেখতে পাবে তাদের।'

'হ্যাঁ, কিন্তু পৃথিবীর কাছে তো তারা মৃত।'

'আঁ, হয়তো একটা বিশেষ সময়ের জন্যে, সেই সময় পরিধি শেষ হলে আবার তারা নতুন করে জন্ম নিয়ে পৃথিবীতে আসে। আমি, হ্যাঁ আমি, আয়শা—এটা আমার নাম, বিদেশী—আমি নিজে অপেক্ষা করে আছি একজনের জন্যে। তাকে আমি ভালোবাসি। নিশ্চিত জানি, সে আসবে, এবং আসবে এখানেই। এখানেই সে গ্রহণ করবে আমার ভালোবাসার অর্ঘ্য, যে অর্ঘ্য নিয়ে এখনো আমি অপেক্ষা করে আছি। কেন? বললে বিশ্বাস করবে না, আমি সর্বশক্তিমান, আমার সৌন্দর্য গ্রীসের হেলেনের সৌন্দর্যকেও হার মানায়, আমার জ্ঞান জ্ঞানী বাদশাহ সলোমনের জ্ঞানের চেয়েও গভীর, তোমরা যাকে মৃত্যু বলো সেই পার্থিব পরিবর্তনকে আমি কিছু দিনের জন্যে হলেও অতিক্রম করতে পেরেছি; তবু কেন আমি এই অসভ্য বর্বরদের মাঝে পড়ে আছি, জানো?'

'না,' বিনীতভাবে বললাম আমি।

'কারণ আমি আমার ভালোবাসার পাত্রের জন্যে অপেক্ষা করছি। প্রয়োজন হলে আবার পাঁচ হাজার বছর অপেক্ষা করবো। আমাকে খুঁজতে খুঁজতে সে আসবে এখানে। তার সঙ্গে খুব খারাপ আচরণ করেছিলাম সেবার। তবু আমার বিশ্বাস, এবার ওর মন গলবে। আমার সৌন্দর্যের স্বাতিরে হলেও গলবে।'

কয়েক মুহূর্ত হতবুদ্ধির মতো বসে রইলাম আমি। আমার সব জ্ঞান বুদ্ধি গুলিয়ে যেতে চাইছে।

'কিন্তু মহামান্য রানী,' অবশেষে কথা ফুটলো আমার মুখে, 'আমরা মানুষরা যদি যুগে যুগে নতুন করে জন্ম নিই—ও, আপনার ক্ষেত্রে তো তা হচ্ছে না,' আবার সেই অন্তর্ভেদী দৃষ্টি। 'আপনি তো,' তাড়াতাড়ি যোগ করলাম আমি, 'একবারও মরেননি।'

'ঠিক,' বললো সে, 'এবং সম্ভব হয়েছে অর্ধেকটা জগৎক্রমে আর অর্ধেকটা জ্ঞান অর্জনের মাধ্যমে। বিশ্বের সবচেয়ে বড় রহস্যগুলোর একটার সমাধান করেছি আমি। বলো, বিদেশী, জীবন যখন আছে, কেন তাকে একটু দীর্ঘায়িত করা যাবে না? জীবনকে ধরে রাখার সেই কৌশলই আমি আবিষ্কার করেছি। যদি মন মেজাজ ভালো থাকে তাহলে ভবিষ্যতে এ সম্পর্কে আরো আন্বেষণ করা যাবে। এখন বলো দেখি, কি করে আমি টের পেলাম তোমরা আসছো এবং গরম পাত্রের হাত থেকে বাঁচলাম তোমাদের, একবারও ভেবেছো?'

'জ্বি, অবাক হয়েছি, কিন্তু কোনো উত্তর পাইনি।'

'তাহলে এসো, ঐ পানির ওপর তাকাও,' গোল গামলার মতো পাত্রটার দিকে ইশারা করলো সে।

উঠে টেবিলের কাছে গিয়ে তাকালাম আমি। সঙ্গে সঙ্গে কালো হয়ে গেল পানিটুকু। একটু পরেই আবার স্বচ্ছ। যা দেখার কথা জীবনে কল্পনা করিনি তা-ই দেখলাম এবার—স্পষ্ট দেখলাম, আমাদের নৌকা সেই ভয়ঙ্কর খালের জলে ভাসছে। খোলের ভেতর শুয়ে ঘুমাচ্ছে লিও, মুখ দেখা যাচ্ছে না। মশার কামড় থেকে বাঁচার জন্যে একটা কোট মুড়ি দিয়ে আছে। আমি, জব আর মাহমুদ পাড়ের ওপর দিয়ে গুণ টেনে চলেছি। হবছ যেমন ঘটেছিলো তেমন।

চমকে চিৎকার করে উঠলাম আমি, 'জাদু! এ জাদু!'

'না, না, হলি, জাদু নয়, এ হলো অজ্ঞতার স্বপ্ন। জাদু বলতে কিছু নেই পৃথিবীতে। প্রকৃতিতে এমন অনেক রহস্য আছে যার সমাধান হলে মনে হবে জাদু দেখছি। এই পানি আমার বীক্ষণ কাচ। ইচ্ছে করলেই আমি আমার জানা কোনো জায়গায় অতীতে কি ঘটেছে বা বর্তমানে কি ঘটছে, জানতে পারি। তবে হ্যাঁ, ভবিষ্যতের ব্যাপারে কোনো ক্ষমতা নেই আমার কাচের। সেদিন হঠাৎই আমার ইচ্ছে হয়েছিলো, যে দুর্গম খাল পেরিয়ে একদিন এ জায়গায় এসেছিলাম সে খালের চেহারা এখন কেমন হয়েছে একটু দেখি। মনে মনে কথাটা ভাবতেই কাচ ফুটে উঠলো দৃশ্য। তখনই প্রথম দেখি তোমাদের নৌকা। একজন শুয়ে আছে ভেতরে বাকিরা সবাই গুণ টানছে। এখানকার জ্বলীগুলোর রীতি তো জানি, সঙ্গে সঙ্গে তোমাদের বাঁচানোর জন্যে খবর পাঠিয়ে দিয়েছিলাম বিলালির কাছে। আচ্ছা, এখন তোমার বুক সঙ্গীর কথা বলো, বুড়ো যাকে সিংহ বলে ডাকছিলো। ওর সঙ্গেও দেখা করতাম, কিন্তু ও তো অসুস্থ। মারামারির সময় আহতও হয়েছে।'

'ও ভীষণ অসুস্থ,' ভারাক্রান্ত গলায় বললাম আমি। 'আপনি কিছু করতে পারেন না ওর জন্যে? আপনি এতকিছু জানেন!'

'নিশ্চয়ই পারি। এক্ষুণি ওকে সুস্থ করে তুলতে পারি।' কিন্তু ওর কথা উঠতেই এত বিমর্ষ হয়ে পড়লে কেন? যুবককে তুমি ভালোবাসো? ও কি তোমার ছেলে?'

'পালিত ছেলে, মহামান্য রানী! ওকে কি দিয়ে আসবো আপনার কাছে?'

'না। ক'দিন হলো ওর অসুখ?'

'আজ তৃতীয় দিন।'

'আর একদিন থাক তাহলে, দেখা যাক এর ভেতর নিজের শক্তিতেই সেবে ওঠে

কিনা। ওষুধ দিলে এক্ষুণি ভালো হয়ে যাবে, কিন্তু তা আমি চাই না। আমার ওষুধের যা ক্ষমতা, তাতে ওর শরীরের ভেতরটা পুরো নাড়া খেয়ে যাবে। কাল রাতের ভেতর যদি ঠিক না হয়, তাহলে আমি যাবো ওর কাছে। ওর সেবা করছে কে?’

‘আমাদের খেতাব ভৃত্য। বিলালি ওর নাম দিয়েছে শূকর-ছানা। আর...’ একটু ইতস্তত করে শেষে যোগ করলাম, ‘আর একটা মেয়ে, নাম উস্তেন। এদেশেরই মেয়ে। আমরা ওদের ওখানে পৌঁছার পরই ও আলিঙ্গন করে লিওকে। আপনাদের জাতির বিয়ের রীতি সম্পর্কে ঐ সময়ই প্রথম জানতে পারি আমরা।’

‘আমাদের জাতি! আমার জাতি সম্পর্কে কিছু বোলো না। এই ক্রীতদাসগুলো আমার জাতির কেউ নয়। কুকুর ছাড়া কিছু মনে করি না ওদের। আর হ্যাঁ, আমাকে অত রানী রানী করবে না, খোশামুদি আমি একদম পছন্দ করি না, আয়শা বলে ডাকবে আমাকে। নামটা খুব মিষ্টি লাগে আমার কানে। আর এই উস্তেনটা কে? যার সম্পর্কে সতর্ক থাকতে বলা হয়েছিলো আমাকে, সে-ই না তো?’ শেষ কথা ক’টা যেন নিজেকেই শোনালো সে। তারপর শান্ত গলায় জিজ্ঞেস করলো, ‘দেখ তো, এই মেয়ে কিনা?’

পানির দিকে তাকালাম আমি। অস্পষ্ট ভাবে উস্তেনের মুখটা দেখতে পেলাম। ঝুঁকে আবেগঘন চোখে দেখছে লিওকে।

‘এ-ই সে,’ মৃদুস্বরে বললাম আমি। ‘ঘুমন্ত লিওর দিকে তাকিয়ে আছে।’

‘লিও!’ আপন মনে উচ্চারণ করলো আয়শা। ‘তার মানে ল্যাটিন ভাষায় সিংহ। এক বারের জন্যে হলেও ঠিক ঠিক নাম দিয়েছে তাহলে বুড়ো। আশ্চর্য, নিজে নিজে বলে চললো সে, ‘খুবই আশ্চর্য! এত সাদৃশ্য—কিন্তু এ সম্ভব নয়।’ অস্তির জাতির আবার একটা হাত পানির ওপর দিয়ে নিয়ে গেল সে। কালো হয়ে গেল জল। তাকিয়ে রইলো আয়শা। মুহূর্ত পরেই আবার স্বচ্ছ হয়ে গেল পানি। মুখ তুললো সে।

‘যাওয়ার আগে আর কিছু জিজ্ঞেস করবে, হলি? এখানে থাকতে খুব কষ্ট হবে তোমাদের, আমি নিজে তো নরক যন্ত্রণা ভোগ করছি। এই যে ফল দেখছো, কি সুন্দর! কিন্তু বিশ্বাস লাগে আমার কাছে। কেবল ভাবি, কবে আশ্রিত অপেক্ষার পালা শেষ হবে। যাহোক, আমার মেয়েরা তোমাদের দেখাশোনা করুক।—জানো তো ওরা বোবা-কালো? চাকর হিসেবে এমন লোকই ভালো? জাই না? আমি অমন ভাবেই প্রজনন ঘটিয়েছি ওদের। কয়েক শতাব্দী কঠোর পরিশ্রম করতে হয়েছে। তারপরে এসেছে সাফল্য। আগেও একবার সফল হয়েছিলাম, কিন্তু চেহারা এমন কুৎসিত হয়েছিলো যে সব ক’টাকে মেরে ফেলতে বাধ্য হয়েছিলাম। একবার দৈত্যাকৃতি মানুষের এক

প্রজ্ঞাতিও তৈরি করেছিলাম। বেশিদিন টেকেনি ওরা। যাকগে, আর কিছু জানতে চাও তুমি?’

‘হ্যাঁ, একটা ব্যাপার, আয়শা,’ দৃঢ় গলায় বললাম। টের পাচ্ছি, গলায়, চেহারায যত দৃঢ়তাই ফুটিয়ে তুলি না কেন, মনে মনে মোটেই তত দৃঢ়তা অনুভব করতে পারছি না। ‘আমি আপনার মুখ দেখতে চাই।’

নির্ঝরের আওয়াজ তুলে হাসলো সে। ‘ভেবে দেখ, হলি। ভালো করে ভেবে দেখ। গ্রীসের সেই পুরাণ কাহিনী তোমার জানা আছে নিশ্চয়ই? অ্যাকতিওন নামের সেই লোকটা মারা গেছিলো, তার পক্ষে সহ্য করা সম্ভব নয় এত বেশি সৌন্দর্য দেখে ফেলেছিলো সে। আমার মুখ দেখলে তোমারও হয়তো তেমন শোচনীয় পরিণতি হবে। অক্ষয় বাসনায় জ্বলে পুড়ে হয়তো নিজের হৃৎপিণ্ড নিজে ছিঁড়ে থাকবে। আমি তোমার জন্যে নই—একজন ছাড়া কোনো মানুষের জন্যেই নই।’

‘আপনি ঠিকই বলেছিলেন, আয়শা, আমি আপনার সৌন্দর্যকে ভয় করি না। কোনো মহিলার সৌন্দর্যই আমাকে মুগ্ধ করে না কারণ, জানি, সব সৌন্দর্যই একদিন বয়ে যাবে ফুলের মতো।’

‘না, তুমি ভুল করছো, সব সৌন্দর্যই ঝরে যায় না। আমি হতদিন বেঁচে থাকবো আমার সৌন্দর্যও ততদিন অক্ষুণ্ণ থাকবে। একবার কারো সামনে আমার সৌন্দর্য উন্মোচিত হলে সে আর তা ভুলতে পারে না। বন্যার তোড়ের মতো সব ডুবিয়ে ধেয়ে আসতে চায় আমার দিকে। সেজন্যেই এই অনভ্যন্তর ভেতরে গেলেও আমি স্মেরটা টেনে যাই। বলো, এখনো দেখতে চাও তুমি?’

‘হ্যাঁ, চাই!’ অদম্য হয়ে উঠেছে আমার কৌতূহল।

শাদা সুগোল একটা বাছ উঁচু করলো সে—এমন হাত জীবনে কখনো দেখিনি আমি! আশ্চর্য, খুব আশ্চর্য, চুলের নিচে হাত চাপিয়ে একটা বাঁধন খুললো তারপর হঠাৎ সেই লম্বা কাকনের মতো কাপড়টা খুলে পড়ে গেল তার শরীর থেকে। আমার চোখজোড়া উঠতে শুরু করলো তার গা বেয়ে। ধবধবে শাদা প্রায় স্বচ্ছ একটা খুলপোশাক এখন তার পরনে! নিখুঁত রাজকীয় দেহটির ভাঁজগুলো আড়াল করার চেষ্টা প্রকট করে তোলার দায়িত্বই যেন পালন করছে সে পোশাক। ছোট ছোট নুন্দর পা দুটোয় চটি, সোনার পেরেক লাগানো। তারপর গোড়ালি, দুনিয়ার সেরা ভাস্কর স্বপ্নেও কখনো এমন নিখুঁত গোড়ালি দেখিনি। নিরোট সোনার তৈরি একটা দুই মাথাওয়ানা সাপ কোমরের সাথে এঁটে রেখেছে শাদা আলখাল্লাটা। এর ওপর থেকেই তার অপরূপ দেহসুন্দর্য চোঁড়ের মতো বেখায় ক্রমশ স্ফীত হয়ে উঠেছে। সে সৌন্দর্যের কথা বর্ণনা

করে বোঝানো সম্ভব নয়। তুমার ধবল স্তন দুটোর উপর যেখানে ভাঁজ হয়ে আছে তার বাহ যুগল সেখানে শেষ হয়েছে আলখাল্লার প্রান্ত। আরো ওপরে তার মুখের দিকে তাকালাম আমি। সঙ্গে সঙ্গে কুঁকড়ে গেলাম ভেতরে ভেতরে। স্বর্গবাসী দেবীদের সৌন্দর্যের কথা শুনেছিলাম, এখন দেখলাম। এই নিখাদ সৌন্দর্যের তুলনা চলে কেবল আশুনের সঙ্গে, যা মনকে বিন্দুমাত্র শান্তি দেয় না, পোড়ায়, পুড়িয়ে ছারখার করে দেয়। কি করে এর বর্ণনা দেবো আমি জানি না, সত্যিই জানি না। দুনিয়ার কোনো কিছুই সঙ্গে এর তুলনা চলে না। বিশাল কালো একগোড়া চোখের কথা বলতে পারি, বাকানো ধনুকের মতো ভুরুর কথা বলতে পারি, উজ্জ্বল ডুকের কথা বলতে পারি, কিন্তু তাতে কি কিছু বোঝা গেল? সৌন্দর্যের স্বরূপ কি উন্মোচন করতে পারলাম পাঠকের সামনে? স্তম্ভিতের মতো দাঁড়িয়ে রইলাম আমি। অদৃশ্য কোনো চৌম্বক শক্তির প্রভাবে বেন আমার চোখ দুটো সঁটে আছে তার মুখের ওপর। ফেরাতে পারছি না।

আমার দূরবস্থা দেখে হেসে উঠলো সে। পাগল করা সঙ্গীতের মতো সেই হাসি!

'মূর্খ মানুষ!' বললো সে। 'অ্যাকতিওনের মতো জেদ ...রছিলে তুমি। সাবধান, অ্যাকতিওনের মতো শোচনীয় পরিণতি তোমারও হতে পারে। কারণ, ও হলি, আমিও একজন কুমারী দেবী। একজন ছাড়া আর কোনো পুরুষ আমাকে পাবে না। বলো, এখনো কি যথেষ্ট দেখনি?'

'মনে হচ্ছে, আমি অন্ধ হয়ে গেছি,' কর্কশ গলায় কথাটা বলে হাত দিয়ে চোখ ঢাকলাম আমি।

'আগেই তো বলেছিলাম, হলি, দেখতে চও না। আমার সৌন্দর্য বিদূষের মতো। সুন্দর, কিন্তু ধ্বংস করে—বিশেষ করে গাছ,' আবার মাথা ঝাঁকিয়ে হাসলো সে।

হাসতে হাসতেই আমার হাত ঢাকা মুখের দিকে তাকালো অন্ধকার। 'অমনি হাসি মিলিয়ে গেল তার মুখ থেকে। আঙুলের ফাঁক দিয়ে দেখতে পাচ্ছি, কঠোর হয়ে উঠেছে তার চেহারা। চোরালাগুলো দৃঢ় হয়ে গেছে। প্রাণের সব বস্তুদূর হয়ে গেছে মুখ থেকে। ছোবল দেয়ার আগে সাপ যেমন করে তেমনি মাথাটা পেছন দিকে হেলিয়ে বললো, 'তোমার হাতের ঐ গোল মোহরটা কোথায় পেয়েছা? বলো, না হলে এইমুহূর্তে তোমাকে ধুলোর সঙ্গে মিশিয়ে দেবো,' এক পা সামনে এগিয়ে এলো সে। ভয়ানক এক দ্যুতি দেখতে পাচ্ছি তার চোখে। থর থর করে কেঁপে উঠলো আমার ভেতরটা।

আমি কিছু বলার আগেই আবার সে ঘলে উঠলো, 'শান্ত হও, হলি!' আবার আগের মতো কোমল হয়ে গেছে তার গলা। 'তোমাকে খুব ভয় পাইয়ে-দিয়েছি, ক্ষমা করো। সীমাবদ্ধের জড়তা দেখে অসীম মন হঠাৎ হঠাৎ এমন অস্থির হয়ে ওঠে যে কি বলবো।

যাকগে, যা জানতে চাইছিলাম, গোল মোহরটা—কোথায় পেয়েছো?’

‘কুড়িয়ে,’ কোনো মতে উচ্চারণ করলাম।

‘আশ্চর্য!’ কীপা কীপা গলায় বললো আয়শা, হঠাৎ যেন নিছক একটা মেয়ে মানুষে পরিণত হয়েছে সে। ‘হবহ ওরকম একটা গোল মোহর আমি একজনের গলায় দেখেছিলাম। লোকটাকে আমি ভালোবেসেছিলাম।’ হঠাৎ যেন একটু ফুঁপিয়ে উঠলো সে। ‘তাহলে, এটা না, একই রকম দেখতে অন্য কোনোটা হবে। সেটা তো এরকম আর্থটির ওপর লাগানো ছিলো না! ঠিক আছে, হলি, এখন তুমি যাও। আর হ্যাঁ, আয়শার সৌন্দর্য দেখেছো, কথাটা ভুলে যাওয়ার চেষ্টা করো।’ ঘুরে দাঁড়িয়ে দু’হাতে মুখ ঢাকলো সে।

## চোদ্দ

রাত দশটার দিকে টলতে টলতে কোনোরকমে বিছানায় গিয়ে পড়লাম। শুছিয়ে ভাবতে পারছি না কিছু। এতক্ষণ যা শুনলাম, যা দেখলাম সব সত্যি না স্বপ্ন? দু’হাজার বছরেরও বেশি বয়সের এক যুবতীর সাথে এইমাত্র কথা বলে এলাম, এ-ও কি সম্ভব? আর তার সেই ভয়ানক সৌন্দর্য? রক্তমাংসের কোনো মানুষ এত রূপসী হতে পারে? তাহলে কি ভৌতিক কোনো ব্যাপার? অসম্ভব, আমার বিজ্ঞানমনস্ক মন ভূতপ্রেতে কখনোই আস্থা আনতে পারে না। তাহলে যা দেখে এলাম তা কি বাস্তব? পাগল হয়ে যাবো নাকি?

মাথার চুল খামচে ধরে লাফিয়ে উঠলাম বিছানা ছেড়ে। সত্যি পাগল হয়ে যাবো, নাকি ইতিমধ্যেই গেছি? গোল মোহরটার কথা কি বলছিলো সে? ভিনিসটা লিওর। ভিনিসি দিয়ে গিয়েছিলো। ভিনিসি পেয়েছিলো কোথায়? তার সব পুরুষদের কাছে। তাহলে কি সব সত্যি? যদি তা-ই হয়, আয়শা যার জন্যে প্রশংসা করে আছে সে কি লিও? অসম্ভব! কে কবে কোথায় শুনেছে মানুষ মৃত্যুর পরে জন্ম নেয় আবার?

কিন্তু কোনো মহিলার পক্ষে যদি দু’হাজার বছরেরও বেশি বেঁচে থাকা সম্ভব হয় তাহলে পুনর্জন্ম অসম্ভব হবে কেন?

হঠাৎ করেই আমার মনে পড়লো কিংবদন্তি কথা। অনেকক্ষণ কোনো ধরনের জানি না ওর। আশ্চর্য! আমার এত অধঃপতন হয়েছে, প্রাণপ্রিয় লিওর বৌজ পর্যন্ত নিতে ভুলে গেছি! তাড়াতাড়ি বিছানার পাশে রাখা জ্বলন্ত প্রদীপটা তুলে নিয়ে খালি পায়ে নিঃশব্দে এগোলাম ওর গুহার দিকে। রাতের মৃদ বাতাসে পর্দা দলছে। পা টিপে টিপে ঢুকে

পড়লাম লিওর কামরায়। এখানেও একটা প্রদীপ জ্বলছে বিছানার পাশে। শুয়ে আছে লিও। যদিও ঘুমিয়ে আছে কিন্তু জ্বরের ঘোরে এপাশ ওপাশ করছে। পাথরের একটা আসনে হেলান দিয়ে ঝিমোচ্ছে উস্তেন।

বেচারি লিও! গালটা ওর টকটকে লাল হয়ে উঠেছে। চোখের কোলে কালি। ঘন ঘন পড়ছে ভারি নিঃশ্বাস। আবার কথাটা আমার মনে হলো, বাঁচবে তো লিও? যদি বেঁচে যায়, নিশ্চয়ই আয়শার ব্যাপারে আমার প্রতিদ্বন্দ্বী হয়ে উঠবে ও। ও যুবক, তার ওপর সুপুরুষ-অসম্ভব সুপুরুষ; আর আমি মধ্যবয়সী প্রৌঢ়, কুৎসিত। কোনো আশা নেই আমার। ছি! কি ভাবছি আমি এসব। লিওর সঙ্গে প্রতিদ্বন্দ্বিতায় নামবো আমি তা-ও আবার প্রেমের ব্যাপারে! ধিক আমাকে!

যাক, ধন্যবাদ ঈশ্বরকে, আমার ভালোমন্দের বোধ এখনো লুপ্ত হয়নি। 'সে' তার সৌন্দর্য দিয়ে এখনো খুন করতে পারেনি আমার এই বোধকে। দাঁড়িয়ে দাঁড়িয়ে আমি প্রার্থনা করলাম—কায়মনোবাক্যে প্রার্থনা করলাম, আমার ছেলে, ছেলের চেয়েও বেশি, যেন ভালো হয়ে ওঠে।

যেভাবে এসেছিলাম তেমনি নিঃশব্দে ফিরে এলাম নিজের গুহার। প্রদীপটা নামিয়ে রাখলাম মাথার কাছে। ঘুম আসছে না এখনো। পায়চারি করতে লাগলাম গুহার এমাথা ওমাথা। হঠাৎ দেখলাম পাথরের দেয়ালে সরু একটা ফাটল, আগে কখনো খেয়াল করিনি। প্রদীপ তুলে নিয়ে পরীক্ষা করলাম ফাটলটা। একজন মানুষ কোনোমতে ঢুকতে পারে। ওপাশে নিকষ অন্ধকার। একটু ভয় পেলাম মনে মনে। যত অস্থিরই হই না কেন, এটুকু বোঝার মতো বুদ্ধি এখনো লোপ পায়নি যে, এরকম রহস্যময় জায়গায় শোয়ার কুঠুরি থেকে অজানা গোপন পথ বেরোনোটা খুব স্বস্তিজনক ব্যাপার নয়। যদি এখানে কোনো গুপ্তপথ থেকেই থাকে তাহলে জানতে হবে, কোথায় গিয়ে শেষ হয়েছে তা।

চুকে পড়লাম ফাটলটায়। এগিয়ে চললাম। কিছু দূর যাওয়ার পর দেখলাম এক প্রস্থ সিঁড়ি নিচে নেমে গেছে। সিঁড়ি বেয়ে নামতে লাগলাম স্মরণে আরেকটা সরু পথ, আরো নিখুঁত ভাবে বললে, সুড়ঙ্গে এসে পড়লাম। আগের মতো পাহাড় কেটে বানানো। এগিয়ে চললাম সুড়ঙ্গ ধরে।

কবরের মতো নিস্তব্ধতা। গা হিম্বন্দন ধরেছে। তবু যেন কিসের অদম্য আকর্ষণে এগিয়ে চলেছি আমি। প্রায় পঞ্চাশ গজ মতো চলার পর সমকোণে এগিয়ে যাওয়া আরেকটা সুড়ঙ্গের মুখে এলাম। নতুন সুড়ঙ্গটায় মাত্র চুকেছি এ সময় ভয়ানক এক ব্যাপার ঘটলো। জ্বরে হাঁটছি বলে, না কি কারণে জানি না নিবে গেল প্রদীপটা।

নিশ্চিন্ত অন্ধকারের ভেতর দাঁড়িয়ে পড়লাম আমি। ভীষণ ভয় পেয়ে গেলাম। এই অন্ধকারে ফিরবো কি করে? হৌচট খেয়ে নাক-মুখ ভাঙবে নির্ঘাত! সঙ্গে দেশলাই নেই যে নতুন করে জ্বালিয়ে নেবো প্রদীপ। যাড় ফিরিয়ে তাকলাম। নিরেট অন্ধকারের দেয়াল ছাড়া কিছু চোখে পড়লো না। সামনে তাকলাম—একই রকম অন্ধকার। কিন্তু না! বহু দূরে অস্পষ্ট একটা আলোর রেখা যেন দেখা যাচ্ছে! নিশ্চয়ই আলোকিত কোনো গুহা ওটা। ওখানে গিয়ে জ্বেলে নিতে পারবো প্রদীপ।

সুড়ঙ্গের গা হাতড়ে অনেক কষ্টে এগিয়ে চললাম। পা দিয়ে অনুভব করার চেষ্টা করছি সুড়ঙ্গের মেঝে। যদি কোনো গর্ত থাকে তাহলেই হয়েছে। না মরলেও হাত-পা কিছু একটা যে ভাঙবেই তাতে সন্দেহ নেই। আলোর উৎসটা এখন স্পষ্ট দেখতে পাচ্ছি। একটা গুহার মুখে টুকনানো পর্দা ভেদ করে আসছে সুড়ঙ্গে। আর কয়েক পা গেলেই পৌঁছে যাবো গুহামুখে। কিন্তু, ও কি? ও ঈশ্বর!

বেশি বড় নয় গুহাটা! দেখে মনে হচ্ছে কোনো সমাধিকক্ষ। মাঝামাঝি জায়গায় জ্বলছে একটা অগ্নিকুণ্ড। আশ্চর্য, আগুন জ্বলছে কিন্তু ধোঁয়া উঠছে না! সেই আগুনের আলোয় আলোকিত গুহাটা। বাঁ পাশে দেয়াল ঘেঁষে পাথরের একটা তাক। তার ওপর পড়ে আছে যে জিনিসটা তাকে লাশ ছাড়া আর কিছু বলার উপায় নেই। অন্তত দেখে সে-রকমই মনে হচ্ছে। শাদা কাপড়ের মতো কিছু একটা বিছানো তার ওপর। ডান দিকে একই রকম আরেকটা তাক। কারুকাজ করা একটা কাপড় বিছানো সেটার ওপর। মাটিতে আগুনের সামনে একটু ঝুঁকে বসে আছে একটা নারীমূর্তি। লাশটার দিকে মুখ করে আছে সে। আগুনের লকলকে শিখার দিকে চোখ। আমি তীর পাশটা কেবল দেখতে পাচ্ছি। কালো একটা দীর্ঘ আংরাখা তার পরনে। সবে মাত্র আমি সিঁদান্ত নিতে শুরু করেছি, কি করবো, এমন সময় হঠাৎ উঠে দাঁড়ালো নারীমূর্তি। গায়ের আংরাখাটা খুলে ছুঁড়ে দিলো এক পাশে।

নারীমূর্তি আর কেউ নয়, 'সে' নিজে!

সঙ্কায় আমার পীড়াপীড়িতে কাফনের মতো আংরাখাটা খুলে ফেলার পর যে পোশাক ছিলো সেই পোশাক এখন তার গায়ে। ধবধবে শাদা, বুকের কাছে অনেকখানি নামানো, কোমরে আঁটা দুই মাথাওয়ালো সোনালো সোপার তার বিশাল চুলের রাশি এখনো তেমনি ছাড়া রয়েছে। নেমে এসেছে প্রায় পিঁয়ালি পর্যন্ত। কিন্তু এবার যে জিনিসটা আমার সবচেয়ে বেশি করে চোখে পড়লো তা তার সৌন্দর্য নয়। সৌন্দর্য এখনো আছে, কিন্তু তা ছাপিয়ে অব্যক্ত এক যন্ত্রণা, অন্ধ এক আবেগ আর ভীষণ এক প্রতিশোধ স্পৃহা ফুটে উঠেছে তার চেহরায়।



এক মুহূর্ত স্থির দাঁড়িয়ে রইলো সে। তারপর ধীরে ধীরে হাত দুটো তুললো উপরে। ঠিক সেই সময় তার পোশাকের উর্ধ্বাংশটুকু পিছলে নেমে এলো সোনালি কটিবন্ধের কাছে। উন্মুক্ত হয়ে গেল তার নিটোল শরীরের উপরের অংশ। দাঁড়িয়ে রইলো সে। মুঠো পাকিয়ে উঠেছে হাতদুটো। আরো হিংস্র হয়েছে মুখের ভাব।

হঠাৎ আমার মনে হলো, এখন যদি ও আমাকে এখানে এভাবে দেখে, তাহলে কি হবে? কথাটা মনে হতেই অসুস্থ বোধ করতে লাগলাম আমি। কিন্তু তবু, কি যেন এক অমোঘ আকর্ষণে নড়তে পারলাম না সেখান থেকে।

মুঠো পাকানো হাত দুটো নেমে এলো পাশে। আবার উঠলো। অবাক বিস্ময়ে দেখলাম, হাত উঁচু করার সাথে সাথে আগুনের শিখাও লকলকিয়ে বেড়ে উঠে প্রায় ছাদের কাছে পৌঁছালো। তীব্র আলোয় ভরে উঠলো গুহা।

আবার নেমে এলো হাত দুটো। তারপর সে কথা বলে উঠলো, বলা যায় হিসহিসিয়ে উঠলো আরবীতে। এমন একটা ভঙ্গি তার গলার স্বরে, আমার রক্ত হিম হয়ে যেতে চাইলো।

‘অভিশাপ পড়ুক ওর ওপরে, অনন্ত অভিশাপ।’

বাহু দুটো আবার উপরে তুললো সে। অমনি আগুনের শিখা লকলকিয়ে পৌঁছলো ছাদের কাছে। নেমে এলো বাহু দুটো। সঙ্গে সঙ্গে স্তিমিত হয়ে এলো আগুনের শিখা।

‘অভিশপ্ত হোক ওর সৃষ্টি—সেই মিসরীয়ের সৃষ্টির মতো অভিশপ্ত।’

আবার উঁচু হলো হাত, আবার লকলকিয়ে উঠলো আগুনের জিহ্বা। আবার নেমে এলো।

‘অভিশপ্ত হোক নীলনদের কন্যা, কারণ ও সুন্দরী।’

আবার উপরে উঠলো হাত, আবার নেমে এলো।

‘অভিশপ্ত হোক ও, কারণ ওর জাদুর কাছে পরাভূত হয়েছিলাম আমি।’

‘অভিশাপ পড়ুক ওর ওপর, কারণ, আমার প্রিয়তমকে ও আমার কাছ থেকে দূরে সরিয়ে রেখেছিলো।’

আবার হাত উঁচু করে নামিয়ে আনলো সে। আবার লকলকিয়ে উঠে স্তিমিত হলো আগুনের শিখা। আর চাপা ক্রোধ মেশানো কণ্ঠে নম্র, দু’হাতে এবার চোখ ঢেকে চিৎকার করে উঠলো সেঃ

‘এখন আর অভিশাপ দিয়ে লাভ কিছু নেই। ফসী হয়ে চলে গেছে সে।’

তারপর আরো তীব্র গলায় সে বললো, ‘যেখানে আছে সেখানেই ওর ওপর অভিশাপ পড়ুক। আমার অভিশাপ ওর শাস্তি নষ্ট করে দিক। ওর ছায়াও অভিশপ্ত হোক।’

‘আমার শক্তি সেখানেও ওকে তাড়া করে ফিরুক।’

'যেখানে আছে সেখানে বসেই যেন আমার কথা শুনতে পায় ও। ভয়ে যেন ঝাঁধারের আড়ালে লুকায়।'

'নৈরাস্যের অসীম গহ্বরে নিমজ্জিত হোক ও, একদিন ওকে আমি খুঁজে বের করবোই।'

আবার স্তিমিত হয়ে এলো আগুন। আবার সে চোখ ঢাকলো হাত দিয়ে।

'লাভ নেই—কোনো লাভ নেই,' আর্তনাদ করে উঠলো সে। 'যে ঘুমিয়ে আছে তার কাছে কে পৌঁছতে পারে? এমন কি আমিও না।'

আবার সে শুরু করলো জঘন্য শাপশাপান্ত।

'আবার যখন ও জন্ম নেবে, তখন যেন ওর ওপর অভিশাপ পড়ে। অভিশপ্ত হয়েই যেন সে জন্মায়।'

'হ্যাঁ, অভিশাপ নিয়েই যেন ও জন্মায়, তখন আমি ওর ওপর আমার প্রতিশোধ চরিতার্থ করতে পারবো। শেষ করে দেবো ওকে, নিশ্চিহ্ন করে দেবো।'

এভাবে চললো আরো কিছুক্ষণ। অবশেষে রান্ধ হতে বসে পড়লো সে। যন মেঘের মতো কালো চুল ঢেকে ফেললো তার মুখ, বুক। বসে বসে ফৌপাতে লাগলো সে।

'দু'হাজার বছর,' কান্নাভেজা করুণ স্বরে বললো সে। 'দুই হাজার বছর ধরে আমি অপেক্ষা করে আছি। শতাব্দীর পর শতাব্দী নিঃশব্দে পার হয়ে গেছে, কিন্তু আমার মনের জ্বালা তো একটুও কমেনি।

'ওহ, প্রিয়তম! প্রিয়তম! প্রিয়তম! এই বিদেশী কেন এভাবে তোমার কথা আমাকে মনে করিয়ে দিলো? গত পাঁচশো বছরে তো এমন কষ্ট আর পাইনি। যে পাপ আমি করেছিলাম তোমার কাছে, তার প্রায়শ্চিত্ত কি এখনো হয়নি? কেন আমি তোমার সঙ্গেই মরে গেলাম না? আমি তোমাকে মারলাম, আমি কেন মরলাম না? হ্যাঁ, আমি মরতে পারি না!' মাটিতে লুটিয়ে পড়ে গুমরে গুমরে কাঁদতে লাগলো সে।

অনেকক্ষণ পর হঠাৎ উঠে দাঁড়ালো আবার। দ্রুত হাতে উদ্‌ঘাসের কাপড় ঠিক করে এগিয়ে গেল পাথরের ওপর শোয়ানো মূর্তিটার দিকে।

'ও ক্যালিফ্রেটিস!' চিৎকার করে উঠলো সে। নক্ষত্র শোনার সঙ্গে সঙ্গে কেঁপে উঠলাম আমি। 'আবার আমি দেখবো তোমার মুখ। জানি আরো কষ্ট পাবো, তবু দেখবো।' কম্পিত হাতে মৃতদেহ ঢেকে রাখা কীৰ্ত্তীর এক কোনা ধরলো সে। কি মনে হতেই ছেড়ে দিলো আবার।

'তুলবো তোমাকে?' বললো সে। আমার সামনে দাঁড়িয়ে থাকবে। আমি তা পারি।' দু'হাত বাড়িয়ে দিলো সে কাপড়টাকা দেহটার ওপর। দু'চোখ ভরা আতঙ্ক নিয়ে আমি পেছন থেকে দেখলাম, কাপড়ের নিচের স্থির মূর্তিটা নড়তে শুরু করেছে।

হঠাৎই হাত দুটো সরিয়ে আনলো সে। নড়াচড়া খেমে গেল মূর্তির।

‘কি লাভ?’ করুণ হয়ে উঠলো তার গলা। ‘জীবন্তের সাদৃশ্য দিতে পারবো তোমাকে, কিন্তু আত্মা তো দিতে পারবো না। আমার সামনে দাঁড়িয়ে থাকলেও তুমি আমাকে চিনতে পারবে না। আমার প্রাণই তোমার ভেতরে ঢুকে তোমাকে সচল করবে। কি লাভ তাতে, ক্যালিফ্রেটিস, কি লাভ?’

কয়েক মুহূর্ত দাঁড়িয়ে রইলো সে। তারপর হাঁটু গেড়ে বসে পড়লো মূর্তিটার পাশে। আবার কাঁদতে শুরু করেছে। আর দাঁড়িয়ে থাকা সমীচীন মনে করলাম না আমি। টলতে টলতে ফিরে চললাম অন্ধকার সুড়ঙ্গ ধরে। ঐ নিশ্চিদ্র অন্ধকারের ভেতর দিয়ে কি করে এগোলাম জানি না। শুধু মনে আছে দু’বার আমি হেঁচট খেয়ে পড়ে গেছি। একবার দুই সুড়ঙ্গের সংযোগস্থলে পৌঁছে, আরেকবার সিঁড়ির মুখে। দ্বিতীয়বার পড়ে যাওয়ার পর আর উঠতে পারলাম না। ওখানেই বসে রইলাম। বেশ অনেকক্ষণ পর সংবিলম্বি ফিরতে পেছন ফিরে দেখলাম বহুদূরে সুড়ঙ্গের শেষ মাথায় ভোরের আলো দেখা যাচ্ছে। এবার আর পথ চলতে অসুবিধা হলো না। নিরাপদেই পৌঁছলাম আমার গুহায়। কোনোমতে গিয়ে স্কলাম বিছানায়। সঙ্গে সঙ্গে ঘুম।

## পনেরো

ঘুম ভাঙতেই জবের ওপর চোখ পড়লো আমার। কাপড়-চোপড় সব গোছগাছ করে রেখে হাত-মুখ ধোয়ার জায়গায় পানির পাত্রটার সামনে গিয়ে গজ গজ করছে।

‘একটু যদি গরম পানি পাওয়া যেতো এই জঙ্গলের দেশে!’

‘কি ব্যাপার, জব?’

‘ও, স্যার, আপনি জেগে? আমি ভেবেছিলাম বুঝি ঘুমিয়ে আছেন এখনো।’

‘লিও কেমন আছে?’

‘একই রকম, স্যার। শিগগির শিগগির কিছু একটা না করতে পারলে ওকে বাঁচানো যাবে বলে মনে হয় না। ঐ জঙ্গলী উদ্ভেদে স্যার, যথেষ্ট করছে ওর জন্যে। সারাক্ষণ আছে ওকে নিয়ে। আমাকে পর্যন্ত পোষে ঘেঁষতে দিচ্ছে না। আপনি কি এখন উঠবেন, স্যার? ন’টা বেজে গেছে।’

এমনিতেই কাল রাতের ঘটনায় এখনো বিকল হয়ে আছে মন, তার ওপর লিওর এই খবর। ঝটপট উঠে হাত-মুখ ধুয়ে কাপড় পরে নিলাম। খাওয়ার কুঠুরিতে গিয়ে

অনিচ্ছাসত্ত্বেও কিছু মুখে দিলাম। তারপর গেলাম লিওর কাছে। উস্তেনকে জিজ্ঞেস করলাম কেমন আছে ও। জবাবে নিঃশব্দে মাথা নেড়ে একটু কাঁদলো মেয়েটা। বিলালি ঢুকলো এই সময়। সে-ও মাথা নাড়লো। বললো, 'রাত নাগাদ মারা যাবে ও।'

'ঈশ্বর না করুন। ওকথা বলবেন না, পিতা,' শঙ্কিত কণ্ঠে বললাম আমি।

"সে" তোমাকে হাজার হওয়ার নির্দেশ দিয়েছেন, বেবুন,' লিওর ঘরের বাইরে আসার সঙ্গে সঙ্গে বললো বৃদ্ধ। 'কিন্তু সাবধান, পুত্র, কাল তুমি শুয়ে পড়ে সম্মান দেখাওনি তাঁকে। আজ তিনি বড় কামরায় বসবেন। সিংহ আর তোমার ওপর যারা হামলা করেছিলো তাদের বিচার হবে। আজও যেন কালকের মতো কোরো না। এখন এসো, তাড়াতাড়ি।'

বৃদ্ধের পেছন পেছন এগোলাম আমি। বিশাল 'বড় কামরায়' পৌঁছে দেখলাম, অনেক ক'জন আমাহাগার জুড়ো হয়েছে সেখানে। দু'একজনের গায়ে লিনেনের আলখাল্লা, বাকিরা কেবল চিতার চামড়া পরে আছে। এই গুহারও দেয়ালে ভাস্কর্য খোদাই করা। এবং প্রতি বিশ বা বাইশ পা পর পর একটা করে মুখ, সমকোণে বেরিয়ে গেছে বাইরের দিকে।

অবশেষে গুহার শেষ প্রান্তে পৌঁছলাম আমরা। সামনে পাথরের একটা বেদী মতো। কালো কাঠের ওপর হাতির দাঁতের কাজ করা একটা গদিমোড়া আসন তার ওপর। বেদীর দু'পাশে দুটো প্রবেশ পথ। বিলালি জানালো, দুটো পথই দুটো গুহার গিয়ে শেষ হয়েছে। গুহা দুটো মৃতদেহে পূর্ণ। 'সত্যি কথা বলতে কি,' যোগ করলো সে, 'পুরো পাহাড়টাই মৃতদেহে ভর্তি, এবং প্রায় সবগুলোই এখনো অর্ধিকৃত রয়েছে।'

প্রচুর লোক জুড়ো হয়েছে বেদীর সামনে। নারী, পুরুষ দু'রকমই। হাতের সুলভ গম্ভীর মুখে দাঁড়িয়ে আছে সবাই।

হঠাৎ সমবেত কণ্ঠে একটা গুঞ্জন উঠলো, 'হিয়া! হিয়া!' ('সে-সে') পরমুহূর্তে সব ক'জন লোক সটান শুয়ে পড়লো মাটিতে। স্থির হয়ে পড়ে রইলো, যেন অজ্ঞাত কোনো কারণে একসাথে মারা গেছে সবাই। আমি কেবল দাঁড়িয়ে রইলাম—একা। এর পরই বাঁ দিকের একটা মুখ দিয়ে সারি বেঁধে একটা প্রকী ঢুকলো। বেদীর দু'পাশে অবস্থান নিলো তারা। তাদের পেছন পেছন এসে এক কুড়ি বোবা-কালা পুরুষ। তারপর সমান সংখ্যক মহিলা বোবা-কালা, পুরুষদের হাতে প্রদীপ। অবশেষে শাদা আলখাল্লায় আবৃত দীর্ঘ এক নারীমূর্তি 'সে'। বেদীর ওপর উঠে আসনে বসলো আয়শা। তারপর আমার দিকে তাকিয়ে গ্রীক ভাষায় বললো, 'এখানে এসো, হলি। আমার পায়ের কাছে বোসো। দেখ, যারা তোমাদের হত্যা করতে চেয়েছিলো তাদের কি

বিচার করি।’

মাথা নুইয়ে কুর্নিশ করলাম আমি। কথা মতো বেদীর ওপর উঠে তাঁর পায়ের কাছে বসলাম।

‘রাতে ঘুম কেমন হয়েছে, হুসি?’ জিজ্ঞেস করলো সে।

সত্যি কথাই বললাম, ‘খুব ভালো না, আয়শা!’

একটু হাসলো সে। ‘আমিও ভালো ঘুমোতে পারিনি কাল রাতে। স্বপ্ন দেখেছি। আমার ধারণা তুমিই স্বপ্নগুলো টেনে এনেছো আমার মনে।’

‘কি স্বপ্ন, আয়শা?’

‘একজনকে দেখেছি, তাকে আমি ঘৃণা করি; আর একজনকে দেখেছি, তাকে ভালোবাসি।’ এরপরই প্রসঙ্গ বদলানো সে। রক্ষীদের দলনেতার দিকে তাকিয়ে আরবীতে নির্দেশ দিলো, ‘নিয়ে এসো লোকগুলোকে

মাথা প্রায় মাটিতে ছুইয়ে সম্মান জানালো দলনেতা। তারপর অধীনস্তদের নিয়ে বেরিয়ে গেল ডানদিকের একটা পথ দিয়ে।

নীরবতা নেমে এলো গুহায়। কাপড়ে ঢাকা মুখটা হাতে ভর দিয়ে গভীর চিন্তায় ডুবে গেল আয়শা। কিছুক্ষণ পর অনেক মানুষের সম্মিলিত পায়ের আওয়াজ পাওয়া গেল ডান দিকের সেই পথে। একটু পরেই এক এক করে ঢুকতে লাগলো তারা। প্রথমে কয়েকজন রক্ষী। তারপর অপরাধীরা। জনাবিশেক হবে। বিষণ্ণ চেহারা প্রত্যেকের। তারপর আরো কয়েকজন রক্ষী। বেদীর সামনে পৌছেই দর্শকদের মতো মাটিতে শুয়ে পড়তে গেল অপরাধীরা। কিন্তু ‘সে’ বাধা দিলো ওদের।

‘না,’ কোমল গলায় বললো আয়শা। ‘দাঁড়িয়ে থাকো। আমি মিনতি করছি, দাঁড়িয়ে থাকো। শিগগিরই হয়তো এমন সময় আসবে যখন শুয়ে থাকতে থাকতে ক্লান্ত হয়ে পড়বে তোমরা।’ বলেই খিলখিল করে হেসে উঠলো সে।

বিমর্ষ মুখগুলোয় আতঙ্কের ছায়া পড়লো। সেদিন আমাদের সাথে যে আচরণই করে থাকুক না কেন, এ মুহূর্তে আমি ওদের জন্যে দুঃখ বোধনা করে পারলাম না।

আবার নীরবতা নেমে এসেছে গুহায়। এক এক করে প্রতিটা হতভাগার মুখ দেখছে আয়শা। অবশেষে, প্রায় দু’তিন মিনিট পরেই বললো সে।

‘এদের চোনো, অভিধি?’

‘হ্যাঁ, মহামান্য রানী, প্রায় সবাইকে জবাব দিলাম আমি। শোনার সঙ্গে সঙ্গে আরো কল্পণ হয়ে উঠলো লোকগুলোর চেহারা।

‘তাহলে বলো ঘটনাটা। যদিও আমি আগেই শুনেছি, তবু আবার শুনবো,

‘উপস্থিত এরাও শুনবে।’

সংক্ষেপে আমি বললাম সেই বর্বর ভোজের কাহিনী। নিঃশব্দে শুনলো সবাই। আমি শেষ করতেই বিলালিকে ডাকলো আয়শা। যেমন শুয়ে ছিলো তেমনি শুয়ে রইলো বৃদ্ধ। কেবল মাথাটা সামান্য উঁচু করে সমর্থন করলো আমার বক্তব্য। আর কোনো প্রমাণ বা সাক্ষী হাজির করা হলো না।

‘আমরা সবাই শুনলাম,’ অনেকক্ষণ পর বললো ‘সে’। স্পষ্ট করে, মেপে-মেপে উচ্চারণ করছে প্রতিটা শব্দ। ‘কি বলার আছে তোমাদের, অবাধ্য সন্তানরা? বলো, কেন তোমাদের শাস্তি দেয়া হবে না?’

কিছুক্ষণ কোনো জবাব শোনা গেল না। অবশেষে দশসই চেহারার এক লোক, মাঝবয়সী, জবাব দিলো। সে জানালো, তারা যে নির্দেশ পেয়েছিলো, তাতে বলা হয়েছিলো, শাদা মানুষদের যেন কিছু না করা হয়। কাঁলো চাকরটা সম্পর্কে কিছু বলা হয়নি। সেজন্যেই প্রথা অনুযায়ী তারা তাকে গরম পাত্র করে খাওয়ার সাহস দেখিয়েছিলো। সে-সময় আমরা বাধা দেয়ায় তারা খেপে গিয়ে আমাদের ওপর হামলা চালিয়েছিলো। সেজন্যে তারা অত্যন্ত দুঃখিত এবং মর্মান্বিত। এমনিতে আমাদের কোনো ক্ষতি করার ইচ্ছে তাদের ছিলো না। সবশেষে তাদেরকে এবারের মতো মাফ করে দেয়ার বিনীত আবেদন জানালো লোকটা। অবশ্য তার মুখ দেখেই আমি বুঝলাম ক্ষমা পাবার আশা সে বিশেষ একটা করছে না।

আবার অথও নীরবতা শুহায়। দর্শকরা মুখ গুঁজে পড়ে আছে। রক্ষীরা দাঁড়িয়ে আছে, নির্বিকার। প্রত্যেকের হাতে বর্শা, ছোরা। আসামীরাও দাঁড়িয়ে আছে মুখ নিচু করে। আর আমাকে পায়ের কাছে নিয়ে বসে আছে আয়শা। মুখ তুলে একবার দেখার চেষ্টা করলাম তার মুখের ভাব। কিন্তু ঘোমটার জন্যে দেখতে পেলাম না কিছু। তবু কেন জানি না মনে হচ্ছে, ভয়ানক কিছু ঘটবে এবার।

‘শেয়াল কুকুরের দল,’ নিচু গলায় শুরু করলো সে। তারপর জ্রমশ উঁচু গামে চড়তে লাগলো তার গলা। অদ্ভুত এক শক্তির প্রকাশ করতে পারছি সে স্বরে। ‘মানুষখেকোর দল, দুটো অপরাধ করেছিস তোরা। প্রথমত, শাদা মানুষ হওয়া সত্ত্বেও এই বিদেশীদের আক্রমণ করেছিস, দ্বিতীয়ত, এদের চাকরকে হত্যা করেছিস। শুধু এই অপরাধেই তোদের মৃত্যুদণ্ড হওয়া উচিত। সবচেয়ে বড় কথা, আমাকে অমান্য করার সাহস দেখিয়েছিস তোরা। তোদের গোত্রপিতা বিলালির মাধ্যমে আমার নির্দেশ পাঠাইনি তোদের কাছে? বলিনি যত্নের সঙ্গে গ্রহণ করতে হবে এই বিদেশীদের? তবু কেন ওদের গায়ে হাত তুলেছিস? ছোটবেলা থেকে তোদের শেখানো হয়নি, “সে”র

আইন অলংঘনীয়? তোরা কি জানিস না, আমার কথাই আইন? আর তা অমান্য করলে পাহাড় ভেঙে পড়তে পারে মাথার ওপর?

'ভালো করেই জানতি তোরা, দুরাচারের দল। তোদের হাড়ে, মজ্জায় দুর্মতি, তাই তোরা আমার আদেশ অমান্য করার সাহস দেখিয়েছিস। এর জন্যে অবশ্যই শাস্তি পেতে হবে তোদের। শাস্তি—গুহায় নিয়ে গিয়ে জল্লাদের হাতে ছেড়ে দেয়া হবে। আগামী কাল সূর্যাস্ত পর্যন্ত চলবে শাস্তি। তারপরও যারা বেঁচে থাকবে তাদের হত্যা করা হবে।'

থামলো সে। আতঙ্কের একটা গুঞ্জন উঠলো গুহা জুড়ে। অপরাধীরা বুঝতে পেরেছে, নিস্তার নেই। সঙ্গে সঙ্গে মাটিতে লুটিয়ে পড়ে কেঁদে কেঁদে ক্ষমা তিক্ষা করতে লাগলো তারা। মায়া হলো আমার। আয়শাকে অনুরোধ করলাম, যেন ক্ষমা করা হয় ওদের। অন্তত কম যন্ত্রণাদায়ক কোনো উপায়ে যেন শাস্তি দেয়া হয় লোকগুলোকে। কিন্তু অনমনীয় রইলো সে। গ্রীক ভাষায় বললোঃ

'শোনো, হলি, এ হতে পারে না। এই নেকড়েগুলোকে যদি ক্ষমা করি, তাহলে আর একদিনও এদের ভেতরে নিরাপদ রইবে না তোমাদের প্রাণ। এদের ভূমি চেনো না। বাঘের চেয়ে হিংস্র এরা। রক্তের গন্ধ পেলে কিছুতেই মাথা ঠিক রাখতে পারে না। কিভাবে এদের শাসনে রাখি জানো? আমার রক্ষীদল দেখে ইয়তো ভাবছে শাস্তি দিয়ে। কিন্তু আসলে তা নয়, ভয় দেখিয়েই এদেরকে পথে রেখেছি এখনো। এই বিশটা লোককে যন্ত্রণা দিয়ে মেরে কি লাভ আমার? কিছুই না। তবু আমার হুকুমের কোনো নড়চড় হবে না। কারণ, তাহলেই এরা নরম ভেবে বসবে আমাকে। তবুও আর কিছুতেই এদের বশে রাখা যাবে না। না, হলি, না, মরতেই হবে ওদের, এবং যেভাবে বলেছি সেভাবেই।' তারপর হঠাৎ রক্ষীদের দলনেতার দিকে ফিরে যোগ করলো, 'যেভাবে বলেছি ঠিক সেইভাবেই!'

## ষোল

বন্দীদের নিয়ে যাওয়ার পর হাত নাড়লো অসুস্থ। দর্শকরা উন্টোদিকে ঘুরে হামাগুড়ি দিয়ে বেরিয়ে গেল গুহা ছেড়ে। তাদের যানী আর আমি রইলাম কেবল। রানীর কয়েকজন পরিচারক—পরিচারিকা এবং রক্ষীও রইলো। এই সুযোগ, ভেবে, অসুস্থ লিগকে দেখতে যাওয়ার জন্যে বললাম আয়শাকে। রাজি হলো না সে। বললো, রাতের

সঙ্গে নিশ্চয়ই মারা যাবে না ছেলেটা। এ ধরনের রোগে মানুষ মরে হয় রাতে নয় ভোর বেলা। সুতরাং দিনের বাকি সময়টুকু অপেক্ষা করলে খুব একটা অসুবিধা হবে না।

আর কি করতে পারি আমি? বিদায় নেয়ার জন্য উঠলাম। কিন্তু আমাকে যেতে দিলো না আয়শা। বললো, 'এবার তোমাকে বিষয়কর কিছু জিনিস দেখাবো, হলি। থাকো আমার সাথে। এই বিশাল গুহার দিকে তাকাও। এমন কিছু আর দেখেছো জীবনে? এখানে যে জাতি বাস করতো তারা হাত দিয়ে খোদাই করেছিলো এসব। কত লোক কত সময় ধরে করেছিলো এ কাজ বলো দেখি?'

'নিঃসন্দেহে হাজার হাজার লোকের হাজার বছরেরও বেশি লেগেছিলো,' জবাব দিলাম আমি।

'ঠিক তাই, হলি। মিসরীয়দের চেয়েও প্রাচীন ছিলো সে জাতি। ওদের ভাষা সামান্য পড়তে পারি আমি। এদিকে এসো, দেখ এখানে কি লিখেছে ওরা।'

বেদীর ওপর যেখানে বসেছিলো আয়শা ঠিক তার পেছনে কয়লা খোদাই করা একটা ছবি। হাতের দাঁতের ছড়ি হাতে এক বৃদ্ধ বসে আছে। তার নিচে খোদাই করা কতকগুলো অক্ষর। দেখতে অনেকটা চীনা অক্ষরের মতো। লেখাটা পড়ে অনুবাদ করে শোনালো আয়শাঃ

'রাজকীয় কোর নগরীর পত্তনের চার হাজার দু'শো ঊনষাটতম বছরে কোর-এর রাজা তিসনো-এর সময় এই গুহার (অথবা সমাধিস্থানের) নির্মাণ কাজ শেষ হয়। এখানকার মানুষ এবং তাদের দাসরা তিন পুরুষ যাবৎ পরিধম করে পরবর্তী বংশধরদের জন্যে এই সমাধিস্থান নির্মাণ করে। স্বর্গের আশীর্বাদ নেমে আসুক তাদের কাজের ওপর এবং পরাক্রমশালী সম্রাট তিসনোর ওপর।'

'দেখেছো, হলি,' বললো আয়শা। 'এই গুহা তৈরির কাজ শেষ হওয়ার চার হাজার বছরেরও বেশি আগে ওরা নগরীর পত্তন করেছিলো। প্রথম যখন আমি এখানে আসি, দু'হাজার বছর আগে, তখনও এ জায়গার অবস্থা এখন যেমন দেখছো, হুবহু তেমন ছিলো। এখন বুঝে দেখ, কত পুরানো নগরটা। এবার চলো, তোমাকে দেখাই, সেই মহান জাতির যখন পত্তন হলো তখন তাদের অসুখ কীমন হয়েছিলো।'

গুহার মানামানি জায়গায় আমাকে নিয়ে গেল আয়শা। মোকতে গোল একটা পাথর দেখালো। একই রকম অক্ষরে কি যেন লেখা এটার ওপরেও।

'বলো তো, কি লেখা এতে?' জিজ্ঞেস করলো আয়শা।

'জানি না।'

এবারও লেখাগুলো অনুবাদ করে শোনালো সেঃ



“আমি, জুনিস, কোর-এর প্রধান মন্দিরের একজন পুরোহিত, কোর নগরীর পত্তনের চার হাজার আটশো তিন বছর পর এই কথা লিখছি। কোর-এর পতন হয়েছে। এর বিশাল কামরাগুলোয় আর কোনো ভোজোৎসব হবে না, দুনিয়ার ওপর তার কর্তৃত্ব শেষ, তার নৌবহর দুনিয়ার বন্দরে বন্দরে আর বাগিচা করে বেড়াবে না। কোর-এর পতন হয়েছে। এর সুউচ্চ সৌধসমূহ, বন্দরগুলো, খালগুলো সব নেকড়ে, পেঁচা আর বুনো হাঁসের বিচরণভূমি হবে। এককুড়ি পাঁচ চাঁদ আগে একটা মেঘ এসে স্থির হয় কোর-এর আকাশে। সেই মেঘ থেকে নেমে আসে মড়ক। অসহায়ভাবে মরতে পাকে তার অধিবাসীরা। বৃদ্ধ-যুবক, নারী-পুরুষ; বনী-নির্বন, রাজকুমার-দাস কেউ বাদ যায়নি। এত প্রচুর সংখ্যায় তারা মরেছে যে, কোর-এর সন্তানদের মৃতদেহ প্রধাসিদ্ধ উপায়ে সংরক্ষণ করাও সম্ভব হয়নি। এই গুহার নিচে যে বিশাল গহ্বর তার ভেতরে ফেলে দেয়া হয় মৃতদেহগুলো। শেষ পর্যন্ত এই মহান জাতির বেঁচে যাওয়া সামান্য কিছু মানুষ কোনোমতে উপফুলে পৌঁছে জাহাজে চাপে, এবং পাল তুলে উত্তর দিকে রওনা হয়ে যায়। আমি, পুরোহিত জুনিস, এই উপাখ্যানের লেখক, একা কেবল বেঁচে আছি এই বিশাল নগরীতে। অন্য কোনো নগরীতে আর কেউ বেঁচে আছে কিনা জানি না। মৃত্যুর আগে দুঃখ তারাক্রান্ত হৃদয়ে একথা আমি লিখে রেখে যাচ্ছি, কারণ, রাজকীয় কোর-এর অস্তিত্ব বিলুপ্ত, এর মন্দিরে উপাসনা করার কেউ নেই, প্রতিটা জায়গা শূন্য; এর রাজপুত্র, সেনাধ্যক্ষ, সওদাগর, সুন্দরী রমণীরা—সবাই হারিয়ে গেছে দুনিয়া থেকে।”

একটা দীর্ঘশ্বাস বেরিয়ে এলো আমার বুক চিরে। কি ভয়ঙ্কর ঘটনা। প্রবল পরাক্রমশালী এক রাষ্ট্রের শেষ জীবিত ব্যক্তি লিখে রেখে গেছে এই ইতিহাস। কথাটা মনে হতেই রোমাঞ্চিত হয়ে উঠলো আমার শরীর।

‘তোমর কি মনে হয়, হলি,’ আমার কাঁধে একটা হাত ঝেঁপে বললো আয়শা। ‘উত্তর দিকে যারা গিয়েছিলো তারাই কি মিসরীয়দের পূর্বপুরুষ?’

‘জানি না, আমার শুধু মনে হচ্ছে, পৃথিবীটা খুব পুরানো।’

‘পুরানো? হ্যাঁ, তা বটে। যুগে যুগে কত জাতির দিকশাশ হয়েছে। একটার চেয়ে অন্যটা উন্নত, শক্তিশালী। একটাকে পরাভূত করে দখল তুলেছে অন্যটা। শিল্প, সাহিত্য, সংস্কৃতিতে একটা ছাড়িয়ে গেছে অন্যটাকে। কে জানে, হাজার হাজার বছর আগে দুনিয়ার কোথায় কি ঘটেছে, ভবিষ্যতেই কি কি ঘটবে? যাকগে, চলো, এই লেখায় যে বিশাল গহ্বরের কথা বলা হয়েছে, সেটা দেখাই তোমাকে। জীবনে এমন দৃশ্য আর কখনো দেখেনি তুমি!’

তার পেছন পেছন পাশের একটা প্রবেশ পথ ধরে এগোলাম আমি। কিছুদূর যাওয়ার পর সিঁড়ি। নামতে শুরু করলাম আমরা। অসংখ্য ধাপ সিঁড়িটায়। নামছি তো নামছি। প্রায় ফাট ফুট মতো নেমে যাওয়ার পর শেষ হলো সিঁড়ি। উপর দিকে উঠে যাওয়া অদ্ভুতদর্শন গর্ত বা নল তৈরি করে বাতাস চলাচলের ব্যবস্থা করা হয়েছে এখানে।

এগিয়ে চললাম আমরা। হঠাৎ শেষ হয়ে গেল পথ। পেছন পেছন আসা কয়েকজন পরিচারিকাকে প্রদীপ উঁচু করে ধরতে বললো সে। তারপর যা দেখলাম, সত্যি সত্যি আগে কখনো তো দেখিইনি, ভবিষ্যতেও সম্ভবত দেখবো না। বিশাল একটা গর্তের কিনারে দাঁড়িয়ে আছি আমরা। কত নিচে সেটার তলা জানি না। গর্তের কিনারাটা পাথরের নিচু একটা দেয়াল দিয়ে ঘেরা। প্রদীপটা উঁচু হতেই আলো পড়লো ভেতরে। উঁকি দিতেই শির শির করে উঠলো শরীর। অসংখ্য মানব-কঙ্কালে ঠাসা গর্তটা। এমন ভয়ানক দৃশ্য দেখতে হবে সত্যিই কখনো কল্পনা করিনি। প্রদীপের মৃদু আলোয় দাঁত বের করে বেন ভেংচাচ্ছে শাদা হাড়ের স্তূপ।

'চলুন, আয়শা,' ভাড়াভাড়া বললাম আমি। 'যেপেই দেখা হয়েছে। আর দেখতে চাই না।' ঘুরে দাঁড়াতে দাঁড়াতে যোগ করলাম, 'সেই মহা-মড়কে মরেছিলো যারা তাদের কঙ্কাল, তাই তো?'

'হ্যাঁ। মিসরীয়দের মতো কোর-এর লোকরাও মৃতদেহ সংরক্ষণ করতো। তবে মিসরীয়দের চেয়ে তাদের পদ্ধতি অনেক উন্নত ছিলো। মিসরীয়রা যেখানে মগজু বের করে নিতো, সেখানে কোর-এর ওরা শিরার ভেতর দিয়ে এক ধরনের তরল পদার্থ ঢুকিয়ে দিতো। সেই তরল পদার্থ সারা শরীরে ছড়িয়ে পড়ে যুগ যুগ ধরে অবিকৃত রাখতো মৃতদেহ। চলো দেখাবো তোমাকে।'

সেই বিশাল গহ্বর থেকে বেরিয়ে একটা ছোট দরজার মতো প্রবেশদ্বার সামনে দাঁড়ালো সে। পরিচারিকাদের বাতি হাতে আগে আগে যেতে বললো।

ছোট্ট একটা কুঠুরিতে ঢুকলাম আমরা। দুটো পাথরের চৌকি দু'পাশে। সেগুলোর ওপর শোয়ানো হলদেটে লিনেনে ঢাকা মূর্তি।

একটা চৌকির সামনে দিয়ে দাঁড়ালো আয়শা। 'আমাকে ডাকলো কাছে।'

'কাপড়টা ওঠাও, হলি,' বললো সে।

হাত বাড়ালাম আমি। সঙ্গে সঙ্গে সরিয়ে আনলাম আবার। সাহস হলো না তোলার—কি দেখবো কে জানে? একটু হলে আয়শা নিজেই সরিয়ে দিলো কাপড়টা।

আরো সূক্ষ্ম একটা কাপড় নিচে। সেটাও সরিয়ে দিলো। তারপর দেখলাম—হাজার হাজার বছরের ভেতর এই প্রথম জীবিত মানুষের দৃষ্টি পড়লো সেই শীতল মৃতদেহের

দিকে, এক মহিলা। বছর পর্য্যবেক্ষণ হবে বয়েস; একটু কমও হতে পারে, নিঃসন্দেহে সুন্দরী। এখনো সম্পূর্ণ অবিকৃত রয়েছে তার সৌন্দর্য। শাদা একটা কাপড় পরে আছে। দু'হাতে বৃক্কের সাথে জড়িয়ে ধরে আছে ছোট্ট একটা বাচ্চাকে। অসম্ভব মিষ্টি করণ একটা দৃশ্য--নির্দিষ্টায় স্বীকার করছি, চোখের পানি ঠেকিয়ে রাখতে পারলাম না আমি। মা ও শিশু শেষ শয়্যায় শুয়ে!

কাপড় দিয়ে দেহ দুটো ঢেকে দিলো আয়শা। বেরিয়ে এলাম আমরা গুহা ছেড়ে। তারপর অন্য একটা গুহায় গিয়ে ঢুকলাম। একই ভাবে সংরক্ষণ করা অনেকগুলো মৃতদেহ দেখলাম এখানেও। অবশেষে শেষ সমাধি গুহায় ঢুকলাম আমরা। এখানে একটা পাথরের চৌকিতে দুটো মৃতদেহ শোয়ানো। আমি নিজেই এবার কাপড় সরালাম। বৃক্ক বৃক্ক আলিঙ্গন করে শুয়ে আছে এক যুবক আর এক তরুণী। মেয়েটার মাথা ছেলেটার হাতের ওপর, ছেলেটার ঠোঁট দুটো ছুঁয়ে আছে মেয়েটার ভুরু। ছেলেটার পায়ের লিনেনের কাপড় খুললাম আমি। হৃৎপিণ্ড বরাবর একটা ছোরার-ক্ষত দেখতে পেলাম। মেয়েটার নিটোল একটা স্তনের নিচেও তেমন একটা ক্ষত। উপরে একটা পাথরে খোদাই করা তিনটি শব্দ। আয়শা অনুবাদ করে শোনালো, 'মৃত্যুর মাঝে পরিণীত।'

কারা এই তরুণ-তরুণী? কেন এই করুণ মৃত্যু ওদের? চোখ বুজে ভাববার চেষ্টা করলাম কারণগুলো, কিন্তু কোনো কূল কিনারা পেলাম না। আয়শাকে জিজ্ঞেস করেও যে খুব একটা জ্ঞান হবে তা মনে হলো না। কারণ ও এখানে আসার অনেক আগেই মৃতদেহগুলো এখানে সংরক্ষণ করা হয়েছে।

'প্রায় দেখবে, বিদেশী অতিথি?' জিজ্ঞেস করলো সে। 'চাও তো চেষ্টা, কোর-এর প্রবল পরাক্রমশালী রাজা তিসানোর সমাধি গুহা দেখাই তোমাকে।'

'না, মহান রানী, যথেষ্ট হয়েছে,' বললাম আমি। 'মৃত্যুর এই রূপ আর সহ্য করতে পারছি না। মানুষের তুচ্ছতা বড় বেশি প্রকট হয়ে উঠছে। আমাদের এখান থেকে নিয়ে চলুন, আয়শা।'

## সতেরো

পরিচারিকারা বাতি হাতে পথ দেখিয়ে চললো। কয়েক মিনিটের মধ্যে আমরা আয়শার ঘরের সামনে এসে পড়লাম। বিদায় চাইলাম আমি।

'না,' বললো সে। 'এসো আমার সাথে। সত্যি কথা বলতে কি, হলি, তোমার সাথে কথা বলতে খুব ভালো লাগছে আমার। ভেবে দেখ, দু'হাজার বছরেরও বেশি পেরিয়ে গেছে, এইসব ক্রীতদাস ছাড়া কখনো ভদ্রলোকের সাথে কথা বলার সুযোগ পাইনি। অন্য কেউ হলে কুক ফেটে মরে যেতো না? এসো, হলি, বসো কিছুক্ষণ আমার সাথে। আবার আমার সৌন্দর্য দেখাবো তোমাকে।'

সত্যিই আর কিছু না বলে ওপরের আলখাল্লা এবং মুখাবরণ খুলে ফেললো সে। প্রদীপের আলোয় ঝিকমিকিয়ে উঠলো তার কোমরের সোনার সাপটা।

নতুন একটা ডাব খেলা করে বেড়াচ্ছে আয়শার মুখ জুড়ে। স্পষ্ট বুঝতে পারছি, বদলে গেছে তার মনের রং। প্রগল্ভ হয়ে উঠেছে সে। মৃদু হেসে একটা দীর্ঘশ্বাস ফেললো। দ্রুত একবার চোখ বুলিয়ে নিলো আমার ওপর। মাথা নেড়ে সামান্য দোলালো ঘন দীর্ঘ চুলের রাশি। অপূর্ব এক সুগন্ধে ভরে গেল জায়গাটা। চটি পরা নিটোল একটা পা ঠুকলো মেঝেতে। গুন গুন করে গেয়ে উঠলো প্রাচীন একটা গ্রীক বিয়ের গান। সব গাঙ্গীর্ষ খসে পড়েছে। অদ্ভুত এক মিটি মিটি হাসি তার দু'চোখে।

'বসো, হলি। যেখানে ইচ্ছে তোমার। যেখানে বসলে আমাকে ভালো মতো দেখতে পাবে সেখানেই বসো। কিন্তু আবার তোমাকে সাবধান করে দিচ্ছি, বেশি দেখো না। অক্ষম বাসনায় নিজের হৃৎপিণ্ড ছিঁড়ে খাও তা চাই না, তোমাকে পছন্দ করি আমি।

'এবার বলো, সত্যিই আমার ওনতে ইচ্ছে করছে, আমি কি সুন্দরী নই? না, অত তাড়াহাড়ে করার কিছু নেই। সবদিক ভালো করে বিবেচনা করো, তারপর বলো। আমার চেহারা, আমার শরীর, আমার লাবণ্য, গানের রং, সব বিচার করো। তারপর বলো, এর কণামাত্র সৌন্দর্য আর কোনো নারীর ভেতর দেখেছো? প্রথম আমার কোমর, খুব মোটা মনে হচ্ছে? আসলে মোটেই তা নয়, এই সোনার সাপটার জন্যেই ভ্রমন লাগছে। বিশ্বাস না হয় ধরে দেখ। এখানে দু'হাত বেড় দিয়ে ধরো। কি ধরতে পারছো, হলি?'

আর সহ্য করতে পারলাম না আমি। শত হলেও আমি পুরুষ আর সে নারী--নারী চেয়েও বেশি। হাঁটু গেড়ে বসে পড়লাম আমি। কক্ষণ গলায় মিনতি করে বললাম, 'আমি তোমাকে পূজা করবো, আয়শা, আমার সর্বস্বের আত্মা নিবেদন করবো তোমার উদ্দেশ্যে, আমাকে বিয়ে করো।'

নিঃসন্দেহে উন্মাদ হয়ে গিয়েছিলাম আমি। সধবিৎ কিরলো তার দিল্লীমল হাসি শুনে।

'ওহ, এত শিগগির, হলি? অবাক লাগছে আমার, ক'মহূর্তের ভেতর হাঁটু-গেড়ে বসলাম তোমাকে! উহ, কতদিন যে কোনো পুরুষকে এমন ভঙ্গিতে দেখিনি! বিশ্বাস করো, মেয়ে মানুষের কাছে এর চেয়ে তৃপ্তির আর কিছু নেই।

'কিন্তু তুমি, হলি, কি করে পারলে এমন করতে? কি করে পারলে? তোমাকে বলিনি, আমি তোমার জন্যে নই? পৃথিবীতে একজনকেই মাত্র আমি ভালোবাসি, সে তুমি নও। এত পাণ্ডিত্য তোমার, তবু আমি বলতে বাধ্য হচ্ছি, তুমি বোকা, মায়ামন্ত্রীচিকার পেছনে ছুটছো।' হঠাৎ করেই বদলে গেল তার গলার স্বর, 'আমার চোখের দিকে তাকাবে? চুমু খাবে আমাকে? বেশ তাতে যদি খুশি হও, 'তাকাও।' বুকে আমার মুখের সামনে মুখ নিয়ে এলো সে। তাকালো আমার চোখের দিকে। 'হ্যাঁ তাকাও, ইচ্ছে হলে চুমুও খেতে পারো। প্রকৃতির নিয়মকে ধন্যবাদ, হৃদয়ে ছাড়া আর কোথাও চুম্বন কোনো চিহ্ন রেখে যায় না। কিন্তু তুমি যদি আমাকে চুমু দাও, আমি বলছি, নিশ্চয়ই আমার প্রেমে অন্ধ হয়ে তুমি তোমার হৃৎপিণ্ড ছিঁড়ে খাবে, এবং মরবে।' আর একটু বুকে এলো সে। কোমল রেশমের মতো চলগুলোর মৃদু স্পর্শ বুলিয়ে দিলো আমার মুখে। স্থান-কাল-পাত্র ভুলে গেলাম আমি। আচমকা হাত বাড়িয়ে দিলাম ওকে জড়িয়ে ধরার জন্যে। বিদ্যুৎস্পৃষ্টের মতো সোজা হলো সে। আবার বদলে গেছে তার মুখের রং। আবার সেই পুরানো ভাবলেশহীন কাঠিন্য ফিরে এসেছে। সর্ববিং ফিরলো আমার। শির শির করে উঠলো শরীরের তেতর। এনার নিঃসন্দেহে ভয় করে ফেলবে আমাকে!

প্রায় সঙ্গে সঙ্গে সামলে নিলো সে। বললো, 'যথেষ্ট নষ্টামি হয়েছে, আর নয়। শোনো, হলি, তুমি ভালো লোক, সং, এবারও মাফ করে দিলাম তোমাকে। আগেই বলেছি, আমি তোমার জন্যে নই, তবু কেন আমার দিকে হাত বাড়ালো? আবার যদি বিরক্ত করো, আমি মোমটা টেনে দেবো, আর কখনো আমার মুখ দেখবে না তুমি।'

উঠে গদিমোড়া আসনটায় বসে পড়লাম আমি, এখানে থেকে ধর করে কাঁপছে শরীর। আয়শা আবার সম্পূর্ণ স্বাভাবিক।

'নাও, কয়েকটা ফল খাও,' বললো সে। 'ভাবিয়ে সেই হিংস্র মেসামার দর্শন সম্পর্কে বলো আমাকে।'

ইতিমধ্যে অনেকটা সামলে নিয়েছি আমি। ধীরে ধীরে বলতে লাগলাম মহান যীশুর দর্শন অর্থাৎ খ্রীষ্ট ধর্ম সম্পর্কে। তাঁর পরে আয়শার নিজের জাতি আরবদের ভেতর এক নবী এসেছিলেন, সে কথাও বললাম মোহাম্মদ তাঁর নাম। নতুন এক বিশ্বাসে মানুষকে দীক্ষিত করেন তিনি।

'আহ! দুই দুটো নতুন ধর্ম! আমার জানা মতেই সে-যুগে এতগুলো ধর্ম ছিলো,

তারপরেও আরো দুটো। উহু, এই মানুষ! কেবল পাপ আর পঙ্কিলতার পথে পা বাড়াবে!

এই সুযোগে আমি জিজ্ঞেস করলাম আয়শার নিজের দর্শন সম্পর্কে।

'আমাদের জাতিও একজন নবী পেয়েছিলো, হলি,' বললো সে। 'তুমি হয়তো বলবে ভগ্ন নবী, কারণ তোমার নিজের নন তিনি। তবু আমাদের কাছে তিনি নবী। সে সময় আমাদের আরবদের অনেক দেব-দেবী ছিলো। একজনের নাম ছিলো আল্লাত, অন্য একজন সাবা, অর্থাৎ স্বর্গের রক্ষক; আল উজ্জা, এবং নিষ্ঠুর মানাহ—তার উদ্দেশ্যে নরবলি দেয়া হতো। আরো আছে ওয়াদ্দ, সাওয়া, ইয়ামুথ অর্থাৎ ইয়ামানের যোদ্ধাদের সিংহ; এবং ইয়াউক—মোরাদের অশ্ব; নাস্বর—হামিয়ারের ঈগল, এবং আরো অনেক! সব ভাঁওতা, কি করে যে মানুষ এসব বিশ্বাস করতো! আমি যখন জ্ঞান দিয়ে বুঝতে পারলাম এসব মিথ্যা তখন মানুষকে জানালাম সেকথা! কিন্তু ওরা কি করলো? আর একটু হলেই খুন করে ফেলেছিলো আমাকে। কিন্তু, হলি, এমন চুপচাপ বসে আছে কেন তুমি? কোনো কথা বলছো না, আমি একাই বকে চলেছি। বিরক্ত হয়ে উঠেছো আমার ওপর? না কি ভয় পাচ্ছো, আমার দর্শন শেখাতে শুরু করবো তোমাকে? ওহু মানুষ! আধ ঘন্টাও হয়নি, হাঁটু গেড়ে বসে শপথ কবে বললে, আমাকে ভালোবাসো। আর এখন, আমার কথাটাও বিরক্তিকর লাগছে?'

কি বলবো আমি? কেন যে চুপ করে বসে আছি কি করে বোঝাবো আয়শাকে।

'ও বুঝেছি,' বলে চললো সে। 'সেই অসুস্থ ছেলেটাকে নিয়ে দুশ্চিন্তা করছো? ঠিক আছে ওকে সারিয়ে তুলবো আমি। ভয় পেও না, কোনোরকম জাদুবিদ্যু প্রয়োগ করবো না। তোমাকে তো আগেই বলেছি, জাদু বলে কিছু নেই পৃথিবীতে। হুমিষ্ঠাহলে যাও এখন। ওষুধটা তৈরি করতে যতক্ষণ লাগে, তার পরেই আমি আসছি।'

লিওর গুহায় ফিরে এলাম আমি। পাংশু মুখে বসে আছে জব্বার উস্তেন। দু'জনের মুখ দেখে লিওর অবস্থা সম্পর্কে ধারণা পেতে অসুবিধা হলো না। ছুটে গেলাম আমি ওর বিছানার পাশে। স্পষ্ট বুঝতে পারলাম, মারা যাচ্ছে আমার লিও। জ্ঞান নেই, অস্বাভাবিক দ্রুত তালে শ্বাস বইছে, ঠোট দুটো ঝুঁকছে, থেকে থেকে কোঁপ উঠছে শরীর। ডাক্তারি বিদ্যার যতটুকু জানি তাতে সইলাম, পৃথিবীর কোনো কিছু দিয়েই ওকে বাঁচিয়ে রাখা যাবে না। খুব বেশি হলি আর ঘন্টাখানেক টিকবে। উহু, আমার কি বোধ বৃদ্ধি সব লোপ পেয়েছে, আমার ছেলে মৃত্যু শয্যায় আর আমি কোথাকার এক মেয়ে মানুষের সঙ্গে সময় কাটাচ্ছিলাম! সত্যি কথা বলতে কি, গত আধঘন্টায় লিওর কথা একবারও মনে পড়েনি আমার। গত বিশ বছর ধরে যাকে ঘিরে আছে আমার জীবন

তাকে আমি হারাতে বসেছি অথচ আমার ভেতর কোনো বিকার সেই! ধিক আমাকে!

জব এবং উস্তেনের দিকে তাকলাম। হতাশ চেহারা দু'জনেরই। ওরাও নিশ্চিত হয়ে গেছে, বাঁচবে না লিও। আমার চোখে চোখ পড়তেই জব শুকনো মুখে বেরিয়ে গেল গুহার বাইরে।

এখন আয়শাই একমাত্র ভরসা—সে যা বলেছে তা যদি গালগল্প হয়ে থাকে তাহলে অবশ্য আলাদা কথা। তবে আমার বিশ্বাস হয় না সে ভীওতা দিয়েছে। তাড়াতাড়ি গিয়ে তাকে ডেকে আনা উচিত, না হলে অনেক দেরি হয়ে যাবে হয়তো।

লিওর মুখটা আরেকবার দেখে রওনা হতে যাবো আমি, এমন সময় আতঙ্কিত মুখে, প্রায় ছুটতে ছুটতে তেতরে ঢুকলো জব।

'ও, স্যার! ভয়ানক কাণ্ড, স্যার!' তড়বড়িয়ে বললো সে। 'কাফন পরা একটা লাশ আসছে এদিকে!'

মুহূর্তের জন্যে হতভম্ব হয়ে গেলাম আমি। তারপরই মনে পড়লো, আয়শা আসবে বলছিলো, হয়তো সে—ই তার মুখ ঢাকা আনখাল্লা পরে আসছে। বেশিক্ষণ ভাবতে হলো না এ নিয়ে। কয়েক সেকেন্ডের ভেতর দেখলাম, গুহার ঢুকছে আয়শা।

জব চিৎকার করে উঠলো, 'এই যে, স্যার!' লাফ দিয়ে এক কোনায় সরে গেল সে। আর উস্তেন, সম্ভবত, কে এসেছে বুঝতে পেরে গুয়ে পড়লো মাটিতে কপাল ঠেকিয়ে।

'ওহু, একেবারে ঠিক সময়ে এসেছো, আয়শা,' বললাম আমি। 'মৃত্যুর দুয়ারে পৌঁছে গেছে আমার ছেলে।'

'এখনো যখন মরেনি,' কোমল গলায় বললো সে। 'তখন আর কোনো ভয় নেই। ওকে ভালো করে তুলতে পারবো আমি। ঐ লোকটা কি তোমাদের চাকর? আর তোমাদের দেশে কি ওভাবেই চাকররা অতিথিদের স্বাগত জানায়?'

'তোমার পোশাক ওকে ভয় পাইয়ে দিয়েছে—কেন? মৃত্যু মৃত্যু একটা চেহারা আছে ওতে।'

হাসলো সে। 'আর মেয়েটা? ওহু, বুঝেছি, এর কথাই বলছিলে, তাই না? বেশ, ওদের দু'জনকেই যেতে বলো এখন থেকে; অধিক দেখি কি করা যায় তোমার অসুস্থ সিংহকে।'

উস্তেনকে আরবীতে এবং জবকে ইংরেজিতে বললাম ঘর ছেড়ে চলে যেতে। জব খুশি মনে সঙ্গে সঙ্গে নির্দেশ পালন করলো। কিন্তু উস্তেন নড়লো না।

'কি চান "সে"?' ফিসফিস করে বললো সে। 'স্ত্রী হিসেবে স্বামীর কাছে থাকার পূর্ণ

অধিকার আছে আমার। না, আমি যাবো না, জনাব বেবুন।’

‘মেয়েটা যাচ্ছে না কেন, হলি?’ গুহার দেয়ালে কয়েকটা ভাস্কর্য দেখতে দেখতে আপন মনে বললো আয়শা।

‘লিওকে ছেড়ে যেতে চাইছে না ও।’

চরকির মতো পাক খেয়ে ঘুরে দাঁড়ালো আয়শা। উস্তেনের দিকে হাত তুলে একটা মাত্র শব্দ উচ্চারণ করলোঃ ‘যাও!’

তার গলার স্বরে এমন কিছু একটা ছিলো যে আর এক মুহূর্ত অপেক্ষা করার সাহস পেলো না উস্তেন। হামাগুড়ি দিয়ে বেরিয়ে গেল গুহা ছেড়ে।

‘এখন বুঝতে পারছো, হলি,’ একটু হেসে বললো আয়শা। ‘অবাধ্যতার জন্যে জঙ্গলীগুলোকে কেন অমন কঠোর শাস্তি দিয়েছিলাম? অবাধ্যতার শাস্তি কি, সকালে যদি না দেখতো, কিছুতেই ও যেতো না এখান থেকে। চলো, দেখি ছেলেটাকে।’

লিওর বিছানার দিকে এগিয়ে গেল সে। দেয়ালের দিকে মুখ করে শুয়ে আছে লিও। এগাশ থেকে ওর মাথার সোনালি চুলগুলোই কেবল দেখা যাচ্ছে।

‘আকার আয়তনে তো বেশ একটা অভিজাত্য আছে ছেলেটার!’ বলতে বলতে ওর মুখ দেখার জন্যে ঝুকলো আয়শা।

পরমুহূর্তে তার দীর্ঘ ঝঙ্কু শরীরটা একটা ধাক্কা খেলো যেন। সবিস্ময়ে দেখলাম আমি টলতে টলতে পিছিয়ে আসছে সে, যেন গুলি করা হয়েছে বা ছুরি মারা হয়েছে ওকে। পিছোতে পিছোতে অবশেষে গুহার দেয়ালে পিঠ ঠেকে গেল তার। গলা চিরে বেরিয়ে এলো ভয়ানক তীব্র তীক্ষ্ণ এক চিৎকার।

‘কি হয়েছে, আয়শা?’ চোঁচালাম আমি। ‘মরে গেছে?’

ঘুরে দাঁড়িয়ে বাঘিনীর মতো এক লাফে আমার সামনে এগিয়ে দাঁড়ালো সে। সাপের মতো ভয়ানক হিসহিসে এক গলায় বললো, ‘কুত্তা! কেন আমার কাছে লুকিয়ে রেখেছিলি এতক্ষণ?’ বলতে বলতে এমন হিংস্র ভঙ্গিতে একটা হাত সামনে এগিয়ে দিলো যে, আমার মনে হলো, এই বুকি ধুলোর মিশে গেলাম।

‘কি?’ আতঙ্কিত গলায় জিজ্ঞেস করলাম আমি। ‘কি হয়েছে?’

‘ওহ! এখনো তুমি বুঝতে পারোনি!’ একটু প্রান্ত শোনাচ্ছে আয়শার গলা। শোনো, হলি, শোনোঃ ওখানে—ওখানে শুয়ে আছে—ওখানে শুয়ে আছে আমার হারিয়ে যাওয়া ক্যালিক্রেটিস! আমার হারিয়ে যাওয়া ক্যালিক্রেটিস অবশেষে ফিরে এসেছে আমার কাছে! আমি জানতাম ও আসবে, আমি জানতাম ও আসবে!’ কোনো সাধারণ রমণী এই পরিস্থিতিতে যেমন করতো ঠিক তেমন ফুঁপিয়ে ফুঁপিয়ে হাসতে শুরু



করলো সে। সেই সাথে বিড়বিড় করছে, 'ক্যালিক্রেটিস! ওহু, ক্যালিক্রেটিস!'

'পাগল,' মনে মনে বললাম আমি। 'মেয়েটা যতক্ষণ এমন করবে ততক্ষণে না মারা যায় নিও!'

'এখনো যদি কিছু না করো, আয়শা,' স্বরণ করিয়ে দেয়ার ভঙ্গিতে বললাম আমি। 'তোমার ক্যালিক্রেটিস কিন্তু ধরা-ছোঁয়ার বাইরে চলে যাবে। এতক্ষণ চলে গেছে কিনা কে জানে?'

'ঠিক,' একটু চমকে বললো সে। 'ওহু, আরো আগে কেন এলাম না আমি? এখন একদম সময় নেই হাতে, এদিকে ধর ধর করে কাঁপছে আমার শরীর।' কাপড়ের ভাঁজ থেকে শিশির মতো দেখতে ছোট্ট একটা মাটির পাত বের করে এগিয়ে দিলো আমার দিকে। 'এই যে, হলি, এটা নাও। তেতরের তরল পদার্থটুকু ঢেলে দাও ওর গলায়। এখনো যদি মরে না গিয়ে থাকে, ভালো হয়ে যাবে। জলদি, হলি, জলদি! মারা যাচ্ছে ও!'

কাঠের ছিপি দিয়ে আটকানো পাতটার মুখ। দাঁত দিয়ে কামড়ে খুলতে খুলতে লিওর পাশে গেলাম আমি। এক পলক তাকিয়েই বুঝতে পারলাম শেষ হয়ে যাচ্ছে ও। সোনালি মাথাটা আস্ত আস্ত নড়ছে এপাশে ওপাশে। মুখটা সামান্য হাঁ হয়ে আছে। আয়শাকে ডেকে ওর মাথাটা ধরতে বললাম আমি।

এগিয়ে এলো সে। এখনো কাঁপছে ধর ধর করে। তবু কোনো রকমে ধরে স্থির করতে পারলো লিওর মাথা। হাঁ করা মুখটা এক হাতে আরেকটু ফাঁক করে শিশির তরল পদার্থটুকু ঢেলে দিলাম ওর গলায়।

একসেকেণ্ড দু'সেকেণ্ড করে সময় পেরিয়ে যাচ্ছে। কিন্তু অস্বাভাবিক কোনো পরিবর্তন দেখতে পাচ্ছি না লিওর ভেতর। সত্যি কথা বলতে কি অস্বাভাবিক ফলাফলই আশা করেছিলাম আমি। তবে হ্যাঁ, একটু আগেও যে মরণ মন্ত্রণা ভাগ করেছিলো লিও, এখন আর তা নেই। প্রথমে মনে হলো, হয়তো মস্তুরি থেকে বাচিয়ে দিয়েছে সেই যন্ত্রণার হাত থেকে। মলিন মুখটা স্থির হয়ে গেছে। পূর্বল হৃৎস্পন্দন আরো দুর্বল হয়েছে। কেবল চোখের পাপড়ি দুটো কেঁপে কেঁপে উঠছে মাঝে মাঝে। সন্দেহের দৃষ্টিতে আয়শার দিকে তাকালাম আমি। আয়শার লিওর মুখের আবরণটা সরে গেছে। এখনো লিওর মাথা ধরে আছে সে।

দীর্ঘ পাঁচটা মিনিট কেটে গেল। এখনো কোনো পরিবর্তন নেই লিওর। আয়শার মুখ দেখে মনে হলো, সে-ও যেন আশা ছেড়ে দিয়েছে।

'কি হলো? অনেক দেরি হয়ে গেছে?' একটা ঢোক গিলে জিজ্ঞেস করলাম আমি।

লিওর মাথা ছেড়ে দিয়ে দু'হাতে মুখ ঢাকলো সে, কোনো জবাব দিলো না। ডুবনের কোঁদে ওঠার ইচ্ছে হচ্ছে আমার। এমন সময় শুনতে পেলাম গভীর একটা শ্বাস নেয়ার শব্দ। চমকে মুখ তুললো আয়শা। আমি ছুটে গেলাম লিওর পাশে। ঠ্যা প্রাণের চিহ্ন কুটে উঠতে শুরু করেছে আবার ওর মুখে। বিশ্বয়ের ওপর বিশ্বয়, যাকে মৃত ভেবেছিলাম, একটু পরেই পাশ ফিরে শুলো সে।

'দেখেছো!' উৎফুল্ল গলায় ফিসফিস করে উঠলাম আমি।

'দেখেছি,' জবাব দিলো আয়শা। 'এ যাত্রা বেঁচে গেছে ও। ভেবেছিলাম, বোধহয় দেরি করে ফেলেছি—আর এক মুহূর্ত, মাত্র এক মুহূর্ত যদি দেরি হতো, তাহলে হয়তো ঘটেই যেতো সর্বনাশটা।' তারপরই আমাকে অবাক করে দিয়ে হ-হ করে কোঁদে কেললো সে।

অনেকক্ষণ কাঁদলো আয়শা।

'ক্ষমা করো, হালি,' লিওর সোনালি চুলে হাত বুলাতে বুলাতে অবশেষে বললো সে। 'আমার দুর্বলতা ক্ষমা করো। দেখতে পাচ্ছো, যত যাই হোক, শেষ পর্যন্ত আমি একজন মেয়েমানুষই। এ পর্যন্ত আমার অনেক রূপই তো তুমি দেখেছো। সব কি এই নারীরূপের নিচে চাপা পড়ে যায় না? ভেবেছিলাম, আবার বুঝি হারলাম আমার ফিরে পাওয়া ক্যালিক্রেটিসকে। যা হোক, এখন আর কোনো ভয় নেই। ওষুধ বরষেছে। আগামী বারো ঘন্টা একনাগাড়ে ঘুগোবে, তারপর পুরোপুরি সুস্থ হয়ে উঠবে ও।'

## আঠারো

'ওহু—হো, তুলেই গেছিলাম,' হঠাৎ বলে উঠলো আয়শা। 'এ বেগুনীলোকটা, উস্তেন, ক্যালিক্রেটিসের কি ও? চাকর? না—?' কোঁপে গেল তার গলা।

কাঁধ ঝাঁকালাম আমি। 'ঠিক জানি না। যতটুকু বুঝতে পেরেছি, আমাহ্যাগারদের প্রথা অনুযায়ী ওর সঙ্গে বিয়ে হয়েছে মেয়েটার।'

মেঘের মতো কালো হয়ে উঠলো আয়শার মুখ। 'সেক্ষেত্রে ওকে মরতে হবে! এবং এখনই।'

'কি অপরাধে?' আতঙ্কিত গলায় জিজ্ঞেস করলাম আমি। 'ও তো কোনো দোষ করেনি, আয়শা। ছেলেটাকে ভালোবাসে ও, লিও-ও খুশি মনে গ্রহণ করেছে ওর ভালোবাসা। তাহলে ওর অপরাধ কোথায়?'

‘সত্যিই তোমার মাথায় ঘিলু বলতে কিছু নেই, হলি। কি ওর অপরাধ? আমি এবং আমার আকাঙ্ক্ষার মাঝখানে বাধা হয়ে আছে, এ-ই ওর অপরাধ, বুঝেছো? মৃত্যু ছাড়া আর কোনো গতি নেই ওর। আমি ওর প্রেমিককে কেড়ে নেবো। তারপরও যদি ও বেঁচে থাকে, আমার ক্যালিক্রেটিস হয়তো ভারাক্রান্ত হৃদয়ে ভাববে, ওর কথা, তা আমি সহ্য করতে পারবো না। আমার প্রেমাঙ্গুদের মন জুড়ে অন্য মেয়ে মানুষ থাকতে পারবে না। আমার সম্পদ আমি একাই ভোগ করবো। সুতরাং মরতেই হবে ওকে।’

‘না, না,’ চিৎকার করলাম আমি। ‘এ পাপ--জঘন্য পাপ। পাপ থেকে অশুভ ছাড়া আর কিছু কখনো আসে না। তোমার নিজের খাতিরেই বলছি, আয়শা, এ কাজ কোরো না।’

‘এটাকে তুমি পাপ বলছো, বোকা মানুষ? তাহলে আমাদের পুরো জীবনই তো পাপ, বেঁচে থাকার জন্যে দিনে দিনে কতকিছুই না আমরা ধ্বংস করেছি, এখনো করছি! পৃথিবীর নিয়মই হলো, শক্তিমান টিকে থাকবে। যারা দুর্বল তারা শেষ হয়ে যাবে, শক্তিমানের খোরাক হবে। হিংস্র কোনো প্রাণী যদি তোমাকে বা তোমার লিওকে খাস করতে আসে তখন তুমি কি করবে? আহা, বেচারার খিদে পেয়েছে, খাক না, ভেবে চূপ করে রইবে, না হত্যা করবে তাকে? আমি কি বলতে চাইছি, বুঝেছো আশা করি?’

আয়শার যুক্তির বিপক্ষে আমি কোনো যুক্তি খুঁজে পেলাম না। কিন্তু এত সহজে উত্তেনকে মরতে দেয়াও যায় না। অনেকক্ষণ চূপ করে রইলাম। অবশেষে শেষ একটা চেষ্টা করার সিদ্ধান্ত নিলাম।

‘আয়শা,’ বললাম আমি। ‘জানি তোমার সাথে যুক্তিতে পারবো না, বলছি একবার ভেবে দেখ, তুমিই বলেছিলে, প্রত্যেক মানুষের উচিত, ভালো সম্পর্কে তার হৃদয়ের যে শিক্ষা সে অনুযায়ী চলা। জোর করে যার স্থান তুমি দখল করতে যাচ্ছে, তার জন্যে কোনো দয়া নেই তোমার? তুমিই তো বললে, বহু-বহু যুগ পর ফিরে এসেছে তোমার প্রেমাঙ্গুদ, এখন কি ওর ফিরে আসার এই ঘটনাটাকে উদযাপন করবে ওরই প্রেমিকাকে--আচ্ছা প্রেমিকা না বলে, ওর প্রাণ বাঁচিয়েছিলো তাকে হত্যা করে? অতীতে একবার এই ক্যালিক্রেটিসের সঙ্গে ভয়ানক আচরণ করেছিলে তুমি, নিজ হাতে ওকে হত্যা করেছিলে, কারণ মিসরীয় আমেনার্তাসকে ও ভালোবাসতো।’

কথাটা আমি ঠিক মতো শেষও করতে পারিনি, প্রায় লাফিয়ে উঠলো আয়শা। ‘কি করে তুমি জানলে এ কথা, বিদেশী? ঐ নাম তুমি জানলে কি করে? আমি তো তোমাকে বলিনি,’ চিৎকার করতে করতে আমার হাত ধরলো সে।

'হয়তো স্বপ্নে দেখেছি,' বললাম আমি। 'কত অদ্ভুত স্বপ্ন যে এই কোর-এর গুহার অনাচে কানাচে ঘুরে বেড়ায়! বোধহয় স্বপ্নটা সত্যেরই ছায়া ছিলো। সেদিন যে পাগলের মতো কাণ্ড করেছিলে তার ফল কি হয়েছে? দু'হাজার বছরেরও বেশি অপেক্ষা করতে হয়েছে তোমাকে, তাই না? আবারও তেমন কিছু ঘটুক তাই কি তুমি চাও? আমি বলছি, এই নিরপরাধ মেয়েটাকে হত্যা করলে সেই পুরানো ঘটনারই পুনরাবৃত্তি হবে আবার। যে মেয়েটা ওকে ভালোবাসে তার মৃতদেহের ওপর দিয়ে কি করে তোমাকে গ্রহণ করবে তোমার ক্যালিক্রেটিস?'

'শোনো, হলি, মেয়েটার সাথে সাথে তোমাকেও যদি হত্যা করি, তবু ও আমাকে ভালোবাসবে। কারণ, আমি জানি, আমার অমোঘ আকর্ষণ ও কিছুতেই কাটাতে পারবে না। তা সত্ত্বেও আমার মনে হয়, তোমার কথায় সত্যতা আছে। ঠিক আছে, মেয়েটাকে আমি ছেড়ে দেবো। কিন্তু তার আগে ওর সাথে কথা বলবো আমি। যাও, আমি মত বদলাবার আগেই ডেকে নিয়ে এসো ওকে।' বলেই ও সেই শাদা কাপড়টা টেনে দিলো মুণের ওপর।

যাক, মন্দের ভালো। এতটুকুও যে রাজি হবে আয়শা, তা ভাবিনি। তাড়াতাড়ি গিরে ডেকে নিয়ে এলাম উস্তেনকে। গুহার ঢুকেই আবার আগের মতো হাত আর হাঁটুতে ভর দিলো মেয়েটা।

'উঠে দাঁড়া,' শিতল গলায় আদেশ করলো আয়শা। 'এদিকে আয়!'

উঠে মাথা নিচু করে দাঁড়িয়ে রইলো উস্তেন। নীরবতা নেমে এলো গুহার।

'এ কে?' বেশ কিছুক্ষণ পর লিওর দিকে ইঙ্গিত করে জিজ্ঞেস করলো আয়শা।

'আমার স্বামী,' অক্ষুট গলায় জবাব দিলো উস্তেন।

'কে ওকে দিয়েছে তোর কাছে?'

'আমাদের দেশের প্রথা অনুযায়ী আমি নিজেই ওকে গ্রহণ করেছি মহারানী।'

'খুব খারাপ কাজ করেছিস তুই—অচেনা অজানা বিদেশীকে গ্রহণ করেছিস। তোদের জাতির লোক নয়, সুতরাং তোদের প্রথা এখানে অচল। সম্ভবত না জেনেই তুই করেছিস এ কাজ। এবং সেজন্যেই এবারের মতো তাকে ছেড়ে দিচ্ছি, নইলে তোর মরণ কেউ ঠেকাতে পারতো না। এখন, যা বলি, শোও।' অক্ষুণি নিজের দেশে ফিরে যা, জীবনে আর কখনো ওর সাথে কথা বলার বাস্তব দিকে তাকানোর সাহস যেন না হয়। ও তোর জন্যে নয়। আবার বলছি, আমায় নির্দেশ সম্মান্য করা মাত্র মরণে হবে তোকে। যা এখন!'

নড়লো না মেয়েটা।

‘স্বা, বলছি!’

জান সহ্য করতে পারলো না উস্তেন। মুখ তুলে তাকালো। ‘না, ও “সে”, আমি যাবো না। ও আমার স্বামী। আমি ওকে ছেড়ে যাবো না। আমাকে স্বামীত্যাগ করতে বলার কি অধিকার আছে আপনার?’

আয়শার শরীর বেয়ে একটা কাঁপুনি নেমে আসতে দেখলাম। আর আমি শিউরে উঠলাম উস্তেনের ভয়ঙ্করতম পরিণতির কথা ভেবে।

‘ধৈর্য ধরো, আয়শা,’ ল্যাটিনে বললাম আমি। ‘ও যা বলছে, তা স্বাভাবিক।’

‘এখনো আমি ধৈর্য হারাইনি,’ হিমশীতল গলায় একই ভাষায় জবাব দিলো সে। ‘আমি যদি ধৈর্য হারাতাম, এতক্ষণ ওর লাশ পড়ে থাকতো।’ তারপর উস্তেনের দিকে ফিরে আরবীতে বললোঃ ‘এখনো বলছি, চলে যা, নিজের ধ্বংস যদি না চাস তো চলে যা যেখান থেকে এসেছিস সেখানে!’

‘আমি যাবো না। ও আমার!’ ফৌপাতে ফৌপাতে চিৎকার করলো উস্তেন। ‘আমি ওকে গ্রহণ করেছি, ওর প্রাণ বাঁচিয়েছি! ক্ষমতা থাকলে আমাকে ধ্বংস করো, তবু আমার স্বামীকে দেবো না—কক্ষণো না—কক্ষণো না!’

নড়ে উঠতে দেখলাম আয়শার শরীর, এত দ্রুত যে ও কি করলো ঠিক বুঝতে পারলাম না। মনে হলো, হাত দিয়ে হাল্কা একটা চাপড় দিলো মেয়েটার মাথায়। পরমুহূর্তে যা দেখলাম তাতে আতঙ্কে পিছিয়ে আসতে হলো আমাকে। দেখলাম, উস্তেনের ব্রোঞ্জের মতো লালচে চুলে তিনটে আঙুলের দাগ—তুষারের মতো শাদা। দু’হাতে মাথা চেপে ধরেছে মেয়েটা; কেমন যেন বিমুনি লাগা ভাব চেহারায়।

‘ও ঈশ্বর!’ নিজের অজান্তেই শব্দ দুটো বেরিয়ে এলো আমার গলা দিয়ে, কিন্তু ‘সে’ সামান্য একটু হাসলো শুধু।

‘বোকা মেয়ে,’ বললো আয়শা। ‘ভেবেছিস তোকে হত্যা করার ক্ষমতা নেই আমার? ওখানে একটা আয়না আছে, দেখ,’ লিওর মাথার কাছে ওর দাড়ি কামানোর আয়নাটার দিকে ইশারা করলো সে। ‘হলি, ওটা দাও তো ছাড়ুর হাতে, দেখুক ওর চুলের অবস্থা!’

আয়নাটা তুলে উস্তেনের চোখের সামনে ধরলাম। এক পলক তাকিয়েই ফুপিয়ে উঠে মাটিতে বসে পড়লো বেচারী।

‘এইবার তুই যাবি,’ বললো আয়শা। ‘নাকি আবার আঘাত করতে হবে? দেখ, তোর মাথায় ছাপ মেয়ে দিয়েছি, যতদিন না তোর সব চুল ওরকম শাদা হয়ে যাবে ততদিন তোকে দেখা মাত্র চিনতে পারবো। আর কখনো যদি তোর মুখ আমি দেখি,

মনে রাখিস, তোর হাড়গুলো পর্যন্ত ওরকম শাদা করে ছাড়বো!

ধীরে ধীরে উঠে দাঁড়ালো উস্তেন। মাথায় ভয়ানক শ্বেতচিহ্নটা নিয়ে ফৌপাতে ফৌপাতে বেরিয়ে গেল ওহা ছেড়ে।

'এমন ভয় পাওয়া চেহারা হয়েছে কেন তোমার, হলি?' উস্তেন বেরিয়ে যেতেই জিজ্ঞেস করলো আয়শা। 'তোমাকে তো বলেছি, জাদু-টা দু' নিয়ে আমি কারবার করি না। এ হচ্ছে একটা শক্তি, যার সম্পর্কে কোনো ধারণা নেই তোমার। মেয়েটাব মাথায় চিহ্ন দিয়ে দিলাম ওর মনে আতঙ্ক ঢুকিয়ে দেয়ার জন্যে। ইচ্ছে করলেই যে আমি ওকে হত্যা করতে পারি তা বুঝিয়ে দিলাম।

'যাকগে, আমি যাই এখন। কয়েকজন চাকর পাঠিয়ে দিচ্ছি, আমার প্রভু ক্যালিক্রেটিসকে নিয়ে যাবে আমার পাশের কামরায়। এখন থেকে আমি নিজে ওর দেখাশোনা করবো। তুমিও তোমার শ্বেতাক্র চাকরকে নিয়ে চলে এসো ওখানে। কিন্তু সাবধান, ভুলেও যেন ক্যালিক্রেটিসের সামনে উচ্চারণ কোরো না, কি করে তাড়িয়েছি এই মেয়েলোকটাকে। আবার বলছি, সাবধান!'

বেরিয়ে গেল সে ওহা ছেড়ে। হতবুদ্ধির মতো বসে রইলাম আমি। একটু পরেই কয়েকজন বোবা-কালী পরিচারক এসে নিয়ে গেল লিওকে। আমাদের সব জিনিসপত্রও নিয়ে যাওয়া হলো। আয়শার সেই পর্দা ঘেরা কুঠুরির ঠিক পেছনে আমাদের নতুন আবাস নির্দিষ্ট হলো।

রাতটা আমি লিওর নতুন ঘরেই কাটলাম। মড়ার মতো ঘুমোলো ও। আমিও ভালোই ঘুমলাম। যদিও প্রচুর স্বপ্ন দেখলাম, তবু মোটামুটি স্বরকরে শরীর নিয়ে ঘুম থেকে উঠলাম পরদিন সকালে।

অবশেষে বহু প্রতীক্ষিত সেই মুহূর্তটি এগিয়ে এলো। লিও জাগ্রত হয়ে আয়শা এসে গেছে। যথারীতি অবগুষ্ঠিত মুখ।

'দেখবে, হলি,' লিওর ওপর সামান্য ঝুঁকি বললো সে। 'একুণি জাগবে ও, সম্পূর্ণ সুস্থ শরীরে। অসুস্থ পালিয়েছে।'

কথাটা শুুনলো শেষ করতে পারেনি আয়শা, পাশ ফিরে আড়মোড়া ভাঙলো লিও। দু'হাত সামনে ছড়িয়ে দিয়ে হাই তুললো। তারপর চোখ মেলেই শরীরের ওপর ঝুঁকি পড়া-নারীমূর্তিটা দেখলো। সঙ্গে সঙ্গে দু'হাত আড়িয়ে ধরে ও টেনে নিলো তাকে। চুমু খেলো। সম্ভবত উস্তেন ভেবেছে আয়শাকে। পরমুহূর্তে আরবীতে চেটিয়ে উঠলো, 'আরে, উস্তেন, ওভাবে মুখ বেঁধেছো কেন? দাঁতে ব্যথা হয়েছে?' তারপর ইংরেজিতে,

‘উহু, কি রাস্কুসে খিদে পেয়েছে রে, বাবা। জ্বব! খাওয়ার কিছু আছে নাকি?’

‘এই যে আমি, মিস্টার লিও,’ সন্দেহের চোখে আয়শার দিকে তাকিয়ে বললো জ্বব। ‘কথা বোলো না, কথা বোলো না, তুমি অসুস্থ। যথেষ্ট ভুগিয়েছো আমাদের। এবার একটু চুপচাপ বিশ্রাম নাও। আর, এই ভদ্র মহিলা,’ আবার আয়শার দিকে তাকালো ও। ‘দয়া করে যদি একটু সরেন, তোমার জন্যে স্যুপ নিয়ে আসতে পারি।’

‘ভদ্র মহিলা’ কথাটা শুনে সচকিত হলো লিও। ‘কেন! উস্তেন নয় ও? তাহলে উস্তেন কোথায়?’

এই প্রথম আয়শা কথা বললো ওর সাথে। এবং প্রথম কথাটাই সে মিথ্যে বললো, ‘বেড়াতে গেছে উস্তেন। তোমার দেখাশোনার জন্যে আমি এসেছি ওর জায়গায়।’

একই সঙ্গে আয়শার অপূর্ব সুন্দর কণ্ঠস্বর শুনে আর কাফনের মতো পোশাক দেখে একটু ভাবাচ্যাকা খেয়ে গেল লিও। কিছু না বলে খেয়ে ফেললো জ্ববের এগিয়ে দেয়া স্যুপটুকু। তারপর পাশ ফিরে ঘুমিয়ে পড়লো আবার।

সন্ধ্যার সময় দ্বিতীয় বার জাগলো ও। গত ক’দিনে কি কি ঘটেছে জিজ্ঞেস করলো। পরদিন সব বলবো বলে অনেক কষ্টে আবার ঘুম পাড়িয়ে দিলাম ওকে। পরের বার যখন ঘুম ভাঙলো, দেখলাম প্রায় পুরোপুরি সুস্থ হয়ে উঠেছে ও। ওর অসুখের কথা, গত ক’দিনে আমি কি কি করেছি এসব কিছু কিছু বললাম ওকে। আয়শার উপস্থিতির কারণে আয়শা সম্পর্কে বিশেষ কিছু বলতে পারলাম না। শুধু বললাম ও এদেশের রানী।

পরদিন সম্পূর্ণ সুস্থ হয়ে উঠলো লিও। বল্লমের খৌচায় হওয়া ক্ষত পুরোপুরি শুকিয়ে গেছে। শরীরের শক্তিও প্রায় স্বাভাবিক। সেই সঙ্গে ফিরে এসেছে স্বস্তি। জ্ঞান হারানোর আগ পর্যন্ত যা যা ঘটেছিলো সব মনে পড়ে গেছে। বেচারী উস্তেনের কি হয়েছে জিজ্ঞেস করে করে প্রায় পাগল করে ফেললো আনাকে। প্রতিবারই আমি এড়িয়ে গেলাম প্রশ্নটা। সাহস পেলাম না সত্যি কথা বলার। ইতিমধ্যে আয়শা দ্বিতীয়বারের মতো সতর্ক করেছে আনাকে, কেন উস্তেন সম্পর্কে কিছু না বলি লিওকে।

এদিকে সম্পূর্ণ বদলে গেছে আয়শার আচরণ। তেমনই ছিলাম, তার বিশ্বাস অনুযায়ী যে তার পুরানো প্রেমিক তাকে নিজের করে রাখার প্রথম সুযোগটাই সে কাজে লাগাবে। কিন্তু তেমন কিছু করলো না সে। সন্তোষভাবে সেবা করে যাচ্ছে লিওর। শ্রদ্ধা মেশানো অদ্ভুত এক আচরণ করছে। মন বিনয়ী। যথাসম্ভব চেষ্টা করছে লিওর কাছাকাছি থাকার। আর লিওর কৌতূহল ক্রমে দুর্বল হয়ে উঠেছে এই রহস্যময়ী রমণী সম্পর্কে—প্রথম দিকে আমার যেমন হয়েছিলো অনেকটা তেমন।

তৃতীয় দিন সকালে পোশাক পরার সময় আবার লিও আমাকে ব্যতিব্যস্ত করে তুললো উস্তেন কোথায় গেছে, উস্তেন কোথায় গেছে করে। সরাসরি আমি জানিয়ে দিলাম, 'আয়শার কাছে জিজ্ঞেস করো। উস্তেন কোথায় গেছে আমি জানি না।'

নাশতা শেষ করে আয়শার কাছে গেলাম আমরা। যথারীতি সেই পর্দাঘেরা কুঠুরিতে বসে আছে সে। আমরা ঢুকতেই উঠে দাঁড়ালো। দু'হাত বাড়িয়ে এগিয়ে এলো আমাদের—বলা ভালো লিওকে অভ্যর্থনা জানানোর জন্যে।

'স্বাগতম, আমার তরুণ অতিথি প্রভু,' অত্যন্ত কোমল, বিনীত গলায় বললো সে। 'তোমাকে সুস্থ দেখে সত্যিই খুব খুশি লাগছে। বিশ্বাস করো, আমি যদি না বাঁচতাম, জীবনে আর কখনো দাঁড়াতে হতো না তোমাকে।'

মাথা নুইয়ে অভিবাদন জানালো লিও। তারপর সুস্থ করে তোলার জন্যে ধন্যবাদ জানালো আয়শাকে। যথাসম্ভব চেষ্টা করলো শুদ্ধ সুন্দর আরবী বলতে।

'না না, ধন্যবাদ জানানোর মতো কিছু করিনি আমি,' বললো আয়শা। 'তুমি এসেছো বলেই ধন্য বোধ করছি।'

'হুম, বুড়ো,' আমার দিকে ফিরে ইংরেজিতে বললো লিও। 'ভদ্রমহিলা একটু বেশি উদ্র মনে হচ্ছে!'

কনুই দিয়ে পাজরে খোঁচা মেরে চূপ করতে বললাম ওকে।

'আমার বিশ্বাস,' বলে চললো আয়শা। 'আমার ভৃত্যরা যথাসাধ্য সমাদর করেছে তোমাদের। এখন আমি নিজে কি কিছু করতে পারি?'

'নিশ্চয়ই, মহামান্য, "সে",' তড়বড়িয়ে বললো লিও। 'আমার দেখাশোনা করছিলো যে মেয়েটা, ও কোথায় গেছে, বললে বাধিত হবো।'

'ওহু, সেই মেয়েটা—হ্যাঁ, আমি ওকে দেখেছিলাম বটে। কিন্তু এখন যে কোথায় আছে বলতে পারি না। জরুরী দরকার, যেতেই হবে, বলে চলে গেছে ও। কোথায়, সে সম্পর্কে কিছু বলে যায়নি। কখন ফিরবে বা আদৌ ফিরবে কিনা তা—ও কিছু জানায়নি। অসুস্থ মানুষের সেবা করা কি চাট্টিখানি কথা? দুদিনেই হয়তো হাঁপিয়ে উঠেছিলো, পালিয়ে বেঁচেছে। এই জংলীগুলো আসলে এমনই।'

গভীর হয়ে গেল লিও। সম্ভবত উস্তেন সম্পর্কে কথাগুলো বিশ্বাস করতে পারছে না।

'আশ্চর্য!' আমার দিকে ফিরে ইংরেজিতে বললো ও। তারপর আয়শার দিকে ফিরে, 'আমি ঠিক বুঝতে পারছি না, ঐ মেয়েটা এবং আমি—ঐ—আমাদের ভেতর একটা সম্পর্ক...।'



একটু হাসলো আয়শা— সেই অপূর্ব সঙ্গীতের মতো হাসি। তারপর অন্য কথা বলে ঘুরিয়ে দিলো প্রসঙ্গ।

## উনিশ

সেদিনই বিকেলে। আমাদের মনোরঞ্জনের জন্যে এক নাচের আসরের আয়োজন করেছে আয়শা। সকালে আলাপের সময় লিওকে সে জানিয়েছিলো এই অনুষ্ঠানের কথা। বলেছিলো, আশ্চর্য এক দৃশ্য দেখাবে। সে অনুযায়ী এখন আমরা জড়ো হয়েছি আয়শার ঘরে। তার সাথেই যাবো অনুষ্ঠানের জায়গায়।

একটু আগে এসে পড়েছি আমরা। অনুষ্ঠানের আয়োজন এখনো শেষ হয়নি। সময় কাটানোর জন্যে আয়শা তার বীক্ষণকাচের কেলামতি দেখাতে লাগলো জ্বব আর লিওকে। গামলার মতো পাত্রের তরল পদার্থে বাবা, মা, ভাই-বোনদের চেহারা দেখে উত্তেজনায় টগবগ করতে লাগলো জ্বব। লিওকে অবশ্য খুব একটা উত্তেজিত হতে দেখলাম না। এমন কিছু যে দেখতে হবে তা যেন ওর জানাই ছিলো।

প্রায় ঘণ্টাখানেক পর আয়শার এক পরিচারিকা এসে জানালো, মাননীয় দর্শকদের জন্যে অপেক্ষা করছে বিলাসি। দয়া করে আমরা গেলেই সে শুরু করতে পারে অনুষ্ঠান। শাদা পোশাকের ওপর কালো একটা আলখাল্লা চাপালো আয়শা। তারপর রওনা হলাম আমরা।

নাচ হবে খোলা আকাশের নিচে, বড় গুহার সামনে পাথর বীধানো মঞ্চে চতুরে। সেখানে পৌঁছে দেখলাম, গুহামুখ থেকে পনেরো কদম মতো দূরে তিনটে আসন পাত। হেলান দেয়ার ব্যবস্থা আছে তিনটেতেই। মাঝখানের আসনে বসলো আয়শা। আমি আর লিও দু'পাশের দুটোয়।

বেশ কয়েক মিনিট পেরিয়ে গেল। চূপচাপ বসে আছি আমরা। নর্তক-নর্তকীদের পাশা নেই এখনো। সঙ্ক্যা হয়েছে বেশ কিছুক্ষণ। চারদিক অন্ধকার। কিন্তু আলোর কোনো বন্দোবস্ত দেখছি না। এই অন্ধকারে ওরা নাচবেই বা কি, আমরা দেখবোই বা কি?

আয়শাকে কথাটা জিজ্ঞেস করলো লিও।

'সময় হলেই দেখতে পাবে,' একটু হেসে জবাব দিলো সে।

সত্যিই দেখলাম আমরা। আয়শা কথাটা বলতে না বলতেই দেখলাম, চারদিক থেকে কালো কালো মূর্তি ছুটে আসছে, বিরাট একেকটা জ্বলন্ত মশালের মতো কি যেন

তাদের প্রত্যেকের হাতে। লিওই প্রথম বুঝতে পারলো, জিনিসগুলো কি।

'ও ঈশ্বর!' বলে উঠলো ও। 'জ্বলন্ত লাশ দেখি ওগুলো!'

ভালো করে তাকালাম আমি। সত্যিই তো! সমাধিগুহা থেকে মমি এনে মশাল বানানো হয়েছে আমাদের বিনোদনের জন্যে!

আমাদের থেকে বিশ কদম মতো সামনে ওরা এক এক করে ছুঁড়ে ফেলতে লাগলো জ্বলন্ত মমিগুলো। ছোটখাটো একটা পাহাড়ের মতো হয়ে উঠলো। শৌ শৌ, চড় চড় শব্দ তুলে পুড়ছে মমি। তীব্র আলোয় ভরে গেল পুরো চত্বরটা। হঠাৎ দেখলাম, দীর্ঘদেহী এক লোক মানুষের জ্বলন্ত একটা হাত তুলে নিয়ে দৌড় দিলো অন্ধকারের দিকে—কোনো একটা মমি থেকে খুলে পড়েছিলো হাতটা। কিছুদূর গিয়ে দাঁড়িয়ে পড়লো সে। পরমুহূর্তে ফস করে জ্বলে উঠলো বিরাট একটা 'প্রদীপ'। প্রদীপটা আর কিছু নয়, মাটিতে পৌতা খুঁটির সঙ্গে বাঁধা এক মহিলার মমি। দীর্ঘদেহী ছুটে গিয়ে তার চুলে আগুন ধরিয়ে দেয়ায় অমন লকলকিয়ে উঠেছে আগুনের শিখা।

জ্বলন্ত হাতটা দিয়ে কয়েক পা দূরে একই রকম আরেকটা প্রদীপ জ্বাললো সে, তারপর আরেকটা, আরও একটা। এই ভাবে এক এক করে মমি জ্বলে জ্বলে তিন দিক থেকে বৃত্তাকারে ঘিরে ফেলা হলো আমাদের।

নিরো নাকি আলকাতরায় ভেজানো জীবিত খ্রীষ্টানদের দেহ জ্বলে তার বাগান আলোকিত করেছিলো, ঠিক সেরকম একটা দৃশ্য আমাদের সামনে। ভাগ্য ভালো, এখন যে দেহগুলো জ্বলছে সেগুলো জীবিত কারো নয়। তবু আতঙ্কে বাকরুদ্ধ হয়ে গেলাম আমি। হোক মমি, মানুষের মতোই তো চেহারা। চোখের সামনে এগুলো পুড়তে দেখলে কেমন লাগে!

মিনিট বিশেকের ভেতর গোড়ালি ছাড়া আর সবটুকু পুড়ে গেল মমিগুলোর। পায়ের জ্বলন্ত অবশেষগুলো সরিয়ে ফেলে নতুন একেকটা মমি এনে বাঁধা হলো একেকটা খুঁটির সাথে। তারপর আগুন ধরিয়ে দেয়া হলো আবার। ফস ফস শব্দ তুলে আকাশে উঠে যেতে লাগলো আগুনের শিখা।

'কেমন লাগছে, হলি?' জিজ্ঞেস করলো আয়শা। 'দেখাচ্ছিলাম না, আশ্চর্য এক দৃশ্য দেখাবো। এখন দেখছো তো?'

জবাব দেয়ার মতো কোনো কথা খুঁজে পেলাম না আমি। এমন সময় দেখলাম, দুই সারি ছায়ামূর্তি, একটা পুরুষদের অন্যটা মেয়েদের, জ্বলন্ত মমিগুলোকে ঘিরে এগিয়ে আসছে। নারী, পুরুষ দু'দলেরই পরনে চিতা বা হরিণের চামড়া ছাড়া আর কিছুই নেই। জ্বলন্ত মমির বৃত্তটা ঘুরে আমাদের সামনে চলে এলো তারা। তারপর দুই

সারিতে পরস্পরের দিকে মুখ করে দাঁড়ালো। কয়েক সেকেন্ড পরেই শুরু হলো নাচ। সে কি নাচ! আমাদের ক্যানক্যানের নারকীয় পৈশাচিক রূপ বলা যেতে পারে। তার বর্ণনা দেয়া অসম্ভব আমার পক্ষে। শুধু এটুকু বলতে পারি, প্রচুর হাত-পা ছোঁড়া আর শরীর দোলানো আছে কিন্তু তাল নয়ের কোনো বলাই প্রায় নেই।

কিছুক্ষণ চললো এরকম। তারপর হঠাৎ মেয়েদের সারি থেকে বিশাল বপুধারী এক মহিলা মাতালের মতো হেলে দুলে এগিয়ে এলো আমাদের দিকে। কনজে কাঁপানো তাঁক্ষরবে চোঁচিয়ে উঠলো, 'আমি একটা কালো ছাগল চাই! কেউ একটা কালো ছাগল দাও আমাকে!' এরপরই মাটিতে শুয়ে পড়ে কালো ছাগলের জন্যে হাত-পা ছুঁড়ে চিৎকার করে কাদতে লাগলো সে।

সঙ্গে সঙ্গে অন্য নর্তক-নর্তকীরা ঘিরে ধরলো তাকে।

'পেত্নীতে পেয়েছে ওকে,' চিৎকার করে উঠলো একজন। 'কেউ যাও, একটা কালো ছাগল নিয়ে এসো। মা পেত্নী, শান্ত হও! শান্ত হও! এক্ষুণি পাবে তোমার ছাগল। ওরা গেছে আনতে। দয়া করে শান্ত হও, মা পেত্নী!'

'কালো ছাগল দিতে হবে আমাকে, অবশ্যই দিতে হবে!' আবার চিৎকার করলো মেয়েলোকটা।

'ঠিক আছে, পেত্নী, এক্ষুণি পাবে তোমার ছাগল, একটু শান্ত হও, তুমি না কতো ভালো পেত্নী!'

সত্যিই যতক্ষণ না একটা শিংওয়ালা কালো ছাগল নিয়ে আসা হলো ততক্ষণ চললো এরকম গড়াগড়ি, চিৎকার আর অনুনয়।

'এনোছো ছাগল?' জিজ্ঞেস করলো বিশাল বপুধারিণী। 'কালো তো (সত্যি) কালো তো?'

'হ্যাঁ, মা পেত্নী, রাতের মতো কালো,' তারপর পাশের একজন নর্তকীর দিকে তাকিয়ে, 'তোমার পেছনে রাখো এটা, পেত্নী যেন দেখতে না পায় ছাগলটার গায়ে একটা শাদা দাগ আছে।' তারপর আবার মোটা মহিলার দিকে ফিরে একটু ঝৈর্ষ ধরো, পেত্নী! এই, গলা কাটো এটার! তশতরি কোথায়?'

মোটা মহিলা এখনো তড়পাচ্ছে আর চোঁচচ্ছে ছাগল। কালো ছাগল! রক্ত দাও! আমার কালো ছাগলের রক্ত দাও আমাকে! ওহ! ওহ! তাড়াতাড়ি দাও! রক্ত! রক্ত!'

এই সময় একটা আতঙ্কিত চিৎকার উঠলো সম্মিলিত কর্তে। হতভাগ্য ছাগলটাকে বলি দেয়া হলো। একটু পরেই এক মহিলা এক তশতরি ভর্তি রক্ত নিয়ে এলো। মোটা মহিলার হাতে দিতেই সে এক চুমুকে গিলে ফেললো রক্তটুকু। সঙ্গে সঙ্গে খেমে গেল

তার তড়পানি। উঠে মৃদু একটু হাসলো। তারপর এগিয়ে গেল অন্য নর্তকীদের দিকে। কিছুক্ষণের মধ্যেই কাঁকা হয়ে গেল আমাদের আর বৃত্তাকার আঙনের মাঝের জায়গাটুকু।

নৃত্যানুষ্ঠান শেষ ভেবে আয়শাকে জিজ্ঞেস করতে যাবো এবার আমরা উঠতে পারি কিনা, এমন সময় একটা বেবুন লাফাতে লাফাতে এগিয়ে এলো আমাদের সামনে। প্রায় সঙ্গে সঙ্গে উল্টো দিক থেকে এগিয়ে এলো একটা সিংহ—বলা ভালো, সিংহের চামড়া পরা এক লোক। তারপরই এলো একটা ছাগল। তারপর ষাঁড়ের চামড়া পরা একজন, ষাঁড়ের মুণ্ডু লাগানো তার মাথার সাথে। এরপর আরো ছাগল এবং আরো অন্যান্য জন্তুর সাজে মানুষ। সাপের চামড়া পরে লম্বা লেজ লাগিয়ে একটা মেয়েও এলো। বিচিত্র এক বুনো ভঙ্গিতে লাফাতে লাফাতে যে-যে প্রাণীর সাজ নিজেছে সে সেই প্রাণীর ডাক ছাড়তে লাগলো।

অনেকক্ষণ ধরে চললো এই 'নাচ'। কিছুতকিমাকার অদ্ভুত অর ডাক শুনতে শুনতে পাগল হওয়ার লেশ হলো। শেষে বিরক্ত হয়ে আয়শাকে জিজ্ঞেস করলাম, আমি আর লিও যদি উঠে গিয়ে জ্বালন্ত মানব-মশালগুলো পরীক্ষা করে দেখি, তার আপত্তি আছে কিনা। আপত্তি থাকার কোনো সম্ভব কারণ নেই, সুতরাং রওনা হলাম আমরা।

প্রথম মমিটা দেখা শেষ করে দ্বিতীয়টার দিকে যাচ্ছি আমি আর লিও, এমন সময় চিতার ছদ্মবেশধারী একজন এগিয়ে এলো আমাদের দিকে। নারীকণ্ঠে ফিস ফিস করে উঠলো চিতাটা, 'এদিকে এসো।'

শোনামাত্র আমরা দু'জনেই চিনতে পারলাম উস্তেনের গলা। একমুহুর্তে সবার না করে, বা আমাদের কিছু জিজ্ঞেস না করে নির্দিধায় লিও এগিয়ে গেল উস্তেনের দিকে। হঠাৎ করেই আমার পেটের ভেতরটা কেমন যেন শূন্য মনে হতে লাগলো। এবপর কি ঘটবে? চূপচাপ বসে থাকবে আয়শা? প্রতিহিংসা চরিতার্থ করার জন্য পাগল হয়ে উঠবে না?

ভুড়ি মেয়ে অক্ষকারের দিকে প্রায় পঞ্চাশ পা এগিয়ে গেল চিতাটা। লিও গেল পা সঙ্গে। পেছন পেছন আমিও।

'ওহ্!' উস্তেনকে বলতে শুনলাম আমি অকস্মে খুঁজে পেয়েছি তোমাকে! শোনো, আমার সামনে ভয়ানক বিপদ আছে—তাকে—মানতেই হবে" তোমার সাথে আমাদের দেখলেই হত্যা করবে। বেবুন নিশ্চয়ই বলেছে তোমাকে, কি... কই মেয়েমানুষটা তোমার কাছ থেকে তাড়িয়েছে আমাকে? আমি তোমার... তুমি আমার প্রভু, তুমি আমার। আমি তোমার প্রাণ বাঁচিয়েছি, এখন কি...

দূরে ঠলে দেবে, প্রিয়তম?’

‘অবশ্যই না,’ জোর দিয়ে বললো লিও। ‘আমি তো ভেবেই পাচ্ছিলাম না, কোথায় যেতে পারো তুমি। চলো, রানীর কাছে গিয়ে সব বুঝিয়ে বলি আমরা।’

‘না, না, ও খুন করবে আমাদের! ওর ক্ষমতা সম্পর্কে তোমার কোনো ধারণা নেই--বেবুন জানে, ও দেখেছে। আমাদের সামনে এখন একটাই পথ খোলা আছে, জলাভূমি পেরিয়ে পালাতে হবে। না হলে আমাদের দু’জনকেই মরতে হবে ওর হাতে।’

‘ঈশ্বরের দোহাই, লিও...’, শুরু করলো আমি, কিন্তু উস্তেন আমাকে থামিয়ে দিলো।

‘না, ওর কথা শুনো না। শিগগির চলো, এখানকার বাতাসে পর্যন্ত মৃত্যুর গন্ধ। এতক্ষণে টের পেয়ে গেছে কিনা কে জানে!’

খিলখিল একটা হাসির শব্দ হলো পেছনে। চমকে ঘুরে দাঁড়ালো আমি। শিউরে উঠলাম মনে মনে। হালকা পায়ে কখন যে এসে দাঁড়িয়েছে আয়শা টের পাইনি কেউ। বিলালি আর দুই পরিচারক তার সঙ্গে।

## কুড়ি

‘বেশ, বেশ! চমৎকার একটা দৃশ্য যাহোক,’ কোমল গলায় বললো আয়শা। ‘চিত্তা এবং সিংহ প্রেম করছে!’

‘জাহান্নামে যাক!’ ইংরেজিতে বলে উঠলো লিও।

‘মাথায় সামান্য চিহ্ন দিয়েই তোকে ছেড়ে দিয়েছিলাম, উস্তেন, এবার গলা চড়লো আয়শার, ‘ভেবেছিলাম এতেই যথেষ্ট হবে। কিন্তু, আমি কখনও ভাবতে পারিনি, আমার কথা অমান্য করার সাহস হবে তোর!’

‘আমাকে নিয়ে আর খেলবেন না,’ ফুপিয়ে উঠলো ইকুজাগিনী মেয়েটা। ‘আমাকে মেরে ফেলুন, সব শেষ হয়ে যাক।’

খল খল করে হেসে উঠলো আয়শা। ‘কেন?’ প্রেমের শব্দ মিটে গেল এত তাড়াতাড়ি!’ বোবা-কালো পরিচারকদের দিকে তাকিয়ে একটা ইশারা করলো সে। সঙ্গে সঙ্গে দু’জন এগিয়ে গিয়ে ধরলো উস্তেনের দু’হাত। ভয়ঙ্কর এক লাফ দিয়ে লিও ছুটে গেল কাছের পরিচারকটার দিকে। এক ধাক্কায় তাকে ফেলে দিলো মাটিতে। তারপর দাঁড়িয়ে রইলো ঘুসি বাগিয়ে।

আবার হাসলো আয়শা। 'চমৎকার! বুঝতে পেরেছি, অতিথি, বাহু দুটোয় বেশ শক্তি রাখো তুমি। তা আপাতত বেচারাকে ছেড়ে দিলে কেমন হয়? মেয়েটার কোনো ক্ষতি করবে না ওরা। ওকে আমার নিজ ঘরে নিয়ে যাবো। তোমার এত প্রিয় পাত্র যে, আমারও উচিত তার একটু সমাদর করা। নাকি?'

একটু এগিয়ে হাত ধরে এক পাশে টেনে নিয়ে এলাম লিওকে। ঘুরে দাঁড়িয়ে শুহার দিকে এগোলো আয়শা। আমরাও রওনা হলাম পেছন পেছন।

কিছুক্ষণের ভেতর আয়শার পর্দা ঘেরা কুঠুরিতে পৌঁছে গেলাম আমরা। গদিমোড়া আসনটায় বসলো আয়শা। ইশারায় বিলাসি, জব এবং পরিচারক দু'জনকে চলে যেতে বললো। আগে থেকেই সুন্দরী এক পরিচারিকা ছিলো কুঠুরিতে, সে গেল না। আয়শাও কিছু বললো না ওকে।

'বলো, হলি,' শুরু করলো সে। 'কি করে ঘটলো এ ঘটনা। কোথেকে এলো মেয়েটা? তোমার অনুরোধেই ওকে ক্ষমা করে দিয়েছিলাম। তারপর তো আর এ তল্লাটে ওর থাকার কথা নয়? জবাব দাও, সত্যি কথা বলবে। এ ব্যাপারে কোনো মিথ্যা আমি সহ্য করবো না।'

'ঘটনাক্রমেই ব্যাপারটা ঘটছে, মহামান্য রানী। আমি এর কিছুই জানতাম না।'

'বেশ, তোমার কথা বিশ্বাস করলাম, হলি। তাহলে ব্যাপারটা কি দাঁড়াচ্ছে? সব দোষ ঐ মেয়েটার।'

'ওর তো কোনো দোষ দেখছি না আমি,' ফেটে পড়লো লিও। 'অন্য কারো বউ নয় ও, এদেশের প্রথা অনুযায়ী আমার সাথে বিয়ে হয়েছে ওর। তাহলে ওর দোষ কোথায়? ও যদি কোনো দোষ করে থাকে, আমিও করেছি, ওকে শাস্তি দিলে আমাকেও দিতে হবে। আর হ্যাঁ, তোমার ঐ বোবা-কালো গুঁটাগুলো যদি আর কখনো ওর গায়ে হাত দেয়, সব ক'টাকে আমি যমের বাড়ি পাঠাবো!'

নীরবে গুনলো আয়শা, কোনো মন্তব্য করলো না। তারপর ফিরলো উস্তেনের দিকে।

'কি বলার আছে তোরা? খড়কুটোর চেয়েও অধিক, আমার বিরুদ্ধে দাঁড়াতে এসেছিস! বল, কেন করেছিস এ কাজ।'

সোজা হয়ে দাঁড়ালো উস্তেন। মাথা থেকে চিড়ার চামড়া খুলে ছুঁড়ে দিলো এক পাশে। তারপর দৃঢ় গলায় জবাব দিলো, 'স্বরণ, আমার প্রেম মৃত্যুর চেয়ে অনেক অনেক বেশি শক্তিশালী! আমি এ কাজ করেছি, কারণ ওকে ছাড়া আমার বেঁচে থাকার কোনো অর্থ নেই। তাই আমি ঝুঁকি নিয়েছি। এখন মরলেও কোনো দুঃখ থাকবে না আমার, শী

অন্তত একবারের জন্যে হলেও ওর মুখ থেকে শুনতে পেয়েছি, ও আমাকে ভালোবাসে।’

রাগে, উত্তেজনায় প্রায় লাফিয়ে উঠলো আয়শা। পরমুহূর্তে সামলে নিয়ে বসে পড়লো আবার।

‘আমি কোনো জাদু জানি না,’ একই রকম দৃঢ় গলায় স্পষ্ট উচ্চারণে বলে চললো উস্তেন, ‘রানী নই আমি, অমরও নই। সাধারণ মেয়েমানুষ আমি, তবু আমি ভালো করেই বুঝেছি তোমার উদ্দেশ্য! তুমি নিজে ভালোবাসো এই লোককে, তাই আমাকে ধ্বংস করে পথের কাঁটা দূর করতে চাও। আমি জানি আমি মরবো, অন্ধকারের অতলে তলিয়ে যাবো, কিন্তু এ-ও জানি, ও আমার, তুমি কখনোই পাবে না ওকে। কখনোই ও স্ত্রী বলে গ্রহণ করবে না...।’

পরমুহূর্তে আতঙ্ক আর প্রতিহিংসা মেশানো একটা আর্তনাদ ভেসে এলো আমার কানে। ঘাড় ফেরাতেই দেখলাম, উঠে দাঁড়িয়েছে আয়শা। থর থর করে কাঁপছে সে। ইশারার ভঙ্গিতে ঝট করে একটা হাত বাড়িয়ে দিলো উস্তেনের দিকে। ব্যাস, ঐটুকুই, কিছু বললো না, কোনো শব্দ করলো না, শুধু হাত বাড়িয়ে দিলো মেয়েটার দিকে। এবং তাতেই হতভাগিনী উস্তেন রক্তহিম করা এক চিৎকার করে দু’হাতে মাথা চেপে ধরলো। টলোমলো পায়ে পাক খেলো দুটো, তারপর আছড়ে পড়লো মেঝেতে। আমি, লিও—দু’জনেই ছুটে গেলাম ওর কাছে—নাড়ি ধরেই বুঝতে পারলাম, সঙ্গে সঙ্গে মারা গেছে।

কয়েক মুহূর্ত লিও ঠিক বুঝতে পারলো না কি ঘটেছে। কিন্তু যখন পারলো তখন ভয়ঙ্কর হয়ে উঠলো ওর চেহারা। দাঁত কড়মড়িয়ে একটা শপথবাক্য উচ্চারণ করে উঠে দাঁড়ালো মৃত উস্তেনের পাশ থেকে। তারপর ফুরে দাঁড়িয়ে লাফ দিয়ে এগিয়ে গেল আয়শার দিকে।

‘ক্ষমা করো, অতিথি,’ কোমল গলায় বললো আয়শা। ‘আমার বিচার যদি তোমাকে আহত করে থাকে, ক্ষমা করো আমাকে।’

‘ক্ষমা করবো? তোমাকে?’ গর্জ উঠলো লিও। ‘প্রিশাচী, খুনী, ক্ষমা করবো তোমাকে! ঈশ্বরের নামে বলছি, সুযোগ পেলেই তোমাকে খুন করবো!’

‘না, না,’ একই রকম কোমল গলায় বললো আয়শা। ‘তুমি বুঝতে পারছো না—সময় হয়েছে, এখন সব জানা দরকার নেই। তুমি আমার, ক্যালিক্লেটস! তুমি আমার! দু’হাজার বছর ধরে আমি অপেক্ষা করছি তোমার জন্যে। অবশেষে আমার কাছে ফিরে এসেছো তুমি। কিন্তু ঐ মেয়েটা,’ উস্তেনের দিকে ইশারা করলো সে, ‘বাধা হয়ে দাঁড়িয়েছিলো তোমার আর আমার মাঝে। সেজন্যেই ওকে সরিয়ে দিতে

হলো, ক্যালিক্রেটিস!"

'মিথ্যে কথা! আমি ক্যালিক্রেটিস নই, আমি লিও ভিনসি, ক্যালিক্রেটিস আমার পূর্বপুরুষ—অন্তত আমি সেরকমই জানি।'

'ওহ, তুমি জানো না কি বলছো--তুমিই ক্যালিক্রেটিস, পুনর্জন্ম নিয়ে ফিরে এসেছো আমার কাছে! তুমি আমার প্রিয়তম প্রভু।'

'আমি ক্যালিক্রেটিস নই। আর শুনে রাখো, তোমার মতো পিশাচীর প্রভু হওয়ার ইচ্ছেও আমার নেই। তোমার চেয়ে ঐ জংলী মেয়েটা অনেক ভালো ছিলো।'

'একথা বলছো, ক্যালিক্রেটিস! তুমি একথা বলছো? বুকেছি, অনেক দিন আগের কথা তো, কিছু মনে নেই তোমার। সত্যি বলছি, আমার রূপ যদি একবার দেখ, ভুলতে পারবে না।'

'আমি তোমাকে ঘৃণা করি, খুনী।' দুহাত মুঠো পাকিয়ে উঠলো লিওর। 'তোমার চেহারা দেখার কোনো ইচ্ছেই আমার নেই। তুমি কেমন সুন্দরী, তাতে আমার কিছু যায় আসে না। আমি তোমাকে ঘৃণা করি।'

'তবু কিছুক্ষণের ভেতরই তুমি আমার সামনে হামাগুড়ি দেবে, এবং হলফ করে বলবে, আমাকে ভালোবাসে,' বিদূষের হাসি হাসলো আয়শা। এখন আর তেমন বেগমল শোনাচ্ছে না তার গলা। 'এসো এক্ষুণি প্রমাণ হয়ে যাক! দেখ!'

এক টানে মুখের আবরণটা খুলে ফেললো সে। কোমরে সাপ জড়ানো, বুকের কাছে অনেকখানি কাটা সেই পোশাকটা কেবল রইলো তার পরনে। একটু এগিয়ে এসে লিওর চোখে চোখে তাকালো সে।

আমি দেখলাম, সঙ্গে সঙ্গে লিওর হাতের মুঠি শিথিল হয়ে গেল। চোখের দৃষ্টিতে ফুটে উঠলো প্রথমে বিস্ময়, তারপর প্রশংসা, তারপর অদম্য এক কণ্ঠস্বর।

'ওহ, ঈশ্বর!' চোক গিললো লিও। 'তুমি কি নারী?'

'সত্যি সত্যিই নারী, এবং তোমার প্রেমিকা, ক্যালিক্রেটিস!' সুগোল বাহু দুটো বাড়িয়ে দিয়ে মিষ্টি করে হাসলো আয়শা।

দেখছে লিও, পৃথিবীর আর সব ভুলে দেখছে, এবং বারে বারে এগিয়ে যাচ্ছে তার দিকে। হঠাৎ করেই চোখ পড়লো উস্তানের লাগের দিকে। 'কোঁপে উঠে থেমে শেল ও।

'অসম্ভব!' গর্জে উঠলো লিও। 'তুমি খুনী! ও ভালোবাসতো আমাকে!'

ও নিজেও যে মেয়েটাকে ভালোবাসতো তা ইতিমধ্যে ভুলতে বসেছে লিও।

'ও কিছু না,' মৃদু গলায় বললো আয়শা। রাতের মৃদু বাতাসে গাছের পত্র পল্লব যেমন মর্মরিয়ে ওঠে তেমন শোনালো ওর গলা। 'ও কিছু না। আমি যদি পাপ করে



থাকি, আমার সৌন্দর্য সে দাঙ্গ বহন করবে। আমি যদি পাপ করে থাকি, তোমার প্রেমের জন্যেই করেছি। তারচেয়ে এসো ওসব পাপ-পুণ্য দূরে সরিয়ে রাখি আমরা,' আবার দু' বাছ বাড়িয়ে দিলো সে। ফিস ফিস করে বললো, 'এসো।'

লিওর দূরবস্থা দেখতে পাচ্ছি আমি। উসখুস করছে বেচারি, ছুটে পালাতে চাইছে, কিন্তু পারছে না। আয়শার চোখ দুটো যেন লোহার বেড়ির চেয়েও শক্ত করে আটকে রেখেছে ওকে। তার সৌন্দর্য, ইচ্ছাশক্তি এবং আবেগ ওকে মোহাবিষ্ট করে ফেলেছে। কিছুক্ষণ পরেই দেখলাম 'সে'-আয়শা, তার সম্পূর্ণ নিটোল শরীর নিয়ে ধরা দিয়েছে লিওর বাহুবন্ধনে। তার ঠোঁট দুটো লেটে গেছে ওর ঠোঁটের সাথে।

কতক্ষণ ওরা এভাবে রইলো আমি বলতে পারবো না। হঠাৎ দেখলাম, সাপের মতো শরীর মুচড়ে লিওর আলিঙ্গন থেকে বেরিয়ে এলো আয়শা। ঠোঁট বেকিয়ে হাসলো একটু, সেই বিদূপের হাসি।

'কি, বলছিলাম না, ক্যালিক্রেটিস, কিছুক্ষণের ভেতরেই আমার সামনে হামাগুড়ি দেবে তুমি?'

দুঃখে লজ্জায় দুর্বোধ একটা আওয়াজ বেরোলো লিওর গলা দিয়ে। চেহারা দেখেই বুঝতে পারছি, এমুহূর্তে মাটিতে মিশে যেতে ইচ্ছে করছে ওর।

আবার হাসলো আয়শা। দ্রুত হাতে মুখের ওপর আবরণ টেনে পরিচারিকার দিকে তাকিয়ে একটা ইশারা করলো। এতক্ষণ অবাধ বিষয়ে আয়শার আচরণ দেখছিলো সে। ইঙ্গিত পাওয়ার সঙ্গে সঙ্গে বেরিয়ে গেল কুঠুরি ছেড়ে। দু'জন পুরুষ বোবা-কালাকে নিয়ে ফিরে এলো একটু পরেই। তাদের দিকে তাকিয়ে আরেকটা ইশারা করলো রানী। তিনজনে ছেঁচড়ে টেনে নিয়ে গেল উস্তানের মৃতদেহ। হৃদয়বিদারক দৃশ্যটি এক পলক দেখলো লিও, তারপর চোখ ঢাকলো দু'হাতে।

অস্বস্তিকর এক নীরবতা নেমে এলো আয়শার পদাঘেরা কুঠুরিতে। মুখ ঢেকে দাঁড়িয়ে আছে লিও। আমিও দাঁড়িয়ে আছি হতবাক হয়ে। আয়শাও নির্বাক, নিষ্পন্দ।

অনেকক্ষণ পর আবার মুখের ওপর থেকে আবরণ সরালো আয়শা। কোমল গলায় বলতে লাগলো, 'হয়তো আমার কথা তুমি বিশ্বাস করতে পারছো না, ক্যালিক্রেটিস-- হয়তো ভাবছো, আমি প্রতারণা করছি তোমার সাথে। কিন্তু সত্যি বলছি, ক্যালিক্রেটিস, দু'হাজার বছর ধরে আমি বিশ্বাস করে আছি তোমার জন্যে, তুমি আমার সেই ক্যালিক্রেটিস, নতুন করে জন্ম নিয়ে এসেছো আমার কাছে। বিশ্বাস করো, একটুও বানিয়ে বলছি না আমি।'

একটু ধামলো সে, তারপর আবার বললো, 'ঠিক আছে, এখনও যদি বিশ্বাস না

হয়, চলো, প্রমাণ দেখাবো। হলি, তুমিও চলো। তোমরা দু'জনেই একটা করে প্রদীপ নিয়ে এসো আমার সাথে।'

কিছু ভাবলাম না, বিন্দুমাত্র দ্বিধা করলাম না—না আমি না লিও, দু'জনে দুটো প্রদীপ তুলে নিয়ে চললাম আয়শার পেছন পেছন। পর্দা ঘেরা কুঠুরির শেষ প্রান্তে পৌঁছে একটা পর্দা উচু করলো সে। সরু একটা সিঁড়ি নিচে নেমে গেছে। আয়শার পেছন পেছন নামতে শুরু করলাম আমরা।

নামতে নামতে অদ্ভুত একটা ব্যাপার খেয়াল করলাম। সিঁড়ির ধাপগুলো কেমন ক্ষয়ে যাওয়া ধরনের। দীর্ঘদিন ব্যবহারের ফলে যেমন হয় তেমন। সিঁড়ির নিচে পৌঁছে দাঁড়িয়ে পড়লাম আমি। একটু বুকু পরীক্ষা করলাম ক্ষয়ে যাওয়া ধাপগুলো। ঘাড় ঘুরিয়ে আমাকে দেখলো আয়শা। খেমে দাঁড়ালো সে—ও।

'কার পায়ের আঘাতে অমন ক্ষয়ে গেছে সিঁড়ি, ভেবে অবাক হচ্ছে, হলি?' জিজ্ঞেস করলো সে। 'আমার। আমার এই কোমল পায়ের আঘাতেই এ দশা হয়েছে ওগুলোর! ধাপগুলো যখন নতুন ছিলো তখনকার কথা এখনো মনে আছে আমার। তারপর দু'হাজার বছর প্রতিদিন এই সিঁড়ি বেয়ে নামা-ওঠা করেছি। আমার পাদুকা তিলে তিলে ক্ষয় করে ফেলেছে নিরেট পাথর!'

বলার মতো কিছু খুঁজে পেলাম না আমি। তবে এটুকু বুঝলাম, যা বললো আয়শা, তা সত্যি হতেই পারে।

সিঁড়ির যেখানে শেষ একটা সুড়ঙ্গের শুরু সেখানে। সুড়ঙ্গ ধরে কয়েক পা এগোতেই একটা পর্দাটানা গুহামুখ দেখতে পেলাম। দেখার সঙ্গে সঙ্গে চিনলাম গুহাটা, সে রাতে এখানেই আমি দেখেছিলাম আয়শাকে, লাফিয়ে ওঠা আগুনের সামনে দাঁড়িয়ে অজ্ঞাত কাউকে অভিশাপ দিয়ে চলেছিলো। পর্দা সরিয়ে ভেতরে ঢুকলো আয়শা। প্রদীপ হাতে অনুসরণ করলাম আমি আর লিও। রহস্য উন্মোচনের আর দেখি নেই।

## একুশ

'দেখ, কোথায় আমি ঘুমিয়েছি গত দু'হাজার বছর। সিঁড়ির হাত থেকে প্রদীপটা নিয়ে উচু করে ধরলো আয়শা। মেঝের ছোট একটা গর্তে পড়লো আলো। সেরাতে এখানেই সেই লাফিয়ে ওঠা আগুন জ্বলতে দেখেছিলাম। আলো পড়লো পাথরের বিছানায় কাপড় দিয়ে ঢেকে রাখা মূর্তিটার ওপর। সেদিন যেমন দেখেছিলাম, আজও তেমনই শুইয়ে রাখা। অন্য পাশের শূন্য বিছানাটা দেখলাম, এখনও তেমন শূন্য পড়ে আছে।

'এখানে,' শূন্য পাথরের ওপর হাত রেখে বলে যেতে লাগলো আয়শা, 'এখানেই আমি ঘুমিয়েছি যুগ যুগ ধরে রাতের পর রাত। আমার প্রিয়তম যেমন নিরেট পাথরের ওপর শুয়ে আছে আমিও তেমনি শুয়েছি, নরম বিছানার কথা ভাবতেও পারিনি। কতটা বিশ্বস্ত থেকেছি তোমার কাছে, ভেবে দেখ, ক্যালিক্রেটিস! তুমিই যে ক্যালিক্রেটিস এখনো বিশ্বাস করতে পারছো না? তাহলে এসো, দেখাই, জীবিত তুমি, মৃত তোমাকে দেখবে। তৈরি তোমরা?'

জবাব দেয়ার মতো কিছু খুঁজ পেলাম না আমরা, বিস্মিত দৃষ্টিতে আমি আর লিও তাকালাম একে অপরের দিকে।

'ভয় পেও না।' কাপড় ঢাকা মূর্তিটার পাশে গিয়ে দাঁড়ালো সে। ধীরে ধীরে হাত বাড়িয়ে ধরলো কাপড়ের একটা কোনা।

'ভয় পেও না, ক্যালিক্রেটিস,' আবার বললো সে। 'সত্যিই তুমি বহু বছর আগে এক সময় হেসে খেলে বেরিয়েছো এই পৃথিবীতে, বুক ভরে টেনে নিয়েছো বাতাস। তারপর মরে গিয়েছিলে তুমি, তোমার আত্মা বেরিয়ে এসেছিলো তোমার দেহ ছেড়ে। দু'হাজার বছর পর আবার তুমি জন্ম নিয়ে এসেছো এই পৃথিবীতে।

'দেখ!'

একটানে কাপড়টা সরিয়ে ফেললো আয়শা। প্রদীপের আলো ঝাঁপিয়ে গিয়ে পড়লো দেহটার ওপর। আমি দেখলাম, সঙ্গে সঙ্গে পিছিয়ে এলাম আতঙ্কে। অবিশ্বাস্য সে দৃশ্য! পাথরের ওপর শুয়ে আছে লিও! —না, শাদা পোশাক পরা একটা মানুষ, হুবহু লিওর মতো দেখতে! লিওর দিকে তাকালাম আমি। আমার পাশেই দাঁড়িয়ে আছে জীবিত। আবার চোখ গেল পাথরের ওপর শোয়ানো মূর্তিটার দিকে—লিও, শুয়ে আছে, মৃত।

'ঢাকো ওটা!' চিৎকার করে উঠলো লিও। 'এখান থেকে নিয়ে চলো আমাদের!'

'না, ক্যালিক্রেটিস, দাঁড়াও,' আবেদন জানালো আয়শা। 'দাঁড়াও, আরো দেখার আছে। আমার কোনো পাপই তোমার কাছে লুকিয়ে রাখলো না। হলি, মৃত ক্যালিক্রেটিসের বুকের কাপড়টা সরাও তো।'

কম্পিত হাতে আয়শার নির্দেশ পালন করলাম আমি। উনুস্ক হয়ে গেল মৃত ক্যালিক্রেটিসের প্রশস্ত বুকটা। আতঙ্কিত চোখে দেখলাম, তার বাঁ পাশে ঠিক হৃৎপিণ্ড বরাবর গভীর একটা ক্ষত। বল্লম অথবা ছুরা দিয়ে আঘাত করেছিলো কেউ।

'দেখেছো, ক্যালিক্রেটিস,' বললো আয়শা। 'আমিই তোমাকে হত্যা করেছিলাম। জীবনের বদলে দিয়েছিলাম মৃত্যু। মিশরীয় রাজকন্যা আমেনার্তাস—এর কারণে হত্যা করতে হয়েছিলো তোমাকে, ওকে তুমি ভালোবাসতে, নির্দয়ভাবে প্রত্যাখ্যান করেছিল

আমার ভালোবাসা। ওকেই আমি মারতে চেয়েছিলাম, কিন্তু পারিনি, কিছু কিছু ক্ষেত্রে আমার চেয়ে ওর ক্ষমতা ছিলো বেশি। যা-ই হোক, তুমি ফিরে এসেছো আমার কাছে। এখন আবার কেউ বাধা হয়ে দাঁড়াবে তোমার আমার মাঝে, কিছুতেই তা সহ্য করবো না আমি। শোনো, ক্যালিক্রেটিস,' এখানে এসে কেমন ফিসফিসে আর স্বপ্নিল হয়ে উঠলো আয়শার গলা, 'আমি-আমি তোমাকে জীবন দেবো, অবশ্যই অনন্ত জীবন নয়-অনন্ত জীবন কেউ দিতে পারবে না, আমি যা দেবো তাতে তোমার বর্তমান যৌবন আর চেহারা নিয়ে হাজার হাজার বছর বেঁচে থাকবে। শুধু তা-ই নয়, ধন, সম্পদ, ক্ষমতা-মোটকথা ভোগ করার মতো যাবতীয় জিনিস চলে আসবে তোমার হাতের মুঠোয়। আর একটা কথা, এখন থেকে বিশ্বাম নেবে তুমি, তৈরি হবে সেদিনের জন্যে, যেদিন নব জন্ম হবে তোমার।'

খামলো আয়শা। একটু পরেই আবার অনেকটা আপন মনে বলে উঠলো, 'আমি তো জীবন্তকেই পেয়ে পেছি, মৃতকে আর ধরে রেখে লাভ কি? যে ধুলো থেকে এসেছিলো, তাতেই মিশে যাক!'

অন্য পাথরের তাকটার কাছে চলে গেল সে। বড় একটা মুখ আঁটা দুই হাতলওয়ালাপাত্র তুলে নিয়ে আবার চলে এলো এপাশে। ঝুঁকে আলতো করে চুমু খেলো মৃত লোকটার কপালে। তারপর সাবধানে পাত্রের মুখ খুলে একটু একটু করে মৃত দেহটার ওপর ঢেলে দিতে লাগলো পাত্রের তরল পদার্থ। সঙ্গে সঙ্গে গাঢ় ধোয়ার মতো ভাপ উঠতে শুরু করলো। কিছুক্ষণের মধ্যেই সম্পূর্ণ গুহা ভরে গেল ধোয়ায়। খুক খুক করে কাশতে শুরু করলাম আমরা, চোখে কিছু দেখতে পাচ্ছি না। বিজ্-জ্-জ্-জ্ একটা শব্দ শুনতে পাচ্ছি কেবল।

কয়েক মিনিট কাটলো এভাবে। একটু একটু করে সরে যাচ্ছে শব্দ। ধোয়া কিছুক্ষণের ভেতর পরিষ্কার হয়ে গেল গুহা। আশ্চর্য হয়ে দেখলাম, একটু আগেও যেখানে ছিলো ক্যালিক্রেটিসের মৃতদেহ সেখানে এখন খানিকটা গাদা গুঁড়ো ছাড়া আর কিছু নেই।

'ধুলো মিশে গেল ধুলোর সঙ্গে। অতীত হয়ে গেছে গেল অতীতে!-মৃত ক্যালিক্রেটিস জন্ম নিয়েছে আবার!' আপন মনে কথাগুলো বললো আয়শা। তারপর আমাদের দিকে ফিরে, 'এবার যাও তোমরা। পুরনো একটু ঘুমিয়ে নাও। কাল সন্ধ্যায় আমরা রওনা হবো; দীর্ঘ পথ পাড়ি দিতে হবে।'

ঘরে ফিরেই কান্নায় ভেঙে পড়লো লিও।

‘কি করবো আমি, হোরেস কাকা?’ আমার কাঁধে মাথা রেখে বললো সে। ‘ওকে মেবে ফেললো, আর আমি দাঁড়িয়ে দাঁড়িয়ে দেখলাম! কিছু তো করতে পারলামই না, উপরন্তু পাঁচ মিনিটের ভেতর খুঁচী মেয়েলোকটাকে জড়িয়ে ধরে চুমু খেলাম! এত নীচে নেমে গেছি আমি! উহু, ঈশ্বর! কিন্তু কি করবো? আমি তো ঠকাতে পারছি না নিজেকে। পুরোপুরি ওর শক্তির অধীনে চলে গেছি। চুম্বক যেমন টানে লোহাকে, তেমনি ও-ও সারা জীবন পেছন পেছন টেনে নিয়ে বেড়াবে আমাকে। কি করবো আমি, হোরেস কাকা, বলো? আমি ওকে ঘৃণা করি, অন্তর থেকে ঘৃণা করি, তবু কেন মন থেকে তাড়াতে পারছি না ওর চিন্তা?’

কি বলবো আমি? আমারও যে একই অবস্থা! এবং এই প্রথম বারের মতো আমি লিওকে জানালাম সে কথা। দেখলাম, একটুও ঈর্ষাকাতর হলো না লিও, বরং নিজের দুঃখ ভুলে একটু সমবেদনা জানালো আমাকে।

পালানোর কথা ভাবলাম একবার। কিন্তু সঙ্গে সঙ্গেই বাতিল করে দিলাম সে চিন্তা। সম্ভব নয় পালানো। চেষ্টা করার আগেই টের পেয়ে যাবে আয়শা। তারপর কি ঘটবে ভেবে পেলাম না। তবে এটুকু বুঝলাম, ভয়ানক কিছু-ই ঘটবে।

নানা দৃষ্টিকোণ থেকে আমরা বিচার করে দেখলাম আমাদের অবস্থা। কিন্তু কোনো খই পেলাম না। আমাদের হাতে কিছুই নেই, সব আয়শার নিয়ন্ত্রণে। সে যা করবে তা-ই হবে। সূতরাং ও নিয়ে আর না ভেবে শুয়ে পড়ার পরামর্শ দিলাম লিওকে। আমিও শুয়ে পড়লাম নিজের বিছানায় গিয়ে।

## বাইশ

পরদিন দুপুরের কিছু আগে বিলালি এসে জানালো ‘সে’ ডেকেছে আমাদের। সঙ্গে সঙ্গে রওনা হলাম আমরা। যতরীতি দু’জন সুন্দরী পরিচারিকা পথ দেখিয়ে নিয়ে গেল। পরিচারিকা দু’জন বেরিয়ে যেতেই মুখ থেকে আবরণ সরালো আয়শা। এগিয়ে এসে আলিঙ্গন করলো লিওকে। তারপর ওর মাথায় হাত রেখে বললো, ‘জানো, ক্যালিফোর্নিয়া, কখন তুমি সত্যিই আমার হবে? বলো, প্রথমে আমার মতো হতে হবে তোমাকে, অবশ্যই অমর নয়, কারণ আমিও অমর নই। তবে সময় যাতে তার ছাপ ঠিক দিতে না পারে তোমার চেহারা, শক্তিতে; সে ব্যবস্থা নিতে হবে। তা না হলে কখনোই আমরা মিলিত হতে পারবো না, কারণ তোমার আর আমার ভেতর পার্থক্য রয়েছে। আমার অস্তিত্বের তেজ তোমাকে পুড়িয়ে নিঃশেষ করে ফেলবে।’

থামলো আয়শা। কয়েক মুহূর্ত চুপ করে থেকে আবার বলতে লাগলো, 'আজ বিকেলে, সূর্য ডোবার একঘণ্টা আগে আমরা রওনা হবো, এবং সবকিছু যদি ঠিক ঠাক থাকে, আমি যদি পথ ভুল না করি-সে সম্ভাবনা অবশ্য খুবই কম, কাল সন্ধ্যা নাগাদ পৌঁছে যাবো জীবনের অগ্নিস্তম্ভের কাছে। সেই আগুনে স্নান করে তুমি পরিশুদ্ধ হবে। তারপর, প্রিয়তম ক্যালিক্রেটিস, তুমি আমার স্বামী হবে, আমি হবো তোমার স্ত্রী।'

বিড়বিড় করে কিছু একটা বলার চেষ্টা করলো লিও। কি তা আমি ঠিক বুঝতে পারলাম না। ওর দ্বিধা দেখে একটু হাসলো আয়শা।

'আর তোমাকেও, হলি,' বলে চললো সে, 'এই অনুগ্রহ দান করবো আমি। তুমিও স্নান করবে জীবনের আগুনে। তারপর দেখবে, চিরসবুজ হয়ে গেছ তুমি। তোমাকে এ সুযোগ দেবো, কারণ-কারণ তুমি খুশি করুতে পেরেছো আমাকে।'

'ধন্যবাদ, আয়শা,' যথাসম্ভব গাঙ্গীর্ষ রক্ষা করে জবাব দিলাম। 'কিন্তু আমি চাই না অমন দীর্ঘ জীবন। আজকের পৃথিবীতে জীবন ধারণ করাটা খুব সুখের ব্যাপার নয়। হানাহানি, মারামারি, দুঃখ-বেদনা, এত বেড়ে গেছে; প্রাণ টিকিয়ে রাখা এত কষ্টকর হয়ে পড়েছে যে, আমার মনে হয় যত তাড়াতাড়ি এখান থেকে বিদায় নেয়া যায় ততই মঙ্গল।'

'দীর্ঘ জীবন এবং অপরিমেয় শক্তি আর সৌন্দর্য পেলে কোনো দুঃখ কষ্টই আর থাকবে না। দুনিয়ার যাবতীয় মহার্ঘ বস্তু তোমার হাতের মুঠোয় এসে যাবে।'

'তাতেই বা কি লাভ, আয়শা? উচ্চাকাঙ্ক্ষা জিনিসটা অসীম একটা মই ছাড়া তো কিছু নয়, উঠে যাও, উঠে যাও, উঠে যাও; তবু শেষ পাবে না কোনো। ফলে অতৃপ্তিও ঘুচবে না কোনোদিন। তারচেয়ে আমি যে জীবন নিয়ে জেনেছি, সে জীবন নিয়েই থাকতে চাই। মৃত্যুর সময় হলে মরে যাবো, দুনিয়ার মানুষ আমাকে মনে রাখলো কি না রাখলো, তাতে কিছুই এসে যায় না।'

'মনে হচ্ছে তুমি সিদ্ধান্ত নিয়ে ফেলেছো, দীর্ঘ জীবন চাই না,' একটু হাসলো আয়শা। 'কিন্তু একদিন তুমি আক্ষিপ করবে, হলি, সেরেকটু যখন বয়স বাড়বে, দেহের চামড়া হাজার হাজার ভাঁজ পড়ে ঝুলে যাবে, মগজের ক্ষমতা কমে আসবে, মানুষের সাহায্য ছাড়া চলতে পারবে না, তখন-তখন তুমি হায়-হায় করবে, হলি; বলবে, কি সুযোগটা পেয়েও হারিয়েছি।'

কোনো জবাব দিলাম না আমি। লিওর সামনে কি করে আয়শাকে জানাবো, কেন আমি দীর্ঘ জীবন চাই না? যে মুহূর্তে তার রূপ দেখেছি এবং নিঃসংশয়ে জেনেছি কোনোদিনই তাকে পাবো না সে মুহূর্ত থেকে মৃত্যুই হয়ে উঠেছে আমার একমাত্র

কামনা। কি করে এই সত্যি কথাটা স্বীকার করবো আয়শার কাছে?

'যাকগে, তোমার ভালোমন্দ তুমিই বুঝবে,' বলে লিওর দিকে ফিরলো আয়শা। 'প্রিয়তম ক্যালিক্রেটিস, কাল রাতে কি যেন বলছিলে তুমি? মৃত ক্যালিক্রেটিস নাকি তোমার পূর্ব পুরুষ? কি করে, বলো দেখি।'

বললো লিও, কারুকাজ করা রূপোর বাস্তবের ভেতর পাওয়া পোড়ামাটির ফলক, তার উপর মিসরীয় রাজকন্যা আমেনার্তাসের লেখা আশ্চর্য আখ্যান, কি করে ওগুলো ওর হাতে পৌঁছেছে সব একে একে বলে গেল।

মনোযোগ দিয়ে শুনলো আয়শা। তারপর বললো, 'হঁ, এরকমই হয়। ভালোর ভেতর থেকে কখন মন্দ, বা মন্দের ভেতর থেকে কখন যে ভালো বেরিয়ে আসবে কেউ বলতে পারে না। বীজ বোনার সঙ্গে সঙ্গে কি মানুষ বলতে পারে ফল কেমন হবে? দেখ, এই মিসরীয় রাজকন্যা আমেনার্তাস, ঘৃণা করতো আমাকে, আমিও ঘৃণা করতাম ওকে—এখনো করি। সে তার ছেলের উদ্দেশ্যে লিখে রেখে গেছিলো যেন পিতৃহত্যার প্রতিশোধ নেয়। কিন্তু বাস্তবে কি ঘটলো? তার ছেলে পারলো না প্রতিশোধ নিতে। বরং প্রায় দু'হাজার বছর পরে তারই এক উত্তর পুরুষ; তারই লিখে রেখে যাওয়া পথের নিশানা অনুসরণ করে এলো, প্রতিশোধ নিতে নয়, রহস্য উন্মোচন করতে।'

ধামলো সে, তারপর আবার শুরু করলো, 'প্রিয়তম ক্যালিক্রেটিস, রহস্য উন্মোচিত হয়েছে,' আবেগে উত্তেজনায় কাঁপছে তার গলা। 'এবার কি প্রতিশোধ নেবে? আমি যে ক্যালিক্রেটিসকে হত্যা করেছিলাম সে তোমার পূর্ব পুরুষ, এক হিসেবে তুমি তার পুত্র, মায়ের আদেশ অনুযায়ী তোমার উচিত আমাকে হত্যা করা। দেখ,' হাটু গেড়ে বসে পড়লো আয়শা। বুকের কাপড় টেনে নামিয়ে আনলো নিচে, একটা ~~ছদ্ম~~ সম্পূর্ণ অনাবৃত হয়ে গেল। 'দেখ, ক্যালিক্রেটিস, এখানে—এখানে স্পন্দিত হচ্ছে আমার হৃৎপিণ্ড, আর ঐ যে ওখানে রয়েছে ছুরি, ভারি, লম্বা, ধারালো, সঁটা নিয়ে এসো, বিধিয়ে দাও এখানে। হত্যা করো আমাকে! অতীতের রায় কার্যকর হোক!'

নিঃশব্দে কিছুক্ষণ চেয়ে রইলো লিও। তারপর এগিয়ে গিয়ে ধরলো ওকে। 'ওঠো আয়শা,' গাঢ় স্বরে বললো লিও। 'ভালো করেই জানো তোমাকে আঘাত করার সাধ আমার নেই। কাল রাতে যাকে তুমি হত্যা করেছো তার খাতিরেও না। পুরোপুরি তোমার শক্তির অধীন আমি, আমি তোমার দাস। কি করে তোমাকে হত্যা করবো?—হয়তো শিগগিরই আমি নিজেকেই হত্যা করবো!'

'এই তো, আমাকে ভালোবাসতে শুরু করেছো, ক্যালিক্রেটিস,' মৃদু হেসে বললো আয়শা। 'ঠিক আছে, এখন যাও তোমরা। যাত্রার জন্যে তৈরি হতে হবে

আমাকে। তোমরাও তৈরি হয়ে নাও। তোমাদের চাকরটাকেও সঙ্গে নিতে পারো। জিনিসপত্র বেশি নেয়ার দরকার নেই। খুব বেশি হলে তিন দিন আমরা বাইরে থাকবো। তারপর এই অভিশপ্ত কোর ছেড়ে রওনা হয়ে যাবো। তোমাদের দেশে বা অন্য কোনো সুন্দর জায়গায় গিয়ে বসতি করবো আমরা।’

## তেইশ

তৈরি হতে খুব বেশিক্ষণ লাগলো না আমাদের। গায়ের কাপড়গুলো বদলে নিলাম, হাতব্যাগে ভরলাম কয়েক জোড়া অতিরিক্ত জুতো, ব্যাস। এ ছাড়া আর যা সঙ্গে নিলাম তা হলো, আমার আর লিওর রিভলভার আর এক্সপেন্স রাইফেল দুটো। ওলি নিলাম প্রচুর; বলা যায় না কি পরিস্থিতির মুখোমুখি হতে হয় আগামী তিন দিনে।

নির্ধারিত সময়ের কয়েক মিনিট আগে আমরা আয়শার পর্দাঘেরা কুঠুরিতে গেলাম। সে-ও তৈরি। স্বাভাবিক পোশাকের ওপর কালো আলখাল্লা চড়িয়েছে। মুখ যথারীতি ঢাকা।

‘তৈরি তোমরা? রওনা হওয়া যায় এখন?’ জিজ্ঞেস করলো সে।

‘হ্যাঁ, কিন্তু, আয়শা, এখনো আমি বিশ্বাস করতে পারছি না তোমার এই...।’

‘আহু, হলি, তুমি সেই পুরানো দিনের ইহুদীদের মতোই অবিশ্বাসী, অজানা কোনো কিছু বিশ্বাস করতে চাও না। যাক সে, সময় হলেই দেখতে পাবে। এখন চলো নতুন জীবনের পথে রওনা হই আমরা—কোথায় গিয়ে শেষ হবে সে পথ কে জানে?’

‘ঠিক, কোথায় গিয়ে শেষ হবে, কে জানে?’ প্রতিধ্বনি করলাম আমি।

বেরিয়ে এলাম আমরা আয়শার কুঠুরি ছেড়ে। বড় গুহার ভেতর দিয়ে বাইরে খোলা আকাশের নিচে এসে দাঁড়ালাম। একটা মাত্র পাল্কি মাঝ গুহার মুখে। ছ’জন বাহক, সবাই বোবা-কাল। লক্ষ করলাম, ওদের সাথে অপেক্ষা করছে আমাদের পুরানো বন্ধু বিলালি। আমাদের সাথে সে-ও যাচ্ছে দেখে বেশ ব্যস্তি বোধ করলাম মনে মনে। একটা মাত্র পাল্কি দেখে প্রথমে একটু ভুল কৌচকালেও পরে মনে হলো, নিশ্চয়ই কোনো ব্যাপার আছে, যে কারণে আয়শা ঠিক করেছে সে একাই পাল্কিতে থাকবে আর বাকিরা যাবে হেঁটে। হেঁটে যেতে হবে ভেবে খুব একটা যে মুষড়ে পড়লাম তা অবশ্য নয়, গভ কয়েকদিন শুয়ে বসে থেকে হাত-পায়ে জড়তা এসে গেছে। এখন হাঁটতে ভালোই লাগবে। ঘটনাক্রমে না ‘সে’-র নির্দেশে জানি না, গুহামুখের সামনে



চতুরটা ফাঁকা। বাহক ছ'জন আর বিলাসি ছাড়া একটা লোকও নেই। সম্ভবত আয়শা চায়নি, কেউ দেখুক বা জানুক সে বাইরে যাচ্ছে। তার বোবা-কালো পরিচারক-পরিচারিকারা অবশ্য জেনেছে, তবে তাতে কিছু এসে যায় না। ওরা কাউকে কিছু বলতে পারবে না।

কয়েক মিনিটের ভেতর আমরা সবুজ শস্যক্ষেত্র আর সেই শুকিয়ে যাওয়া হ্রদের ওপর দিয়ে এগিয়ে চললাম। সূর্য এখনো ডোবেনি, তবে শিগগিরই ডুববে। প্রতিদিনের মতো আজও ধীরে ধীরে শীতল হয়ে আসছে কোর-এর সমভূমি। দূরে প্রাচীন কোর নগরীর ধ্বংসস্থল দেখালো আমাদের বিলাসি। ধ্বংসস্থলের বিস্তৃতি আর উচ্চতা দেখেই বুঝতে পারলাম, আসল নগরটা কেমন বিশাল, সুন্দর আর গণনচর্যী ছিলো। প্রাচীন খিবি বা ব্যাবিলনের কথা মনে পড়ে গেল আমার। ওগুলোর মতোই বর্ধিষ্ণু নগর ছিলো এই কোর-ও। কালের করাল ঘাসে আজ কি অবস্থা!

সূর্য পুরোপুরি ডুবে যাওয়ার মিনিট দশেক আগে ধ্বংসস্থলের প্রান্তে পৌঁছলাম আমরা। প্রায় ষাট ফুট চওড়া পরিখা দিয়ে ঘেরা পোড়ো নগরীটা। পরিখার বেশির ভাগ জায়গা-ই হেজে-মজে গেছে, তবে দু'এক জায়গায় পানি আছে এখনো। পরিখার ওপাশেই পাথরের দেয়াল। জায়গায় জায়গায় ভেঙে পড়েছে। কোর-এর নির্মাতারা ভালোমতোই সুরক্ষিত করেছিলো তাদের নগরীকে।

পাড় ধরে কিছুদূর এগোনোর পর পরিখার এক জায়গায় দেখলাম স্থূপ হয়ে আছে ইট-কাঠ-পাথরের নানা আকারের টুকরো। এক কালে নিশ্চয়ই পুল ছিলো এখানে।

অনেক কষ্টে সেতুটা পেরোলাম আমরা। তারপর দেয়ালের ভাঙা একটা প্রাঙ্গণ দিয়ে ঢুকে পড়লাম নগরে।

নগরীর রাজপথ ধরে এগিয়ে চলেছি। এখন অবশ্য আর রাজপথ ধরে চলা যায় না, ঘাস আর বোপ-ঝাড়ে ছেয়ে গেছে। দু'পাশের বিশাল বিশাল ঘোঁসুলো হুমড়ি খেয়ে পড়েছে পথের ওপর। যেগুলো এখনো দাঁড়িয়ে আছে, দাঁত খেঁচ করা মড়ার খুলির চেহারা হয়েছে সেগুলোর। হঠাৎ একটা কথা মনে হতেই অদ্ভুত এক শিহরণ বেলে গেল আমার শরীরে—হাজার হাজার বছরের মধ্যে আমরাই হয়তো প্রথম হাঁটছি এই পথ দিয়ে!

অবশেষে বিরাট এক অট্টালিকার সামনে পৌঁছলাম আমরা। কমপক্ষে আট একর জমির ওপর মাথা তুলে আছে দালানটা। চহারা দেখেই বুঝতে পারলাম, এক কালে মন্দির ছিলো। সারি সারি বিশাল স্তম্ভ ধরে বেছেছে ছাদগুলো। অদ্ভুত আকৃতি সে সব স্তম্ভের। নিচের দিক সরু, মাঝখানে মোটা ওপর দিকে আবার সরু হয়ে গেছে ক্রমশ।

আয়শার নির্দেশে বিশাল মন্দিরটার সামনে খেমে দাঁড়ালো আমাদের ছোট মিছিল। পাল্কি থেকে নামলো আয়শা।

'নিশ্চিন্তে রাত কাটানোর মতো একটা জায়গা ছিলো এখানে,' শিওর দিকে তাকিয়ে বললো সে। 'এখনও আছে না ভেঙে পড়েছে, কে জানে? দু'হাজার বছর আগের কথা। তুমি আমি আর সেই মিসরীয় কালনাগিনী রাত কাটিয়েছিলাম ওখানে। চলো দেখা যাক।'

সিঁড়ি বেয়ে উঠতে শুরু করলো সে। আমরাও চললাম পেছন পেছন। অসংখ্য ধাপ সিঁড়িটার। কালের ঘাসে ক্ষয়ে গেছে কোনো কোনো জায়গা। উঠতে উঠতে হাঁপ ধরে গেল। অবশেষে উপরে পৌঁছলাম। বাঁ দিকে ঘুরে কিছুটা এগিয়ে গেল আয়শা। উকি দিলো অন্ধকারের ভেতর। অনিশ্চিত ভঙ্গিতে আরো কয়েক পা এগোলো। তারপর ফিরলো আমাদের দিকে।

'আছে এখনো, ভেঙে পড়েনি,' বললো সে। তারপর দুই বেহারাকে ইশারায় বললো সব জিনিসপত্র নিয়ে উঠে আসতে।

জিনিসপত্র নিয়ে আসার পর বাহকদের একজন একটা প্রদীপ জ্বাললো। আমাহাগাররা যখন কোথাও যান, সঙ্গে সবসময় ছোট একটা পাথ্রে খানিকটা আগুন বহন করে। মাঝে মাঝে তাতে জ্বালানী দিয়ে আগুনটা তাজা রাখে। এই আগুনের সাহায্যেই প্রদীপ জ্বাললো লোকটা। প্রদীপ জ্বলে উঠতেই আমরা ঢুকলাম সেখানে। বড় একটা কামরা। মাঝখানে বিরাট একটা পাথরের টেবিল।

কটপট কামরাটা পরিষ্কার করে শোয়ার বন্দোবস্ত করে ফেললাম। সঙ্গে স্নান, ঠাণ্ডা মাংস দিয়ে রাতের খাওয়া সেরে নিলাম আমি শিও আর জব। আয়শা কল, ময়দার পিঠে আর পানি ছাড়া কিছু খেলো না। একটু পরেই চাঁদ উঠে এলো। পাহাড়ের আড়াল থেকে। রূপালি আলোর বন্যায় প্রাবিত হয়ে গেল কোর-এর ধ্বংসপ্রাপ্ত।

'আন্দাজ করতে পারো, হলি, এখানে কেন নিয়ে এসেছি তোমাদের?' উঠে দাঁড়াতে দাঁড়াতে বললো আয়শা। 'শোনো--কিন্তু ক্যালিক্লেডিস, আর্কর্ষ, এখন যেখানে তুমি শুয়ে আছে ঠিক ওখানে\* তোমার মৃতদেহ পড়ে ছিলো, সেই কত বছর আগের কথা! আমি একা তোমার ঐ ভারি শরীরটা বয়ে নিয়ে গেছিলাম কোর-এর শুহায়। কি যে কষ্ট হয়েছিলো, মনে পড়লে এখনো সিঁড়ি উঠি।' সত্যি সত্যিই কেঁপে উঠলো তার শরীর।

- শোনার সঙ্গে সঙ্গে শিও-ও যেন শিউরে উঠলো একটু। তাড়াতাড়ি উঠে স্নায়গা বদলে বসলো।

'যাকগে, যা বলছিলাম,' বলে চললো আয়শা, 'তোমাদের এখানে নিয়ে এসেছি কারণ, এমন আশ্চর্য একটা জিনিস দেখাবো, যা কোনো মানুষের চোখ কখনো দেখেনি। আজ পূর্ণিমা, আজই তো দেখার সময়! এই বিশাল মন্দির আর এখানে যাঁর পূজা হতো—দেখবে?'

সঙ্গে সঙ্গে রওনা হলাম আমরা। বিশাল মন্দিরের বিভিন্ন অংশ ঘুরিয়ে দেখালো আয়শা। আশ্চর্য এক গাভীর তীর নির্মাণ-শৈলীতে। অদ্ভুত এক অনুভূতিতে ছেয়ে গেল আমাদের মন। সুবিশাল, মহান কোনো কিছুর সামনে দাঁড়ালে যেমন অনুভূতি হয়, মাথা নোয়াতে ইচ্ছে করে, তেমন অনুভূতি। সারি সারি স্তম্ভ, ফাঁকা উঠোন, উঁচু উঁচু বিরাট কক্ষ—সবগুলো ফাঁকা, আর অন্তহীন নিস্তব্ধতা। ফিসফিস করে কথা বলছি আমরা, যেন জোরে বললেই জেগে উঠবে হাজার হাজার বছরের ঘুমন্ত মন্দির।

'দেখছি আর দেখছি, কিন্তু তৃপ্ত হচ্ছে না চোখ, যত দেখছি ততই বেড়ে উঠছে দেখার আকাঙ্ক্ষা।

'এসো,' অবশেষে বললো আয়শা। 'আসল জিনিস এখনো দেখা হয়নি।'

সারি সারি ধাম ঘেরা দুটো উঠোন পেরিয়ে মন্দিরের কেন্দ্রস্থলে নিয়ে গেল সে আমাদের। লম্বায়-চওড়ায় পঞ্চাশ গজের মতো বর্গাকৃতির একটা চত্বর। এই উঠোনের চারদিকে যে দেয়াল আর ধামগুলো তার কারুকাজ আরো সুন্দর, আরো নিখুঁত। যারা এ কাজ করেছে তারা যে বিশ্বের সর্বকালের সেরা শিল্পী তাতে কোনো সন্দেহ নেই। চত্বরের ঠিক মাঝখানে বিরাট একটা গোলক, কালো পাথর দিয়ে তৈরি। বিশফুট মতো হবে গোলকটার ব্যাস। তার ওপর অপূর্ব ভঙ্গিমায় দাঁড়িয়ে আছে ডানাওয়ালা এক মূর্তি। স্বর্গীয় সৌন্দর্য তার চোখে মুখে। চাঁদের স্নিগ্ধ আলোয় মূর্তিটা দেখে হৃদয়ঙ্গম বন্ধ হওয়ার অবস্থা হলো আমার।

শ্বেত মর্মরে তৈরি মূর্তিটা এত হাজার বছর পরেও এমন নিখুঁত আর চকচকে রয়েছে যে আমি বিশ্বিত না হয়ে পারলাম না। ডানাওয়ালা মূর্তিটা নারীর সামান্য সামনে ঝুঁকে দাঁড়িয়ে আছে। গোটানো-ও নয়, ছড়ানো-ও নয়, মাঝামাঝি অবস্থায় রয়েছে ডানা দুটো। দু'বাহু সামনে বাড়ানো, যেন অতি প্রিয় কোনো কিছুকে আলিঙ্গনের আঙ্কন জানাচ্ছে। নিটোল, নিখুঁত মূর্তিটা সম্পূর্ণ নগ্ন—কেবল মুখটা ছাড়া। মুখটা এমন ভাবে তৈরি, দেখে মনে হয়, হৃদয়টা প্রায় স্বচ্ছ, কিন্তু পুরো স্বচ্ছ নয় এমন কোনো কাপড় দিয়ে ঢাকা। কাপড়টার দুই প্রান্ত বুলে আছে দুই স্তনের ওপর।

'কার মূর্তি এটা?' কোনো রকমে ওটার ওপর থেকে চোখ সরিয়ে জিজ্ঞেস করলাম আমি।

'আন্দাজ করতে পারছো না, হলি?' বললো আয়শা। 'তোমার কল্পনাশক্তি তাহলে কোথায়? সত্য দাঁড়িয়ে আছে পৃথিবীর ওপর, সন্তানদের ডাকছে তার মুখের আবরণ উন্মোচন করার জন্যে। ভিত্তি প্রস্তরের ওপর কি লেখা রয়েছে দেখ।'।

দেখলাম সেই গুহার ভেতর যেমন দেখেছিলাম তেমন চীনা ছাঁদের লেখা। আয়শা অনুবাদ করে শোনালোঃ

'আমার অবগুষ্ঠন উন্মোচন করে আমার মুখের দিকে তাকানোর মতো মানুষ কি নেই পৃথিবীতে? খুবই সুন্দর আমার মুখ। যে আমার মুখাবরণ সরাতে পারবে, আমি তার হবো, এবং আমি তাকে শান্তি দেবো, জ্ঞানী পুণ্যবান সুকুমার সন্তান দেবো।'

'শুনে একটা কণ্ঠস্বর চিৎকার করে উঠলো, "সবাই তোমার পেছন পেছন ছুটছে, তোমাকে কামনা করছে, দেখ! তবু তুমি কুমারী, আজীবন তুমি কুমারী-ই রইবে। কোনো মানবীর গর্ভে এমন কোনো মানুষ জন্মগ্রহণ করেনি যে তোমার অবগুষ্ঠন উন্মোচন করার পরও বেঁচে থাকবে। একমাত্র মৃত্যুই তোমার মুখাবরণ সরাতে পারবে, হে সত্য!'

'এবং সত্য দু'বাহু বাড়িয়ে দিয়ে কোঁদে উঠলো, কারণ, যারা তার প্রেমাকাঙ্ক্ষী কখনোই তারা জয় করতে পারবে না তাকে, এমন কি তাকাতো পর্যন্ত পারবে না তার মুখোমুখি। বুঝতে পারছো?' বললো আয়শা। 'প্রাচীন কোরবাসীদের দেবী ছিলো সত্য। তার উদ্দেশ্যেই তৈরি করা হয়েছিলো এই মন্দির। ওরা নিঃসংশয় বুঝেছিলো, সত্যকে কোনো দিনই পাবে না তবু তারই উপাসনা করে গেছে সারা জীবন।'

'এবং তারপর,' ভারাক্রান্ত গলায় বললাম আমি, 'আজ পর্যন্ত মানুষ বুঝে চলেছে সত্যকে, কিন্তু পায়নি, এই উৎকীর্ণ লিপিতে যেমন বলা হয়েছে, পাবেও না, কারণ একমাত্র মৃত্যুর মাঝেই পাওয়া যায় সত্যকে।'

আবার একটার পর একটা উঠোন পেরিয়ে ফিরে এলাম গুহারা। আসার সময় একটা কথাই কেবল মাথার ভেতর ঘুরতে লাগলো আমার, পৃথিবী যে গোল তা সত্য বছর আগেও কি করে টের পেয়েছিলো কোরবাসীরা! অস্ট্রেলি! কতটা উন্নত হয়েছিলো ওদের বিজ্ঞান!

## চব্বিশ

পরদিন ভোর হওয়ার আগেই বোবা-কাল বাহকরা জাগিয়ে দিলো আমাদের। মন্দিরের

বাইরে উঠেইনের উত্তর কোণায় একটা মর্মর বীধানো ঝরনা থেকে এখনো পানি বেরোয়। কাপড়-চোপড় পরে সেটার কাছে গিয়ে হাতমুখ ধুয়ে নিলাম আমরা। ফিরে এসে দেখি যাত্রার জন্যে তৈরি আয়শা। পাল্কির পাশে দাঁড়িয়ে আছে। বিলালি আর দুই বাহক তড়িঘড়ি বয়ে আনছে আমাদের জিনিসপত্র। যথারীতি 'মর্মর সত্যো'র মতো অবশুষ্টিত আয়শার মুখ। তবু কেন যেন—স্বয়তো ওকে মাথা নিচু করে দাঁড়িয়ে থাকতে দেখেই, আমার মনে হলো একটু বিষণ্ণ হয়ে যাচ্ছে সে।

আমাদের পদশব্দ শুনে মুখ তুলে তাকালে আয়শা। ভদ্রতাসূচক কুশল বিনিময় হলো। রাতে কেমন ঘুমিয়েছে, জিজ্ঞেস করলো।

'খারাপ ক্যালিক্রেটিস,' জবাব দিলো সে, 'তীষণ খারাপ। সারারাত আজ্জবাজ্জ স্বপ্ন দেখেছি। ওস্তোর অর্থ যে কি এখনো বুঝতে পারছি না। মনে হচ্ছে, অশুভ কিছুর ছায়া পড়েছে আমার ওপর।' একটু ধেমেরে কি যেন জাবলো আয়শা। তারপর বললো, 'চলো রওনা হওয়া যাক। অনেক দূর যেতে হবে, আর দেরি করা উচিত হবে না।'

পাঁচ মিনিটের ভেতর আবার পথে নামলাম আমরা। কেরনগরীর ধাংসা-বশেষের ভেতর দিয়ে এগিয়ে চললাম। একেবারে সামনের পাল্কিতে আয়শা, তারপর বিলালি আর বদলি বাহক দু'জন, তারপর আমি আর লিও এবং একেবারে শেষে জব। কেমন যেন মিইয়ে গেছে বেচারী। আসার আগে অনেক যুক্তি তর্কের জাল বিস্তার করে বোঝানোর চেষ্টা করেছিলো, ঐ ভয়ানক মেয়ে মানুষটার সঙ্গে যেন না আসি আমরা, কেমন যেন বিপদের গন্ধ পাচ্ছে ওর মন। পাস্তা দিইনি আমরা। বিপদের সম্ভাবনা আছে জানি, কিন্তু তাই বলে হাত পা স্থটিয়ে বসে থাকবো তেমন লোক নই আমি, লিও তো নয়ই। এখনও বোধহয় সেই বিপদের বিভীষিকা দেখছে জব।

সূর্যের প্রথম রশ্মি পূর্ব আকাশ আলোকিত করে তোলায় আগেই নগরের শেষ প্রান্তে পৌঁছে গেলাম আমরা। আবার দেয়াল পেরিয়ে, একটা ভাঙা-সেঁক পেরিয়ে যখন সমভূমিতে উঠে এলাম তখন রাঙা হয়ে উঠছে পূর্ব দিগন্ত।

প্রায় ঘন্টাকানেক পর সকালের নাশতা সেরে নেয়ার জন্যে এক জায়গায় থামলাম আমরা। দিনের আলো ফুটে ওঠার সাথে সাথে আয়শার মুখও ভালো হয়ে উঠেছে। দূরে দাঁড়ানো বিলালির দিকে ইশারা করে সে বললো, 'এই বর্বরগুলো অন্তর থেকে বিশ্বাস করে কোর-এর ওপর নাকি ভূতের আছর আছে। ওদের এই একটা কথা আমি সত্যিই বিশ্বাস করি। ওহু, এখনো স্পষ্ট দেখতে পাই, ক্যালিক্রেটিস, তুমি আমার পায়ের কাছে পড়ে আছো, প্রাণহীন! নাহু, আর কখনো এ জায়গায় আসবো না, সত্যিই অশুভ জায়গাটা।'

সামান্য সময়ের মধ্যেই নাশতা সেবে আবার রওনা হলাম আমরা। দুপুর দুটো নাগাদ পৌঁছে গেলাম বিশাল বিস্তৃত এক পাহাড়ী প্রাচীরের কাছে; সম্ভবত আগ্নেয়গিরির অগ্ন্যুৎপাতের ফলে তৈরি হয়েছে প্রাচীরটা। দেড় থেকে দু'হাজার ফুট উঁচু। প্রাচীরের গোড়ায় থামলাম আমরা।

'এবার শুরু হবে আমাদের আসল যাত্রা,' পাল্কি থেকে নেমে বললো আয়শা। 'ওদের এখানে রেখে পায়ে হেঁটে এগোবো আমরা।' তারপর বিলালির দিকে ফিরে যোগ করলো, 'তুমি আর ঐ দাসগুলো থাকবে এখানে। অপেক্ষা করবে আমাদের জন্যে। আগামীকাল দুপুর নাগাদ ফিরে আসবো আমরা—যদি না-ও ফিরি অপেক্ষা করবে।'

বিনীতি ভঙ্গিতে মাথা নোয়ালো বিলালি, এবং জানালো, তাঁর মহান আদেশ পালিত হবে।

'আর এই লোকটা, হলি,' জবের দিকে ইশারা করে বললো আয়শা, 'ও-ও এখানে থাক। এখন থেকে যে পথে আমরা এগোবো, প্রচণ্ড মানসিক শক্তি আর সাহস না থাকলে খারাপ কিছু ঘটে যেতে পারে।'

জবকে আমি অনুবাদ করে শোনালাম কথাটা। সঙ্গে সঙ্গে কীদো কীদো হয়ে উঠলো ওর মুখ। অনুনয় করে বললো, আমরা যেন দয়া করে ওকে ফেলে রেখে না যাই। ইতিমধ্যে যা দেখেছে তার চেয়ে ভীতিজনক কিছু দেখতে হবে তা ওর বিশ্বাস হয় না। তাছাড়া এই বোবা-কালাদের কাছে রেখে গেলে ওকে হয়তো 'গরম-পাত্র' করে খেয়েই ফেলবে।

আয়শাকে আবার অনুবাদ করে শোনালাম কথাগুলো।

কাঁধ ঝাঁকালো সে। 'ঠিক আছে, আমার কি? আসতে চাইলে আসুক। প্রদীপ আর ওটা বইতে হতো তোমাদের। এখন ও-ই পারবে।' প্রায় ষোল ফুট লম্বা সরু একটা তক্তা দেখালো আয়শা। পাল্কির ওপরে বাঁধা ছিলো, একটু আগে খুলে রেখেছে বাহকরা।

তক্তাটা উঁচু করে দেখলাম, অদ্ভুত হালকা, কিন্তু খুবই মজবুত। জবকে দেয়া হলো ওটা বইবার জন্যে, একটা প্রদীপও দেয়া হলো। অন্য প্রদীপটা দড়ি বেঁধে পিঠে ঝুলিয়ে নিলাম আমি, তেলের পাত্রটাও রইলো আমার কাঁধে। সিঁড়িও নিলো খাবার-দাবার আর ছাগলের চামড়ার এক ধলে ভর্তি পানি।

বিলালিকে ডাকলো আয়শা। শ'খানেক গজ দূরে একটা ম্যাগনোলিয়া ঝোপ দেখিয়ে বললো ছয় বেহারাকে নিয়ে সেটার পেছনে গিয়ে বসতে। মাথা নুইয়ে রওনা হলো তারা। বিলালি যাওয়ার আগে আমার হাত দুটো ধরে একটু নেড়ে দিলো। এক

মিনিটেরও কম সময়ের ভেতর বোপের আড়ালে অদৃশ্য হয়ে গেল লোকগুলো।

আমরা তৈরি কিনা একবার জিজ্ঞেস করে ঘুরে দাঁড়ালো আয়শা। খাড়া উঠে যাওয়া চূড়ার দিকে তার দৃষ্টি।

'নিশ্চয়ই এই খাড়া পাহাড় বেয়ে উঠতে যাচ্ছি না আমরা, কি বলো, লিও?' জিজ্ঞেস করলাম আমি।

আধা সম্মোহিত, আধা সচেতন অবস্থায় কাঁধ ঝাঁকালো লিও? পরমুহূর্তে চলতে শুরু করলো আয়শা, এবং ঐ খাড়া পাহাড় বেয়েই। উপায়ান্তর না দেখে এগোলাম আমরাও।

সত্যি চমৎকার এক দৃশ্য, কি অনায়াস দক্ষতায় এক পাথর থেকে অন্য পাথরে লাফিয়ে চলে যাচ্ছে আয়শা। পা টিপে টিপে সাবধানে পেরিয়ে যাচ্ছে কিনারগুলো। নিচে থেকে যা ডেবেছিলাম তত কঠিন নয় পাথরের ধাপ টপকে উঠে যাওয়া। আয়শার মতো অনায়াসে না হলেও মোটামুটি স্বচ্ছন্দেই উঠছি আমরা। সমস্যা যা হচ্ছে তা বেচারি জ্ববের, ষোলফুটি তক্তাটা নিয়ে হিমশিম খাচ্ছে। ভাগ্য ভালো, ভারি নয় ওটা। ভারি হলে ওটা নিয়ে অনেক আগেই উল্টে পড়তো জ্বব।

প্রায় পঞ্চাশ ফুট মতো ওঠার পর শিলাস্তরের কিনারায় সুরু কার্নিসের মতো একটা জায়গায় পৌঁছলাম আমরা। জায়গাটা এত সুরু যে কোনোমতে পা রেখে দাঁড়ানো যায়। পাথরে পিঠ ঠেকিয়ে পা টিপে টিপে পাশে হেঁটে এগোলো আয়শা। তার ভঙ্গি অনুকরণ করে আমরাও এগোলাম। প্রথমে খুব সুরু থাকলেও যত এগোতে লাগলাম ততই চওড়া হতে লাগলো কার্নিস। পঞ্চাশ ষাট গজ মতো যাওয়ার পর হঠাৎ একটা গুহার ভেতর গিয়ে শেষ হয়ে গেল কার্নিস। প্রথম দর্শনেই বুঝলাম গুহাটা প্রাকৃতিক।

গুহার মুখে ধেমে দাঁড়ালো আয়শা। প্রদীপ দুটো জ্বালতে বললো। আমরা দুজনে জ্বলে তার হাতে দিলাম, আর অন্যটা জ্ববের কাছ থেকে নিয়ে জ্বলে রাখলাম আমার কাছে।

প্রদীপ হাতে অন্ধকার গুহার ভেতর ঢুকলো আয়শা। অত্যন্ত সতর্কতার সাথে পেছন পেছন এগোলাম আমরা। হাতে আলো থাকলেও গুহার মেঝেটা এমন উঁচু নিচু যে একটু অসাবধান হলেই হেঁচট খেতে হবে।

পাঝা বিশ মিনিট সময় লাগলো গুহার শেষ মাথায় পৌঁছতে। অনেকবার বাক নিয়ে, চড়াই উৎরাই পেরিয়ে যে পথটুকু অতিক্রম করলাম লম্বায় তা কমপক্ষে সিকি মাইল হবে। এপাশেও একটা মুখ। মুখের কাছাকাছি আসতেই দমকা বাতাসে নিবে গেল প্রদীপ দুটো।

সন্ধ্যা হয়ে এসেছে। গুহার বাইরে আলো প্রায় নেই বললেই চলে। সুতরাং প্রদীপ

নিবে যেতেই অন্ধকারে ঢাকা পড়ে গেলাম আমরা। অস্পষ্ট ভাবে একে অপরের অবয়ব শুধু দেখতে পাচ্ছি। আয়শা তার পেছন পেছন যেতে বললো আমাদের। পা টিপে টিপে, মেঝের উঁচু নিচু ঠাহর করে এগোলাম আমরা। গুহার বাইরে বেরিয়ে যে দৃশ্য দেখলাম তা এক কথায় অগূর্ব এবং ভীষণ। আমাদের সামনে বিশাল এক গহ্বর। তার এখানে ওখানে ফাটল, জায়গায় জায়গায় উঁচু হয়ে আছে বিরাট বিরাট পাথর। হাজার হাজার বছর আগে ভয়াবহ কোনো প্রাকৃতিক বিপর্যয়ের ফলে হয়তো সৃষ্টি হয়েছিলো এই গহ্বর। আমাদের থেকে কত নিচে যে মাটি তা বোঝার কোনো উপায় নেই, অন্ধকারের জন্যে কিছু দেখতে পাচ্ছি না। গহ্বরের চারদিকের দেয়াল উঁচু হয়ে উঠে গেছে অনেক দূর পর্যন্ত। দেড়-দু'হাজার ফুট হবে। তার ভেতর দিয়ে আকাশ দেখা যায় কি যায় না। সবচেয়ে আশ্চর্য যে ব্যাপারটা তা হলো, গুহামুখের সোজাসুজি সরু একটা সেতু মতো আড়াআড়ি ভাবে এগিয়ে গেছে গহ্বরের ও প্রান্তের দিকে। সেতু না বলে বীধ বলাই বোধহয় ভালো। নিরেট পাথর উঁচু হয়ে এসেছে গহ্বরের তলা থেকে। দু'পাশে গভীর খাদ।

'এর ওপর দিয়ে যেতে হবে আমাদের,' বললো আয়শা। 'সাবধান, মাথা ঘুরে বা পা ফসকে পড়ে যেও না যেন; সত্যি কথা বলতে কি, এ গহ্বরের তল নেই কোনো।'

আর কিছু বললো না সে। ভয় পাওয়ারও কোনো সুযোগ দিলো না আমাদের, হাঁটতে শুরু করলো সেই সরু পাথরের ওপর দিয়ে। অগত্যা আমরাও এগোলাম। পেছন পেছন।

কি সুন্দর সাবলীল ভঙ্গিতে হেঁটে চলেছে সে। যে দমকা বাতাসে প্রদীপ নিবে গিয়েছিলো তেমন ঝড়ো বাতাস বইছে এখনো, কিন্তু বিন্দুমাত্র বিব্রত কণ্ঠে পারছে না আয়শাকে। তীব্র বাতাসের উন্টো দিকে শরীর হেলিয়ে দিয়ে নির্ভয়ে এগিয়ে যাচ্ছে সে।

এদিকে আমরা, বাতাসের কাপটা থেকে রক্ষা পাওয়ার জন্যে বসে গুড়ি মেরে এগোচ্ছি। তবু ঠিকমতো তাল রাখতে পারছি না। প্রতি মুহূর্ত মনে হচ্ছে এই বুঝি উড়িয়ে নিয়ে গেল। আয়শার পেছনেই আমি, তারপর ত্রিজ্ঞা হাতে জব, একেবারে পেছনে লিও। যত এগোচ্ছি ততই সরু হচ্ছে ভয়ানক সেতুটা।

মাত্র বিশ পা এগোতেই বেশ কয়েক মিনিট লেগে গেল। তারপর আচমকা আরো তীব্র হয়ে উঠলো বাতাস, যেন ছিঁড়ে খুঁড়ে নেসবে প্রকাণ্ড গহ্বরটা। তাল রাখার জন্যে আরেকটু হেলে পড়লো আয়শা। হঠাৎ আমি দেখলাম, বাতাস ঢুকে ফুলে উঠলো তার আলখাল্লাটা, তারপরই সেটা আয়শার দেহ ছেড়ে উড়ে চলে গেল হাওয়ার মুখে। আহত



পাখির মতো ঝটপট করতে করতে ক্রমশ নেমে যেতে লাগলো অন্তহীন গন্ধুরের ভেতর। পাখর আঁকড়ে ধরে চারপাশে তাকালাম আমি। সরু সেতুটা, বাতাসের ঝাপটায় না আমাদের ওজনে জানি না, কাঁপছে একটু একটু। শিসের মতো শব্দ তুলে বইছে বাতাস।

‘এসো, এসো,’ আমাকে খেমে পড়তে দেখে চিৎকার করে উঠলো আয়শা। এখন তার পরনে কেবল শাদা বুল পোশাকটা, আধো আলো আধো অন্ধকারে অশরীরী আত্মার মতো লাগছে দেখতে। ‘তাড়াতাড়ি এসো, নইলে বাতাস আরো বাড়লে উড়িয়ে নিয়ে যাবে।’

আবার এগোতে শুরু করলাম আমরা। জন্তুর মতো চার হাত পায়ে ভর দিয়ে কোনো রকমে ইঞ্চি ইঞ্চি করে সামনে যাচ্ছি। চোখ মুখ কুঁচকে তীব্র বাতাসের ঝাপটা সহ্য করছি। আরো কয়েক মিনিট এগোলাম এভাবে। সেতুর প্রান্তে পৌঁছে গেছি। এতক্ষণে বুঝতে পারলাম, তক্তাটা কেন আনা হয়েছে।

প্রাকৃতিক সেতু বা বীধটা যেখানে শেষ হয়েছে তার ওপাশে অনেক নিচ থেকে উঠে এসেছে একটা চূড়া। অনেকটা চোঙের মতো দেখতে। এই চূড়ার ওপর বিরাট একটা পাখর বসানো। অন্তত চল্লিশ ফুট হবে প্রস্থে। আপাতদৃষ্টিতে মনে হয় চূড়াটাই হঠাৎ করে ভেঁতা হয়ে ছড়িয়ে পড়েছে চারদিকে। কিন্তু আসলে, ওপরের পাখরটা আলগা। এমন মনে হওয়ার কারণ, এখান থেকে স্পষ্ট দেখতে পাচ্ছি হাওয়ার ঝাপটায় একটু পর পরই সামান্য নড়ে উঠছে ওটা। এরকম আলগা একটা পাখর কি করে ওখানে এলো আর কি করে ওটা এমন সুন্দর ভারসাম্য বজায় রেখে বসলো কিছুতেই ভেঁবে পেলাম না। বিশাল চাঙড়টার এদিকের প্রান্ত আর সেতুর মাঝে এগারো কি বায়ো ফুটের মতো একটা ফাঁক। এই ফাঁকটুকু পার হওয়ার জন্যেই যে তক্তাটা আনা হয়েছে একবার দেখার সঙ্গে সঙ্গেই তা বুঝতে পারলাম।

‘এবার একটু অপেক্ষা করতে হবে আমাদের,’ বললো আয়শা। ‘একটু পরেই আলো পাওয়া যাবে, তারপর আবার রওনা হবো।’

একটু আশ্চর্য হলাম আমি। সন্ধ্যা হয়ে গেছে এখন আবার আলো আসবে কোথেকে এই ভয়ানক জায়গায়? বসে বসে ভাবছি একথা, এমন সময় হঠাৎ দূরে অনেক নিচে পাহাড়ের গায়ে একটা ফোকার মতো ভেতর দিয়ে ছুটে এলো অস্তায়মান সূর্যের এক ঝলক সোনালি রশ্মি। মুহূর্তে আশ্চর্যিত হয়ে উঠলো সেতুর প্রান্ত আর ওপাশে পাখরের চাঁইটা।

‘তাড়াতাড়ি!’ বললো আয়শা, ‘তক্তাটা—আলো থাকতে থাকতেই পার হয়ে যেতে

হবে; এক্ষুণি অঙ্ককার হয়ে যাবে আবার।’

‘ও, স্যার!’ আর্তনাদ করে উঠলো জব। ‘নিশ্চয়ই এই ঠুনকো জিনিসের ওপর দিয়ে এই ভয়ানক খাদ পেরোনোর কথা বলেনি ও!’

‘ঠিক তার উস্টোটা, জব,’ বললাম আমি। ‘এই ভয়ানক খাদটা পেরোতে হবে আমাদের, এবং এই ঠুনকো তক্তার ওপর দিয়েই।’ তক্তাটা এগিয়ে দিতে ইশারা করলাম ওকে।

ও যতটা ভয় পেয়েছে আমি যে তার চেয়ে কম পেয়েছি তা মোটেই নয়। তবু নির্বিকার মুখে তক্তাটা ঠেলে দিলাম আয়শার দিকে। অন্যায়স দক্ষতার সাথে সেও ঠেলে দিলো সেটা। ভাবলাম, এখানেই শেষ আমাদের এই অভিযান, এক্ষুণি গভীর খাদের অতলে তলিয়ে যাবে তক্তাটা। কিন্তু না, এক সেকেণ্ড পরেই অবাক হয়ে দেখলাম, ওপাশের চাণ্ডড়টার ওপর গিয়ে বসেছে তক্তার ওমাথা।

‘শেষ যেবার এসেছিলাম তারপর অনেক বছর কেটে গেছে,’ বললো আয়শা। ‘জানি না এখনো পাথরটার ভারসাম্য ঠিক আছে কি না। সুতরাং আমি আগে যাবো।’ আর কিছু না বলে হালকা পায়ে তক্তার ওপর দিয়ে হেঁটে গেল আয়শা। কয়েক সেকেণ্ড পরেই দেখলাম, ওপাশের টলমলে পাথরটার ওপর দাঁড়িয়ে আছে সে।

‘হ্যাঁ, ঠিকই আছে,’ চিৎকার করলো সে। ‘এক এক করে চলে এসো ভোগরা। তক্তাটা ভালো মতো ধরে একটু একটু করে এগোবে। তাড়াতাড়ি, হসি। এক্ষুণি আলো চলে যাবে।’ দু’জনের ওজনে পাথরের ভারসাম্য যাতে নষ্ট না হয় সেজন্যে ওধান্তে গিয়ে দাঁড়ালো সে।

হাঁটুতে ভর দিয়ে কসরত শুরু করলাম, কিন্তু এক ইঞ্চি এগোতে পারিনি না। সত্যি কথা বলতে কি, এমন আতঙ্কিত জীবনে আর কখনো হইনি আমি।

‘কি ব্যাপার, হসি, ভয় পেয়েছো?’ অস্থির অথচ কৌতুক বেশটো স্বরে চিৎকার করলো আয়শা। ‘তাহলে পিছিয়ে যাও তুমি, ক্যালিক্রেটসকে আসতে দাও।’

এই কথাটির পর আর ইতস্তত করা যায় না। এমন একজন মেয়ে মানুষের উপহাসের পাত্র হওয়ার চেয়ে মরে যাওয়া ভালো। দাঁতে দাঁত চেপে, দুনিয়ার আর সবকিছু ভুলে এগোলাম তক্তার ওপর দিয়ে। ইঞ্চি ইঞ্চি করে এগিয়ে যাচ্ছি। সমস্ত মনোযোগ তক্তা আর তার দু’কিনারের দিকে। আমার ওজনে একটু বেঁকে গেছে তক্তা। হঠাৎ একবার চোখ পড়লো নিচের অসুস্থ মানুষের দিকে। ধড়াস করে উঠলো বুকের ভেতর। এগিয়ে আসতে চাইলো শরীর। এমন সময় মনে পড়ে গেল আয়শার বিদূপ কথা কণ্ঠস্বর। কোথেকে যে শক্তি পেলাম জানি না, পরবর্তী তিন সেকেণ্ডের মাধ্যমে

তক্তার ওপ্রান্তে পৌঁছলাম আমি।

এবার লিওর পালা। চেহারায় একটু সন্ধিগ্ন ভাব থাকলেও দড়াবাজ সার্কাসওয়ালার মতো অনায়াস ভঙ্গিতে হেঁটে চলে এলো ও এপাশে। আয়শা এগিয়ে গিয়ে ধরলো ওর হাত। তারপর বললো, 'চমৎকার, প্রিয়তম—প্রাচীন গ্রীকদের মতোই সাহস দেখিয়েছে!'।

জব কেবল রয়েছে এখন ওপাশে। কোনো রকমে গুড়ি মেরে তক্তার ওপর উঠলো ও। তারপরই হাউমাউ করে উঠলো, 'আমি পারবো না, স্যার! পড়ে যাবো, পড়ে যাবো!'

'পারতেই হবে, জব,' দৃঢ় গলায় বললাম আমি। 'পারতেই হবে। খুব সোজা কাজ, মাছি ধরার মতো সোজা।' আমার ধারণা দুনিয়ার সবচেয়ে কঠিন কাজগুলোর একটা মাছি ধরা, তবু কেন যে বললাম একথা জানি না। তবে আয়শার দিকে তাকিয়ে কথাটা বলতে পেরে খুব শান্তি পেলাম মনে মনে।

'পারবো না, স্যার, পারবো না!'

'আসলে আসুক, না হলে মরুক ও! আলো চলে যাচ্ছে, এক্ষুণি অন্ধকার হয়ে যাবে!' বললো আয়শা।

যে-ফোকর দিয়ে আলো আসছে, সেটার দিকে তাকলাম আমি। ঠিকই বলেছে আয়শা। ইতিমধ্যে লাল ধালার মতো সূর্যটার অর্ধেক চলে গেছে ফোকরের আড়ালে।

'জব,' চিৎকার করলাম আমি। 'ওখানে বসে থাকলে মরা ছাড়া আর কোনো উপায় থাকবে না তোমার। তাড়াভাড়া এসো, আলো চলে যাচ্ছে!'

'এসো, জব!' গর্জে উঠলো লিও, 'সাহস আনো বৃকে! যত কঠিন ভাবিয়ে আসলে তত কঠিন নয় কাজটা। কত সহজে আমরা চলে এলাম, দেখলে না?'

এবার এগোতে শুরু করলো জব। অনবরত কাঁপা কাঁপা শব্দে চিৎকার করছে 'মাগো, গেলাম গো,' আর একটু একটু করে এগোচ্ছে। ক্রমশ আলো কমে আসছে তবু পরিষ্কার দেখতে পাচ্ছি, থর থর করে কাঁপছে বেচারার।

মাঝামাঝি জায়গায় এসে হঠাৎ ওর একটা হাঁটু ছেঁবে গেল তক্তার বাইরে। ভয়ানক ভাবে কাঁকুনি খেলো তক্তাটা। তীব্র একটা আর্তনাদ করে কিনারা আঁকড়ে ধরলো জব। তারপর বসে রইলো স্থির হয়ে। এই সময় সূর্যের শেষ রশ্মিটাও চলে গেল ফোকরের নিচে। আবার অন্ধকার নেমে এলো চারদিকে।

'চলো!' তাড়া লাগালো আয়শা।

'চলে এসো, জব, ঈশ্বরের দোহাই! না হলে তোমাকে ফেলেই চলে যেতে হবে

আমাদের!' আবার চোঁচলাম আমি।

'ও, ঈশ্বর, দয়া করো, দয়া করো!' অন্ধকারের ভেতর থেকে ভেসে এলো জ্ববের গলা। 'ওহু, তক্তাটা পিছলে যাচ্ছে!' তারপর ভীষণ একটা ধূপধাপ আওয়াজ। জ্বব বোধহয় গেল!

কিন্তু ঠিক সেই মুহূর্তে ওর বাড়িয়ে দেয়া একটা হাত স্পর্শ করলো আমার হাত। খপ করে ধরে ফেলে টানলাম আমি। পরের মুহূর্তে আমার পাশে হুমড়ি খাওয়া অবস্থায় দেখলাম জ্ববকে। কিন্তু তক্তাটা! শক্ত কিছু পিছলে যাওয়ার ঝসঝসে আওয়াজ শুনে বুঝলাম চলে গেল ওটা। কয়েক সেকেন্ড পর নিচে থেকে ভেসে এলো ঠক করে একটা আওয়াজ।

'হায় হায়! আমরা ফিরবো কি করে!' কোনো মতে উচ্চারণ করলাম আমি।

'জানি না,' জ্ববাব দিলো লিও! 'ভাগ্য ভালো আমরা এপাশে আসার আগেই ওটা পড়ে যায়নি!'

আমার কাছে এগিয়ে এলো আয়শা। 'আমার হাত ধরে এসো!'

## পাঁচিশ

আয়শার কথা মতো তার হাত ধরলাম আমি। অন্ধকারে কিছু দেখতে পাচ্ছি না। কম্পিত বৃকে শুধু অনুভব করছি, আমার হাত ধরে টলমলে পাথরটার কিনারে নিয়ে গেল সে। তার কথা মতো পা নামিয়ে দিলাম নিচে। কিন্তু কিছু ঠেকলো না (পায়ে)

'পড়ে যাবো তো!' তোক গিলে বললাম।

'না, হলি,' বললো আয়শা। 'দু'পা-ই নামিয়ে দাও, বিশ্বাস রাখো আমার ওপর, কিছু হবে না। পড়েই যদি যাবে, তাহলে ওকাজ করতে বলবো কেন তোমাকে? যাও নেমে যাও!'

কোনো উপায়ান্তর না দেখে তা-ই করলাম। শক্ত পাথরের ওপর দিয়ে দু'তিন পা গড়িয়ে যাওয়ার পর আর কোনো অবলম্বন রইলো না আমার। ভীষণ তয় পেয়ে গেলাম। মনে হলো, অতল কোনো খাদে পড়ে যাচ্ছি। কিন্তু না, মুহূর্ত পরেই শক্ত পাথরের সাথে পা ঠেকলো আমার। একটুও ব্যথা পেলাম না। স্বাভাবিক ভাবেই দাঁড়িয়ে রইলাম। কি করে সম্ভব হলো ব্যাপারটা ভাবছি, এমন সময় লিও-ও একই ভঙ্গিতে এসে দাঁড়ালো আমার পাশে।

'কি খবর, বুড়ো।' উৎফুল্ল গলায় বললো ও, 'তুমি আছো এখানে? ব্যাপারটা বেশ জমে উঠেছে, তাই না?'

ঠিক সেই সময় ভয়ঙ্কর এক আর্তনাদ করে হাজির হলো জব, আমাদের ঠিক ওপরে! ওর সঙ্গে সঙ্গে আমি আর লিও-ও হড়মুড়িয়ে পড়ে গেলাম মাটিতে। আমরা উঠে দাঁড়াতে না দাঁড়াতে আয়শাও এসে পড়লো। প্রদীপ দুটো জ্বালতে বললো সে। ভাগ্য ভালো এখনো অক্ষত আছে ওদুটো। তেলের পাত্রটাও। গুহার মুখে এসে নিবে যেতেই আবার ওগুলো পিঠে ঝুলিয়ে নিয়েছিলাম আমরা।

পকেট থেকে দেশলাই বের করে প্রদীপ দুটো জ্বাললাম আমি। আলো জ্বলে উঠতেই অদ্ভুত একটা দৃশ্য উন্মোচিত হলো আমাদের সামনে। পাথরের একটা কুঠুরিতে দাঁড়িয়ে আছি আমরা। বর্গাকৃতির, লম্বায় চওড়ায় ফুট দশেক করে হবে। সেই টলমলে পাথরটা ছাদের কাজ করছে। কুঠুরিটা সম্পূর্ণ প্রাকৃতিক নয়। পেছন দিকে কিছুটা অংশ মানুষের হাতে নোদাই করা।

'যাক!' বললো আয়শা। 'নিরাপদে আসতে পেরেছি শেষ পর্যন্ত। আমি তো ভয় পাচ্ছিলাম, তোমাদের ওজনে খসেই না পড়ে পাথরটা। একটু খেমে জবের দিকে ইশারা করলো সে, 'তোমাদের ঐ উজ্বুকটা—শুকর ছানা, ঠিকই নাম দিয়েছে ওরা, ওয়োরের মতোই হাঁদা—ফেলে দিয়েছে তক্তাটা। ফেরার পথে খাদ পেরোনো সহজ হবে না। দেখি, ভেবে চিন্তে কিছু একটা বুদ্ধি বের করতে হবে। এখন একটু বিশ্রাম নিয়ে নাও তোমরা। ইচ্ছে হলে ঘুরে ফিরে দেখতে পারো জায়গাটা। এটা কি জানো?'

'না, জবাব দিলাম আমি।

'বললে বিশ্বাস করবে, হলি, এক সময় নিঃসঙ্গ এক লোক বাস করতো এখানে? বারো দিনে একবার সে বেরোতো এখান থেকে। খাবার পানি জ্বার তেল নিয়ে আসতো। লোকেরা অর্ঘ্য হিসেবে নিবেদন করতো। সুড়ঙ্গের মুখে রেখে যেতো সে-সব।'

অবাক চোখে তাকালাম আমরা তার দিকে।

'লোকটা তার নাম দিয়েছিলো নুট,' বলে চললো সে। 'একই সাথে সে ছিলো সংসারত্যাগী সন্ন্যাসী, এবং দার্শনিক। প্রকৃতির সৌন্দর্য রহস্যগুলোর কার্যকারণ সূত্র বেশির ভাগই সে আয়ত্ত করেছিলো। জ্যামাদের যে আশুন দেখাবো, ক্যালিফোর্নিয়ায় যে যাত্ন করাবো, সেই আশুন তারই আবিষ্কার। কিন্তু সে স্নান করেনি ওতে। তোমার মতো, হলি, এই নুট লোকটাও অনন্ত জীবনের মাঝে কোনো আনন্দ খুঁজে পায়নি। সে বলতো, "মৃত্যুবরণ করবে বলেই মানুষের জন্ম। এই স্বভাবিক প্রক্রিয়াকে

বাধাধস্ত করার অর্থ হবে অশুভকে ডেকে আনা।” আর তাই সে তার গোপন কথা কারো কাছে প্রকাশ না করে এখানে এসে বাস করতে থাকে। তারপর আমি যখন প্রথম এলাম এদেশে—কি করে এসেছিলাম জানো ক্যালিক্লেটস? এখন না, অন্য এক সময় বলবো সেই অদ্ভুত কাহিনী। যা বলছিলাম, তারপর আমি যখন এলাম এদেশে, সুনলাম এই জ্ঞানী দার্শনিকের কথা। তাকে খাবার দিতে আসতো যারা তাদের সঙ্গে একদিন চলে এলাম সুড়ঙ্গের মুখে। ওরা চলে যাবার পরও আমি রয়ে গেলাম সেখানে। তারপর নুট যখন এলো সেসব সংগ্রহ করতে, ভুলিয়ে-ভালিয়ে তার সাথে চলে এলাম এখানে। সেদিন ঐ খাদ পেরোতে কি ভয়ই না পেয়েছিলাম। মনে পড়লে এখন হাসি পায়। আমার সৌন্দর্য, চাটুকারিতা এবং মোহিনী শক্তির সবটাই প্রয়োগ করে ধলুঙ্ক করলাম তাকে। শেষ পর্যন্ত সে দেখাতে বাধ্য হলো সেই রহস্যময় আগুন। অবশ্য একথাও জানিয়ে দিলো, কিছুতেই আমাকে ওতে ম্লান করতে দেবে না। প্রয়োজন হলে হত্যা করবে আমাকে, তবু না। সে মুহূর্তে আমি মেনে নিয়েছিলাম তার কথা। কারণ দেখতে পাচ্ছিলাম, লোকটা বৃদ্ধ হয়েছে, আর বেশি দিন বাঁচবে না। ও মরলেই আবার আমি আসবো এখানে, এই সংকল্প করে, পৃথিবী, প্রকৃতি এবং জীবন সম্পর্কে আরো যে সব জ্ঞান সে অর্জন করেছিলো তা জেনে নিয়ে ফিরে গেলাম কোর-এ।

‘এর ক’দিন পরই তোমার সাথে আমার দেখা হয়, প্রিয়তম ক্যালিক্লেটস। মিসরীয় সুন্দরী আমেনার্তাসকে নিয়ে ঘুরতে ঘুরতে চলে এসেছিলে এখানে। সেই প্রথম এবং সেই শেষ—ভালোবাসা কাকে বলে জানলাম আমি। সঙ্গে সঙ্গে সংকল্প করলাম, তোমাকে নিয়ে আসবো এখানে এবং প্রাণের উপহার গ্রহণ করবো দু’জনে একসাথে। অনেক চেষ্টা করলাম মিসরীয় মেয়েলোকটাকে রেখে আসার, কিন্তু পারা গেল না। শেষ পর্যন্ত ওকে সহ তোমাকে নিয়ে এলাম এখানে। দেখলাম বৃদ্ধ নুট পর্দা আঁচছে মাটিতে, কিছুক্ষণ আগে মারা গেছে।

‘নিশ্চিত মনে তোমাকে পথ দেখিয়ে নিয়ে গেলাম সেখানে, তারপর আমার সমস্ত সাহস এক আয়গায় করে ঢুকে পড়লাম সেই অসীম জীবনের অগ্নিশিখার ভেতর। যখন বেগোলাম তখন হাজার গুণে বেড়ে গেছে আমার সৌন্দর্য। আর জীবন? দেখতেই পাচ্ছো, তারপর দু’হাজার বছরেরও বেশি কেটে গেছে, কিন্তু এক বিন্দু ম্লান হয়নি আমার রূপ-বৌবন।

‘তারপর আমি দু’হাত বাড়িয়ে তোমাকে আহ্বান করলাম, ক্যালিক্লেটস, অনন্ত বৌবনা বধূকে আলিঙ্গন করতে বললাম। কিন্তু, নিশ্চয়ই আমার সৌন্দর্য তোমাকে অন্ধ করে দিয়েছিলো, আমার দিক থেকে চোখ ফিরিয়ে তুমি জড়িয়ে ধরলে আমেনার্তাসকে।

সঙ্গে সঙ্গে কি যে হলো আমার, ঈর্ষা এবং ক্রোধের আগুন দাউ দাউ করে জ্বলে উঠলো আমার বুকের ভেতর। তোমার হাত থেকে তোমারই বর্শা কেড়ে নিয়ে বিধিয়ে দিলাম তোমার বুকে। একবার মাত্র আর্তনাদ করে মারা গেলে তুমি। তখনো জানতে পারিনি, ঐ আগুনে স্নান করে আসার ফলে চোখের চাউনি এবং ইচ্ছাশক্তি দিয়েই হত্যা করার ক্ষমতা অর্জন করেছি আমি।\*

‘তারপর, আহ! তোমার মৃত্যুর পর কি কাঁদাটাই না কাঁদলাম - আমি বেঁচে আছি, আর তুমি মরে গেছ, কি করে যে সেদিন সহ্য করেছিলাম সে বেদনা, জানি না। তারপর সেই মিসরীয় মেয়েমানুষটা, তার দেবতাদের দোহাই দিয়ে অভিশাপ দিলো আমাকে। ওসিরিস, আইসিস, নেপথিস, অ্যানুবিস, বিড়ালমুখো মেখেত-সব দেবতার নাম করে জঘন্য ভাষায় শাপশাপ্ত করতে লাগলো। প্রতিহিংসায় কেমন কালো হয়ে উঠেছিলো তার মুখ, যদি দেখতে! তবে হ্যাঁ, সে আমাকে আঘাত করার কোনো চেষ্টা করেনি, আমিও না। দুজনেরই শোক কিছুটা প্রশমিত হলে, দু’জনে ধরাধরি করে নিয়ে গেলাম তোমার মৃতদেহ। কোর-এ পৌঁছে প্রথম কাজ যেটা করলাম, মিসরীয়টাকে জলা পার করে পাঠিয়ে দিলাম সাগর পাড়ে। ওখান থেকে পারলে দেশে ফিরে যাক, নয়তো মরুক, কিছু এসে যায় না আমার।

‘এই হলো কাহিনী, প্রিয়তম, কোনো কিছুই লুকোইনি তোমার কাছে, যা যা ঘটেছিলো সব বললাম। এখন সেই অনন্ত প্রাণের উৎসের কাছে যাবো আমরা, তার আগে বলো, ক্যালিক্রেটিস, তুমি আমাকে ক্ষমা করেছো? এখন তুমি অন্তর থেকে ভালোবাসতে পারবে আমাকে? অনেক পাপ করেছি আমি, তোমাকে হত্যা করেছি, মাত্র দুদিন আগে সেই মেয়েটাকে হত্যা করেছি। কিন্তু কেন, ক্যালিক্রেটিস? আমার অপরাধটাই শুধু দেখবে? কেন করেছি তা দেখবে না? তোমাকে ভালোবাসতে গিয়েই এ পাপ করতে হয়েছে আমাকে। মিসরীয় আমেনার্তাসকে নিয়ে দুনিয়ার যেখানে খুশি

---

X ক্যালিক্রেটিসের মৃত্যু সম্পর্কে পোড়ামাটির ফলকে লেখা আমেনার্তাসের ভাষ্য আর আয়শার বর্ণনার পার্থক্য লক্ষণীয়। আমেনার্তাস বলছে, ‘জাদুর প্রভাবে হত্যা করে তাকে।’ কার বক্তব্য যে ঠিক, আমরা যাচাই করার সুযোগ পাইনি। তবে ক্যালিক্রেটিসের মৃতদেহের বুকে গভীর একটা ক্ষতচিহ্ন দেখেছিলাম আমরা, ওটা যদি মৃত্যুর পরে করা হয়ে সেই খাকে ডাহলে বলা যায় আয়শার কথাই ঠিক। আরেকটা কথা, ‘সে’ আর আমেনার্তাস, দুই নামটি মিলে ক্যালিক্রেটিসের মৃতদেহ কিভাবে খাদের ওপাশে নিয়েছিলো সে রহস্যের সমাধান আমরা করতে পারিনি। হয়তো সেতু আর টলমলে পাথরের মাঝের কাঁকটা সে সময় এত চণ্ডা ছিলো না।

যেতে, এখানে কেন এসেছিলে?

'ক্যালিক্রেটিস, ও ক্যালিক্রেটিস, বলো, ক্ষমা করেছে আমাকে? সারা জীবনে যে পাপ আমি করেছি, তা থেকে পরিভ্রাণ পাবার একটাই মাত্র উপায়, তোমার প্রেম, ক্যালিক্রেটিস, একমাত্র তোমার প্রেমই এই পাপের গহ্বর থেকে উদ্ধার করতে পারে আমাকে।'

ধামলো সে। দু'চোখে টলটল করছে অশ্রু, এন্ড্রুগি নেমে আসবে বিশাল দুটো ফৌটা হয়ে। পরিপূর্ণ অথচ অতি সাধারণ একটা নারীর মতো লাগছে এখন আয়শাকে।

তাড়াতাড়ি লিও গিয়ে ধরলো ওকে। তারপর ওর চোখে চোখ রেখে বললো, 'আয়শা, সত্যিই আমি তোমাকে অন্তর থেকে ভালোবাসি। আর উস্তেনের মৃত্যুর ব্যাপারে, মানুষের পক্ষে যতদূর সম্ভব ততদূর ক্ষমা করেছি তোমাকে। বাকিগুলোর ব্যাপারে আমি কিছু জানি না। শুধু এটুকু জানি, আমি তোমাকে ভালোবাসি, পৃথিবীর কোনো পুরুষ কোনো নারীকে এত ভালোবাসেনি।'

'এবার দেখ তাহলে,' গর্বের সঙ্গে বললো আয়শা। লিওর একটা হাত নিজের মাথায় রেখে হাঁটু গেড়ে বসলো মাটিতে। 'দেখ, আত্মনিবেদনের প্রতীক হিসেবে আমি হাঁটু গেড়ে বসে মাথা নোয়াচ্ছি আমার প্রভুর সামনে।' তারপর উঠে দাঁড়িয়ে চুমু খেলো ওর ঠোঁটে। 'দেখ, স্ত্রীর মতো আমি চুমু দিচ্ছি আমার প্রভুকে।'

'এই পবিত্র মুহূর্তে প্রতিজ্ঞা করছি, আর কখনো কোনো পাপ আমি করবো না, সব সময় শুভ-সুন্দরের লাপন করবো। প্রতিজ্ঞা করছি, কর্তব্যের সবল পথে সব সময় চলবো আমি। প্রতিজ্ঞা করছি কখনো উচ্চাকাঙ্ক্ষী হবো না, এবং জ্ঞান ও সত্যই হবে আমার পথের দিশারী। আমি আরো প্রতিজ্ঞা করছি, সারা জীবন আমি তোমাকে ভালোবাসবো, ক্যালিক্রেটিস। প্রতিজ্ঞা করছি—না আর প্রতিজ্ঞা নয়, কোন প্রতিজ্ঞাটা বাকি রইলো? শুধু এটুকু জেনে রাখো, আয়শা কখনো মিথ্যা বলেনি।'

'আমার প্রতিজ্ঞা শুনলে, হালি, তুমি সাক্ষী, এই শপথের মধ্যে দিয়েই আমার স্বামীর সাথে, আমার ক্যালিক্রেটিসের সাথে বিয়ে হলো আমার। আমার কুমারী জীবন শেষ। ফলাফল যা—ই হোক, কড় উঠুক, আলো আসুক, জলো হোক, মন্দ হোক, জীবন আসুক, মৃত্যু আসুক, কিছুই আর করার নেই। কিছুই আর ছিন্ন হবে না এ বন্ধন।

'তাহলে চলো এখন,' একটা প্রদীপ তুলে নিয়ে এগোলো সে। আমরাও চললাম পেছন পেছন। কুঠুরির শেষ প্রান্তে পৌঁছে খামলো আয়শা। দুই দেয়াল বেখানে মিশেছে বেখানে সর্ব এক প্রস্থ সিঁড়ি। নামতে শুরু করলো সে। আমরাও। প্রায় পনেরো বোলো বাপ নামার পর দেখলাম বিশাল এক পাথুরে ঢালে গিয়ে শেষ হয়েছে ধাপগুলো। ঢালটা



প্রথমে নিচের দিকে নেমে আবার ওপরের দিকে উঠে এসেছে। অনেকটা গুঁটানো একটা চোঙের মতো। বেশ খাড়া ঢাল, তবে অগম্য নয়। বাতি হাতে নেমে যেতে লাগলাম আমরা।

প্রায় আধ ঘন্টা লাগলো চোঙের সর্বনিম্ন বিন্দুতে পৌঁছাতে। এবার বোধহয় উল্টো দিকের ঢাল বেয়ে উঠতে হবে। কিন্তু না, আরো কয়েক পা যেতেই একটা সরু এবং নিচু পথ মতো দেখতে পেলাম। গুড়ি মেরে সেটার ভেতর ঢুকলো আয়শা। পেছন পেছন আমরাও। প্রায় গজ পঞ্চাশেক হামাগুড়ি দিয়ে যাওয়ার পর আচমকা প্রশস্ত হয়ে গেল সুড়ঙ্গটা। বিশাল একটা গুহায় আবিষ্কার করলাম নিজেদের। কোর-এর বিরাট বিরাট গুহাগুলো এর তুলনায় কিছুই নয়। কোনো দিকেই দেয়াল বা ছাদ দেখতে পাচ্ছি না। অর্থাৎ ওগুলো এতদূরে যে প্রদীপের আলো পৌঁছচ্ছে না সে পর্যন্ত। ভারি বাতাস আর আমাদের পদশব্দের প্রতিধ্বনি শুনে বুঝতে পারছি, ফীকা জায়গা নয়, এটা গুহাই।

ভাবলাম এবার বোধহয় ধামবে আয়শা। কিন্তু না, নিঃশব্দে এগিয়ে চললো সে। অবশেষে গুহার শেষ মাধ্যম পৌঁছলাম আমরা। আরেকটা মুখ এখানে। সেটা পেরোতেই আগেরটার চেয়ে অনেক ছোট একটা গুহায় এসে পড়লাম। এখানেও ধামলো না আয়শা। অবশেষে আরেকটা গুহামুখ নজরে পড়লো আমাদের। তার ওপাশে অস্পষ্ট একটা আলোর আভা।

আলোটা দেখার সঙ্গে সঙ্গে, খেয়াল করলাম, স্তম্ভের একটা নিঃশ্বাস ফেললো আয়শা। দ্রুতপায়ে এগিয়ে চললো সে। যেটাকে গুহামুখ মনে হয়েছিলো সেটা আসলে একটা সুড়ঙ্গ। এই সুড়ঙ্গের ভেতর দিয়ে যত এগিয়ে যাচ্ছি আলোটা ততই অস্পষ্ট এবং শক্তিশালী হয়ে উঠছে, অন্ধকার রাতে বাতিঘর থেকে যেমন ছড়িয়ে পড়ে আলোকরশ্মি অনেকটা তেমন। শুধু তাই নয়, আলোর বলকানির সাথে সাথে ভেসে আসছে বজ্রগর্জনের মতো প্রাণকীপানো শব্দ। যত এগোচ্ছি শব্দও তত বাড়ছে।

সুড়ঙ্গ শেষ হতে আরেকটা গুহায় এসে পড়লাম আমরা। অনেক উঁচু এটার ছাদ। লম্বায় পঞ্চাশ ফুট মতো, চওড়ায় ত্রিশ ফুট। মিহি শব্দে আলি দিয়ে ছাওয়া মেঝে। দেয়ালগুলো আশ্চর্যরকম মসৃণ। মৃদু গোলাপী আলোর পূর্ণ গুহাটা। অবাক কাণ্ড, একটু আগের সেই উজ্জ্বল আলোর বলকানি বা বাজ পিছার মতো শব্দ—কিছুই এখন নেই। বিস্থিত চোখে খুঁজে বের করার চেষ্টা করছি শুধুত গোলাপী আলোর উৎস, এমন সময় হঠাৎ আবার শুরু হলো শব্দটা। প্রথমে খাঁতা ঘোরানোর মতো ঘড়ঘড়ে আওয়াজ। ক্রমশ বাড়তে বাড়তে বজ্রগর্জনের মতো হয়ে উঠলো। সেই সাথে গুহার ওপাশে দেখা দিলো উজ্জ্বল আলোর একটা ঘর্ণায়মান স্তম্ভ। প্রতি মুহূর্তে আরো উজ্জ্বল হচ্ছে। রঙধনুর

মতো অনেক রং তাতে। শেষ পর্যন্ত বিদ্যুৎ চমকের মতো চোখ ধাঁধানো হয়ে উঠলো আলোটা।

কিছুক্ষণ, প্রায় চল্লিশ সেকেন্ড হবে, রইলো আলো এবং শব্দ। তারপর ধীরে ধীরে কমতে লাগলো। কমতে কমতে একনময় মিলিয়ে গেল শব্দ, আগুনও। আবার আগের সেই গোলাপী আভায় ভরে উঠলো ওহা।

'কাছে যাও, কাছে যাও!' চিৎকার করে বললো আয়শা, উত্তেজনায় কাঁপছে তার গলা। 'দেখেছো, প্রাণের আগুন? এই বিশাল পৃথিবীর বক্ষ বিন্দুতে স্পন্দিত হয়ে চলেছে। এর থেকেই দুনিয়ার যাবতীয় জিনিস শক্তি পেয়েছে, প্রাণ পেয়েছে! কাছে যাও, আরো কাছে! তোমাদের নোংরা, দুর্বল শরীরগুলো পরিশুদ্ধ করে নাও।'

তার পেছন পেছন আমরা এগিয়ে গেলাম ওহার শেব প্রান্তের দিকে। এই সময় আবার আচমকা শুরু হলো শব্দ সেই সাথে চোখ ধাঁধানো আলো। আমাদের ঠিক সামনে। সত্যি সত্যিই চোখ ধাঁধিয়ে গেল আমাদের, কানে তালা ধরে যাওয়ার অবস্থা। তাড়াতাড়ি দু'হাতে কান চেপে ধরে মুখ গুঁজে বসে পড়লাম আমরা তিনজন। আয়শা কেবল দাঁড়িয়ে রইলো, অচঞ্চল।

একটু পরেই আবার সব চূপচাপ। মাথা তুললাম আমরা।

'সময় হয়েছে, ক্যালিক্রেটিস,' বললো আয়শা। 'এবার তুমি স্নান করবে এই সুমহান অগ্নিশিখায়। সব কাপড়চোপড় বুলে ফেল। শরীরের প্রতিটি বিন্দুতে আগুনের পরশ লাগাতে হবে। নইলে সম্পূর্ণ হবে না তোমার পরিশুদ্ধি। আর হ্যাঁ, জ্বারে শ্বাস নিয়ে আগুন টেনে নেবে শরীরের ভেতরেও। বুঝেছো, ক্যালিক্রেটিস?'

'বুঝেছি, আয়শা,' জবাব দিলো লিও। 'কিন্তু—আমাকে ভীত কাপুরুষ ভেবো না, আমার সন্দেহ হচ্ছে, আগুন যে আমাকে ধ্বংস করে ফেলবে না, তার নিশ্চয়তা কি? নিজেকে তো হারাবোই, তোমাকেও হারাবো।'

চূপ করে কিছুক্ষণ ভাবলো আয়শা। তারপর বললো, 'ঠা, সন্দেহ হওয়া স্বাভাবিক। ঠিক আছে, আমি যদি প্রথমে গিয়ে দাঁড়াই ওহা ভেতরে, এবং অক্ষত অবস্থায় বেরিয়ে আসি, তাহলে কি তোমার সন্দেহ দূর হবে?'

'হ্যাঁ,' জবাব দিলো লিও। 'অবশ্য তোমার কথায় এমনিতেই আমি ঢুকতে পারি ওতে।'

'আমিও,' বলে উঠলান আমি।

'কে! হপি!' হেসে উঠলো আয়শা। 'ভেবেছিলাম কিছুতেই তুমি দীর্ঘ জীবন চাইবে না এখন আবার কি হলো?'

'জানি না। আমি পরখ করতে চাই তোমার এই অনন্ত প্রাণের শিখা। তারপর যদি দীর্ঘজীবী হই তো হবো, না হলেও কিছ্ এসে যায় না।'

'বেশ, তাহলে তৈরি হও, প্রথমে আমি, তারপর তোমরা।'

## ছাব্বিশ

আমি, লিও, আর জব গায়ে গায়ে সোঁটে দাঁড়িয়ে আছি। আয়শা সন্তবত মানসিক প্রস্তুতি নিচ্ছে। কারো মুখে কথা নেই।

তারপর, মনে হলো অনেক দূর থেকে ভেসে এলো প্রথম শব্দটা। ক্রমশ বাড়ছে এবং এগিয়ে আসছে। শোনার সঙ্গে সঙ্গে আয়শা দ্রুতহাতে খুলে ফেললো তার পোশাক। কোমরের দুমাথাওয়ালা সোনার সাপটা একটু উঁচু করে ধরে শরীরে একটা ঝাঁকি দিতেই ঢিলে পোশাকটা পিছলে নেমে গেল পায়ের কাছে। আমাদের সামনে দাঁড়িয়ে আছে আরশা, সম্পূর্ণ নগ্ন। তার শাদা শরীরের প্রতিটি অংশ দেখতে পাচ্ছি আমরা। একটা মাত্র শব্দে সে সৌন্দর্যের বর্ণনা দিতে পারি আমি—স্বর্গীয়।

বজ্রগর্জনের মতো হয়ে উঠেছে শব্দ। ঘুরতে ঘুরতে মাথা তুলছে বর্ণিল উজ্জ্বল আগুনটা। এগিয়ে এসে লিওর গলা জড়িয়ে ধরলো আয়শা।

'প্রিয়তম, প্রিয়তম!' বিড়বিড় করে বললো সে। 'কোনোদিন কি বুঝবে কতটা ভালোবাসি তোমাকে?' আলতো চুমু খেলো ওর কপালে। তারপর ঘুরে দাঁড়িয়ে এগিয়ে গেল আগুনের ভেতর।

বাড়ছেই গুরুগভীর শব্দটা। আগুনও ক্রমশ উজ্জ্বল হচ্ছে। সূক্ষ্মসূক্ষ্ম শিখা ঘিরে ধরলো আয়শাকে। ওর শাদা শরীর আগুনের রঙধনু রঙে রাঙান হয়ে উঠলো। এই দেখতে পাচ্ছি ওর অসম্ভব সুন্দর মুখটা, পরমহুর্থে হারিয়ে যাচ্ছে আগুনের আড়ালে। ঘুরেফিরে হাত-পা নেড়ে শরীরের সব জায়গায় আগুন স্পর্শ করানোর চেষ্টা করছে সে। কিন্তু আশ্চর্য। কোনো জ্বালা যন্ত্রণা বা কষ্টের ছাপ নেই তবু মুখে বা আচরণে। বরং পরম পরিভ্রুতির একটা ভঙ্গি আয়শার চেহারায়।

তারপর হঠাৎ, আমি কিছু বুঝে ওঠাধর আগেই অবর্ণনীয় এক পরিবর্তন লক্ষ্য করলাম ওর মুখে। পরিভ্রুতির ভাবটা মিসিয়ে গেছে, সেখানে ফুটে উঠেছে শুকনো কাঠোর একটা অভিব্যক্তি। ওর লাভগ্যাও কি ম্লান হয়ে গেছে একটু? চোখের অপূর্ব উজ্জ্বলতা মিইয়ে এসেছে। ভুল দেখছি না তো? দু'হাতে চোখ ডললাম আমি। ইতিমধ্যে

শব্দ কমে আসতে শুরু করেছে। আঙনের উজ্জ্বলতাও কমে গান হয়ে আসছে। কয়েক মুহূর্তের ভেতর মিলিয়ে গেল দুটোই।

লিঙের সামনে এসে দাঁড়ালো আয়শা। আনার মনে হলো, বরনার সেই সাবলীল ছন্দ যেন নেই তার হাঁটায়! দু'হাত বাড়িয়ে জড়িয়ে ধরতে গেল লিঙকে, কিন্তু ওর হাতের সেই সৌন্দর্য কোথায়? সব কাঠির মতো হয়ে গেছে। আর তার মুখ—ও, ঈশ্বর!—আনার চোখের সামনে বুড়োটে হয়ে যাচ্ছে আয়শার মুখ! লিঙ-র চোখে পড়েছে এই পরিবর্তন; ছিটকে দু'পা পেছনে সরে গেল ও।

'কি ব্যাপার, প্রিয়তম ক্যালেক্রেটিস?' বললো আয়শা, কিন্তু কোথায় সেই মধুর সঙ্গীতের মতো কর্ণস্বর? কেমন ফ্যাসফেসে কর্কশ শোনালো গলাটা।

'আরে, এ কি—একি?' বিভ্রান্ত ভঙ্গিতে বললো সে। 'এমন কিমুনি আসছে কেন? আঙনের গুণ নিশ্চয়ই বদলে যায়নি? ক্যালিক্রেটিস, ও ক্যালিক্রেটিস! আমার চোখে কি হয়েছে? সব কিছু ঝাপসা হয়ে আসছে কেন?' দু'হাতে মাথা আঁকড়ে ধরলো সে। কিন্তু ওহ—ওহ—। তার আজানুলব্ধিত চুলগুলো খসে পড়েছে মাটিতে। সবগুলো! একটাও নেই মাথায়। কুৎসিত একটা টাক যেন ভেঙেছে আমাদের।

'ওহ, দেখুন, স্যার!—দেখুন!—দেখুন!' ভীক্ক স্বরে চিৎকার করে উঠলো জব। আতঙ্কে কোটর ছেড়ে বেরিয়ে আসতে চাইছে ওর চোখ দুটো, চৌঁটের কোনায় কেনা জমে গেছে। 'দেখুন!—দেখুন! ও কেমন কুঁচকে যাচ্ছে! বানর হয়ে যাচ্ছে!' আর একটা কথাও উচ্চারণ করতে পারলো না জব, গৌ গৌ করতে করতে পড়ে গেল মাটিতে।

আমার অবস্থাও মোটেই ভালো নয়। চোখের সামনে সেই আয়শার এক কি—কি হারা হলো? এখনো সঙ্কুচিত হচ্ছে ওর দেহ। সোনার সাপটা পিছলে নেমে গেছে সৃষ্টিত কোমর থেকে। শাদা ত্বকের রঙ বদলে ময়লা ময়লা হলদেটে বাদামী হয়ে গেছে। নিখুঁত হাত দুটোয় হাড় আর চামড়া ছাড়া কিছু নেই। আর দাঁড়িয়ে থাকতে পারলো না আয়শা। পড়ে গেল মেঝেতে। তারপর রক্তহিম করা; ভীক্ক কর্কশ স্বরে চিৎকার করে উঠলো একবার, 'ওহ!'

ছোট্ট একটা বানরের চেয়ে ছোট হয়ে গেছে আয়শার আকৃতি। মুখটার দিকে তাকালে ভয় করে। শরীরের দিকে তাকালে সেরা লাগে। এই কি সেই দোর্দণ্ড ধতাপ, অনন্ত শৌবনা আয়শা?

কঙ্কালসার হাত দুটোয় ভর দিয়ে অনেক কষ্টে শেষ বারের মতো উঠে বসলো সে। কঙ্কপের মতো ধীরে ধীরে এপাশে ওপাশে মাথা দোলালো। কিছু দেখতে পাচ্ছে না আয়শা, সাদাটে চোখ দুটোর ওপর ঘষা কাচের মতো একটা পর্দা পড়ে গেছে।

'ক্যালিক্রেটিস,' খসখসে কীপা কীপা গলায় বললো সে। 'আমাকে ভুলো না, ক্যালিক্রেটিস। আমার লজ্জায় দুঃখবোধ করো। আমি মরবো না, আমি আবার আসবো, অন্তত আর একবার আমি সুন্দর হবো, শপথ করে বলছি! ওহ-হ-হ—' মুখ ধুবড়ে পড়ে গেল সে।

কুড়ি শতাব্দী আগে আয়শা যেখানে হত্যা করেছিলো আইসিসের পুরোহিত ক্যালিক্রেটিসকে, ঠিক সেখানেই মারা গেল সে।

তীব্র আতঙ্কের ধাক্কাটা সামলাতে পারলাম না আমরা। প্রথমে লিও পরে আমি পড়ে গেলাম মাটিতে। তারপর আর কিছু মনে নেই।

এভাবে কতক্ষণ ছিলাম জানি না। যখন চোখ মেললাম, দেখলাম, জ্বব আর লিও তখনও পড়ে আছে মাটিতে। সেই গোলাপী আলোয় তখনো ডরে আছে গুহা। কিছুদূরে বানরের মতো অবয়বটা পড়ে আছে। হায়, এককালে ওটাই ছিলো মহামহিমাময়ী অপকৃপা আয়শা।

কেন এমন হলো? রহস্যময় প্রাণদায়ী আগুনের প্রকৃতি কি বদলে গেছে? মাঝে মাঝে ওটা প্রাণের বদলে মৃত্যুর নির্যাস বয়ে আনে? নাকি একবার যে ওতে স্নান করে দ্বিতীয়বার সে ওতে ঢোকার ক্ষমতা হারায়—অর্থাৎ প্রথমবারে যে প্রাণশক্তি পাওয়া যায় দ্বিতীয়বারে তা—ই আবার নষ্ট হয়ে যায়? হতে পারে। এটাই সম্ভব বলে মনে হলো আমার কাছে। সত্যি সত্যি যদি আয়শা ওতে স্নান করেই অন্তত যৌবন লাভ করে থাকে তাহলে এছাড়া আর কোনো কারণ থাকতে পারে না তার অমন পরিণতি হওয়ার।

জ্ঞান ফেরার পর কিছুক্ষণ শুয়ে শুয়ে ভাবলাম এসব। তারপর উঠে বসলাম ধীরে ধীরে। স্বাভাবিক শারীরিক শক্তি ফিরে পেতে শুরু করেছি। উঠে প্রথমে যে কাজটা করলাম তা হলো, আয়শার শাদা পোশাকটা কুড়িয়ে নিয়ে ঢেকে দিলাম বানরের মতো দেহটা। পাছে লিও জেগে উঠে ওটা দেখে আবার জ্ঞান হারায় তাই খুব তাড়াতাড়ি করলাম কাজটা।

তারপর আয়শার সুগন্ধি চুলের গোছা ডিঙিয়ে ছিঁড়ে কাছের গেলাম। মুখ মাটিতে দিয়ে পড়ে আছে বেচারী। ঝুঁকে চিৎকার করতেই অন্তত এক ভঙ্গিতে আছড়ে পড়লো ওর একটা হাত। শিরশির করে ঠাণ্ডা একটা স্রোত বয়ে গেল আমার শরীর বেয়ে। তীক্ষ্ণ চোখে তাকালাম ওর মুখের দিকে। এবং একবার দেখেই বুঝে নিলাম যা বোঝার। আমাদের পুরানো বিগলিত ভৃত্য জ্বব মারা গেছে। আতঙ্কের প্রচণ্ডতা সামলাতে পারেনি বেচারার স্বামী। গভীর দীর্ঘশ্বাস বেরিয়ে এলো আমার বুক চিরে। কিন্তু এ নিয়ে বেশিক্ষণ

আক্ষেপ করার অবসর পেলাম না। জ্ঞান ফিরেছে লিওর। জ্বের মৃত্যুসংবাদ পিলাম ওকে। 'ওহ!' এ ছাড়া আর কিছু বলতে পারলো না সে। আয়শার ভয়ানক পরিণতি দেখে স্নায়ুগুলো কেমন ভীত হয়ে গেছে আমাদের।

উঠে গিয়ে লিওর পরিচর্যায় লাগলাম আমি। জ্বের মতো ও-ও আতঙ্কে মরে মায়নি দেখে কি স্বস্তি যে পেলাম তা ভাষায় প্রকাশ করতে পারবো না। কিছুক্ষণের ভেতর উঠে বসলো ও। এবং তারপর আরেকটা ভয়ঙ্কর ব্যাপার আমার নজরে পড়লো। এই ভয়ানক জায়গায় যখন ঢুকি তখনও লিওর কোঁকড়া চুলগুলো সোনালি ছিলো। এখন দেখছি ধীরে ধীরে ছাইরঙা হয়ে যাচ্ছে সেগুলো। আরো কিছুক্ষণ পর তুষারের মতো শাদা হয়ে গেল সব। দেখে মনে হচ্ছে বিশ বছর বেড়ে গেছে ওর বয়েস।

'এবার কি করবো আমরা?' ক্লান্ত কণ্ঠে জিজ্ঞেস করলো লিও।

'ভাগার চেষ্টা। অবশ্য তুমি যদি ওর ভেতর যেতে চাও তাহলে আলাদা কথা।' আগুনের স্তম্ভটার দিকে ইশারা করলাম আমি, ইতিমধ্যে আবার উদয় হয়েছে সেটা।

'যদি জানতাম ওর ভেতর ঢুকলে নিশ্চিত মরবো তাহলে সত্যি যেতাম,' একটু হেসে জবাব দিলো লিও। 'আমার দ্বিধাই কাল হয়েছে। আমি যদি ইতস্তত না করতাম তাহলে হয়তো প্রমাণ করার জন্যে ও ঢুকতো না ওতে, এই করণ পরিণতি-ও হতো না। আমিই দায়ী ওর মৃত্যুর জন্যে। তবে হ্যাঁ, ওর শেষ কথা মনে আছে আমার, আবার ও আসবে। আমি ওকে খুঁজবো। আর বেশি দিন হয়তো বাঁচবো না—কিন্তু যে ক'দিনই বাঁচি, ওর খোঁজেই থাকবো।'

সম্ভবত কথাগুলোর সঠিক অর্থ অনুধাবনে ব্যর্থ হলো আমার মস্তিষ্ক। জ্বাবে শুধু বললাম, 'চলো, লিও, যত তাড়াতাড়ি সম্ভব চলে যেতে হবে এই ভয়ঙ্কর জায়গা থেকে।'

## সাতাস

কোনো ঝামেলা ছাড়াই ওহাগুলো পেরিয়ে এলাম আমি আর লিও। ওঁটানো চোঙের মতো ঢালটার কাছে পৌঁছে দেখা দিলো সমস্যা। একটা নয় দুটো। প্রথমত, কোন্ পথে যাবো; দ্বিতীয়ত, আলোর অভাব। প্রদীপ দুটো এমন টিম টিম করে জ্বলছে যে, সে আলোয় পথ ঠাওরানো দুষ্কর। তিন-চারবার বিভিন্ন দিকে মুখ করে উঠে গেলাম ঢাল বেয়ে, কিন্তু যে সরু সিঁড়ি বেয়ে নেমেছিলাম সেটার খোঁজ পেলাম না। দিশেহারা

অবস্থা। ক্লান্ত হয়ে পড়ছি ক্রমশ। অবশেষে এক জায়গায় বসে ভাবার চেষ্টা করলাম নামার সময় কি কি দেখেছিলাম, সেগুলোর চেহারা কেমন। অস্পষ্টভাবে মনে পড়লো কয়েকটা জিনিসের কথা। একটা হলো বিশাল একটা পাথর। কিছুদূর নামার পরই ওটার পাশ কাটিয়ে এসেছিলাম। সেই সাথে এ-ও মনে পড়লো, শেষবার যখন ওটার চেষ্টা করেছিলাম তখন ওটার পাশ দিয়ে গেছি একবার, তবে সমকোণে। অর্থাৎ এখন যদি আবার ওটার কাছে পৌঁছতে পারি তাহলে পথ চিনে নিতে পারবো।

উঠলাম আবার। না, এবার আর ভুল হলো না, ঠিক পৌঁছে গেলাম পাথরটার কাছে। এবং কয়েক মিনিটের ভেতর সেই সরু সিঁড়িটার কাছে। একটু পরেই বৃদ্ধ দার্শনিক নুটের কুঠুরিতে উঠে এলাম আমরা।

কিছু এবার কি করবো? তজ্জা নেই, খাদ পেরোবো কি করে?

দুটো মাত্র বিকল্প এখন আমাদের সামনেঃ হয় লাফিয়ে পেরুতে হবে ফীকা জায়গাটা, নয়তো, এখানেই না খেয়ে শুকিয়ে মরতে হবে। পাথর আর নেতুর মাঝের দূরত্ব খুব বেশি না, এগারো কি বারো ফুট হবে। কলেজে থাকতে লিওকে দেখেছি, বিশ ফুট দূরত্ব অনায়াসে লাফিয়ে পার হতে। আমিও কম নই এ ব্যাপারে, বিশ ফুট না হলেও পনেরো ষোলো ফুট সহজেই লাফিয়ে পেরোতে পারি। কিন্তু এখানকার পরিবেশ পরিস্থিতি সম্পূর্ণ আলাদা। ক্লান্ত, বিধ্বস্ত দু'জন মানুষ; যেখানে লাফাতে হবে সে জায়গাটাও ভয়ঙ্করঃ এক পাশে টলমলে একটা পাথর, অন্য পাশে সরু একটা প্রাকৃতিক সেতু, তার ওপর তীব্র বাতাস। একটু এদিক ওদিক হলেই পড়তে হবে অতল গহুরে। তবে এটাও ঠিক এ ছাড়া কোনো উপায় নেই। অনাহারে মরতে না চাইলে বুকিটা নিতেই হবে।

লিওকে বললাম কথাটা। সঙ্গে সঙ্গে রাজি হলো ও। ও-ও বুঝতে পেরেছে আর কোনো পথ নেই। কিন্তু জায়গা মতো যাচ্ছি কিনা অন্ধকারে বুঝবে কি করে? যাওয়ার সময় যেমন ছিলো, এখনো তেমনি অন্ধকার জায়গাটা। অবশেষে সিদ্ধান্ত নিলাম আপাতত অপেক্ষা করবো। ফোকর গলে আবার যখন অস্তায়মান সূর্যের আলো এসে পড়বে তখন চেষ্টা করবো। ইতিমধ্যে একটু বিশ্রামও করা হয়ে যাবে। এমন সময় খেয়াল করলাম নিবু নিবু অবস্থা একটা প্রদীপের, অন্যটা নিবে গেছে আগেই।

তড়াতাড়ি নুটের কুঠুরি থেকে বেরিয়ে এলাম আমরা। হাঁচড়ে-পাঁচড়ে উঠে পড়লাম বিশাল চোঙাকৃতি পাহাড়ের মাথায় পাথরের চাঁইটার ওপর। নুটের গুহার মোখে থেকে পাথরটার উপরিভাগের উচ্চতা হবে, খুব বেশি হলে, আট কি ন' ফুট। লাফ দিয়ে দ'হাতে ওটার কিনারা ধরলাম প্রথমে, তারপর আরেক লাফে উঠে গেলাম ওপরে।

আমরা উঠলাম প্রদীপটাও নিবে গেল।

বিশাল পাথরটার ওপর বসে আছি আমরা। সময় বয়ে যাচ্ছে। তীব্র বাতাস শৌ-  
শৌ শব্দে বইছে। একটু পর পরই মনে হচ্ছে, এই বুঝি উড়িয়ে নিয়ে গেল। ওয়ে  
পড়লাম আমি। এবার বাতাসের বাপটা তত লাগছে না। একটু পরে লিও-ও আমার  
দৃষ্টান্ত অনুসরণ করলো।

কত ঘন্টা যে এভাবে কেটে গেল জানি না। হঠাৎ, বিন্দুমাত্র পূর্ব ঘোষণা ছাড়াই  
লাল আলোর ছুরি ফালা ফালা করে ফেললো অন্ধকার। তড়াক করে উঠে বসলাম  
আমরা।

‘এখনই!’ বলে লাফ দিয়ে উঠে দাঁড়ালো লিও।

আমিও উঠলাম। জিজ্ঞেস করলাম, ‘কে আগে?’

‘তুমি, বুড়ো। পাথরটা যাতে স্থির থাকে সেজন্যে ঐ দিকটার বসে থাকবো আমি।  
যতটা সম্ভব দ্রুত দৌড়ে যাবে, আর একটু উঁচু করে লাফ দেয়ার চেষ্টা করবে। বাকিটা  
ঈশ্বরের হাতে।’

মনে নিলাম আমি। তারপর এমন একটা কাণ্ড করলাম যা লিও যখন ছোট্ট বাচ্চা  
ছিলো তখনও করিনি। ঘুরে দাঁড়িয়ে ওকে জড়িয়ে ধরলাম, এবং আলতো করে চুমু  
খেললাম ওর কপালে। আমি নিশ্চিত ভাবেই ধরে নিয়েছি, ওর সাথে আর দেখা হবে না  
কোনো দিন।

‘তাহলে যাই, লিও,’ বললাম আমি। ‘আশা করি আবার দেখা হবে আমাদের, সে  
যেখানেই হোক না কেন।’

পাথরের যদিকে খাদ তার বিপরীত প্রান্তে গিয়ে দাঁড়লাম। তেত্রিশ কি-চৌত্রিশ  
ফুট লম্বা পাথরটা। এই দূরত্ব দৌড়ে গিয়ে লাফ দিতে হবে। বাকিটা আমার কপাল। লম্বা  
করে শ্বাস নিয়ে শুরু করলাম দৌড়। প্রান্তে পৌঁছলাম, তারপরই লাফ দিয়ে উঠে গেলাম  
শূন্যে। এবং সঙ্গে সঙ্গে বৃকতে পারলাম, ঠিক মতো হয়নি বাকিটা। শূন্যে উড়ন্ত  
অবস্থায়ই আতঙ্কের একটা স্রোত বয়ে গেল আমার শরীর বেয়ে।

সেকেণ্ডেরও কম সময়ের মধ্যে নেমে এলো আমার শরীর। এবং ঠিকই সেতুর  
কিনারা স্পর্শ করতে পারলো না আমার পা। নেমে যাচ্ছি খাদের ভেতর। এমন সময়  
কিনারা ছুঁলো আমার হাত ও দেহের কিছুটা অংশ। সঙ্গে সঙ্গে দু’হাতে আঁকড়ে ধরার  
চেষ্টা করলাম কিনারাটা। এক হাতে ঠিকই ধরতে পারলাম, অন্যটা গেল ফসকে।

এক হাতে সেতুর কিনারা ধরে বুলে আছি আমি। যেখান থেকে লাফিয়ে এসেছি  
সেদিকে মুখ। ভীষণ বেকায়দা অবস্থা। দু’এক সেকেণ্ডের বেশি থাকতে পারবো না



এভাবে। প্রাণপণে চেষ্টা করলাম অন্য হাতটা দিয়েও কিছু একটা ধরার। ভাগ্য ভালো, সফল হলাম। মাথা বের করা একটা পাথরের টুকরো ধরে ফেলতে পারলাম। কিন্তু যেটাকে এক মুহূর্ত আগে মনে করেছিলাম সৌভাগ্য সেটাই দুর্ভাগ্য হয়ে দেখা দিলো এখন। সুরু সেতুটার দু'পাশে দু'হাত দিয়ে বলে আছি আমি। এখনো আমার মুখ সেই পাথরটার দিকে। হাজার চেষ্টা করলেও, ওপরে তো দূরের কথা, এক ইঞ্চিও উঠতে পারবো না। যতক্ষণ হাতে সেইবে বলে থাকবো, তারপর পড়ে যাবো।

সেই নিরুপায় মুহূর্তটার অপেক্ষায় আছি, এমন সময় একটা চিৎকার শুনলাম গিওর। পরমুহূর্তে পাথর আর সেতুর মাঝখানের ফাঁকে মাঝ আকাশে দেখলাম ওকে। দু'সেকেণ্ড পর বলিষ্ঠ দুটো হাত ধরলো আমার ডান হাত। এ যাত্রা বেঁচে গেলাম আমি। কয়েক সেকেণ্ড পর অদৃশ্য হয়ে গেল লালচে আলোটা।

প্রায় আধ ঘন্টা মরার মতো শুয়ে রইলাম আমরা সুরু জায়গাটায়। কেউ কোনো কথা বললাম না। তারপর উঠে শুড়ি মেরে এগোলাম সুড়ঙ্গের দিকে। বেড়ালের মতো তীক্ষ্ণ চোখে তাকিয়ে আছি, তবু অত্যন্ত কাপসা একটা আভাস ছাড়া পথের কিছু দেখতে পাচ্ছি না। এভাবেই এগিয়ে চললাম, অবশেষে পৌঁছলাম সুড়ঙ্গের মুখে।

কবরের মতো অন্ধকার সুড়ঙ্গের ভেতর। আসার সময় আলো থাকা সত্ত্বেও কেমন হ্রীচট খেতে হয়েছিলো মনে পড়লো। কিন্তু, কিছু করার নেই, এবারও চার হাত পায়ে ভর দিয়ে অন্ধের মতো এগোলাম। আমাদের একমাত্র অবলম্বন, সুড়ঙ্গের এক পাশের দেয়াল। কতবার যে পাথরের সাথে বাড়ি খেলাম, হুমড়ি খেয়ে পড়লাম গর্তের ভেতর, কোনো হিসেব নেই তার। রক্তাক্ত হয়ে গেল শরীরের বিভিন্ন অংশ। এদিকে প্রায় নিঃশেষ হয়ে এসেছে দেহের সমস্ত শক্তি। কয়েক পা এগোনোর পরই পাঁচ-দশ মিনিট বিশ্রাম না নিলে চলছে না। আগেরবার বিশ মিনিটে সুড়ঙ্গের এ মাথা থেকে ও মাথায় গিয়েছিলাম, এবার লাগলো কয়েক ঘন্টা। যাহোক শেষ পর্যন্ত ওটা পোরোতে পারলাম আমরা। বাইরে তখন ভোর হচ্ছে।

একই রকম হামাগুড়ি দিয়ে সুরু কার্নিসের মতো জায়গাটাও পেরিয়ে এলাম। এবার নামতে হবে। কিন্তু বেঁকে বসতে চাইছে আমাদের শরীর। আর এক ইঞ্চি এগোনোর শক্তিও অবশিষ্ট নেই। গিওর অবস্থা সার্বক্ষণিক সারাপ, মাথা-ই তুলতে পারছে না বেচারী।

'আরেকটু চেষ্টা করো, গিও,' হাঁপাতে হাঁপাতে কোনোরকমে বললাম আমি, যতটা না গিওর উদ্দেশ্যে তার চেয়ে বেশি নিজের উদ্দেশ্যেই। 'কোনোমতে ঢালের কাছে পৌঁছুতে পারলেই হয়, বিলালি আছে ওখানে। এসো, হাল ছেড়ে দিও না।'

আমার কথাই একটু যেন আশার আলো দেখলো লিও। উঠে একজন আরেক জনের গায়ে হেলান দিয়ে টলতে টলতে নেমে যেতে লাগলাম। কেমন যেন ঘোর লাগা অবস্থা। কিছুই শুঁছিয়ে ভাবতে পারছি না।

কেমন করে নামলাম, গড়িয়ে পড়ে গেলাম না কেন, কিছুই জানি না। হঠাৎ সফেদ বৃদ্ধ বিলালিকে দৌড়ে আসতে দেখে সখিবৎ ফিরলো আমার।

‘ওহ, বেবুন! আমার বেবুন!’ চিৎকার করলো সে। ‘তুমি আর সিংহ-ই তাহলে? কিন্তু ওর পাকা ধানের মতো চুলগুলো অমন তুমারের মতো শাদা হয়ে গেছে কেন? কোথেকে এলে তোমরা? শূকরছানা কোথায়? ‘সে’-ই বা কোথায়?’

‘মরে গেছে, দুজনই মরে গেছে!’ হীপাতে হীপাতে কোনোরকমে জবাব দিলাম আমি। ‘কিন্তু ওসব কথা থাক এখন, খাবার-পানি কিছু থাকলে দিন দয়া করে।’

‘মরে গেছে!’ ঢোক গিলে বললো বৃদ্ধ। ‘অসম্ভব! অমর ‘সে’-মরে গেছে, কি করে তা সম্ভব?’

ইতিমধ্যে আয়শার বাহকরা এগিয়ে এসেছে। সম্ভবত ওদের দেখেই সামলে নিলো বিলালি। ইশারায় জানালো, আমাদের বয়ে নিয়ে যেতে হবে রোপের আড়ালে। সঙ্গে সঙ্গে নির্দেশ পালন করলো তারা।

রোপের আড়ালে তখন আশ্বনের ওপর বোল তরকারি রান্না হচ্ছে। বিলালি খাইয়ে দিলো, নিজের হাতে খাওয়ার শক্তিটুকুও অবশিষ্ট নেই আমাদের গায়ে। কোনোমতে খাওয়া শেষ করে ওয়ে পড়লাম আমরা। তারপর আর কিছু মনে নেই।

## আটাশ

পুরো এক দিন, এক রাত ঘুমালাম আমি। জেগে উঠে দেখলাম বিলালি ঝুঁকে আছে আমার মুখের ওপর। লিও এখনো ঘুমোচ্ছে।

অমর ‘সে-যাকে-মানতেই-হবে’ কি করে মারা গেল, জানতে চাইলো বিলালি। সঙ্গে সঙ্গে এ-ও জানালো, সত্যিই যদি ‘সে’ মরে গিয়ে থাকে, সমূহ বিপদ আমাদের সামনে। আমাহ্যাগাররা চরম ভাবে রেপে আছে, ‘সে’ নেই জানতে পারলেই আমাদের-বিশেষ করে লিওকে ‘গরম পাত্র’ করে খাওয়ার জন্যে ব্যস্ত হয়ে উঠবে ওরা। ওদের বিশ্বাস, আমাদের কারণেই শাস্তি পেয়েছে ওদের জাতভাইরা।

‘যা হোক, ঘটনাটা আগে বলো, শুনি,’ বললো সে। ‘তারপর দেখবো কি করা

যায়।’

বললাম আমি। অবশ্যই পুরোপুরি নয়, যতটুকু বললে বৃদ্ধের বিশ্বাস হবে সত্যিই আয়শা আঙনে পুড়ে মারা গেছে, এবং তাতে আমাদের কোনো দায় নেই ততটুকু বললাম। কি কষ্ট করে সেখান থেকে পালিয়ে এসেছি তা-ও বললাম। কিন্তু মুখ দেখেই বৃদ্ধসাম, আয়শা মরে গেছে এ কথা বিশ্বাস করেনি সে। তার ব্যাখ্যা হলো, কিছুক্ষণ বা কিছুদিনের জন্যে অদৃশ্য হয়েছে ‘সে’। সময় হলেই আবার ফিরে আসবে।

‘এবার কি করবে তোমরা, বেবুন?’ জানতে চাইলো বিলালি।

‘জানি না, পিতা,’ আমি বললাম। ‘এদেশ থেকে পালাতে পারি না আমরা?’

মাথা নাড়লো বৃদ্ধ। ‘কাজটা খুবই কঠিন, পুত্র। কোর-এর ওপর দিয়ে যেতে পারবে না। তোমাদেরকে একা দেখার সঙ্গে সঙ্গেই বাঁপিয়ে পড়বে পশুগুলো।’ তারপর একটু চুপ করে থেকে বললো, ‘তবে হ্যাঁ, ঐ পাহাড়ের ওপর দিয়ে একটা পথ আছে। তোমাকে বোধহয় একবার বলেছিলাম পথটার কথা? ও পথে ওরা পশুর পাল নিয়ে যায় চারণভূমিতে। চারণভূমি পেরিয়ে জলার ওপর দিয়ে তিনদিনের পথ। তারপর আর কিছু জানি না আমি। শুনেছি, ওখান থেকে সাত দিনের পথ পেরোলে বিরাট এক নদী পড়ে। ঐ নদী চলে গেছে কালো পানি পর্যন্ত।’

‘পিতা,’ বললাম আমি। ‘আমি একবার প্রাণ বাঁচিয়েছি আপনার, এবার প্রতিদান দিন। এ পথেই নিয়ে চলুন আমাদের। জলাভূমিটা পার করে দিন, বাকিটা আমরাই চলে যেতে পারবো।’

‘পুত্র, আমাকে অকৃতজ্ঞ ভেবো না। আমার প্রাণের প্রতিদান আমি দেবো। কাল ভোর নাগাদ তৈরি হয়ে থাকবে। আমি এখন যাচ্ছি, কয়েকটা পালকি জোগাড় করে আনতে পারি কিনা দেখি। আশা করি পারবো, ওদের বলবো, “সে-থেকে-মানতেই-হবে”র নির্দেশ এটা, যে এ নির্দেশ মানবে না সে হায়েনার খাদ্য হবে। এ কথা ঠুনকে ওরা রাজি না হয়ে পারবে না। জলা পেরোনোর পর দরকার হলে ওদের নিহত করে পালাতে হবে তোমাদের। এখন দেখ, সিংহ বোধহয় ছাপিয়ে। তোমরা খাওয়া-দাওয়া করে নাও। আমি যাই।’

চলে গেল বিলালি। দীর্ঘ ঘুম দিয়ে মোটামুটি জাজ্জা হয়ে উঠেছে লিও। দু’জন গোথাসে খেয়ে নিলাম পাঁচ জনের খাবার। তারপর কাছের এক বরনায় গিয়ে গোসল করে এলাম। তারপর আবার ঘুম।

একটানা সন্ধ্যা পর্যন্ত ঘুমোলাম। তারপর আবার খেয়ে নিয়ে আবার ঘুম।

ভোর রাত নাগাদ পালকি বেহারা এবং দু’জন পথ প্রদর্শক নিয়ে হাজির হলো

বিলালি।

'সে'র ডয় দেখানোতে কাজ হয়েছে,' বললো বৃদ্ধ। 'তোমরা তৈরি হয়ে নাও। ভোর হওয়ার সঙ্গে সঙ্গে বেরিয়ে পড়তে হবে। আমিও যাবো তোমাদের সাথে।'

বৃদ্ধের শেষ কথাটায় অত্যন্ত সন্তোষ বোধ করলাম। যত-ই 'সে'র ডয় দেখানো হোক না কেন, মানুষকেকোতুলোকে বিশ্বাস নেই। বিলালির জন্যে গভীর এক শ্রদ্ধাবোধে পূর্ণ হয়ে গেল অন্তর।

ভোরের প্রথম আলো ফুটার সঙ্গে সঙ্গে সামান্য কিছু খেয়ে নিয়ে পালকিতে চাপলাম আমরা। সমভূমির ওপর দিয়ে কিছুদূর যাওয়ার পর শুরু হলো পাহাড়ের উঁচু নিচু ঢাল বেয়ে ওঠা। ঝাঁকুনির চোটে অস্থির হয়ে উঠলাম।

দুপুর নাগাদ পাহাড়টার সমতল চূড়ায় পৌঁছলাম। এখানে কিছু খেয়ে একটু বিশ্রাম নিয়ে নিলো বাহকরা। আমরাও খাওয়া সেরে নিলাম। তারপর আবার পথ চলা। আগ্নেয়াগ্নির মতো দেখতে পাহাড়টার ঢাল বেয়ে ক্রমশ নেমে যাচ্ছি জলাভূমির দিকে।

সন্ধ্যার একটু আগে জলাভূমির কিনারে পৌঁছলাম। রাতটা এখানেই কাটানোর সিদ্ধান্ত নিলো বিলালি। পরদিন সকাল এগারোটা নাগাদ আবার শুরু হলো আমাদের যাত্রা, সেই উয়ানক জলাভূমির ওপর দিয়ে।

পুরো তিন দিন কাদা আর দুর্গন্ধের ভেতর দিয়ে পালকি বয়ে নিয়ে গেল বাহকরা। চতুর্থ দিন সকালে আমাদের বিদায় জানালো বিলালি।

'বিদায়, পুত্র বেবুন,' বললো সে। 'বিদায় তোমাকেও, সিংহ। তোমাদের আর কোনো সাহায্য আমি করতে পারবো না। তবে একটা পরামর্শ দি-ই, যদি ভালোয় ভালোয় দেশে ফিরে যেতে পারো, আর কখনো এমন অজানা অচেনা দেশের পথে পা বাড়িও না। পরের বার হয়তো আর প্রাণ নিয়ে ফিরতে পারবে না, একটু খামলো বৃদ্ধ। 'তোমার কথা আমার মাঝে মাঝেই মনে পড়বে, বেবুন, তুমিও সম্ভবত ভুলবে না আমাকে, কারণ আমি বুকেছি, তুমি কুৎসিত হলেও, মনটা তোমার পাঁচি।'

আর কিছু বললো না বৃদ্ধ। ঘুরে দাঁড়িয়ে চলতে শুরু করলো। অনুসরণ করলো দীর্ঘ বলিষ্ঠ আমাহাণ্ডারগুলো। আমরা দেখতে লাগলাম, আঁকাবাঁকা পথ ধরে এগিয়ে যাচ্ছে শূন্য পালকির মিছিলটা। একটু পরেই হাথিয়ে গেল একটা বাঁকের আড়ালে।

মাত্র তিন সপ্তাহ আগে কোর-এর জলাভূমিতে ঢুকেছিলাম আমরা। তখন চারজন ছিলাম। তিন সপ্তাহ পর আজ যখন বেরিয়ে এলাম, দুই-এ নেমে এসেছে আমাদের সংখ্যা। মাত্র তিন সপ্তাহে কত কিছু ঘটেছে একবার কল্পনা করার চেষ্টা করলাম। ধই পেলাম না কোনো। মনে হলো, শেষ যখন আমাদের তিমি নৌকাটা দেখেছিলেন, ত্রিশ

বছর পেরিয়ে গেছে তারপর।

‘এবার নদীটা খুঁজে বের করতে হবে,’ বললাম আমি।

নিঃশব্দে মাথা ঝাঁকিয়ে পা বাড়ালো লিও। গায়ের পোশাক ছাড়া আমাদের সঙ্গে এখন একটা ছোট কম্পাস, দুটো রিভলভার, দুটো এক্সপ্রেস রাইফেল আর শ’দুয়েক গুলি ছাড়া আর কিছু নেই। এখানেই শেষ আমাদের কাহিনী।

এরপর কি করে আমরা ইংল্যান্ডে পৌঁছলাম সে আর এক ইতিহাস। অমানুষিক পরিশ্রম করে নদীটার কাছে পৌঁছতে পেরেছিলাম। এ জ্বলন্ত বিলাসি যেখানে ছেড়ে যায় সেখান থেকে প্রায় একশো সত্তর মাইল দক্ষিণে আসতে হয়েছিল আমাদের। ওখানে জংলী এক উপজাতির হাতে বন্দী হই। লিওর অসম্ভব সুন্দর চেহারা আর তুষারশূভ্র চুল দেখে ওকে অতিপ্রাকৃত কোনো জীব মনে করেছিল ওরা। ছ’মাস পর ওদের হাত থেকে পালাতে পারি আমরা। তারপর সাঁতরে নদী পার হয়ে আরো দক্ষিণে এগোতে থাকি। এক পর্যায়ে অনাহারে মৃত্যু যখন নিশ্চিত তখন এক পর্তুগীজ হাতি শিকারি দেখতে পায় আমাদের। তার সাহায্যে অনেক কষ্ট ও পরিশ্রম করে ডেলাগোয়া উপসাগরে পৌঁছাই। সেখান থেকে অন্তরীপ ঘুরে চলাচল করে যে স্টীমবোটগুলো তার একটাতে করে ইংল্যান্ড। যেদিন রওনা হয়েছিলাম তার ঠিক দু’বছর পর আমরা পা রাখলাম সাউদাম্পটন বন্দরের জেটিতে।

দু’হাজার বছরেরও আগে যে কাহিনীর শুরু তা শেষ হলো এভাবে। কিন্তু সত্যিই কি শেষ হয়েছে? কেন জানি না, আমার কেবলই মনে হয়, না, শেষ হয়নি। দু’জীবিতের গর্ভে হয়তো এর শেষ লুকিয়ে আছে।

সেই প্রাচীন ক্যালিফোর্নিয়া কি সত্যিই লিও হয়ে পুনর্জন্ম নিয়েছে ভূমিবেতে? নাকি দু’জনের চেহারার অদ্ভুত সাদৃশ্য দেখে ভুল করেছিল আরশা? আরেকটা প্রশ্নঃ পুনর্জন্মের এই নাটকে উত্তরের ভূমিকা কি? প্রাচীন মিসরীয় রাজকুমারী আমেনার্তাসের সঙ্গে কি কোনো সাদৃশ্য আছে ওর? এসব প্রশ্নের কোনো উত্তর জানি নেই আমার। শুধু এটুকু আমার মনে হয়, লিওর ব্যাপারে কোনো ভুল করেনি ও।

আজকাল প্রায় রাতেই আমি একা বসে বসে ভাবি, এই নাটকের শেষ দৃশ্যের অভিনয় হবে কবে? এবং মিসরীয় রাজকুমারী সুন্দরী আমেনার্তাস কি ভূমিকা নেবে তাতে?

বিটর্ন অভ শী

মূল: হেনরি রাইডার হ্যাগার্ড

রূপান্তর: নিয়াজ মোরশেদ

প্রথম প্রকাশ: ১৯৮৬

The Online Library of Bangla Books

**BANGLA BOOK**.ORG

## গুরুত্ব আগে

শেষ পর্যন্ত ঘটলো সেই অপ্রত্যাশিত ঘটনা। আমি আরেকটা চিঠি পেলাম লুডউইগ হোরেস হলির কাছ থেকে। শেষ চিঠিটা পেয়ে-ছিলাম অনেক অনেক বছর আগে 'শী'-এর পাণ্ডুলিপির সঙ্গে। তাতে মিস্টার হলি লিখেছিলেন, অপকৃপা আয়শার খোঁজে লিও ভিনসি আর তিনি আবার রওনা হচ্ছেন। এবার মধ্য এশিয়ার পথে।

গেল বছরগুলোতে প্রায়ই আমার ওদের কথা মনে হয়েছে। শেষ পর্যন্ত কি ঘটলো জানার কৌতূহল হয়েছে। পাগল প্রায় মানুষ ছুটো বেঁচে আছে না মরে গেছে? নাকি তিব্বতের বৌদ্ধ মঠের পুরোহিতদের সান্নিধ্যে এসে ভিক্ষু হয়ে গেছে? জবাব পাইনি প্রশ্ন-গুলোর।

অবশেষে আজ, কোনোরকম পূর্ব ঘোষণা ছাড়াই আমাকে স্তম্ভিত করে দিয়ে হাজির হয়েছে চিঠিটা। হোরেস হলির লেখা শেষবার দেখার পর বহুদিন পার হয়ে গেছে। তবু তার স্বাক্ষর আজ দেখা মাত্র চিনতে পেরেছি। তক্ষুণি পড়লাম চিঠিটা। তাতে লেখা :

'প্রীতিভাজনেষু,

'আমার ধারণা আপনি এখনো বেঁচে আছেন, আশ্চর্যের কথা আমিও বেঁচে আছি—যদিও আর ক'দিন তা ভবিতব্যই বলতে পারে।

'সভ্য জগতে ফিরে আসার প্রায় সঙ্গে সঙ্গে আপনার (নাকি রিটার্ন অভ শী

আমার ?) “শী” বই-এর একটা হিন্দুস্তানী অনুবাদ আমার হাতে আসে। বইটা আমি পড়েছি। বলতে দ্বিধা নেই, আপনার দায়িত্ব আপনি নির্ভার সঙ্গে সমাপন করেছেন। প্রতিটি নির্দেশ অক্ষরে অক্ষরে পালিত হয়েছে, কিছুই গ্রহণ বা বর্জন করা হয়নি। সুতরাং আপনাকেই আমি এ ইতিহাসের শেষাংশ সম্পাদনার ভার দিয়ে যেতে চাই।

‘আমি খুবই অনুস্থ। অনেক কষ্টে, মরার জন্যে ফিরে এসেছি আমার পুরনো বাড়িতে। আমার মৃত্যু সন্নিকটে। ডাক্তারকে আমি অনুরোধ জানিয়েছি, আমার মৃত্যুর পর যেন সব কাগজপত্র পাঠিয়ে দেয় আপনার কাছে। অবশ্য এখনো নিশ্চিত নয় ব্যাপারটা। একেবারে মনে হচ্ছে, এবারের পাণ্ডুলিপিটা পুড়িয়ে ফেলাই বোধ-হয় ভালো। দেখা যাক শেষ পর্যন্ত কি ঠিক করি। যদি পাঠানোর সিদ্ধান্ত নেই তাহলে পাণ্ডুলিপির সঙ্গে একটা বাস্তুও যাবে আপনার কাছে। কিছু খসড়া নকশা আর একটা সিসট্রাম\* থাকবে ওতে। নকশাগুলো কখনো হয়তো কাজে লাগবে আপনার। আর সিসট্রামটা হলো প্রমাণ। প্রাচীন মিসরের দেবী আইসিস-এর পূজায় ব্যবহার হতো। আপনার কাছে জিনিসটা পাঠাচ্ছি দুটো কারণে : প্রথমত, আপনার প্রতি আমার কৃতজ্ঞতার নিদর্শন হিসেবে, দ্বিতীয়ত, সঙ্গের পাণ্ডুলিপিতে লেখা কথাগুলোর সত্যতা সম্পর্কে যেন নিঃসংশয় হতে পারেন সে জন্যে। আমার বক্তব্যের সপক্ষে একমাত্র প্রমাণ ওটা।

‘চিঠি দীর্ঘ করতে চাই না। সে শারীরিক ক্রমতা আমার নেই, ইচ্ছাও নেই। প্রমাণগুলোই নিজেদের পক্ষে যা বলার বলবে। ওগুলো।

\* মিসরীয় দেবতা আইসিসের পূজায় ব্যবহৃত এক ধরনের যন্ত্র।



দিয়ে আপনার যা ইচ্ছে করতে পারেন। বিশ্বাস করা না করা-ও আপনার ব্যাপার। আমি জানি ওগুলো সত্যি, সুতরাং কেউ বিশ্বাস না করলেও আমার কিছু এসে যায় না।

‘আয়শা কে? পুনর্জন্ম নেয়া এক সৌরভ? বাস্তবে রূপ নেয়া প্রকৃতির কোনো অদৃশ্য শক্তি? সুন্দর, নিষ্ঠুর এবং অমর কোনো আত্মগত প্রাণ? আপনিই বলুন! আমি বাস্তবের সাথে আমার করুণাশক্তির সম্পূর্ণটাই মিশিয়ে চেষ্টা করেছি, সমাধান করতে পারিনি।

‘আপনার সুখ আর সৌভাগ্য কামনা করি। বিদায়, আপনাকে এবং সবাইকে!

‘এল, হোরেস হলি।’

চিঠিটা নামিয়ে রাখলাম। এর বক্তব্য বিশ্লেষণ করার কোনো চেষ্টা না করে দ্বিতীয় খামটা খুললাম। কিছু অপ্রাসঙ্গিক বক্তব্য ছাড়া এই চিঠিটাও সম্পূর্ণ তুলে দিচ্ছি আপনাদের জন্যে।

চিঠিটা লেখা হয়েছে কান্সারল্যাণ্ড উপকূলের এক অজপাড়া গাঁ থেকে। তাতে লেখা :

‘মহাশয়,

আমাকে আপনি চিনবেন না, আমি একজন ডাক্তার, শেষ রোগ-শযায় আমি মিস্টার হলির চিকিৎসা করেছিলাম। যত্নর আগে জ্বলোক এক অদ্ভুত দায়িত্ব দিয়ে গেছেন আমাকে, তাই এ চিঠি লেখা। সত্যি কথা বলতে কি এ সম্পর্কে প্রায় কিছু না জানলেও ব্যাপারটা বেশ কৌতূহলী করে তোলে আমাকে। এবং সে-জন্যেই

আমার নাম এবং ঠিকানা গোপন রাখা হবে এই শর্তে শেষ পর্যন্ত রাজি হই দায়িত্বটা পালন করতে ।

‘দিন দশেক আগে মিস্টার হলের চিকিৎসার জন্যে ডাক পড়ে আমার । পাহাড়ের ওপর এক বাড়িতে নিয়ে যাওয়া হয় আমাকে । বহুদিন ধরে খালি পড়েছিলো বাড়িটা । বাড়ির তদারককারী মহিলা জানালো, দীর্ঘদিন বিদেশে কাটিয়ে সম্প্রতি ফিরেছেন বাড়িওয়ালা । তার ধারণা ভদ্রলোকের হৃৎপিণ্ডটা ভীষণ অসুস্থ, এবং খুব শিগগিরই উনি মারা যাবেন । মহিলার ধারণা সত্যি প্রমাণিত হয়েছে ।

‘ঘরে ঢুকে দেখি, বিছানায় বসে আছেন অদ্ভুতদর্শন এক বৃদ্ধ । গুন-লাম ইনিই রোগী । কালো চোখ ভদ্রলোকের, কুতকুতে হলেও বৃদ্ধির অদ্ভুত ঝিলিক তাতে, যেন ঝলছে ঝলঝল করে । অসম্ভব চওড়া বুকটা ঢাকা পড়ে গেছে তুষারের মতো ধবধবে শাদা দাড়িতে । চুল-গুলোও শাদা, লম্বা হতে হতে কপাল এবং মুখের অনেকটা ঢেকে ফেলেছে । তাঁর হাত দুটো অস্বাভাবিক লম্বা, তাতে শক্তিও তেমন । এই বয়েসে মানুষের দেহে এত শক্তি থাকতে পারে আমার ধারণা ছিলো না । এক হাতে দীর্ঘ একটা ক্ষত চিহ্ন দেখলাম । উনি জানালেন কি এক হিংস্র কুকুর নাকি কামড়েছিলো ওখানে । সন্দেহ নেই ভদ্র-লোকের চেহারা কুৎসিত, কিন্তু কোথায় যেন একটা অপূর্ব দীপ্তি লুকিয়ে আছে । কোনো সাধারণ মানুষের মুখে আমি অমন দীপ্তি দেখিনি ।

‘আমাকে দেখে যারপরনাই বিরক্তি প্রকাশ করলেন মিস্টার হলি । বুঝলাম, তাঁকে না জানিয়েই ডাকা হয়েছে আমাকে । তবে শিগগিরই ভদ্রলোকের সঙ্গে ভাব হয়ে গেল আমার । চিকিৎসার শুরুতেই তাঁর শারীরিক কষ্ট অনেকখানি কমিয়ে দিতে পারলাম বলেই সম্ভব হলো

সেটা। পরে বিভিন্ন সময়ে দীর্ঘ আলাপ হয়েছে তাঁর সঙ্গে। ছুনিয়ার নানা দেশে তাঁর ভ্রমণের অভিজ্ঞতা বর্ণনা করেছেন টুকরো টুকরো ভাবে। এলোমেলো ভাবে দুটো অল্পত অভিযানের কথা-ও বললেন একদিন। ভালো বুঝতে পারলাম না তার মর্ম। এই দশদিনে বার দুয়েক তাঁকে প্রলাপ বকতে শুনেছি। সে সময় যে ভাষায় তিনি কথা বলছিলেন, যতদূর বুঝতে পেরেছি তা গ্রীক এবং আরবী, ইংরেজী-তেও ছিলো দু'একটা শব্দ। সম্ভবত তাঁর আরাধ্য কোনো দেবীর কথা বলছিলেন তিনি।

‘একদিন কাঠের তৈরি একটা বাজু দেখালেন তিনি (সেটাই এই চিঠির সঙ্গে পাঠাচ্ছি আপনার কাছে), এবং আপনার নাম ঠিকানা দিয়ে বললেন, যেন তাঁর মৃত্যুর পর ওটা পাঠিয়ে দিই আপনার কাছে। একটা পাণ্ডুলিপিও দিলেন। বললেন বস্ত্রের সঙ্গে ওটাও পাঠাতে হবে আপনার কাছে। পাণ্ডুলিপিটার শেষ পৃষ্ঠাগুলো পোড়া। কৌতূহলী চোখে আমি তাকিয়ে ছিলাম পোড়া পৃষ্ঠাগুলোর দিকে। দেখে তিনি বললেন (হুবহু তাঁর কথাগুলোই তুলে দিচ্ছি এখানে)—

“হ্যাঁ, হ্যাঁ, আর কিছু করার নেই এখন, যে ভাবে আছে ওভাবেই পাঠাতে হবে। দেখতেই পাচ্ছে, আমি ওটা নষ্ট করে ফেলতে চেয়ে-ছিলাম, আগুনে ফেলেও দিয়েছিলাম, তখনই এলো নির্দেশ—হ্যাঁ, পরিষ্কার, নির্ভুল নির্দেশ—হ্যাঁ মেরে তুলে নিয়ে পাঁচিয়েছিলাম আগুনের হাত থেকে।”

‘এই “নির্দেশ” বলতে কি বুঝিয়েছিলেন মিস্টার হলি আমি জানি না। এ সম্পর্কে আর কিছু বলেননি তিনি।

‘যা হোক, নাটকের শেষ দৃশ্যে চলে আসি। একদিন রাতে, প্রায়

এগারোটার সময়, আমি গেছি মিস্টার হলের বাসায়। তখন ঠিক শেষ অবস্থা। বাড়িতে চোকর মুখে দেখা হলো তদারককারিনীর সাথে। হস্তদস্ত অবস্থা তার তখন। মিস্টার হলি মারা গেছেন কি না জানতে চাইলাম আমি। সে জবাব দিলো, “না, তবে উনি চলে গেছেন—যে অবস্থায় ছিলেন সে অবস্থায়ই খালি পায়ে বাড়ি থেকে বেরিয়ে গেছেন।” বাড়ির ঠিক বাইরে যে ফার বন আছে সেখানে শেষ বারের মতো দেখেছে তাঁকে মহিলার নাতি। ছেলেটা ভীষণ ভয় পেয়ে গিয়েছিলো। কারণ ওর মনে হচ্ছিলো, ভূত দেখেছেন মিস্টার হলি।

‘উজ্জল চাঁদের আলো ছিলো সে রাতে। সদ্য পড়া তুষারে প্রতিফলিত হয়ে তা আরো উজ্জল দেখাচ্ছিলো। আমি বেরিয়ে পড়লাম তাঁকে খোঁজার জন্যে। একটু পরেই তুষারের ওপর পায়ে হাপ দেখতে পেলাম। হাপ অনুসরণ করে প্রথমে বাড়ির পেছনে তারপর পাহাড়ের ঢাল বেয়ে উঠে গেলাম চূড়ার দিকে।

‘পাহাড়টার চূড়ায় একটা প্রাচীন পাথরের স্তম্ভ আছে। স্থানীয় অধিবাসীরা তার নাম দিয়েছে “শয়তানের আংটি”। কে কখন ওটা স্থাপন করেছিলো কেউ বলতে পারে না। অনেক বারই আমি দেখেছি ওটা। কিছুদিন আগে এক প্রত্নতাত্ত্বিক সমিতির সভায় ওটার উদ্ভব এবং উদ্দেশ্য সম্পর্কে আলোচনাও হয়েছিল। সেই সভায় স্কেপাটে ধরনের এক ভদ্রলোক একটা প্রশ্নক পড়েছিলেন। তাতে তিনি নানা যুক্তি দিয়ে প্রমাণ করতে চেয়েছিলেন যে, স্তম্ভটা মিসরীয় দেবী আইসিসের প্রতিনিধিত্ব করে, এবং ঐ জায়গাটা এককালে আইসিসের পূজারীদের কাছে তীর্থস্থান ছিলো। কিন্তু অন্য আলোচকরা অভিমতটাকে গাঙ্গাধুরি বলে উড়িয়ে দেন। তারা বলেন, আইসিস বৃটেনে এসেছিলো এমন কোনো প্রমাণ এখনো

পাওয়া যায়নি। অবশ্য আমার ধারণা, রোমান বা ফিনিসীয়রাও এনে থাকতে পারে স্তম্ভটা। কারণ, ওরাও আইসিসের পূজা করতো। তবে এ ব্যাপারে আমার জ্ঞান এতো সামান্য যে এনিথে কথা না বাড়ানোই ভালো।

‘আমার মনে পড়লো, আগের দিন মিস্টার হলি জিজ্ঞেস করছিলেন পাথরটার কথা। তিনি জানতে চেয়েছিলেন, এখনও ওটা অক্ষত আছে কিনা। তিনি আরো বলেছিলেন, এবং সঙ্গে সঙ্গে কথাটা আমার মনে দাগ কেটেছিলো, তিনি ওখানে গিয়ে মরতে চান। আমি বলেছিলাম, অতদূর হাঁটার ক্ষমতা সম্ভবত আর কখনো তিনি ফিরে পাবেন না। শুনে মুহূ একটু হেসেছিলেন বৃদ্ধ।

‘যা হোক যথা সম্ভব দ্রুত ছুটে পৌঁছলাম শয়তানের আংটির কাছে। এবং হ্যাঁ, যা ভেবেছিলাম তাই—স্তম্ভের গোড়ায় দাঁড়িয়ে আছেন তিনি, খালি পা, খালি মাথা, পরনে রাতের পোশাক। তুষারের ওপর দাঁড়িয়ে আছেন মিস্টার হলি। কেমন একটা সম্মোহিত ভঙ্গি। মস্তোচ্চারণের মতো বিড় বিড় করে কিছু বলছেন। সম্ভবত আরবীতে। ডান হাতে উঁচু করে ধরা একটা আংটা লুপ্তানো রত্ন খচিত দণ্ড (মিস্টার হলির ইচ্ছানুযায়ী ওটাও পাঠাচ্ছি আপনার কাছে)। রত্নগুলো থেকে ঠিকরে পড়ছে আলো। রাতের গভীর নিস্তরকার ভেতর স্পষ্ট সুনতে পাচ্ছি ওটার সোনার ঘটার অতি মুহূ টুংটাং।

‘জীবনে আমি কোনো অতিলৌকিক ব্যাপারসম্পর্ক বা কুসংস্কারে বিশ্বাস করিনি। কিন্তু ঐ মুহূর্তে আমারো মনে হলো আরো কেউ আছে ওখানে। আমি দেখতে পাচ্ছি না, কিন্তু অনুভব করছি, অশরীরী কেউ। তারপর হঠাৎই অবয়ব নিতে শুরু করলো অদৃশ্য

জিনিসটা। চমকে উঠলাম আমি। সত্যিই কিছু দেখেছিলাম, না।  
চাঁদনী রাতে অমন এক পরিবেশে সম্মোহিত, উদভ্রান্ত মিস্টার  
হলিকে দেখে নিছক মনে হয়েছিলো কিছু দেখেছি, জানি না।  
দেখলাম, প্রথমে অস্পষ্ট ছায়ার মতো কিছু একটা বেরিয়ে এলো  
স্বপ্নের চূড়া থেকে। ধীরে ধীরে স্পষ্ট হতে হতে জ্যোতির্ময় এক  
নারীর চেহারা নিলো। তার কপালে স্বলে উঠলো উজ্জ্বল তারার  
মতো একটা আলো।

'দৃশ্যটা আমাকে এমন ভাবে চমকে দিলো, আমি আর নড়তে  
পারলাম না। ভুলে গেলাম কেন এসেছি এই অন্ধুত জায়গায়।  
দাঁড়িয়ে দাঁড়িয়ে দেখতে লাগলাম শুধু।

'মূহূর্ত পরে বুঝতে পারলাম মিস্টার হলিও দেখতে পেয়েছেন কিছু  
একটা। অবয়বটার দিকে ফিরে ছর্বোধ্য স্বরে চিৎকার করলেন  
তিনি। একটা মাত্র উন্নত আনন্দিত চিৎকার। তারপর মুখ খুবড়ে  
পড়ে গেলেন তুমারের ওপর। সম্বিত ফিরলো আমার। ছুটে গেলাম  
তাকে ওঠানোর জন্তে। ইতিমধ্যে অদৃশ্য হয়ে গেছে অস্পষ্ট অবয়বটা।  
ছ'হাত ছড়িয়ে পড়ে আছেন মিস্টার হলি। মৃত। দণ্ডটা এখনো ধরে  
আছেন শক্ত করে।'

এরপর ডাক্তার যা লিখেছেন তা আর উদ্ধৃত করলাম না। মিস্টার  
হলির মৃতদেহ কি করে বাসায় আনা হলো তার বিস্তৃত বর্ণনা আর  
সেই রহস্যময় অবয়ব সম্পর্কে তাঁর মনগড়া ব্যাখ্যা ছাড়া গুরুত্বপূর্ণ  
কিছু নেই তাতে।

যে বাস্তবতার কথা উনি লিখেছেন সেটা নিরাপদে পৌঁছেছে আমার  
হাতে। ছবিগুলো সম্পর্কে আমার কিছু বলার নেই, তবে সিসট্রাম

সম্পর্কে ছ'চার কথা বলতে চাই। ফটিকের তৈরি ক্রুঙ্গ আনসাতা বা হাতলওয়াল ক্রুঙ্গের মতো দেখতে। মিসরীয়দের কাছে ভীষনের প্রতীক হিসেবে গণ্য হয় এই ক্রুঙ্গ আনসাতা। দণ্ড, ক্রুঙ্গ এবং আংটা—এই তিনে মিলে এক জিনিস হয়ে উঠেছে ওটা। আংটার এপাশে ওপাশে চারটে সরু সোনার তার। তিনটির সাথে আটকানো মূল্যবান রত্ন। ঝকমকে হীরা, সাগরনীল নীলকান্ত মণি আর রক্ত-লাল পদ্মরাগ। একদম ওপরের অর্থাৎ চতুর্থ তার থেকে ঝুলছে ছোট ছোট চারটে সোনার ঘণ্টা।

এই অদ্ভুত জিনিসটা যখন হাতে নিলাম তখন কেন জানি না একটু কেঁপে গেল আমার হাত। মিষ্টি মুছ টুংটাং শব্দে বাজতে শুরু করলো ঘণ্টাগুলো। অপূর্ব এক সঙ্গীতে যেন পূর্ণ হয়ে উঠলো ঘর। তবু কেন যে শির শির করে উঠলো আমার শরীর বলতে পারবো না।

সব শেষে পাণ্ডুলিপির কথা—এ সম্পর্কেও আমি কোনো মন্তব্য করতে চাই না। পাঠক নিজেই বিচার বিবেচনা করে সিদ্ধান্ত নেবেন, এর বক্তব্য সত্য না মিথ্যা, নাকি গুঢ় কোনো অর্থ লুকিয়ে আছে এর ভেতর।

—সম্পাদক

## এক

যে রাতে লিও সেই অলৌকিক দৃশ্য দেখেছিলো, তারপর বিশ বছর পেরিয়ে গেছে। ভয়ানক, হৃদয় কতবিস্তৃত করা, দীর্ঘ বিশটা বছর। আমার মৃত্যুর আর বেশি দেরি নেই। সে জন্যে আমি ছুঃখিত নই মোটেই, বরং খুশি। যে রহস্যের কিনারা এই ভুবনে থেকে করতে পারলাম না অন্য ভুবনে গিয়ে হয়তো তার সমাধান খুঁজে পাবো।

আমি, লুডউইগ হোরেস হলি, ভীষণ অসুস্থ। প্রায় মৃত অবস্থায় ওরা আমাকে নামিয়ে এনেছে ঐ পাহাড় থেকে। জানালা দিয়ে দূরে দেখতে পাচ্ছি পাহাড়টা। অল্প কেউ হলে অনেক আগেই শারীরিক, মানসিক ছ'ভাবেই নিঃশেষ হয়ে যেতো, কিন্তু আমি, কি ভাবে জানি না এখনো টিকে আছি। ভারতের উত্তর সীমান্তের এক জায়গায় বসে এ আখ্যান লিখছি। আরো এক বা দু'মাস—যতদিন না মোটামুটি সুস্থ হয়ে উঠছি, এখানে থাকতে হবে আমাকে। তারপর ফিরে যাবো আমার জন্মভূমিতে মৃত্যুকে বরণ করার জন্যে।

সেই অলৌকিক দৃশ্য দিয়েই শুরু করি।

১৮৮৫ সালে আমি আর লিও ভিনসি ফিরে এলাম আফ্রিকা থেকে। তখন নিঃসঙ্গতা ভীষণ ভাবে কাম্য হয়ে উঠেছিলো আমা-



দের কাছে। অমর আয়শার আকস্মিক মৃত্যুতে \* যে ভয়ঙ্কর ধাক্কা  
খেয়েছিলাম তার বেশ কাটিয়ে ওঠার জন্যে এর দরকারও ছিলো।

নিঃসঙ্গতার আশায় গিয়ে উঠেছিলাম কান্সারল্যাণ্ড উপকূলে  
আমার পৈতৃক বাড়িতে। দীর্ঘ অনুপস্থিতির কারণে আমাকে মৃত  
ভেবে কেউ যদি বাড়িটা দখল করে না নিয়ে থাকে তাহলে ওটা  
এখনো আমারই সম্পত্তি। মরার জন্যে ঐ বাড়িতেই আমি ফিরে  
যাবো ক'দিন পরে।

কান্সারল্যাণ্ডের জনহীন উপকূলের সেই বাড়িতে এক বছর কাটিয়ে  
দিলাম যা হারিয়েছি তার জন্যে শোক করে। কি করে আবার  
তাকে পাওয়া যায় তার পথও খুঁজেছি এই সময়ে, কিন্তু পানি।  
তবে যা পেলাম তার মূল্যও কম নয়, এখানে আমরা আমাদের  
হারানো শক্তি ফিরে পেয়েছি। লিঙুর শাদা হয়ে যাওয়া চুলগুলো  
আসল রং ফিরে পেয়েছে। প্রথমে ধূসর তারপর ধীরে ধীরে সোনালি  
হয়ে উঠেছে। হারানো সৌন্দর্যও ফিরে পেয়েছে ও।

তারপর এলো সেই রাত—আলোকোজ্জ্বল সেই মুহূর্ত।

আগস্টের এক বিষণ্ণ রাত। খাওয়া দাওয়ার পর ছাগর তীরে  
হেঁটে বেড়াচ্ছি আমরা—আমি আর লিও। কান্সারল্যাণ্ডে গুনছি  
সাগরের মৃদু গর্জন। মাঝে মাঝে দেখতে পাচ্ছি দূরে মেঘের  
বুকে বিছাতের চমক। নিঃশব্দে হাঁটছি দুজন। হঠাৎ আমার  
হাত জড়িয়ে ধরলো লিও। ফোঁপাতে ফোঁপাতে মার্ভনাদ করে  
উঠলো, 'আর পারছি না, হারেস,।' এখন আমাকে এভাবেই ডাকে  
ও—, 'এ যন্ত্রণা আমি আর সহ্যে পারছি না। আয়শাকে আর  
একটিবারের জন্যে আমি দেখতে চাই। না হলে পাগল হয়ে যাবো।

\* বর্তমান লেখকের 'শী' উপন্যাস দ্রষ্টব্য।

আমার যা শরীর স্বাস্থ্য, আরো হয়তো পঞ্চাশ বছর নাঁচবো— কিন্তু পাগল হয়ে বেঁচে থাকার চেয়ে না থাকাই ভালো।’

‘আর কি করার আছে তোমার ?’

‘শান্তি পাওয়ার সোজা রাস্তা ধরবো,’ শান্ত গলায় জবাব দিলো লিও। ‘আমি মরবো। হ্যাঁ, আমি মরবো— আজ রাতেই।’

ভয় পেয়ে গেলাম আমি। আত্মহত্যা করতে চাইছে লিও। ক্রুদ্ধ চোখে তাকলাম ওর দিকে।

‘কাপুরুষ নাকি তুমি, লিও ?’ ‘এটুকু কষ্ট সহ্য করতে পারছো না ! অন্যেরা পারছে কি করে ?’

‘অন্যেরা মানে তো তুমি, হোরেস,’ শুকনো হেসে জবাব দিলো ও। ‘তোমার ওপরেও অভিশাপ আছে... যাকগে, তুমি শক্ত তাই সহ্য করতে পারছো, আমি দুর্বল তাই পারছি না। জীবন সম্পর্কে তোমার অভিজ্ঞতা বেশি সেটাও একটা কারণ হতে পারে। না, আমি পারবো না, হোরেস, কিছুতেই পারবো না, মৃত্যু ছাড়া আর কোনো গতি নেই আমার।’

‘এ তো পাপ, লিও। যিনি তোমাকে সৃষ্টি করেছেন তার প্রতি চরম অপমান। কঠিন শাস্তি ভোগ করতে হবে তোমাকে এর জন্যে। হয়তো যাকে চাও তার সাথে চিরবিচ্ছেদেই রূপ পাবে সে শাস্তি।’

‘যে মানুষ শাস্তি-ঘরে নির্যাতন সহ্য করে কোনো ফাঁকে একটা ছুরি যোগাড় করে যদি আত্মহত্যা করে, তাহলে কি তার পাপ হবে, হোরেস ? হয়তো হবে, কিন্তু সে পাপ আমি মনে করি ক্ষমা-ও পাবে। আমি তেমনই এক মানুষ, এ ছুরিটা আমি ব্যবহার করবো, এ যাতনা থেকে মুক্তি পাওয়ার চেষ্টা করবো। ও মরে গেছে, মৃত্যুর ভেতর দিয়ে আমি ওর কাছাকাছি হবো।’

‘কেন. লিও ? তুমি জানো, আয়শা হয়তো বেঁচে আছে।’

‘না ; তাই যদি হতো কোনো না কোনো ভাবে ও আমাকে জানাতো সে কথা -কোনো সংকেত বা দৈববাণী। না, হোরেস, আমি মনস্থির করে ফেলেছি, এ নিয়ে আর কিছু বোলো না আমাকে।’

আরো কিছুক্ষণ আমি যুক্তি দিয়ে ওকে বোঝাবার চেষ্টা করলাম, কিন্তু লাভ হলো না। অনেক দিন ধরে যা আশঙ্কা করছিলাম তা-ই ঘটেছে। পাগল হয়ে গেছে লিও। অবশেষে শেষ অস্ত্র প্রয়োগ করলাম আমি।

‘লিও, আমাকে একা ফেলে রেখে যাবে এখানে ? এতটা নির্দয় হতে পারবে তুমি ? তোমাকে কোলে পিঠে করে বড় করে তুলেছি, গায়ে একটা আঁচড় লানতে দেইনি, তার প্রতিদান দেবে এভাবে ? বুড়ো বয়সে আমাকে একা ফেলে চলে যাবে। বেশ, তোমার যদি তা-ই ইচ্ছা, যাও, কিন্তু মনে রেখো, আমার রক্ত ঝরবে তোমার মাথায়।’

‘তোমার রক্ত। কেন, রক্ত কেন. হোরেস ?’

‘যে পথে তুমি যেতে চাইছো সেটা যথেষ্ট চওড়া। দু’জন অনায়াসে যেতে পারবো ঐ পথ দিয়ে। অনেকগুলো বছর আমরা একসঙ্গে থেকেছি, একসঙ্গে অনেক কষ্ট সয়েছি. এখন হচ্ছে কবলেই কি আলাদা হতে পারবো ? আমার মনে হয় না।’

মুহূর্তে উল্টে গেল দাবার ছক। এগিরি আমাকে নিয়ে ভয় পতে শুরু করলো লিও।

আমি শুধু বললাম, ‘তুমি যদি মরো, আমি বলছি, আমিও মরবো। তোমার মৃত্যু আমি সহিতে পারবো না।’

হাল ছেড়ে দিলো লিও। ‘বেশ,’ বললো ও, ‘আমি কথা দিচ্ছি, আজ রাতে অমন কিছু ঘটবে না। চলো, জীবনকে আরেকটা সুযোগ দিই আমরা।’

ভয়ে ভয়ে সে রাতে বিছানায় গেলাম আমি। ঠানি, একবার যখন আত্মহননের ইচ্ছা জেগেছে, খুব বেশিদিন এথেকে নিবৃত্ত রাখা যাবে না লিওকে। ওর এই ইচ্ছা ক্রমশ হৃদম হতে থাকবে। শেষ-কালে একদিন হয়তো সত্যিই নিজেকে শেষ করে ফেলবে ও।

‘ও আয়শা!’ বিছানায় শুয়ে শুয়ে থাকুল কণ্ঠ টেঁচলাম আমি, ‘তোমার যদি সে কমতা থাকে, দয়া করে প্রমাণ দাও, এখনো তুমি জীতি। তোমার প্রেমিককে বাঁচাও এই পাপ থেকে। তোমার আশ্বাসবাণী না পেলে বাঁচতে পারবে না লিও, আর ওকে ছাড়া আমিও না।’

তারপর ক্রান্ত, বিধ্বস্ত আমি, ঘুমিয়ে গেলাম।

লিওর কণ্ঠস্বরে ঘুম ভেঙে গেল আমার।

‘হোরেস!’ ফিসফিসে কিন্তু উত্তেজিত গলায় ওকে বলতে শুনলাম, ‘হোরেস, বন্ধু, বাবা, ওঠো তাড়াতাড়ি!’

মুহূর্তে সম্পূর্ণ সজাগ হয়ে গেলাম আমি। বুঝতে পারছি গুরুত্বপূর্ণ কিছু ঘটেছে।

‘দাড়াও আলো জ্বালি আগে,’ আমি বললাম।

‘আলো লাগবে না. হোরেস; অন্ধকারই ভালো। একটু আগে একটা স্বপ্ন দেখেছি, এমন জীবন্ত স্বপ্ন আর কখনো আমি দেখিনি।’ এক মুহূর্ত খামলো লিও। তারপর বলে চললো, ‘দেখলাম, আকাশের বিশাল কালোছাদের নিচে আমি দাঁড়িয়ে আছি। চারদিকে

অন্ধকার, আকাশে একটা তারাও নেই। গভীর, শূন্য এক অনুভূতি গ্রাস করেছে আমাকে। তারপর হঠাৎ অনেক উঁচুতে, অনেক দূরে ছোট্ট একটা আলো ঝলে উঠলো। মনে হলো, আমাকে সঙ্গ দেয়ার জন্যে একটা তারার আবির্ভাব হয়েছে। ভাসমান আঙুনের কণার মতো ধীরে ধীরে নেমে আসতে লাগলো আলোটা। নামতে নামতে আমার মাথার ঠিক ওপরে চলে এলো। দেখলাম লকলকে আঙুনের শিখা একটা, মানুষের ভিতের মতো দেখতে। আমার মাথার উচ্চতায় স্থির হলো ওটা, তারপর, হোরেস, আমি আশ্চর্য হয়ে দেখলাম, ওটার নিচে একটা অস্পষ্ট নারীমূর্তি। আলোটা তার কপালে স্থির হয়ে আছে!

‘বলে বিশ্বাস করবে, হোরেস, মূর্তিটা আয়শার। হ্যাঁ, আয়শার, হোরেস, ওর চোখ, ওর অপূর্ব সুন্দর মুখ, মেঘের মতো এলো চুল সব, আমি স্পষ্ট দেখেছি। বিষণ্ণ চোখে আমার দিকে তাকিয়ে ছিলো আয়শা। সে দৃষ্টির অর্থ বুঝতে অসুবিধা হয়নি। ও যেন বলতে চাইছিলো, “কেন সন্দেহ করছো?”’

‘কথা বলার চেষ্টা করলাম, কিন্তু আমার ঠোঁট, জিভ নড়তে চাইলো না। এগিয়ে গিয়ে জড়িয়ে ধরতে চাইলাম ওকে, নাড়তে পারলাম না হাত-পা। অদৃশ্য এক দেয়াল যেন মাথা তুলেছে আমাদের মাঝখানে। হাত উঁচু করে ইশারা করলো ও, যেন পেছনে পেছনে যেতে বলছে আমাকে।

‘এরপর বাতাসে ভেসে চলে গেল আয়শা। ওহ, আমার তখনকার অনুভূতি যদি বৃষ্টিয়ে বলতে পারিতাম, হোরেস! মনে হলো, আমার আত্মা বেরিয়ে এসেছে দেহ ছেড়ে, এবং অনুসরণ করছে ওকে। বাতাসের বেগে পুর্বদিকে ধেয়ে চললাম। সাগর, পাহাড়

পেরিয়ে—এখনো চোঁখের সামনে দেখতে পাচ্ছি, কোথা দিয়ে কোথা উড়ে যাচ্ছিলাম আমরা। এক জায়গায় এসে থামলো ও। নিচে তাকিয়ে দেখলাম চাঁদের রূপালি আলোয় চক চক করছে পোড়-এর ধসে পড়া প্রাসাদগুলো। তার ওপাশে, খুব বেশি দূরে নয়, সেই উপসাগর, যেখান দিয়ে আমরা পৌঁছেছিলাম ওখানে।

‘বিস্তৃত জলাভূমির ওপর দিয়ে উড়ে গিয়ে ইথিওপিয়ানের মাথার ওপর থামলাম আমরা। চারপাশে তাকাতে দেখলাম ডাউ-এর সঙ্গে সাগরে তলিয়ে গিয়েছিলো, সেই আরবগুলোর মুখ। আবুতি-ভরা চোখে তাকিয়ে আছে আমাদের দিকে। জ্বকেও দেখলাম ওদের ভেতর। করুণ ভঙ্গিতে একটু হেসে ও মাথা নাড়লো, ভাব-খানা আমাদের সঙ্গে যেতে চায় কিন্তু জানে, পারবে না।

‘আবার উড়ে চললাম আমরা সাগরের ওপর দিয়ে, বালুময় মরু-ভূমির ওপর দিয়ে, তারপর আরো সাগর। অবশেষে নিচে দেখতে পেলাম ভারতীয় উপকূল। এবার উত্তরমুখী যাত্রা শুরু হলো আমাদের। সমভূমির ওপর দিয়ে উড়ে পাহাড়ী এলাকায় পৌঁছলাম। অনন্ত তুষারের টুপি পরা পাহাড়ের ওপর দিয়ে উড়ে চললাম আমরা। মুহূর্তের জন্যে থামলাম এক মালাভূমির কিনারে একটা দালানের ওপর। ওটা একটা মঠ, সন্ন্যাসীদের দেখলাম, বাঁধানো চাতালে বসে প্রার্থনা করছে। মঠটার চেহারা এখানে মনে আছে আমারঃ অর্ধচন্দ্রের মতো দেখতে, সামনে বসে থাকা ভঙ্গিতে বিশাল এক প্রতিমা। কেন জানি না মনে হলে, তিব্বতের দূরতম সীমান্তের আকাশে পৌঁছেছি আমরা। সামনে বিস্তীর্ণ সমভূমি। কোনোদিন কোনো মানুষের পা ওখানে পড়েছে কিনা জানি না। তার ওপাশে অসংখ্য পাহাড় চূড়া—শত শত। সবগুলোর মাথায় রূপালি বরফের

মুকুট।

‘মঠটার পাশে সমভূমির ভেতর দিকে ঢুকে গেছে একটা পাহাড়, অনেকটা সাগরে ঢুকে যাওয়া পাহাড়ী অন্তরীপের মতো। ওটার ডুবার ছাওয়া চুড়ায় দাঁড়িয়ে অপেক্ষা করতে লাগলাম আমরা। তারপর একসময় আচমকা একটা আলোক স্তম্ভ এসে পড়লো আমাদের পায়ের কাছে। ঐ স্তম্ভের ওপর দিয়ে পিছলে নেমে যেতে লাগলাম আমি আর আয়শা। নামার সময় দূরে তাকিয়ে দেখলাম আরেকটা বিশাল সমভূমি। অনেকগুলো গ্রাম সেখানে। বিরাট এক মাটির স্তূপের ওপর একটা নগর। অবশেষে উঁচু এক চুড়ায় পৌঁছলাম। চূড়াটা ক্রুঞ্জ আনসাতা মানে মিসরীয়দের জীবনের প্রতীক-এর মতো দেখতে। আগুনের লেলিহান শিখা বেরিয়ে আসছে ওপাশের এক জ্বালামুখ থেকে। কিছুক্ষণ দাঁড়িয়ে রইলাম আমরা চূড়াটার ওপর। একসময় আয়শার সেই ছায়ামূর্তি হাত তুলে ইশারা করলো নিচের দিকে। একটু হাসলো। তারপর মিলিয়ে গেল। এর পরই ঘুম ভেঙে গেল আমার।

‘হোরেস, আমি বলছি, সংকেত এসে গেছে। এবার যেতে হবে আমাদের।’

অন্ধকারে মিলিয়ে গেল লিওর কণ্ঠস্বর। স্থির বসে রইলাম আমি। নড়াচড়ার শক্তিও যেন লোপ পেয়েছে। লিওর এগিয়ে এসে আমার হাত ধরলো।

‘ঘুমিয়ে পড়লে নাকি?’ হাতটা মুঠুনি দিয়ে জিজ্ঞেস করলো ও। ‘কথা বলছো না কেন, আম?’

‘না,’ জবাব দিলাম, ‘এর চেয়ে সজাগ কখনো ছিলাম না। একটু

ভাবতে দাও আমাদের ।’

বিছানা ছেড়ে উঠলাম আমি । ধীর পায়ে গিয়ে দাঁড়লাম খোলা জানালার সামনে । পর্দা সরিয়ে চোখ মেলে দিলাম নিঃসীম আকাশের দিকে । লিও এসে দাঁড়ালো আমার পাশে গায়ে গা ঠেকিয়ে । অনুভব করলাম প্রবল শীতে যেমন ঠক ঠকিয়ে কাঁপে তেমন কাঁপছে ওর শরীর ।

‘বলছো সংকেত,’ মূহুর্তে আমি বললাম, ‘কিন্তু আমি তো ভয়ানক এক স্বপ্ন ছাড়া আর কিছু ভাবতে পারছি না একে ।’

‘স্বপ্ন না, হোরোস,’ ফেটে পড়লো লিও, ‘এ হলো অলৌকিক দর্শন ।’

‘বেশ মানলাম । কিন্তু অলৌকিক দর্শনেওতো সত্যি মিথ্যে আছে । এটা যে সত্যি তা কি করে জানছি আমরা ? শোনো, লিও, আমি যতটুকু বুঝতে পারছি, আয়শাকে হারিয়ে যে নিঃসঙ্গতার বোধে তুমি আক্রান্ত হয়েছো তা থেকেই উঠে এসেছে ঐ স্বপ্ন । কিন্তু ছনিয়ার সব প্রাণীই কি অমন নিঃসঙ্গ নয় ? তুমি দেখেছো আয়শার ছায়ামূর্তি এসে দাঁড়িয়েছে তোমার কাছে, তোমার পাশ থেকে কখনো সরেছে ওটা ? তুমি দেখেছো, সাগর, পাহাড়, সমভূমি তারপর সেই স্মৃতিময় অভিশপ্ত জায়গার ওপর দিয়ে ও নিয়ে আসে তোমাকে । কোথায় ? রহস্যময়, অজানা, অনাবিষ্কৃত এক চূড়ায় । তার মানে কি ? যত্নের ওপারে জীবনের যে চূড়া সেদিকেই ও পথ দেখিয়ে নিয়ে গেছে তোমাকে । তোমার স্বপ্ন

‘ওহ্ ! থামো তো !’ চিৎকার করলো লিও । ‘আমি যা দেখেছি তা দেখেছি এবং সে অনুযায়ী-ই আমি কাজ করবো । তুমি কি করবে তা তোমার ভাবনা । কালই আমি ভারতের পথে যাত্রা করবো । তুমি গেলে যাবে, না গেলে আমার কিছু বলার নেই । আমি একাই



যাবো।’

‘অত উত্তেজিত হয়ো না লিও। তুমি ভুলে যাচ্ছে। আমার কাছে কোনো সংকেত এখনো আসেনি। তুমি যে স্বপ্ন দেখেছো তা যদি আমি-ও দেখতাম আমার কোনো সংশয় থাকতো না। কিন্তু মাত্র কয়েক ঘণ্টা আগে যে ছেলে আত্মহত্যা করতে চাইছিলো সে-ই যদি কয়েক ঘণ্টা পরে মধ্য এশিয়ার বরফের রাজ্যে মরতে যেতে চায় তার সঙ্গে কে যেতে রাজি হবে? তোমার কি মনে হয় আয়শা মহিলা দালাইলামা বা ঐ ধরনের কিছু একটা হয়ে পুনর্জন্ম নিয়েছে মধ্য এশিয়ায়?’

‘এ নিয়ে কিছু ভাবিনি আমি। কিন্তু যদি আসেই অশ্চর্য হওয়ার কি আছে? কোর-এর সেই গুহার কথা এর ভেতরেই ভুলে গেলে? জীবিত আর মৃত ক্যালিক্রেটিস মুখোমুখি হয়নি? আয়শা যে শপথ করেছিলো ও আবার আসবে—হ্যাঁ এই পৃথিবীতে, তা-ও ভুলে গেছো? পুনর্জন্ম ছাড়া আর কিভাবে তা সম্ভব?’

এ প্রশ্নের কোনো জবাব আমি দিতে পারলাম না। নিজের মনের সঙ্গে লড়াই চলছে আমার।

‘আমার কাছে কোনো সংকেত এখনো আসেনি,’ কিছু বিস্তার করে বললাম আমি। ‘এ নাটকে আমারও একটা ভূমিকা আছে, গুরুত্বপূর্ণ কিছু নয় যদিও, তবু ভূমিকা তো।’

‘হ্যাঁ,’ বললো লিও, ‘তোমার কাছে কোনো সংকেত এখনো আসেনি। এলেই ভালো হতো, হোমস, আমার মতো তুমিও নিঃসংশয় হতে পারতে ...’

চুপ করে গেল লিও। আমিও আর কিছু বললাম না। নিঃশব্দে দাঁড়িয়ে রইলাম দু’জন আকাশের দিকে তাকিয়ে।

বন্ধ। বিক্ষুব্ধ একটা ভোর এগিয়ে আসছে। কালো মেঘ স্তূপের পর স্তূপ হয়ে জমছে সাগরের ওপর। একটা স্তূপের চেহারা ঠিক পাহাড়ের মতো। অলস ভঙ্গিতে দেখছি আমরা। প্রতি মুহূর্তে আকার বদলাচ্ছে সেটা। চূড়াটা ধীরে ধীরে ছালামুখর চেহারা নিলো। এবং একটু পরে তা থেকে প্রায় ছিটকে বেরিয়ে এলো মেঘের একটা স্তম্ভ। তার মাথায় একটা গোল পিণ্ড মতো। হঠাৎ উঠে আসা সূর্যের রশ্মি পড়লো এই মেঘের পাহাড় আর তার চূড়া থেকে উঠে আসা স্তম্ভে। সঙ্গে সঙ্গে তুষারের মতো শাদা হয়ে গেল ওগুলো। আবার আকার বদলাতে লাগলো। ধীরে ধীরে শীর্ণ হয়ে আসছে স্তম্ভটা। যেন গলে গলে পড়ছে বরফের স্তূপ। খামের ওপরে পিণ্ডটাও ছোট হচ্ছে একটু একটু করে। এক সময় মিলিয়ে গেল ছোটোই। পাহাড়ের চেহারার মেঘটা কেবল রইলো, কালির মতো কালো।

‘দেখ, হোরেস,’ নিচু অথচ উদ্বেজিত গলায় লিও বললো, ‘ঠিক এই চেহারার একটা পাহাড়ই আমি দেখেছিলাম। ঐ যে চূড়ার ওপাশটায় দাঁড়িয়ে ছিলাম আমি আর আয়শা। আর ঐ পেছনে দেখেছিলাম আগুনের শিখা। হোরেস, সংকেতটা মনে হচ্ছে আমাদের ছ’জনের জন্যেই!’

কিছু বললাম না আমি। তাকিয়ে রইলাম যতক্ষণ পাহাড়ের মতো মেঘটা এলোমেলো হয়ে মিশে গেল অন্য মেঘের সঙ্গে। তারপর লিওর দিকে ফিরলাম।

‘তোমার সঙ্গে যাচ্ছি আমি, লিও।’

## দুই

ষোল বছর কেটে গেছে সেই বিনিদ্র রজনীর পর। আমরা দু'জন, আমি আর লিও, এখনো ঘুরছি, এখনো খুঁজছি মিস্টারীর জীবনের প্রতীক-আকৃতির সেই পাহাড় চূড়া।

এই দীর্ঘ সময়ে অনেক রোমাঞ্চকর ঘটনা ঘটেছে আমাদের জীবনে। লিওতে গেলে মোটা মোটা কয়েকটা বই হয়ে যাবে। পাঁচ বছর তিব্বতের এখানে সেখানে ঘুরেছি, এর বেশির ভাগ সময় কেটেছে বিভিন্ন মঠে। অতিথি হয়ে থেকেছি। সেখানে লামাদের আচার আচরণ, ঐতিহ্য সম্পর্কে যথাসম্ভব জ্ঞানার্জনের চেষ্টা করেছি। এখানে একবার গ্রেফতার হই আমরা। অপরাধ, নিষিদ্ধ এক প্রাচীন নগরীতে ঢুকে পড়েছিলাম। বিচারে প্রাণ-দণ্ড দেয়া হয় আমাদের। ভাগ্যক্রমে এক চৈনিক রাজপুরুষের সহায়তায় পালাতে পারি আমরা।

তিব্বত ছাড়ার পর পূর্ব, পশ্চিম আর উত্তরে হাজার হাজার মাইল পথ হেঁটেছি। চীন দেশের অসংখ্য উপজাতীয় গোত্রের সান্নিধ্যে এসেছি। অনেক নতুন ভাষা শিখেছি—শিখেছি না বলে স্লা উচিত শিখতে হয়েছে। এভাবে আরো দু'বছর চলে গেল, কিন্তু আমাদের ভ্রমণ শেষ হলো না। যা খুঁজছি তা এখনো পাইনি, কি করে শেষ হবে ?

ঘুরতে ঘুরতে অবশেষে এমন এক জায়গায় গিয়ে পৌঁছলাম যেখানে এর আগে কোনো ইউরোপীয়ের পা পড়েনি। তুর্কিস্তান নামের সেই বিশাল দেশের এক অংশে বিরাট এক হ্রদ আছে। নাম বল-কাশ। এই হ্রদের উপকূল ধরে, দীর্ঘ পথ হাঁটলাম আমরা। পশ্চিম দিকে প্রায় দুশো মাইল যাওয়ার পর এক উঁচু গিরিশ্রেণীর কাছে পৌঁছলাম। মানচিত্রে যার পরিচয় দেয়া হয়েছে আরকাতি ও উ বলে। এক বছর কাটলো এখানে। অন্তসন্ধান চললো। কিন্তু লাভ হলো না। আবার পূর্ব মুখে যাত্রা করলাম। প্রায় পাঁচশো মাইল যাওয়ার পর চেরগা নামের আরেক গিরিশ্রেণীর কাছে এলাম।

এখান থেকে শুরু হলো আমাদের আসল অভিযান। চেরগা পর্বতমালার এক শাখায়—মানচিত্রে এর কোনো নাম খুঁজে পাইনি—না খেয়ে প্রায় মরতে বসেছি। শীত আসছে, সব পাহাড়ী জন্তু-জানোয়ার নিরাপদ আশ্রয়ে লুকিয়ে পড়েছে। সেজন্য বেশ কয়েক-দিন ধরে কোনো শিকার পাইনি। কয়েকশো মাইল দক্ষিণে দেখা হয়েছিলো শেষ মানুষটার সঙ্গে। তার কাছে জেমেছিলাম এই পাহাড় শ্রেণীর কোথাও একটা মঠ আছে। অত্যন্ত ধর্মনিষ্ঠ এক লামা-চক্র সেখানে বাস করে। লোকটা বলেছিলো, আক্ষকের পৃথিবীর কোনো দেশের দাবি নেই সেই ভূ-খণ্ডের উপর, সম্ভবত এই জায়গার অস্তিত্বের কথাই জানে না কোনো দেশ। কোনো উপ-জাতীয় গোত্র-ও নেই আশেপাশে। শুধুমাত্র এই লামারাই ওখানকার একমাত্র বাসিন্দা। কথাটা বিশ্বাস করিনি আমাদের। তবু কেন জানি না মঠটা খুঁজছি আমরা। হয়তো যে কারণে ডুবন্ত মানুষ খড়কুটো আঁকড়ে ধরতে চায় সে কারণে।

সঙ্গে কোনো খাবার নেই, 'আরগাল' মানে আগুন ঝালানোর রিটার্ন অভ শী

কোনো উপকরণ নেই। চাঁদের আলোয় সারারাত ধরে হেঁটে চলেছি আমরা। একটা মাত্র ইয়াক আমাদের সঙ্গী; পথ প্রদর্শক হিসেবে যাদের সঙ্গে এনেছিলাম তাদের শেষ জন মারা গেছে এক বছর আগে।

অসম্ভব কষ্ট সহিষ্ণু আমাদের ইয়াকটা। আমাদের মতো ওটাও এখন শেষ দশায় পৌঁছেছে। খুব যে বেশি বোঝা বহিতে হচ্ছে তা নয়। কিছু রাইফেলের গুলি, এই শ দেড়েক হবে; আর তুচ্ছ কিছু জ্বিনিসপত্র, যেমন, ছোট একটা খলেতে কিছু সোনা আর রূপার মুদ্রা, সামান্য চা, আর কয়েকটা চামড়ার কম্বল ও ভেড়ার চামড়ার পোশাক—ব্যস এই আমাদের মালপত্র।

গিরিশ্ৰেণীকে ডান পাশে রেখে তুষারের একটা মালভূমি পেরোলাম আমরা। তারপরই লম্বা করে একটা শ্বাস টেনে দাঁড়িয়ে পড়লো ইয়াকটা। আমাদের-ও থামতে হলো। উপায় নেই এছাড়া। চামড়ার কম্বল গায়ে জড়িয়ে তুষারের ওপর বসে রইলাম ভোরের অপেক্ষায়। একটু পরে ইয়াকটাও বসলো আমাদের পাশে।

‘শেষ পর্যন্ত বোধহয় ওকে মারতেই হবে, লিও,’ হতভয় ইয়াক-এর পিঠে একটা চাপড় মেরে আমি বললাম। ‘এবার ওর মাংস কাঁচা খেতে হবে।’

‘কাল সকালেই হয়তো শিকার পেয়ে যাবো আমরা।’ আশাবাদী মূর লিওর কণ্ঠে।

‘না-ও পেতে পারি। সেক্ষেত্রে ওকে না মারলে আমাদেরই মরতে হবে।’

‘মরবো। আমাদের পক্ষে যদূর সম্ভব আমরা করেছি।’

‘নিশ্চয়ই, লিও, যথাসাধ্য করেছি। ষোল বছর পাহাড়ে পাহাড়ে

‘তুমি মাড়িয়ে চলাকে যদি এক রাতের স্বপ্ন হিসাবে কল্পনা করে নেয়া যায় তাহলে ঠিকই বলেছো।’

খোঁচাটা লাগলো লিওর মনে।

‘তুমি জানো আমি কি বিশ্বাস করি,’ গম্ভীর গলায় বললো ও।

তারপর ছ’জনেই চুপ। সত্যি কথা বলতে কি আমিও লিওর মতোই বিশ্বাস করি, খামোকা এই প্রচণ্ড পরিশ্রম করিনি; আমাদের এও কষ্ট বিফলে যাবে না।

রাত শেষ হলো। ভোরের আলোয় উদ্বিগ্নচোখে একে অপরের দিকে তাকালাম। সভ্য কেউ দেখলে নিখাত বুনো জন্তু ভাবতো আমাদের। লিওর বয়স এখন চল্লিশের ওপরে। বয়স বাড়ার সঙ্গে সঙ্গে নহজাত এক গাম্ভীর্য এসেছে ফলে আরো আকর্ষণীয় হয়ে উঠেছে ওর চেহারা। গত বছরগুলোর কঠোর পরিশ্রমে ইম্পাতের মতো কঠিন হয়ে উঠেছে পেশী। চুলগুলো দীর্ঘ হয়ে নেমে এসেছে ঘাড় ছাড়িয়ে। সিংহের সোনালালি কেশরের মতো লাগছে দেখতে। দাড়িও লম্বা হয়ে ঝুলে পড়েছে বুকের ওপর। মুখের যেটুকু এখনও দেখা যায় সেটুকু দেখেই বিমোহিত হতে হয়।

আর আমি—যেমন ছিলাম তেমনই আছি—কুৎসিত, কদাকার। বয়স ষাটের ওপর হয়ে গেছে, কিন্তু শক্তি সামর্থ্য এক বিন্দু কমেনি, বরং মাঝে মাঝে মনে হয় একটু যেন বেড়েছে। শরীর আগের মতো এখনো পেটা লোহার মতো। আশ্চর্য হওয়ার মতো ব্যাপার হলো, গত ষোল বছরে ছুঁচটনার কবলে পড়েছি বেশ কয়েকবার কিন্তু অশুস্থ হইনি একবারের জন্যেও—না জ্বর, না লিও। কঠোর পরিশ্রম আমাদের শরীরকে সত্যি সত্যিই যেন লোহায় রূপান্তরিত করেছে। নাকি আমরা অনন্ত প্রাণের সৌরভ বুক ভরে টেনে নিয়েছিলাম তাই

এমন হয়েছে ?

রাত শেষ হতেই রাতের ভয়গুলো কেটে গেছে। অনাহারে মরার  
দুশ্চিন্তাও আর নেই। কাল ছপুরের পর কিছু খাইনি, প্রায় সারারাত  
হেঁটেছি, তবু খুব একটা ক্ষুধা বা ক্রান্তি বোধ করছি না। ধীরে ধীরে  
উঠে দাঁড়ানাম আমরা। ঘাড় ঘুরিয়ে তাকানাম চারপাশে। সামনে  
এক ফালি উর্বর জমি, তার ওপাশ থেকেই শুরু হয়েছে বিস্তৃত মরু-  
ভূমি। গাছহীন, জলহীন, বালুময়। শীতের প্রথম তুষার ছড়িয়ে  
ছিটিয়ে পড়ে আছে এখানে সেখানে। তার ওপাশে প্রায় আশি কি  
একশো মাইল দূরে মাথা তুলেছে একসারি পাহাড়। অসংখ্য বরফ  
ছাওয়া শাদা চূড়া অস্পষ্টভাবে হলেও দেখতে পাচ্ছি এখান থেকে।

সূর্যের প্রথম রশ্মি যখন সেগুলোর ওপর পড়লো, আমার মনে  
হলো, বিশেষ কিছু একটা যেন ধরা পড়েছে লিওর দৃষ্টিতে। ভুরু  
কুঁচকে তাকিয়ে আছে সে পেছন দিকে।

‘দেখ, হোরেস, ঐ যে ওখানে,’ বিবর্ণ বিরাট কিছু একটার দিকে  
ইশারা করলো লিও। যে জ্বিনিসটা দেখাতে চাইছে ইতিমধ্যে সেটার  
ওপরেও আলো পড়েছে। আমাদের যে পাশে মরুভূমি তার উল্টো-  
পাশে প্রকাণ্ড এক পাহাড়। এখান থেকে অল্পদূরত্বমাইল দূরে  
ওটার চূড়া। পাহাড়টা ঢালু হতে হতে যেখানে এসে মরুভূমির সঙ্গে  
মিশেছে সেখানে দাঁড়িয়ে আছি আমরা।

প্রথমে পাহাড়টার চূড়া কেবল আলোকিত হয়েছে। তারপর সূর্য  
যতই ওপরে উঠতে লাগলো ততই বন্যার তোড়ের মতো আলো  
নেমে আসতে লাগলো পাহাড়ের গা বেয়ে। অবশেষে আমাদের  
শতিনেক ফুট ওপরে ছোট এক অধিত্যকায় পৌঁছলো সূর্য-রশ্মি।  
সেখানে, অধিত্যকার কিনারে বসে আছে বিরাট এক মূর্তি। মরু-

ভূমির দিকে প্রসারিত তার দৃষ্টি। বিপুলায়তন বুদ্ধ। মৃত্তির পেছনে  
হলুদ পাথরে তৈরি অর্ধচন্দ্রাকৃতির একটা মঠ।

‘শেষ পর্যন্ত!’ চিৎকার করে উঠলো লিও, ‘ওহ, ঈশ্বর! পেয়েছি  
শেষ পর্যন্ত!’ ছ’হাতে মুখ ঢাকলো ও। ফোঁপাতে ফোঁপাতে হাঁটু  
গেড়ে বসে পড়লো। তারপর ধীরে ধীরে উপুড় হয়ে মুখ ওঁজ  
দিলো তুষারে।

কিছুক্ষণ ওভাবে ওকে পড়ে থাকতে দিলাম। নিজের হৃদয় দিয়ে  
আমি বুঝতে পারছি কি ঝড় চলছে ওর হৃদয়ে। ইয়াকটার কাছে গিয়ে  
দাঁড়ালাম। হতভাগ্য ছদ্মটা আমাদের আনন্দের কণামাত্র ভাগও  
নিতে পারছে না। ক্ষুধার্ত চোখে চারদিকে তাকাচ্ছে কেবল। চামড়ার  
কম্বল আর পোশাকগুলো ভাঁজ করে তুলে দিলাম তার পিঠে।  
তারপর ফিরে এলাম লিওর কাছে। একটা হাত রাখলাম ওর কাঁধে।

‘ওঠো, লিও,’ বললাম আমি। ‘জায়গাটা যদি জনশূন্য না হয়,  
ওখানে আমরা খাবার এবং আশ্রয় পাবো। চলো, শিগগিরই ঝড়  
উঠবে মনে হচ্ছে।’

নিঃশব্দে উঠে দাঁড়ালো ও। দাড়ি এবং কাপড় থেকে তুষার ঝেড়ে  
ফেললো। তারপর আমার সঙ্গে হাত লাগালো তৈলী ইয়াকটাকে  
দাঁড় করাবার জন্যে। আশ্চর্য এক প্রশান্তিময় আনন্দ-হৃদয় হুঁতু হুঁতু  
ওর মুখ থেকে।

তুষার ছাওয়া ঢাল বেয়ে উঠতে শুরু করলাম আমরা। টানতে  
টানতে নিয়ে চলেছি ইয়াকটাকে।

মালভূমির কিনারে পৌঁছে গেলাম এক সময়। সামনে দেখতে  
পাচ্ছি হলদে পাথরে গড়া মঠটা। কিন্তু ওতে মানুষজন আছে বলে  
তো মনে হচ্ছে না। তুষারের ওপর একটা পায়ের ছাপও নজরে



পড়ছে না। জায়গাটা পড়ো নাকি ? কথাটা মনে হতেই দমে গেলাম আমি। চারপাশ ভালো করে দেখে মঠের ওপর দিকে দৃষ্টি ফেললাম। সঙ্গে সঙ্গে লাফিয়ে উঠলো আমার হৃদয়। সুরু একটা ধোঁয়ার রেখা বেরুচ্ছে চিমনি দিয়ে।

মঠের কেন্দ্রস্থলে বড়ো একটা দালান, নিঃসন্দেহে মন্দির ; কিন্তু ওদিকে গেলাম না আমরা। সামনে খুব কাছেই দেখতে পাচ্ছি একটা দরজা। এটার প্রায় ওপরেই ধোঁয়া উঠতে দেখেছি। এগিয়ে গিয়ে ধাক্কা দিলাম দরজায়। সেই সঙ্গে চিৎকার।

‘দরজা খুলুন ! দরজা খুলুন ! আমরা পথিক, আপনাদের দয়া ভিক্ষা করছি।’

প্রথমে কিছুক্ষণ কোনো সাড়াশব্দ পাওয়া গেল না। তারপর হাঙ্কা একটা পদশব্দ ভেসে এলো। খেমে গেল। ক্যাচ-কুঁচ আওয়াজ তুলে খুললো দরজা। জীর্ণ হালুদ কাপড়ে মোড়া থুথুরে এক বড়োকে দেখলাম।

‘কে ! কে ?’ জিজ্ঞেস করলো বৃদ্ধ, শিং-এর চশমার ভেতর দিয়ে পিটপিট করে তাকিয়ে আছে আমাদের দিকে। ‘কে তোমরা আমাদের শাস্তি ভঙ্গ করতে এসেছো !?’

‘পথিক,’ বৃদ্ধের ভাষাতে-ই জবাব দিলাম আমি। ‘নিরীহ, শাস্তি-প্রিয় পথিক, অনাহারে মৃত প্রায়, আপনাদের দয়া চাই।’

শিং-এর চশমার ভেতর দিয়ে তীক্ষ্ণ চোখে তাকালো বৃদ্ধ আমাদের মুখের দিকে। তারপর পোশাকের দিকে। ওর মতো আমাদের পরনেও জীর্ণ লামাদের পোশাক।

‘তোমরা লামা ?’ সন্দেহের সুর বৃদ্ধের গলায়। ‘কোন মঠের ?’

‘লামা অবশ্যই,’ জবাব দিলাম আমি, ‘মঠের নাম পৃথিবী, যেখানে,

হার ! সবারই খিদে পায় ।’

জবাব শুনে মনে হলো বেশ খুশি হলো বৃদ্ধ । মুখ টিপে একটু হেসে মাথা নাড়লো ।

‘অপরিচিত লোকদের মঠে ঢুকতে দেয়া আমাদের নিয়ম বিরুদ্ধ । আমাদের ধর্মাবলম্বী হলেও না হয় একটা কথা ছিলো । তা যে তোমরা নও তা তোমাদের চেহারা দেখেই বুঝতে পারছি।’

‘কুখ্যাত সাহায্য-প্রার্থীকে বিমুখ করা-ও আপনাদের নিয়ম বিরুদ্ধ,’ বলে এ প্রসঙ্গে বৃদ্ধের বহুল প্রচলিত একটি বাণী আওড়ালাম ।

চমৎকৃত হলো বৃদ্ধ লামা । ‘বুঝতে পারছি পেটে বিদ্যা আছে তোমাদের । এমন মানুষদের আশ্রয় দিতে অরাজি হবো না আমরা । ভেতরে এসো, বিশ্বমঠের ভাইরা । দাঁড়াও, দাঁড়াও, তোমাদের সঙ্গে ওটা কি? ইয়াক । ও-ও মনে হয় আমাদের দয়া চায়,’ বলতে বলতে ঘুরে দাঁড়িয়ে দরজার পাশে ঝোলানো একটা ঘণ্টা বাজালো সে ।

কয়েক সেকেন্ডের ভেতর আরেকজন লোক এসে দাঁড়ালো । প্রথম জনের চেয়েও বেশি এর বয়েস, অন্তত চেহারা তাই বলছে । মুখের চামড়ায় শত শত ভাঁজ । আমাদের দেখে হাঁ হয়ে গেল তার মুখ ।

‘ভাই,’ প্রথম বৃদ্ধ বললো, ‘অতবড় হাঁ করে খোঁকা না, অন্তত আত্মারা তোমার পেটে ঢুকে পড়বে ওখান দিয়ে । এই ইয়াকটাকে নিয়ে যাও, অন্য জন্তুগুলোর সাথে বেঁধে রাখো, আর খাবার দিও।’

ইয়াকের পিঠ থেকে আমাদের মালপত্রগুলো খুলে নিলাম । দ্বিতীয় বৃদ্ধ, যার পদবী ‘পশু-পতি’ ওকে নিয়ে চলে গেল ।

বৃদ্ধ সন্ন্যাসী, যার নাম কেউ-এন, পথ দেখিয়ে একটা ঘরে নিয়ে গেল আমাদের । একই সাথে বসি এবং রান্নার কাজে ব্যবহার হয় ঘরটা । মঠের অন্যান্য সন্ন্যাসীদের দেখলাম এখানে । সব মিলে

বারোজন। আগুনের সামনে গোল হয়ে বসে আছে। একজন সকালের খাবার রান্না করছে, অন্যরা আগুন পোহাচ্ছে। সব কজনই বৃদ্ধ। সবচেয়ে তরুণ যে জন তারও বয়েস পঁয়ষট্টির কম না। গম্ভীর ভঙ্গিতে সবার সঙ্গে আমাদের পরিচয় করিয়ে দিলো কোউ-এন : 'যে মঠে সবারই খিদে পায় সেই বিশ্ব মঠের লামা এরা।'

আমাদের দিকে তাকালো ওরা। শীর্ণ হাতগুলো ঘষলো তালুতে তালু লাগিয়ে। মাথা নুইয়ে সম্মান জানালো। অবশেষে কথা বললো একজন : 'আপনাদের আগমনে অত্যন্ত আনন্দিত আমরা।'

শুধু কথায় নয়, কাজেও ওরা সে প্রমাণ দিলো। হাত মুখ ধোয়ার জন্যে পানি গরম করলো একজন, দু'জন উঠে চলে গেল আমাদের জন্যে একটা কামরা সাজিয়ে গুঁছিয়ে ফেলতে, অন্যরা আমাদের গা থেকে খুলে নিলো দীর্ঘ ব্যবহারে নোংরা হয়ে যাওয়া পোশাকগুলো। পা থেকে বুটগুলোও খুলে নেয়া হলো। তার বদলে চটি দিলো পরার জন্যে। তারপর নিয়ে গেল অতিথি কুঠুরিতে। আগুন ঝেলে দেয়া হলো ঘরের মাঝখানে। বিশ্বয়ের ওপর বিশ্বয়। এরপর পরিষ্কার কাপড় এনে দেয়া হলো আমাদের পরার জন্যে, তার ভেতর লিনেনও আছে। সব প্রাচীন কালের, দেখলেই শেখা যায় খুব উচ্চ মানের জিনিস, যদিও পুরনো হয়ে গেছে।

আমাদের রেখে চলে এলো সন্ন্যাসীরা। আমরা হাত মুখ ধুয়ে নিলাম। ভালো করে ধুয়ে নিলাম—প্রায় মাসিক বলা যেতে পারে। তারপর আমাদের দেয়া পরিষ্কার পোশাক পরলাম। লিওর কাপড়টা একটু ছোট হয়েছে। এ ঘরেও দু'দু'জার কাছে বুলছে একটা ঘণ্টা। বাজাতেই এক লামা হাজির হলো। আমাদের নিয়ে এলো রান্না-ঘরে। সেখানে তখন খাবার পরিবেশন করা হচ্ছে। এক ধরনের

পরিষ্কার আর সদ্য দোয়ানো দুধ -পুস্ত-পতি ছুইয়ে এনেছে। এতাত্তা আমাদেবর সন্মানে বিশেষ ভাবে ব্যবস্থা করা হয়েছে শুকনো মাছ আর মাখন দেয়া চায়েবর। খেতে গিয়ে মনে হলো এমন সুস্বাদু খাবাব জীবনে আর খাইনি। প্রচুর পরিমাণে খেলাম। আমাদেবর গোত্রাণে খাওয়া দেখে চোখ বড় বড় হয়ে গেল সন্ন্যাসীদেবর।

‘বিশ্ব-মঠেবর সন্ন্যাসীরা দেখাছ সত্যিই সুখার্ত।’ শেষ পর্যন্ত এক-জন বলেই ফেললো ; লোকটার পদবী খাদ্য-পতি। ‘এভাবে খেতে থাকলে আমাদেবর শীতের সঙ্কয় শেষ হতে ছ’দিনও লাগবে না।’

সুতরাং শেষ করলাম আমরা। তারপর বুদ্ধেবর বাণী থেকে দীর্ঘ এক স্তোত্র আওড়লাম।

অবাক বিশ্বয়ে তাকিয়ে রইলো বুদ্ধ সন্ন্যাসীরা। বিদেশীদেবর মুখে বুদ্ধেবর বাণী যেন তাদেবর কল্পনার-ও অতীত।

অতিথি-কুঠুরিতে ফিরে এলাম আমরা। একটানা চব্বিশ ঘণ্টা ঘুমালাম। যখন উঠলাম তখন একেবারে ঝরঝরে তাজা আমাদেবর শরীর।

পরেবর ছ’টা মাস এই পাহাড়ী মঠে কাটলো। কয়েক দিনেবর ভেতরেই সহৃদয় বুদ্ধ সন্ন্যাসীদেবর বিশ্ব-সভাজন হয়ে উঠলাম। আরো কদিন পর ওরা ওদেবর ইতিহাস শোনালো আমাদেবর।

সুপ্রাচীন কাল থেকে মঠটা আছে এখানে। আগে বেশ কয়েকশো সন্ন্যাসী থাকতো এতে। দুই শতাব্দী বৃষ্টি আর কিছু আগে হিংস্র এক উপজাতি হামলা চালায় মঠে। সন্ন্যাসীদেবর হত্যা করে দখল করে নেয় মঠটা। সামনে মরুভূমিৰ ওপাশে যে বিশাল পাহাড়ী এলাকা সেখানে বাস করে সেই উপজাতি। আগুনেবর উপাসনা করে তারা।

সন্ন্যাসীদের প্রায় সবাই নিহত হয় সে হামলায়, যে ছ'চারজন ভাগ্যক্রমে বেঁচে গিয়েছিলো ; তারা কোনো মতে পালিয়ে এসে লোকালয়ে পৌঁছে দেয় খবরটা। তারপর পাঁচ পুরুষের-ও বেশি সময় পেরিয়ে গেলেও মঠটা পুনর্দখলের কোনো উদ্যোগ নেওয়া হয়নি।

এই মঠের খুবিলগান (প্রধান পুরোহিত) আমাদের বন্ধু কোউ-এন এর যখন যৌবন কাল তখন প্রথম উদ্যোগ নেয়া হলো। ছশো বছর আগে যে সন্ন্যাসীরা নিহত হয়েছিলো তাদের মধ্যেও এক কোউ-এন ছিলো। আমাদের কোউ-এন-এর ধারণা সে সেই কোউ-এন-এর পুনর্জন্ম নেয়া রূপ। বর্তমান জীবনে তার প্রধান দায়িত্ব মঠে ফিরে যাওয়া। এবং তা যদি করতে পারে তাহলে তার পক্ষে নির্বাণ লাভ খুব কষ্টসাধ্য কিছু হবে না। আমাদের এই কোউ-এন-ই তখন এক দল উদ্যোগী মানুষ নিয়ে রওনা হলো। অনেক কষ্ট আর কতি স্বীকার করে জায়গাটা পুনর্দখল করলো তারা। প্রয়োজনীয় সংস্কার করলো মঠটার।

প্রায় পঞ্চাশ বছর আগের কথা সেটা। তারপর থেকে তারা এখানে আছে। বাইরের ছনিয়ার সঙ্গে যোগাযোগ বলতে গেলে নেই। বছরে বা ছ'বছরে এক বা ছ'কন পাঁচ মাসের পথপাড়ি দিয়ে যায় লোকালয়ে। খবরাখবর, সামান্য খাবারদাবার পোশাক পরিচ্ছদ নিয়ে ফিরে আসে। প্রথম দিকে ছ'এক বছর পর পর বাইরে থেকে সংগ্রহ করে আনা হতো সন্ন্যাসীদের। এখন লোকালয়ের বাইরে এমন পড়ো জায়গায় কেউ আর আসতে চায় না। কলে ধীরে ধীরে কমে যাচ্ছে মঠবাসীর সংখ্যা।

‘তারপর ?’ জিজ্ঞেস করলাম আমি।

‘তারপর আর কি ?’ প্রধান পুরোহিত জবাব দিলো, ‘কিছুই না।’

অনেক জ্ঞান অর্জন করেছি আমরা। চির বিদায় নেয়ার পর পুনর্জন্ম নিয়ে আবার যখন আসবো পৃথিবীতে, অনেক শাস্তিপূর্ণ হলে তখনকার জীবন। জাগতিক সব মোহ, লোভ লালসাকে জয় করতে পেরেছি, এর চেয়ে বেশি মার কি চাইবো ?’

দিনের বিরাট একটা অংশ প্রার্থনা করে কাটায় আর লোকালয়ের বাইরে, নারীসঙ্গ বিবজ্জিত অবস্থায় আছে, এছাড়া গৃহী মানুষের সঙ্গে কোনো পার্থক্য নেই এই সন্ন্যাসীদের। পাহাড়ের পাদদেশে উর্বর ভূখণ্ডে চাষ করে এরা, পশুপালন করে ; গৃহকর্ম করে। তারপর এক সময় ধুখুরে বুড়ো হয়ে গেলে মরে যায়। একটা ব্যাপার দেখলাম সন্ন্যাসীর ব্রত গ্রহণ করে আর কিছু না হোক, অস্তুত দীর্ঘ জীবন লাভ করেছে এরা।

আমরা মঠে পৌছানোর পরপরই প্রচণ্ড ঠাণ্ডা আর তুষার ঝড় নিয়ে শুরু হয়ে গেল শীত। সামনের বিশাল মরুভূমিতে পুরু তুষারের স্তর জমে গেল। শিগগিরই বুঝে ফেললাম, বেশ কয়েক মাস এখানে থাকতে হবে আমাদের। অস্তুত শীতকাল শেষ হওয়ার আগে যে এখান থেকে নড়তে পারবো না তাতে কোনো সন্দেহ নেই।

অত্যন্ত সংকোচের সাথে খুবিলগান অর্থাৎ মঠ-প্রধান কোউ-এনকে বললাম, ‘আমরা যদি কয়েকটা দিন থাকি তাহলে কি আপনাদের খুব অসুবিধা হবে ? ভাঙাচোরা কোনো ঘরে থাকতে দেবেন আমাদের, খাবার দাবার লাগবে না। পাহাড়ের ওপর একটা হুদ আছে বলেছিলেন, ওখান থেকে মাছ ধরে নেবো, তাছাড়া হারিণ-টরিণ-ও শিকার করে নিতে পারবো...’

আমাকে শেষ করতে দিলো না কোউ-এন। বাধা দিয়ে বললো,

‘হয়েছে থাক, আর বলতে হবে না। যতদিন ইচ্ছা তোমরা থাকবে এখানে। ভাঙা ঘরে থাকারও কোনো দরকার নেই, যেখানে আছে সেখানেই থাকবে। আর আমাদের যদি খাবার জোটে তোমাদেরও জুটবে। আর যা-ই হোক, ক্ষুধার্ত পখিককে দয়া না দেখানোর মতো পাপ আমরা করতে পারবো না।’

শিগগিরই আমরা বুঝে ফেললাম বুদ্ধের উদ্দেশ্য। আমাদেরকে বুদ্ধের পথের পখিক করে নিতে চায়। ওর বা ওর সন্ন্যাসীদের মতো সংসারত্যাগী লামা বানিয়ে ফেলতে চায়।

আপাতত তাতে কোনো অসুবিধা নেই আমাদের। সুতরাং আমরা পখিক হলাম। আগেও অনেক মঠে থেকেছি, বুদ্ধের শিক্ষা সম্পর্কে জ্ঞান লাভ করেছি, এবার আরেকটু ভালো করে শিখবো, তারপর সময় হলে আমরা আমাদের পথে চলে যাবো।

সন্ন্যাসীদের সাথে তত্ত্ব আলোচনা আর গৃহকর্ম করে দিন কেটে যেতে লাগলো। মাঝে মাঝে আমাদের ধর্ম নিয়ে আলোচনা করি ওদের সঙ্গে, বিশ্ব নামক মঠের গল্প শোনাই। এই সন্ন্যাসীর রাশিয়া, চায়না আর কিছু আধা বর্বর উপজাতি ছাড়া হুনিয়ার আর কোনো জাতির কথা জানে না। আমরা যখন গল্প করি তখনই করে শোনে ওরা নতুন নতুন দেশের নতুন নতুন মানুষের কথা।

‘এসব আমাদের শিখে রাখা উচিত,’ ঘোষণা করলো ওরা। ‘কে জানে আগামী জন্মে হয়তো এসব দেশের কোনো একটার বাসিন্দা হিসেবে জন্ম হবে আমাদের।’

দিন চলে যাচ্ছে। মোটামুট সুখেই আছি। কিন্তু মনে শান্তি নেই আমাদের। যার খোঁজে বেরিয়েছি কবে পাবো তাকে? বুদ্ধি দিয়ে বুঝতে পারছি, আপাতত কিছু করার নেই, শীত শেষ না হলে এখান

থেকে রওনা হতে পারবো না, তবু মনের অস্থিরতা কমছে না।

এর মাঝে একদিন আশ্চর্য এক জিনিস আবিষ্কার করে উৎফুল্ল হয়ে উঠলাম আমি। মঠের ধসে পড়া অংশে গিয়েছিলাম, কোনো কাজে নয়, এমনি জায়গাটা দেখার জন্যে। একটা কামরায় ঢুকেই চোখ কপালে উঠে গেল। রাশি রাশি হাতে লেখা বই-এ ঠাসা ঘরটা। এক পলক দেখেই বুঝলাম নিহত সন্ন্যাসীদের সময়কার জিনিস। কোউ এন-এর কাছে জানতে চাইলাম, বইগুলো আমরা উন্টে পাণ্টে দেখতে পারি কিনা। সানন্দে অনুমতি দিলো বুদ্ধ।

সত্যি কথা বলতে কি, অদ্ভুত এক সংগ্রহ ওটা। এক কথায় অমূল্য। নানা ভাষা নানা বিষয়ে লেখা এমন সব বই ওখানে আছে যার খোঁজ আজকের ছুনিয়ার কেউ এখনো পায়নি। বেশির ভাগই বুদ্ধ-দর্শন সম্পর্কে। যে জিনিসটা আমাকে সবচেয়ে বেশি আকর্ষণ করলো তা হলো বহু খণ্ডে বিভক্ত একটা দিনলিপি। যুগ যুগ ধরে মঠের খুবিলগানরা রচনা করছে। প্রতিটি গুরুত্বপূর্ণ ঘটনার সূক্ষ্মাতি-সূক্ষ্ম বর্ণনা লিপিবদ্ধ করা হয়েছে ওগুলোয়। পড়তে শুরু করলাম একটা একটা করে। অল্প কিছু দিনের ভেতর কয়েকটা খণ্ড শেষ করে ফেললাম। শেষখণ্ডগুলোর একটার পাতা ওঁকতে গিয়ে কৌতূহলোদ্দীপক এক কাহিনী জানতে পারলাম। প্রায় আড়াইশো বছর আগে অর্থাৎ প্রাচীন মঠটা ধ্বংস হওয়ার কিছু আগে লেখা ওটা। কাহিনীটার যতটুকু মনে আছে তুলে দিচ্ছি পাঠকদের জন্যে—

‘এবছর গ্রীষ্মে, ভয়ানক এক ধূলিঝড়ের পর, আমাদের মঠের এক ভাই (অর্থাৎ সন্ন্যাসী, নামটা দেয়া ছিলো, এখন আর মনে নেই রিটার্ন অভ শী



আমার) মরণাপন্ন এক লোককে মরুভূমিতে পড়ে থাকতে দেখে। মরুভূমির ওপারে যে বিশাল পাহাড়ী এলাকা সেখানকার মানুষ সে। এতদিন ঐ দেশ সম্পর্কে নানা গুজব শুনে এসেছি, এই প্রথম ওখানকার একজনকে দেখা পাওয়া গেল। আরো দু'জন লোক ছিলো ওর সঙ্গে, খাবার এবং পানির অভাবে মারা গেছে দু'জনই। যাহোক, ভীষণ হিংস্র দেখতে লোকটা, মেজাজের দিক থেকেও একগুঁয়ে। কি করে এই দুর্গম মরুভূমিতে এলো সে সম্পর্কে কিছু বলতে চাইলো না সে। আমরা অনেক অনুরোধ উপরোধ করেছিলাম, কিন্তু একটা কথাও বের করতে পারিনি তার মুখ থেকে। শুধু এটুকু বলেছিলো, প্রাচীন কালে বাইরের দুনিয়ার সাথে যোগাযোগ ছিল হয়ে যাওয়ার আগে যে রাস্তা ব্যবহার করতো তার দেশের লোকেরা, সেই পথ ধরে সে এসেছে। শেষ পর্যন্ত আমরা জানতে পারলাম, মারাত্মক কোনো অপরাধ করেছিলো বলে শুকে আর ওর দুই সঙ্গীকে মৃত্যুদণ্ড দেয়া হয়েছিলো, তাই দেশ থেকে পালিয়ে যাচ্ছিলো তারা। ওর কাছ থেকে আরো জানতে পেরেছি, ঐ পাহাড় শ্রেণীর ওপাশে চমৎকার এক দেশ আছে। অত্যন্ত উর্বর সেখানকার মাটি। তবে প্রায়ই ভূমিকম্প হয় ওখানে, অনাবৃষ্টিও সেদেশের এক প্রধান সমস্যা। এছাড়াও বিপর্যয় সৃষ্টিকারী ব্যাপার না থাকলে বলা যেতো দু'দিন কাটায় ওখানকার মানুষ।

'লোকটা বলেছিলো, ওরা খুব যুদ্ধপ্রিয় জাতি, যদিও ওদের প্রধান জীবিকা কৃষিকাজ। দেশ শাসন করে গ্রীক রাজা আলেকজান্ডারের বংশধর এক পরিবার। প্রধান শাসকের পদবী খান। কথাটা সত্যি হতেও পারে, কারণ আমাদের নথিপত্র বলছে, প্রায় দু'হাজার বছর আগে আমাদের এ-অঞ্চল জয়ের জন্যে এক সেনা-

বাহিনী পাঠিয়েছিলো ঐ গ্রীক রাজা (অর্থাৎ আলেকজান্ডার)।

‘লোকটা আরও জানায় ওদের দেশের মানুষ অমর এক পূজারি-  
ণীর উপাসনা করে, যার নাম হেস বা হেসা, যুগ যুগ ধরে সে তার  
আধিপত্য বজায় রেখেছে। আরো দূরের এক পাহাড়ে সে থাকে।  
সব মানুষ তাকে ভয় করে, পূজা করে। ক্ষমতা থাকলেও রাজ্য  
পরিচালনার ব্যাপারে সে কখনো হস্তক্ষেপ করে না। তার উদ্দেশ্যে  
কখনো কখনো বলিদান করা হয়, কেউ যদি এই পূজারিণীর রোমা-  
নলে পড়ে তবে আর তার রক্ষা থাকে না, অবশ্যই তাকে মৃত্যুবরণ  
করতে হয়। এই কারণে দেশের শাসকরাও তাকে ভয় করে।

‘এসব শুনে আমরা উপহাস করলাম লোকটাকে। বললাম, সে  
মিথ্যে বলছে। এতে সে ক্ষিপ্ত হয়ে উঠলো, চিৎকার করে ঘোষণা  
করলো, আমাদের বুদ্ধ নাকি ওদের সেই পূজারিণীর মতো ক্ষমতাবান  
নয়। আমাদের ওপর প্রতিশোধ নিয়ে সে তার প্রমাণ দেবে।

‘কিছু খাবার দিয়ে আমরা ওকে মঠ থেকে বিদায় করে দিলাম।  
“যখন ফিরে আসবো তখন টের পাবে কে সত্যি কথা বলে,” বলতে  
বলতে চলে গেল লোকটা। পরে ওর কি হয়েছিলো সে সম্পর্কে  
আর কিছু জানতে পারিনি আমরা। আমাদের ধারণা, কোনো  
এক অশুভ শক্তি ওর ছদ্মবেশে আমাদের ভয় দেখাতে এসেছিলো।’

পরদিন আমাদের সঙ্গে গ্রন্থ-কক্ষে যাওয়ার অনুরোধ করলাম খুবি-  
লগান কোউ-এনকে। তারপর কাহিনীটা পড়ে শুনিতে জিজ্ঞেস  
করলাম, এ সম্পর্কে আর কিছু সু জানেন কিনা। স্বভাবমূলভ ভঙ্গিতে  
ধীরে ধীরে মাথা দোলালো সে। কোউ-এন-এর এই ভঙ্গিটা দেখ-  
লেই কচ্ছপের কথা মনে পড়ে যায় আমার।

‘কেন, হায় কেন ?’ কৌতূহলী হয়ে জিজ্ঞেস করলাম আমি ।

‘কেন ? ওহ ! সেনাদলের কথা ভুলতে পারলেও ঐ পূজারিণীর কথা কখনো ভুলতে পারিনি । এখনো চোখের সামনে দেখতে পাই তাকে । এই একটাই পাপ আমার জীবনে, এই পাপ আমাকে পিছিয়ে দিয়েছে, না হলে অনেক আগেই মোক্ষ সাগরের উপকূলে পৌঁছে যেতে পারতাম ।

‘তার ঘর গুছিয়ে দেয়ার দায়িত্ব পড়েছিলো আমার ওপর । সবে-মাত্র কাজ শেষ করেছি, এমন সময় ঘরে ঢুকলো সে । এক দিকে ছুঁড়ে দিলো মুখাবরণ ; তারপর, ইঁা, আমার সাথে কথা বললো সে, আমি তার দিকে তাকাতে চাইছি না বোঝার পরও অনেক প্রশ্ন করলো ।’

‘কেমন—কেমন দেখতে ছিলো ?’ আগ্রহ লিওয়ার কণ্ঠস্বরে ।

‘কেমন দেখতে ছিলো ? আহ কি বলবো ! ছুনিয়ার সব সৌন্দর্য যেন ওর ভেতর পুঞ্জিভূত হয়েছিলো । তুষারের ওপর ভোর হতে দেখেছো ? বসন্তের প্রথম ফুল ? পাহাড়ের চূড়া ছাড়িয়ে আরো ওপরে সন্ধ্যাতারা ? যদি দেখে থাকো তাহলে বুঝতে পারবে ওর সৌন্দর্য কেমন । ভাই, আর কিছু জিজ্ঞেস করো না, আমি বলতে পারবো না । ওহ ! পাপ, আমার পাপ । আমি গড়িয়ে গড়িয়ে পেছনে চলে যাচ্ছি, আমাকে আর কিছু জিজ্ঞেস করো না, তোমরা আমার গোপন লজ্জা দিনের আলোয় নিষ্কাশে আসছো । না...না, আমি স্বীকার করবো, আমি স্বীকার করবো, তোমরা দেখ, আমি কি নীচ । তোমরা হয়তো তোমাদের মতোই পবিত্র ভাবছো আমাকে, কিন্তু আসলে আমি কি তা দেখ ।

‘সেই মেয়ে মানুষটা—জানি না সত্যিই সে মেয়ে মানুষ কিনা,

আমার হৃদয়ে আগুন ঝেলে দিলো, যে আগুন নেভে না, কিছুতেই নেভে না, ঝালিয়ে পুড়িয়ে খাক করে ফেলে। তারপর আরো ঝলে আরো ঝলে।' করুণ ভাবে মাথা দোলাতে লাগলো কোউ-এন। তার শিং-এর চশমার নিচ দিয়ে হু'ফোটা অশ্রু গড়িয়ে পড়েছে। 'ও—ও আমাকে ওর পূজা করিয়ে ছেড়েছে। প্রথমে আমার ধর্ম বিশ্বাস সম্পর্কে প্রশ্ন করেছে। আমি অত্যন্ত আগ্রহ নিয়ে বলেছি। আশা করছিলাম, ওর হৃদয়ে সত্যের আলো পৌঁছবে। কিন্তু আমার কথা শেষ হতেই সে বললো—

“তার মানে তোমার পথ ত্যাগের। বোকা। তোমার এই নির্বাণ হলো চমৎকার এক নিরর্থক ধারণা। যার কোনো ভিত্তি নেই। তার-চেয়ে এসো তোমাকে মহান এক দেবী আর অনেক আনন্দদায়ক এক উপাসনার পথ দেখাই।”

“কি পথ? কোন দেবী?” আমি জিজ্ঞেস করলাম।

“প্রেম ও জীবনের পথ,” জবাব দিলো সে, “যার ভেতর দিয়ে উৎপত্তি সমগ্র পৃথিবীর। হে নির্বাণপিয়াসী সন্ন্যাসী, তোমারও জন্ম এই প্রেমের ভেতর দিয়ে। আর দেবী? সে হলো প্রকৃতি।”

‘আবার আমি জিজ্ঞেস করলাম, কোথায় সেই দেবী? রাজকীয় ভঙ্গিতে উঠে দাঁড়ালো সে। সুজৌল সুউচ্চ স্বাক্ষর হাত রেখে বললো, “আমিই সে। এখন হাঁটু গেড়ে বসো, আমাকে প্রণাম করো।”

‘আমি তা-ই করলাম, ভাই হলি, ভাই নিও, আমি তা-ই করলাম। হাঁটু গেড়ে বসে তার পায়ে চুমু খেলাম। তারপরই সখিত ফিরলো আমার। লজ্জায় মাটির সাথে মিশে যেতে ইচ্ছে করলো। ছুটে পালিয়ে গেলাম সেখান থেকে। আমার পালানো দেখে হেসে উঠলো সে।

চিৎকার করে বললো : “আমি তোমার সাথে সাথেই থাকবো, ও বৃদ্ধের দাস। আমার রূপ বদলাতে পারে, কিন্তু আমি মরি না। যদি নির্বাণ লাভ করো, তখনো আমি তোমার সাথে থাকবো। যে একবার আমার কাছে প্রণত হয় তাকে আমি কখনো ছেড়ে যাই না।”

‘বাস, এখানেই শেষ, ভাই হলি।...সত্যিই ও আমাকে ছেড়ে যায়নি। তারপর যতবার পুনর্জন্ম নিয়ে এ পৃথিবীতে এসেছি, ওর স্মৃতি কুরে কুরে খেয়েছে আমাকে। জানি আগামী জন্মগুলোতেও এমনই চলবে। অনন্ত শাস্তি আমি কখনোই পাবো না...’ শীর্ণ হাতদুটো দিয়ে মুখ ঢেকে ফুঁপিয়ে উঠলো কোউ-এন।

হাস্যকর একটা দৃশ্য। মহামান্য একজন খুবিলগান, যার বয়স আশি পেরিয়ে গেছে, বাচ্চাছেলের মতো কাঁদছে, কেন? স্বপ্নে দেখা এক সুন্দরীর স্মৃতি মনে পড়ে গেছে তাই। কিন্তু আমি বা লিও মোটেই হাসলাম না, বরং অদ্ভুত এক সহমর্মিতা অনুভব করলাম কোউ-এন-এর জন্মে। পিঠে মূছ চাপড় দিয়ে সাবুনা দিলাম তাকে।

কিছুক্ষণ পর সামলে নিলো বৃদ্ধ। তারপর আরো কিছু তথ্য আদায় করার চেষ্টা করলাম তার কাছ থেকে। কিন্তু লাভ হলো না খুব একটা। বিশেষ করে যে ব্যাপারটায় আমরা আগ্রহী সেই পূজারিণীর প্রসঙ্গে নতুন প্রায় কিছুই বলতে পারলো না সে। পর দিনই সেনাদলের সঙ্গে চলে গিয়েছিলো পূজারিণী বাস এটুকুই। তবে হ্যাঁ, সে সময়কার খুবিলগানকে একটা মস্তব্য করতে শুনেছিলো কোউ-এন, তা হলো, কেন জানি না তার ধারণা হয়েছিলো, ঐ পূজারিণীই আসলে গ্রীক বাহিনীর সেনাপতি। তারই ইচ্ছায় বাহিনীটা মরুভূমি পেরিয়ে উত্তরে যাচ্ছিলো। সম্ভবত ওদিকে কোথাও নিজেকে দেবী হিশেবে প্রতিষ্ঠিত করতে চেয়েছিলো সে।

মরুভূমির ওপারে যে পাহাড়ী এলাকা সত্যিই সেখানে কোনো জনবসতি আছে কিনা, জিক্সেস করলাম কোউ-এনকে। চিন্তিত ভঙ্গিতে মাথা হুলিয়ে বৃদ্ধ বললো, তার ধারণা আছে। বর্তমানে বা পূর্ববর্তী কোনো জীবনে, ঠিক মনে নেই, সে শুনেছে, ওরা অগ্নি উপাসনা করে। আরো বললো, এক ভাই এই পাহাড়ের চূড়ায় উঠেছিলো নির্জনে সাধনা করার জন্যে। সে নাকি ঐ পাহাড়গুলোর ওপাশে আকাশে বিশাল এক অগ্নি-স্তম্ভ দেখেছে। চোখের ভুল কিনা সে সম্পর্কে অবশ্য নিশ্চিত করে কিছু বলতে পারেনি সে।

আর কিছু না বলে ধীর পায়ে গ্রন্থ-কক্ষ থেকে বেরিয়ে গেল বৃদ্ধ খুবিলগান। পরের এক সপ্তাহ সে আর আমাদের সামনে আসেনি। এ প্রসঙ্গও আর কখনো তোলেনি আমাদের সামনে।

আর আমরা, সিদ্ধান্ত নিয়ে ফেললাম, যত তাড়াতাড়ি সম্ভব উঠবো এই পাহাড়ের চূড়ায়।

## তিন

সপ্তাহ খানেকের ভেতর স্বেচ্ছায় এসে গেল

এখন শীতের মারামারি। তুষার ঝড় খেমে গেছে। সন্ন্যাসীদের কাছে শুনলাম, এসময় নাকি ‘ওভিস পোলি’ এবং আরো নানা জাতের পাহাড়ী হরিণ খাবারের খোঁজে বেরিয়ে আসে গোপন আস্তানা

ছেড়ে। শোনামাত্র লাফিয়ে উঠলাম আমরা। বললাম, ‘কালই আমরা শিকারে বেরোবো।’

প্রাণী হত্যার কথায় অভ্যস্ত মর্মান্বিত হলো বৌদ্ধ সন্ন্যাসীরা।

‘দেখুন শিকারটা আসলে মুখ্য নয়,’ বললাম আমি, ‘চার দেয়ালের মাঝে আটকা থাকতে থাকতে হাত-পায়ে খিল ধরে গেছে। সেজন্যে একটু ঘুরে ফিরে আসতে চাই। সম্ভব হলে এই পাহাড়ের চূড়ায় একবার উঠবো। শরীরের জড়তা কাটবে। এর ভেতর যদি শিকার কিছু মেলে মন্দ কি? আমাদের ধর্মে তো প্রাণী হত্যা নিষিদ্ধ নয়।’

‘বুঝলাম, কিন্তু ব্যাপারটা খুবই বিপদজনক,’ বললো কোউ-এন। ‘যেকোনো মুহূর্তে আবহাওয়ার অবস্থা খারাপ হতে পারে।’

‘খারাপ আবহাওয়ায় আমরা অভ্যস্ত, খুব একটা অসুবিধা হবে না।’

ভুরু কুঁচকে খানিকক্ষণ কি যেন ভাবলো বুদ্ধ। তারপর বললো, ‘ঠিক আছে, যাও। পাহাড়ের ঢালে একটু ওপরে একটা গুহা আছে। হঠাৎ করে যদি আবহাওয়া খারাপ হয়ে পড়ে, ওখানে আশ্রয় নিও।’

অপেক্ষাকৃত কম বয়েসী এক সন্ন্যাসী গুহাটা চিনিয়ে দেয়ার জন্যে আমাদের সঙ্গে যেতে রাজি হলো।

পরদিন ভোরে ইয়াকটার পিঠে (ইতিমধ্যে আবার তরতাজা হয়ে উঠেছে ওটা) কিছু খাবার, কাপড়-চোপড় আর একটা ছোট চামড়ার তাঁবু চাপিয়ে বেরিয়ে এলাম মঠ থেকে। পথ প্রদর্শক সন্ন্যাসীর পেছন পেছন মঠের উত্তর পাশের ঢাল বেয়ে উঠে যেতে লাগলাম চূড়ার দিকে। ছপুর নাগাদ পৌঁছে গেলাম গুহার কাছে।

চমৎকার গুহাটা। শীতের দিনে শিকারে বেরিয়ে আশ্রয় নেয়ার আদর্শ স্থান। ঘাস পাতায় ভর্তি হয়ে আছে। ঠাণ্ডা থেকে বাঁচবার জন্যে স্থানীয় অভাব হবে না।

দিনের বাকি সময়টুকু আমরা গুহায় কাটিয়ে দিলাম। রাতে থাক-  
বার জন্যে পরিষ্কার করলাম খানিকটা জায়গা। স্থানে তাবুটা  
খাড়া করলাম। তারপর গুটার সামনে বড় একটা আগুন জ্বলে ঢাল-  
গুলো পরীক্ষা করতে বেরোলাম। সন্ধ্যাসীকে বলে গেলাম, হরিণের  
পায়ের ছাপ খুঁজতে যাচ্ছি।

কিছুক্ষণ ঘোরাঘুরি করে বাছাই করলাম কোন্ ঢাল বেয়ে চূড়ায়  
উঠবো। তারপর ফিরতি পথ ধরলাম। কিছুদূর আসতেই বুনো  
ভেড়ার একটা পাল নজরে পড়লো। একই সঙ্গে গুলি বেরোলো  
আমার আর লিওর বন্দুক থেকে। ছোটো ভেড়া মরলো। আগামী  
দিন পনেরো আর খাবারের অভাব হবে না। তুষারের ওপর দিয়ে  
টানতে টানতে গুহার কাছে নিয়ে এলাম ভেড়া ছোটোকে। চামড়া  
ছাড়িয়ে গুহার ভেতর রেখে দিলাম তুষার চাপা দিয়ে।

বহুদিন পর তাজা ভেড়ার মাংস দিয়ে রাতের খাওয়া সরলাম।  
প্রাণী হত্যার ব্যাপারে দৃষ্টিভঙ্গি যা-ই হোক না কেন, সন্ধ্যাসী বাবা-  
জীও আমাদের মতোই তৃপ্তির সাথে মাংস খেলো। এরপর আগুনের  
সামনে গুটিসুটি মেরে কঞ্চল মুড়ি দিয়ে গুয়ে পড়লাম আমরা।

ভোর হলো। আবহাওয়া এখনো আগের মতোই শান্ত। আমা-  
দের পথ প্রদর্শক বিদায় নিলো। ওকে বলে দিলাম, দু-এক দিনের  
ভেতরই আমরা মঠে ফিরবো। যতক্ষণ না ছোট্ট একটা চূড়ার আড়ালে  
লোকটা অদৃশ্য হয়ে গেল ততক্ষণ অপেক্ষা করলাম আমি আর লিও।  
তারপর উঠতে শুরু করলাম ঢাল বেয়ে।

কয়েক হাজার ফুট উঁচু পাহাড়। কোনো কোনো জায়গায় প্রায়  
খাড়া হয়ে উঠে গেছে। পাহাড়ে গুটার যত কৌশল জানা আছে সব  
প্রয়োগ করে উঠে চলেছি আমরা। অবশেষে ছপুরের সামান্য আগে



পৌছলাম চুড়ায়। অপূর্ব এক দৃশ্য ভেসে উঠলো আমাদের সামনে। নিচে বিস্তৃত মরুভূমি। তার ওপাশে বরফের টুপি পরা পাহাড়-শ্রেণী। সামনে, ডানে, বাঁয়ে যেকোনো যতদূর চোখ যায় শুধু পাহাড় আর পাহাড়।

‘আঠারো বছর আগে স্বপ্নে যেমন দেখেছিলাম ঠিক তেমন ঐ পাহাড়গুলো,’ বিড়বিড় করে উঠলো লিও। ‘ঠিক তেমন। ছব্বছ এক।’  
‘আলো ছুটে এসেছিলো কোন্‌খান থেকে?’ আমি জিজ্ঞেস করলাম।

‘মনে হয় ওখান থেকে,’ উত্তর-পূর্ব দিকে ইশারা করলো ও।  
‘কিন্তু এখন তো কিছু দেখছি না।...যাক চলো ফিরি, ভীষণ ঠাণ্ডা এখানে।’

নামতে শুরু করলাম আমরা। গুহায় যখন পৌছলাম তখন সূর্য ডুবছে।

পরের চারটে দিন একই ভাবে কাটলো আমাদের। ভোরে বিপন্নক ঢাল বেয়ে উঠে যাই চুড়ায়। লিওর স্বপ্নে দেখা আলোক-স্তম্ভের খোঁজ করি। সন্ধ্যা নাগাদ ফিরে আসি গুহায়।

চতুর্থ দিন রাতে ভেতরে ঢুকে ঘূমানোর পরিবর্তে গুহার মুখে বসে রইলো লিও। বারকয়েক আমি ওকে ডাকলাম ভেতরে। ও এলো না। ঘুমিয়ে পড়লাম আমি।

মাঝরাতে লিওর ঝাঁকুনিতে ঘুম ভেঙে গেল আমার। চমকে উঠে বসলাম।

‘হোরেস!’ চিৎকার করলো ও, ‘দেখবে এসো।’

লিওর পেছনে পেছনে বেরিয়ে এলাম গুহার বাইরে। পোশাক পরার ঝামেলা পোহাতে হলো না, কারণ আমরা ওগুলো পরেই

ঘুমাই। উত্তর দিকে ইশারা করলো লিও। আমি তাকালাম। বাইরে কালো রাত। কিন্তু দূরে, বহু দূরে অস্পষ্ট এক ফালি আলো ঝল ঝল করছে আকাশের গায়ে। দেখে মনে হয় মাটিতে আগুন ঝলছে, তার আভা।

‘কি মনে হচ্ছে?’ উদ্বিগ্ন গলায় জিজ্ঞেস করলো লিও।

‘বিশেষ কিছু না। অনেক কিছুই তো হতে পারে। চাঁদ না, চাঁদ না, ভোর হচ্ছে—না, তা-ও না, ভোর হতে এখনো অনেক দেরি? কিছু ঝলছে। বাড়ি বা শ্মশান-চিতা। কিন্তু—কিন্তু এখানে ওসব আসবে কোথেকে? জানি না।’

‘আমার মনে হয় ওটা প্রতিফলন। চূড়ায় থাকলে দেখতে পেতাম কি থেকে আসছে ওটা।’

‘হ্যাঁ। কিন্তু আমরা চূড়ায় নেই, এই অন্ধকারে যাওয়া-ও সম্ভব নয়।’

‘সেক্ষেত্রে, হোরেস, অন্তত একটা রাত আমাদের ওখানে কাটাতে হবে।’

‘তারপর যদি তুষার ঝড় শুরু হয়ে যায়?’

‘কুঁকিটা আমাদের নিতে হবে, তুমি না চাইলে আমি একাই নেবো। দেখ, মিলিয়ে গেছে আলোটা।’

দেখলাম, সত্যিই তাই। ‘ঠিক আছে, কাল এনিয়ে আলাপ করা যাবে।’ আপাতত প্রসঙ্গটার ইতি টেনে ওহায় চুকলাম আমি। কিন্তু লিও বসে রইলো বাইরে।

ভোরে ঘুম থেকে উঠে দেখি নাশতা তৈরি।

‘আমি সকাল সকাল রওনা হয়ে যেতে চাই,’ ব্যাখ্যা করলো লিও।

‘পাগল হয়েছো তুমি! ও জায়গায় থাকবো কি করে আমরা?’

‘জানি না, তবে আমি যাচ্ছি। আমাকে যেতেই হবে, হোরেস।’

‘তার মানে আমাকেও যেতে হবে। কিন্তু ইয়াকটার কি হবে?’

‘যাবে আমাদের সঙ্গে। যেখানে আমরা উঠতে পারবো, সেখানে ও-ও পারবে।’

সুতরাং তল্লি-তল্লা গুটিয়ে ইয়াকের পিঠে বোঝাই দিলাম আবার। রান্না করা কিছু ভেড়ার মাংসও নিলাম সঙ্গে। তারপর রওনা হলাম। ইয়াকটা সঙ্গে থাকায় একটু ঘুর পথে উঠতে হলো। বিকেল নাগাদ পৌঁছে গেলাম চূড়ায়।

চূড়ায় উঠে প্রথমেই এক জায়গায় বুরো বুরো তুষার সরিয়ে একটা গর্ত করলাম। তাঁবু খাটালাম তার ওপর। ইতিমধ্যে সন্ধ্যা হয়ে এসেছে। তাঁবুর ভেতর নেমে পড়লাম আমরা ইয়াক আর তার পিঠের মালপত্রসহ। খাওয়া-দাওয়া সেরে অপেক্ষা করতে লাগলাম।

ওহ, সেকি ঠাণ্ডা! শূন্যের নিচে কয়েক ডিগ্রী হবে। আমাদের হাড় পর্যন্ত কাঁপিয়ে দিচ্ছে। ভাগ্য ভালো ইয়াকটাকে এনেছিলাম। ওর লোমশ শরীরের উত্তাপ না পেলে হয়তো মরেই যেতাম।

সময় পেরিয়ে যাচ্ছে। সেকেণ্ড, মিনিট, ঘণ্টা। ষাট ঘণ্টা পেরিয়ে গেল। নিকষ কালো অন্ধকার ছাড়া আর কিছু দেখতে পাচ্ছি না। বাতাসের একটানা শোঁ শোঁ আওয়াজ কেবল কানে আসছে। ঝিমুনি লেগে এলো আমার। তারপর হঠাৎ, গুনতে পেলাম লিওর কণ্ঠস্বর।

‘দেখ, হোরেস, ঐ যে ঐ তারুর নিচে।’

তাকাতেই দেখলাম দূরে আকাশের গায়ে সেই ছাতি, গতরাতে যেখানে দেখেছিলাম ঠিক সেখানে। কাল যা দেখতে পাইনি তা-ও

দেখতে পেলাম আছ। ওটার নিচে আমাদের প্রায় সোআশুজি হালকা একটা আগুনের শিখা। তার সামনে অস্পষ্টভাবে দেখা যাচ্ছে কালো কিছু একটা।

দেখতে দেখতে উজ্জ্বল হয়ে উঠলো আগুন। সামনের বামো জিনিসটা এখন স্পষ্ট দেখতে পাচ্ছি। এবং ওটা, ওহ! গায়ের ভেতর শির শির করে উঠলো আমার। জিনিসটা মাথা তুলে দাঁড়ানো একটা স্তম্ভের উপরিভাগ, তার ওপর বসানো রয়েছে একটা আংটা। হ্যাঁ, আর কিছু নয়, ওটা ক্রুস্‌স আনসাতা, মিসরীররা যাকে জীবনের প্রতীক বলে মনে করে।

প্রতীকটা মিলিয়ে গেল। আগুন ম্লান হয়ে এলো। তারপর আবার ঝলে উঠলো দাউ দাউ করে। আগের চেয়ে স্পষ্ট দেখতে পেলাম আংটাটা। তারপর আবার মিলিয়ে গেল। তৃতীয় বারের মতো লাফিয়ে উঠলো অগ্নিশিখা। এবার আরো উজ্জ্বল। তীব্রতম বিদ্যুৎচমক-ও সে উজ্জ্বলতার কাছে হার মানে। সারা আকাশ আলোকিত হয়ে উঠলো। আংটার ভেতর দিয়ে জাহাজের সার্টলাইটের মতো ঠিকরে বেরিয়ে এলো একটা আলোক স্তম্ভ। নিমেষে বিস্তীর্ণ মরুভূমি পেরিয়ে এসে আলোকিত করে তুললো আমাদের পাহাড় চূড়া। মাত্র এক মুহূর্তের জন্যে। তারপর আবার অন্ধকার চারদিক। দূরে সেই আগুন আর আলো-ও উধাও।

অনেকক্ষণ আমরা কেউ কোনো কথা বলতে পারলাম না।

‘তোমার মনে আছে, হোরেস,’ অবশেষে শীতবতা ভাঙলো লিও, ‘টলমলে পাথরটার ওপর দিয়ে যখন আমরা ফিরে আসছিলাম কিভাবে ঝাপিয়ে পড়া আলোর রেখা মৃত্যুপুরী থেকে প্রাণ নিয়ে পালানোর পথ দেখিয়েছিলো আমাদের? আমার ধারণা সেই

আলোই আবার এসেছে, এবার জীবনপূরীর পথ দেখাবে। সাময়িক-ভাবে যে আয়শাকে আমরা হারিয়েছি তার কাছে কিরিয়ে নিয়ে যাবে আমাদের।’

‘হতে পারে,’ সংক্ষিপ্ত উত্তর আমার।

নিঃশব্দে বসে রইলাম আমি আর লিও। ভোর হলো। বৃদ্ধ কোউ-এন-এর কথাই ঠিক। বাতাসের বেগ বেড়েছে। সেই সাথে একটু একটু তুষারও পড়ছে। কিন্তু বিন্দুমাত্র ভয় লাগলো না আমাদের। তীব্র কনকনে বাতাস আর তুষারপাত উপেক্ষা করে নামতে শুরু করলাম। অপূর্ব এক তৃপ্তির অমুভূতিতে ছেয়ে আছে হৃদয়। আমরা যেন এ পৃথিবীর মানুষ নই, এখানকার তুচ্ছ ছঃখ, বেদনা আমাদের মনে আর দাগ কাটছে না। অপার আনন্দের সন্ধান পেয়েছি যেন আমরা।

গুহার কাছে পৌঁছুতে পৌঁছুতে তীব্রতর হলো তুষার-ঝড়। না থেমে নেমে চললাম আমরা। কোনো কষ্টকেই আর কষ্ট বলে মনে হচ্ছে না। অবশেষে পৌঁছুলাম মঠের দরজায়। সম্পূর্ণ নিরাপদে। বৃদ্ধ খুবিলগান আলিঙ্গন করে অভ্যর্থনা জানালো আমাদের। হাঁ করে তাকিয়ে রইলো সন্ন্যাসীরা। এমন প্রচণ্ড ঝড়ের মধ্যে আমরা মরিচি দেখে আশ্চর্য হয়েছে ওরা।

অবশেষে শীত বিদায় নিলো। একদিন সন্ধ্যায় বাতাস একটু উষ্ণ মনে হলো। পরদিন সকালে উঠে দেখি আকাশ মেঘে ছেয়ে আছে। তা থেকে ঝরছে তুষার নয়, জল। একটানা তিন দিন বৃষ্টি হলো। চতুর্থ দিন চল নামলো পাহাড় বেয়ে। এক সপ্তাহের মাথায় সামনের উর্বর জমিটুকু সবুজ হয়ে উঠলো। আমাদের যাবার সময় হয়েছে।

‘কিন্তু কোথায় যাবে তোমরা ?’ মান মুখে প্রশ্ন করলো বৃদ্ধ খুবিলগান। ‘এখানে আর ভালো লাগছে না ? আমাদের প্রতি কোনো কারণে রুষ্ট হয়েছে ? কেন আমাদের ছেড়ে যাবে ?’

‘আমরা পথিক,’ আমি জবাব দিলাম, ‘পথের মাঝে পাহাড় দেখলে তা টপকাতেই হবে।’

তীক্ষ্ণ চোখে আমাদের দিকে চাইলো কোউ-এন। ‘পাহাড়ের ওপারে কি খুঁজবে তোমরা ? আমার কাছে সত্য গোপন কোরা না। বলো, অস্তুত প্রার্থনা করতে পারবো তোমাদের জন্যে।’

‘মাননীয় খুবিলগান, কিছুদিন আগে গ্রন্থ-কক্ষে কিছু কথা বলেছিলেন আপনি...’

‘ও কথা মনে করিয়ে দিও না, ভাই,’ আমাকে ধামিয়ে দিয়ে বৃদ্ধ বললো। ‘কেন আমাকে যন্ত্রণা দিতে চাইছো ?’

‘না, বন্ধু, আপনি ভুল ভাবছেন। আমরা যা বলতে চাইছি তা হলো, আপনার কাহিনী আর আমাদের কাহিনী এক। ঐ পূজারিণীর সান্নিধ্যে আমরাও এসেছিলাম।’

‘আচ্ছা। তারপর ?’ কৌতূহল বৃদ্ধের কণ্ঠস্বরে।

সংক্ষেপে আমাদের কাহিনী শোনালাম তাকে। এক ঘণ্টা বা তারও বেশি সময় ধরে শুনলো কোউ-এন। একটা কথা বললো না। স্বভাবসুলভ ভঙ্গিতে কচ্ছপের মতো মাথা হালিয়ে গেল শুধু।

‘এবার বলুন,’ সব শেষে যোগ করলাম আমি, ‘কাহিনীটা অস্তুত না ? নাকি আমাদেরকে মিথ্যাবাদী ভাবছেন ?’

‘বিশ্ব-মঠের ভাইরা,’ যুহু হেসে বৃদ্ধ জবাব দিলো, ‘কেন তোমাদের মিথ্যাবাদী ভাববো, বলো ? প্রথম যেদিন দেখেছি সেদিনই বুঝেছি তোমরা ঠাটি মানুষ। যে কাহিনী তোমরা শোনালে তা

সত্যি না হওয়ারও কোনো কারণ নেই। একটা ব্যাপারেই শুধু আমি  
দ্বিমত পোষণ করি, তা হলো, তোমাদের ঐ 'সে'-র অমরত্ব—পৃথি-  
বীতে কিছুই অমর নয়! তোমরা যাকে দেখেছিলে আর ক্যালিক্রেটিস  
বা আমেনার্তাস যাকে দেখেছিলো বা যার খোঁজে তোমরা চলেছো  
তারা এক নয়, হতে পারে না। এসবই সেই পুনর্জন্মের খেলা।  
যতদিন না আত্মা নির্বাণ লাভ করছে ততদিন ফিরে ফিরে পৃথিবীতে  
আসতে হবে। তোমাদের আয়শাও তেমনি এসেছে। ভবিষ্যতেও  
আসবে।

'ভাই লিও, তুমি যদি তাকে পাও-ও, পাবে হারাবার জন্যে।  
অর্থাৎ আবার নতুন করে খোঁজ শুরু করতে হবে তোমাকে।' হয়তো  
জনম জনম ধরে খুঁজে চলবে, কিন্তু পেয়েও পাবে না, হাতের মুঠোয়  
এসেও বেরিয়ে যাবে। আর, ভাই হলি, তোমার জন্যে, আমার  
জন্যেও, হারানো-ই সবচেয়ে বড় পাওয়া। তা-ই যদি হয়, তাহলে  
কেন ছুটবে মরীচিকার পেছন পেছন? কেন নিজের তৃষ্ণার্ত থেকে  
পানি ঢেলে ভরার চেষ্টা করবে ফুটো পাত্র? তাতে মাটিই কেবল  
ভিজবে, তোমার তৃষ্ণা তো মিটবে না।'

'তৃষ্ণা না মিটুক, মাটি উর্বরা হবে,' আমি জবাব দিলাম।  
'যেখানে পানি পড়ে সেখানেই প্রাণের সম্ভাবনা দেখা দেয়। আর  
ছুঃখ তো আনন্দেরই বীজ। ভাই খুবিলগার, আর বাধা দেবেন না  
আমাদের।'

'ঠিক আছে, দেবো না। তবে আমার একটা ধারণার কথা বলি,  
শোনার পর যদি মনে হয় যাচ্ছে যেও, আমি কিছু বলণো না।'  
লিওর দিকে তাকালো কোউ-এন। 'তোমাদের গল্প শুনে বুঝতে  
পারছি আজ থেকে অনেক অনেক জন্ম আগে আইসিস নামের

কোনো দেবীর চরণে তুমি নিজেকে সমর্পণ করেছিলে, তাই না ? তারপর এক নারী তোমাকে প্রলোভিত করে, তার সাথে অনেক দূর পালিয়ে গিয়েছিলে । সেখানে কি হলো ? প্রবঞ্চিত দেবী প্রতিহিংসা-পরায়ণ হয়ে হত্যা করলো তোমাকে । সেই দেবী নিজে না হলেও, আমার বিশ্বাস তার কোনো প্রতিনিধি তার জ্ঞান আত্মস্থ করে তারই ইচ্ছায় তার হয়ে একাজ করে । কিন্তু পরে সেই প্রতিনিধি—সে নারী বা অন্তত আত্মা যা-ই হোক না কেন—মরতে অস্বীকার করে, কারণ ইতিমধ্যে সে ভালোবেসে ফেলেছে তোমাকে । সে জানে তুমি মৃত তবু সে অপেক্ষা করতে লাগলো, এই আশায়, পুনর্জন্ম নিয়ে আবার তুমি আসবে । তারপর তুমি যখন নতুন জন্ম নিলে সত্যিই তোমার সাথে দেখা হলো তার এবং মারা গেল সে । এখন পুনর্জন্ম নিয়েছে ও, ওকে নিতেই হবে, যে তোমাকে প্রলোভিত করেছিলো সে-ও পুনর্জন্ম নিয়েছে, নিঃসন্দেহে এবারও তোমার সাথে তাদের দেখা হবে । তারপর সেই পুরনো ঘটনা নতুন বৃত্তে আবর্তিত হবে । তার মানে তোমার জন্যে আবার কষ্ট, দুঃখ, বেদনা । না, বন্ধুরা, যেও না, ঐ অভিশপ্ত গিরিশ্রেণী অতিক্রম কোরো না । এখানেই থাকো, আমরা সবাই মিলে প্রার্থনা করবো তোমাদের জন্যে ।

‘না,’ জবাব দিলো লিও, ‘আমরা প্রতিজ্ঞা করছি । প্রতিজ্ঞা ভঙ্গ করতে পারবো না ।’

‘বেশ, যাও তাহলে । তোমাদের প্রতিজ্ঞা রক্ষা করো । যখন এর ফসল তুলবে তখন আমার কথা স্মরণ করো । আমি জানি, বাসনার যে মদ তুমি পান করেছো তার প্রভাব বড় কঠিন ।’



## চার

ছ'দিন পর সূর্যোদয় দেখলো আমরা মরুভূমির পাথে হাঁটছি। পেছনে প্রায় মাইলখানেক দূরে পাহাড়ের ওপর অধিত্যকায় বসে আছে বিশাল প্রস্তর-বৃক্ষ। তার ওপাশে প্রাচীন মঠ। আকাশ ঝলমলে পরিষ্কার। বৃক্ষমূর্তির পাশে আমাদের বন্ধু বৃক্ষ খুবিলগান কোউ-এন-এর ঝুঁকে থাকা অবয়বটা দেখতে পাচ্ছি স্পষ্ট। বিদায় জানানোর সময় হাউ-হাউ করে কেঁদে উঠেছিলো বৃক্ষ। সত্যিই খুব ভালোবেসে ফেলেছিলো আমাদের। কিন্তু কিছু করার নেই, যে নিয়তি আমাদের ছুটিয়ে নিয়ে চলেছে তার অমোঘ নির্দেশ কি করে আমরা লংঘন করবো?

যতক্ষণ না ছোট হতে হতে একেবারে মিলিয়ে গেল ততক্ষণ একটু পরপরই ঘাড় ফিরিয়ে দেখলাম বৃক্ষকে। অবশেষে দীর্ঘ একটা নিঃশ্বাস ফেলে সামনের দিকে চোখ ফেরালাম।

পাহাড়-চূড়ায় সেই রহস্যময় আলো যখন আমাদের ওপর এসে পড়েছিলো তখন কম্পাস ছিলো আমার কাছে। আলোটা কোন্‌দিক থেকে এসেছিলো দেখে নিতে পেরেছিলাম। সেদিকেই এখন চলেছি আমরা।

আবহাওয়া চমৎকার। সামনে ছস্তর মরু। সারাদিন হেঁটে গোটা

হয়েক বুনো গাধার পাল ছাড়া আর কিছু নজরে পড়লো না আমাদের। সন্ধ্যার একটু আগে একটা অ্যাটেলোপ মারতে পারলাম। তারপর রাতের মতো যাত্রা-বিরতির সিদ্ধান্ত নিলাম। যেটা নিয়ে পাহাড়-চূড়ায় উঠেছিলাম সেই ছোট্ট তাঁবুটা সঙ্গে আছে। ওটা খাটালাম। ইয়াকের পিঠে একটা বস্তায় কিছু শুকনো খড়কুটো এনেছি। আগুন জ্বাললাম তা দিয়ে। রাতে চা আর অ্যাটেলোপের মাংস দিয়ে রাজসিক খাবার গেলাম। অ্যাটেলোপটা মারতে পারায় আমাদের সাথে যে সামান্য শুকনো খাবার আছে তার ওপর একটু চাপ কমলো।

পরদিন সকালে প্রথমেই আমাদের অবস্থানটা যাচাই করে নিলাম। সবদিক বিবেচনা করে ধারণা হলো, মরুভূমির চার ভাগের একভাগ অতিক্রম করতে পেরেছি। চতুর্থ দিন সন্ধ্যায় প্রমাণিত হলো, নিখুঁত ধারণা করেছিলাম। মরুভূমির ওপাশে যে বিস্তৃত পাহাড়-শ্রেণী তার পাদদেশে পৌঁছে গেছি।

তৃতীয় দিন সকালে লিও বলেছিলো, 'ঘড়ির কাঁটার মতো নিশ্চিত্তে চলছে সব।'

আমি ওকে স্মরণ করিয়ে দিয়েছিলাম, গুরুটা যার ডাল্পো তার শেষ সাধারণত ভালো হয় না। আমি ভুল বলিনি। সত্যিই এবার কষ্ট শুরু হলো। প্রথমত, পাহাড়গুলো খুব উঁচু। ওগুলোর নিচের দিকের ঢালে পৌঁছুতেই লেগে গেল দু'দিন। সূর্যের তাপে তুষার নরম হয়ে গেছে, ফলে ওর উপর দিয়ে হাঁটা অনেক বেশি আয়াসসাধ্য হয়ে উঠলো।

সপ্তম দিন সকালে এক সন্ধ্যায় শৈলপথের মুখে পৌঁছলাম। চেহারা দেখে মনে হলো পাহাড়-শ্রেণীর অনেক গভীরে চলে গেছে

ওটা। আশপাশে আর কোনো পথ না পেয়ে ঐ পথেই এগোলাম আমরা। কিছুদূর হাঁটার পর বুঝতে পারলাম এটা প্রাকৃতিক গিরিপথ নয়। কোনো কালে মানুষই তৈরি করেছিলো এটা। পাহাড়ের গায়ে অস্ত্রপাতির আঘাতের চিহ্ন দেখতে পাচ্ছি। খাড়া উঠে গেছে পথটা। চওড়া সব জায়গায় মোটামুটি সমান। এটাও একটা প্রমাণ, পথটা প্রাকৃতিক নয়।

তিন দিন এগোলাম এই পথে। এগোলাম না বলে বলা ভালো উঠলাম। গিরিপথ বেয়ে যত এগোচ্ছি ততই এক পাহাড়ের চূড়ার দিকে উঠে যাচ্ছি আমরা। দিনে খুব একটা সমস্যা হলো না, কষ্ট যা হওয়ার হলো রাতে। এমন প্রচণ্ড ঠাণ্ডা যে তাঁবুর ভেতরে, সমস্ত পোশাক-আশাক গায়ে দিয়ে, কশ্বল মুড়ি দিয়ে, ইয়াকটার গায়ে গা ঠেকিয়ে বসে-ও ঠকঠকিয়ে কাপতে হয়। সে ঠাণ্ডার স্বরূপ প্রকাশ করার সাধ্য আমার নেই। বরফের মতো ঠাণ্ডা বললে কিছুই বলা হয় না।

অবশেষে দশম দিন বিকেলে শৈল-পথের শেষ মাথায় পৌঁছলাম। আর শ'খানেক গজ গেলেই গিরিপথের মুখ। সন্ধ্যা হতে বেশি বাকি নেই, ওখানেই তাঁবু খাটানোর সিদ্ধান্ত নিলাম। আসল কষ্ট শুরু হলো এবার। আগুন জ্বালানোর মতো কোনো জ্বালানী আর অবশিষ্ট নেই। পানি গরম করতে পারলাম না। তৃষ্ণা মেটানোর জন্যে জয়া তুষার চুষতে হলো। কিন্তু তাস্তে কি তৃষ্ণা মেটে? তীব্র ঠাণ্ডায় চোখ জ্বলছে। সারারাত্রে একটাও ঘুমাতে পারলাম না ছ'জনের কেউ।

ভোর হলো। তারপর সূর্যোদয়। গুঁড়ি মেরে তাঁবুর বাইরে এলাম আমরা। গিরিপথের মুখ যেখানে তার শ'খানেক গজ ভেতরে

আমাদের তাঁবু। হাত-পায়ের জড়তা কাটানোর জন্যে দৌড়ানোর ভঙ্গিতে মুখটার দিকে এগোলাম আমরা। আগে লিও, পেছনে আমি। কিছুদূর যাওয়ার পর একটা বাঁক নিয়েছে শৈলপথ।

লিও ই প্রথম মোড় ঘুরলো। পর মুহূর্তে বিস্মিত এক চিৎকার বেরোলো তার মুখ দিয়ে। এক সেকেণ্ড পর আমিও মোড় ঘুরলাম। তারপর! সামনে আমাদের প্রত্যাশিত দেশ!

নিচে অনেক নিচে, কম-পক্ষে দশ হাজার ফুট হবে, বিছিয়ে আছে বিস্তৃত এক সমভূমি যতদূর চোখ যায় কেবল সমান আর সমান। আকাশ যেখানে মাটির সাথে মিশেছে সেখানেও শেষ হয়নি এর বিস্তৃতি। তুষারের টুপি পরা বিরোট একটা নিঃসঙ্গ পাহাড়ই কেবল একটু ব্যতিক্রম এই দৃষ্টিক্রান্তিকর সমতলে। যদিও অনেক দূরে, তবু মোটামুটি পরিষ্কার দেখতে পাচ্ছি পাহাড়টার অবয়ব। কুণ্ডলী পাকিয়ে ধোঁয়া উঠছে গোল চূড়া থেকে। তার মানে ওটা একটা জীবন্ত আগ্নেয়গিরি। এবং আরো দেখতে পাচ্ছি, জ্বালামুখের এপাশে মাথা উঁচু করে দাঁড়িয়ে আছে প্রকাণ্ড এক পাথরের স্তম্ভ। যার ওপর অংশের আকৃতি আংটার মতো।

হ্যাঁ, আমাদের সামনে দাঁড়িয়ে আছে ওটা, আমরা যে অলৌকিক দৃশ্য দেখেছিলাম তার বাস্তব রূপ। দীর্ঘ ষোল বছর যার খোঁজে মধ্য এশিয়ার প্রতিটা অঞ্চল চষে ফেলেছি সেই জীবনের প্রতীক এখন আমাদের সামনে। হৃৎস্পন্দন জরত হয়ে গেল আমাদের। চারপাশে তাকিয়ে দেখলাম, সবচেয়ে উঁচু পাহাড়টার চেয়েও উঁচু ওটার আংটা। এতক্ষণে বুঝলাম, কি করে এই সুউচ্চ গিরিশ্রেণী পেরিয়ে সেই অলৌকিক আলো পৌঁছেছিলো মরুভূমির ওপাশে পাহাড়ের চূড়ায়।

আলোটার উৎস সম্পর্কেও নিশ্চিত হলাম এতক্ষণে। আংটার পেছনের ধোঁয়াই রহস্যের সমাধান করে দিয়েছে। আগ্নেয়গিরিটা যখন জীবন্ত নিঃসন্দেহে মাঝে মাঝে ধোঁয়ার বদলে আগুন বেরিয়ে আসে ওটার ছালামুখ দিয়ে। সেই আগুনের তীব্রতা কতখানি হতে পারে তা সে রাতে পাহাড় চূড়ায় বসে আমরা টের পেয়েছি।

এছাড়া সমভূমিতে আর যা দেখলাম তা হলো, প্রায় মাইল তিরিশেক দূরে বিশাল এক মাটির ঢিবির ওপর বিরাট একটা নগর। সমভূমির মাঝখান দিয়ে বয়ে চলেছে প্রশস্ত এক নদী। তার তীরে গাছপালা ঘেরা এক জায়গায় নগরটা। চোখে ফিল্ড গ্লাস (আমাদের সামান্য যে দু-একটা যন্ত্রপাতি এখনো অবশিষ্ট আছে তার একটা এটা) লাগিয়ে দেখলাম, নগর ঘিরে ফসলের মাঠ। নগর আর মাঠের মাঝে সীমানার কাজ করছে গাছগুলো। পরিশ্রমী কৃষকরা বীজ বোনার আগে চাষ দিয়েছে মাঠে। সেচের জন্যে খাল কেটে মাঠের ভেতর পানি নেয়ার ব্যবস্থা করা হয়েছে।

হ্যাঁ, আমাদের সামনে সেই আকাঙ্ক্ষিত দেশ। যোল বছর কঠোর পরিশ্রমের পর খোঁজ পেয়েছি। মুহূর্তে আমরা ভুলে গেলো সব পরিশ্রম, সব ক্লান্তির কথা। নতুন করে উদ্দীপনা ছাগুলো মনে। আর একটা মুহূর্তও নষ্ট করতে চাই না। একুনি বন্ধ হতে হবে। ছোট ফিরে এলাম তাঁবুর কাছে। কোনো রকমে জিনিসপত্র সব গোছ-গাছ করে চাপিয়ে দিলাম ইয়াকটার পিঠে। তারপর বেরিয়ে পড়লাম আকাঙ্ক্ষিত দেশের পথে।

গিরিপথ শেষ, কিন্তু পথ এখনো শেষ হয়নি। পাহাড়ের এপাশেও ঢাল বেয়ে নেমে গেছে মানুষের তৈরি রাস্তাটা। ধীর অথচ নিশ্চিত পদক্ষেপে নামতে শুরু করলাম আমরা।

যা ভেবেছিলাম তার চেয়ে অনেক দীর্ঘ পাহাড়ের ঢাল। সমস্ত দিন নেমেও পাদদেশে পৌঁছতে পারলাম না। সুতরাং বাধ্য হয়েই আরেকটা রাত তুষারের ভেতর কাটাতে হলো। কয়েক হাজার ফুট নেমে আসতে পেরেছি, ভাগ্য ভালো, সে কারণে ঠাণ্ডার মাত্রা একটু সহনীয়। এখানে ওখানে ছ'একটা খানা খন্দকে সূর্যের তাপে তুষার গলা পানি দেখতে পেলাম। তৃষ্ণা মেটানো সমস্যা হলো না। ইয়াক-টাও তার পেট ভরে নিলো প্রায় শুকনো পাহাড়ী শ্যাওলা দিয়ে।

ভোর হলো। অবশিষ্ট খাবারের খানিকটা খেয়ে নিয়ে আবার রওনা হলাম আমরা। এখন আর নিচের সমভূমিটা দেখতে পাচ্ছি না। সামনে একটা শৈল প্রাচীর আমাদের দৃষ্টি আটকে দাড়িয়ে আছে। প্রাচীরের গায়ে এক জায়গায় একটা ফাটল মতো দেখা যাচ্ছে। ঐ ফাটল গলে বেরিয়ে যাওয়ার আশায় সেদিকে এগোতে লাগলাম। হুপুর নাগাদ খুব কাছাকাছি পৌঁছে গেলাম প্রাচীরের। ফাটলটা অনেক স্পষ্ট দেখতে পাচ্ছি এখন। মনে হচ্ছে ওখান দিয়ে বেরিয়ে যেতে পারবো। হাঁটার গতি একটু বাড়লাম আমরা। কিন্তু তাড়াছড়োর কোনো দরকার ছিলো না। মাত্র এক ঘণ্টা পরেই মুখো-মুখি হলাম কঠিন সত্যটার।

শৈল প্রাচীরের ফাটল আর আমাদের মাঝখানে শুয়ে আছে ঝাড়া নেমে যাওয়া এক গিরিখাত। তিন চারশো ফুট গভীর। জল প্রবাহের শব্দ ভেসে আসছে নিচ থেকে। গিরিখাতের কিনারে পৌঁছে শেষ হয়ে গেছে পথ। তারপর গভীর ঝাড়। খাদের এপাশে ওপাশে উঁচু ছোটো পাথরের স্তম্ভ। কিন্তু এখন জায়গায় এসে মানুষের তৈরি পথ শেষ হয় কি করে? হতাশ, বিষন্ন চোখে চেয়ে আছি আমরা।

'হু', বুঝতে পেরেছি,' হঠাৎ লিও বললো, 'ভূমিকম্পের ফলে তৈরি

হয়েছে এই খাদ। তারপরই চলাচল বন্ধ হয়ে গেছে এপথে।’

‘হতে পারে,’ জবাব দিলাম আমি, ‘বা এমনও হতে পারে, এখানে কোনো কালে একটা সেতু ছিলো। তারপর কালের গ্রাসে পচে, ক্ষয়ে, খসে পড়েছে। যাহোক তাতে আমাদের সমস্কার কোনো সমাধান হচ্ছে না। অন্য একটা পথ খুঁজে বের করতে হবে।’

‘হ্যাঁ, এবং তাড়াতাড়ি। যদি না এখানেই চিরতরে আটকে থাকতে চাই।’

সুতরাং ডান দিকে মোড় নিয়ে গিরিখাতের পাড় ধরে এগিয়ে চললাম আমরা। প্রায় এক মাইল যাওয়ার পর ছোট একটা হিমশিরার কাছে পৌঁছলাম। হিমায়িত জলপ্রপাতের মতো খাদের ভেতর বুলে আছে সেটা। কিন্তু খাদের তলায় পৌঁছেছে কিনা বুঝতে পারলাম না। তবে একটা ব্যাপার বুঝতে পারছি এখান থেকে খাদটা ক্রমশ আরো চওড়া ও আরো গভীর হতে শুরু করেছে।

সুতরাং আবার আগের জায়গায় ফিরে এলাম আমরা। এবার পথটার বাঁ দিকে এগিয়ে চললাম গিরিখাতের পাড় ধরে। কিছু দূর যাওয়ার পর দেখলাম খাদের উল্টো দিকে দাঁড়িয়ে আছে আরেকটা পাহাড়। ঝকঝকে তুষার ছাওয়া ঢাল উঠে গেছে। চুড়ার দিকে। গিরিখাতের অবস্থা সেই এক। নির্দয়, ক্রুর, অগম্য।

এদিকে দিনের আলো ম্লান হয়ে আসছে। তাড়াতাড়ি আশ্রয় নেয়ার মতো কোনো জায়গা খুঁজে বের করতে না পারলে বিপদ হবে। একটু থেমে চারপাশে একবার চোখ বুলিয়ে নিলাম। প্রায় আধমাইল দূরে খাদের কিনারে বড়সড় এক পাথরের চাঁড় দেখতে পাচ্ছি। ওটার ওপর উঠতে পারলে হয়তো পথের খোঁজ পাওয়া যাবে।

অনেক পুরিশ্রমের পর যখন শ' দেড়েক ফুট উঁচু পাহাড়টায় উঠলাম তখন সূর্য ডুবছে। অস্পষ্ট হলদেটে আলোতে দেখলাম, এপাশেও খাদটা রাস্তা যেখানে শেষ হয়েছে সেখানকার চেয়ে অনেক অনেক-গুণ বেশি গভীর এবং চওড়া। গভীরতা এত বেশি যে উঁকি দিয়েও তল দেখতে পেলাম না। তবে জল প্রবাহের মূহু কুলু কুলু শব্দ ঠিকই পৌঁছচ্ছে কানে। আচমকা প্রসারিত হয়ে খাদের প্রশস্ততা এখানে দাঁড়িয়েছে প্রায় আধমাইল-এ।

এবার ? কিছু ভাবতে পারছি না আমি। লিওর মুখেও চরম হতাশার ছাপ। কি করবে কিছু বুঝতে পারছে না। এদিকে সূর্য ডুবে গেছে। দ্রুত 'আধার নেমে আসছে। এখন আর সেই পথের মুখে ফিরে যাওয়ার সময় নেই। পাথরের ওপরেই রাত কাটানোর সিদ্ধান্ত নিতে হলো।

ইয়াকটাকে ভারমুক্ত করে তাঁবু খাটলাম। তারপর মঠ থেকে আনা খাবারের শেষটুকু খেয়ে নিলাম। কাল সকালে কোনো শিকার না পাওয়া গেলে অনাহারে থাকতে হবে। যা হোক, তারপর সবগুলো ফারের পোশাক আর কন্সলে শরীর মুড়ে শুয়ে পড়লাম। ঘুমানোর চেষ্টা করতে লাগলাম হৃৎক ভোলার আশায়।

ভোর হতে খুব একটা বাকি নেই, এমন সময় আচমকা ভয়ানক এক শব্দে ঘুম ভেঙে গেল আমাদের। অনেকগুলো কামান যেন একসঙ্গে গর্জে উঠেছে। তারপরেই হাজার হাজার অন্য রকম শব্দ।

'হায় ঈশ্বর ! ওকি ?' আতকে উঠলাম আমি।

তাড়াতাড়ি তাঁবুর বাইরে বেরিয়ে এলাম। আশ্চর্য, কিছুই দেখতে পাচ্ছি না। দ্রুত ঘাড় ঘুরিয়ে চারদিকে তাকালাম। ভোরের অস্পষ্ট আলোয় কোনোরকম অস্বাভাবিকতা নজরে পড়লো না। এদিকে ব্রিটার্ন অভ শী



আওয়াজ চলছে, অসংখ্য বন্দুকধারী একসাথে গুলি ছুঁড়লে যেমন হয় তেমন। ইয়াকটার ভেতর কেমন যেন অস্থিরতা, ছুটে পালানোর প্রবণতা, কিন্তু দীর্ঘদিনের সাথীদের ফেলে পালাতে পারছে না। একটু পরেই বদলে গেল শব্দ। এখন মনে হচ্ছে প্রকাণ্ড একটা যাঁতা যেন কেউ ঘোরাচ্ছে ঘড় ঘড় শব্দে। পিলে চমকে যেতে চায়।

ভোর বেলা অত্যন্ত দ্রুত ফর্সা হয়ে আসে চারদিক। আজও হলো। তারপর দেখলাম। দু'চোখে রক্তহিম করা আতঙ্ক নিয়ে দেখলাম, ধীর গতিতে নড়েচড়ে নেমে আসছে পাহাড়ের একটা পাশ। বিশাল এক হিমবাহ।

ওহ! সে দৃশ্য ভোলার মতো নয়! আমাদের দু'মাইল কি তারও বেশি দূরে ঢালের ওপর নড়ে-চড়ে, ছমড়ে-মুচড়ে, গড়িয়ে নেমে আসছে বিশাল শাদার একটা স্তূপ। প্রতি মুহূর্তে আকার বদলাচ্ছে, যেন কণ্ঠা বিক্ষুব্ধ সাগরের ঢেউ। উপরে অনেক দূর পর্যন্ত ছিটকে উঠছে গুঁড়ো গুঁড়ো বরফ, তুষার কণা। জমাট বাঁধা বরনা যেন।

আতঙ্কে হুংপিণ্ড গলার কাছে উঠে আসতে চাইছে আমাদের। বাক রুদ্ধ হয়ে গেছে। কোনো রকমে লিওর দিকে চাইলাম। ও-ও একই রকম বিস্ময়িত চোখে তাকিয়ে আছে আমার দিকে। কয়েক সেকেণ্ড লাগলো। বিপদের গুরুত্ব অনুধাবন করতে। তারপর সম্মিত ফিরলো দু'জনের। আবার তাকানো সরীসৃপের মতো ধীর অথচ নিশ্চিত গতিতে এগিয়ে আসা বরফপুঞ্জের দিকে।

নাম না জানা ভয়ঙ্কর কোনো জন্তুর মতো গুঁড়ি মেরে এগিয়ে আসছে ওটা। এতক্ষণ মনে হচ্ছিলো খুব ধীর গতিতে নামছে। কিন্তু মাত্র চার মিনিটের ভেতর দু'মাইল পথ অতিক্রম করতে দেখে বুঝলাম

কি ভয়ানক গতি ওটার। আর কয়েক শো গজ মাত্র দূরে রয়েছে আমাদের এই দেড়শো ফুট উঁচু ছোট পাহাড়টা থেকে।

ইতিমধ্যে কখন যে আমাদের ভয় কেটে গেছে টের পাইনি। মুষ্টি বিস্ময়ে দেখছি ভয়ঙ্করের রূপ। আসছে। ছোট ছোট নুড়ি, পাথর, বরফের চাওড়, তুষার; উঠছে, পড়ছে, ছুটছে, লাফাচ্ছে। এক মুহূর্ত বিরাম নেই।

আর মাত্র শ'খানেক গজ। তীক্ষ্ণ চোখে তাকিয়ে দেখলাম, আমাদের পাহাড় চূড়া থেকে পঞ্চাশ ফুট নিচে ওটার সম্মুখভাগ। তারমানে প্রায় একশো ফুট পুরু হিমবাহটা। ভয়ঙ্কর হয়ে উঠেছে শব্দের তীব্রতা। একটানা প্রচণ্ড গর্জনের মতো। মনে হচ্ছে কানের পর্দা ফেটে যাবে।

আর পঞ্চাশ গজ। বুঝতে পারছি না, ঠিক কি ঘটবে, যখন ওটা আছড়ে পড়বে এই পাহাড়ের গায়ে। কল্পনা-ও করতে পারছি না। এমন পরিস্থিতির মুখোমুখি কখনো হইনি, কি করে কল্পনা করবো? অমোঘ নিয়তির মতো এগিয়ে আসছে ওটা।

‘শুয়ে পড়ো, লিও!’ কোনো মতে কথাটা বলার সুযোগ পেলাম। পর মুহূর্তে প্রচণ্ড মেঘ গর্জনের মতো শব্দ করে আছড়ে পড়লো হিমবাহ আমাদের পাহাড়ের ওপর। ঝঞ্ঝা বিক্ষুব্ধ সাগরের ঢেউ যেমন কুলে-ফেঁপে, বেঁকে-চুরে ভেঙে পড়ে পাহাড়ী উপকূলে তেমনি। গম-গম, গুরু গুরু আওয়াজ ছাপিয়ে উঠলো তীব্র ঝড়ের হিস হিস শব্দ। ভয়ঙ্কর ঝাপটার মতো গুঁড়ো গুঁড়ো তুষার ছিটকে এসে লাগলো আমাদের গায়ে। প্রায় কবর দিয়ে ফেললো আমাদের। মনে হলো একরাশ ঝলসুত কয়লা যেন কেউ ঢেলে দিলো আমাদের ওপর। উপুড় হয়ে মাটি কামড়ে পড়ে আছি আমরা। ভূমিকম্পের মতো কাঁপছে বুকের

নিচে পাথুরে মাটি। ঘড় ঘড়, গৌ গৌ, গুড়ুম গুড়ুম আওয়াজ সমানে চলছে। মনে হচ্ছে কোনোদিনই বৃষ্টি শেষ হবে না এই শব্দের তাণ্ডব। বাতাসের বেগ বেড়ে গেছে ভয়ানক। ছোট্ট তাঁবুটাকে অনেক আগেই উড়িয়ে নিয়ে গেছে। কোথায় জানি না। প্রতি মুহূর্তে ভয় পাচ্ছি, বসন্তের প্রথম বাতাস যেমন ঝরা পাতা উড়িয়ে নিয়ে যায় তেমনি আমাদেরও বৃষ্টি উড়িয়ে নিয়ে ফেলবে পেছনের অতল গিরি খাদে।

ওপর দিয়ে, পাশ দিয়ে, প্রায় শরীর ছুঁয়ে সমানে ছুটে যাচ্ছে পাথর আর বরফের চাঙড়। কিন্তু ঈশ্বরের কি করুণা, আমাদের গা স্পর্শ করলো না একটাও। বৃষ্টির মতো আমাদের গায়ে ঝরে পড়ছে নুড়ি আর বরফের কুচি। তাতে কষ্ট হচ্ছে ঠিকই, তবে মরণ কষ্ট নয়। একটু একটু করে আমরা তলিয়ে যাচ্ছি বরফ আর তুষারের নিচে। আর বেশিক্ষণ এভাবে চললে মৃত্যু অবধারিত।

অবশেষে ধামলো তাণ্ডব। কতক্ষণ ধরে চলছে? জানি না। দশ মিনিট হতে পারে, ছ'ঘণ্টাও হতে পারে। কোনো ধারণা নেই আমাদের। শুধু মনে আছে, শব্দের প্রচণ্ডতা তুঙ্গে উঠতে উঠতে এক সময় আচমকা কমতে শুরু করলো। তারপর এক সময় মিলিয়ে গেল। শব্দের সঙ্গে সঙ্গে বাতাসের স্তব্ধ বেগও প্রশমিত হয়ে এলো। গায়ের ওপর থেকে তুষার আর ছোট ছোট হুড়ির স্তূপ সরিয়ে ধীরে ধীরে উঠে দাঁড়ালাম আমরা।

সামনে খাড়া পাহাড়ের গায়ে প্রায় দু'মাইল লম্বা আধ মাইল চওড়া একটা জায়গা—যেখানে একটা আগেও শত ফুট পুরু বরফের স্তর ছিলো, এখন সেখানে দাঁত বের করা কঙ্কালের মতো উলঙ্গ পাথর। আমাদের তাঁবুটা যেখানে ছিলো সেখানে এখন কিছু নেই।

ইয়াকটা মরে পড়ে আছে এক পাশে। বেচারার মাথা উড়ে গেছে কোনো পাথর বা বরফের চাঙড়ের ঘায়ে। খাঁতলানো গলার কাছে রক্ত জমে আছে থকথকে হয়ে। পেছনের বিশাল গিরিখাতটার প্রায় অর্ধেক ভরে গেছে হিমবাহ আর তার বয়ে আনা পাথর, মুড়ি, ধুলোর। বাস এ-ই। এ ছাড়া আর কোনো চিহ্ন নেই সেই ভয়ানক ঘটনার। এই মুহূর্তে কেউ যদি হাজির হয় সে টেরও পাবে না একটু আগে কি প্রলয়ঙ্কর কাণ্ড ঘটে গেছে এখানে। আর আমরা তা প্রত্যক্ষ করেছি, সহ্য করেছি এবং এখনো বেঁচে আছি।

বেঁচে তো আছি, কিন্তু কি অবস্থা আমাদের? আলাগা তুষারে ডুবে যাওয়ার ভয়ে পাহাড় থেকে নামার সাহস পাচ্ছি না। তাছাড়া একটু পরপরই ছ-একটা ছোট ছোট আলাগা পাথরের চাঁই গড়িয়ে নেমে আসছে ওপর থেকে। ছোট হলেও একেকটার আয়তন ছোটখাটো মানুষের সমান। গায়ে লাগলে ইয়াকটার যেদশা হয়েছে আমাদেরও তা ছাড়া অন্য কিছু হবে না। কিন্তু না নেমেই বা কি করবো? এই চূড়ার ওপর কতক্ষণ না খেয়ে আতঙ্কিত অবস্থায় বসে থাকবো?

‘ইয়াকটার চামড়া ছাড়াই এসো,’ হঠাৎ বলে উঠলো লিও। ‘এরকম হাত-পা গুটিয়ে বসে থাকার চেয়ে কিছু করা ভালো। তাছাড়া রাতে যদি এখানেই থাকতে হয়, চামড়াটা কাজে লাগবে।’

মনটা সায় দিতে চাইছে না। এত দিনের সার্থী। মরে গেছে বলেই আজ ওকে এভাবে নিজেদের প্রয়োজন মেটানোর হাতিয়ার বানাবো? কিন্তু এছাড়া উপায়-ই বা কি? ওর চামড়া না পেলে তো আমরা-ও মরবো। ধীরে ধীরে উঠে হাত লাগলাম লিওর সাথে। মনে মনে কমা চাইলাম জন্তুটার আঁখার কাছে। আমরা এখানে নিয়ে এসেছিলাম বলেই তো এমন অপঘাতে মরতে হলো বেচারাকে।

যা হোক, মনে মনে যা-ই ভাবি না কেন শেষ পর্যন্ত ওর মাংসও খেতে হলো। কাঁচা। খানিকটা তুষার মেখে চোখ বুঁজে খেয়ে ফেললাম। প্রাণ বাঁচাতে হবে, সে জন্যে শক্তি দরকার। না খেলে শক্তি আসবে কোথেকে? কাঁচা মাংস খাওয়ার সময় জংলী জংলী একটা অমুভূতি হলো মনে: কিন্তু এছাড়া কি-ইবা করার ছিলো আমাদের?

## পাঁচ

অবশেষে দিন শেষ হলো। এখনো আমরা নামার সাহস সঞ্চয় করে উঠতে পারিনি। সন্ধ্যায় আরো কয়েক টুকরো ইয়াকের মাংস খেয়ে গুটিমুটি হয়ে আশ্রয় নিলাম চামড়ার নিচে। ভাগ্য ভালো, আমাদের সব পোশাক-আশাক গায়েই ছিলো, না হলে তাঁবুটার মতো অবস্থা হতো ওগুলোর-ও। সেক্ষেত্রে আজ রাতে ঠাণ্ডায় জমে মরাকেই ঠেকাতে পারতো না।

‘হোরেস,’ ভোরে লিও বললো, ‘আর হাত-পা কোলে ধরে বসে থাকতে রাজি নই আমি। মরতে যদি হয়-ই, চলতে চলতে মরবো; তবে আমার মনে হয় না আমরা মরবো।’

‘বেশ, তাহলে চলো রওনা হই। এখনও যদি তুষার আমাদের ভার সহ্যে না পারে কোনো দিনই পারবে না।’

ইয়াকের চামড়া আর কম্বলগুলো তৈরি করে বেঁধে পিঠে তুলে নিলাম। ঠাণ্ডায় জমে যাওয়া ইয়াকের মাংসও নিলাম খানিকটা। তারপর শুরু করলাম নামতে।

হিমধসের সঙ্গে আসা ছোট বড় নানা আকারের পাথর প্রচুর পরি-

মাগে জমে আছে ছোট্ট পাহাড়টার গোড়ায়। ফলে ওঠার সময় যে জায়গাগুলো প্রায় খাড়া দেখেছিলাম সেগুলো এখন সহনীয় ঢালে রূপ নিয়েছে। নামতে অসুবিধা হলো না। রাতের ঠাণ্ডায় গুঁড়ো গুঁড়ো তুষার ভালো মতোই জমেছে। পা পিছলে যাচ্ছে না যা ভর দিতে সমস্যা হচ্ছে না।

প্রায় নেমে এসেছি। এপর্যন্ত ভালোই চলেছে সব। আর বিশ পা নামলেই পাদদেশে পৌঁছে যাবো। এমন সময় অলগা ধুলো আর গুঁড়ো তুষারের একটা স্তূপের মুখোমুখি হলাম। এটা পার হতেই হবে। পুরো পাহাড়টাকে চারদিক থেকে ঘিরে রেখেছে চওড়া ফিতের মতো স্তূপটা। লিও দিব্যি পার হয়ে গেল। কিন্তু আমি ওর গজ ছুয়েক ডান দিয়ে নামছি, ছু-পা যেতেই আচমকা অনুভব করলাম পায়ের নিচে শক্ত স্তরটা কুর কুর করে ভেঙে গেল। পর-মুহূর্তে কোমর সমান ধুলো আর তুষারের ভেতর আবিষ্কার করলাম নিজেকে। ডুবে যাচ্ছি! কয়েক সেকেন্ড পর সম্পূর্ণ তলিয়ে গেলাম তুষারের নিচে।

আমার সে মুহূর্তের অনুভূতি কল্পনা করা সম্ভব নয়, যদি অভিজ্ঞতা আছে সে-ই কেবল উপলব্ধি করতে পারবে। ক্রমশ নিচে, আরো নিচে চলে যাচ্ছি। অবশেষে মনে হলো একটা পাথরের কাছে পৌঁছলাম। আমার নিম্নাভিমুখী গতি রুদ্ধ হলো। তারপর অনুভব করলাম, আমি নিচে নেমে আসার সময় উপরে যে শূন্য স্থান তৈরি হয়েছিলো তা পূর্ণ হয়ে যাচ্ছে চেপে আসা তুষারে। সেই সঙ্গে নেমে আসছে অন্ধকার। একটু পরে নিশ্চিত আধার গ্রাস করলো আমাকে, কেমন একটা শ্বাসরুদ্ধকর অনুভূতি, যেন আমার গলা চেপে ধরেছে কেউ। চেতনা লুপ্ত হয়ে আসতে

চাইছে। হঠাৎ একটা বৃষ্টি খেলে গেল মাথায়। তাড়াতাড়ি ছ'পাশে ছড়িয়ে থাকা হাত দুটো নরম তুধারের ভেতর দিয়ে টেনে নিয়ে এলাম মাথার কাছে। তারপর মুখের উল্টো দিকের তুধারে আস্তে আস্তে চাপ দিতে থাকলাম। ছোট্ট একটা গর্ত মতো হলো আমার মুখের সামনে। কিছুক্ষণের ভেতর খুব ধীরে ধীরে পরিষ্কৃত বাতাস এসে জমতে লাগলো গর্তে। পরিপূর্ণ ভাবে না হলেও অনেকক্ষণ পর পর একবার শ্বাস টেনে প্রাণটাকে টিকিয়ে রাখলাম আমি।

কয়েক বার এমন শ্বাস নেয়ার পর বুঝতে পারলাম, এভাবে চলবে না। বাতাসের পরিমাণ এত কম যে খুব বেশিক্ষণ এখানে শ্বাস নেয়া সম্ভব নয়। তার ওপর আছে নিশ্বাসের সাথে বেরিয়ে আসা কার্বন ডাই অক্সাইড। আশা ছেড়ে দিলাম আমি। বৃকের নিচে পাথরটায় হাত বাধিয়ে একবার চেষ্টা করলাম, ওপরে উঠে যাওয়ার। পারলাম না। অগত্যা মৃত্যুর জন্যে তৈরি হয়ে গেলাম মনে মনে। কিন্তু কি আশ্চর্য! মৃত্যুর পথঘাতী মানুষ যেমন দেখে তেমন নিজের জীবনের অতীত স্মৃতি আমার মনের পর্দায় ভেসে উঠলো না। আমার মন চলে গেল আয়শার কাছে। স্পষ্ট দেখলাম সেই অনিন্দ্য সুন্দর মুখটা। ওর পাশে এক পুরুষ অঙ্ককার এক পাহাড়ী খাদে পড়ে আছি আমি। কিনারে দাঁড়িয়ে ঝুঁকে আমাকে দেখছে আয়শা। ওর পরনে সেই দীর্ঘ কালো আংরাখা। চোখ দুটোয় ভয়। ওকে অভিবাদন জানানোর জন্যে আমি উঠে দাঁড়াতে গেলাম। কিন্তু সে তীক্ষ্ণ কণ্ঠে চেঁচিয়ে উঠলো—

‘কি সর্বনেশে কাণ্ড! তুমি বেঁচে আছো, আমার প্রভু লিও কোথায়? বলো, কোথায় লুকিয়ে রেখেছো আমার প্রভুকে? বলো—না হলে মরবে!’

জবাব দেয়ার জন্যে আবার উঠে দাঁড়াতে গেলাম। কিন্তু পারলাম না। মিলিয়ে গেল আয়শার মুখ।

তারপর আবার আলো দেখলাম আমি। আরেকটা কণ্ঠস্বর শুনতে পেলাম। এবার লিওর!

‘হোরেস!’ চিৎকার করলো ও। ‘হোরেস, শক্ত করে ধরো রাইফেলের বাঁটটা।’

কিছু একটা ঠেকলো আমার ছড়িয়ে থাকা হাতে। প্রাণপণে আঁকড়ে ধরলাম ওটা। সঙ্গে সঙ্গে টান অনুভব করলাম হাতে। কিন্তু এক চুল নড়লো না আমার শরীর। তারপর আচমকা বাঁচার আকাজক্ষা জেগে উঠলো আমার মনে। সর্বশক্তিতে হাত-পা ছুঁড়ে উঠে বসার চেষ্টা করলাম, অবশ্যই হাত দিয়ে যেটা আঁকড়ে ধরেছি সেটা না ছেড়ে। আবার টান অনুভব করলাম হাতে। আবার হাত-পা ছুঁড়লাম। অকস্মাৎ প্রচণ্ড একটা ওজন নেমে গেল শরীর থেকে। শেয়াল যেমন তড়াক করে লাফিয়ে বেরিয়ে আসে গর্তের ভেতর থেকে তেমনি তুষার স্তূপের নিচ থেকে বেরিয়ে এসেছি আমি।

ফুঁপিয়ে উঠে শ্বাস নিলাম। কিছু একটার সঙ্গে ধাক্কা খেলো আমার শরীর পর মুহূর্তে চোখ মেলে দেখলাম ছিটকে মাটিতে পড়ে যাচ্ছে, এক পাশে লিও অন্য পাশে রাইফেলটা।

ধীরে ধীরে তুষার মোড়া শক্ত মাটির ওপর বসলাম আমি। হাপ-রের মতো ওঠা নামা করছে বুক। নাক মুখ দিয়ে সমানে টেনে নিচ্ছি মুক্ত বাতাস।

লিও-ও উঠলো। রাইফেলটা ছড়িয়ে এনে বসলো আমার পাশে।

‘কতক্ষণ ছিলাম ওর নিচে?’ হাঁপাতে হাঁপাতে জিজ্ঞেস করলাম আমি।



‘জানি না। মনে হয় বিশ মিনিটের কাছাকাছি।’

‘বিশ মিনিট। মনে হচ্ছিলো বিশ শতাব্দী। কি করে বের করলে আমাকে?’

শক্ত তুষারের ওপর ইয়াকের চামড়া বিছিয়ে শুয়ে হাত দিয়ে স্ক্রুড্রস কেটে এগিয়ে গিয়েছিলাম। কোথায় পড়েছিলে তা তো দেখেছিলাম। খুব বেশি দূরে নয়। একেবারে নিচে পৌঁছে তোমার আঙুলগুলো দেখলাম। তাড়াতাড়ি রাইফেলের বাটটা এগিয়ে দিলাম। ভাগ্য ভালো ওটা ধরার মতো শক্তি তখনো ছিলো তোমার।’

‘ধন্যবাদ, বুড়ো ছোকরা।’ আর কিছু আমি বলতে পারলাম না।

‘আমাকে ধন্যবাদ দিচ্ছে কেন?’ যুহু হেসে জিজ্ঞেস করলো লিও। ‘তুমি কি ভেবেছিলে বাকি পথটুকু আমি একাই যাবো? দম নেয়া হয়েছে? তাহলে ওঠো, দেরি করে লাভ নেই। বেশ কিছুক্ষণ বরফের বিছানায় ঘুমিয়ে নিয়েছো, এবার একটু ব্যায়াম দরকার তোমার। জানো, আমার রাইফেলটা ভেঙে গেছে, তোমার-টা তুষারের নিচে। ভালোই হয়েছে, কি বলো? কার্তুজগুলোর ভার আর বইতে হবে না।’ শুকনো হাসি ওর মুখে।

আবার আমরা রওনা হলাম। সামনে যাওয়া অর্থহীন। সুতরাং সেই আগের পাথরটার কাছেই আবার ফিরে এলাম। আমাদের নিজেদের এবং হতভাগ্য ইয়াকটার পায়ের ছাপ চোখে পড়লো। এখনো তেমনি আছে। আগের মতোই নির্দয় নিঃশব্দ ভঙ্গিতে দাঁড়িয়ে আছে খাম ছটো—একটা খাদের এপাশে, অন্যটা ওপাশে। খাদটাও আগের মতোই খাড়া নেমে গেছে পাহাড়ের দিকে। অগম্য।

‘ওদিকে সেই হিম-স্তরের কাছে চলো,’ বললো লিও।

নিঃশব্দে এগিয়ে চললাম আমি ওর পেছন পেছন। অবশেষে

পৌছলাম। সময় নষ্ট করলো না লিও। ঝুঁকে পরীক্ষা করলো হিমশিরার গোড়ার দিকটার অবস্থা। আমিও উঁকি দিলাম। আগের-বার যা দেখেছিলাম তার চেয়ে বেশি কিছু দেখতে পেলাম না। ৭-চারেক ফুট গভীর খাদ। তার কিনার দিয়ে নেমে গেছে সরু, মোটা নানা ধরনের বরকের খাম বা শিকড়। একটা জলপ্রপাত আচমকা জমে বরক হয়ে গেলে যেমন দেখতে হবে ঠিক তেমন। শিকড়গুলোর কোনোটা সরু হতে হতে তল পর্যন্ত পৌঁছেছে কিনা সেটাই জানতে চাইছি আমরা। কিন্তু বোঝা গেল না। নিশ্চিত যদি জানতাম তল পর্যন্ত পৌঁছেছে কোনোটা তাহলে সেটা বেয়ে নামার চেষ্টা করা যেতো। হতাশা, কালো হতাশা ছাড়া আর কিছু দেখছি না চোখে।

‘কি করবো আমরা?’ অবশেষে জিজ্ঞেস করলাম আমি। ‘সামনে মৃত্যু, পেছনে মৃত্যু—পাহাড় পেরিয়ে ফিরে যাবো সে উপায় নেই, খাবার নেই এক বিন্দু, শিকার করে খাবার যোগাড় করবো তারও উপায় নেই, বন্দুক একটা হারিয়েছি, অন্যটা অকেজো। এখানে বসে থেকে না খেয়ে মরা ছাড়া আর কোনো উপায় নেই। একমাত্র অলৌকিক কোনো ঘটনাই আমাদের বাঁচাতে পারে।’

‘অলৌকিক ঘটনা!’ জবাব দিলো লিও। ‘আর কি ঘটবে বলো? ছোট পাহাড়টায় উঠেছিলাম কেন? ওটায় উঠেছিলাম বলেই তো বেঁচে গেছি হিমবাহের হাত থেকে; এটাকে অলৌকিক ঘটনা বলবে না? তুষারের নিচ থেকে তোমার জামা ফিরে আসা? আমার মাথায় হঠাৎ বুদ্ধি আসা, তুষারের নিচে গিয়ে তোমাকে বের করে আনা? আমি মনে করি অদৃশ্য কোনো শক্তি এতদিন আমাদের সাহায্য করেছে। আগামীতেও করবে না কেন? তুমি কি মনে করো, এই শক্তির সহায়তা না পেলে এতদিন আমরা বেঁচে থাকতাম?’

ধামলো ও, তারপর যোগ করলো, 'তোমাকে বলছি, হোরেস, সঙ্গে খাবার, বন্দুক, ইয়াক, আরো যা যা দরকার সব থাকলেও আমি ফিরে যেতাম না। ফিরে গেলে কাপুরুষ প্রমাণিত হয়ে যাবো না? তখন কি ও ওর যোগ্য মনে করবে আমাকে? না, হোরেস, এগিয়ে আমি যাবোই।'

'কিন্তু, কি করে?'

'ঐ পথ ধরে।' খাদের পাড় থেকে বুলে পড়া বরফের শিকড়ের দিকে ইশারা করলো লিও।

'ও তো মৃত্যুর পথ!'

'হোক। মৃত্যু এলে আসবে। এখানে বসে থাকলেও তো মরবো, তার চেয়ে এগিয়ে যাওয়ার চেষ্টা করে মরি। আমি মনস্থির করে ফেলেছি। এবার তোমার পালা।'

'আমিও ঠিক করে ফেলেছি। আমরা এক সাথে যাত্রা শুরু করে-ছিলাম, লিও, শেষ-ও করবো এক সাথে। হয়তো আয় শা জানে আমাদের এখনকার অবস্থা। আমাদের পরীক্ষা করছে, সময় হলেই সাহায্যের হাত বাড়িয়ে দেবে।' শুকনো একটু হাসলাম আমি। 'যদি—না চলো, খামোকা সময় নষ্ট করছি।'

নামার জন্যে সামান্য কিছু প্রস্তুতি নিতে হলো। একটা চামড়ার কন্ডল আর ইয়াকের চামড়াটা সরু ফালি করে কেটে গি'ট দিয়ে দড়ি মতো বানালাম। কোমরের কাছে বেঁধে নিলাম এই দড়ি। একটা প্রাস্ত খোলা রইলো। এতে নামা সুবিধাজনক হবে।

তারপর আরেকটা কন্ডল টুকরো টুকরো করে কেটে আমাদের হাঁটু এবং পাগুলো ঢেকে নিলাম। শক্ত বরফ বা পাথরের কোনো লেগে ছড়ে যাওয়ার ভয় থাকবে না। চামড়ার দস্তানাগুলো পরে

নিলাম হাতে। এগুলো হয়ে যাওয়ার পর আমাদের বাকি জিনিস-পত্র সব এক সাথে করে বেঁধে ফেলে দিলাম খাদের ভেতর। আশা করছি নিচে নেমে—যদি শেষ পর্যন্ত নামতে পারি—ওগুলো ফিরে পাবো আবার।

বাস, প্রস্তুতি শেষ। এবার নামতে হবে। কিন্তু তবু আরো কিছুক্ষণ অপেক্ষা করলাম আমরা। ভয়ানক একটা কাজ করতে চলেছি। সকল না হওয়ার সম্ভাবনা শতকরা নিরানব্বুই ভাগ। একটু মানসিক প্রস্তুতির প্রয়োজন আছে।

লিগর দিকে তাকালাম। আমার লিগ। পাঁচ বছরের ছোটটি, যখন আমার কাছে এসেছিলো। এখন যৌবনোত্তীর্ণ প্রায়। এই দীর্ঘ সময়ে কখনো আলাদা হইনি আমরা। আজ যদি মৃত্যু আসে, মরণের ওপারে গিয়েও এক সাথে-ই থাকতে চাই।

ও-ও তাকিয়ে আছে আমার দিকে। নির্বাক। তারপর নিচু, প্রায় ফিসফিস করে বললো, ‘এসো।’

পাশাপাশি ছোটো বরফের খুঁটি ধরে নামতে শুরু করলাম। প্রথম কিছুক্ষণ মোটেই কঠিন মনে হলো না কাজটাকে। দীর্ঘ খাদের গায়ে উঁচু হয়ে থাকা পাথরে পা বাধিয়ে নেমে যাচ্ছি হুঁজন। যদিও জানি, কোনো ভাবে একবার হাত ফসলালে যাত্রা করতে হবে মহাপ্রস্থানের পথে। তবে আমরাও কম নই। যথেষ্ট শক্তিশালী, এবং বাওয়া-ছাওয়ার কাছে দক্ষ। তলিঁড়া এধরনের পরিবেশ সম্পর্কে পূর্ব অভিজ্ঞতা আছে।

প্রায় শ'খানেক ফুট নেমে নামলাম আমরা। খাদের গায়ে বেরিয়ে থাকা বিরাট একটা পাথরের টাইয়ে পা ঠেকিয়ে সাবধানে ঘাড় ঘুরিয়ে তাকালাম নিচের দিকে। যা দেখলাম, সত্যি কথা রিটার্ন অভ শী

বলতে কি, ভয়ঙ্কর বললেও কম বলা হয়। একশো কি সোয়াশো ফুট নিচে খাদের গা তীক্ষ্ণ একটা বাঁক নিয়ে ক্রমশ ঢালু হয়ে এগিয়ে গেছে মাঝখানের দিকে। দৃষ্টি আটকে রেখেছে। তল দেখতে পাচ্ছি না।

আবার নামতে শুরু করলাম। এবার আর আগের মতো সহজ মনে হচ্ছে না। কারণ প্রথমত, সামান্য হলেও ক্লান্ত হয়েছি, দ্বিতীয়ত, খাদের গায়ে উঁচু হয়ে বেরিয়ে থাকা পাথরের সংখ্যা কমে গেছে অনেক। পায়ের নিচে কোনো অবলম্বন পাচ্ছি না। একেবারে মুহূর্তের জন্তে হাত ফস্কে যাচ্ছে, সড়সড় করে নেমে যাচ্ছি কয়েক ফুট; আতকে উঠে শক্ত করে আঁকড়ে ধরছি বরফের খুঁটি বা ভাগ্যক্রমে পায়ের নিচে পেয়ে যাচ্ছি কোনো পাথর। কোমরে বাঁধা দড়িগুলো খুব সাহায্য করলো। পাথর বা বরফের খাঁজে আলাগা মাথাগুলো বাঁধিয়ে নামছি। অন্য একটা পাথরে পৌঁছে টেনেটুনে ছাড়িয়ে নিচ্ছি দড়িটা, তারপর আবার আরেকটা খাঁজে বাঁধিয়ে দিয়ে নেমে যাচ্ছি।

অবশেষে পৌঁছলাম বাঁকটার কাছে। অর্ধাং প্রায় আড়াইশো ফুট নেমে আসতে পেরেছি। ধারণা করছি আর শ' দেড়েক ফুট নামতে পারলেই তলে পৌঁছে যাবো। কিন্তু সত্যিই কি দেড়শো ফুট, না আরো বেশি? কি করে জানা যায়?

‘দেখতে হবে,’ বললো লিও।

বুঝলাম, কিন্তু কি করে? একটাই মাত্র উপায় আছে, বিপজ্জনক ঢালু কিনারে গিয়ে উঁকি দেওয়া। একই সাথে ব্যাপারটা অনুধাবন করলাম ছ’জন। যাওয়ার জন্যে পা বাড়লাম আমি।

‘না,’ বাধা দিলো লিও, ‘আমার বয়েস কম, শক্তিও তোমার চেয়ে

বেশি। আমিই যাবো। এসো, আমাকে সাহায্য করো।' কোণরের দড়িটা শক্ত করে একটা পাথরের কোনার সাথে বাঁধলো, তারপর বললো, 'এবার, ধরো আমার গোড়ালি।'

ব্যাপারটা পাগলামী মনে হলো আমার কাছে। কিন্তু উপায়-ও নেই এছাড়া। সুতরাং সময় নষ্ট না করে ছোট্ট একটা খাঁজে পা আটকে বসলাম। তারপর লিওর গোড়ালি ছুঁতে ধরে ধীরে ধীরে শরীর ঝুঁকিয়ে দিলাম। হাত প্রসারিত করে দিলাম যতদূর যায়। বুকে ভর দিয়ে একটু একটু করে এগিয়ে গেল লিও। সামনের দিকে মুখ। একটু পরে ওর শরীরের অর্ধেকটা চলে গেল বাঁকের কিনারার আড়ালে।

তারপর হঠাৎ, দড়ি ছুঁতে গেল বলে, না লিওর হাত ফস্কে গেল বলে জানি না, ওর সম্পূর্ণ শরীরের ওজন অনুভব করলাম হাতে। হ্যাঁচকা একটানে আমার হাত ছুঁতে গেল ওর গোড়ালি থেকে। আতঙ্কে হিম হয়ে গেলাম আমি। গলা চিরে তীক্ষ্ণ আর্তনাদের মতো বেরিয়ে এলো একটা শব্দ : 'লিও।'

'লিও-ও-ও।' আবার চিৎকার করলাম আমি। এবং পরমুহূর্তে অস্পষ্ট একটা আওয়াজ ভেসে এলো আমার কানে—'এসো।' (পরে জেনেছিলাম, আসলে লিও বলতে চেয়েছিলো, 'এসো না।')

এক ঝটকায় সোজা হয়ে বসলাম। তারপর আর কোনো ভাবনা চিন্তার ধার না ধরে এগিয়ে যেতে লাগলাম। ঘষটে ঘষটে। দু'সেকেন্ডের মাথায় বাঁকের কিনারে পৌঁছলাম। তিনের মাথায় টপকে ওপাশে।

অপ্রশস্ত একটা বরফের ঢাল নেমে গেছে বাঁকের কিনার থেকে। খুব খাড়া নয়। লম্বায় ফুট পনেরো হবে। ক্রমশ সরু হতে হতে সংকীর্ণ, খুব বেশি হলে মানুষের কানের সমান মোটা একটা শৈল-তাকে গিয়ে শেষ হয়েছে ঢালটা। যে গতিতে কিনারে এসেছি সেই

একই গতিতে পিছলে নেমে যেতে লাগলাম আমি। নিজের অজ্ঞানতাই হাত দুটো ছড়িয়ে গেল ছ'পাশে। মুহূর্ত-পরে পা ঠেকলো শৈলতাকে। হুমড়ি খেয়ে পড়ে যাচ্ছি, এমন সময় ছড়িয়ে থাকা ছ'হাতের নিচে অনুভব করলাম কর্কশ কিছু একটা—সম্ভবত বরফ, পাথরও হতে পারে। থপ করে খামচে ধরলাম আমি। কোনো-মতে রোধ করতে পারলাম পতনটা।

তারপর দেখতে পেলাম সব। আমার শিরা উপশিয়ার ভেতর রক্ত জমাট বেঁধে গেল যেন। চামড়ার দড়ির প্রান্তটা আটকে গেছে শৈলতাকের একটা খাঁজে। চার পাঁচ ফুট নিচে শূন্যে ঝুলছে লিও। ধীর অলস ভঙ্গিতে পাক খাচ্ছে ওর শরীর। নিচে হাঁ করে আছে অন্ধকার গহ্বর। কত নিচে যে এর তল বুঝতে পারলাম না। শুধু দেখলাম অন্ধকার যেখানে শেষ হয়েছে তারও বহু নিচে শাদা কি যেন। বরফই হবে হয়তো। কিন্তু হায়! কিছুই করার নেই আমার। যদি এক চুল নড়ি বা হাত আলাগা করি ঐ গহ্বরে উল্টে পড়বো আমি নিজে। অন্যদিকে কোনোক্রমে যদি চামড়ার রশিটা খাঁজ থেকে ছুটে যায় পড়ে যাবে লিও। আমি এখন কি করবো? ওহ, ঈশ্বর, বলো বলো, আমি কি করবো?

সময় যেন থেমে গেছে। কতক্ষণ হয়েছে জানি না, সেই একই অবস্থায় আছি আমি। চারদিক নিস্তর। সামনে থাকার প্রায় কালো গা। শূন্য দৃষ্টিতে তাকিয়ে আছি। তারপর, হঠাৎ একটা ঝলকানি দেখতে পেলাম কালোর ভেতর, এবং মুহূর্ত একটা শব্দ নিস্তরতার ভেতর। ঝলকটা ছোরার (কোমরের খাপ থেকে খুলে এনেছে লিও। শব্দটাও বেরিয়েছে লিওর মুখ থেকেই। তীব্র আক্রোশে দুর্বোধ্য একটা চিৎকার করে চামড়ার দড়িতে ছোরা

চালাচ্ছে ও । তৃতীয় পোঁচেই কেটে গেল চামড়ার সৰু ফালি ।

আমি দেখলাম, ছুঁটুকরো হয়ে গেল ওটা । এক অংশ লিওকে নিয়ে চলে গেল সর্বগ্রাসী অন্ধকারের দিকে । অন্য অংশটা সাঁৎ করে উঠে গেল ওপরে । তারপর একবার নিচে একবার ও পরে লাফাতে লাগলো ছলে ছলে ।

এক সেকেন্ড পর নিচ থেকে ভেসে এলো ভারি কিছু পতনের আওয়াজ । খেঁতলে গেল লিওর শরীর । সেই মুহূর্তে আমি অনুভব করলাম লিও আমার কাছে কি ছিলো । লিও নেই মনে হতেই সারা শরীর শিথিল হয়ে এলো আমার ।

প্রায় সঙ্গে সঙ্গে সন্নিহিত ফিরলো । শরীর টান করে দাঁড়লাম । আকাশের দিকে তাকলাম একবার । চিৎকার করে উঠলাম, ‘আসছি, লিও !’ মাথার ওপর তুলে ফেললাম ছ’হাত । সাঁতারু যেভাবে ঝাঁপ দেয় পানিতে সেই ভঙ্গিতে লাফিয়ে পড়লাম কালো খাদের ভেতর ।

## ছয়

শূন্যের ভেতর দিয়ে পড়ছি, পড়ছি, পড়ছি । এখনো সম্পূর্ণ সচেতন আমি । যে কোনো মুহূর্তে কঠিন কিছুর ওপর আছাড় পড়বে আমার দেহ । তারপর সব শেষ ।

ঝপাং ! কেন ঝপাং কেন ? শব্দ তো হওয়ার কথা ঝপ- বা ধুপ । কি আশ্চর্য ! আমি এখনো বেঁচে আছি ! কি করে তা সম্ভব ?

একটাই উত্তর, পানিতে পড়েছি ।

হ্যাঁ, তাই । পানিতে পড়েছি আমি । বরফের মতো ঠাণ্ডা পানি



চারপাশ থেকে পঁচিয়ে ধরেছে। আর আমি ক্রমশ নিচে চলে যাচ্ছি। আরো নিচে, আরো নিচে। মনে হলো আর কখনোই বোধহয় উঠতে পারবো না এই অতল পানির তল থেকে। কিন্তু না, পারলাম শেষ পর্যন্ত। বাতাসের অভাবে ফুস ফুস যখন ফেটে যাবে ঠিক তার আগের মুহূর্তে পানির ওপর ভেসে উঠলো আমার মাথা।

ওহ্! সে মুহূর্তের আনন্দ আমি কি করে প্রকাশ করবো? নিশ্চিত মৃত্যুর ছয়ার থেকে ফিরে এলে মানুষের মনের অবস্থা কেমন হতে পারে? কিন্তু—কিন্তু, নিও কোথায়? আমি যেমন বেঁচে গেছি ওর-ও তো তেমনি বেঁচে যাওয়ার কথা। পা দিয়ে পানি কাটতে কাটতে ঘাড় ঘুরিয়ে তাকলাম চারদিকে।

মাত্র দশ গজ দূরে দেখতে পেলাম লিওকে। ওর সোনালী চুল আর দাড়ি থেকে পানি গড়িয়ে পড়ছে। লিও বেঁচে আছে। কি অপার স্বস্তি যে অমুভব করলাম বুকের ভেতর। ও-ও আমাকে দেখেছে। হ্যাঁ হয়ে গেছে খুসর চোখ ছটো। একুণি কোটর ছেড়ে বেরিয়ে আসবে যেন।

‘ছ’জনই তাহলে বেঁচে আছি এখনো।’ উৎফুল্ল কণ্ঠে চিৎকার করে উঠলো ও। খাদ উধাও। বলেছিলাম না, অদৃশ্য শক্তি পূর্ণ দেখিয়ে নিয়ে যাবে আমাদের।’

‘হ্যাঁ, কিন্তু কোথায়?’ বললাম আমি। তারপরেই সর্চেন হলাম, আমরা একা নই। নদীর পাড়ে, আমাদের গর্জ তিরিশেক দূরে দাঁড়িয়ে আছে ছটো মূর্তি—একজন পুরুষ, লম্বা একটা লাঠিতে ভর দিয়ে ঝুঁকে আছে সামনের দিকে, আর এক রমণী। লোকটা বৃদ্ধ, অত্যন্ত বৃদ্ধ। তুধারের মতো শাদা চুল, দাড়ি নেমে এসেছে কাঁধ আর বুকের ওপর। ছোট খাটো কুঁজো দেহটা মোমের মতো হলুদ। সন্ন্যাসীদের মতো দীর্ঘ এক আলখাল্লা পরনে। লাঠিতে ভর দিয়ে মূর্তির

মতো অনড় দাঁড়িয়ে আছে সে। আমাদের দেখছে। রমণী দীর্ঘ দেহী। হাত উচিয়ে ইশারা করছে আমাদের দিকে।

এখন আমরা যেখানে আছি সেখানে নদী মোটামুটি শান্ত। অথচ তীরের কাছাকাছি মনে হচ্ছে স্রোত খুব বেশি। কারণটা বুঝতে পারলাম না। আন্দাজ করলাম নদী তলের অস্বাভাবিক গঠনের কারণে এমনটা হচ্ছে। যা হোক, হু'জনে খুব কাছাকাছি থেকে পাড়ের দিকে সাঁতারাতে শুরু করলাম, যেন প্রয়োজন হলে একে অপরকে সাহায্য করতে পারি। সামান্য কয়েক গজ যাওয়ার পরই বুঝতে পারলাম প্রয়োজনটা কি প্রচণ্ড। তীরের কাছাকাছি স্রোত বেশি বুঝতে পারছিলাম, কিন্তু এতটা যে, কল্পনাও করিনি। বন্যার তোড়ের মতো ভাসিয়ে নিয়ে যেতে লাগলো আমাদের।

এমন সময় লিও চিৎকার করে উঠলো, 'রশিটা ধরো, আমি ডুব দিচ্ছি।'

ওর কোমরে বাঁধা দড়িটা খপ করে ধরলাম আমি। প্রাণপণ চেষ্টায় ডুব সাঁতার দিয়ে তীরের দিকে যেতে লাগলো। আমিও ডুব দিয়েছি। এক হাতে যতটা সম্ভব জল কেটে এগোনোর চেষ্টা করছি। কিন্তু বেশি কণ্ড সুবিধা করতে পারলাম না। আমাদের গায়ের কাপড় ভিজ়ে ভারি হয়ে উঠেছে। সীসার মতো ঠান্ডে নিচের দিকে। সেই সাথে ভয়ানক বেগে ভেসে চলেছি স্রোতের টানে।

দম শেষ হয়ে যেতেই ভেসে উঠতে বাধ্য হলাম আমরা। একেবারে হতাশাজনক মনে হলো না পরিস্থিতি। বেশ খানিকটা চলে এসেছি তীরের দিকে। এমন সময় একটুকু হঠাৎ করে দেখলাম সেই থুথুরে গুড়ো আশ্চর্য দ্রুত পায়ে ছুটে এলো পাড়ের একেবারে কিনারে। তার দীর্ঘ লাঠিটা বাড়িয়ে ধরলো আমাদের দিকে।

সর্বশক্তিতে চেপ্টা চালানো লিও। ধরে ফেলতে পারলো লাঠির এক প্রান্ত। মুহূর্তে মন্দীভূত হয়ে এলো আমাদের গতি। শ্বাস নিলাম লম্বা করে। এক হাতে লাঠি, অন্য হাতটা বাড়িয়ে দিয়েছে বৃদ্ধ আমার দিকে। এমন সময় আবার দুর্ভাগ্য। মট্ করে ভেঙে গেল লাঠিটা। শ্রোতের প্রবল টান অনুভব করলাম শরীরে। বৃদ্ধের হাত ধরার জন্যে হাত বাড়িয়ে দিলাম আমি। ধরতে পারলাম না। মুহূর্তের জন্যে দুটো হাত ছোঁয়াছুঁয়ি হলো শুধু। এই সময় অস্বুত এক কাজ করলো রমনী। ইতিমধ্যে সে-ও এসে দাঁড়িয়েছে বৃদ্ধের পাশে। লাঠিটা ভেঙে যেতেই ঝাঁপিয়ে পানিতে নেমে এলো সে। বিহ্যৎগতিতে হাত বাড়িয়ে এক হাতে ধরে ফেললো লিওর চুল, অন্য হাতে আঁকড়ে ধরলো বৃদ্ধের একটা বাহ। এই সময় কণিকের জন্যে পায়ের নিচে মাটি পেলো লিও। সঙ্গে সঙ্গে হাত বাড়িয়ে ধরে ফেললো মেয়েটার কীণ কটি, অন্য হাতে আমাকে। তারপর কিছুক্ষণ ধস্তাধস্তি। অবশেষে তীরে উঠলাম আমরা। মাটিতে শুয়ে পড়ে হাঁপাতে লাগলাম হাপরের মতো।

শ্বাস-প্রশ্বাস একটু স্বাভাবিক হতে মুখ তুলে তাকানোর আমি। দাঁড়িয়ে আছে মেয়েটা। কাপড় থেকে জল ঝরে পড়ছে টপ টপ করে। লিওর দিকে তাকিয়ে আছে সে। চোখে স্বপ্নাচ্ছন্নের দৃষ্টি। কপালের কোনায় একটা কাটা দাগ, একটু অসুখে ধস্তাধস্তির সময় হয়েছে। রক্ত গড়িয়ে পড়ছে তা থেকে। তবু তার সৌন্দর্য আমার চোখ কাড়লো। একটু পরে সন্নিহিত ফিরলো মেয়েটার। চকিতে একবার তাকালো তার ভরাট শরীরের সাথে সঁটে থাকা পোশাকের দিকে। সঙ্গীকে কি যেন লবল্লে দ্রুত, তারপর ঘুরে ছুটে চলে গেল একটা পাহাড়ের আড়ালে।

আমরা শুয়ে আছি। ক্লান্ত, বিধ্বস্ত। পাশে বসে আছে বৃদ্ধ। গীতের ধীরে উঠে দাঁড়ালো সে। ভাষাহীন দৃষ্টি আমাদের ওপর নিঃসঙ্গ। মুহূর্তে কিছু বললো। ভাষাটা বুঝতে পারলাম না আমরা। এত-পর অন্য একটা ভাষায় কথা বললো সে। এবারও তা ছর্বোধ্য শোনালো আমাদের কানে। তৃতীয়বার চেষ্টা করলো বৃদ্ধ। সাথে সাথে কান খাড়া হয়ে উঠলো আমাদের। গ্রীক! হ্যাঁ, মধ্য এশিয়ার এক অঙ্গ এলাকায় গ্রীক-এ কথা বলছে অশীতিপর এক বৃদ্ধ। খুব বিস্ময় নয় যদিও, তবু গ্রীক।

‘তোমরা কি যাচুকর?’ বললো সে, জ্যাস্ত পৌছেছে এদেশে।’  
‘না,’ জবাব দিলাম আমি, একই ভাষায়। ‘তা-ই যদি হতো তা-হলে অন্য রাস্তায় আসতাম।’

‘প্রাচীন ভাষাটা জানে ওরা। পাহাড়ের ওপর থেকে যা বলে দেয়া হয়েছে তার সাথে মিলে যাচ্ছে।’ নিজের মনে বিড়বিড় করলো বৃদ্ধ। তারপর জিজ্ঞেস করলো—

‘কি চাও তোমরা, বিদেশী?’

সাথে সাথে কোনো জবাব দিলাম না আমি। ভাবছি কি বলবো, সত্যি কথা বললে যদি আবার ঠেলে ফেলে দেয় ঐ ভয়ঙ্কর নদীতে! কিন্তু লিও অভ ভাবনা চিন্তার ধার ধারলো না।

‘আমরা খুঁজছি,’ সরাসরি বললো ও, ‘আমরা খুঁজছি অগ্নি-পর্বত, যার চূড়া জীবনের প্রতীক দিয়ে সুশোভিত।’

নিঃসঙ্গ চোখে কিছুক্ষণ তাকিয়ে রইলো লোকটা। ‘তার মানে তোমরা জানো! কাকে চাও ওখানে?’

উঠে বসলো লিও। ঝাঁঝের সঙ্গে জবাব দিলো, ‘রানীকে।’

আমার ধারণা পূজারিণী বা দেবী বোঝাতে চেয়েছে লিও, কিন্তু রিটার্ন অভ শী

গ্রীক-এ রানী ছাড়া আর কোনো শব্দ আসেনি ওর মাথায় ।

‘ও ! তোমরা একজন রানীকে খুঁজছো...তারমানে তোমাদের ওপর নজর রাখার জন্যেই আমাদের পাঠানো হয়েছে । না,...কি করে আমি নিশ্চিত হবো ?’

‘এটা কি জিজ্ঞাসাবাদের সময় হলো ?’ রেগে গেলাম আমি ।  
‘আগে আমার একটা প্রশ্নের জবাব দিন : আপনি কে ?’

‘আমি ? শোনো বিদেশীরা, আমার পদবী হলো, তোরণের অভিভাবক, আর আমার সাথে যে মহিলাকে দেখলে সে হচ্ছে কালুন-এর খানিয়া ।’

এই সময় হঠাৎ মাথা ঘুরে উঠলো লিওর । টলে উঠে পড়ে যেতে লাগলো । লাফিয়ে উঠে ধরলাম আমি ওকে ।

‘লোকটা দেখি অসুস্থ !’ ব্যস্ত কণ্ঠে বললো বৃদ্ধ । ‘চলো চলো, এক্ষুণি আশ্রয় দরকার তোমাদের ।’

ছ’পাশ থেকে ছ’জন ধরে আস্তে আস্তে হাঁটিয়ে নিয়ে চললাম লিওকে । নদীর পাড়ে সামান্য একটু ফাঁকা জায়গা । তারপর পাহাড়ী এলাকা । সরু আকাবাকা একটা গিরিপথ চলে গেছে দুই পাহাড়ের মাঝ দিয়ে । সেই পথে চলতে লাগলাম আমরা ।

গিরিপথ যেখানে শেষ হয়েছে, সেখানেই একটা বনের শুরু । বন পেরিয়ে দেখতে পেলাম তোরণটা । খুব ছুঁকি লাগছিলো বলে ভালো করে খেয়াল করতে পারিনি ওটা । শুধু মনে আছে, ছ’দিকে বিস্তৃত বিরাট এক পাথুরে দেয়ালের মাঝখানে একটা গর্ত । তার ভেতর দিয়ে চলে গেছে পথ । এই গর্তের এক পাশে একটা সিঁড়ি । প্রায় অচেতন লিওকে নিয়ে অতিকষ্টে সিঁড়ির প্রথম ধাপটা উঠলাম । তারপর পুরোপুরি অজ্ঞান হয়ে একটা পুটলির মতো বসে পড়লো

লিও।

কি করা যায় ভাবছি এমন সময় পদশব্দ শুনে ওপর দিকে তাকালাম। দেখলাম সেই রমণী সিঁড়ি বেয়ে নেমে আসছে। তার পেছনে চিলে ঢালা পোশাক পরা দু'জন মানুষ। আকর্ষণীয় কিন্তু ভাবলেশহীন চেহারা, হলদেটে স্বক, ছোট ছোট চোখ। আমাদের দেখে বিন্দুমাত্র আশ্চর্য হলো না তারা, যেন জানা-ই ছিলো আমরা আগবো। ওদের দিকে তাকিয়ে কিছু বললো মহিলা। লিওর ভারি দেহটা তুলে নিলো তারা। সিঁড়ি বেয়ে উঠে গেল ওপরে।

অনুসরণ করে একটা কামরায় পৌঁছলাম আমরা। তোরণের ওপরে পাথর খোদাই করে তৈরি ঘরটা। এখানে আমাদের রেখে চলে গেল খানিয়া নামের সেই রমণী। এই কামরা থেকে আরো কয়েকটা ঘরের ভেতর দিয়ে গিয়ে অন্য একটা কক্ষে পৌঁছলাম। দেখে শুনে মনে হলো শোয়ার ঘর। ছোটো কাঠের খাট পাতা। ওপরে জাজিম, কশ্বল, বালিশ। একটা খাটে শুইয়ে দেয়া হলো লিওকে। বৃদ্ধ অভিভাবক ভৃত্যদের একজনের সহযোগিতায় ওর সব কাপড়-চোপড় খুলে ফেললো, আমাকেও ইশারায় খুলে ফেলতে বললো আমারগুলো। তারপর শিস বাজালো একবার।

অন্য ভৃত্য পাত্রভতি গরম পানি নিয়ে এলো। ভালো করে রগড়ে গা ধুয়ে ফেললাম আমি। লিওকে ধুইয়ে দিলো বৃদ্ধ নিজে। তারপর এক ধরনের মলম লাগিয়ে পট্টি বোঁধে দিলো আমাদের ক্ষত-গুলোয়। কশ্বল মুড়ি দিয়ে শুয়ে পড়লাম আমি। লিওকেও কশ্বল ঢোপা দেয়া হলো। এরপর খাওয়ার জন্যে সূরুয়া মতো এক ধরনের ঞিনিস এলো। বৃদ্ধ ওষুধ মেশালো তাতে। অর্ধেক একটা বাটিতে ঢেলে আমার দিকে এগিয়ে দিলো, বাকিটা লিওর মাথা হাঁটুর ওপর

নিয়ে ওর গলায় ঢেলে দিলো সে। মুহূর্তে অদ্ভুত এক উষ্ণতা বয়ে গেল আমার শরীর বেয়ে। যন্ত্রণাকাতর মস্তিষ্কটা হান্কা হয়ে যেতে লাগলো। তারপর আর কিছু মনে নেই।

একটানা কয়েক সপ্তাহ কাটলো কখনো অচেতন, কখনো অর্ধ-চেতন ভাবে। সম্পূর্ণ সচেতন একবারও হইনি এই সময়ে। যে সমস্ব-গুলোয় অর্ধচেতন ছিলাম তখনকার স্মৃতি কিছু কিছু মনে আছে। এছাড়া আর সব শূন্য, অন্ধকার।

একদিনের কথা একটু একটু মনে পড়ে। হলদে মুখো সেই বুড়ো ঝুঁকে আছে আমার ওপর, জানালা দিয়ে চাঁদের আলো এসে পড়েছে তার মুখে। শাদা চুল দাড়িতে অশরীরী আত্মার মতো লাগছে তাকে। তীক্ষ্ণ চোখে তাকিয়ে আছে আমার চোখের দিকে, আমার মনে যত গোপন কথা সব যেন জেনে নেবে।

‘এরাই সেই লোক,’ বিড়বিড় করে বললো সে। ‘কোনো সন্দেহ নেই, এরা-ই।’ তারপর জানালার সামনে গিয়ে দাঁড়ালো। আকুল নয়নে তাকিয়ে রইলো আকাশের দিকে।

আরেক দিনের কথা মনে আছে, নারীকঠের আওয়াজে ঘুম ভেঙে গেল আমার—সেই আগের মতো ঘুম ভাঙা, তন্দ্রাচ্ছন্ন ভাব, যেন স্বপ্ন দেখছি। চোখ মেলে দেখলাম আমাদের বাঁচিয়েছিলো যে, সেই রমণী, ভারি একটা আলখাল্লা পরনে, দাঁড়িয়ে আছে আমার পাশে। আমার মুখের দিকে তাকালো। বিতৃষ্ণায় কণ্টকে উঠলো তার ভুরু। মুখ ফিরিয়ে অভিভাবককে কি যেন বললো, সম্ভবত আমার কুৎসিত চেহারার কথা। তারপর লঘু স্বরে গিয়ে দাঁড়ালো লিওর বিছানার পাশে। খটখটে একটা কাঠের টুল টেনে বসলো। তারপর ভয়ঙ্কর একাগ্রতায় তাকিয়ে রইলো ওর দিকে।

অনেক, অনেকক্ষণ দেখলো সে লিওকে। তারপর উঠে পায়চারি করতে লাগলো কামরার এমাথা ওমাথা। হাত ছোটো ওঁড় করে রাখা বৃকের ওপর, কুঁচকে আছে ক্রছটো, মুখে তীব্র এক আকৃতি : যেন কিছু একটা মনে করার চেষ্টা করছে, পারছে না।

‘কোথায়, কখন?’ নিজের মনে ফিস ফিস করলো সে। ‘ওহ! কোথায়, কবে?’

এই দৃশ্যের শেষে কি ঘটেছিলো জানি না। কারণ আবার ঘুমিয়ে পড়েছিলাম আমি।

আবার, ক’ঘণ্টা বা কত দিন পরে জানি না, একটু সজাগ হলাম আমি। তখন রাত। শুধু মাত্র টাঁদের আলোয় সামান্য আলোকিত ঘরটা। লিওর বিছানায় সরাসরি পড়ছে আলো। এবং আমি দেখলাম, বিছানার পাশে বসা সেই মহিলা। তাকিয়ে আছে ওর মুখের দিকে।

অনেকক্ষণ কেটে গেল এভাবে। ও দেখছে লিওকে, আমি দেখছি ওকে। হঠাৎ উঠে দাঁড়িয়ে চুপি চুপি আমার বিছানার দিকে এগিয়ে আসতে লাগলো মেয়েটা। ঘুমের ভান করে চোখ বুজে দেখলাম আমি।

সম্পূর্ণ সজ্ঞান না হলেও কৌতূহল জেগেছে আমার মনে। কে এই নারী, তোরণের অভিভাবক যাকে বলেছে কামুন-এর খানিয়া? আমরা যাকে খুঁজছি একি সে-ই? কেন নয়? কিন্তু...আয়শাকে দেখলে সঙ্গে সঙ্গে তো চিনতে পারার কথা ছিলো আমাদের। ওর সেই মুখ কি ভোলা যায়?

আবার লিওর বিছানার কাছে চলে গেল সে। হাঁটু গেড়ে বসলো। আগের মতোই অপলক নেত্রে তাকিয়ে রইলো ওর মুখের দিকে।



নিঃশব্দে কেটে গেল কিছুক্ষণ। তারপর সে কথা বলতে শুরু করলো।  
খুব নিচু স্বরে, মঙ্গোলিয়ানের মিশেল দেয়া গ্রীকে।

‘আমার স্বপ্নের পুরুষ,’ ফিসফিস করে বললো সে। ‘কোথেকে এসেছো? কে তুমি? হেসা কেন আমাকে আদেশ দিলো তোমার সাথে দেখা করার?’ এর পরের কয়েকটা বাক্য আমি বুঝতে পারলাম না। তারপর আবার, ‘তুমি ঘুমিয়ে আছো। ঘুমের ভেতর তোমার চোখ খুলে গেছে। আমার কথার জবাব দাও, আমি জানতে চাইছি, তোমার আর আমার মাঝে কিসের বন্ধন? কেন আমি তোমাকে স্বপ্নে দেখেছি? কেন তোমাকে আমার চেনা চেনা মনে হয়? কেন—?’ মিষ্টি কণ্ঠস্বরটা মিলিয়ে গেল ধীরে ধীরে।

ঝুঁকে পড়লো সে লিওর ওপর। এক গুচ্ছ চুল মূল্যবান মণিখচিত ফিতের বাঁধনচ্যুত হয়ে পড়লো ওর মুখে। জেগে উঠলো লিও। আমি যেমন জেগে, আধোধুম আধো জাগরণ, তেমন। ও হাত বাড়িয়ে ছুলো চুলের গোছটা। তারপর ইংরেজিতে বললো—

‘কোথায় আমি? ও, মনে পড়েছে,’ ওঠার চেষ্টা করতেই রমণীর চোখে গোখ পড়লো ওর। তখন আবার গ্রীকে বললো, ‘তুমিই তো আমাকে খরস্রোতা নদীর খপ্পর থেকে বাঁচিয়েছিলে। ঝুলো, তুমিই কি সেই রানী যাকে আমি এতদিন ধরে খুঁজছি?’

‘জানি না,’ কাঁশা কাঁপা মুহূ মিষ্টি স্বরে জবাব দিলো রমণী। ‘এটুকু জানি, আমিও এক রানী—অবশ্য খানিয়াকে যদি রানী বলা যায়।’

‘তাহলে বলো, রানী, আমাকে মনে আছে তোমার?’

‘স্বপ্নে আমাদের দেখা হয়েছিলো,’ সে বললো, ‘আমার মনে হয় দূর অতীতে কোনো এক সময় আমাদের দেখা হয়েছিলো। হ্যাঁ, নদীর কূলে যখন প্রথম তোমাকে দেখি, তখনই জেনেছিলাম—বিদেশী, অপ-

রিচিত কিন্তু মুখটা চেনা চেনা লাগছিলো। বলো, তোমার নাম কি ?  
'লিও ভিনসি।'

মাথা নাড়লো রমনী। 'না, এ নাম তো আমার পরিচিত নয়,  
তবু আমি তোমাকে চিনি।'

'তুমি আমাকে চেনো ! কেমন করে ?' ভারি, জড়িত গলায় বলেই  
আবার ঘুমিয়ে গেল লিও।

গভীর মনোযোগের সাথে আবার কিছুক্ষণ দেখলো ওকে খানিয়া।  
তারপর হঠাৎ আন্তে আন্তে নেমে যেতে লাগলো তার মুখ। লিওর  
ঠোঁটের সাথে ঠোট লাগলো। হাত দুটো উঠে এলো আলিঙ্গনের  
শক্তিতে। পর মুহূর্তে ছিটকে সরে এলো সে। চুল পর্যন্ত লাল হয়ে  
গেছে লজ্জায়।

এবার আমার দিকে চোখ পড়লো তার।

কখন যে সম্মোহিতের মতো উঠে বসেছি আমি নিজেও টের  
পাইনি। ত্রস্ত পায়ে আমার পাশে এসে দাঁড়ালো সে।

'তোমার এত বড় সাহস—।' তীব্র বিদেহ ভরা ফিসফিসে গলায়  
বললো রমনী, দ্রুত হাতে কোমরের কাছ থেকে টান দিলো কি যেন।  
পরক্ষণে দেখলাম, তার হাতে চক চক করছে একটা ছোঁয়া। যে-  
কোনো মুহূর্তে ছুটে আসবে আমার হৃৎপিণ্ড লক্ষ্য করে। বিপদ  
বৃষ্ণতে বিলম্ব হলো না আমার। ওকে এগিয়ে দেখেই কম্পিত  
হাত বাড়িয়ে দিলাম সামনে।

'ও ! দয়া করো, দয়া করো।' হাতের মুঠো গলাটাও কাঁপালাম  
নিখুঁত ভাবে। 'আমাকে একটু পানি দাও ! স্বর ! স্বলে যাচ্ছে  
শ্বেরটা !' উদভ্রান্তের মতো চাইলাম চারপাশে। একটু চড়লো  
আমার গলা। 'কই, একটু পানি দাও ! অভিভাবক, কই তুমি, একটু

পানি দাও, পানি।' তারপর ধপাস করে পড়ে গেলাম চিং হয়ে।

থেকে দাঁড়ালো খানিয়া। ছোরাটা খাপে পুরলো। পাশের একটা টেবিল থেকে এক বাটি ছুধ নিয়ে এসে দাঁড়ালো আমার বিছানার পাশে। ঝুঁকে আমার ঠোঁটের কাছে ধরলো বাটিটা। ঘাড়টা সামান্য তুলে বুভুক্ষের মতো খেয়ে নিলাম ছুধটুকু। ছুধের স্বাদ এর চেয়ে খারাপ আর কোনোদিন লাগেনি আমার কাছে।

'তুমি দেখি কাঁপছো!' বললো সে। 'ছুঃস্বপ্ন দেখেছো?'

'হ্যাঁ, বন্ধু। দেখলাম, ঐ ভয়ানক অন্ধকার খাদের ভেতর পড়ে যাচ্ছি আমি।'

'আর কিছূ?'

'আর কি দেখবো? নদীতে পড়ার আগেই ঘুম ভেঙে গেল।'

'সত্যি বলছো, আর কিছূ দেখনি?'

'শপথ করে বলছি, রানী।'

তারপর একটা দীর্ঘশ্বাস ফেলে জ্ঞান হারানোর ভান করলাম।

সত্যিই আমি আবার অচেতন হয়ে গেছি মনে করে জোরে জোরে কথা বলতে শুরু করলো খানিয়া।

'বেশ ভালো লাগছে,' বললো সে, 'ও অন্য কোনো স্বপ্ন দেখে নি। না হলে মুন্সিলই হতো—ওর জন্যেও, আমার জন্যেও।' অত দূরের পথ পাড়ি দিয়ে এসেছে বেচারী, মরণশাপদের হাতে তুলে দিতে খারাপই লাগতো আমার। বুড়ো আর কুস্বী হলেও মনে হয় জ্ঞানী লোকটা।'

মরণ-শাপদ জিনিসটা কি বুঝলাম না, তবু কথাটা শুনে কেমন একটা শিরশিরানি অনুভূতি হলো আমার শরীরে। ভয়ে শক্ত হয়ে রইলাম। এমন সময় সিঁড়িতে অভিভাবকের পদশব্দ শুনে স্বস্তি

ফিরে এলো মনে। চোখ সামান্য ঝাঁক করে দেখলাম, খরে ঢুকে রমণীকে কুনিশ করলো সে।

‘অসুস্থ ছ’জনের অবস্থা এখন কেমন, ভাতিঝি?’ শীতল কণ্ঠে জিজ্ঞেস করলো বুদ্ধ।

‘এখনো অচেতন। ছ’জনই।’

‘তাই নাকি! আমি তো ভাবছিলাম ওরা বুঝি জেগে উঠেছে।’

‘কি শুনেছো তুমি, শামান (অর্থাৎ যাজকর)?’ আচমকা প্রশ্ন করে বসলো খানিয়া, গলার স্বর কঠোর।

‘আমি? কি আবার শুনবো। ঝাপের ভেতর ছুরি ঢোকানোর শব্দ শুনলাম একবার, তারপর দূরে মরণ-স্বাপদের ডাক।’

‘আর, কি দেখেছো তোমার ঐ তোরণের ভেতর দিয়ে?’

‘আশ্চর্য দৃশ্য, খানিয়া, ভাইঝি। অচেতন অবস্থায় উঠে বসে মানুষ।’

‘হ্যাঁ। স্মৃতরাং ঘুমিয়ে থাকতে থাকতেই এটাকে অন্য কামরায় নিয়ে যাও। অন্যজনের একটু বিস্কন্ধ বাতাস দরকার।’

চোখের কোণ দিয়ে দেখলাম, অদ্ভুত এক অভিব্যক্তি ফুটে উঠলো অভিভাবকের মুখে। একটু আগে ওর উপস্থিতিতে যে ক্ষতিটুকু পেয়েছিলাম তা উবে গেল।

‘কোনু কামরায়, খানিয়া?’ অর্থপূর্ণ ভঙ্গিতে জিজ্ঞেস করলো সে।

‘আমার মনে হয় স্বাস্থ্যকর কোনো একটায় যেখানে ও দ্রুত আরোগ্য লাভ করবে। লোকটা বুদ্ধিমান, তাহলে পাহাড়ের নির্দেশ, ওর কোনো ক্ষতি হলে বিপদ হবে।’

দরজার কাছে গিয়ে শিশু বাজালো অভিভাবক। তক্ষুণি ভূতাদের পদশব্দ শোনা গেল সিঁড়িতে। কিছু একটা নির্দেশ দিলো তাদের বুদ্ধ। অলগোছে আমাকে মুক্ত জাজ্জিমটা তুলে নিলো ওরা। বেশ

কিছুক্ষণ হেঁটে, সিঁড়ি দিয়ে উঠে, নেমে, আবার হেঁটে অবশেষে আরেকটা বিছানায় নামিয়ে রাখলো আমাকে। বৃদ্ধ শামান আমার নাড়ী দেখলো। তারপর সত্যি সত্যিই ঘুমিয়ে গেলাম আমি।

ঘুম যখন ভালো তখন পুরো দিন। খুব ভালো বোধ করছি। মাথা পরিষ্কার, শরীর ঝরঝরে। বহু দিন এত ভালো বোধ করিনি। আগের রাতের সব কথা মনে পড়ে গেল আমার। সাবধানে মনে মনে যাচাই করলাম সেগুলো। সব শেষে সিদ্ধান্তে এলাম, আমার বিপদ এখনো কাটেনি। হয়তো শুরু হলো মাত্র।

অনেকগুলো প্রশ্নের জবাব পেলাম না। মরণ-স্বাপদের ডাক মানে কি? আমাদের উদ্দেশ্য কি সিদ্ধির পথে? এই মহিলা, খানিয়া-ই কি আয়শা? কেন ও আলিঙ্গন করলো লিওকে? নিঃসন্দেহে মেয়েটা দুশ্চরিত্রা নয়, তাছাড়া দুশ্চরিত্রা হলেও জীবন মৃত্যুর মাঝামাঝি অবস্থান করছে এমন এক অপরিচিত লোককে আলিঙ্গন করা বোধহয় কোনো মেয়ের পক্ষেই সম্ভব নয়। যা ও করেছে, সত্যি সত্যি অবদানিত আবেগের উচ্ছ্বাসেই করেছে। তাহলে?

নাকি খুবিলগান কোউ-এন-এর কথাই ঠিক? আইসিএসের পূজারী ক্যালিক্রেটিস যার সঙ্গে পালিয়েছিলো সেই মিসরীয় রাজকন্যা আমেনার্তাস পুনর্জন্ম নিয়ে এসেছে? আমেনার্তাস আর এই খানিয়া যদি একই নারী হয়? এবার কি তাহলে অস্তিত্বের খেলা শুরু হবে? জানি না। কিছুই বুঝতে পারছি না। সত্য জানতে হবে আমাকে। কিন্তু কি ভাবে?

এমন সময় দরজা খুলে গেল বৃদ্ধ যাহুকর ঢুকলো ঘরে। কৃত্রিম একটা হাসি লেগে আছে ঠোঁটে। আমার সামনে এসে দাঁড়ালো।

## সাত

‘বেশন আছো, বিদেশী ?’ জিজ্ঞেস করলো শামান।

‘ভালো,’ আমি জবাব দিলাম। ‘অনেক ভালো— কিন্তু আপনার নামটা তো এখনো জানা হলো না।’

‘সিমত্রি, আর আমার পদবী তো আগেই বলেছি, তোরণের অভি-  
ভাবক। বংশানুক্রমিকভাবে আমরা এই পদবীর অধিকারী। পেশায়  
চিকিৎসক।’

‘চিকিৎসক। আমি তো মনে করেছিলাম আপনি যাহুকর।’

অদ্ভুত-দৃষ্টিতে আমার দিকে তাকালো সিমত্রি। ‘না, যাহুকর মা,  
চিকিৎসক। তোমাদের ভাগ্য ভালো, এ বিষয়ে আমার কিছু পরিশ্রম  
আছে, না হলে আজ পর্যন্ত বেঁচে থাকতে না। যাক, আমার নামটা  
এবার বলো।’

‘হলি।’

‘আহ, হলি !’

‘আপনি কি আগেই টের পেয়েছিলেন আমরা আসবো, তাই  
খানিয়াকে নিয়ে গিয়েছিলেন ঐ জাহকর নদীর পাড়ে ? এ ছাড়া তো  
আর কোনো কারণ দেখছি না। সে জন্যেই মনে হলো আপনি হয়তো

যাহুকর. গণাপড়া করে আগেই ভবিষ্যৎ জেনে যান। অবশ্য নিছক মাছ ধরার জন্যেও গিয়ে থাকতে পারেন, ঠিক জানি না।’

‘নিশ্চয়ই ধরার জন্যে গিয়েছিলাম—তবে মাছ নয় মানুষ। তুটো ধরেছিও।’

‘আগে থাকতেই জানতেন আমরা আসবো?’

‘অনেকটা। অতি সম্প্রতি আপাকে জানানো হয়েছে তোমরা আসছো। দিনকণ অবশ্য বলা হয়নি। তোমাদের একেবারেই আমরা ছিলাম ওখানে। এখন বলা তো, ঐ দুর্গম পথ পেরিয়ে এলে কি করে?’

‘ধরুন আমরা যাহু জানি।’

‘জানি না। জানতেও পারো। কিন্তু কি খুঁজছে তোমরা? তোমার সঙ্গী এক রাণীর কথা বলছিলো...’

‘সত্যিই! ও বলছিলো? আশ্চর্য! এক রাণীর খোঁজ তো ও পেরেই গেছে। আমাদের যে বাঁচিয়েছে সে নিশ্চই রাণী, না?’

‘হ্যাঁ। খুব বড় রাণী। আমাদের দেশে খানিয়া মানেই রাণী। কিন্তু, বন্ধু হামি, অচেতন একজন মানুষ একথা জানলো কি করে খুবতে পারছি না। আর আমাদের ভাষা-ই বা তোমরা শিবলে কোথায়?’

‘খুব সোজা, ভাষাটা প্রাচীন। আমাদের দেশে এখনো এর চর্চা হয়। গ্রীসের মানুষ এখনো এ ভাষায় কথা বলে। কিন্তু আমি অবাঁক হচ্ছি, এই দুর্গম এলাকায় এ ভাষা এলো কি করে?’

‘বলছি শোনো,’ শুরু করলো বন্ধু। ‘আমাদের অনেক পুরুষ আগে এ-ভাষায় কথা বলে এমন এক জাতির যাদের মহান এক দিগ্বিজয়ীর জন্ম হয়েছিলো। দেশ জয় করতে করতে আমাদের দেশের দক্ষিণ অঞ্চল পর্যন্ত পৌঁছে গিয়েছিলেন তিনি। এর পর ভাগ্যদেবী বিমুখ হলেন।

স্থানীয় এক জাতির কাছে পরাজিত হলেন তিনি। কিন্তু তার ই এক সেনাপতি—এই সেনাপতি অবশ্য অন্য এক গোত্রের লোক, অন্য পথে এসে জয় করে নিলেন দেশটা। সেই সাথে তার প্রভু ভাষাও এলো। এদেশে এক নতুন রাজবংশ প্রতিষ্ঠা করলেন তিনি। মরুভূমি আর দুর্গম পাহাড়ে ঘেরা বলে বাইরের ছনিয়ার সাথে কোনো যোগাযোগ রইলো না দেশটার। এখনও নেই।’

‘হ্যাঁ, এ গল্প আমি জানি। দিগ্বিজয়ীর নাম আলেকজান্ডার তাই না?’

‘হ্যাঁ। আর সেই সেনাপতির নাম র্যাসেন, মিশর নামের এক দেশের লোক তিনি। তারই বংশধররা এখনো শাসন করছে এ দেশ।’

‘এই সেনাপতি, যার নাম বলছেন র্যাসেন, আইসিস নামের এক দেবীর উপাসক ছিলেন না?’

‘না,’ জবাব দিলো বৃদ্ধ শামান সিমরি। ‘সেই দেবীর নাম হেস।’

‘হ্যাঁ, হ্যাঁ, আইসিসেরই আরেক নাম হেস। একটা কথা বলুন তো, এখনো কি তাঁর উপাসনা হয় এদেশে? জানতে চাইছি, কারণ, আইসিসের নিজের দেশ মিসরেই এখন তাঁর পূজা বন্ধ হয়ে গেছে।’

‘ওদিকের ঐ নিঃসঙ্গ পাহাড়ে একটা মন্দির আছে। ঐ মন্দিরের পূজারী পূজারিণীরা কিছু প্রাচীন অনুশাসনের চর্চা করে—কিন্তু সাধারণ মানুষের প্রকৃত দেবতা র্যাসেনের বিজয়ের আগেই ছিলো এখনো তা-ই, ঐ পাহাড় থেকে বেরিয়ে আসা আগুন।’

‘ওখানে এক দেবী আছেন না?’

শীতল চোখে আমার মুখের দিকে কিছুক্ষণ তাকিয়ে রইলো বৃদ্ধ। তারপর জবাব দিলো, ‘কোনো দেবীর কথা আমি জানি না। ওটা পবিত্র পাহাড়। ওর রহস্য জানতে চাওয়া মানে মৃত্যু। এসব কথা কেন



জিজ্ঞেস করছো ?

‘প্রাচীন ধর্মমতগুলোর ব্যাপারে আমার একটু বিশেষ কৌতূহল আছে তাই।’

‘ভালো কথা। কিন্তু এক্ষেত্রে তোমাকে পরামর্শ দেবো, কৌতূহল দমন করো। নইলে অহেতুক মরণ-শাপদ বা জ্বলীদেবর বল্লমের মুখে প্রাণ হারাবে।’

‘মরণ-শাপদটা আবার কি ?’

‘এক ধরনের কুকুর। যারা খানের ইচ্ছার বিরুদ্ধে যায় আমাদের সনাতন প্রথা অনুযায়ী তাদের ছেড়ে দেয়া হয় এই কুকুরের মুখে।’

‘খান! আপনাদের এই খানিয়ার স্বামী আছে তাহলে ?’

‘হ্যাঁ। ওরই চাচাতো ভাই। দেশের অর্ধেকের শাসক ছিলো ও। এখন ওরা এক, ওদের রাজ্যও এক। কিন্তু যথেষ্ট কথা বলে ফেলেছে’, আর না। তোমার খাবার তৈরি।’ চলে যাওয়ার জন্যে ঘুরে দাঁড়ালো বৃদ্ধ।

‘আর একটা প্রশ্ন, বন্ধু সিমরি। আমি এখানে এলাম কি করে ? আর আমার সঙ্গী-ই বা কোথায় ?’

‘যখন ঘুমিয়ে ছিলে তখন তোমাকে নিয়ে আসা হয়েছে এখানে। দেখতেই পাচ্ছে তাতে তোমার উপকার হয়েছে। কিছু মনে নেই তোমার ?’

‘একেবারে কিছু না। আমার বন্ধু কোথায় বললেন না ?’

‘ভালো-ই আছে। খানিয়া অ্যাভেনিউর সেবা-শিক্ষা করছে।’

‘অ্যাভেনিউ। এ নাম তো প্রাচীন মিসরে প্রচলিত ছিলো। এ নামের এক মহিলার কথা পড়েছি, হাজার হাজার বছর আগে সৌন্দর্যের জন্যে বিখ্যাত ছিলো সে।’

‘আমার ভাইঝি অ্যাতেন কি সুন্দরী নয়?’

‘কি করে বলবো? কয়েক মুহূর্তের জন্যে মাত্র দেখেছি। তা-ও কি অবস্থায় তা নিশ্চয়ই আপনার মনে আছে?’ আমার এ প্রশ্নের জবাব না দিয়ে ঘর ছেড়ে বেরিয়ে গেল শামান সিমত্রি। ভৃত্যরা আমার খাবার নিয়ে এলো। একটু পরে আবার দরজা খুলে গেল। খানিয়া অ্যাতেন চুকলো ঘরে। সঙ্গে কোনো রক্ষী নেই। ওকে দেখেই সম্ভ্রান্ত হয়ে উঠলাম আমি। মনে পড়ে গেল কাল রাতের কথা। আমার মনের ভাব যেন বুঝতে পারলো সে। বললো—

‘ভয়ে থাকো, ভয়ের কিছু নেই। অন্তত এই মুহূর্তে আমি তোমার কোনো অনিষ্ট করবো না। এখন বলো, ঐ লোকটা, লিও, তোমার কে? ছেলে? উহু,—বলতে হচ্ছে বলে আমি দুঃখিত—অন্ধকার থেকে আলোর জন্ম হতে পারে না।’

‘আমি অবশ্য তা-ই ভেবে এসেছি সারাজীবন। যা হোক, আপনার ধারণাই ঠিক, খানিয়া। ও আমার পালিত পুত্র।’

‘এখানে কি জন্যে, কি খুঁজতে এসেছো?’ জিজ্ঞেস করলো খানিয়া।

‘আমরা খুঁজছি—ঐ... ঐ পাহাড়ে ভাগ্য আমাদের যা পাইয়ে দেয়।’

একটু ফ্যাকাসে হয়ে গেল অ্যাতেনের মুখ। তবু শান্তভাবে বললো, ‘ওখানে শান্তি ছাড়া কিছু পাবে না, অবশ্য যদি ও পর্বত পৌঁছতে পারো, আমার ধারণা তার আগেই জংলীদের হাতে মারা পড়বে। জংলীরা ঐ পাহাড়ের ঢাল পাহারা দেয়। হেস-এর মঠ ওখানে। ঐ মঠের পবিত্রতা স্ক্রম করার একমাত্র শান্তি মৃত্যু, অনন্ত আগুনে ছুঁড়ে ফেলে দেয়া হবে।’

‘এই মঠের প্রধান কে, খানিয়া ? এক পূজারিণী ?’

‘হ্যাঁ, এক পূজারিণী, তার মুখ আমি কখনো দেখিনি । ও এত বড়ি যে সব সময় ঘোমটা টেনে মুখ ঢেকে রাখে ।’

‘অ্যা ! ঘোমটা টেনে রাখে !’ অনুভব করছি শিরায় শিরায় রক্ত চলাচল দ্রুত হয়ে উঠছে আমার । ‘বেশ ঘোমটা টালুক আর না-ই টালুক, আমরা যাবো ওঁর কাছে । আশাকরি উনি আমাদের স্বাগতম জানাবেন ।’

‘না, তোমরা যাবে না,’ কাটা কাটা গলায় বললো অ্যাভেন । ‘সেটা বেআইনী । তাছাড়া, আমি তোমাদের রক্তে হাত লাগাতে চাই না ।’

‘কে বেশি কমতাবান ?’ ওর কথায় গুরুত্ব না দিয়ে আমি জিজ্ঞেস করলাম, ‘আপনি, খানিয়া, না এই পাহাড়ের পূজারিণী ?’

‘আমিই বেশি কমতাবান, হলি - তাই তো তোমার নাম ? না কি ? প্রয়োজনের মুহূর্তে আমি ষাট হাজার যোদ্ধাকে জড়ো করতে পারি, কিন্তু ওর, কিছু জংলী আর সন্ন্যাসী ছাড়া আর কিছু নেই ।’

‘তলোয়ারই পৃথিবীর একমাত্র শক্তি নয়, খানিয়া । এখন বলুন, এই পূজারিণী কখনো আপনাদের কালুন-এ এসেছেন ?’

‘না । বহু শতাব্দী আগে মঠ আর সমভূমির মানুষদের জেতর এক যুদ্ধ হয়েছিলো । একটা চুক্তির মধ্য দিয়ে এযুদ্ধের শেষ হয় । চুক্তিতে বলা হয়েছিলো ও কখনো নদীর এপারে আসবে না কোনো খান বা খানিয়াও ওর পাহাড়ে উঠবে না । যে কোনো পক্ষ চুক্তি ভঙ্গ করার সঙ্গে সঙ্গে যুদ্ধ শুরু হয়ে যাবে আমাদের জেতর ।’

‘তাহলে কে আসল প্রভু ? কালুনের খান, না ঐ মঠের প্রধান ?’ আবার জিজ্ঞেস করলাম আমি ।

‘ধর্মীয় বা ঐশী ব্যাপার-স্বাপারে হেস-এর পূজারিণী, আর জাগ-

তিক বাপারে কালুনের খান।’

‘খান ! তার মানে আপনি বিবাহিত ?’

‘হ্যাঁ !’ তীব্র রোষে স্বলে উঠলো অ্যাতেনোর হুঁচোখ। ‘এ১২ এম  
মধ্যে নিশ্চয়ই জেনে ফেলেছো ও একটা পাগল। ওকে আমি পুণা  
করি।’

‘অঁ, ...শেষেরটা একটু আন্দাজ করেছি, খানিয়া।’

অস্তর্ভেদী দৃষ্টিতে আমার দিকে তাকালো অ্যাতেন।

‘কে ? আমার চাচা, শামান বলেছে ? না, আমি ঠিকই ভেবেছিলাম,  
তুমি দেখেছো। তোমাকে হত্যা করাই উচিত ছিলো ওহু। আমার  
সম্পর্কে কি ভেবেছো তুমি ?’

কি জবাব দেবো ভেবে পেলাম না।

‘নিশ্চয়ই তুমি বিশ্বাস করে বসেছো,’ বলে চললো সে, ‘আমি—  
আমি পুরুষ মাত্রকেই ঘৃণা করি। ঠিকই ভেবেছো। আমি কালুনের  
খানিয়া, ওরা নাম দিয়েছে বরফ-হৃদয়, হ্যাঁ, বলতে লজ্জা নেই, আমি  
ভা-ই।’ হুঁহাতে মুখ ঢেকে ফুঁপিয়ে উঠলো অ্যাতেন।

‘না,’ আমি বললাম, ‘অমন কিছু আমি ভাবিনি। সত্যিই যদি  
আপনি তেমন কিছু করে থাকেন, আমার ধারণা তার পেছনে মাথার  
কারণ আছে।’

একটু শাস্ত হলো খানিয়া। ‘হ্যাঁ, বিদেশী, কারণ আছে। অনেক  
কিছু তুমি জেনে ফেলেছো, এটুকুই বা বাকি থাকবে কেন ? শোনো,  
আমার ঐ স্বামীর মতো আমিও পাগল হয়ে গেছি। তোমার সঙ্গীকে  
যখন প্রথম দেখি তখনই পাগলামি ঢুক পড়েছে আমার ভেতরে। এবং  
আমি—আমি—’

‘ওকে ভালোবেসে ফেলেছেন, এই তো ? এটা কোনো পাগলামি

না। যে কোনো সুস্থ মানুষের স্বাভাবিক আচরণ হলো ভালোবাসা।'

'না না, তুমি বুঝতে পারছো না, এ নিছক ভালোবাসা নয়, আরো বেশি কিছু। কি করে তোমাকে বোঝাবো? নিয়তি আমাকে বাধ্য করেছে—আমি ওর, একমাত্র ওর। হ্যাঁ, আমি ওর, এবং শপথ করে বলছি, ও আমার হবে।'

বলেই দ্রুত পায়ে ঘর থেকে চলে গেল খানিয়া অ্যাভেন। আর আমি শুয়ে শুয়ে ভাবতে লাগলাম, কে এই খানিয়া? এর সাথে লিওর আচরণ কি হবে?

তিন দিন পেরিয়ে গেছে। এর ভেতরে খানিয়াকে আর দেখিনি। শামান সিগরির কাছে শুনেছি, সে নাকি রাজধানীতে গেছে, রাজকীয় অতিথি হিসেবে বরণ করবে আমাদের। লিওর সাথে দেখা করিয়ে দেয়ার অনুরোধ করেছিলাম বৃদ্ধকে। যুট্ অথচ দৃঢ়স্বরে সে জানিয়ে দিয়েছে, আমাকে ছাড়াই ভালো আছে আমার পালিত পুত্র। শেষে পকেট হাতড়ে এক টুকরো কাগজ পেয়ে তাতে একটা চিরকুট লিখে লিওর কাছে পাঠানোর চেষ্টা করেছি। ভৃত্যদের কেউ সেটা স্পর্শ করতেও রাজি হয়নি। অবশেষে তৃতীয় রাতে সিদ্ধান্ত নিলাম, সেখানে কপালে, দেখা করার চেষ্টা করবো ওর সাথে।

ইতিমধ্যে আমি পুরোপুরি সুস্থ হয়ে উঠেছি। যাকরাত, চাঁদ যখন মাথার ওপর উঠে এসেছে, পা টিপে টিপে বিছানা থেকে নেমে কাপড়-চোপড় পরে নিলাম। আমার কাপড়ের ভেতর ছুরিটা এখনো আছে দেখে বেশ স্বস্তি পেলাম মনে। নিঃশব্দে ঘরটা খুলে বেরিয়ে এলাম।

লিও আর আমাকে যেখানে একসাথে রাখা হয়েছিলো সেখান থেকে যখন বয়ে আনা হয় তখন চোখ বুজে আমি পথের নিশানা মনে

গেঁথে নিয়েছিলাম। মনে আছে, আমার এখানকার ঘর থেকে বেরিয়ে তিরিশ পা ( বাহকদের পদক্ষেপ গুনেছিলাম ) যাওয়ার পর বাঁ দিকে মোড় নিতে হয়। তারপর আরো দশ পা গিয়ে একটা সিঁড়ির পাশ দিয়ে ডান দিকে মোড় নিলেই আমাদের পুরনো ঘর।

দীর্ঘ বারান্দা ধরে হেঁটে চললাম আমি। নিশ্চিহ্ন অঙ্ককার, তবু বাঁয়ের মোড়টা খুঁজে পেতে অসুবিধা হলো না। গুণে গুণে দশ পা গিয়ে ডানে মোড় নিলাম। পর মুহূর্তে ছিটকে পিছিয়ে আসতে হলো আমাকে। লিওর দরজার সামনে দাঁড়িয়ে আছে খানিয়া নিজে। এক হাতে প্রদীপ, অন্য হাতে তামা লাগাচ্ছে দরজায়।

প্রথমেই আমার চিন্তা হলো, ছুটে চলে যাই নিজের ঘরে। পর-মুহূর্তে বুঝতে পারলাম, লাভ হবে না। পালিয়ে যাওয়ার চেষ্টা করলেও ধরা পড়ে যাবো। তার চেয়ে পরিস্থিতির মুখোমুখি হওয়া ভালো। সত্যি কথাই বলবো, কেমন আছে জানার জন্যে লিওর সাথে দেখা করতে এসেছিলাম।

দেয়ালের সাথে পিঠ ঠেঁকিয়ে দাঁড়িয়ে রইলাম আমি। এগিয়ে আসছে ও। পদশব্দ গুনে পাচ্ছি। এবং তারপর—হ্যাঁ—এদিকে না এসে সিঁড়ি দিয়ে উঠতে শুরু করলো সে।

এখন কি করবো আমি? লিওর কাছে পৌঁছানোর চেষ্টা করা বৃথা। কিরে যাবো? না, খানিয়াকে অনুসরণ করবো। ধরা পড়লে একই অজুহাত দেখাবো। কিছু হয়তো জানা যাবে অথবা—অথবা, বুকে গেঁথে বসবে ছোরা।

কয়েক সেকেন্ড পরে মোড় নিয়ে আমি উঠতে শুরু করলাম সিঁড়ি বেয়ে। সিঁড়ির মাথার পৌঁছে দেখলাম এক পাশে একটা দরজা। বন্ধ। অত্যন্ত প্রাচীন। জায়গার জায়গার কয়ে গেছে। কাটল দিয়ে

আলো এসে পড়েছে বাইরে। দরজায় কান লাগাতেই তখনতে পেলাম  
সিমত্রির কণ্ঠস্বর : 'কিছু জানতে পারলে, ডাইব্রি ?'

'সামান্য।' খানিয়া অ্যাতেনের জবাব। 'খুব সামান্য।'

ঠাং করেই সাহস বেড়ে গেল আমার। বুকে গোখ রাখলাম  
একটা ফাটলে। ছাদ থেকে ঝোলানো একটা বড় লঠনে আলোকিত  
ঘরটা। টেবিলের সামনে বসে আছে সিমত্রি। খানিয়া দাঁড়িয়ে আছে,  
এক হাতে গুঁর দিয়েছে টেবিলের কোণায়। গোলাপী রঙের রাজকীয়  
আলখান্নায় সত্যিই অপকৃপা লাগছে ওকে। ভুরুর উপরে ছোট্ট একটা  
সোনার মুকুট। তার নিচে কৌকড়া চুলগুলো চেউয়ের মতো নেমে  
এসেছে কাঁধে, বুকে, পিঠে। গুঁর দিকে তাকিয়ে আছে শামান সিমত্রি,  
চোখে ভয়, সম্ভ্রহ।

'কি আলাপ হলো তোমাদের ভেতর ?' জিজ্ঞেস করলো বুদ্ধ।

'ওরা কেন এসেছে জিজ্ঞেস করলাম, ও জবাবে বললো, খুব সুন্দরী  
এক মহিলার খোঁজে এসেছে—আর কিছু বললো না। সেই মহিলা  
আমার চেয়ে সুন্দরী কিনা জিজ্ঞেস করলাম, তখন ও জবাব দিলো—  
নিশ্চয়ই উদ্ভতা করে, আমার মনে হয় না আর কিছু—যে, তা বলা  
শক্ত, তবে সে নাকি অন্য রকম। তারপর আমি বললাম আমি মতো  
সুন্দরী কোনো নারী কালুনে নেই, তাছাড়া আমি মন্ত্রণের রাণী  
এবং আমিই ওকে বাঁচিয়েছি পানি থেকে। আমি আরো বলেছি, সে  
মাকে খুঁজছে আমিই সে।'

'বেশ বেশ,' অস্থির ভাবে বললো সিমত্রি, 'তারপর ?'

'তারপর ও বললো, "হতে পারে যে তুমি কখনো আগুনের ভেতর  
দিয়ে এসেছো ?"

আমি বললাম, "হ্যাঁ, আমার আগুনে আমি স্নান করেছি।"

‘ও তখন বললো, “তোমার চুল দেখাও তো আমাকে।”

‘আমি আমার একগুচ্ছ চুল তুলে দিলাম ওর হাতে। সঙ্গে সঙ্গে ৭ ফেলে দিলো ওগুলো। গলার সঙ্গে ঝোলানো ছোট একটা চামড়ার থলে থেকে আরেক গুচ্ছ চুল বের করলো—ওহ! সিমরি, কাকা, অমন সুন্দর চুল আমি আর কখনো দেখিনি। রেশমের মতো কোমল, মসৃণ; লম্বায় আমার এই মুকুট থেকে পা পর্যন্ত হবে।

“তোমার চুলগুলো সুন্দর,” ও বললো, “কিন্তু দেখ, এগুলোর মতো নয়।”

‘আমি বললাম, “এমনও হতে পারে, এ চুল কোনো নারীর মাথার নয়।”

‘ও জবাব দিলো, “ঠিক বলেছো, আমি যাকে খুঁজছি সে নারীর চেয়েও বেশি।”

‘তারপর—তারপর, আমি নানা ভাবে চেষ্টা করলাম, কিন্তু ও আর একটা কথাও বললো না। এদিকে ঐ অজানা মেয়ে মানুষটাকে এমন বৃণা করতে শুরু করেছি যে শেষে কি বলতে কি বলে ফেলি ঠিক নেই, তাই ভয় পেয়ে চলে এসেছি। এখন তোমার ওপর আমার নির্দেশ, খুঁজে বের করো এই মহিলাকে। শামান সিমরি, দরকার হলে তোমার সকল স্তান দিয়ে খুঁজবে। তারপর জানাবে আমাকে। যদি পারি, আমি খুন করবো ওকে।’

‘আচ্ছা, সে দেখা যাবে,’ জবাব দিলো শামান। ‘এখন, এই চিঠিটার ব্যাপারে কি করবে?’ টেবিলের ওপর সার্চমেন্টের ছোটখাটো একটা স্তূপ থেকে বিশেষ একটা বেছে নিলো বৃদ্ধ। ‘ক’দিন আগে অরোস-এর কাছ থেকে যেটা এসেছে’

‘আরেকবার পড়ো তো,’ বললো অ্যাভেন। ‘আবার শুনতে চাই,



‘কি লিখেছে ।’

পড়তে শুরু করলো সিমত্রি : ‘কালুনের খানিয়ার কাছে অগ্নিগৃহের হেসা ।

‘বোন—এই মর্মে আমার কাছে সতর্কসংকেত পৌঁছেছে যে, পশ্চিমা বর্ষের ছুই আগস্টক আমার আশীর্বাণী লাভের আশায় তোমার দেশে আসছে। সেই পরিপ্রেক্ষিতে আমি নির্দেশ দিচ্ছি, পরবর্তী টাঁড়ের প্রথম দিনে তুমি আর তোমার স্ত্রী চাচ’, তোরণের অভিভাবক শামান সিমত্রি গিরিখাতের যে জায়গায় প্রাচীন সড়ক শেষ হয়েছে তার নিচে নদীর তীরে গিয়ে অপেক্ষা করবে। ঐ পথেই আসবে আগস্টকরা। তুমি ওদের সর্বতোভাবে সাহায্য করবে, এবং পথ দেখিয়ে নিরাপদে আমার পাহাড়ে নিয়ে আসবে। ওরা যদি ঠিক মতো এখানে না পৌঁছায় তাহলে তার সকল দায়-দায়িত্ব বহন করতে হবে তোমাদের ছ’জনকে। আমি নিজেই ওদের আনতে যেতে পারতাম, কিন্তু তা অতীতে সম্পাদিত চুক্তির পরিপন্থী। তাই তোমাদের ওপর দায়িত্ব দিতে হচ্ছে। আশাকরি দায়িত্ব সঠিকভাবে পালিত হবে।’

‘হেসা অপেক্ষা করছে।’ পার্চমেন্টটা নামিয়ে রাখতে রাখতে সিমত্রি বললো। ‘তারমানে নিছক ঘুরতে ঘুরতে আসেনি ওরা।’

‘হ্যাঁ, নিছক ঘুরতে ঘুরতে আসেনি ওরা, আমার হৃদয়ও অপেক্ষা করছে ওদের এক জনের জন্যে। ও যে নারীর কথা বলছে সে হেসা নয়।’

‘অনেক নারী আছে ঐ পাহাড়ে, তাদের কারো কথাও বলে থাকতে পারে।’

‘যার কথাই বলুক না কেন, ও পাহাড়ে যাচ্ছে না।’

‘যা ভাবছো তার চেয়ে অনেক অনেক বেশি কথতা রাখে হেস।’

এই নরম কথাগুলোর আড়ালে ভয়ানক এক হুমকি রয়েছে, বুঝতে পারছেন না ?

‘হুমকি থাক আর না থাক ও যাচ্ছে না। অন্যজন ইচ্ছে হলে যেতে পারে।’

‘অ্যাভেন, স্পষ্ট করে বলো তো, তোমার ইচ্ছা কি ? প্রেমিক হিসেবে চাও নিও নামের লোকটাকে ?’

বুদ্ধ শামানের চোখে চোখে তা হালো খানিয়া। দৃঢ় গলায় জবাব দিলো—

‘না, আমি চাই ও আমার স্বামী হবে।’

‘সক্রেজে প্রথম কথা হলো, ওকেও তোমাকে স্ত্রী হিসেবে চাইতে হবে, ওর ভেতর তো তেমন কোনো ইচ্ছা দেখা যাচ্ছে না। আর— আর, একজন স্ত্রীলোকের ছ’টো স্বামী থাকে কি করে ?’

বুদ্ধের কাঁধে হাত রাখলো অ্যাভেন। ‘তুমি ভালো করেই জানো, সিমত্রি, আমার কোনো স্বামী নেই। নামমাত্র যেটা আছে সেটা-ও থাকবে না, যদি তুমি আমার সহায় হও।’

‘মানে! খুন করতে চাও ওকে ? না, অ্যাভেন, এবার আর আমি তোমার সহায় হবো না। তোমার সহায় হতে গিয়ে বহু পাপের ঝোঁক চেপেছে আমার কাঁধে, আর না। যা করার তোমাকেই করতে হবে। যদি না পারো লোকটাকে চলে যেতে দাও পাহাড়ে।’

‘অসম্ভব। কিছুতেই তা আমি করতে পারবো না।’ কিছুক্ষণ চুপ করে রইলো অ্যাভেন। অবশেষে বললো, ‘তুমি না কি বিরাট শামান, যাজ্ঞর, ভবিষ্যৎ বস্তা। গণা-পড়া করে বলো আমাদের ভবিষ্যৎ।’

‘তুমি বলার আগেই অনেকখানি সময় আমি ব্যয় করেছি একাজে, ফলাফল শুভ নয়, অ্যাভেন। এটা ঠিক, তোমার আর ঐ লোকটার

নিয়তি একসূত্রে গাঁথা, কিন্তু বিশাল এক দেয়াল মাথা তুলেছে ছ'জনের মাঝে। যতদিন এই পৃথিবীতে আছো, সে দেয়াল সরবে না তোমাদের মাঝ থেকে। তবে...আমি আর যেটুকু জ্ঞানতে পেরেছি, মৃত্যুর মাঝ দিয়ে আবার তোমরা খুব কাছাকাছি আসবে একে অন্যের।'

'মৃত্যুই আমুক তাহলে,' গবিত ভঙ্গিতে মাথা উচু করে বললো খানিয়া। 'সেখানে তো আর কেউ আমার ইচ্ছায় বাধা দিতে পারবে না।'

'অন্ত নিশ্চিন্ত হয়ো না,' জবাব দিলো সিমত্রি। 'আমার ধারণা, মৃত্যু-সাগরের ওপারেও আমাদের অনুসরণ করবে সেই অদৃশ্য শক্তি। আমার মাঝে মাঝে মনে হয়, হেস এর নিঘূম চোখ ছুরির ফলার মতো চিরে চিরে দেখছে আমাদের গোপন আত্মাগুলোকে।'

'তাহলে মায়ার ধুলো দিয়ে অন্ধ করে দাও সে চোখ। কালই হেসার কাছে চিঠি দিয়ে দূত পাঠাও যে, ছ'জন বৃদ্ধ আগন্তুক এসেছে— খেয়াল কোরো, বৃদ্ধ - তারা এখন খুবই অসুস্থ, খাদের ওপর থেকে পড়ে হাত-পা ভেঙে গেছে, তিন মাসের আগে সুস্থ হবে না। বেটি হয়তো তোমার কথা বিশ্বাস করবে।...এবার আমি ঘুমোবো। সেই ষুধটা দাও, সিমত্রি, যেটা খেলে স্বপ্নহীন ঘুমে রাত শেষ হয়ে যায়।'

দ্রুত অথচ নিঃশব্দ পায়ে আমি সরে এলাম সেখান থেকে। সিঁড়ির কোণায় অন্ধকারে গিয়ে দাঁড়ালাম।

The Online Library of Bangla Books  
**BANGLA BOOK**.ORG

## ঘাট

পরদিন সকাল দশটা কি আরো পরে শামান সিমত্রি এলো আমার ঘরে। জিজ্ঞেস করলো, কেমন ঘুমিয়েছি রাতে।

‘মরার মতো,’ আমি ছবাব দিলাম। ‘ঘুমের ওষুধ খেয়েও মানুষ এমন নিশ্চিদ্র ঘুম ঘুমাতে পারে না।’

‘তবু, বন্ধু হলি, বেশ ক্লাস্ত দেখাচ্ছে তোমাকে।’

‘তাহলে বোধহয় দুঃস্বপ্ন দেখেছি। মাঝেমাঝে অমন হয় আমার। কিন্তু, বন্ধু সিমত্রি, আপনার মুখ দেখে তো মনে হচ্ছে, সারারাত্তে একটুও ঘুমাতে পারেননি।’

‘হ্যাঁ, সারারাত্ত আমাকে ভোরণ পাহারা দিতে হয়েছে।’

‘কোন ভোরণ? আমরা যেটা দিয়ে চুকেছি আপনার ঘর থেকে?’

‘না, অতীত আর ভবিষ্যতের ভোরণ। যেখান দিয়ে...’ যাক, অত কথায় দরকার নেই, আমি যা বলতে এসেছি, এক ঘণ্টার ভেতর রাজধানীর পথে রওনা হতে হবে তোমাকে। তোমাদের স্বাগত জানানোর জন্যে ওখানে অপেক্ষা করছেন খানিকটা আতেন।’

‘নিশ্চয়ই, নিশ্চয়ই, আমি এখন সম্পূর্ণ সুস্থ। কিন্তু আমার পালিত পুত্রের কি অবস্থা?’

‘ও-ও সূহ হয়ে উঠছে। সময় হলোই ওর দেখা পাবে তুমি।  
খানিয়ার ইচ্ছে তাই। এই যে, ক্রীতদাসরা তোমার কাপড়-চোপড়  
নিরে এসেছে। তৈরি হয়ে নাও।’

বেরিয়ে গেল সিমত্রি। ভৃত্যদের সহায়তার কাপড় পরতে শুরু কর-  
লাম। প্রথমে চমৎকার পরিষ্কার লিনেনের অন্তর্বাস, তারপর পশমের  
মোটো ট্রাউজার্স ও গেঞ্জি এবং সব শেষে ফারের কিনারা লাগানো কালো  
রং করা উটের পশমের আলখালা, দেখতে অনেকটা লম্বা বুল কোটের  
যতো। কাঁচা চামড়ার একটা টুপি আর এক জোড়া বুটের মাধ্যমে শেষ  
হলো আমার বেশ বিন্যাস।

পোশাক পরা শেষ হতে না হতেই হাজির হলো হলদেমুখে  
কৃতারা। আমার হাত ধরে সিঁড়ি দিয়ে নেমে, বারান্দা পেরিয়ে নিয়ে  
চললো তোরণ গৃহের দরজার দিকে। সেখানে পৌঁছে অপার বিস্ময়ে  
দেখলাম, সিমত্রির সাথে দাঁড়িয়ে আছে লিও। মুখটা একটু ক্যাকাসে,  
না হলে দলতে পারতাম সম্পূর্ণ সূহ স্বাভাবিক দেখাচ্ছে ওকে।  
আমার মতোই পোশাক পরেছে; পার্শ্বক্য একটাই ওর বুল কোটটা  
শাদা। আমাকে দেখে এক লাফে এগিয়ে এলো ও। আনন্দে চকচক  
করে উঠেছে হাঁচোখ। কেমন আছি, এই ক’দিন কোথায় ছিলাম এসব  
নিরে একের পর এক প্রশ্ন করে চললো।

সিমত্রির সামনে যেগুলোর জবাব দিলে অসুবিধা নেই সেই প্রশ্ন-  
গুলোরই জবাব দিলাম শুধু। বাকিগুলো পরে কোনো এক ফাঁকে  
দিতে পারবো। আপাতত কিছুকণ অকৃত এক সাথে থাকছি আমরা।

এর পর অকৃত এক ধরনের পাকি নিয়ে এলো ওরা মানুষের  
বদলে খোড়ার বহন করে ওগুলো। সামনে পেছনে ছ’টো লম্বা দণ্ডের  
সাথে জুড়ে দেয়া হয় একটা বয়ে ছ’টো টাট্টু ঘোড়া। আমরা উঠে

বসতেই সিমত্রি ইশারা করলো। সামনের টাট্টুর লাগাম ধরে টেনে নিয়ে চললো দাসরা। পেছনে পড়ে রইলো বিষয়, প্রাচীন ভোরণ-গৃহ।

পথের প্রথম মাইলখানেক গেছে আকাবাঁকা এক গিরিখাতের মাঝ দিয়ে। তারপর আচমকা একটা মোড় নিলো গিরিপথ, সামনে ভেসে উঠলো কালুনের বিস্তৃত সমভূমি। কয়েক মাইল দূরে একটা নদী। সেদিকেই যাচ্ছি আমরা। নদীটা সরু কিন্তু খরশ্রোতা। ওপাশে আবার সমভূমি। ষতদূর চোখ যায় কাঁকা আর কাঁকা। একটাই মাত্র ব্যতিক্রম এই এক ঘেষে বিস্তারের মাঝে—সেই পাহাড়টা, স্থানীয়রা যার নাম দিয়েছে অগ্নি-গৃহ। এখান থেকে অনেক দূরে সেটা। একশো মাইলের-ও বেশি হবে। এতদূর থেকেও পাহাড়টার গাভীর্ষপূর্ণ অবয়ব টের পেতে অসুবিধা হয় না। চূড়াটা কমপক্ষে বিশ হাজার ফুট উঁচু। উজ্জল শাদা।

হ্যাঁ, সেই চূড়ার ওপরে দাঁড়িয়ে আছে বিশাল একটা স্তম্ভ, তার ওপরে ভেমনি প্রকাণ্ড একটা পাথুরে আংটা। এক দৃষ্টিতে আমরা তাকিয়ে আছি ওটার দিকে। ঘেন আমাদের সব আশা আকাঙ্ক্ষা মূর্ত হয়ে উঠেছে ওটার চেহারায়। খেয়াল করলাম, আমাদের সঙ্গীরা সবাই পাহাড়টা দেখা মাত্র মাথা মুইয়ে সন্মান জানালো। সেই সাথে ডান হাতের তর্জনী বাঁ হাতের তর্জনীর ওপর আড়াআড়িভাবে রেখে একটা ভঙ্গি করলো। ( পরে জেনেছিলাম, পাহাড়টার অশুভ প্রভাব থেকে রক্ষা পাওয়ার জন্যে এই ভঙ্গিটা করে ওরা )। শ.মান সিমত্রিও বাদ গেল না।

‘আপনি কখনো গেছেন ঐ পাহাড়ে? বৃদ্ধকে জিজ্ঞেস করলো লিও।

মাথা নাড়লো সিমত্রি। ‘সমভূমির মানুষরা ওখানে যায় না। প্রথম

কারণ হিংস্র জংলীয়া । ওদের সাথে লড়াই না করে ওখানে যাওয়ার উপায় নেই ; দ্বিতীয়ত, পাহাড়টার যখন প্রসববেদনা ওঠে গলিত পাথরের লাল শ্রাত নেমে আসে ঢাল বেয়ে । গরম ছাই ছিটকে পড়ে চূড়া থেকে । কে যাবে ঐ ভয়ঙ্কর জায়গায় ?

‘আপনাদের এলাকার কখনো ছাই পড়ে না ?’

‘শোন। যার পাহাড়ের আত্মা যখন ক্রুদ্ধ থাকে তখন পড়ে, সেইজন্যই আমরা ভয় করি ওটাকে ।’

‘কে এই আত্মা ?’ উৎসুক কণ্ঠে প্রশ্ন করলো লিও ।’

‘আমি জানি না, প্রভু,’ অস্থিরভাবে বললো সিমত্রি । ‘মানুষ কি আত্মা দেখতে পারে ?’

‘সবাই না পারুক আপনি যে পারেন তা আপনার চেহারা দেখেই বুঝতে পারছি ।’

সত্যিই তাই, বৃদ্ধের দৃষ্টি এখন আর আগের মতো স্থির, নিলিপ্ত নয় । কিছু একটা ঘেন ভেতরে ভেতরে খোঁচাচ্ছে তাকে ।

‘তুমি আমাকে সম্মান করো তাই একথা বলছো,’ জবাব দিলো সিমত্রি । ‘আসলে আমার ক্মতা অত দূরগামী নয় । যাকগে, আমরা ঘাটে পৌঁছে গেছি, বাকি পথ নৌকায় যেতে হবে ।’

বেশ বড়সড়, আরামদায়ক নৌকাগুলো । পাল খাটানোর ব্যবস্থা আছে তবে মূলত গুণ টেনে চালানোর উপযোগী করেই তৈরি । লিও আর আমি উঠলাম বড়টায় । অত্যন্ত আনন্দের সাথে লক্ষ্য করলাম হালের লোকটা ছাড়া আর কেউ উঠলো না এ নৌকায় । সিমত্রি আর বাকি লোকজন উঠলো পেছনেরটার । পালকিটাও ভাঁজ করে উঠিয়ে দেয়া হলো পেছনের নৌকায় । লক্ষ্য চামড়ার দড়ি বেঁধে টাট্ট, ছ’টোকে জুড়ে দেয়া হলো দুই নৌকার সঙ্গে । এতক্ষণ পালকি বয়েছে, এবার

নৌকা টেনে নিয়ে যাবে ওরা। নদীর তীর বেঁধে সুন্দর বাধানো পথ, খালগুলোর ওপরে কাঠের সেতু। সুতরাং নৌকা টানতে অশ্রুবিধা হবে না ঘোড়া টটোর।

‘ওহ! অবশেষে আবার আমরা একসাথে হয়েছি,’ বললো লিও। ‘মনে আছে, হোরেস, ঠিক এমনি নৌকায় করে আমরা পৌঁছেছিলাম কোব-এর সমভূমিতে? সেই একই ঘটনা আবার ঘটতে চলেছে।’

‘হ্যাঁ, সেই একই ঘটনা আবার ঘটতে চলেছে। কিন্তু, লিও, বলো তো এখানে আসার পর যা যা ঘটেছে তার কতটুকু মনে আছে তোমার?’

‘ঐ...’, সেই মহিলা আর বৃড়া আমাদের নদী থেকে টেনে তুললো। তারপর... তারপর যা মনে আছে তা হলো ঘুম। জাগি, ঘুমাই, কিন্তু কতক্ষণ ঘুমের পর কতক্ষণ জেগেছি কিছুই মনে নেই। তারপর একবার, ঘুম ভাঙতেই দেখলাম অপূর্ব সুন্দরী এক মহিলা ঝুঁকে আছে আমার ওপর। প্রথমে আমি ভাবলাম বৃষ্টি—কার কথা বলছি বৃষ্টিতে পারছো তো? ঝুঁকে আমাকে চুমো খেলো সে।’ এখানে এসে লাল হয়ে উঠলো লিওর মুখ। কিছুক্ষণ চুপ করে থেকে আবার বললো, ‘ব্যাপারটা স্বপ্নও হতে পারে।’

‘না স্বপ্ন নয়, আমি দেখেছি। তারপর?’

‘তারপর আর কি? পরে আরো অনেকবার ওকে দেখেছি—ঐ খানিয়াকে, আলাপ করেছি, গ্রীকে। কিন্তু, সুস্পষ্ট অপরিচিত এক-জনের ব্যাপারে ও এমন উৎসাহী হয়ে উঠলো কেন বৃষ্টিতে পারছি না। কে ও, হোরেস?’

‘কি আলাপ করেছো আগে বৃষ্টি, তারপর আমি বলবো কে ও।’

‘বেশ, বলছি শোনো,—আগের আলাপগুলো এমন টুকরো টুকরো



আর বিচ্ছিন্ন, প্রায় কিছুই মনে নেই—কাল রাতের ঘটনাটা স্পষ্ট মনে আছে, সেটাই বলি। রাতের খাওয়া শেষ করেছি সবে মাত্র। এঁটো বাসন পেয়ালা নিয়ে চলে গেছে বুড়ো যাত্রকর। শুয়ে পড়ার কথা ভাবছি। এমন সময় ঘরে ঢুকলো খানিয়া। একা। রানীর মতো সাজ পোশাক। সত্যি বলছি, রূপকথার রাজকন্যার মতো লাগছিলো ওকে। মাথায় মুকুট, কালো চুলের ঢল নেমেছে ঘাড় ছড়িয়ে।

‘তারপর, হোরেস, ও সরাসরি প্রেম নিবেদন করলো আমাকে। আমার চোখে চোখে তাকিয়ে দীর্ঘশ্বাস ফেলে বললো, আমরা নাকি দূর অতীতে একে অপরকে চিনতাম—ভালো কথা—তারপর বললো, ও চায় আমাদের পুরনো পরিচয় নূতন করে ঝালিয়ে নিতে। নানা-ভাবে ওকে আমি বোঝাতে চেষ্টা করলাম, তা সম্ভব নয়। কিন্তু ও কি শোনে ?

‘শেষ পর্যন্ত বলতে বাধ্য হলাম, আমি আমার হারিয়ে যাওয়া স্ত্রীকে খুঁজছি। যা-ই হোক, আয়শা আমার স্ত্রী, তাই না, হোরেস ? ও মুছ হেসে কি বললো জানো ? আমার সেই হারিয়ে যাওয়া স্ত্রীকে খুঁজে পাওয়া গেছে, ও-ই সে, এবং সেজন্যই ও নদী থেকে বাঁচিয়েছিলো আমাকে। এমন ভাবে ও বলছিলো যে শেষ দিকে আমি প্রায় বিশ্বাস-ই করে ফেলেছিলাম কথাগুলো। এমনও তো হতে পারে, আয়শার চেহারা বদলে গেছে।

‘হঠাৎ মনে পড়লো সেই চুলের গোছটার কথা,’ বুকের কাছে চামড়ার থলেটা স্পর্শ করলো লিও ও গুটা বের করে খানিয়ার চুলের সাথে মেলালাম। চুলগুলো দেখার সাথে সাথে কেমন হিংস্রতার মতো হয়ে গেল ওর চেহারা। ভয় দেখাতে লাগলো আমাকে। ওগুলোও

চুলের চেয়ে লম্বা তাই কি ?

‘ওর এই চেহারা দেখে আমি বুঝে ফেললাম ও আয়না চজে পারে না। চূপ করে শুয়ে রইলাম আমি। ও অনেক কথা বলে গেল। ভয় দেখালো। শেষেই চূপদাপ পা ফেলে চলে গেল খর থেকে। বাইরে থেকে দরজায় তাল লাগিয়ে দেয়ার আওয়াজ শুনলাম। বাস, এটুকুই আমার গল্প।’

‘বেশ,’ আমি বললাম, ‘এবার চূপ করে বোসো। চমকে উঠো না বা জ্বোরে কথা বলে ফেলো না, হালের লোকটা গুপ্তচর হতে পারে, হয়তো তোমার আমার আচরণ সব পরে জানাবে সিমত্রিকে।’

এরপর গিরিখাতের মাঝামাঝি বাঁক থেকে ওর পড়ে যাওয়ার পর এ-পর্যন্ত যা যা ঘটেছে সব বললাম হাঁ করে শুনলো লিও।

‘কী বিস্ময়কর কাহিনী!’ অবশেষে স্বর বেরোলো ওর গলা দিয়ে। ‘কে এই হেসা, আর খানিয়াই বা কে?’

‘তোমার কি মনে হয়? কে হতে পারে?’

‘আমেনার্ভাস?’ কিস কিস করে জিজ্ঞেস করলো ও। ‘আমার— ক্যালিক্রেটিসের স্ত্রী? মিসরীয় রাজকন্যা আমেনার্ভাস পুনর্জন্ম নিয়ে এসেছে?’

মাথা ঝাঁকালাম আমি। ‘আমার তা-ই মনে হয়। বড়ো বুক সন্ন্যাসী কোউ-এন যদি হাজার বছর আগের স্মৃতি মনে করতে পারে, বাহুর চাচা সিমত্রির সাহায্য নিয়ে খানিয়া কেন পারবে না? প্রথম দর্শনে সম্পূর্ণ অপরিচিত এক লোকের প্রেমে পড়ে যাওয়ার এ ছাড়া আর কোনো কারণ তো দেখি না।’

‘তোমার কথায় যুক্তি আছে, হেরিস। আর তা যদি হয়, খানিয়ার জন্যে সত্যিই আমি হুঃখিত। বেচারা, ইচ্ছে থাক না থাক জড়িয়ে

গেছে এতে ।’

‘হ্যাঁ, কিন্তু তুমি যে আবার ফাঁদে পড়তে যাচ্ছে, সে খেয়াল আছে ? নিজেকে সামলাও, লিও, নিজেকে সামলাও । আমার বিশ্বাস, এটা একটা পরীক্ষা তোমার জন্যে । হয়তো সামনে এমন আরো পরীক্ষার মুখোমুখি হতে হবে তোমাকে ।’

‘জানি,’ বললো লিও, ‘ভালো করেই জানি । তোমার ভয় না পেলেও চলবে । এই ধানিয়া অতীতে আমার কি ছিলো না ছিলো তাতে কিছু আসে যায় না । এখন আমি আয়শাকে খুঁজছি, এবং একমাত্র আয়শাকে, স্বয়ং ভেনাসও যদি চেষ্টা করে, আমাকে প্রলোভিত করতে পারবে না ।’

কিছু বুঝে ওঠার আগেই, হঠাৎ আমাদের নৌকা পাড়ের সাথে যুহু একটা ধাক্কা খেয়ে ধেমে গেল । পেছনের নৌকার দিকে তাকিয়ে দেখলাম, ওটাও তীরে ভিড়েছে । সিমত্রি নেমে আসছে । একটু পরেই আমাদের নৌকায় উঠে এলো সে । গভীর মুখে আমাদের সামনে একটা আসনে বসলো ।

‘তোমাদের নিরাপত্তার দায়িত্ব রয়েছে আমার ওপর,’ বললো সিমত্রি । ‘রাত হয়ে আসছে, আর দূরে ধাক্কা সমীচীন মনে করলাম না । তাছাড়া এখন একটু সঙ্গ-ও দিতে পারবো তোমাদের ।’

‘আর পাহারাও দিতে পারবে, আমরা পালানোর চেষ্টা করি যদি,’ বিড়বিড় করে ইংরেজিতে বললো লিও ।

আবার চলতে শুরু করলো ঘোড়াগুলো । সেই সাথে নৌকাগুলোও ।

‘ঐ যে আমাদের রাজধানী,’ একটু পরে সিমত্রি বললো । ‘ওখানেই আজ রাতে ঘুমাবে তোমরা ।’

সিমত্রির ইশারা অনুসরণ করে তাকালাম আমরা। মাটির দশেক দূরে দেখতে পেলাম শহরটা। বিশাল বলবো না, তবে ১৭৭। সমভূমি থেকে প্রায় নয়শো ফুট উঁচু একটা মাটির স্তূপের ওপর গড়ে উঠেছে। শহরটাকে মাঝখানে রেখে হ'ভাগে ভাগ হয়ে এগিয়ে গেছে নদী।

‘কি নাম শহরটার?’ জিজ্ঞেস করলো লিও।

‘কালুন,’ জবাব দিলো সিমত্রি। ‘আমার পূর্ব পুরুষরা যখন অরণ করে এদেশ, ছ'হাজার বছর আগে, তখনও এই নাম ছিলো। প্রাচীন নামটাকে বদলানো হয়নি। তবে সেনাপতির ইচ্ছায় ঐ পাহাড় আর সংলগ্ন এলাকার নতুন নামকরণ করা হয়। কারণ ওটার চূড়ায় যে স্তম্ভ আর মাংটা আছে তা ওদের সেনাপতির উপাস্য দেবীর প্রতীকের মতো দেখতে। সেই দেবীর নামানুসারে ঐ এলাকার নাম দেয়া হয় হেস।’

‘এখনো নিশ্চয়ই পূজারিণীরা আছে ওখানে,’ বৃড়োর পেট থেকে কিছু কথা বের করা যায় যদি, এই আশায় বললো লিও।

‘হ্যাঁ, পূজারীও আছে। বিজয়ীরা প্রতিষ্ঠা করেছিলো ঐ মঠ। স্থানীয় দেবতা পার্বত্য-অগ্নির মন্দির ছিলো ওখানে। সেই মন্দিরকেই হেস-এর মঠে রূপান্তরিত করা হয়।’

‘এখন ওখানে কার পূজা হয়?’

‘দেবী হেস-এর। সে রকমই ধারণা সবার। ঐ সম্পর্কে বেশি কিছু জানি না আমরা। আমাদের সাথে শতাব্দীর পর শতাব্দী ধরে শত্রুতা পাহাড়ের ওদের। সুযোগ পেলেই আমরা বা ওরা একে অপরকে আক্রমণ করার চেষ্টা করি। তবে চেষ্টাটা ওদের তরফ থেকেই বেশি হয়। আমরা আত্মরক্ষার চেষ্টা করি কেবল। এমনিতে আমরা শান্তি-

প্রিয় জাতি। আক্রান্ত না হলে কখনও আক্রমণ করি না। চারদিকে তাকিয়ে দেখ, শান্তির দেশ মনে হয় না ?'

সত্যিই তাই, নদীর হুঁপারে শুয়ে আছে বিস্তীর্ণ সবুজ সম্ভাবনা। চারণভূমিতে চরছে গবাদি পশুর পাল, অথবা ঘোড়া, খচ্চরের দল; গাছের সারি বা আইল দিয়ে পৃথক করা চৌকোনা ফসলের ক্ষেত। গ্রামের মানুষরা মাঠের কাজ শেষে বাড়ির পথে চলেছে। ধূসর রঙের চোলা আলখাল্লা তাদের পরনে। অনেকে খেদিয়ে নিয়ে চলেছে নিজের নিজের পশুর পাল। দূরে অস্পষ্টভাবে দেখাযাচ্ছে গাছপালার ছাওয়া ঘরবাড়ি, গ্রাম। দেখে মনে হয় সত্যিই শান্তির দেশ কালুন।

মিসরীয় সেনাপতি আর তার অধীনস্থ গ্রীক সৈনিকরা কেন এ-দেশ জয়ের পর নিছক লুটতরাজ চালিয়ে ফিরে যায়নি তা অনুমান করতে অসুবিধা হলো না। বিশাল বিস্তৃত তুষার ছাওয়া মরুভূমি আর পাহাড়ী এলাকা পেরিয়ে এসে এমন সবুজ সুন্দর দেশ দেখে ওরা বোধহয় একসঙ্গে চেঁচিয়ে উঠেছিলো, 'আর যুদ্ধ নয়, আমরা এখানেই থেকে যাবো, এখানেই মরবো।' এবং স্থানীয় মহিলাদের স্ত্রী হিসেবে গ্রহণ করে সত্যিই থেকে গিয়েছিলো এদেশে।

সন্ধ্যা হয়ে এসেছে। হঠাৎ দূরে অগ্নি-পাহাড়ের ওপরে ধোঁয়ার স্তর উজ্জ্বল কমলা রঙ ধারণ করলো। কমলা আভা তীব্র থেকে তীব্রতর হতে হতে এক সময় প্রায় শাদা হয়ে উঠলো। আগ্নেয়গিরির গর্ভ থেকে লকলক করে বেরিয়ে এলো অগ্নির শিখা। স্তম্ভের ওপরে আংটার ভেতর দিয়ে দূরে প্রকির্ণ হলো উজ্জ্বল আলো। কালুন নগরী, নদী, ফসলের মাঠ, বনভূমি পেরিয়ে সোজা ছুটে গেল, হ্যাঁ, আমাদের ওপর দিয়ে। পর পর তিনবার এমন হলো। তারপর ধীরে ধীরে আবার স্তিমিত হয়ে এলো অগ্নি-পাহাড়ের আগুন। মাঝিরা

এবং অন্যান্য আর সবাই ভীতস্বরে প্রার্থনার উদ্দেশ্যে বিড় বিড় করে  
কি যেন আউড়ে চলেছে।

‘কি বলছে ওরা?’ জিজ্ঞেস করলো লিও।

‘প্রার্থনা করছে, যেন ঐ আলো—যার নাম হেস-এর পথ- ওদের  
কোনো ক্ষতি না করে। ওদের বিশ্বাস এই আলো দেখা দেয়ার অর্থ  
অমঙ্গল নেমে আসবে দেশের ওপর।’

‘তার মানে সব সময় এই আলো দেখা যায় না?’

‘না, খুব কম। তিন মাস আগে একবার দেখা গিয়েছিলো, আর  
এখন। এর আগে বেশ কয়েক বছর আর দেখা যায়নি।’

একটু পরে চাঁদ উঠলো, উজ্জ্বল শাদা একটা গোলক। জ্যোৎস্নায়  
দেখলাম, ক্রমেই নগরের কাছাকাছি এগিয়ে যাচ্ছি আমরা। নিঃশব্দে  
বসে আছি। আকাশের চাঁদ আর নদীর পানিতে তার প্রতিবিম্ব  
দেখছি। মাঝে মাঝে ঘাড় ঘুরিয়ে তাকাচ্ছি দূরে আলোকিত শহরটার  
দিকে। জল কেটে নৌকা এগোনোর মূহু ছলাং ছলাং ছাড়া আর  
কোনো শব্দ নেই। হঠাৎ দূর থেকে ভেসে এলো একটা চিংকার।  
অস্পষ্ট হলেও বুঝতে অসুবিধা হলো না, কেউ প্রাণের ভয়েই অমন  
চিংকার করছে।

ক্রমে এগিয়ে আসছে চিংকারের শব্দ। প্রতি মুহূর্তেই স্পষ্ট এবং  
তীব্র হয়ে উঠছে। হঠাৎ দেখলাম মাঠের ভেতর দিয়ে ছুটে আসছে  
অস্পষ্ট কয়েকটা মূর্তি। নদীর ঘে পাশ দিয়ে আমাদের টাট্টুগুলো  
দৌড়ে চলেছে তার উল্টো পাশে। একটু পরেই চমৎকার তেজী  
একটা শাদা ঝোড়া উঠে এলো ওপাশের বাধানো পথের ওপর। তার  
পিঠে একজন মানুষ। চিংকারটা সেই করছে। সোজা হয়ে একবার  
ঘাড় ঘুরিয়ে তাকালো লোকটা। চাঁদের আলোর চকিতের জন্যে

তার মুখ দেখতে পেলাম। স্পষ্ট আভাস আর মৃত্যুভয় যেন ঝাঁক রয়েছে সে মুখে।

ঝড়ের বেগে আমাদের পেরিয়ে চলে গেল সে। তারপর, যেমন আচমকা ঘোড়াটা বেরিয়ে এসেছিলো তেমনি অকস্মাৎ বিশাল এক লাল কুকুর উঠে এলো পাড়ের নিচের অন্ধকার থেকে। ভয়ঙ্কর বেগে ছুটছে সেটা ঘোড়সওয়ারের পেছন পেছন। এক সেকেন্ড পর আরেকটা কুকুর উঠে এলো বাঁধানো পথের ওপর। তারপর আরো একটা, তারপর অনেকগুলো।

‘মরণ-স্বাপদ!’ লিওর হাত ঝাঁকড়ে ধরে বিড় বিড় করে বললাম আমি।

‘হ্যাঁ!’ বললো ও। ‘হতভাগা লোকটাকে তাড়া করছে। এই যে, শিকারী এসে গেছে।’

বলতে না বলতেই দ্বিতীয় অশ্বারোহী উঠে এলো রাস্তায়। রাজকীয় ভঙ্গিতে বসে আছে ঘোড়ার পিঠে। কাঁধ থেকে বুলে পড়া আলখাল্লাটা বাতাসে উড়ছে বাত্বড়ের ডানার মতো। লম্বা একটা চাবুক লোকটার হাতে। আমাদের পাশ দিয়ে যখন ছুটে যাচ্ছে এ-ও তাকালো ঘাড় ঘুরিয়ে। আমরা দেখলাম উন্মাদের দৃষ্টি তার চোখে। কোনো সন্দেহ নেই এ লোক পাগল।

‘খান! খান!’ চিৎকার করে উঠলো সিমত্রি, সেই সাথে মাথা झুইয়েছে কুনিশের ভঙ্গিতে।

কয়েক সেকেন্ড পর দেখতে পেলাম খানের একীদের। সংখ্যায় আটজন। এদের হাতেও চাবুক। একটু পরপরই ঘোড়াগুলোর পিঠে সপাং করে বাড়ি পড়ছে।

শব্দগুলো ধীরে ধীরে দূরে মিলিয়ে গেল। আমি জিজ্ঞেস করলাম,

‘এ সবেৰ অৰ্থ কি, বন্ধু সিমত্ৰি ?’

‘খান তাঁৰ নিষ্কেৰ বীতিতে বিচাৰ কৰেছন,’ জবাব দিলো সে। ‘খে তাঁৰ ক্ৰোধ জাগিয়েছে তাকে ছুটিয়ে নিয়ে ইহরের মতো ভাড়া কৰে অবশেষে হত্যা কৰবেন।’

‘ও কে ? অপরাধই বা কি ?’

‘লোকটা জমিদাৰ। এদেশে এত বড় জমিদাৰ খুব কমই আছে। আৰু ওৰ অপরাধ, ও নাকি খানিধাৰ কাছে প্ৰেম নিবেদন কৰেছিলো। খানিয়াকে প্ৰস্তাব দিয়েছিলো, ওকে যদি বিয়ে কৰাৰ প্ৰতিশ্ৰুতি দেয় তাহলে ও খানের বিৰুদ্ধে যুদ্ধ ঘোষণা কৰে তাকে হত্যা কৰবে। অ্যাভেন ৰাজি হয়নি ওৰ প্ৰস্তাবে, বৰং খানকে জানিয়ে দিয়েছে ব্যাপাৰটা। এই হলো ঘটনা।’

‘এমন একজন বিশ্বস্ত স্ত্ৰী য়াৰ তাকে ভাগাবান না বলে উপায় নেই।’ কথাটা আমি না বলে পাৰলাম না। বৃদ্ধ ঝট কৰে ফিৰলো আমাৰ দিকে, তাৰপৰ যেন কিছু শোনেনি এমন ভঙ্গিতে হাত বুলাতে লাগলো তাঁৰ শ্বেতস্ত্ৰ দাড়িতে।

একটু পৰেই আবার শোনা গেল মৰণ-স্বাপথের চিংকাৰ। ইয়া, আবার এণিয়ে আসছে তারা। এবাৰও মাঠের ভেতৰ দিয়ে প্ৰথমে শাদা ঘোড়াটা, তাৰপৰ স্বাপদগুলো। দূৰত্ব অনেক কমে গেছে। দেখেই বোকা যাচ্ছে পৰিশ্ৰান্ত শাদা ঘোড়াটা। আগের মতো দ্ৰুত ছুটতে পাৰছে না। কোনোমতে বাঁধানো পাড়ের ওপৰ উঠলো সেটা। পৰমুহূৰ্তে দেখলাম বিংশাল লাল কুকুৰগুলোৰ একটা লাফ দিলো। ইয়া হয়ে আছে মুখ। টাদেৰ আলোয় তাঁৰ স্বপদগুলো বিকিয়ে উঠলো। নিমেষে মাঝেৰ দূৰত্বটুকু অতিক্ৰম কৰে কামড় বসালো ঘোড়াৰ পেছনেৰ পায়ে। তীব্ৰ আতকে তীক্ষ্ণস্বরে চিংকাৰ কৰে উঠে হ'পায়েৰ



ওপর খাড়া হয়ে গেল ঘোড়াটা। ছিটকে পড়ে গেল আরোহী। সঙ্গে সঙ্গে উঠে দাঁড়িয়ে নদীতে ঝাঁপ দেয়ার চেষ্টা করলো সে। কিন্তু তার আগেই পৌঁছে গেছে পেছনের স্থাপদগুলো। মুহূর্তে ছিঁড়ে টুকরো টুকরো করে ফেললো হতভাগ্য জমিদারকে। লাগাম টেনে ঘোড়া দাঁড় করালো খান। তাকিয়ে আছে উন্নত জ্ঞানোয়ারগুলোর দিকে। ধীরে ধীরে পরিভ্রমির পৈশাচিক হাসি ফুটে উঠলো তার মুখে।

## নয়

একটু পরে আমরা পৌঁছে গেলাম গস্তব্যো, দ্বীপের যেখানটায় নদী হুঁভাগ হয়েছে সেই বিন্দুতে। পাথরের একটা জেটিতে নোকা ভিড়লো। আমরা নেমে এলাম। একদল রক্ষী আমাদের স্বাগত জানানোর জন্যে অপেক্ষা করছিলো। তাদের পেছন পেছন এগিয়ে গেলাম নগর-তোরণের দিকে।

আর দশটা পুরনো মধ্য এশীয় নগরের মতো দেখতে কালুন শহর। উঁচু দেয়াল দিয়ে ঘেরা। স্থাপত্যশৈলীতে সৌন্দর্যের ছাপ বিশেষ নেই। খুব একটা বড়ও নয় নগরটা। সরু সরু পাথর বাঁধানো রাস্তা, আর সমতল ইঁদওয়াল বাড়িঘর—ব্যস।

ভোরণ পেরিয়ে এগিয়ে চলেছি আমরা। একই পরে দ্বিতীয় একটা ফটকের সামনে পৌঁছলাম। ভেতর থেকে বন্ধ। সিমত্রি এগিয়ে গিয়ে ধাক্কা দিলো দরজায়। ওপাশ থেকে হুর্বাধ্য ভাষায় সাড়া দিলো কেউ। একই ভাষায় কিছু একটা জবাব দিলো সিমত্রি। প্রায় সাথে সাথে খুলে গেল ফটকের ভারি কপাট। ভেতরে ঢুকলাম আমরা। ছ'পাশে বাগান, মাঝখান দিয়ে এগিয়ে গেছে পথ।

বাগান পেরিয়ে বিরাট একটা দালান বা প্রাসাদের সামনে পৌঁছলাম। দালানটার এখানে সেখানে এলোমেলোভাবে মাথা তুলে আছে নিরেট পাথরের উঁচু উঁচু চূড়া। দেখলেই বোঝা যায় প্রাচীন মিশরীয় রীতিতে তৈরির চেষ্টা হয়েছিলো, কিন্তু কারিগরদের সাধো কুলায়নি।

প্রাসাদের দরজা পেরিয়ে একটা বারান্দা ঘেরা উঠানে পৌঁছলাম। এই উঠান থেকে অনেকগুলো ছোট ছোট গলিপথ মতো চলে গেছে বিভিন্ন কামরায়। এগুলোরই একটা ধরে অবশেষে পৌঁছলাম আমাদের জন্যে নির্ধারিত আবাসস্থানে। একটা বসার আর দুটো শোবার ঘর নিয়ে গড়ে উঠেছে ওটা। তিনটে ঘরই জমকালো আসবাবপত্রেরাশী, সবই প্রাচীন ঢংয়ের। তেলের লণ্ঠন জ্বলছে ঘরগুলোয়।

এখানে আমাদের রেখে বিদায় নিলো সিমত্রি। যাওয়ার আগে বলে গেল, রক্ষীদের প্রধান বাইরের ঘরে অপেক্ষা করবে। আমরা তৈরি হয়ে বেরোলেই সে আমাদের যাওয়ার ঘরে নিয়ে যাবে।

শোয়ার ঘরে ঢুকে দেখি কয়েকজন ভৃত্য সম্ভবত ক্রীতদাস, অপেক্ষা করছে আমাদের জন্যে। আচার রাখার কেতাজ্জবুত। এদের সহায়তার ভ্রমণের পোশাক ছেড়ে শাদা কারের নতুন ফ্রক কোট গায়ে চাপালাম। অন্যান্য পোশাকগুলোও বদলে নিতে হলো। অবশেষে ভৃত্যরা

মাথা নুইয়ে জানালো, আমাদের বেশ বিন্যাস সমাপ্ত ।

বাইরের ঘরে এলাম । রক্ষীপ্রধান বিনীত ভঙ্গিতে পথ দেখিয়ে নিয়ে চললো । অনেকগুলো ছোট বড় ঘর পেরিয়ে, বাক নিয়ে অবশেষে পৌঁছলাম খাওয়ার ঘরে । বিশাল একটা হলকামরা । অনেকগুলো লঠনের আলোয় উজ্জ্বল ভাবে আলোকিত । দেয়ালে দেয়ালে কারুকাজ করা পর্দা । ঘর গরম রাখার জন্যে এক ধারে বড় একটা চুল্লীতে পিট কয়লা পুড়ছে ।

কামরার এক প্রান্তে একটা বেদীমতো । তার ওপরে সুরু, লম্বা একটা কাপড়ঢাকা টেবিল । টেবিলে রুপোর বকঝকে বাসন পেয়ালা সাজানো । কোনো মানুষ নেই এ-ঘরে । রক্ষী-প্রধানের সাথে অপেক্ষা করতে লাগলাম আমরা । একটু পরে এক ধারের পর্দা সরিয়ে ঘরে ঢুকলো খানসামারা । তাদের পেছনে রুপার ঘন্টায় বাড়ি দিতে দিতে একজন লোক ; তারপর দশ বারোজন সভাসদের একটা দল, প্রত্যেকে আমাদের মতো শাদা পোশাক পরা । তাদের পেছন পেছন এলো সমসংখ্যক রমণী । বেশিরভাগই যুবতী, সুন্দরী । আমাদের সামনে এসে মাথা নুইয়ে অভিনন্দন জানালো তারা । আমরা জবাব দিলাম, একই ভঙ্গিতে ।

মিঃশব্দে দাঁড়িয়ে আছি আমরা । ওরাও । পরস্পরকে পরীক্ষা করছি খুঁটিয়ে খুঁটিয়ে । অবশেষে তীক্ষ্ণস্বরে শিঙা বেছে উঠলো কোথাও । নকীব এসে ঘোষণা করলো—‘কালুনের মহামান্য খান ও খানিয়া আসছেন !’ পর্দার ওপাশে একটা আলোকিত সুরু পথে দুটো মূর্তি দেখা গেল । তাদের পেছনে শামান সিমত্রি ও কয়েকজন রাজপুরুষ ।

তলঘরে প্রবেশ করলো খান । কেউ মুখ তুলে তাকালো না । সবার চেহারায় কেমন একটা অস্বস্তির ভাব চেপে বসেছে । খানের

পরনেও শাদা পোশাক। পার্শ্বক্য একটাই, আমরা বা পারিষদরা যেগুলো পরে আছি তার চেয়ে এগুলো অনেক মূল্যবান, কাট-ছাঁটেও একটু অন্যরকম। প্রথমেই আমার চোখ পড়লো ওর সেই উন্নত চোখ দুটোর ওপর। এখনো তেমনি ভয়ঙ্কর পৈশাচিক দৃষ্টি তাতে। এমনিতে লোকটা দেখতে ঋষাপ না। চমৎকার স্বাস্থ্য। কেবল ঐ চোখ দু'টো—ভয়ঙ্কর ক্রোধে ঝলে আছে যেন। আর খানিয়া—তোষণ-গৃহে যেমন দেখেছিলাম এখনও তেমন। সুন্দর। কেবল একটু হুঁশিয়ার ছাপ পড়েছে চেহারায়। আমাদের দেখা মাত্র একটু লাল আভা ধারণ করলো তার গাল। তবে মুহূর্তের জন্যে। তারপরই আমাদের এগোনোর ইশারা করে স্বামীকে বললো—

‘প্রভু, এরা সেই আগস্কক, এদের কথাই বলেছিলাম তোমাকে।’

আমার ওপরেই প্রথমে পড়লো খানের চোখ। একটু যেন মজা পেলো আমার চেহারা দেখে। অভঙ্গের মতো হেসে উঠলো জোরে। তারপর স্থানীয় ভাষার মিশেল দেয়া জঘন্য গ্রীকে বললো—

‘কি অদ্ভুত একটা বৃড়া জন্তু! আগে কখনো দেখিনি তোমাকে, তাই না?’

‘ন’, মহামুভব খান,’ আমি জবাব দিলাম, ‘তবে আমি আপনাকে দেখেছি। আজ সন্ধ্যায়ই। আপনি শিকারে বেরিয়েছিলেন। পেলেন কিছু?’

সঙ্গে সঙ্গে সজাগ হলো সে। হাত ঘষতে ঘষতে জবাব দিলো—

‘পেরেছি মানে? দারুণ জিনিস। কীড়ে পালানোর চেষ্টা করেছিলো, কিন্তু আমার কুকুরগুলো শেষ পর্যন্ত ওকে ধরে ফেলতে পেরেছিলো। তারপর—’

‘তোমার এসব নিষ্ঠুর কথাবার্তা খামাও তো।’ চিংকার করলো খানিয়া।

অ্যাতেনের কাছ থেকে একটু সরে এলো খান। লিঙের দিকে তাকালো।

সোনালী দাড়িওয়ালা বিশালদেহী লিঙকে এই প্রথম ভালো করে লক্ষ্য করলো সে। অবাক চোখে তাকিয়ে রইলো কিছুক্ষণ।

‘তুমি নিশ্চয়ই খানিয়ার অপরাধ বন্ধু?’ অবশেষে কথা ফুটলো তার মুখে। ‘এতক্ষণে বুঝতে পারছি, কেন তুমি কষ্ট স্বীকার করে ও পার্বত্য-তোরণের কাছে গিয়েছিলো। ভালো কথা, তুমি কিন্তু সতর্ক থেকে, না হলে তোমাকেও শিকার হতে হবে।’

শুনেই রেগে গেল লিঙ। জবাব দেয়ার জন্যে মুখ খুলতে যাবে, বাধা দিলাম আমি। ইংরেজিতে বললাম,

‘উহ’, কিছু বলো না, লোকটা পাগল।’

‘পাগল হোক আর যা-ই হোক,’ গরগরিয়ে উঠলো লিঙ, ‘আমার ওপর ওই অভিশপ্ত কুস্তাগুলোকে লেলিয়ে দেয়ার চেষ্টা করলে আমি ওর ঘাড় ভেঙে ফেলবো।’

আমি আর কিছু বলার আগেই খানিয়া ইশারায় তার পাশে বসতে বললো ওকে। অন্যপাশে বসালো আমাকে, ও আর ওর চাচা অভিভাবকের মাঝখানে। আর খান বসলো কয়েকটা চেয়ার পরে সুন্দরী ছই রমণীর মাঝে।

এরপর খাবার পরিবেশন করা হলো। মাছ, ভেড়ার মাংস, মিষ্টি। সবই অত্যন্ত সুস্বাদু। তারপর দেয়া হলো কড়া পানীয়। পথে কষ্ট হয়েছে কিনা—এই ধরনের ছ’একটা প্রশ্ন করলো খানিয়া আমাকে। বাকি সমস্তটুকু লিঙের সাথে গল্প করে গেল সে। আর আমি আলাপ

জমালাম বৃদ্ধ শামান সিত্রির সাথে । তার কাছ থেকে যা যা আনতে পারলাম তা হলো—

বাণিজ্য ব্যাপারটা সম্পূর্ণ অপরিচিত কালুনের মানুষদের কাছে । এর প্রধান কারণ বাইরের জিনিয়ার সাথে ওদের কোনো যোগাযোগ নেই । দেশটা বড় এবং ঘনবসতিপূর্ণ হলেও চারদিক দিয়ে দুর্গম পাহাড় ঘেরা বলে বাইরে থেকে কেউ আসতে পারে না এখানে, এখান থেকেও কেউ বাইরে যায় না । যাওয়ার প্রয়োজনও বোধ করে না । নিজেরা যা উৎপাদন করে তা নিয়েই খুশি সবাই । প্রয়োজনীয় প্রতিটা জিনিস নিজেরাই তৈরি করে নেয় । হাতুশিলেখ মোটামুটি উন্নত কালুন । টাকা পয়সার কোনো অস্তিত্ব নেই । বিনিময়ই ব্যবসার একমাত্র মাধ্যম । রাজস্বের মাধ্যমও তাই ।

প্রাচীনকালে যে বিদেশী জাতি স্থানীয়দের পদানত করেছিলো সংখ্যায় খুব কম হলেও এখনো তারাই শাসন করছে দেশটা । শাসক শাসিত বা বিজয়ী বিজিত কোনো পক্ষই রক্তের বিসৃদ্ধতা রক্ষার ব্যাপারে মনোযোগী নয়—কোনো কালেই ছিলো না । ফলে একটা প্রায় অসভ্য আর একটা সুসভ্য জাতির সমন্বয়ে গড়ে উঠেছে এই জাতি । তবে শাসন ক্ষমতা শেষ পর্যন্ত রয়েই গেছে বিদেশ থেকে আসা লোকদের হাতে ।

‘সংখ্যায় যখন ওরা এত অল্প, সংখ্যাগরিষ্ঠ স্থানীয়রা ওদের শাসন মেনে নিচ্ছে কেন ?’ জিজ্ঞেস করলাম আমি ।

কাঁধ ঝাঁকালো সিত্রি । ‘স্থানীয়রা মোটেই উচ্চাকাঙ্ক্ষী নয়, তাই ব্যাপারটা সম্ভব হয়েছে । তাছাড়া বর্তমান স্থানিয়াকে দুপক্ষই পছন্দ করে । বিশেষ করে দরিদ্ররা । আর দরিদ্রের সংখ্যাই এদেশে বেশি । অবশ্য স্থানিয়াকে সবাই যেমন পছন্দ করে খানকে তেমন সবাই অপ-

ছন্দ করে। জনসাধারণ তো মাঝে-মাঝে খোলাখুলিই বলে, অভ্যাচারী খান মরলে তারা খুশি হয়, সেফেত্রে খানিয়া নতুন একজন স্বামী বেছে নিতে পারবে। পাগল হলেও খান এসব কথা জানে। সেজন্যে দেশের প্রতিটা গণ্যমান্য লোককে ও সন্দেহ করে, ঈর্ষা করে।’

‘ঈর্ষা কেন বলছেন,’ আমি বললাম, ‘সত্যি সত্যি ও হয়তো খ্রীকে ভালোবাসে।’

‘হয়তো। কিন্তু অ্যাভেন তো ওকে ভালোবাসে না। ওর সভাসদ, মানে এখানে যারা আছে তাদেরও কাউকে না।’

সত্যিই তাই এসব লোককে পছন্দ করা প্রায় অসম্ভব। ঘণ্টাখানেকও হয়নি খেতে এসেছে, এর ভেতরে সবাই পুরোপুরি মাতাল হয়ে গেছে। মেয়েদাও বাদ যাননি। খানের অবস্থা সবচেয়ে খারাপ। চেয়ারে হেলান দিয়ে হেঁড়ে গলায় চিৎকার করছে। এক হাতে জড়িয়ে ধরছে সুন্দরী এক সঙ্গিনীর গলা। অন্য সুন্দরী সোনার পেয়ালার করে মদ চেলে দিচ্ছে তার গলায়।

‘দেখ,’ লিওকে বললো খানিয়া, বিরক্তিতে কুঁচকে উঠেছে চোখ মুখ, ‘দেখ আমার সঙ্গীদের অবস্থা দেখ। কালুনের খানিয়া মানে কি তা বোঝো।’

‘রাজসভা থেকে এদের বিদায় করে দেন না কেন?’ জিজ্ঞেস করলো লিও।

‘বিদায় করলে রাজসভা বলেই কিছু থাকবে না যে, তাই। এদের চেয়ে ভালো স্বভাবের মানুষ এদেশে কই? নিরীহ গরীব মানুষের কঠোর শ্রমে উপাঞ্জিত সম্পদে ফুটি করে এরা। ছি।’ হঠাৎ যেন সশ্বিত ফিরলো খানিয়ার। ‘যাকগে, তোমরা নিশ্চয়ই খুব ক্রান্ত? যাও বিশ্রাম করোগে। কাল আমরা একসাথে ঘোড়ায় চড়তে বেরোবো।’

একজন রাজপুরুষকে ডেকে আমাদের পৌছে দেয়ার নির্দেশ দিলো  
সে ।

মাথা নুইয়ে অভিবাদন জানিয়ে বিদায় নিলাম আমরা খানিয়ার  
কাছ থেকে । সিমত্রি-ও যাচ্ছে আমাদের পৌছে দেয়ার জন্যে । বিশাল  
হল ঘরটার দরজার কাছে পৌছে গেছি, এমন সময় পেছন থেকে  
শোনা গেল খানের কণ্ঠস্বর—

‘আমাদের খুব কুতিবাজ মনে হলো, না ? কেন হবো না ? ক’দিন  
বাঁচবো কেউ বলতে পারে ? কিন্তু তুমি, এই হলদে-চুলো ব্যাটা,  
অ্যাতেনকে অমন করে তাকাতে দিয়ে না তোমার দিকে । ও আমার  
বউ । আর কখনো যদি দেখি ও অমন ড্যাব ড্যাব করে তাকিয়ে আছে  
তোমার দিকে, তাহলে, বলে দিচ্ছি, নির্ধাৎ তোমাকে শিকার করবো  
আমি ।’

হো-হো করে উঠলো অন্য মাতালগুলো । ঘুরে দাঁড়াতে গেল  
লিও । কিন্তু তার আগেই সিমত্রি ওর হাত ধরে বের করে নিয়ে গেল  
ঘর থেকে ।

বাইরে বেরিয়েই লিও সিমত্রিকে বললো, ‘বন্ধু, তোমাদের খান  
আমাকে হত্যার ছমকি দিচ্ছে ।’

‘ভয় পাওয়ার কিছু নেই,’ জবাব দিলো অভিভাবক । ‘খানিয়া  
যতক্ষণ ছমকি দিচ্ছে না ততক্ষণ ভয়ের কিছু নেই ① আসলে তো  
দেশের শাসনকর্তা অ্যাতেন, আমি ওকে সহায়তা করি ।’

‘তাহলে আপনাকেই বলছি,’ বললো লিও, ‘ঐ মাতাল লোকটার  
কাছ থেকে দূরে রাখবেন আমাকে । আমি যদি আক্রান্ত হই তাহলে  
কিন্তু আশ্রয়কার চেষ্টা করবো ।’

‘সেক্ষেত্রে কে তোমাকে দোষ দেবে ?’ সূক্ষ্ম, রহস্যময় একটা হাসি



হেসে বললো সিমত্রি।

ইতিমধ্যে আমরা পৌঁছে গেছি আমাদের থাকার জায়গায়। বিদায় নিলো বৃদ্ধ শামান। ছোটো বিছানাই এক ঘরে এনে উঁয়ে পড়লাম আমি আর লিও। এক ঘুমেই রাত শেষ। ভোরে মরণ-স্বাপদের চিংকারে ঘুম ভাঙলো আমাদের।

ছপুরের একটু পরে খানিয়া অ্যাতেনের সাথে বেড়াতে বের হলাম। পেছন পেছন আসছে খানিয়ার দেহরক্ষী বাহিনীর একদল সৈনিক। প্রথমেই আমাদের নিয়ে গেল মরণ-স্বাপদের যেখানে রাখা হয় সেখানে। লোহার বেড়া দিয়ে ঘেরা প্রশস্ত একটা উঠানে ছ'ধরনের কুকুর দেখলাম। লাল আর কালো। কাল রাতেরগুলোর মতোই বিরাট একেকটা। আমাদের দেখামাত্র চঞ্চল হয়ে উঠলো তারা। রক্ত হিম করা স্বরে চৈচাচ্ছে আর লাফাচ্ছে, পারলে একুণি বেরিয়ে এসে টুটি টিপে ধরে আমাদের। ভাগ্য ভালো, বেড়া যথেষ্ট মজবুত, তেমন কিছু করতে পারলো না ওরা।

এরপর খানিয়া নগর দেখাতে নিয়ে গেল। কাল রাজপ্রাসাদে ঢোকান আগে যেটুকু দেখেছিলাম তার চেয়ে বেশি কিছু দেখার ছিলো না। সুতরাং একটু পরে যখন অ্যাতেন নদীর ওপর উঁচু একটা সেতু পেরিয়ে আমাদের ফসলের মাঠে নিয়ে গেল তখন মোটেই তৃপ্ত পেলাম না। কৃষকদের দেখলাম, মাঠে কাজ করছে। খানিয়াকে জিজ্ঞেস করে জানতে পারলাম, এরা সমগ্র স্থানীয় বাসিন্দাদের বংশধর। কৃষিকাজই এদের একমাত্র জীবিকা। জমির তুলনায় মানুষ বেশি বলে এক ইঞ্চি মাটিও এরা নষ্ট করছে না চাষবাস ছাড়া অন্য কাজ করে। অদ্ভুত এক সেচের পদ্ধতি গড়ে তুলেছে দেশজুড়ে। সরু সরু

খাল কেটে পানি নিয়ে আসা হয়েছে নদী থেকে মাঠের গভীর পর্যন্ত ।  
অনেক স্ত্রীলোককেও দেখলাম ক্ষেতে কাজ করতে ।

‘কোনো বছর যদি ধরা বা অতিবৃষ্টি হয় তাহলে কি ঘটে আপ-  
নাদের এখানে ?’ জিজ্ঞেস করলো লিও ।

‘দুর্ভিক্ষ দেখা দেয়,’ গভীর মুখে জবাব দিলো খানিয়া । ‘হাজার  
হাজার মানুষ তখন না খেয়ে মরে ।’

‘এ বছরটা কেমন ? ভালো না মন্দ ?’ আমি জিজ্ঞেস করলাম ।

‘খুব সম্ভব মন্দ । এখনো নদীর পানি ষথেষ্ট বাড়েনি । বৃষ্টিও হয়নি  
খুব বেশি । এ-অবস্থা চললে ক’দিন পরে সেচের পানি পাওয়া যাবে  
না । কাল সন্ধ্যায় আবার অগ্নি-পর্বতের চূড়ায় আগুন দেখা গেছে ।  
ওটা একটা অশুভ সংকেত । যে বছর ঐ চূড়ায় আগুন দেখা দেয় সে  
বছর ধরা হয় ।’

‘সেক্ষেত্রে এখনই ঐ পাহাড়ে গিয়ে আশ্রয় নেয়া উচিত আমাদের,’  
একটু হেসে লিও বললো ।

‘মানে ? তোমরা মৃত্যুর মাঝে আশ্রয় চাও ?’ মুখ কালো করে  
বললো খানিয়া । ‘বিদেশী অতিথি, শুনে রাখো, আমি বেঁচে থাকতে  
ওখানে যেতে পারবে না তুমি ।’

‘কেন নয়, খানিয়া ?’

‘আমার ইচ্ছা, প্রভু লিও । এদেশে আমার ইচ্ছাই আইন । চলো  
ফেরা যাক ।’

এরপর দীর্ঘ তিনটে মাস আমাদের কাটাতে হলো কালুন নগরীতে ।  
শয়কর, জঘন্য, ঘৃণিত তিনটে মাস । জীবনে আর কখনো এত বাজে  
সময় কাটেনি আমাদের । একদিকে খানের হুমকি, অন্যদিকে খানি-

স্মার। খানিয়া আবার শুধু হুকি নয়, মাঝে মাঝে অস্বাভাবিক ভালো ব্যবহার করে, সেটা আরো অসহ্য লাগে আমার কাছে। লিওর কাছেও। দেশের জনসাধারণও মোটেই ভালো দৃষ্টিতে দেখছে না আমাদের। খানিয়ার কথাই সত্যি হয়েছে, ভয়ঙ্কর খরা এবং অনাবৃষ্টি শুরু হয়েছে কালুনে। সবচেয়ে আশ্চর্য ব্যাপার জনগণ সেজন্যে দুই বিদেশী আগন্তুককেই দায়ী করেছে। আমরা বাইরে বেরোলে ওরা দল বেঁধে দেখতে আসে। দু'একজন বলাবলিও করে, ওদের এই দুঃস্বস্তির জন্যে আমরাই দায়ী। শেষে এমন হলো, বাইরে বেরোনোই বন্ধ হয়ে গেল আমাদের। মাঝে মাঝে দু'একবার যা বেরোই তা খানিয়ার সঙ্গে। ব্যাপারটা আরো বিত্রতকর। খানিয়ার উদ্দেশ্য আমরা জানি তাই চেষ্টা করি ওকে এড়িয়ে চলার। তবু ওর ইচ্ছায় ওর সাথে যখন বেরোতে হয়, আমাদের, বিশেষ করে লিওর মনের অবস্থা কেমন হয়, সহজেই অনুমেয়।

The Online Library of Bangla Books  
**BANGLA BOOK**.ORG

দশ

বেশ কয়েকদিন কেটে গেছে তারপর।

এক রাতে সিমত্রি তার প্রাসাদচূড়ার ঘরে আমাদের খাওয়ার আমন্ত্রণ জানালো। খাওয়া-দাওয়ার পর দেখলাম, বেশ গভীর হয়ে গেছে লিও। কি যেন ভাবছে।

‘বন্ধু সিমরি,’ হঠাৎ বলে উঠলো সে, ‘আপনার কাছে একটা অনুগ্রহ চাইবো—খানিয়াকে একটু বলবেন, দয়া করে যেন আশাদেশকে আমাদের পথে চলে যেতে দেয়।’

বুড়ো শামানের চতুর মুখটা মুহূর্তে যেন পাথরে গড়া হয়ে গেল।

‘তুমি নিজেই তো একথা বলতে পারো খানিয়াকে। আমার মনে হয় না ও অস্বীকার করবে।’

‘বলেও যে লাভ হয়নি তা বোধহয় আমার চেয়ে আপনি ভালো জানেন। যাহোক, ফালতু কথা বাদ দিয়ে আশুন বাস্তব অবস্থাটা বিশ্লেষণ করে দেখা যাক—আমার মনে হয়েছে খানিয়া অ্যাভেন তার স্বামীকে নিয়ে সুখী নয়।’

‘তোমার দৃষ্টি খুব প্রখর।’

‘আমার আরো মনে হয়েছে,’ বলতে বলতে একটু লাল হলো লিওর মুখ, ‘আমার প্রতি, সত্যি কথা বলতে কি অযাচিত ভাবেই একটু বেশি সৌজন্য দেখাচ্ছে খানিয়া।’

‘ভোরণ-গৃহের সেই স্মৃতি স্মরণ করে বলেছো তো?’

‘না, শুধু ভোরণ-গৃহে না, এখানে আসার পরও কিছু স্মৃতির গন্ধ হয়েছে।’

দাড়িতে হাত বুলাতে বুলাতে শামান বললো, ‘ভারপর?’

‘ভারপর আর বিশেষ কিছু না, সিমরি, আমি চাই না আপনার দেশের প্রথম-স্বর্গীর নামে কলঙ্ক রটুক।’

‘কিছু এসে যায় না, কিছু এসে যায় না, তুমি যাকে কলঙ্ক বলছো তা নিয়ে এদেশের মানুষ খুব একটা মাথা ঝামায় না। যাহোক, কলঙ্ক ছাড়াই যদি সব ব্যাপার গুছিয়ে দেয়া যায়? যদি, ধরো, খানিয়া নতুন একটা স্বামী পছন্দ করলো?’

‘তা কি করে সম্ভব ? এক স্বামী জীবিত থাকতে আর এক স্বামী কি করে গ্রহণ করবে ও !’

‘এখনকার স্বামী যদি আর বেঁচে না থাকে ? মরতে কতক্ষণ ? খান র্যাসেন যে হারে মদ গিলছে আজকাল !’

‘মানে লোকটাকে খুন করা হবে !’ ভয়ানক হয়ে উঠেছে লিওর চেহারা। ‘না, শামান সিমত্রি, এ ধরনের কাজ আমার দ্বারা হবে না।’

এমন সময় পেছনে একটা খসখস আওয়াজ শুনে আমি ঘাড় ফিরিয়ে তাকালাম। ঘরটার আয়তন বিগুণ হয়ে গেছে। আমার একটু পেছনেই একটা পর্দা ঝুলছিলো। ভেবেছিলাম, ওটা বুঝি দেয়ালে ঝুলছে। এখন বুঝলাম, না, ঐ পর্দা দিয়ে ঘরটাকে ছ’ভাগ করা হয়েছিলো। পর্দার ওপাশের অংশে শামানের শোয়ার জায়গা। মেঝেতে, বিছানায় পড়ে আছে তার বাহুবিদ্যার যন্ত্রপাতি, রাশিচক্র ইত্যাদি। আর পর্দা ধরে দাঁড়িয়ে আছে মূর্তির মতো, খানিয়া আন্তেন।

‘অপরাধের কথা বললো কে ?’ শীতল গলায় প্রশ্ন করলো সে। ‘তুমি, প্রভু লিও ?’

চেয়ার থেকে উঠে খানিয়ার মুখোমুখি হলো লিও।

‘হয়তো আপনি আহত হয়েছেন, খানিয়া, কিন্তু আমি খুশি, আপনি আমার কথা শুনে ফেলেছেন।’

‘কেন, আহত হবো কেন ? অস্তুত একজন সং সত্যবাদী লোকের দেখা পেলাম জীবনে। না, আমি তোমার কথায় মোটেই হুঃখ পাইনি। কিন্তু, লিও ভিনসি, নিয়তির লিখন খণ্ডানো কারো পক্ষেই সম্ভব নয়। যা একবার লেখা হয়ে গেছে তা মোছা সম্ভব নয়।’

‘নিঃসন্দেহে, খানিয়া ; কিন্তু কি লেখা হয়ে গেছে ?’

‘ওকে বলো, শামান ।’

পর্দার ওপাশে চলে গেল সিমত্রি । একটা তুলোটি কাগজের টুকরো নিয়ে এসে পড়তে লাগলো : ‘স্বর্গ তার অনির্বাণ সংকেতের মাধ্যমে ঘোষণা করছে যে, পরবর্তী নতুন চাঁদের আগেই খান র্যাসেন মারা যাবে । হুর্গম পাহাড় পেরিয়ে যে আগন্তুক প্রভু এসেছে তার হাতে সে নিহত হবে ।’

‘স্বর্গ তাহলে মিথ্যা ঘোষণা করেছে,’ বললো লিও ।

‘তা তোমার মনে হতে পারে,’ জবাব দিলো আ্যাতেন, ‘কিন্তু যা পূর্ব নির্ধারিত তা ঘটবেই । আমার হাতে নয়, আমার কোনো ভৃত্যের হাতে নয়, তোমার হাতেই মরবে ও ।’

‘কিন্তু, আমার হাতে কেন ? হালির হাতে কেন নয় ? তবু, অমন কিছু যদি ঘটেই, খানের শোকাভূর স্ত্রী নিশ্চয়ই প্রতিশোধ নেবেন ?’

‘ঠাট্টা করছো, লিও ভিনসি, আমার এই স্বামীকে আমি কি চোখে দেখি তা জানার পরও ?’

বুঝতে পারছি প্রকৃত সংকটের মুহূর্ত উপস্থিত । লিও-ও বুঝতে পেরেছে । ও বললো—

‘আপনার উদ্দেশ্য কি পরিষ্কার করে বলুন, খানিয়া । আমাদের হু’-জনের জন্যেই তা মঙ্গলজনক হবে ।’

‘হ্যাঁ, বলবো, প্রভু । এই নিয়তি নির্ধারিত ব্যাপারের শুরু কোথায় আমি জানি না ; যেখান থেকে জানতে শুরু করেছি সেখান থেকেই বলছি । শোনো, লিও ভিনসি, আমি যখন শিশু তখন থেকেই তুমি হানা দিয়ে চলেছো আমার মনে । প্রথম যখন তোমাকে নদীর পাড়ে দেখি, তোমার মুখ আমার অপরিচিত মনে হয়নি । বরং মনে হয়েছে, যেন কতদিনের চেনা । স্বপ্নের ভেতর তোমার সাথে আমার এই পরি-

চয়। আমি তখন খুব ছোট, নদীর তীরে কুলের ভেতর শুয়ে ছিলাম একদিন, তুমি সেদিন প্রথম এলে আমার স্বপ্নে—বিশ্বাস না হয় আমার চাচাকে জিজ্ঞেস করে দেখ, সত্যি বলছি কিনা। তুমিও তখন খুব ছোট। তারপর বয়স বাড়ার সঙ্গে সঙ্গে একটা নির্দিষ্ট সময় পরপর তুমি এসেছো আমার ঘুমের ভেতর। অবশেষে আমি বুঝতে শিখেছি তুমি আমার। আমার হৃদয়ের যাত্রাই আমাকে এ জ্ঞান দিয়েছে।

‘তারপর অনেক বছর কেটে গেছে, তুমি আরও কাছাকাছি হয়েছে আমায়, ধীরে, খুব ধীরে কিন্তু প্রতি মুহূর্তেই কাছে এসেছো। অবশেষে বহু প্রতীক্ষিত দিনটি এলো। পাহাড় পেরিয়ে, মক্কতুমি, তুষার পেরিয়ে স্বশরীরে তুমি এলে আমার সামনে। তিন চাঁদ আগে এক রাতে চাচা শামানের সঙ্গে বসে ছিলাম আমি এই ঘরেই, যাত্রবিদ্যার পাঠ নিচ্ছিলাম। সেই সময় হঠাৎ, অলৌকিক এক দৃশ্য ভেসে উঠলো আমার মনের পর্দায়।

‘তোমাকে দেখলাম—হ্যাঁ, স্বপ্নে নয়, জেগে জেগে। দেখলাম, তুমি আর তোমার সঙ্গী কোনোমতে কুলে আছে। সেই গিরিখাতের মাঝামাঝি এক ভাঙা বরফের কানায়। দেরি না করে চাচাকে নিয়ে চলে গেলাম সেখানে। বৃকের ভেতর ছুরু ছুরু করছিলো, হুসু হুসু এর-মধ্যে ঐ ভয়ানক জ্বরগা থেকে পড়ে মরে গেছে তোমরা।

‘তারপর, যখন আমরা অপেক্ষা করছি, হঠাৎ দেখতে পেলাম ছোট ছোটো মৃত্তি, অনেক উপরে, বিপজ্জনকভাবে নেমে আসছে বরফের ধাম বেয়ে। বাকিটুকু তোমরা জানো। কক্সবাসে আমরা দেখলাম, তুমি পড়ে গিয়ে কুলতে লাগলে হুসু হুসু অবস্থায়, হ্যাঁ, তারপর তোমার সাহসী সঙ্গীকে দেখলাম, তোমার পেছন পেছন ঝাঁপ দিলো।

‘কিন্তু, শেষ পর্যন্ত কে উদ্ধার করলো তোমাকে? চাচা লাঠি এগিয়ে

দিয়েছিলো, কোনো লাভ হয়েছিলো ? আসলে সব নিয়তির বিধান,  
তুমি আমি চাইলেই কি খণ্ডাতে পারবো ?’

শেষ করলো অ্যাভেন। একটু খুঁকে বসলো টেবিলে। লিওর দিকে  
চোখ।

‘আপনি আমাকে বাঁচিয়েছেন,’ লিও বললো, ‘সেজন্যে আমার  
কৃতজ্ঞতা প্রকাশ করছি। কিন্তু যা বললেন তা যদি সত্যি হয় আরেক  
জনকে বিয়ে করলেন কেন ?’

এবার যেন কুঁকড়ে গেল খানিয়া।

‘ওহ ! সেজন্যে আমাকে দোষ দিও না। দেশের স্বার্থে ঐ পাগল-  
টাকে বিয়ে করতে হয়েছে। সবাই এমনভাবে ধরেছিলো, ইয়া, তুমিও,  
চাচা সিমত্রি, কেন ?—জনগণের স্বার্থে ম্যাসেন আর আমার রাজ্যের  
ভেতর যুদ্ধ বন্ধ করা দরকার। ওকে বিয়ে করলেই তা নাকি সবচেয়ে  
সহজে সম্ভব। হায়রে জনগণ ! হায়রে আমার দেশ !’

‘বুঝলাম আপনার দোষ নেই,’ বললো লিও। ‘কিন্তু ইচ্ছায় হোক,  
অনিচ্ছায় হোক ঐ লোকটাকে বিয়ে করে যে গেরো আপনি দিয়েছেন,  
ওর প্রাণ হরণ করে আমি কেন তা কাটতে যাবো ? তাছাড়া স্বর্গের  
ঘোষণা আর অলৌকিক দর্শনের যে কথা আপনি বলছেন তা আমি এক  
বিন্দু বিশ্বাস করিনি। আপনি আমাদের উদ্ধার করতে গিয়েছিলেন,  
কারণ মহাশক্তিমতি হেসা, অগ্নিপর্বতের আত্মা আপনাকে সেরকমই  
নির্দেশ দিয়েছিলেন।’

তড়াক করে লাফিয়ে উঠলো অ্যাভেন। ‘তুমি কি করে জানলে  
একথা ?’

‘স্বপ্ন করে আরো অনেক কিছু জানেছি। দেখুন, আমার মনে হয়  
আপনি সত্যি বললেই ভালো করবেন।’

কালো হয়ে গেল অ্যাভেনের মুখ। খুঁতনি ডুবে গেল বৃকে। তীব্র



ক্রোধে ফিসফিস করে উঠলো, ‘কে বললো এ কথা ? শামান, তুমি ?’  
ছোবল দিতে উদ্যত কনিষ্ঠ মতো চাচার দিকে তাকালো সে।

‘অ্যাতেন, অ্যাতেন।’ মিনতি ভরা কণ্ঠস্বর সিমত্রির। ‘শাস্ত হও।  
তুমি ভালো করেই জানো, আমি বলিনি।’

‘তাহলে তুই, বানরমুখো ভবঘুরে, শয়তানের তল্লাবাহক, তুই-ই বলে-  
ছিস। ওহ। কেন তোকে প্রথমেই খুন করলাম না ? ঠিক আছে, ভুলটা  
সুধরে নেবার সময় এখনো শেষ হয়ে যায়নি।’

‘এই যে, ভদ্রমহিলা,’ অত্যন্ত মৃগণ গলায় আমি জবাব দিলাম,  
তোমার চাচার মতো আমাকেও কি যাচুকর ভেবেছো ?’

আচমকা আমার মুখে তুমি সম্বোধন শুনে একটু থমকালো খানিয়া।  
কিন্তু মুহূর্তের জন্যে। তারপর বললো, ‘ই্যা, আমার বিশ্বাস তুই-ও  
যাচুকর। আর ঐ পাহাড়ে আগুনের ভেতর থাকে তোর মনিবানি,  
যে তোকে শিখিয়েছে এই বিদ্যা।’

‘ছি ছি, খানিয়া, তোমার মতো একজন মহিলার মুখে এমন কুৎসিত  
কথা। যাকগে, এখন বলো, আমরা আসার পর যে সংবাদ পাঠিয়েছে  
তার জবাবে হেসা কি বলেছেন ?’

‘শোনো,’ ও জবাব দেয়ার আগেই লিও বলে উঠলো, ‘ও এখন  
তুমি করে সম্বোধন করছে খানিয়াকে।’ আমি একটা দৈর্ঘ্য-প্রশ্নের জবাব  
পাওয়ার জন্যে ঐ পাহাড়ে যাবো, তারপর তোমরা মীমাংসা করো,  
কে বেশি ক্ষমতাবান, কালুনের খানিয়া না অগ্নি-গৃহের হেসা।’

শুনলো অ্যাতেন। নিঃশব্দে দাঁড়িয়ে বইলো করেক মুহূর্ত। তারপর  
একটু হেসে বললো—

‘এ-ই তোমার ইচ্ছা ? কিন্তু, আমরা মনে হয় না ওখানে এমন কেউ  
আছে যাকে তুমি বিয়ে করতে চাইতে পারো। ওখানে আগুন আর

নির্লজ্জ অশুভ আশ্রয় ছাড়া তো কিছু নেই,' গভীর দুঃখে উচ্চারণ করছে এমন ভঙ্গিতে ধীরে ধীরে বললো খানিয়া।

'আমার দেশের কিছু গোপন ব্যাপার আছে,' একই রকম শীতল গলায় বলে চললো সে, 'কোনো বিদেশীকেই সেসব জানতে দেয়া হবে না। আমি আবার তোমাকে স্মরণ করিয়ে দিচ্ছি, আমি বেঁচে থাকতে ঐ পাহাড়ে যেতে পারবে না তুমি। আরো শুনে রাখো, লিও ভিনসি, আমি তোমার সামনে আমার হৃদয় মেলে দিয়েছি, জ্বাবে কি শুনেছি? —আমার খোঁজে তুমি আসোনি। এসেছো এক ডাইনীর খোঁজে। শুনে রাখো, লিও ভিনসি, ওকে তুমি কখনোই পাবে না। আমি তোমাকে আর কিছু বলবো না। তবে তুমি খুব বেশি জেনে ফেলেছো। আর সময় দেয়া যায় না, কাল সূর্যাস্তের ভেতর তোমাকে সিদ্ধান্ত নিতে হবে, অ্যাতেনের প্রতিশোধ স্পৃহার শিকার হবে, না তার প্রেমের মর্যাদা দেবে। আমি চাই না আমার দেশের মানুষ বলাবলি করার সুযোগ পাক, তাদের খানিয়া এক বিদেশীকে শ্রেয় নিবেদন করে প্রত্যাখ্যাত হয়েছে।'

ধীরে ধীরে, গাঢ় অথচ অনুচ্চ স্বরে ও বলে গেল কথাগুলো। প্রতিটা শব্দ যেন বিন্দু বিন্দু রক্ত হয়ে ঝরে পড়লো ওর মস্তিষ্কে। দৃশ্যটা কখনো ভুলবো না আমি। নিশাচর পাখির মতো মিটমিটে চোখে তাকিয়ে আছে বৃদ্ধ য'ছকর, পাশে রাজকীয় ভঙ্গিতে দাঁড়ানো কালুনের দীর্ঘদেহী তরী রাণী, খানিয়া জ্বায়ে। হৃৎকনেরই দৃষ্টি লিওর বিরাট অবয়বটার দিকে। একজনের চোখে ভয় মেশানো প্রশ্ন, অন্যজনের দৃষ্টিতে জিঘাংসা। বুঝতে পারছি এখন কিছু একটা বলা দরকার, কিন্তু কি, ভেবে পাচ্ছি না। আমিও ওদের মতোই নির্বাক তাকিয়ে আছি ওদের দিকে।

এমন সময় হঠাৎ খসখস একটা শব্দ হলো পেছনে। বাড়ি ফিরিয়ে তাকালাম আমি। অন্ধকার কোণে দাঁড়িয়ে আছে দীর্ঘ এক ছায়ামূর্তি। আমার সাথে চোখাচোখি হওয়া মাত্র সামনে এগিয়ে আসতে লাগলো সে। আলোর ভেতর চলে এলো। তারপর তীব্র শব্দে বুনো অট্টহাসিতে ফেটে পড়লো।

ছায়ামূর্তি আর কেউ নয়, খান।

মুখ তুলতেই অ্যাভেনও দেখতে পেলো তাকে। ভয়ানক ক্রোধে দলে উঠলো খানিয়ার চোখ।

‘এখানে কি করছো, র্যাসেন ?’ গর্জে উঠলো সে। ‘আমার পেছনে উঁকি মারতে এসেছো ? যাও, তোমার রাজসভার মদ আর মেয়েমানুষের কাছে ফিরে যাও।’

কিন্তু এখনো হেসে চলেছে লোকটা, হায়েনা যেমন হাসে।

‘কি শুনেছো তুমি ?’ জিজ্ঞেস করলো অ্যাভেন, ‘যে এত খুশি হয়ে উঠেছো ?’

‘কি শুনেছি ? ওহো ! আমি শুনেছি, খানিয়া, আমার স্ত্রী, আমার প্রিয়তমা স্ত্রী, আমার সভার মেয়েমানুষদের দেখলে ঘেন্নায় যার নাক কুঁচকে ওঠে, আমার সেই স্ত্রী আমাকে কেন বিয়ে করেছিলো। আমি শুনেছি, আমার সেই প্রিয়তমা স্ত্রী এক হলদে দাড়িওয়ালা বিদেশীর কাছে প্রেম নিবেদন করেছে, আর সেই বিদেশী তাকে প্রত্যাখ্যান করেছে হা-হা-হি-হি-হি-...’ এখানে এসে তীব্র তীব্র হয়ে উঠলো তার হাসির শব্দ। ‘এমনভাবে প্রত্যাখ্যান করেছে, আমি আমার প্রাসাদের সবচেয়ে নিকট মেয়েটাকেও এমনভাবে প্রত্যাখ্যান করতে পারতাম না।’

‘আমি আরো শুনেছি—একটা ছানা কথা—আমি পাগল। বিদে-

শীরা, শোনো, আমি পাগল, কারণ জানো ? ঐ-ঐ নরকের কীট, ইছরের বাচ্চা,' হাত তুলে সিমত্রির দিকে ইশারা করলো সে, 'বিয়ের ভোজ্ঞে আমার মদের সাথে ওষুধ মিশিয়ে দিয়েছিলো। ভালোই কাজ করেছে ওর ওষুধ। সত্যি কথা বলছি, খানিয়া অ্যাভেনের চেয়ে বেশি ঘৃণা আমি কাউকে করি না। ওর স্পর্শে আমার গা গুলিয়ে ওঠে, বাতাস বিষিয়ে যায় ওর উপস্থিতিতে।

'হলদে-দাড়ি, তোমারও নিশ্চয়ই ভেমন হয়েছে ? ঐ বুড়ো ইছরের কাছে প্রেম আগানিয়া ওষুধ চাও, ও পারবে দিতে, দেখবে কত সুন্দর, মিস্তি-মোহনীয় লাগছে ওকে। কয়েকটা মাস পরম আনন্দে কাটিয়ে যেতে পারবে।' আবার সেই তীক্ষ্ণস্বরে হেসে উঠলো র্যাসেন।

নিঃশব্দে, পাথরের মূর্তির মতো দাড়িয়ে দাড়িয়ে গুনলো অ্যাভেন। তারপর ঘুরে দাড়িয়ে কুনিশ করলো আমাদের।

'অভিধিরা,' বললো সে, 'আমার সম্পূর্ণ অনিচ্ছায় ঘটে যাওয়া এই ঘটনার জন্যে আমি কমা চাইছি। কি করবে বলো, ছনীতির পক্ষে নিয়ন্ত্রিত অন্তত এক দেশে তোমরা এসেছো। খান র্যাসেন, তোমার নিয়তি নির্ধারিত হয়ে গেছে, আমি তাকে স্বরাধিত করতে চাই না, কারণ, সামান্য সময়ের জন্যে হলেও অন্তত একবার আমরা সত্যিই কাছাকাছি এসেছিলাম। চাচা সিমত্রি, আমার সুক্বে চলো। আমার এখন অবলম্বন দরকার। তুমি ছাড়া আর কে আছে আমার ?'

উঠে দাড়িয়ে পায়ের-পায়ের এগোলো বৃদ্ধ শামসি। খানের সামনে পৌছে ঝামলো একটু। স্থির চোখে তার পা থেকে মাথা পর্যন্ত দৃষ্টি বুলালো। তারপর বললো—

'আমার চোখের সামনে জন্ম, র্যাসেন, অন্তত এক মেয়েমানুষের গর্ভে, আমি ছাড়া আর কেউ জানে না তোমার বাপের পরিচয়। সে

রাতে অগ্নি-পর্বতের চূড়ায় আগুন লকলকিয়ে উঠেছিলো, তারা-রা মুখ লুকিয়েছিলো লজ্জায়। তোমাকে বড় হয়ে উঠতে দেখেছি আমি, র্যাসেন, তোমার লাম্পট্যও দেখেছি, তোমারই বিয়ের ভোজ থেকে তুমি উঠে গিয়েছিলে এক শৈশবের গলা জড়িয়ে ধরে। চাষীদের উর্বরা চাষের জমি কেড়ে নিয়ে তুমি বাগান বানিয়েছো, যাদেরটা নিলে তারা বাঁচলো কি মরলো দেখারও প্রয়োজন বোধ করোনি। ভেবেছো এগুলোর প্রতিফল তুমি পাবে না? অবশ্যই পাবে, খান র্যাসেন, কি ভয়ঙ্কর প্রতিফল তুমি কল্পনাও করতে পারবে না। শিগ-গিরই তুমি মরবে, র্যাসেন, ষড়্ভাঙ্গাদায়ক রক্তাক্ত মৃত্যু তোমাকে গ্রাস করবে। তোমার চেয়ে যোগ্য কেউ তখন তোমার জায়গা দখল করবে। দেশে স্বস্তি ফিরে আসবে।’

ভয়ে কাঁটা হয়ে গুনছি আমি। প্রতি মুহূর্তে মনে হচ্ছে, এই বোধ-হয় খান তলোয়ার বের করে ছুটুকরো করে ফেললো বৃদ্ধকে। কিন্তু আশ্চর্য, তেমন কিছু করলো না র্যাসেন, বরং কুঁকড়ে গেল যেন। পা পা করে পিছিয়ে গেল সেই কোণায়। দৃষ্টি নেমে এসেছে মাটিতে, ধূতনি ঠেকেছে গলায়।

অ্যাতেনের পাশে গিয়ে তার হাত ধরলো সিমত্রি। দুর্ভাগ্যের কাছে পৌঁছে ঘুরে দাঁড়ালো আবার। একই রকম নিরুদ্বেগ, নিরুদ্বেগ গলায় বললো, ‘খান র্যাসেন, আমি তোমাকে তুলেছি, আমিই তোমাকে নামিয়ে আনবো। রক্তাক্ত অবস্থায় যখন মৃত্যুর দিকে এগিয়ে যাবে তখন স্মরণ করো আমার কথা।’

ওদের পায়ের শব্দ মিলিয়ে গেল ঘরে ঘরে। কোনা থেকে বেরিয়ে এলো র্যাসেন।

‘গেছে ওরা?’ হাত দিয়ে ঘেমে ওঠা ভুরু মুছতে মুছতে সে জিজ্ঞেস

করলো।

‘হ্যাঁ,’ জবাব দিলাম আমি।

‘আমাকে কাপুরুষ ভাবছো।’ কাঁপা কাঁপা গলায় বললো সে।  
‘সত্যি বলছি, আমি ওদের ভয় পাই, হলুদ-দাড়ি, সময় হলে তোমা-  
কেও পেতে হবে। উহ। কি ভয়ানক মেয়েমানুষ। স্বামী বিশেষে  
ওর শোয়ার ঘরে ঢোকান চেয়ে রাঁধুনী হিশেবে রান্নাঘরে ঢুকলেই  
ভালো করতাম। প্রথম থেকেই আমাকে ঘৃণা করে। এবং যতই আমি  
গভীরভাবে ভালোবাসতে চেয়েছি ততই ও ঘৃণা করেছে আমাকে।  
এখন আমি বুঝতে পারছি, কেন,’ ভুরু কুঁচকে লিওর দিকে তাকালো  
র্যাসেন। ‘বুঝতে পারছি কেন ও সব সময় এমন শীতল থেকেছে—  
কারণ, একজন মানুষ। এমন একজন মানুষ যার মনের বরফ গলানোর  
জন্যে ও তুলে রেখেছিলো ওর হৃদয়ের উষ্ণতা, আমাকে বা কাউকে  
বিতরণ করেনি একবিন্দু।’

এতক্ষণ চূপচাপ শুনছিলো লিও। এবার এগিয়ে এলো ছ’পা।  
জিজ্ঞেস করলো, ‘একটু আগের কথাবার্তায় আপনার কি মনে হয়েছে,  
খান ? বরফ গলতে শুরু করেছে ?’

‘না—অবশ্য আমার ধারণা, তার কারণ আগুন এখনো ভালো  
করে জ্বলে ওঠেনি। অ্যাভেনকে আমি চিনি, এত সহজে ও শাস্ত হবে  
না।’

‘এবং বরফ যদি আগুনের ওপর গিয়ে পড়তে চায় ? শুনুন, খান。  
ওরা বলছে আমি নাকি আপনাকে হত্যা করবো, কিন্তু আমার তেমন  
কোনো ইচ্ছে নেই। আপনি হয়তো ভাবছেন, আপনার জীকে আমি  
আগিয়ে নিয়ে যাবো, সত্যিই বলছি তেমন কোনো ইচ্ছেও আমার  
মেই। আমি আর আমার এই সঙ্গী যত তাড়াতাড়ি সম্ভব পালাতে চাই

আপনাদের এই শহর ছেড়ে। দিন রাত যেভাবে আমাদের পাহারা দিয়ে রাখা হয়েছে, একমাত্র আপনিই পারেন আমাদের মুক্ত করে দিতে। তাতে আপনিও বাঁচবেন আমরাও বাঁচবো।’

ধূর্ত চোখে তাকালো ওর দিকে খান। ‘ধরো আমি দিলাম মুক্ত করে, তখন তোমরা কোথায় যাবে? যে পথে এসেছো সে পথে যেতে পারবে না, একমাত্র পাখিদের পক্ষেই সম্ভব ঐ গির্জাখানের ওপরে ওঠা। তাহলে?’

‘আমরা যাবো অগ্নি-পর্বতে। ওখানে কাজ আছে আমাদের।’

স্থির চোখে খান কিছুক্ষণ তাকিয়ে রইলো ওর দিকে। ‘পাগল আমি না তোমরা? অগ্নি-পর্বতে যেতে চাও। আমি তোমাদের বিশ্বাস করি না। কিন্তু...’ একটু ঘেন ভাবনায় পড়ে গেল সে, ‘কিন্তু যদি তোমরা যাও, নিশ্চয়ই ফিরেও আসবে একদিন। তখন যে ওখান থেকে দল-বল নিয়ে আসবে না তার নিশ্চয়তা কি? আমার বউকে তো নেবেই দেশটাও নেবে।’

‘না, না,’ বাগ্ৰভাবে বললো লিও। ‘সত্যিই বলছি অমন কোনো উদ্দেশ্য আমাদের নেই। আপনার স্ত্রীর এক বিন্দু হাসি বা আপনার দেশের এক কণা জমিও আমরা চাই না। ব্যাপারটা বুঝতে চেষ্টা করুন, তা যদি চাইতাম, প্রথম দিনই খানিয়ার প্রস্তাবে রাজি হয়ে যেতাম। আমাদের চলে যেতে দিন, আপনি নিশ্চয়ই রাজত্ব করুন, স্ত্রীকে বশ মানান।’

চূপ করে দাঁড়িয়ে রইলো খান। একটা হাত আনমনা ভঙ্গিতে ছলছে শরীরের পাশে। তারপর হঠাৎ অটহাসিতে কেটে পড়লো সে। ‘আমি ভাবছি,’ হাসি খামতে বললো, ‘গ্যাভেন যখন জানবে পাখি পালিয়েছে, তখন কি বলবে? আমার ওপর কেলে উঠবে, তোমার’

খোঁজে তোলপাড় করে ছাড়বে সারা দেশ।’

‘উঁহু’, আমার মনে হয় না যতটুকু রেগেছে তার চেয়ে বেশি রাগান কিছু আছে,’ আমি বললাম। ‘আপনি আমাদের একটা রাত সময় দেবেন শুধু, আর দেখবেন খোঁজ শুরু করতে একটু যেন দেরি হয়, ব্যস আর চিন্তা নেই. আমাদের খুঁজে পাবে না।’

‘তুমি ভুলে গেছ, ঐ বুড়ো ইঁহুর যাহু জানে? কোথায় গেলে তোমাদের পাবে যখন জানতে পেরেছে, কোথায় খুঁজতে হবে তা-ও জানতে পারবে। তবু, তবু ওর চেহারা কেমন হয় দেখার লোভ আমি সামলাতে পারছি না, “ও, হলদে-দাড়ি, তুমি কোথায়, হলদে-দাড়ি? ফিরে এসো, হলদে-দাড়ি, তোমার বরফ গলাতে দাও”।’ শেষের কথাগুলো অ্যাভেনের স্বর নকল করে বলে গেল সে। তারপর আবার হেসে উঠলো হা-হা করে। আচমকা হাসি থামিয়ে জিন্সেস করলো, ‘কত-কণের ভেতর তৈরি হতে পারবে তোমরা?’

‘আধ ঘণ্টা,’ আমি জবাব দিলাম।

‘বেশ, তোমাদের ঘরে চলে যাও। তৈরি হতে লাগো, আমি এক্ষণি আসছি।’

## প্লগারো

শূন্য কামরা পেরিয়ে বারান্দায় এসে আমি বারান্দা থেকে উঠানে। খান পথ দেখাচ্ছে। উঠানে পৌঁছতেই সে কিসকিস করে বললো, ‘ছায়ায় ছায়ায় এসো।’



আকাশে পূর্ণ চাঁদ। স্পষ্ট আলোয় হাসছে চারদিক। এখনো কাউকে দেখিনি, আমাদেরও কেউ দেখেনি বলেই মনে হয়। তবে ভেবে পেলাম না, শেষ পর্যন্ত প্রাসাদ ফটক বা নগর ভোরণ পেরোবো কি করে। ওসব জাগায় খানিয়ার নির্দেশে প্রহরীর সংখ্যা দ্বিগুণ করা হয়েছে।

দরজার দিকে গেল না খান। ওটাকে ডানে রেখে সরু একটা পথ ধরে প্রাসাদের প্রাচীরের কাছে নিয়ে এলো আমাদের। জায়গাটা ঝোপঝাড়ে ছাওয়া। ঝোপের পেছনে ছোট একটা গুপ্ত দরজা। পকেট থেকে চাবি বের করে ভালো খুললো র্যাসেন। দরজা পেরিয়ে দেখলাম সামনে প্রাসাদের বাইরের দেয়াল ঘেরা বাগান। ফটকের দিকে এগিয়ে চললাম আমরা খানের পেছন পেছন।

আর সামান্য গেলেই প্রাসাদ ফটক। এই সময় একটা অন্ধকার ঝোপ দেখিয়ে আমাদের অপেক্ষা করতে বলে চলে গেল খান। একটু ভয় ভয় করতে লাগলো আমাদের। এখন যদি চার-পাঁচজন বিশ্বস্ত লোক নিয়ে এসে আমাদের ওপর চড়াও হয়? খুন করে লাশ গুম করে ফেলে?

কিন্তু না, যেমন কিছু ঘটলো না। ছোটো শাধা ঘোড়া নিয়ে ফিরে এলো র্যাসেন একটু পরেই।

‘উঠে পড়ো,’ ফিস ফিস করে সে বললো, ‘আমার মতো মুখ ঢেকে নাও আলখাল্লা দিয়ে।’

বিনা বাক্যব্যয়ে নির্দেশ পালন করলাম আমরা।

‘এবার এসো আমার পেছন পেছন, বলে দৌড়াতে শুরু করলো খান। প্রাচীনকালের অভিজাত বা জমিদারদের আগে আগে যেমন দৌড়বিদ দৌড়াতো তেমন। আমরাও ঘোড়া ছোটালাম। কেউ বাধা

দেয়ার আগেই পেরিয়ে এলাম উঁচু পাচিল ঘেরা বাগানের ফটক। রক্ষীরা পিছু নিলো না; সম্ভবত ভাবলো কালুনের দুই অভিজাত ব্যক্তি খান বা খানিয়ার কাছ থেকে বিদায় নিচ্ছে।

শহরের প্রধান সড়ক ছেড়ে অলিগলি দিয়ে আমাদের নিয়ে চললো রাসেন। রাত এখন অনেক। পথে খুব একটা লোকজনের সাথে দেখা হলো না। একটু পরে নগর প্রাচীর পেরোলাম। সামনে দেখতে পাচ্ছি নদী। আসার সময় যেখানে নৌকা থেকে নেমেছিলাম সেদিকে গেল না খান। অন্য একটা পথ ধরে ছোট একটা জেটির কাছে গিয়ে দাঁড়ালো। লাগাম টেনে ধরলাম আমরা। জেটির সঙ্গে বাঁধা একটা খেয়া নৌকা।

‘ঘোড়া শুক এই খেয়ার চড়ে নদী পেরোতে হবে তোমাদের,’ বললো রাসেন। ‘পুলগুলো সব পাহারা দিচ্ছে রক্ষীরা। নিজেকে প্রকাশ না করে ওখান দিয়ে তোমাদের পার করে দিতে পারবো না।’

একটু কষ্ট হলো, তবে শেষ পর্যন্ত ঘোড়া দুটোকে ওঠাতে পারলাম নৌকায়। আমি লাগাম ধরে দাঁড়িয়ে রইলাম, দাঁড় তুলে নিলো লিও।

নদীর মাঝামাঝি পৌঁছাইনি তখনো, জেটির ওপর থেকে ভেসে এলো অট্টহাসির শব্দ। তারপর রাসেনের কণ্ঠস্বর—

‘পালাও, বিদেশীরা, জলদি পালাও, পেছনেই আশুতু, হা-হা-হা-হা-...’ ঘুরে দাঁড়ালো সে, পেছনে আলখাল্লা উড়িয়ে দ্রুত নেমে গেল জেটি থেকে।

অশুভ আশংকার পূর্ণ হয়ে উঠলো আশুতুর হৃদয়। কিছু একটা ফন্দি এঁটেছে খান। কিন্তু কি, বুঝতে পারছি না। না হলে এমন করে হাসলো কেন?

‘বেয়ে চলো, লিও,’ একটা দীর্ঘশ্বাস ফেলে বললাম।

নদীতে শ্রোত প্রবল, ফলে সরাসরি ওপারে গিয়ে পৌঁছতে পারলাম না। নৌকা তীরে নিতে নিতে শ্রোতের টানে ভাটির দিকে বেশ খানিকটা চলে গেলাম। অবশেষে তীরে নামলাম আমরা। ঘোড়া ছটোকে নামালাম। তারপর ওগুলোর পিঠে উঠে ছুটিয়ে দিলাম দুবে পাহাড়ের চূড়ায় গনগনে আভা লক্ষ্য করে।

প্রথম কিছুক্ষণ খুব দ্রুত এগোতে পারলাম না, কারণ কোনো পথ খুঁজে পেলাম না। মাঠের ভেতর দিয়ে এগিয়ে চলেছি। অবশেষে একটা গ্রামের কাছে পৌঁছে পথের দেখা পেলাম। এবার একটু দ্রুত ঘোড়া ছোটাতে পারলাম।

সারারাত একটানা ছুটে চললাম। ভোরের কিছু আগে চাঁদ ডুবে গেল। অন্ধকার হয়ে গেল চারদিক। দূরে অগ্নি পর্বতের চূড়ায় লাল একটা আভা ছাড়া আর কোনো আলো দেখতে পাচ্ছি না। পথে কোথাও খানাখন্দক আছে কিনা জানি না। আপাতত কিছুক্ষণ বাত্মা বিরতি করার সিদ্ধান্ত নিলাম। নিজেদের, এবং ঘোড়াগুলোকেও একটু বিশ্রাম দেয়া হবে।

একটু পরে ধূসর হয়ে এলো আকাশ। পথের পাশে ক্ষেতে নামিয়ে দিলাম ঘোড়া ছটোকে। বেশিক্ষণ লাগলো না ওদের পেট ভরতে। কিছু দূরে একটা খালে নিয়ে গিয়ে পানি খাওয়ালাম। তারপর আবার ছুটে চলা।

সূর্য ওঠার কিছুক্ষণের ভেতর মাঠের এখানে-ওখানে দেখা যেতে লাগলো কৃষকদের। সাত সকালে চলে এসেছে কাজ করতে। আমাদের ওপর দৃষ্টি পড়া মাত্র হাঁ করে চেয়ে রইলো ওরা, কালুন নগরীর লোকরা যেমন তাকিয়ে থাকতো তেমন। দেখার সঙ্গে সঙ্গে ওরা বুকে ফেলেছে আমরা কারা। অনেকেই চিৎকার করে বললো, 'তোমরা

যাও, আমাদের বৃষ্টি ফিরিয়ে দাও।' এক গ্রামের পাশ দিয়ে যাওয়ার সময় গ্রামবাসীরা লাঠিসোটা নিয়ে আক্রমণই করে বসলো। তীর বেগে ঘোড়া ছুটিয়ে সেযাত্রা রক্ষা পেলাম আমরা।

সন্ধ্যা নাগাদ ধারণা করলাম, কালুনের শেষ সীমানায় পৌঁছে গেছি। এমন ধারণার কারণ, এক জায়গায় বেশ দূরে দূরে কয়েকটা পর্যবেক্ষণ চূড়া দেখতে পেলাম। তবে কোনো সৈনিক বা রক্ষী দেখলাম না। সম্ভবত প্রাচীনকালে, কালুনের খানরা যখন বহিঃশত্রুর আক্রমণ আশঙ্কা করতো তখন তৈরি করা হয়েছিলো চূড়াগুলো। এখনকার শাসকশ্রেণী বাইরের আক্রমণ আশঙ্কা করে না, তাই পাহারা রাখারও প্রয়োজন বোধ করেনি।'

পর্যবেক্ষণ-চূড়াগুলো পেরিয়ে কিছুদূর আসার পর সূর্য ডুবে গেল। ঘোড়াগুলোকে একটু বিশ্রাম দেয়ার জন্যে থামলাম আমরা। চাঁদ উঠলেই আবার রওনা হবো।

জ্বিন খুলে নিয়ে বোড়া চট্টোকে ছেড়ে দিলাম চরে বেড়ানোর জন্যে। আশেপাশে পানি নেই, তবে ও নিয়ে ভাবলাম না, ঘণ্টাখানেক আগে পথের পাশে এক জলা থেকে ওদের পানি খাইয়ে নিয়েছি। আপাতত পানি না খেলেও চলবে। কাল রাতে প্রাসাদ ছেড়ে বেড়ানোর আগে কিছু খাবার সংগ্রহ করতে পেরেছিলাম, তার খানিকটা খেয়ে নিলাম আমরা। সারারাত এবং দিনের ছুটে চলা শেষে খাবারটুকু সত্যিই খুব প্রয়োজন বোধ করছিলাম। কিছুক্ষণ ঘাস খেলো ঘোড়াগুলো। তারপর ক্রান্তি দূর করার জন্যে গড়াগড়ি করতে লাগলো; পিঠ মাটিতে, পা-গুলো আকাশে। আমরা ঘাসের ছত্র বসে দেখতে লাগলাম ওদের গড়াগড়ি খাওয়া।

একটু একটু করে আধার হয়ে আসছে চারদিক। ঘোড়াগুলোর

গড়াগড়ি প্রায় শেষ, ধীরে ধীরে পা নামিয়ে আনলো ওরা। প্রথমে আমার ঘোড়াটা। লিও বসেছিলো ওটার কাছেই।

‘আরে ওর খুরগুলো অমন লাল কেন?’ বিস্মিত কণ্ঠে প্রশ্ন করলো ও। ‘কেটে গেছে নাকি?’

দিন শেষের অস্পষ্ট আলোর আশিও এবার খেয়াল করলাম লাল দাগগুলো। উঠে এগিয়ে গেলাম পরীক্ষা করার জন্যে। স্মরণ করার চেষ্টা করছি লাল মাটির কোনো এলাকা দিয়ে এসেছি কিনা। মনে পড়লো না। বসে এক হাতে তুলে নিলাম ঘোড়াটার এক পা। বিশ্রী একটা গন্ধ বাপটা মারলো নাকে। কস্তুরী এবং গরম মসলার সঙ্গে রক্ত মেশালেই কেবল এমন গন্ধ ছুটতে পারে।

‘আশ্চর্য!’ অবশেষে বললাম আমি। ‘দেখি, লিও, তোমার ঘোড়ার পা—।’

দেখলাম, একই অবস্থা এটারও। উৎকট গন্ধওয়াল কোনো জিনিসে চুবিয়ে নেয়া হয়েছিলো খুরগুলো।

‘খুব বেশি চাপ পড়লেও খুরের ঘন কতি না হয় সেজন্যে স্থানীয়দের কোনো পদ্ধতি বোধহয়,’ বললো লিও। ‘আমরা যেমন নাল ব্যবহার করি অনেকটা তেমন আর কি।’

এক মুহূর্ত ভাবলাম। ভগ্নকর একটা চিন্তা উঁকি দিয়ে গেল আমার মনে।

‘না, লিও, আমার তা মনে হয় না। আমি তোমাকে ধাবড়ে দিতে চাই না, তবে—তবে আমার মনে হচ্ছে, একটা রকম হয়ে গেলেই আমরা ভালো করবো।’

‘কেন?’

‘আমার ধারণা এটা ঐ খানেরই কীতি।’

‘খানের কীতি। কি কারণে ও এমন করবে? ঘোড়াগুলোকে খোঁড়া করে দিতে চায়?’

‘না, লিও, ও চায় ওরা ছোট্টার সময় শুকনো মাটিতে তীব্র গন্ধ রেখে থাক।’

সত্যিই চমকে উঠলো ও। ‘মানেন—মানেন তুমি বলতে চাও, এই কুকুরগুলো?’

মাথা ঝাঁকালাম আমি। এবং কথা বলে আর এক মুহূর্তও নষ্ট না করে জ্বিন চাপালাম ঘোড়ায়। শেষ ফিতেটা সবে বাঁধা হয়েছে কি হয়নি, এমন সময় দূর থেকে ভেসে এলো অস্পষ্ট আওয়াজটা।

‘শুনেছো।’ বললাম আমি। আবার এলো শব্দ। এবং এবার কোনো সন্দেহ রইলো না, ওগুলো কুকুরের ডাক।

‘ও ঈশ্বর। মরণ-শাপদ।’ চিৎকার করলো লিও।

‘হ্যাঁ, আমাদের পরম বন্ধু খান শিকারে বেরিয়েছে। এতক্ষণে বুঝলাম ওর সেই হাসির মর্ম।’

‘এখন কি করবো আমরা? ঘোড়াগুলো রেখে হেঁটে যাবো?’

পাহাড়টার দিকে তাকালাম। ওটার পাদদেশের সবচেয়ে কাছেই অংশ এখনো বহু বহু মাইল দূরে।

‘উঁহু’, পায়ে হেঁটে অত দূর যেতে পারবো না, পারলেও সে সুযোগ বোধহয় পাওয়া যাবে না। প্রথমে ঘোড়াগুলোকে ছিঁড়ে খাবে কুকুরের পাল, তারপর বিড়াল যেমন ইঁহুর ধরে ভেঁটমনি করে ধরবে আমাদের। না, লিও, ঘোড়ায় চড়েই যেতে হবে।’

লাফ দিয়ে জ্বিনের ওপর চড়ে বসলাম। লাগামে টান দেয়ার আগে একবার ঘাড় ফিরিয়ে চাইলাম। সজ্জার অস্পষ্ট আলোতে দূরে দেখতে পেলাম এক দঙ্গল কুন্দ কুন্দে অবয়ব। সেগুলোর মাঝে এক

অধারোহী। লাগাম ধরে অন্য একটা ঘোড়া ছুটিয়ে আনছে পেছন পেছন।

‘পুরো পাল নিয়ে আসছে,’ গস্তির ভাবে বললো লিও। ‘একটা বদলি ঘোড়াও আছে সঙ্গে।’

পরমুহূর্তে ঘোড়া ছুটিয়ে দিলাম আমরা।

মুহূর্তে তালের একটা চূড়া অতিক্রম করলাম। তারপরই শুরু হলো উঁচু নিচু পাথুরে জমি, মাঝে মাঝে ছোট বড় ঝোপঝাড়। ধীরে ধীরে ঢাল হয়ে একটা নদীতে গিয়ে মিশেছে। কয়েক মাইল নিচে দেখতে পাচ্ছি পাহাড়ের পাদদেশ ঘিরে বয়ে যাওয়া নদীটা। হুঁৎ হুঁৎ একটানা ছুটিয়ে নিয়ে চলেছি ঘোড়াগুলোকে। ঘোড়ার চড়ার যত্নরকম কৌশল জানা ছিলো সব প্রয়োগ করে যথাসম্ভব গতিবেগ আদায় করার চেষ্টা করছি। কিন্তু লাভ হচ্ছে না। ক্রমশ কমছে তাড়া করে আসা ঝাপদের পালের সঙ্গে আমাদের ব্যবধান। এখন অনেক কাছ থেকে শোনা যাচ্ছে কুকুরের ঘেউ ঘেউ। আধ মাইলও দূরে কিনা সন্দেহ।

ঢাল বেয়ে কিছুদূর নামার পর বিরাট ছোটো পাথরের স্তুপের মাঝ দিয়ে যাওয়ার জন্যে এক দিকে মোড় নিতে হলো। এবং সেই মুহূর্তে দেখতে পেলাম কুকুরে পালটাকে, খুব বেশি দূরে তিনশো গজ পেছনে। ঝাপদের সংখ্যা অনেক কমে গেছে, সম্ভবত ছুটতে ছুটতে ক্লান্ত হয়ে পথের মাঝে থেমে পড়েছে। কিন্তু এখনো যে ক’টা আছে তা-ও কম নয় মোটেই। তার ওপর ওদের সামান্য পেছনেই ঘোড়া ছুটিয়ে আসছে খান। তার বদলি ঘোড়াটা নেই, বোধহয় সেটার পিঠেই এখন ও বসে আছে, অন্যটাকে বিশ্রাম নেয়ার জন্যে ছেড়ে

দিয়ে এসেছে কোথাও ।

আমাদের ঘোড়াগুলোও দেখলো ওদের । সঙ্গে সঙ্গে পাখা পেলো যেন ওরা । এখন আর আমাদের তাড়ায় নয়, প্রাণ বাঁচানোর তাগিদে ছুটছে ওরা । বেশ কিছুক্ষণ স্থির রইলো কুকুরের পাল আর আমাদের মাঝের ব্যবধান । আর সামান্য গেলেই নদীর পাড়ে পৌঁছে যাবো । এমন সময় আবার ক্রমে শুরু করলো ব্যবধান । আশ্চর্য! কিছুতেই কি ক্রান্ত হয় না খাপদগুলো ?

দূরত্ব কমে ছ'শো গজেরও নিচে চলে এসেছে । এবং প্রতি মুহূর্তে আরো কমে আসছে । এমন সময় সামনে বড়সড় একটা ঝোপ দেখতে পেয়ে চিৎকার করলাম আমি—

‘লিও, সামনে দিয়ে ঘুরে ঐ ঝোপের ভেতর ঢুকে পড়ো ।’

ঝোপটার ভেতর ঢুকে মাত্র ঘোড়া থেকে নেমেছি কি না মিনি, তীব্র চিৎকার করতে করতে পাশ দিয়ে চলে গেল কুকুরের পাল । হ্যাঁ, পঞ্চাশ গজেরও কম দূর দিয়ে ওরা চলে গেল ।

‘গরু শুঁকে শুঁকে একুনি চলে আসবে ওরা,’ চৈতাল্য আমি, ‘দৌড়াও, লিও, ঐ পাথরের আড়ালে আশ্রয় নিতে হবে।’ বলেই ছুটলাম শ'খানেক গজ দূরে প্রকাণ্ড পাথরের চাঙড়টার দিকে ।

ঘোড়ার পায়ের ছাপ অনুসরণ করে এখন ঝোপের দিকেই আসছে কুকুরের পাল । ভাগ্য ভালো আমাদের, ওরা এসে পড়ার আগেই পাথরটার আড়ালে চলে যেতে পারলাম । ইতিমধ্যে প্রাণভয়ে দিগ্বিদিক জ্ঞান হারিয়ে ছুটতে শুরু করেছে ঘোড়া দু'টো । তাদের বাওয়া করে চলেছে খাপদের পাল । এবারও ভাগ্য সহায়তা করলো আমাদের, আমরা যেখানে আছি তার উপরেই ছুটছে ঘোড়াগুলো । তার মানে আপাতত কিছুক্ষণের জন্যে আমরা নিরাপদ ।



কুকুরগুলো ঝোপ পেরিয়ে যেতেই আবার ছুটলাম আমরা, নদীর দিকে। যতখানি সম্ভব এগিয়ে যেতে চাই। দৌড়াতে দৌড়াতে ঘাড় ফিরিয়ে তাকলাম একবার। টাঁদের আলোর দূরে দেখতে পেলাম, মাঠের ভেতর দিয়ে ছুটে চলেছে আমাদের ঘোড়াছোটো। পেছন পেছন ছুটেছে কুকুরগুলো। এখনো ওদের ভেতর ব্যবধান বেশ, কিন্তু কতক্ষণ থাকবে বুঝতে পারছি না। খানকেশু দেখতে পেলাম, ঝোপের সামনে দাঁড়িয়ে ফেরানোর চেষ্টা করছে খাপদগুলোকে। পারছে না। ঘোড়া ছোটোর পেছনে ছুটতে বেশি উৎসাহ বোধ করছে ওরা।

এদিকে সামান্য একটু দৌড়েই হাঁপাতে শুরু করেছি আমি। যৌবন পেরিয়ে এসেছি অনেক আগে, এমনকি প্রৌঢ়ও। একটু শক্ত-পোক্ত, কিন্তু বৃদ্ধ বই তো নই, এ বয়সে কতটুকু ধকল সহ্য করতে পারে শরীর? কাল মার রাত থেকে একটু আগ পর্যন্ত বলতে গেলে ঘোড়ার পিঠেই কেটেছে, এর ভেতর খেয়েছি মাত্র একবার, তাও না খাওয়ার মতো। সুতরাং এত ভাড়াভাড়া হাঁপিয়ে ওঠার খুব একটা অবাক হলাম না।

এই সময় পেছনে আবার শুনতে পেলাম মরণ-খাপদের চিংকার। আমাদের দিকেই এগিয়ে আসছে। ঘাড় ফেরাতেই দেখলাম, ঘোড়ার পিঠে ঝুঁ হয়ে বসে আছে খান র্যাসেন। ডাকাডাকি করে পাঁচটা তিনেক কুকুরকে ছুটিয়ে আনতে পেরেছে ঘোড়াগুলোর লেজ থেকে। এখন আমাদের ওপর লেলিয়ে দিচ্ছে। প্রভুর মুখে দিকে তাকিয়ে কয়েক সেকেন্ড ঘেউ ঘেউ করলো কুকুরগুলো, তারপর লেজ উঁচিয়ে ছুটে আসতে লাগলো আমাদের দিকে।

কিন্তু আমি আর পারছি না। পাখরের মতো ভারি মনে হচ্ছে পা ছোটো। কোমর ধরে গেছে, শিরশাড়া টনটন করছে। মনে হচ্ছে একুণি বসে পড়ি। এবার বোধহয় সাক্ষ হলাম সাধের জীবন। দাঁড়িয়ে

পড়লাম আমি ।

‘দোড়াও, দোড়াও,’ লিগর দিকে তাকিয়ে বললাম । ‘আমি এখানে  
রইলাম, কয়েক মিনিট অসুস্থ ওদের ঠেকিয়ে রাখতে পারবো । এই  
কাঁকে তুমি চলে যাও, নদীতে ঝাঁপিয়ে পড়ো ।’

সঙ্গে সঙ্গে দাঁড়িয়ে পড়লো লিগ । ‘আস্তে কথা বলো, ওরা শুনে  
ফেলবে,’ নিচুস্বরে বলতে বলতে আমার পাশে এসে দাঁড়ালো । আমার  
হাত ধরে টানতে টানতে নিয়ে চললো ।

নদীর মোটামুটি কাছে পৌঁছে গেছি আমরা । টাঁদের প্রতিফলন  
দেখতে পাচ্ছি পানিতে । কুকুরের শব্দও কাছে এসে গেছে । এখন  
আর শুধু ঘেউ ঘেউ নয়, শুকনো মাটিতে ওদের পা ফেলার আওয়াজ  
শুনতে পাচ্ছি, খানের ঘোড়ার খুয়ের শব্দও ।

এই সময় এমন এক জায়গায় পৌঁছলাম যেখানে ছড়িয়ে আছে ছোট  
বড় নানা আকারের অসংখ্য পাথরের চাঁই । পথ বলতে কিছু নেই ।  
নদীর প্রান্ত এখনো কয়েকশো গজ দূরে । এমন জায়গার ওপর দিয়ে  
দৌড়ে যাওয়া অত্যন্ত বিপজ্জনক । হেঁচট খেয়ে পড়ে দাঁত-মুখ ভাঙার  
সম্ভাবনা বোল আনা । সুতরাং আস্তে আস্তে যেতে হবে, আর আস্তে  
গেলে তীরে পৌঁছানোর আগেই ধরে ফেলবে স্থাপদগুলো । আমার  
মতো লিগ-ও বৃষ্টিতে পেরেছে ব্যাপারটা । হঠাৎ ও বলে উঠলো,

‘লাভ নেই হোরেস, পারবো না আমরা । তারচেয়ে দাঁড়াও, দেখি  
শেষ পর্যন্ত কি ঘটে ।’

থেমে ঘুরে দাঁড়ালাম আমরা । বিরাট একটা চাওড়ে পিঠ ঠেকিয়ে  
দাঁড়ালাম । হ্যাঁ এসে গেছে ওরা । মজা আমাদের লক্ষ্য করে ছুটে  
আসছে তিনটে প্রকাণ্ড লাল কুকুর — সত্যিই এত বড় কুকুর আমি  
জীবনে দেখিনি । কয়েক গজ পেছনেই খান । এখনো সেই ঝড়ু

ভঙ্গিতে বসে আছে ঘোড়ার পিঠে। আশ্চর্য প্রাণশক্তি লোকটার। আমাদের মতোই একটানা ছুটে আসছে কালুন থেকে, কিন্তু ক্লাস্তির কোনো ছাপ নেই অভিব্যক্তিতে।

'পরিস্থিতি আরো খারাপ হতে পারতো।' বললো লিও। 'পুরো পালটাই থাকতে পারতো।' বলতে বলতে কোমর থেকে বড় হাটিং-নাইফটা খুলে হাতে নিলো ও, অন্য হাতে পিঠ থেকে খুলে নিলো ছোট্ট একটা বল্লম। সিমত্রির ঘর থেকে বেরিয়ে আসার সময় ছোট্টো বল্লম নিয়ে এসেছিলাম আমরা। খান জিজ্ঞেস করেছিলো, এগুলো দিয়ে কি করবো। জবাবে বলেছিলাম, অগ্নি-পর্বতের জংলীরা আক্রমণ করলে আশ্রয়স্থান চেপ্টা করতে পারবো। এখন জংলী নয় কালুনের খানের আক্রমণ ঠেকানোর কাজে লাগছে ওগুলো। যাহোক, আমিও এক হাতে আমার হাটিং নাইফ আর অন্য হাতে বল্লম নিয়ে তৈরি হয়ে দাঁড়িলাম।

আর মাত্র কয়েক গজ দূরে কুকুরগুলো। তীব্র চিংকারে কানে তাল দ্বারা ধরে যাওয়ার অবস্থা। একেবারে সামনের কুকুরটা লাফ দিলো আমাকে লক্ষ্য করে। স্বীকার করতে বিধা নেই, ভয়ানক আতঙ্কে আমার কলজেরটা গলার কাছে উঠে আসতে চাইলো— সিংহের মতো আকার একেকটা কুকুরের। তবে হ্যাঁ, আতঙ্কে বোধশক্তি লুপ্ত হলো না। কুকুরটা লাফ দেয়ার সঙ্গে সঙ্গে আমিও বল্লমের হাতটা বাড়িয়ে দিলাম। শরীরের পুরো ওজন নিয়ে বল্লমের ফলার ওপর পড়লো ওটা। সামনের ছ'পায়ের মাঝ বরাবর গায়ে গেল ফলা। প্রবল ধাক্কায় চিং হয়ে পড়ে যাওয়ার অবস্থা হলো আমার। হাত থেকে ছুটে গেল বল্লমের ডাঁটি। অনেক কষ্টে তাল সামলে যখন সোজা হলাম তখন বুকে বল্লম গাথা অবস্থায় মাটিতে গড়াগড়ি করছে কুকুরটা,

সেই সঙ্গে রক্ত হিম করা স্বরে মরণ আওতাদ ।

অন্য ছটো কুকুর এক সঙ্গে আক্রমণ করেছে লিওকে । কিন্তু ওর গায়ে দাঁত বসাতে পারেনি এখনো । পোশাকের বেশ খানিকটা ছিঁড়ে নিয়ে গেছে একটা । বোকার মতো সেটার দিকে বল্লম চালানো ও । ফস্ক গেল আক্রমণটা । বল্লমের ফলা গভীরভাবে গঁথে গেল মাটিতে । সেই মুহূর্তে আর আক্রমণ করলো না কুকুর ছটো । হয়তো এক সগীর মৃতদেহ দেখে থমকে গেছে । একটু দূরে দাঁড়িয়ে দাঁত মুখ খিচিয়ে চিংকার করতে লাগলো । ছটো বল্লমই হাত ছাড়া হয়ে গেছে, তাই কিছু করতে পারলাম না আমরা ।

ইতিমধ্যে খান পৌছে গেছে । অদ্ভুত এক পৈশাচিক হাসি ফুটে উঠেছে তার মুখে । প্রথমে ভাবলাম হামলা করার সাহস পাবে না । কিন্তু ওর চোখে চোখ পড়তেই বুঝলাম, হামলা করবেই । ঘৃণা, ঈর্ষা, আর শিকারের উত্তেজনায় বন্ধ উন্মাদ হয়ে গেছে আধ পাগল লোকটা । ওর দৃষ্টিই বলে দিচ্ছে, ও এসেছে হয় মারবে নয় মরবে বলে । ঘোড়া থেকে নেমে তলোয়ার বের করলো সে । শিস বাজিয়ে কুকুর ছটোর দৃষ্টি আকর্ষণ করে তলোয়ার উঁচিয়ে ইশারা করলো আমার দিকে । মুহূর্তে লাফিয়ে উঠলো জন্তুছটো । লিওর দিকে ছুটে গেল সে নিশ্চয় ।

আমার হাল্টিং নাইফ বাঁট পর্যন্ত ঢুকে গেল একটা কুকুরের পেটে । শূন্য থেকে মাটির ওপর আছড়ে পড়ে স্থির হয়ে রইলো সেটা । কিন্তু অন্যটা কামড়ে ধরলো আমার হাত, কনুইয়ের খানিকটা নিচে । হাড়ের সাথে কুকুরটার দাঁতের ঘষা খাওয়ার শব্দ হলো । ভীত যন্ত্রণার ককিয়ে উঠলাম আমি । হাত থেকে খসে পড়ে গেল ছোরা ।

ভয়ঙ্কর জন্তুটা এখনো হাত ছাড়েনি আমার । সমানে ঝাঁকচ্ছে আর টানছে । সর্বশক্তিতে ওটার পেটে একটা লাথি মারা ছাড়া আর

কিছু আমি করতে পারলাম না। বলশালী খাপদের প্রবল ঝাঁকুনির মুখে হাঁটু গেড়ে বসে পড়লাম। এখনো কুকুরটা ঝাঁকাচ্ছে আমাকে, ছিঁড়ে টুকরো টুকরো করে ফেলার চেষ্টা করছে। এমন সময় আমার মুক্ত হাতটা একটা পাথরের ওপর পড়লো। সঙ্গে সঙ্গে ঝাঁকুড়ে ধরলাম কমলার চেয়ে সামান্য বড় পাথরটা। তুলে এনে সর্বশক্তিতে ঘা মারলাম জন্তুটার মাথায়। আশ্চর্য! বিন্দুমাত্র শিথিল হলো না কুকুরের কামড়।

ধস্তাধস্তি করছি আমি আর কুকুরটা। একবার এদিকে ঘুরতে হচ্ছে একবার ওদিকে। একবার কুকুরটা টানছে, একবার আমি। আমি চেষ্টা করছি কুকুরটাকে নিচে ফেলে ওপরে উঠে বসায়, তাহলে হয়তো একটু সুবিধা করতে পারবো। কিন্তু কিছুতেই বাগে আনতে পারছি না ওটাকে। হাতটা যদি মুক্ত করতে পারতাম কোনো ভাবে।

ক্রমশ দুর্বল হয়ে পড়ছি আমি। এখনো এক বিন্দু শিথিল হয়নি কুকুরের কামড়। মাথার ভেতর ঝাঁ ঝাঁ করছে। এবার মুখ খুবড়ে পড়বো। হ্যাঁচকা এক টানে আমাকে এক দিকে ঘুরিয়ে দিলো কুকুরটা। মনে হলো লিও আর ধানকে মাটিতে পড়ে ধস্তাধস্তি করতে দেখলাম যেন। একটু পরেই আরেক পাক ঘোরার সময় দেখলাম, একটা পাথরে হেলান দিয়ে বসে আছে ধাম, আমার দিকে চোখ। নিজের এই ভয়ানক বিপদের মধ্যেও উড়াক করে লাফিয়ে উঠলো হুংপিণ্ডটা। মেরে ফেলেছে লিওকে। এখন কুকুরটা আমাকে কি করে ছিঁড়ে টুকরো টুকরো করে ওই দেখছে তারিয়ে তারিয়ে।

এরপর বেশ কিছুক্ষণ অস্বস্তি। কিছু মনে নেই আমার। হঠাৎ হাতের তীর যন্ত্রণাকাতর টান শিথিল হয়ে এলো। যেন ঘুমের ঘোরে

চমকে চোখ মেললাম আমি। সেই মুহূর্তে দেখলাম বিশাল স্থাপদটা আকাশে উঠে যাচ্ছে। তারপর আরো আশ্চর্য, শূন্যে পাক খাচ্ছে ওটা। ভালো হাতটা দিয়ে চোখ ডললাম। হ্যাঁ। শূন্যে পাক খাচ্ছে কানোয়ারটা, লিও তার পেছনের এক পা ধরে মাথার ওপর তুলে নোরাচ্ছে আর এগিয়ে যাচ্ছে একটা বড় পাথরের দিকে।

ঠক। পাথরের ওপর আছড়ে দিলো লিও কুকুরটার মাথা। তারপর ছেড়ে দিলো। নিস্পন্দ পড়ে রইলো সেটা মাটির ওপর।

অচেতন হয়ে পড়তে পড়তেও কি করে যেন সজ্ঞান হলাম আমি। সম্ভবত কুকুরের কামড় থেকে হাত মুক্ত হয়ে যাওয়ার আচমকা যে বাধা ঝাঁপিয়ে পড়লো আমার ওপর তা-ই আমাকে সজ্ঞান করে দিয়েছে।

‘আর চিন্তা নেই, হোরেস,’ হাঁপাতে হাঁপাতে বললো লিও। ‘শামানের ভবিষ্যদ্বানী সত্য হয়েছে। তবু একবার দেখি চলো, নিশ্চিত হয়ে নেয়া যাক।’

লিওর পেছন পেছন এগিয়ে গেলাম আমি একটা পাথরের কাছে। খান বসে আছে সেটার হেলান দিয়ে। নিঃশেষিত চেহারা। পাগলামীর কোনো চিহ্ন নেই চোখে। অসুস্থ শিশুর মতো বিধ্বস্ত মুষ্টিতে ডাকিয়ে আছে।

‘তোমরা খুব সাহসী,’ দুর্বল গলায় সে বললো। ‘শক্তিশালীও। আমার কুকুরগুলোকে হত্যা করেছো, আমার যেকোনো ভেঙে দিয়েছো। অবশেষে বুড়ে ইঁতরের ভবিষ্যদ্বানীই সত্য হলো। আমি ভুল করেছি। তোমাদের নয়, অ্যাভেনকেই শিকারের চেষ্টা করা উচিত ছিলো। যাহোক, অ্যাভেন রইলো। আমার মৃত্যুর প্রতিশোধও নেবে। আমার নয়, ওর নিজের স্বার্থেই নেবে। হলাদে দাড়ি, পারলে ওর হাতে পড়ার

আগেই পাহাড়ে চলে যাও। অবশ্য তোমার আগেই আমি লেখামে পৌছোবো।’

আর কিছু বলতে পারলো না রাসেন। ওর খুতনিটা কুলে পড়লো বৃকের ওপর।

## বারো

‘খুব একটা ক্ষতি হলো না পৃথিবীর,’ হাঁপাতে হাঁপাতে বললাম আমি।

‘যাই হোক,’ বললো লিও, ‘হতভাগ্য লোকটা মরে গেছে, ওর সম্পর্কে খারাপ কিছু আর না বলাই ভালো। সত্যিই হয়তো বিয়ের আগে ও সুস্থ ছিলো।’

‘কি করে ওর এ দশা করলে?’

‘ভলোডানের নিচে দিয়ে গিয়ে জড়িয়ে ধরেছিলাম। তারপর তুলে নিয়ে ছুঁড়ে দিয়েছিলাম ঐ পাথরটার ওপর। ভাগ্য ভালো সময় মতো ওকে কারদা করতে পেরেছিলাম, না হলে তোমার অবস্থা কাহিল হয়ে যেতো। খুব বেশি ব্যথা পেরেছো, হ্যারেস?’

‘ওহ, আমার একটা হাত চিবিয়ে মণ্ড বানিয়ে দিয়েছে, আর কিছু না। চলো, তাড়াতাড়ি নদীর কাছে চলো, বিশ্রামের বুক ফেটে যাচ্ছে। তাছাড়া অন্য কুকুরগুলোও এসে পড়তে পারে।’

‘আমার মনে হয় না আসবে ওরা। ঘোড়া ছটোকে শেষ করার আগে অন্য কোথাও যাবে না। একটু দাঁড়াও, আমি আসছি।’

খানের তলোয়ার আর আমাদের বল্লম ও ছুরি ছোটো কুড়িয়ে নিয়ে এলো লিও। ভবিষ্যতে কাজে লাগতে পারে। এরপর কোনো কামেলা ছাড়াই ধরে ফেললো র্যাসেনের ঘোড়াটা। কাছেই ঘাড় নিচু করে দাড়িয়ে ছিলো বেচারী। ক্রান্ত বিধ্বস্ত।

‘উঠে পড়ো, বুড়ো,’ বললো লিও। ‘আর হাঁটা ঠিক হবে না তোমার।’

ওর সাহায্য নিয়ে উঠলাম আমি ঘোড়ার পিঠে। লাগাম ধরে টেনে নিয়ে চললো লিও। তিন চারশো গজের বেশি হবে না নদীর তীর, কিন্তু ব্যথা আর ক্রান্তির কারণে এই পথটুকুই অসম্ভব দীর্ঘ মনে হলো আমার কাছে।

যাহোক, অবশেষে পৌঁছলাম সেখানে। ব্যথা, ক্রান্তি সব ভুলে ঘোড়া থেকে নেমে ঝাঁপিয়ে পড়লাম পানিতে। আমার পেছন পেছন লিও। চোঁ-চোঁ করে পানি খেলাম, মুখ ধুলাম, তারপর আবার পানি খেলাম। পানির স্বাদ যে এমন অপূর্ব হতে পারে এর আগে কখনো বুঝিনি। মুখ, মাথা ডুবিয়ে দিলাম পানির ভেতর। একটু পরে প্রাণ ঠাণ্ডা হতে উঠলো লিও। জিজ্ঞেস করলো:—

‘এবার ? বেশ চওড়া নদী, মনে হচ্ছে একশো গজের বেশিই হবে। গভীরতা কেমন কে জানে ? এখনই পার হওয়ার চেষ্টা করবো, না সকাল পর্যন্ত অপেক্ষা করবো ?’

‘জানি না,’ দুর্বল গলায় জবাব দিলাম আমি। ‘আমি আর এক পা-ও যেতে পারবো না।’

তীর থেকে গজ তিরিশেক দূরে ছোট্ট একটা দ্বীপ। ঘাস আর নল-খাগড়ার ঝোপে ছাওয়া।

‘ওখানে বোধহয় পৌঁছতে পারবো,’ বললো লিও। ‘তুমি আমার



পিঠে ওঠো, দেখি চেষ্টা করে।’

বিনা বাক্যবাহুয়ে আমি ওর নির্দেশ পালন করলাম। আন্তে আন্তে, পা দিয়ে নদীর তলা অনুভব করে করে চলাতে লাগলো ও। পানি খুব গভীর নয়। হাঁটুর উপরে একবারও উঠলো না। কোনো রকম ঝামেলা ছাড়াই দ্বীপটার কাছে পৌঁছে গেলাম। আমাকে শুইয়ে দিয়ে লিও আবার চলে গেল তীরে। রাসেনের ঘোড়া আর অস্ত্রগুলো নিয়ে ফিরে এলো।

এরপর ও বসলো আমার ক্ষত পরিষ্কার করতে। পোশাকের হাতা অনেক পুরু হওয়া সত্ত্বেও মাংস খেঁতলে গেছে। একটা হাড় ভেঙে গেছে বলেও মনে হলো। নদী থেকে পানি এনে ক্ষতস্থানটা ধুয়ে দিলো লিও, রুমাল পেঁচিয়ে তার ওপর দুর্বা ঘাসের প্রলেপ দিয়ে আবার একটা রুমাল পেঁচিয়ে বেঁধে দিলো। ও যখন এসব করছে সে সময় কখন যে আমি ঘুমিয়ে গেছি বা জ্ঞান হারিয়েছি জানি না।

হাতের অসহ্য যন্ত্রণা আমার ঘুম ভেঙে দিলো। চোখ মেলে দেখলাম ভোর হচ্ছে। কুয়াশার পাতলা একটা স্তর জমে আছে নদী এবং দ্বীপের ওপর। ঘাড় ঘুরিয়ে দেখলাম, আমার পাশেই গভীর ঘুমে নিমগ্ন লিও। একটু দূরে দাঁড়িয়ে আছে রাসেনের কালো ঘোড়াটা, ঘাস খাচ্ছে। আবার চোখ বুঁজলাম। ঠিক সেই মুহূর্তে জলের কুল-কুল আওয়াজ ছাপিয়ে একটা শব্দ হলো। মানুষের কণ্ঠস্বর; কিন্তু লিওর নয়। চমকে উঠে বসলাম আমি। নলখাগড়ার ফাঁক ফোকর দিয়ে দেখতে পেলাম পাড়ের ওপর দুটো অস্বাভাবিক মূর্তি। একজন নারী, একজন পুরুষ। এমন ভাবে মাটির দিকে তাকিয়ে আছে, বুঝতে

অসুবিধা হলো না, আমাদের পায়ের ছাপ পরীক্ষা করছে ওরা।’

‘ওঠো।’ লিওর কানের কাছে মুখ নিয়ে ফিসফিস করে বললাম,  
‘ওঠো, কারা যেন এসেছে।’

এক লাফে দাঁড়িয়ে পড়লো লিও। হেঁ মেরে একটা বর্শা তুলে  
নিয়েছে। পাড়ের ওরা দেখতে পেলো ওকে। কুয়াশার ভেতর দিয়ে  
মিষ্টি একটা গলা ভেসে এলো—

‘অস্ত্রটা রেখে দাও, অতিথি, তোমার কোনো ক্ষতি করতে আমরা  
আসিনি।’

খানিয়া অ্যাতেনের কণ্ঠস্বর ওটা, আর তার সাথের লোকটা বুড়ো  
শামান সিমত্রি।

‘এখন কি করবো আমরা, হোরেস?’ আর্ভনাদের মতো শোনালো  
লিওর গলা।

‘আপাতত কিছুই না,’ বললাম আমি। ‘আমরা কি করবো তা  
নির্ভর করছে ওরা কি করে তার ওপর।’

‘এখানে এসে,’ স্লোর ওপর দিয়ে ভেসে এলো খানিয়ার গলা।  
‘আমি শপথ করে বলছি, তোমাদের ক্ষতি করতে আসিনি। দেখছো  
না আমরা একা?’

‘জানি না,’ বললো লিও, ‘তোমরা একা না পেছনে পেছনে  
আরো লোক আসছে? কিন্তু, যেখানে আছি সেখানে থেকে নড়ছি না  
আমরা।’

ফিসফিস করে সিমত্রিকে কিছু একটা বললো খানিয়া। মাথা  
নেড়ে নিষেধ করলো সিমত্রি। তর্ক করার ভঙ্গিতে আবার কিছু বললো  
অ্যাতেন। সম্ভবত অগ্নি পর্বতের ধীমানা এই নদী অতিক্রম করা ঠিক  
হবে কিনা এ নিয়ে আলোচনা করছে ওরা। একটু পরে সিমত্রির ঘন ঘন

মাথা নাড়া সঙ্গেও ঘোড়া নদীতে নামিয়ে দিলো খানিয়া। পানি ভেঙে এগিয়ে আসছে দ্বীপের দিকে। অগত্যা শামান-ও আসতে লাগলো পেছন পেছন।

দ্বীপে উঠে ঘোড়া থেকে নামলো অ্যাভেন। তারপর বললো, 'শেষবার দেখা হওয়ার পর অনেক দূরে চলে এসেছো তোমরা। অশুভ এক পথ বেছে নিয়েছো। ওখানে, পাথরের মাঝে এক জন মরে পড়ে আছে। গায়ে কোনো আঘাতের চিহ্ন দেখলাম না, কি করে মারলে ওকে ?'

'এগুলো দিয়ে,' হুঁহাত সামনে মেলে নিয়ে লিও বললো।

'আমি জানতাম। অবশ্য একন্যে তোমার দোষ দিচ্ছি না, অমোঘ নিয়তিই নির্ধারণ করে দিয়েছে ওর মৃত্যুর উপায়। তার নড়চড় তো হতে পারে না। তবু এমন লোক আছে যারা এ মৃত্যুর কৈফিয়ত চাইতে পারে। এবং একমাত্র আমিই পারি তাদের হাত থেকে তোমাদের রক্ষা করতে।'

'নাকি তাদের হাতে আমাদের তুলে দিতে ? খানিয়া, কি চাও তুমি ?'

'সেই প্রশ্নের জবাব। কাল সূর্যাস্তের আগেই যা তোমার দেয়ার কথা ছিলো।'

'ঐ পাহাড়ে চলো, জবাব পাবে,' অগ্নি-পর্যায়ের দিকে হাত তুলে লিও বললো। 'ওখানে আমি খুঁজবো আমার।'

'মৃত্যুকে।' মুখ ফাকাসে হয়ে গেছে, কিন্তু বলতে ছাড়লো না অ্যাভেন। 'আগেই তো বলেছি, খিসেসী, ও জায়গা পাহারা দেয় জংলীরা ; দয়া, মায়া বলতে তাদের কিছু নেই।'

'হোক। মৃত্যুই তাহলে আশুক। চলো, হোরেস, ভদ্রলোকের

সাথে মোলাকাত করতে যাই।’

‘স্বামি শপথ করে বলছি,’ আবার বললো খানিয়া, ‘তোমার স্বপ্নের নারী ওখানে নেই। আমি সেই নারী, হ্যাঁ, আমিই, যেমন তুমি আমার স্বপ্নের পুরুষ।’

‘বেশ, ঐ পাহাড়েই তাহলে প্রমাণ হবে।’

‘ওখানে কোনে! মেয়েমানুষ নেই,’ ব্যস্তভাবে বললো আভেন  
‘কিছুই নেই। খালি আগুন আর একটা কঠম্বর।’

‘কার কঠম্বর?’

‘কারো না। অলৌকিক। আগুন থেকে বেরোয়। সেই স্বরের মালিককে কেউ কখনো দেখেনি, দেখবেও না।’

‘এসো, হোরেস,’ বলে ঘোড়ার দিকে এগোলো লিও।

‘ধাঘো!’ এবার কথা বললো বৃদ্ধ শামান, ‘মৃত্যুর মুখে এগিয়ে  
ভাবেই তোমরা? শোনো তাহলে, আমি গিয়েছি ঐ ভূতুড়ে জায়গায়,  
নিয়ম অনুযায়ী খানিয়া আভেনের পিতাকে সমাহিত করার জন্যে  
যেতে হয়েছিলো। আমার তখনকার অভিজ্ঞতা থেকে বলছি, তুলেও  
ঘেও না ওখানে।’

‘আর আপনার ভাইকি বলছে ওখানে কেউ যেতে পারে না,’  
আমি মস্তব্য করলাম।

বৃড়োকে কিছু বলার সুযোগ না দিয়ে লিও বলে উঠলো, ‘সাবধান  
করে দেয়ার জন্যে ধন্যবাদ। হোরেস, আমি ঘোড়ায় জিন চাপাচ্ছি,  
তুমি নজর রাখো ওদের দিকে।’

অকৃত হাতে একটা বস্তু তুলে নিয়ে দাঁড়ালাম আমি। তৈরি।  
কিন্তু ওরা কিছু করলো না। যেমন ছিলো তেমনি দাঁড়িয়ে রইলো  
ঘোড়ার লাগাম ধরে।

কয়েক মিনিটের ভেতর র্যাসেনের ঘোড়ার কিন চাপানো হয়ে গেল। আমাকে উঠতে সাহায্য করলো লিও। তারপর বললো, 'আমরা চললাম, ভাগ্যে যা নির্ধারিত হয়ে আছে, ঘটবে। কিন্তু, খানিমা, যাওয়ার আগে তোমাকে ধন্যবাদ জানাতে চাই, যথেষ্ট সদস্য ব্যবহার করেছো আমাদের সাথে। আমি চাইনি তবু তোমার স্বামীর রক্তে আমার হাত রঞ্জিত হয়েছে এই একটা ঘটনাই, আমার ধারণা, আমাদেরকে চির বিচ্ছিন্ন রাখার জন্যে যথেষ্ট। তুমি ফিরে যাও। যদি কখনো কষ্ট নিয়ে থাকি, জানবে দিয়েছি অনিচ্ছায়। আমাকে ক্ষমা কোরো। বিদায়।'

মাথা নিচু করে স্তনলো অ্যাভেন। শেষে বললো, 'তোমার নন্দ কথার জন্যে ধন্যবাদ। কিন্তু, লিও ভিনসি, এত সহজে তো আমরা আলাদা হতে পারি না। তুমি আমাকে পাহাড়ে যেতে বলেছো, হ্যাঁ, আমি ওখানে যাবো, তোমার পেছন পেছন আমি ওখানে যাবো। ওর আশ্রয় সাথে সাক্ষাৎ করবো। আমার সমস্ত শক্তি এবং যত্ন-করী বিদ্যা প্রয়োগ করবো। দেখি কে জয়ী হয়।'

আর কিছু না বলে এক লাফে ঘোড়ার উঠলো অ্যাভেন। জল ঝাঁপিয়ে চলে গেল পাড়ের দিকে। অনুসরণ করলো বৃদ্ধ সিম্প্রি।

'কি বললো ও, বুঝলে কিছু?' জিজ্ঞেস করলো লিও।

'না, তবে আশা করা যায় শিগগিরই বুঝবো। এখন চলো, আমরা রওনা হই।'

নিরাপদে নদীর ওপারে পৌঁছলাম। নদীর এ অংশেও পানি হাঁটু ছাড়িয়ে উঠলো না। কাল রাতের মধ্যে হেঁটে পার হয়ে গেলাম। পাড় থেকে সামান্য একটু যাওয়ার পরই শুরু হলো জলাভূমি। খুব বেশি গভীর নয়। নদী যেভাবে পেরিয়েছি সেভাবেই পেরিয়ে গেলাম ওটা।

বখাসস্তব ক্রম এগোনোর চেষ্টা করছি আমরা, তাড়াতাড়ি পাহাড়ে পৌছানোর ইচ্ছা ছাড়াও এর পেছনে যা কাজ করছে তা হলো, খানিয়ার ভয়। কেন জানি মনে হচ্ছে বকীদের আনতে গেছে অ্যাণ্ডেন। কাছাকাছি কোথাও লুকিয়ে থাকতে বলে এসেছে, এখন গিয়ে ডেকে আনবে অবাধ্য বিদেশীদের শাস্তি করার জন্যে।

জলা পেরিয়ে সামান্য ঢালু একটা সমভূমিতে পৌছলাম। তিন-চার মাইল দূরে পাহাড়ের প্রথম ঢাল পর্যন্ত বিস্তৃত সেটা। এখানে পৌছেই টিপ টিপ করছে বৃষ্টির ভেতর। প্রতি মুহূর্তে মনে হচ্ছে এই বৃষ্টি হা-হা করতে করতে হাজির হলো জংলীরা। এতবার এতভাবে ওদের ভীতিজনক আচরণের কথা শুনেছি যে কিছুতেই ভয়টা তাড়াতে পারছি না মন থেকে।

এগিয়ে চলেছি আমরা। হঠাৎ বেশ দূরে শাদা কিছু একটা পড়ে থাকতে দেখলাম। কি হতে পারে ভাবছি, কিন্তু কিছুতেই বুঝতে পারছি না। একটু পরে আরো অনেকগুলো একই রকম জিনিস পড়ে থাকতে দেখলাম। তারপর আরো অসংখ্য। কৌতূহল বেড়ে উঠলো। চলার গতি আপনা থেকেই কখন জানি বেড়ে গেছে খেয়ালই করিনি।

অবশেষে পৌছলাম সেখানে। জিনিসগুলো দেখলাম। প্রথমে বিশ্বাস হাতে চাইলো না। ভুল দেখছি না তো? কিন্তু তা কি করে হয়? স্পষ্ট দেখতে পাচ্ছি, শাদা জিনিসগুলো বরফকাল। এই উপত্যকাটা বিশাল এক কবরখানা ছাড়া আর কিছু নয়। মনে হয় বড়সড় এক সেনাবাহিনী এখানে ধ্বংস হয়ে গিয়েছিলো।

বিষম মনে এগিয়ে চললাম বকালের মার্ক দিয়ে। পাহাড়ের চূড়ায় ওঠার পথ খুঁজছি, কিন্তু পাচ্ছি না। চারদিকে কেবল হলদেটে শাদা রঙের হাড় আর হাড়, খুলি আর খুলি। দিনে তপুয়েও গা ছম ছম

করে উঠতে চায়। ঘোড়াটাও কেমন যেন অস্বস্তি বোধ করছে। ঘনঘন সশব্দে নাক টানছে। একটু পরে হাড়ের একটা স্তূপের কাছে পৌঁছলাম। এই হাড়গুলো এমন ঢিবি করে রাখলো কে?—বিস্মিত হয়ে ভাবলাম। আশ্চর্য, স্তূপের ওপর ছোট আরেকটা স্তূপ। হাড়েরই মনে হচ্ছে। কেন? স্তূপটার এমন চেহারা দিলো কে?

‘শিগগিরই এখান থেকে বেরোনোর পথ না পেলে পাগল হয়ে যাবো।’ চারপাশে তাকাতে তাকাতে চিন্তার করলাম আমি।

কথাগুলো আমার মুখ থেকে সম্পূর্ণ বেরোতে পারেনি, চোখের কোণ দিয়ে দেখলাম, নড়ে উঠেছে উপরের স্তূপটা। আতঙ্কে হিম হয়ে আসতে চাইলো আমার শরীর। হাঁ, নড়ে উঠেছে ছোট স্তূপটা। ভাঁজ হয়ে থাকা একটা মূর্তি উঠে দাঁড়াচ্ছে। প্রথম দর্শনে মনে হলো নারী মূর্তি—আমি নিশ্চিত নই—মাথা থেকে পা পর্যন্ত শাদা কাপড়ে মোড়া যেন কাকন পরা যুত্তদেহ। চোখের কাছটার ছোট গোল গোল গর্ত। হাড়ের স্তূপের ওপর থেকে নেমে এলো ওটা। মমির মতো শাদা হাত উঁচু করলো ইশারার ভঙ্গিতে। ঘোড়াটা আতঙ্কে চি-হি-হি করে খাড়া হয়ে গেল স্থপায়ের ওপর।

‘কে তুমি?’ টেচিয়ে উঠলো লিও। দূরের পাহাড় থেকে প্রতিধ্বনি হয়ে ফিরে এলো ওর কণ্ঠস্বর। কিন্তু কোনো স্বেচ্ছা দিলো না মূর্তি। আবার ইশারা করলো।

চোখের ভুল কিনা, নিশ্চিত হওয়ার জন্যে লিও এগিয়ে গেল ওটার দিকে। সঙ্গে সঙ্গে দ্রুত, প্রায় হাওয়ায় জেসে হাড়ের স্তূপের পেছনে চলে গেল মূর্তি। দাঁড়িয়ে রইলো প্রেক্ষাগার মতো। আবার এগোলো লিও। বোধহয় স্পর্শ করে দেখতে চায় সত্যিই ভূতনা অন্য কিছু। কাছাকাছি পৌঁছতেই আবার হাত উঁচু করলো মূর্তি। আলতো করে

ছুলো লিওর বুক। তারপর আবার হাত জুটিয়ে নিয়ে ইশারা করলো।  
প্রথমে উপরে চুড়ার দিকে, তারপর আমাদের সামনে কিছুদূরে পাথ-  
রের দেয়ালটার দিকে।

ফিরে এলো লিও। 'কি করবে। আমরা?'

'পেছনে পেছনে যাবো,' বললাম আমি। 'ওপর থেকে বোধহয়  
পাঠানো হয়েছে ওকে। পথ দেখিয়ে নিয়ে যাওয়ার জন্যে।'

'নাকি নিচে থেকে?' বিড় বিড় করলো ও। 'একদম ভালো লাগছে  
না ওর ভাবভঙ্গি, চেহারা।'

তবু ওকে ইশারায় এগোতে বললো লিও। দ্রুত অথচ একেবারে  
নিঃশব্দে পাথর আর কঙ্কালের মাঝ দিয়ে এগিয়ে চললো মূর্তি।  
আমরা অনুসরণ করছি। কয়েকশো গজ যাওয়ার পর নিচু একটা  
ঢালের মাথায় পৌঁছলো ওটা। পর মুহূর্তে অদৃশ্য হয়ে গেল।

'নিশ্চয় ওটা ছায়া।' সন্দেহ লিওর কণ্ঠস্বরে।

'গাধা,' আমি বললাম, 'ছায়া মানুষকে স্পর্শ করতে পারে?  
এগোও।'

ঘোড়ার লাগাম ধরে চুড়ার কাছে পৌঁছলো লিও। ওখানে তীব্র  
একটা বাঁক নিয়েছে ঢাল। মোড় ঘুরতেই দেখতে পেলাম মূর্তিটাকে।  
আমাদের জন্যে অপেক্ষা করছে। আবার এগিয়ে চললো ওটা।  
পেছন পেছন আমরা। কিছুদূর যাওয়ার পর ছোট একটা সুড়ঙ্গের  
কাছে পৌঁছলাম। দেখে মনে হলো, ওটা মানুষের হাতে তৈরি।

মূর্তির পেছন পেছন ঢুকে পড়লাম প্রায়স্কার সুড়ঙ্গে। লাগাম  
ধরে হেঁটে চলেছে লিও। ঘোড়ার পিঠে আমি। সুড়ঙ্গ থেকে বেরিয়ে  
জমাট বাঁধা লাভার একটা ঢাল ধরে উঠে যেতে লাগলাম আমরা।  
অসংখ্য ছোট বড় লাভার চাঙড় ছড়িয়ে আছে চারপাশে। একটু



দূরে কুল কুল করে বয়ে যাচ্ছে একটা পাহাড়ী ঝরনা।

মাইল খানেক যাওয়ার পর আচমকা ভীক্স একটা শিসের আওয়াজ শুনলাম। তারপরই দেখলাম চাঙড়গুলোর আড়াল থেকে লাফ দিয়ে গেরিয়ে আসছে একদল লোক। জনাপন্যালেক তো হবেই, বেশিও হতে পারে। প্রত্যেকের চেহায়ায় অসভ্য এক অভিব্যক্তি। লালচে চুল-দাড়ি তাদের। গায়ের রঙ কালোর ধার ঘেঁষে, পরনে শাদা ছাগলের চামড়া। প্রত্যেকের হাতেই রয়েছে বর্শা আর ঢাল। আবার শিস বাজালো ওদের কেউ একজন। ভীক্স স্বরে উল্লসিত চিংকার করে উঠলো পুরো দলটা। তারপর ঘিরে ফেললো আমাদের।

‘বিদায়, হোরেস,’ কোনো মতে বলেই খানের তলোয়ারটা বের করলো লিও।

খানিয়া আর বুড়ো শামানের কথাই তাহলে ঠিক হলো! পাহাড়ের প্রথম ঢাল অতিক্রম করার আগেই মরতে চলেছি আমরা! দুর্বল গলায় বললাম, ‘বিদায়, লিও।’

বল্লম উচিয়ে এগিয়ে আসছে বর্বররা। ইতিমধ্যে আমাদের পথ-প্রদর্শক অদৃশ্য হয়েছে কোনো একটা চাঙড়ের আড়ালে আমরা খেয়াল করিনি। অনুশোচনায় দক্ষ হতে লাগলো মম। আমিই লিওকে পরামর্শ দিয়েছিলাম মৃতিটার পেছন পেছন আসার। কিন্তু না, অসভ্যরা যখন মাত্র কয়েক গজ দূরে তখন উঁচু একটা চাঙড়ের ওপরে দেখা গেল তাকে। কোনো কথা উচ্চারণ করলো না। হাত দুটো ছড়িয়ে দিলো শুধু।

সঙ্গে সঙ্গে আশ্চর্য এক ঘটনা ঘটলো। মুখ মাটিতে দিয়ে শুয়ে পড়লো বুনো লোকগুলো। প্রত্যেকের বজ্রপাত হয়েছে গেন ওদের মাথায়। ধীরে ধীরে হাত নামিয়ে আনলো মৃতিটা। তারপর কাছে

ডাকার ভঙ্গিতে ইশারা করলো। বিশালদেহী এক লোক, সম্ভবতঃ দলনেতা, উঠে এগিয়ে গেল। হাঁটার ভঙ্গিটা অত্যন্ত বিনীত, মার খাওয়া কুকুরের মতো। ইঙ্গিতটা শু দেখলো কি করে বুঝলাম না, নিশ্চয়ই মুখ নিচের দিকে থাকলেও চোখ টেরিয়ে উঁকি দিচ্ছিলো। হাত দুটো আড়াআড়িভাবে একটার ওপর অন্যটা এববার রেখে আবার সরিয়ে এনে একটা ইশারা করলো মূর্তি। এবারও কোনো শব্দ উচ্চারণ করতে শুনলাম না। দলনেতা বুঝতে পারলো ইশারার মর্ম। ছুর্বেধ্য ভাষায় কিছু একটা বললো। তারপর আবার সেই তীক্ষ্ণ নিশ। মুহূর্তে উঠে দাড়ালো বর্ষরের দল। পড়িমরি করে ছুটে পালালো যে যদিকে পারলো সেদিকে।

এবার আবার আমাদের দিকে কিরলো পথ প্রদর্শক। ইশারায় এগোনোর নির্দেশ দিলো।

হুঁৎটা একটানা চললাম আমরা। লাভার ঢাল শেষ। ঘাসে ছাওয়া একটা সমান জায়গায় পৌঁছলাম। ঝরনাটার উৎসমুখ দেখতে পেলাম কিছু দূরে। তারপর আশ্চর্য হয়ে দেখলাম আশুন বলছে এক পাশে। তার ওপর বুলছে একটা মাটির পাত্র। কিছু একটা সেক হচ্ছে তাতে। কোনো মানুষ দেখলাম না আশেপাশে।

আমাকে ঘোড়া থেকে নামার নির্দেশ দিলো মূর্তি। অবশ্যই ইশারায়। তারপর ইঙ্গিতে পাত্রের পদার্থটুকু খেয়ে নিতে বললো আমাদের। খুব খুশি মনেই আমি খেতে লেগে পেলাম। প্রচণ্ড বিদেয় রীতিমতো অস্থির লাগছিলো এতক্ষণ। কিন্তু আমাদের নয়, ঘোড়াটার জন্যেও খাবারের বন্দোবস্ত রয়েছে দেখলাম।

গরম গরম খেয়ে নিয়ে (জিনিসটা কি জানি না, তবে স্বাদ মন্দ নয়) ঝরনার উৎসমুখের কাছে গিয়ে পানি খেয়ে এলাম। ঘোড়াটাকেও

খাইয়ে নিলাম। কিন্তু মূর্তি কিছু খেলো না। পানি পর্ষস্ত না। ভদ্রতা করে আমরা একবার সাধলাম ইশারায়; নিরাসক্ত ভঙ্গিতে প্রত্যাখ্যান করলো সে।

খাওয়ার পর আমার হাতের কত পরিষ্কার করে আবার বেঁধে দিলো লিঙ। এদিকে ভরপেট খাওয়ার সাথে সাথে ঝিমুনি এসে গেছে। কিন্তু ঘুমানোর সুযোগ দিলো না পথপ্রদর্শক। হাত তুলে ইশারা করলো প্রথমে সূর্যের দিকে তারপর ঘোড়াটার দিকে। যেন বোঝাতে চাইলো এখনো অনেক দূর যেতে হবে আমাদের। সুতরাং আবার রওনা হলাম।

দিন শেষে ঘাসে ছাওয়া এলাকা পেরিয়ে এলাম আমরা। তারপর আবার শুরু হলো পাথুরে ঢাল। মাঝে মাঝে মাথা তুলেছে হু'একটা ধর্বাঙ্কতি ফার গাছ।

সূর্য ডুবে গেল। গোধূলির আলোয় এগিয়ে চললাম সেই অন্ধৃত মূর্তির পেছন পেছন। চারদিক অন্ধকার হয়ে এলো। তখনও চলছি আমরা। পাহাড় চূড়ার লাল আভা আবছাভাবে এসে পড়েছে। সেই সামান্য আলোয় পথ দেখে এগোচ্ছি। কয়েক পা সামনে মূর্তিটাকে সত্যিই ভূতের মতো লাগছে এখন। একবারও পেছনে না তাকিয়ে, একটা কথাও না বলে এগিয়ে চলেছে সে। একটু পরপরই ঝাঁক নিচ্ছে, একবার এদিকে একবার ওদিকে। কিছুক্ষণের ভেতর পথের দিশা হারিয়ে ফেললাম। এখন যদি একা ফিরে যেতে বলা হয়, কিছুতেই পারবো না।

অবশেষে টাঁদ উঠলো। সন্ন একটা স্মিটখাতের ভেতর পৌঁছলাম। এঁকে বঁকে এগিয়ে চললাম তার ভেতর দিয়ে। একটু পরে এমন এক জায়গায় পৌঁছলাম, যার সঙ্গে কেবল গ্রীক অ্যাম্ফিথিয়েটারেই

ভুলনা করা চলে। পার্থক্য এফটাই, এটা মানুষের তৈরি নয়, প্রাকৃতিক। অত্যন্ত সংকীর্ণ তার প্রবেশ পথ। একজন মানুষ কোনো-রকমে ঢুকতে বা বেরোতে পারে। তার ওপাশে একটা ফাঁকা আয়তাকার পাহাড়ের গায়ে দাঁড়িয়ে আছে ছোট ছোট পাথরের ঘর। তাঁদের আশোয় স্পষ্ট দেখা যাচ্ছে ঘরগুলোর সামনে বড় একটা চত্বর। সেখানে জড় হয়েছে কয়েকশো নারী পুরুষ। অর্ধবৃত্তাকারে দাঁড়িয়ে কিছু একটা ধর্মীয় আচার পালন করছে।

তাঁদের সামনে, অর্ধবৃত্তের ঠিক কেন্দ্রস্থলে দাঁড়িয়ে এক লোক। বিশালদেহী, লাল দাড়িওয়ালা। কোমরে এক টুকরো চামড়া জড়ানো, বাকি শরীর উলঙ্গ। সামনে পেছনে ছলছে সে; হাত দুটো নিতম্বের ওপর স্থির। ছলনির তালে তালে চিৎকার করে বলছে 'হো, হাহা, হো।' সে যখন দর্শকদের দিকে ঝুঁকছে অমনি দর্শকরাও একসাথে ঝুঁকে আসছে তার দিকে। সোজা হওয়ার সময় সবাই তার শেষের আঙুলটার ধুঁয়া ধরে টেঁচিয়ে উঠছে 'হো।' চারপাশের পাহাড়ী দেয়াল থেকে প্রতিধ্বনি হয়ে ফিরে আসছে শব্দটা। শুধু এ-ই নয়, লোকটার দীর্ঘ চুলওয়ালা মাথার ওপরে বসে আছে বড় একটা শাদা বিড়াল। ছলনির তালে তালে যুঁহু যুঁহু লেজ নাড়ছে সেটা।

চাঁদনী রাত, চারপাশে পাহাড়, তার মাঝে এমন একটা দৃশ্য আর আওয়াজ। অদ্ভুত এক স্বপ্নের মতো মনে হলো আমার কাছে।

যে চত্বরে জংলীগুলো এই অদ্ভুত আচরণ বা উপাসনার কাজ করছে তার চারপাশে প্রায় ছ'ফুট উঁচু একটা দেয়াল। দেয়ালের এক জায়গায় একটা দরজা। সেটার দিকে এগিয়ে চললাম আমরা সবার অলঙ্ক্যে। দরজার কয়েক গজ দূরে পৌঁছে আমাদের খামতে ইলারা করলো স্তম্ভি। তারপর সে এগিয়ে গেল দেয়ালের নিচু একটা অংশের

দিকে। অন্যকাজ্জিত কিছু একটা দেখেছে এমন ভঙ্গিতে দাঁড়িয়ে দাঁড়িয়ে দেখলো কায়ক মুহূর্ত। তারপর ফিরলো আমাদের দিকে। যেখানে আছি সেখানেই থাকার ইশারা করে মুখ ঢাকলো হাত দিয়ে। পরমুহূর্তে চলে গেল সে। কোথায়, কিভাবে, বলতে পারবো না। শুধু দেখলাম, যেখানে ছিলো সেখানে সে নেই।

‘এখন কি করবো আমরা?’ ফিসফিস করে জিজ্ঞেস করলো জিও।

‘কি আর, যতক্ষণ না ও ফিরে আসে বা কিছু ঘটে ততক্ষণ অপেক্ষা করাই উচিত, আমার মনে হয়।’

অপেক্ষা করছি আর দেখছি জংলীদের কাণ্ড-কারখানা। একটাই হুশিঙ্গা, ঘোড়াটা না ডাক ছেড়ে ওঠে। সেক্ষেত্রে ধরা পড়ে যাক অসভ্যদের কাছে। তারপর কি ঘটবে জানি না।

দেখছি জংলীদের অদ্ভুত আচরণ। এখন আর উপাসনা মনে হচ্ছে না, মনে হচ্ছে বিচার সভা। হ্যাঁ, একটু পরে হঠাৎ মন্তোচ্চারণ খেমে গেল। বিড়াল মাথায় লোকটার সামনের মানুষগুলো ছ’ভাগ হয়ে সরে গেল ছ’পাশে। একই সঙ্গে তার পেছন থেকে ধোঁয়ার একটা কুণ্ডলী উঠলো ঘন সাজিয়ে রাখা চিতায় আগুন দেয়া হয়েছে। সামনের মানুষগুলো আরেকটু সরে দাঁড়ালো। পেছনের ঘরগুলো থেকে একটা থেকে পিছমোড়া করে বাধা সাতজন লোককে নিয়ে অক্ষয় হলো। নারী-পুরুষ ছ’রকম মানুষই আছে তাদের ভেতর। সীমাবাদী, চমৎকার দেহসৌষ্ঠবের অধিকারিনী একটা মেয়েকে দেখলাম। মনে হয় সব কৈশোর পেরিয়েছে। একজন বৃদ্ধকেও দেখলাম। এক সারিতে দাঁড় করানো হলো সাতজনকে। ভয়ে কাঁপছে সবাই। বৃদ্ধ তো বসেই পড়লো কাঁপতে কাঁপতে। মহিলারি ফুঁ পিয়ে ফুঁ পিয়ে কাঁদছে। কিছুক্ষণ অমনিরইলো ওরা। ইতিমধ্যে কয়েকজনে ভালো করে ঝালিয়ে ফেলছে

অগ্নিকুণ্ডটা। কমলা রক্তের লকলকে শিখা উঠেছে মানুষগুলোর মাথা ছাড়িয়ে।

সবকিছু তৈরি। একজন একটা কাঠের বারকোশ এনে দিলো লাল নাড়িওয়াল। পুরোহিতের হাতে। একটু আগে বিড়ালটাকে কোলে করে একটা টুলের ওপর বসেছে সে। বারকোশটার হাতল ধরে বিড়ালের দিকে তাকিয়ে কিছু বললো। সঙ্গে সঙ্গে লাফিয়ে গিয়ে বারকোশের মাঝখানে বসে পড়লো বিড়ালটা।

গভীর নিস্তব্ধতার ভেতর উঠে দাঁড়ালো পুরোহিত। বিড়বিড় করে কিছু মন্ত্র পড়লো। মনে হলো বিড়ালটার উদ্দেশ্যেই—ওটা এখন তার সুখোমুখি বসে। এরপর বারকোশটা ঘুরিয়ে ধরলো সে। বিড়ালের পেছনটা চলে এলো তার সামনে। ধীর পায়ে এগিয়ে গেল বন্দীদের দিকে।

একেবারে বায়ের বন্দীর সামনে গিয়ে দাঁড়ালো পুরোহিত। বারকোশ উঁচু করে ধরলো। বিড়ালটা এবার উঠে দাঁড়ালো। ধমুকের মতো পিঠ বাঁকিয়ে খাবা নাড়তে লাগলো উপরে নিচে। পরের বন্দীর সামনে চলে এলো পুরোহিত। একই ভঙ্গিতে বারকোশ উঁচু করে ধরলো। একই ভঙ্গিতে এবারও বিড়ালটা খাবা নাড়লো। তৃতীয়, চতুর্থ, অবশেষে পঞ্চম জনের সামনে এলো পুরোহিত। এ হচ্ছে সেই দীর্ঘাকীর্ণী মেয়েটা। বারকোশ উঁচু করে ধরতেই খ্যাক-ম্যাক করে চৌচৌতে, গর্জাতে শুরু করলো বিড়ালটা। তারপর হঠাৎ খাবা তুলে আঁচড়ে দিলো মেয়েটার মুখে। রাতের নিকরতা বানখান করে তীব্র, তীক্ষ্ণ আর্তনাদ করে করে উঠলো মেয়েটা। দর্শকরাও সবাই হেঁচক করে উঠলো। একটাগাত্র শব্দ বারবার আঙড়াচ্ছে তারা। কালুনের লোকদের মুখে বহবার শুনেছি শব্দটা—‘ডাইনী! ডাইনী! ডাইনী!’

জল্লাদরা অপেক্ষা করছিলো। এবার তৎপর হয়ে উঠলো তারা। মেয়েটাকে টেনে হিঁচড়ে নিয়ে চললো আগুনের দিকে। সর্বশক্তি দিয়ে চেষ্টা করলো মেয়েটা নিজেকে মুক্ত করার। হাত পা ছুঁড়ে, শরীর মুচড়ে, আঁচড়ে, কামড়ে, চিৎকার করে সে ছুটে যেতে চাইলো জল্লাদদের হাত থেকে। পারলো না। ছ'দিক থেকে চ'জন ছই বাহ ধরে শুন্যে তুলে ফেললো তাকে। দর্শকরা মহা উল্লাসে চিৎকার করে উঠলো আবার।

'এ-তো খুন!' সম্বস্ত গলায় বললো লিও। 'ঠাণ্ডা মাথায় খুন! আমি এ হতে দিতে পারি না,' বলতে বলতে তলোয়ার বের করলো ও।

আমি কিছু বলার জন্যে মুখ খুলতে গেলাম। কিন্তু তার আগেই খোলা তলোয়ার হাতে প্রাচীর দরজার দিকে ছুটেছে লিও, সেই সাথে চিৎকার। অগত্যা নিরুপায় আমি ঘোড়া ছোটালাম ওর পেছন পেছন। দশ সেকেন্ডের মাথায় অসভ্যদের মাঝখানে পৌঁছে গেলাম আমরা।

অবাক বিষ্ময়ে তাকালো ওরা আমাদের দিকে। প্রথম দর্শনে অপদেবতা বা ভূত জাতীয় কিছু মনে করলো বোধহয়। সেই সুযোগে জল্লাদদের একেবারে কাছে পৌঁছে গেলাম আমরা।

'ওকে ছেড়ে দাও, বদমাশের দল!' ভয়ঙ্কর গলায় চিৎকার করতে করতে এক জল্লাদের হাতে কোপ বসিয়ে দিলো লিও।

মেয়েটার হাত ছেড়ে দিয়ে পিছিয়ে গেল লোকটা। জনতার দিকে তাকিয়ে অক্ষত হাতটা নাড়তে নাড়তে চিৎকার করে বলে চললো কিছু একটা। এই ফাঁকে হতভম্ব অন্য জল্লাদদের হাত থেকে নিজেকে ছাড়িয়ে অন্ধকারের দিকে ছুটলো দীর্ঘাঙ্গিনী মেয়েটা। এদিকে পুরো-

হিতও এক লাফে উঠে দাঁড়িয়েছে। বারকোশটা এখনো তার হাতে, বিলিটাও বসে আছে বারকোশে। লিওর দিকে তাকিয়ে তিনে গলাগ দাত মুখ ঝিঁচিয়ে চিৎকার করতে লাগলো সে। লিও-ও সমানে চৈঁচিয়ে চলেছে ইংরেজি এবং আরো অনেকগুলো ভাষায়। তার বেশির ভাগই অকথ্য গালাগাল।

হঠাৎ বিড়ালটা, সম্ভবত চিৎকার চৈঁচামেচিত্তে ভয় পেয়ে লাফ দিলো বারকোশ থেকে, সোজা লিওর মুখ লক্ষ্য করে। মুখে ধাবা পড়ার আগেই বাঁ হাতে শূন্য থেকে ওটাকে ধরে ফেললো লিও। সর্ব-শক্তিতে আছাড় মারলো একটা। মাটিতে পড়ে আর নড়তে পারলো না বিড়ালটা। দলামোচ পাকিয়ে মিউ মিউ করতে লাগলো। তারপর, হঠাৎ মনে পড়ে গেছে এমন ভঙ্গিতে আবার ওটাকে তুলে নিলো লিও। এবং ছুঁড়ে দিলো আগুনের ভেতর।

এই জংলীদের উপাস্য দেবতা ঐ বিড়ালটা। ওটার এহেন দশা দেখে ফেপে উঠলো ওরা। সমস্বরে ভয়ানক এক চিৎকার করে সাগরের চেউয়ের মতো ধেয়ে এলো আমাদের দিকে। একটা লোকের ধড় থেকে মাথা নামিয়ে দিলো লিও। পর মুহূর্তে দেখলাম, আমি আর বোঁড়ার পিঠে নেই। বুনো উল্লাসে একদল অসভ্য টানতে টানতে নিয়ে চলেছে আগুনের দিকে। পাথর খুঁড়ে গভীর একটা গর্ত খনো হয়েছে, তার ভেতর ছলছে আগুন। টানতে টানতে আমাকে গর্তের কিনারে নিয়ে ফেলেছে ওরা। ঘাড় কিরিয়ে চকিতের জনে দেখলাম সাত-আট জন জংলীর সাথে একা লড়ছে লিও। কিছুতেই এঁটে উঠতে পারছে না। তার মানে আর আশা নেই আমার।

টানা হ্যাঁচড়ায় কুকুরে কামড়ানো হাতটার যন্ত্রণা দ্বিগুণ হয়ে উঠেছে। তবু গর্তটার ভেতর চোখ পড়তেই ভুলে গেলাম সে যন্ত্রণার



কথা। আগুনের শিখা আমার মাথা ছাড়িয়ে উঠেছে। ভেতরটা লাল, গন গন করছে। তীব্র আঁচ গায়ে এসে লাগছে। ঠেলে ফেলে দেয়ার জন্যে তৈরি হলো ওরা। চোখ বুঁজলাম আমি। জীবনের সমস্ত মধুর স্মৃতি মুহূর্তে ভেসে গেল চোখের সামনে দিয়ে। তারপর হঠাৎ, শক্ত হয়ে চেপে বসা জালন্তব হাতগুলো টিলে হয়ে গেল। না, আগুনে নয়, মাটির ওপর চিং হয়ে পড়ে গেছি আমি। তাকিয়ে আছি উপর দিকে।

যা দেখলাম, কল্পনাতীত। আগুনের সামনে দাঁড়িয়ে আছে আমাদের সেই প্রেত-দর্শন পথ প্রদর্শক। তীব্র ক্রোধে কাঁপছে সে। এক হাত উঁচু করা বিশালদেহী পুরোহিতের দিকে। এখন আর একা নয়, শাদা আলখাল্লা পরা জনা বিশেক তলোয়ারধারী রয়েছে তার সঙ্গে। কালো চোখ সব ক'জনের, এন্দীয় চেহারা; গাল, মাথা পরিষ্কার করে কামানো।

একটু আগেই ক্যাপা ষাঁড়ের মতো গর্জাচ্ছিলো জংলীগুলো, এখন ছুটে পালাচ্ছে যে যেদিকে পারছে সেদিকে, যেন ভেড়ার পালে নেকড়ে পড়েছে। শাদা আলখাল্লাধারী পুরোহিতদের একজন, সম্ভবত দলনেতা, সামনে এগিয়ে এলো। জংলী পুরোহিতের দিকে তাকিয়ে ঝলতে লাগলো, ভাষাটা কিছু কিছু বুঝতে পারলাম আমি।

'কুকুর,' শাস্ত্র মাপা মাপা স্বরে সে বললো। 'অভিশপ্ত কুকুর, জানোয়ারের উপাসক, পাহাড়ের সর্বশক্তিমানী ঝায়ের অতিথিদের কি করতে যাচ্ছিলি? এজন্যেই কি তোদের এতদিন বাঁচিয়ে রাখা হয়েছে? জবাব দে, কিছু বলার আছে তোমার? তাড়াতাড়ি বল, তোমার সময় ঘনিরে এসেছে।'

ভীতস্বরে একটা আর্তনাদ বেরোলো লাল দাড়িওয়ালা বিশাল-

দেহীর গলা চিরে। ছুটে গিয়ে হাঁটু গেড়ে বসলো—প্রধান পুজারীর  
'সামনে নয়, আমাদের পথ-প্রদর্শক প্রেত-দর্শন মূর্তির সামনে। ঘাউ  
মাউ করে আউড়ে চললো কমা ভিকার আবেদন।

'খাম !' বলে উঠলো প্রধান পুরোহিত। 'উনি মায়ের প্রতিনিধি,  
বিচারের মালিক। আমি কান এবং কণ্ঠস্বর, যা বলার আমাকে বল।  
যাদেরকে উদ্ভভাবে সহৃদয়তার সাথে স্বাগতম জানাতে বলা হয়ে-  
ছিলো তাদের হত্যা করতে গিয়েছিলি কি না ? উ'হ', মিথ্যে বলে  
লাভ হবে না, আমি সব দেখেছি। তোকে ফাঁসানোর জন্যেই ফাঁদ  
পেতেছিলাম আমরা। অনেক দিন বলেছি, ওসব বর্বর রীতি ছাড়,  
শুনিসনি। এবার তার মূল্য দে।'

কিন্তু তবু বেচারী কমা ভিকার করে চললো।

'দুত্ত,' প্রধান পুরোহিত বললো, 'আপনার মাধ্যমেই শক্তির প্রকাশ  
ঘটে। রায় দিন।'

ধীরে ধীরে হাত তুললো আমাদের পথ-প্রদর্শক। আগুনের দিকে  
ইশারা করলো। মুহূর্তে ছাইয়ের মতো শাদা হয়ে গেল লোকটার মুখ।  
আর্তনাদ করে পিছিয়ে এলো।

জংলীদের সবাই পালিয়ে যায়নি। ছ-একজন রয়ে গিয়েছিলো।  
তাদের দিকে তাকিয়ে কাছে আসার ইংগিত করলো পুজারী। ভয়ে  
কাঁপতে কাঁপতে এক পা ছ'পা করে এগিয়ে এলো তারা।

'দেখ্,' বললো সে, 'মা হেস-এর বিচার দেখ্। মা-র অবাধা  
হলে, তাদের বেলায়ও এমন হবে। এখন তুলে আন তাদের  
সর্দারকে।'

কয়েকজন এগিয়ে এসে নির্দেশ পালন করলো।

'ফেলে দে ঐ গর্তে। অপরকে পোড়ানোর জন্যে যে আগুন খেলে-

ছিলি ভাতে নিজেই পুড়ে মর।’

এবারও নিঃশব্দে নির্দেশ পালন করলো ওরা। মাংস, চামড়া পোড়ার উৎকট গন্ধ ছুটলো কয়েক সেকেন্ডে তারপর শব্দ আবার আগের মতো।

‘শোন তোরা,’ পুরোহিত বললো, ‘ওর পাওনা শাস্তি ও পেয়েছে। এই বিদেশীরা যে মেয়েটাকে বাঁচিয়েছে তাকে কেন ও খুন করতে গিয়েছিলো জানিস? তোরা ভাবছিস ডাইনী বলে; শুনে রাখ, তা নয়। মেয়েটিকে ও স্বামীর কাছ থেকে কেড়ে নিতে চেয়েছিলো। পারেনি, তাই প্রতিশোধ নেয়ার জন্যে এ কাজ করতে যাচ্ছিলো। কিন্তু চোখ দেখেছে, কণ্ঠস্বর কথা বলেছে, এবং দূত বিচার করেছেন।

‘পর্বত গর্ভের অগ্নিনিংহাসনে বসে এমনি চুলচেরা বিচার করেন হেসা।’

The Online Library of Bangla Books

**BANGLA BOOK.ORG**

## ভেরো

একে একে প্রায় পা টিপে টিপে চলে গেল আতঙ্কিত জংলীরা।

‘প্রভু,’ কালুন রাজসভার পারিষদরা যেমন বলে তেমন বিকৃত গ্রীকে বললো প্রধান পুরোহিত, ‘আপনি আঘাত পেয়েছেন কিনা জিজ্ঞেস করবো না। কারণ, জানি পবিত্র নদীতে পা রাখার মুহূর্ত থেকে অদৃশ্য এক শক্তি রক্ষা করছে আপনাদের। তবু অপবিত্র হাত আপনাদের ওপর পড়েছে, যারের নির্দেশ, আপনারা চাইলে ওদের

প্রত্যেককে আপনাদের সামনে হত্যা করা হবে। বলুন, তাই চান ?

‘না,’ জবাব দিলো লিও। ‘ওরা বর্বর, অন্ধ। আমরা চাই না আমাদের জন্যে আরো রক্ত বরফ। আমরা চাই, বন্ধু—কি বলে ডাকবো আপনাকে ?

‘অরোস।’

‘বন্ধু অরোস, আপাতত আমরা চাই খাবার আর আশ্রয়। তারপর যত তাড়াতাড়ি সম্ভব পৌঁছতে চাই আপনি যাকে মা বলছেন, যার খোঁজে এত দূরের পথ পাড়ি দিয়ে এসেছি তাঁর কাছে।’

মাথা নুইয়ে অরোস জবাব দিলো, ‘খাবার এবং আশ্রয় তৈরি। বিশ্বাস নিন। কাল সকালে যেখানে চাইবেন সেখানে নিয়ে যাবো। সেরকমই নির্দেশ দেয়া হয়েছে আমাকে।’

গজ পক্ষাশেক দূরে পাহাড়ের গায়ে একটা দালানের কাছে আমাদের নিয়ে গেল অরোস। ভেতরে ঢুকে মনে হলো অতিথিশালা, অস্বস্ত এ মুহূর্তে ঘরটাকে সেভাবেই সাজিয়ে গুছিয়ে রাখা হয়েছে। প্রদীপ জ্বলছে, ঘর গরম রাখার জন্যে আগুনও জ্বালানো হয়েছে। ছোটো কামরা বাড়িটায়। প্রথমটার ভেতর দিয়ে দ্বিতীয়টায় যেতে হয়। এই দ্বিতীয় ঘরটাতেই আমাদের শোয়ার বন্দোবস্ত করা হয়েছে।

‘ভেতরে যান, পরিষ্কার পরিচ্ছন্ন হয়ে নিন,’ বললো অরোস। আমার দিকে কিরে যোগ করলো, ‘তারপর আপনার কুকুরে কামড়ানো হাতের চিকিৎসা হবে।’

‘আমার হাত কুকুরে কামড়েছে, আপনি জানলেন কি করে।?’ আমার কণ্ঠে পিয়র।

জবাবটা এড়িয়ে গেল অরোস। শুধু বললো, ‘জেনেছি, এবং সেমতো ব্যবস্থাও করা হয়েছে। চলুন দয়া করে।’

ঘরের ভেতর লোহার পাতে কুম্ভ গরম পানি রাখা ছিলো। হাত মুখ ধুয়ে নিলাম। ধবধবে শাদা চাদর পাতা বিছানার ওপর দেখলাম পরিষ্কার কাপড়, আগে থাকতেনি রেখে দেয়া হয়েছে আমাদের জন্য। পরে নিলাম। তারপর আমার হাতের চিকিৎসা করলো অরোস। লিওর বেঁধে দেয়া পট্টি খুলে ফেলে মলম লাগিয়ে নতুন পট্টি বেঁধে দিলো। বাইরের ঘরে এসে দেখলাম খাবার সাজানো। খেয়ে নিয়ে আবার চুকলাম শোবার ঘরে। বিছানায় শুতে না শুতেই ঘুম।

গভীর রাতে হঠাৎ ঘুম ভেঙে গেল আমার। কোনো শব্দ পাইনি, তবু কেন যেন মনে হচ্ছে কেউ এসেছে ঘরে। চোখ মেললাম। হ্যাঁ, যা ভেবেছি তাই। ছোট্ট একটা প্রদীপ মিটমিট করে ঝলছে। তাকে অন্ধকার দূর হওয়ার চেয়ে আরো গাঢ় হয়েছে যেন। দরজার কাছে দাঁড়িয়ে আছে অস্পষ্ট প্রেতের মতো একটা মূর্তি। প্রথমে ভাবলাম সত্যিই বুরি ভূত। তারপর মনে পড়লো আমাদের কাফন মোছা লামেশের মতো পথ প্রদর্শকের কথা। হ্যাঁ সে-ই। লিওর বিছানার দিকে তাকিয়ে আছে।

কিছুক্ষণ স্থির দাঁড়িয়ে রইলো সে। তারপর হঠাৎ আকুল কণ্ঠে বিলাপ করে উঠলো।

তাহলে যা ভেবেছিলাম তা-ই! কাফনের মতো পোশাকের আড়ালে ওটা নারী; আর ও বোবা-ও নয়, দিব্যি কথা বলতে পারে। আরে, পুরু কাপড়ে ঢাকা হাত হটো মোচড়াচ্ছে। যেন অকথ্য বস্ত্রণা থেকে মুক্তি পেতে চাইছে। একটু পরে দেখলাম বৃষ্টি লিও-ও যেন ওর উপস্থিতির প্রভাব অনুভব করতে শুরু করেছে। ঘুমের ঘোরে নড়েচড়ে উঠে স্পষ্ট গলার আরবীতে ডাকলো সে —

‘আয়শা! আয়শা!’

অত্যন্ত লম্বু পারে, প্রায় হাওয়ার ভর করে এগিয়ে এলো মৃতি ।  
উঠে বসলো লিঙ । চোখ বোঁজা, অর্থাৎ এখনো ঘুমে অচেতন ।  
আলিঙ্গনের সঙ্গিতে ছ'হাত বাড়িয়ে দিয়ে আবার বললো—

‘আয়শা । আমার আয়শা । জীবন মৃত্যুর ভেতর দিয়ে কতদিন  
ধরে খুঁজছি তোমাকে । এসো, দেবী, আমার আকাঙ্ক্ষিতা, আমার  
কাছে এসো ।’

আরেকটু কাছে এলো মৃতি । স্পষ্ট দেখতে পাচ্ছি সে কাঁপছে ।  
এবার তার হাত ছটোও প্রসারিত হলো ।

লিঙর বিছানার পাশে গিয়ে ধামলো সে । যেমন উঠেছিলো তেমন  
ঘুমের ঘোরে শুয়ে পড়লো লিঙ । ওর গায়ের কম্বলটা পড়ে গেছে ।  
উন্মুক্ত বৃকের ওপর পড়ে আছে চামড়ার খলেটা । আয়শার চুল  
রয়েছে তার ভেতর । স্থির চোখে তাকিয়ে রইলো মৃতি খলেটার  
দিকে । তারপর একটু একটু করে এগিয়ে গেল তার হাত । খলের  
মুখ খুললো । কোমল হাতে বের করে আনলো চকচকে চুলের  
গোছাটা । অনেকক্ষণ তাকিয়ে রইলো সেটার দিকে । তারপর আবার  
চুলগুলো রেখে খলের মুখ বন্ধ করে দিলো মৃতি । ফুঁপিয়ে উঠে  
কাঁদলো একটু । এই সময় আবার হাত বাড়িয়ে দিলো লিঙ । গভীর  
আবেগে বলে উঠলো—

‘এসো, কাছে এসো, প্রিয়তমা, আমার বৃকে এসো ।’

অনুচ্চ ভীত স্বরে একবার চিৎকার করে ছুটে বর থেকে বেরিয়ে  
গেল মৃতি ।

যখন নিশ্চিত হলাম, সত্যিই ও চলে গেছে তখন সশব্দে শ্বাস  
টানলাম আমি । একটা চিন্তাই এখন মাথার ভেতর ঘুরপাক খাচ্ছে :  
কে এই নারীমৃতি ? আয়শা ? পুরোহিত অরোস বলছিলো আমাদের

পথ-প্রদর্শক নাকি প্রতিনিধি এবং ভরবারি ; অর্থাৎ রায় কার্যকর করে ।  
কিন্তু কার রায় ? ওর নিছের ? ওকি মানুষ, না অশরীরী ? ভাবতে  
ভাবতে ক্লান্ত হয়ে কখন যে ঘুমিয়ে গেছি নিজেও জানি না ।

পরদিন যখন ঘুম ভাঙলো তখন প্রায় দুপুর । পুরোহিত অরোস  
দাঁড়িয়ে আছে আমার বিছানার পাশে । লিও এখনো ওঠেনি । পুরো-  
হিত ফিসফিস করে জানালো, আমার হাতে নতুন করে ওষুধ লাগিয়ে  
দেয়ার জন্যে সে এসেছে । তারপর ঘুমন্ত লিওর দিকে তাকিয়ে যোগ  
করলো—

‘ওঁকে জাগানোর দরকার নেই । এতদিন অনেক কষ্ট করেছেন,  
সামনে আবার কি আছে কে জানে ? তারচেয়ে ভালো করে ঘুমিয়ে  
নিতে দিন । ঘণ্টাখানেকের ভেতর আপনাদের রওনা হতে হবে ।’

‘এর অর্থ কি, বন্ধু অরোস ?’ ভীক্ষকণ্ঠে প্রশ্ন করলাম আমি । ‘কালই  
না আপনি বললেন এখানে আমরা নিরাপদ ?’

‘এখনো বলছি, বন্ধু—’

‘আমার নাম হলি ।’

‘হ্যা, বন্ধু হলি, এখনো বলছি শারীরিক দিক থেকে আপনারা  
নিরাপদ । কিন্তু শুধুই কি শরীর নিয়ে মানুষ ? মন, আত্মা আছে না ?  
সেগুলো-ও জখম হতে পারে ।’

চিন্তিত ভঙ্গিতে মাথা দোললাম আমি । অরোস আমার হাতের  
পট্টা খুলতে লাগলো ।

‘দেখুন প্রায় ভালো হয়ে গেছে আপনার হাত,’ খোলা শেষ হতে  
বললো সে । ‘এখন আরেকবার রক্ত লাগিয়ে পট্টা বেঁধে দিচ্ছি, কয়েক  
দিনের ভেতর পুরোপুরি ভালো হয়ে যাবে, খান র্যাসেনের কুকুর যে

কোনোদিন কামড়েছিলো তা বুঝতেই পারবেন না। ও হ্যাঁ, খুব শিগ-  
গিরই আবার ওর দেখা পাবেন, সঙ্গে থাকবে ওর সুন্দরী স্ত্রী।’

‘আবার ওর দেখা পাবো। এ পাহাড়ে এলে কি মরা মানুষ বেঁচে  
ওঠে?’

‘না। এখানে ওকে সমাহিত করতে আনা হবে। কালুনের শাসকরা  
অনেকদিন ধরে এই সুবিধাটুকু ভোগ করে। এই যে আপনার সঙ্গে উঠে  
গেছেন। তৈরি হয়ে নিন।’

ঘটাখানেক পরে আবার শুরু হলো আমাদের উর্ধ্ব সূখী যাত্রা।  
এবারও আমি খানের ঘোড়ায় চেপে চলেছি। আহার আর বিশ্রাম  
পেয়ে আবার তাজা হয়ে উঠেছে ঘোড়াটা। লিওর জন্যে একটা  
পালকির ব্যবস্থা করতে চাইলো অরোস। প্রত্যাখ্যান করলো লিও,  
মেয়ে মানুষের মতো পালকিতে চড়ে যাবে না ও। একেবারে সামনে  
আমাদের পথ-প্রদর্শক সেই নারীমূর্তি। তার পেছনে অরোস। তার-  
পর ঘোড়ার পিঠে আমি, পাশে পায়ে হেঁটে চলেছে লিও। সবশেষে  
শাদা আলখাল্লা পরা পূজারীবাহিনী।

চম্বর পেরিয়ে সেই ছোট্ট দরজা দিয়ে দেয়ালের বাহিরে এলাম।  
কাল রাতে যে বরনার পাশ দিয়ে গ্রামটার কাছে এসেছিলাম সেখানে  
পৌছুলাম। তারপর উঠে যেতে লাগলাম পাহাড়ের ঢাল বেয়ে।

হুঁপাশে পাহাড়ের দেয়াল খাড়া উঠে গেছে, মাঝখান দিয়ে চলেছি  
আমরা। হঠাৎ সমবেত কণ্ঠের সুরেলা একটা ধর্মসংগীত কানে ভেসে  
এলো। তক্ষুণি একটা বাঁক নিলো পথ। মোড় ঘুরে দেখলাম গাঙ্গীর্ধ-  
পূর্ণ একটা মিছিল এগিয়ে আসছে আমাদের দিকে। তার পুরোভাগে  
ঘোড়ার পিঠে বসে আছে সুন্দরী খানিয়া, পেছনে তার চাচা বৃদ্ধ



শামান, তারপর একদল শাদা আলখাল্লা পরা ন্যাড়া মাথা পূজারী।  
একটা শববাহী খাটিয়া বহন করে আনছে তারা। খাটিয়ায় শুয়ে আছে  
খান র্যাসেনের দেহ, কালো কাপড়ে আচ্ছাদিত।

আমাদের পথ-প্রদর্শকের শাদা অবয়বটা দেখা মাত্র ভয়ঙ্কর বেগে  
ঘোড়া ছুটিয়ে এলো খানিয়া। চিৎকার করে উঠলো—

‘কে তুই, কাফন পরা ডাইনী, খানিয়া অ্যাভেন আর তার মৃত  
স্বামীর পথ জুড়ে দাঁড়িয়ে আছিস?’ তারপর লিওর দিকে ফিরে,  
‘দেখতে পাচ্ছি কুসংসর্গে পড়েছো তোমরা, ওর সঙ্গে কোথায় যাচ্ছে?।  
পরিণতি স্তম্ভ হবে না। ও যদি স্বাভাবিক নারীই হবে অমন মুখ  
লুকিয়ে রেখেছে কেন? কিসের লজ্জা ওর?’

ইতিমধ্যে সিমত্রিও এগিয়ে এসেছে। পোশাকের হাতায় টান দিয়ে  
অ্যাভেনকে ধামানোর চেষ্টা করলো সে। আর পূজারী অরোস, বিনীত  
ভঙ্গিতে মাথা নুইয়ে বললো, ‘দয়া করে চূপ করুন, অমন অস্তম্ভ কথা  
বলবেন না।’

কিন্তু চূপ করলো না অ্যাভেন। ঘৃণার ছাপ আরো গভীর ভাবে  
এঁটে বসলো তার মুখে। আগের চেয়ে কঠোরস্বরে চিৎকার করলো,  
‘কেন, চূপ করবো কেন? ডাইনী, তোম ঐ কাফন খুলে ফেল, মরা  
লাশই অমন কাপড় পরে থাকে। সাহস থাকে তো মুখ দেখা; আমরা  
বুঝি, সত্যিই তুই কি।’

‘খামুন, আমি মিনতি করছি, খামুন,’ আঙুর বললো অরোস, এখ-  
নও আগের মতো শাস্ত তার গলা। ‘উনি প্রতিনিবি, আর কেউ নন,  
কমতা ওঁরই সাথী।’

‘আমি কালুনের খানিয়া, আমার বিরুদ্ধে ওর কমতা কোনো কাজে  
আসবে না। কমতা, হা! দেখাতে বলো ওর কমতা।’

‘ভাট্ঠি, অ্যাতেন, চূপ করো।’ সম্রাট গলার বললো বন্ধ শামান।  
আতকে শাদা হয়ে গেছে তার মুখ।

আবার কিছু বলার জন্যে মুখ খুললো অ্যাতেন। সঙ্গে সঙ্গে  
বিদ্যাংগতিতে হাত উঁচু করলো। আমাদের পথ-প্রদর্শক, জংলীদের  
পুরোহিতকে যত্নদণ্ড দেয়ার সময় যেমন করেছিলো তেমন এক  
বিন্দু নড়েনি সে, একটা শব্দ করেনি, কেবল হাত উঁচু করেছে, যেন  
ইশারা করছে। অ্যাতেনের হাঁ। মুখটা হাঁ হয়েই বইলো কিছুক্ষণ তার-  
পর ধীরে ধীরে বন্ধ হয়ে গেল।

এদিকে মৃতিকে হাত উঁচু করতে দেখেই ত্রস্তভঙ্গিতে তুহাত তুলেছে  
অরোস। প্রার্থনার সুরে বলছে, ‘ও দয়াময়ী মা, দয়ার সাগর করুণার  
সিন্ধু, তুমি সব শুনেছো, সব দেখেছো, আমি ভিক্ষা চাই তোমার  
কাছে, এই রমণীর উন্নাদসুলভ আচরণ কমা করে দাও দয়া করে।  
শত হলেও ও এই অগ্নি গিরির অতিথি, ওর রক্তে তোমার দাসের হাত  
কলঙ্কিত কোরো না, এ আমার একান্ত মিনতি।’

একটা ব্যাপার খেয়াল করলাম, হাত ওপরে ওঠানো থাকলেও  
অরোসের চোখ ছটো স্থির আমাদের পথ প্রদর্শকের ওপর।

অরোসের প্রার্থনার শুনেই কিনা জানি না, আন্তে আন্তে নামে  
এলো মৃতির হাত। অদৃশ্য কোনো শক্তির প্রভারে যেন খানিয়া  
অ্যাতেন ভয়ানক এক খোঁচা দিলো ঘোড়ার পেটে। মনুষ্যে ঝড়ের  
বেগে ছুটেতে শুরু করলো ঘোড়াটা। শামান দিয়ার ও ঘোড়া ছটিয়ে  
দিলো পেছন পেছন।

আবার রওনা হলাম আমরা। শিখগিরিই খান রাসেনের শব্দ বহন-  
কারী মিছিলটা পেরিয়ে গেলাম। সূর্যের আলোয় ধোয়া উপত্যকার  
ওপর দিয়ে এগিয়ে চলেছি শ্বেতশুভ্র উজ্জল চূড়ার দিকে। কিছুক্ষণ পর

ঘন হয়ে জন্মানো একগুচ্ছ পাইন গাছের কাছে পৌছলাম। পাইনের ছায়ায় পৌছুলো আমাদের পথ-প্রদর্শক, তারপর হঠাৎ, আর দেখলাম না তাকে।

‘কোথায় গেলেন উনি?’ অরোসকে জিজ্ঞেস করলাম, ‘খানিয়ার সাথে বোঝাপড়া করতে?’

‘না!’ মূঢ় হেসে বললো পুরোহিত। ‘আমার ধারণা, হেসার অতিথিরা প্রায় এসে পড়েছেন এই খবর দেয়ার জন্যে এগিয়ে গেছেন উনি।’

আশ্চর্য হলাম জবাবটা শুনে। পাহাড়ের শৃঙ্গ ঢাল উঠে গেছে চূড়া পর্যন্ত, মানুষ দূরে থাক একটা ইঁহরও আমাদের চোখ এড়িয়ে ওখান দিয়ে যেতে পারবে না। ও গেল কি করে? আর কিছু বললাম না আমি। অরোসের পেছন পেছন উঠে যেতে লাগলাম।

বাকি দিনটুকু এক ভাবে উঠে গেলাম আমরা। ক্রমশ তুবায়ের কাছাকাছি হচ্ছি।

সূর্যাস্তের সামান্য আগে চূড়ার তুবায় ছাওয়া এলাকার ঠিক নিচে বিশাল এক প্রাকৃতিক পেয়ালার কাছে এলাম। তলাটার আয়তন কয়েক হাজার একর। পাথর নয়, চমৎকার উর্বরা মাটি দিয়ে গঠিত। ওখানে চাষাবাদ করে মন্দিরের পুরোহিতেরা। চোখ জুড়ানো ফসল ফলে আছে। নিচে থেকে কিছুই দেখা যায় না, পেয়ালার মতো দেখতে উপত্যকাটার অস্তিত্বই টের পাওয়া যায় না। প্রাকৃতিক একটা ফটক দিয়ে ঢুকলাম আমরা সেখানে।

বাগানের মতো সবুজ এলাকা পেরিয়ে ছোট্ট একটা শহরে পৌছলাম। লাভা পাথরে তৈরি সুন্দর ছিমছাম শহরটায় পুঙ্কারীরা থাকে।

উপজাতীরদের কাউকে বা কোনো আগন্তুককে আসতে দেয়া হয় না এখানে।

শহরের প্রধান সড়ক ধরে এগিয়ে উচু একটা পাহাড়ী দেয়ালের কাছে পৌঁছলাম। সামনে বিরাট একটা দরজা। লোহার ভারি পালা-গুলো লাগানো। এখান থেকে বিদায় নিলো আমাদের রক্ষী পুরো-হিতেরা। আমার ঘোড়াটাও নিয়ে গেল ওরা। অরোস, আমি আর লিও কেবল রইলাম।

নিঃশব্দে খুলে গেল বিশাল দরজাটা। বাঁধানো একটা পথ ধরে এগিয়ে চললাম। কিছুক্ষণ পর অনেক উচু আরেকটা দরজার সামনে এলাম। এটাও লোহার। আগেরটার মতো এটাও খুলে গেল নিঃশব্দে, কোনো সংকেত বা নির্দেশ দিতে হলো না বাইরে থেকে। পর মুহূর্তে ভেতরের উজ্জল আলোয় চোখ ধাঁধিয়ে গেল আমাদের।

পাঠক, আপনার দেখা সবচেয়ে বড় গির্জার কথা স্মরণ করুন; তার দ্বিগুণ বা তিনগুণ আয়তনের একটা মন্দিরের ভেতর চূকেছি আমরা। কোনো কালে হয়তো নিছক পাহাড়ী গুহা ছিলো, কে বলতে পারে? কিন্তু এখন এর উচু খাড়া দেয়াল, বিশাল স্তম্ভসমূহে ভর্য করে থাকে ছাদ প্রমাণ করছে হাজার হাজার বছর আগে অগ্নি-উপাসক মানুষদের কি কঠোর পরিশ্রম করতে হয়েছিলো এটা তৈরি করতে।

বিস্ময়কর এক পদ্ধতিতে আলোকিত করা হয়েছে মন্দিরটাকে। মেরু থেকে উঠে এসেছে উচু মোটা অগ্নিস্তম্ভ। আমি গুণে দেখলাম আঠারোটা। নির্দিষ্ট দূরত্ব পর পর দুই সারিতে উজ্জল শাদা আলো বিকীরণ করে ছলছে সেগুলো। ছাদের সামান্য নিচে শেষ হয়েছে অগ্নি-স্তম্ভগুলোর মাথা। কোনো গন্ধ বা ধোঁয়া তৈরি হচ্ছে না।

সবচেয়ে আশ্চর্য, এক বিন্দু তাপ উৎপন্ন হচ্ছে না। বাইরের মতো শীতল পরিবেশ মন্দিরের ভেতরেও। মূহ একটা হিস হিস শব্দ হচ্ছে শুধু।

মন্দির জনশূন্য।

‘আপনাদের এই মোমবাতি কখনো নেভে না?’ জিজ্ঞেস করলো লিও।

‘কি করে নিভবে?’ জবাব দিলো অরোস। ‘এই মন্দিরের নির্মাতারা যার পূজা করতো সেই অনন্ত আগুন থেকে উঠে আসছে ঔণ্ডুলো। শুরু থেকেই জ্বলছে এ আলো, শেষ পর্যন্ত জ্বলবে। তবে ইচ্ছে করলে কিছুক্ষণের জন্যে আমরা বন্ধ করে দিতে পারি কোনো একটা বা সবগুলো। যাক, চলুন, আরো বড় জিনিস দেখার আছে।’

নিঃশব্দে এগিয়ে গেলাম আমরা। অবশেষে মন্দিরের শেষ মাথায় পৌঁছলাম। সামনে একটা কাঠের দরজা, আগেরগুলোর মতোই বিরাট। ডান বাঁ দিকের দুটো গলি মতো চলে গেছে। আমাদের খামতে ইশারা করলো অরোস। একটু পরেই ছ’পাশের গলি থেকে ভেসে এলো সমবেত কণ্ঠে ধর্ম-সংগীত। একবার এদিকে একবার ওদিকে তাকলাম। শাদা আলখাল্লাধারীদের দুটো মিছিল এগিয়ে আসছে আমাদের দিকে।

ধীর পায়ে এগিয়ে আসছে ওরা। ডান দিকের মিছিলটা পূজারীদের, বাঁ দিকেরটা পূজারিনীদের। মোটামুট একশো জন কি তার বেশি হবে। আমাদের সামনে এসে সারি বেধে দাঁড়ালো তারা। পূজারিনীরা দাঁড়ালো পেছনের সারিতে শুচুপ সবাই।

অরোস একটা ইশারা করতেই আবার গেয়ে উঠলো তারা। এবার একটু দ্রুত লয়ের একটা সংগীত। সামনের কাঠের দরজাটা খুলে

গেল। আবার এগোলাম আমরা। তারপর যেমন খুলেছিলো আমাদের পেছনে তেমনি নিঃশব্দে বন্ধ হয়ে গেল দরজা, উপবৃত্তাকার একটা কামরায় পৌঁছলি। এতক্ষণে বুঝলাম, পাহাড়ের চূড়ায় যে আঙুটা-ওয়াল স্তম্ভ আছে সেটার আদলে তৈরি করা হয়েছে মন্দিরটা। দৈর্ঘ্যে প্রায় দুটো সমান। এই কামরায়ও মেঝে থেকে অগ্নি-স্তম্ভ উঠেছে। এছাড়া কামরাটা ফাঁকা।

না, পুরোপুরি ফাঁকা নয়, উপবৃত্তের শেষ প্রান্তে একটা উঁচু চৌকো বেদীমতো। একটু কাছাকাছি হতে দেখলাম, রূপার সন্ন্যাসী মূর্তি দিয়ে তৈরি পর্দা ঝুলছে সেটার সামনে। বেদীর ওপর বসানো রয়েছে বড় একটা রূপার প্রতিমা। অগ্নি-স্তম্ভের উজ্জ্বল আলো তার ওপর পড়ে ঝকঝকিয়ে উঠেছে।

দেখতে সুন্দর হলোও তিনিসটার ঠিক ঠিক বর্ণনা দেয়া চক্কর। মূর্তিটা ডানাওয়ালা পরিণত বয়সের এক মহিমাময়ী রমণীকে প্রতীকায়িত করছে যেন। একটা ডানা বঁকে এসে ঢেকে দিয়েছে সামনেটা। ডানার আড়াল থেকে উঁকি দিচ্ছে একটা বাচ্চা ছেলের মুখ। বাঁ হাতে ধরে আছে নারীমূর্তির এক স্তন, ডান হাতটা উঁচু হয়ে আছে আকাশের দিকে। এক পলক দেখলে যে কেউ বুঝতে পারবে মূর্তিটা মাতৃস্বের প্রতিক্রম।

আমরা যখন যুদ্ধ বিষয়ে দেখছি মূর্তিটা তখন পূজারী আর পূজা-রিনীরা ডানে-বাঁয়ে নড়ে চড়ে নতুন একটা সন্নিবেশ তৈরি করে দাঁড়িয়ে গেছে। একজন পুরুষের পাশে একজন মহিলা এভাবে দাঁড়িয়েছে তারা। গভীর অধঃস্থ হেলা কণ্ঠের গান চলছে। উপবৃত্তাকার কামরাটা এত গড় যে দেয়ালে দেয়ালে প্রতিধ্বনি তুলছে তার আওয়াজ। সব মিলিয়ে গভীর গান্ধীধর্মের একটা পরিবেশ। কথা বলা তো দূরের

কথা, হাত পা নাড়তে পর্যন্ত ভয় হচ্ছে, পাছে অবমাননা হয় এই গাঙ্গীরের। নৈশস্যই যেন এর একমাত্র সাথী, আর সব কিছু এখানে বেমানান।

শেষ পুজারী তার জায়গা নেয়া পর্যন্ত অপেক্ষা করলো অরোস। তারপর কিরলো আমাদের দিকে। মুহূ, বিনীত কণ্ঠে বললো, ‘এবার কাছে আসুন, প্রিয় বিদেশী পথিক, মা-কে প্রণতি জানানু।’

‘কই তিনি?’ কিস কিস করে জিজ্ঞেস করলো লিও। ‘কাউকে ভো দেখছি না।’

প্রতিমার দিকে ইশারা করলো অরোস। ‘হেসা ওখানেই থাকেন।’ তারপর আমাদের ছ’জনের হাত ধরে এগিরে চললো বেদীর দিকে।

যত আমরা এগোচ্ছি ততই ক্রমশ উচুগ্রামে উঠছে পুজারীদের কণ্ঠস্বর। বিশাল শূন্য কামরার পরিবেশ আরো গমগমে হয়ে উঠছে, এমন কি আমার মনে হলো—হয়তো এটা নেহায়েতই মনে হওয়া—অগ্নি স্তম্ভের উজ্জলতাও যেন বেড়ে উঠছে।

অবশেষে আমরা পৌছলাম সেখানে। আমাদের হাত ছেড়ে দিয়ে তিনবার মাটিতে মাথা ঠেকিয়ে প্রণাম করলো অরোস। তারপর উঠে আমাদের পেছনে এসে দাঁড়িয়ে রইলো; মাথা নিচু, আঙুলগুলো ভাঁজ করা। আমরাও দাঁড়িয়ে রইলাম। অরোসের মতোই নিঃশব্দে। আশা-নিরাশার দোলার ছলছে আমাদের হৃদয়। অবশেষে কি সব পরিশ্রমের শেষ হলো?

The Online Library of Bangla Books

**BANGLA BOOK**.ORG

## চোদ্দ

ধীরে ধীরে সরে গেল রূপার পর্দা। একটা কুঠুরি মতো দেখতে পেলাম বেদীর নিচে। সেই কুঠুরির কেন্দ্রস্থলে একটা সিংহাসন। সিংহাসনে আসীন এক মূর্তি। তুষার স্তম্ভ ঢেউ নেমে এসেছে তার মাথা থেকে বাহু ছাড়িয়ে মর্মরের মেঝে পর্যন্ত। বস্ত্রাবৃত হাতে রত্ন-খচিত আংটা ওয়াল দণ্ড—সিসট্রাম।

হঠাৎ কি যে হলো আমাদের, মাটিতে মাথা ঠেকিয়ে প্রণতি জানালাম মূর্তিকে, অরোম যেমন করেছিলো। এবং তারপর সেখানেই বসে রইলাম হাঁটু গেড়ে, মুখ নিচু করে। অনেক অনেকক্ষণ পর ছোট্ট ঘটাগুলোর মূছ টুং টাং আওয়াজ শুনে মুখ তুলে দেখলাম, দণ্ড ধরা হাতটা আমাদের দিকে প্রসারিত। তারপর সরু কিন্তু স্পষ্ট একটা কণ্ঠস্বর, আমার মনে হলো সামান্য যেন কাঁপছে। বিগত গ্রীকে বললো—

‘স্বাগতম পবিত্ররা। অন্য ধর্মাবলম্বী হয়েও দীর্ঘ বক্র পথ পাড়ি দিয়ে এই প্রাচীন দেবারতনে এসেছো, সেজন্য তোমাদের অভিনন্দন। ওঠো, আমাকে ভয় পাওয়ার কিছু নেই। আমিই তো তোমাদের আহ্বান করেছি। সে জন্যে কি দূত এবং ভৃত্যদের পাঠাইনি? তাহলে আর ভয় কেন?’



উঠলাম আমরা। নিঃশব্দে দাঁড়িয়ে রইলাম। কি বলবো বুঝতে পারছি না।

‘আমি তোমাদের অভিনন্দন জানাই,’ আবার শোনা গেল সেই কণ্ঠস্বর। ‘এখন বলো,’—লিওর দিকে ঘুরলো দণ্ডটা—‘কি বলে সম্বোধন করা হয় তোমাকে?’

‘আমার নাম লিও ভিনসি।’

‘লিও ভিনসি! চমৎকার নাম। তোমাকেই মানায়। আর তুমি?’ আমাকে করা হলো প্রশ্নটা।

‘আমি হোরেস হলি।’

‘আচ্ছা। এবার বলো, লিও ভিনসি, হোরেস হলি, কিসের খোঁজে এসেছো এত দূরে?’

একে অন্যের দিকে তাকলাম আমরা। আমি জবাব দিলাম, ‘সে এক আশ্চর্য, দীর্ঘ কাহিনী—কিন্তু আপনাকে কি বলে সম্বোধন করবো আমরা?’

‘যা আমার নাম, হেস।’

‘হ্যাঁ, সে এক দীর্ঘ কাহিনী, হেস।’

‘হোক দীর্ঘ, তবু আমি শুনতে চাই।’ আগেই তার গলায় ‘না, এখনই সবটা নয়, আমি জানি তোমরা ক্লান্ত, এখন কিছুটা বলো, বাকিটা পরে শুনবো। তুমি বলো, লিও, যথাসম্ভব সংক্ষেপে।’

‘পূজাহিনী,’ স্বভাবসুলভ চটপটে ভঙ্গিতে বললো লিও, ‘আপনার আদেশ শিরোধার্য। বহু বছর আগে, আমি যখন যুবক, আমার বন্ধু এবং পালক পিতা হোরেস হলি আর আমি প্রাচীন কিছু তথ্য প্রমাণের ভিত্তিতে বুনো এক দেশে গিয়েছিলাম। সেখানে স্বর্গীয় এক নারীর সাথে সাক্ষাৎ হয় আমাদের। সময়কে জয় করতে সক্ষম হয়ে-

ছিলো সে ।’

‘অর্থাৎ সেই রমণীর বয়স ছিলো বেশি, দেখতেও নিশ্চয় কুৎসিত ?’

‘পূজারিনী, আমি বলেছি, সে সময়কে জয় করেছিলো সহ্য করেছিলো নয় । সে ছিলো অনন্ত যৌবনের অধিকারী, আর সৌন্দর্য ওর তুলনা একমাত্র ও-ই । পৃথিবীর কোনো সৌন্দর্য দিয়েই সে সৌন্দর্যের তুলনা করা চলে না ।’

‘তাহলে, বিদেশী, আর দশটা পুরুষের মতো তুমিও নিছক সৌন্দর্যের খাতিরেই ওকে পূজা করেছো ?’

‘উহু’, আমি ওকে পূজা করিনি, ভালোবেসেছি । প্রেম আর পূজা নিশ্চয়ই এক জিনিস নয় ? পূজারী অরোস আপনাকে পূজা করে, সেজন্যে মা ডাকে । আমি ঐ অনন্ত যৌবনা রমণীকে ভালোবেসেছিলাম ।’

‘তাহলে তো এখনো ওকে তোমার ভালোবাসা উচিত । নইলে বলতে হয়, খাদ ছিলো তোমার প্রেমে ।’

‘আমি এখনো ওকে ভালোবাসি,’ বললো লিও । ‘ও মরে গেছে তবু ।’

‘তা কি করে সম্ভব ? এই না বললে সে অমর ।’

‘এখনো আমি তা-ই বিশ্বাস করি । তবে আমার মানবীয় বোধ হয়তো বুঝতে পারছে না, ভাবছে ও মরে গেছে, হয়তো ও রূপ বদলেছে । মোট কথা, আমি ওকে হারিয়েছি, এবং সেই হারানো ধনই আমি খুঁজে ফিরছি এত বছর ধরে ।’

‘বুঝলাম, কিন্তু আমার পাহাড়ে কেন ?’

‘কারণ এক অলৌকিক দর্শন আমাকে এই পাহাড়ের দৈববাণীর

পরামর্শ নিতে বলেছে। আমার হারানো প্রিয়তমার খবর পাবো সেই আশায় এখানে এসেছি।’

‘আর তুমি, হলি ? তুমিও কি অমন এক অমর নারীকে ভালো-বাসো, যার অমরত্ব মৃত্যুর পায়ে মাথা নোয়ান ?’

‘না, পূজারিণী, আমার দায় অন্যখানে। আমার পালিত পুত্র যে-খানেই যাক আমিও ওর সঙ্গে সঙ্গে যাই। ও সৌন্দর্যের পেছনে ছুটছে, আমি ওর—’

‘তুমি ওর পেছন পেছন ছুটছো। তার মানে তোমরা হুঁজন যুগ যুগ ধরে মানুষ অশ্বের মতো, পাগলের মতো, যা করেছে তাই করছো— সৌন্দর্যের পেছনে ছুটছো।’

‘না,’ আমি বললাম, ‘ওরা যদি অন্ধ হতো সুন্দরকে দেখতে পেতো না, আর পাগল হলে বুঝতে পারতো না কোন্টা সুন্দর কোন্টা অসুন্দর। জ্ঞান এবং চোখ দুটোই স্বাভাবিক মানুষের আয়ত্বাধীন অমু-ক্তব।’

‘হঁ, বেশ শুছিয়ে কথা বলতে পারো তুমি, হলি, অনেকটা সেই—’  
ধেম্বে গেল সে। তারপর হঠাৎ জিজ্ঞেস করলো, ‘আচ্ছা, আমার দাসী কালুনের খানিয়া তোমাদের বধ্যাযথ সমাদর করেছে তো ? যেমন নির্দেশ দিয়েছিলাম সেই মতো এখানে আসার ব্যবস্থা করে দিয়েছিলো ?’

‘আমরা জানতাম না ও আপনার দাসী,’ বললাম আমি। ‘সমাদর ? হ্যাঁ, তা পেয়েছি মোটামুটি। তবে এখানে আসার ব্যাপারে ওর চেয়ে ওর স্বামী, খানের মরণ-খাপদগুলোর অবদান বেশি। আচ্ছা, পূজা-রিণী, আমাদের আসা সম্পর্কে কি জানেন আপনি ?’

‘ধুব বেশি কিছু না,’ তাক্কিলোর সঙ্গে জবাব দিলো সে। ‘তিন

টাদেও কয়েকদিন আগে আমার গুপ্তচররা তোমাদের দেখতে পার  
দূরের ঐ পাহাড়ে। এক রাতে লুকিয়ে লুকিয়ে তোমাদের ডাবুর খুব  
কাছে গিয়ে তোমাদের ভ্রমণের উদ্দেশ্য সম্পর্কে জানতে পারে।  
তারপরই ঝটপট করে এসে আমাকে জানায় সব। তখন আমি খানিয়া  
আ্যাভেন আর তার যাত্রকর চাচাকে নির্দেশ দিই কালুনের প্রাচীন  
রাজ্যভোরণের কাছে গিয়ে যেন অপেক্ষা করে এবং তোমরা পৌছলে  
সমাদরের সাথে অভ্যর্থনা জানিয়ে দ্রুত এখানে পাঠানোর ব্যবস্থা  
করে। কিন্তু দেখছি কালুন থেকে এপর্যন্ত আসতে তোমাদের তিন  
মাসেরও বেশি লেগে গেছে।’

‘যথাসম্ভব দ্রুত আসার চেষ্টা করেছি আমরা,’ বললো লিও ;  
‘আপনার গুপ্তচররা যখন ঐ দূরের পাহাড়ে গিয়ে আমাদের আসার  
সংবাদ জানতে পারে আমাদের দেরি হওয়ার কারণও নিশ্চয়ই তারা  
বলতে পারবে। আমার প্রার্থনা, এ সম্পর্কে আর কিছু জিজ্ঞেস কর-  
বেন না আমাদের।’

‘হ্যাঁ, আমি আ্যাভেনকেই জিজ্ঞেস করবো,’ শীতল গলায় জবাব  
দিলো হেসা। ‘অরোস, খানিয়াকে নিয়ে এসো এখানে। তাতাতাড়ি  
করবে।’

ঘুরে দাঁড়িয়ে চলে গেল পুরোহিত প্রধান।

আমার দিকে তাকালো লিও। ইংরেজিতে বললো, ‘এখানে আসা  
ঠিক হয়নি। এবার বোধহয় ঝামেলা হবে।’

‘আমার মনে হয় না। যদি হয়-ও বাস্তবিক ভেতর দিয়ে সত্য-ই  
বেরিয়ে আসবে।’ তারপরই খেমে গেলো আমি। মনে পড়লো,  
পাহাড়ে থাকতে ইংরেজি ছাড়া আর কিছু বলিনি আমরা। তবু  
সামনে বসে এই অদ্ভুত মহিলার চরিত্র আমাদের কথা বুঝেছিলো।

এই মহিলাও নিশ্চয়ই বোঝে ।

এক সেকেণ্ড পরেই আমার কথা সত্যি প্রমাণিত হলো ।

‘তুমি অভিজ্ঞ লোক, হলি,’ বললো সে, ‘ঠিকই বলেছো, ঝামেলা থেকেই সত্য বেরিয়ে আসে ।’

দরজা খুলে গেল । কালো পোশাক পরা একদল মানুষ ঢুকলো প্রায় বৃষ্টিকার কামরায় । পুরোভাগে রয়েছে শামান সিমাত্রি । তার পেছনেই খানের শববাহী খাটিয়া বয়ে আনছে আটজন পুজারী । তারপর খানিয়া অ্যাতেন, মাথা থেকে পা পর্যন্ত কালো আলখাল্লায় মোড়া । সবশেষে আরেক দল পুজারী । বেদীর সামনে নামিয়ে রাখা হলো খাটিয়াটা । পুজারীরা পিছিয়ে গেল । অ্যাতেন আর তার চাচা কেবল রইলো মৃতদেহের কাছে ।

‘আমার দাসী, কালুনের খানিয়া কি চায় ?’ শীতল কণ্ঠে প্রশ্ন করলো হেমা ।

এগিয়ে হাঁটু গেড়ে বসলো অ্যাতেন । প্রণাম করলো, তবে খুব বিনীত ভঙ্গিতে নয় ।

‘মা, আমার পূর্ব-পুরুষদের মতো আমিও এসেছি আপনার চরণে আমার ভক্তি নিবেদন করতে,’ আবার প্রণাম করলো সে । ‘মা, এই মরা মানুষটা আপনার এই পবিত্র পাহাড়ের আগুনে সমাহিত হওয়ার অধিকার চায় ।’

‘এটা আবার চাওয়ার কি হলো ? যুগ যুগ ধরে তো এ নিয়মই চলে আসছে, খান পরিবারের সদস্যরা মারা যাওয়ায় এখানে সমাহিত হওয়ার অধিকার লাভ করে । তোমার মৃত স্বামীর বেলায় ব্যতিক্রম হবে কেন ? যখন সময় আসবে তোমার বেলায়-ও হবে না ।’

‘ধন্যবাদ, ও হেস, আমার প্রার্থনা, নির্দেশটা লিখিতভাবে রাখা হোক। বয়সের তুমার স্তরে স্তরে জমেছে আপনার পূজনীয় দেহের ওপর। শিগগিরই হয়তো সাময়িকভাবে আমাদের ছেড়ে বিদায় নেবেন আপনি। তারপর নতুন যে হেসা আমাদের শাসন করবেন তাঁর সময়ে যেন এর অন্যথা না হয়।’

‘ধামো!’ গর্জে উঠলো হেসা। ‘বন্ধ করো তোমার এই লাগাম-হীন কথাবার্তা! নির্বোধ, কার সামনে বসে কি বলছো খেয়াল নেই? সৌন্দর্য আর যৌবন নিয়ে তোমার যে অহঙ্কার তা কালই আগুনের বোরাক হতে পারে জানো না? বাজে কথা রেখে বলো, কি করে মরেছে তোমার স্বামী?’

‘ঐ বিদেশীদের জিজ্ঞেস করুন।’

‘আমি ওকে হত্যা করেছি,’ বললো লিও। ‘প্রাণ বাঁচানোর তাগিদে এ কাজ করতে হয়েছে। আমাদের ওপর ও হিংস্র কুকুরের পাল লেলিয়ে দিয়েছিলো। এই যে তার প্রমাণ,’ আমার হাতের দিকে ইশারা করলো ও। ‘পূজারী অরোসও জানেন, উনি ঐ ক্ষত চিকিৎসা করেছেন।’

‘কি করে এ সম্ভব?’ অ্যাভেনের দিকে ফিরে জিজ্ঞেস করলো হেসা।

‘আমার স্বামী উন্মাদ ছিলো,’ দৃঢ় গলায় বললো লিনিয়া। ‘নিষ্ঠুর হলেও ব্যাপারটাকে ও খেলা হিসেবে নিয়েছিলো।’

‘আচ্ছা! তোমার স্বামী বোধহয় একটা উষাকাতরও হয়ে উঠেছিলো, তাই না? উহঁ, মিথ্যে বলার চেষ্টা করো না। লিও ভিনসি, তুমি বলো—না, যে নারী তোমার কাছে প্রেম নিবেদন করেছে তার সম্পর্কে তোমাকে জিজ্ঞেস করবো না। হলি, তুমি বলো, সত্যি বলবে।’

খানিয়া অ্যাতেন আর শামান সিমরি আমাদের উদ্ধার করার পর থেকে এ-পর্যন্ত যা যা ঘটেছে সংক্ষেপে বলে গেলাম আমি। নিঃশব্দে শুনলো হেসা। তারপর বললো—

‘বলছো, খানিয়া তোমার পালিত পুত্রের প্রেমে পড়েছিলো। কিন্তু পালিত পুত্রের অবস্থা কি? ও প্রেমে পড়েনি?’

‘তা আমি সঠিক বলতে পারবো না। তবে যতটুকু জানি, খানিয়ার হাত থেকে মুক্তি পাওয়ার জন্যে পাগল হয়ে উঠেছিলো লিও।’

‘হঁ। দাসী অ্যাতেন! কি বলার আছে তোমার?’

‘সামান্য,’ জবাব দিলো, অ্যাতেন, একটু কাঁপছে না ওর গলা। ‘ঐ পাগল বর্বরটার সাথে থাকতে থাকতে হাঁপিয়ে উঠেছিলাম। এমন সময়ে এই বিদেশী এলো। একে অন্যকে দেখলাম আমরা। তারপর প্রকৃতির খেলায়, আমি কি করবো?—পরস্পরের প্রতি আসক্ত হলাম দু’জন। পরে র্যাসেনের প্রতিশোধের ভয়ে কালুন ছেড়ে পালানোর চেষ্টা করে ওরা। নেহায়েত দৈবক্রমেই এদিকে চলে এসেছিলো। এটুকুই আমার বক্তব্য। এবার দর্য করে অনুমতি দিন, বিশ্বাস নিতে যাই, ভীষণ ক্লান্ত বোধ করছি।’

‘দাঁড়াও, অ্যাতেন!’ কঠোর কণ্ঠে বললো হেসা। ‘তুমি বলছো, প্রকৃতির খেলায় তুমি আর ঐ লোকটা একে অন্যের প্রেমে পড়েছিলে। ওর বুকের কাছে ছোট্ট একটা খলেতে এক গোছা চুল আছে, বলো, সেটা কি তোমার প্রেমের নিদর্শন?’

‘ওর বুকের কাছে কোনো খলে আছে কিনা বা সেই খলেতে কোনো কিছু লুকানো আছে কিনা, আমি জানি না,’ শাস্ত নিরাবেগ গলায় বললো খানিয়া।

‘তোমার ভোরণ-গৃহে যখন অসুস্থ হয়ে পড়েছিলো তখন ও ঐ

গোছাটা তোমার চুলের সাথে মিলিয়ে দেখেনি বলতে চাও ?—ভালে; করে মনে করে দেখ ।’

‘ওহ । আমাদের সব গোপন কথা ফাঁস করে দিয়েছে ।’ ঘণার দৃষ্টিতে লিঙর দিকে তাকালো সে । ‘যা হোক অনেক পুরুষই প্রেমদীর স্মৃতিচিহ্ন বুক করে রাখতে চায়, ও-ও রেখেছে ।’

‘এ সম্পর্কে আমি ঠুকে কিছুই বলিনি, খানিয়া ।’ ক্রুদ্ধকণ্ঠে বললো লিঙ ।

‘না, তুমি বলোনি ; আমার অলৌকিক ক্ষমতাই আমাকে জানিয়েছে । নিজেই তুমি কি মনে করো, অ্যাভেন ? সর্বস্ব, সর্বদর্শী হেসার কাছে সত্য গোপন করবে, এতই সহজ ? আমি সব জানি, অ্যাভেন, বিদেশীরা অসুস্থ বলে মিথ্যা সংবাদ দিয়েছিলে আমাকে, আমার অতিথিদের বন্দী করেছিলে, যে তোমার প্রেম প্রত্যাখ্যান করেছিলো তার কাছ থেকে জোর করে ভালোবাসা আদায় করতে চেয়েছিলে ।’ খামলো হেসা । তারপর হিম শীতল কণ্ঠে বলে গেল, ‘তোমার পাপের পেয়লা পূর্ণ হয়েছে, অ্যাভেন । এত কিছুর পরও আমার আশ্রমে, আমার সামনে বসে মিথ্যা বলেছো তুমি ।’

‘হলোই বা, তাতে কি ?’ তাচ্ছিল্যের সাথে বললো খানিয়া । ‘আপনি নিজে কি ঐ লোকটাকে ভালোবাসেন ? না, সে-তো দানবীর ব্যাপার । উহু’, হেস, অত রেগে যাবেন না, আপনার অশুভ ক্ষমতার কথা আমি জানি, এ-ও জানি আমি আপনার অতিথি, অতিথির রক্তে আপনার হাত আপনি কলঙ্কিত করবেন না । তাছাড়া, আমার ধারণা, আমার ক্ষতি করা আপনার সাধারণ বাইরে । অতিলৌকিক ক্ষমতার দিক থেকে আমি আপনি হুজুনই সমান ।’



‘অ্যাভেন,’ মাথা গলায় জবাব দিলো হেস, ‘ইচ্ছে করলে এমুহূর্তে তোমাকে ধ্বংস করতে পারি। তবে, তুমি ঠিকই বলেছো, করনো না। কিন্তু এই অভিযিদের সম্পর্কে আমার স্পষ্ট নির্দেশ থাকে। সন্তেও তা লঙ্ঘন করার সাহস দেখালে কি করে?’

‘তাহলে শুনুন,’ স্পর্ধা, ব্যস্ত সব দূর হয়ে গেছে অ্যাভেনের গলা থেকে। ওর অন্তর থেকে যেন উঠে এলো কথাগুলো। ‘আমি আপনার নির্দেশ অমান্য করেছি কারণ, ঐ মানুষটা আপনার নয়, আমার, এবং একমাত্র আমার, অন্য কোনো নারীর নয়। আমি ওকে ভালোবাসি, জন্ম-জন্মান্তর ধরে ভালোবাসি। ই্যা, আমাদের আত্মা প্রথম যখন দেহের খাঁচায় বন্দী হয়েছে তখন থেকেই আমি ওকে ভালোবাসি, যেমন ও ভালোবাসে আমাকে। আমার হৃদয় আমাকে বলেছে একথা, আমার চাচার ঐলজ্জালিক ক্রমতা আমাকে বলেছে একথা, যদিও কখন, কোথায় এ প্রেমের সূচনা তা আমি জানি না। জানার জন্যেই এসেছি আপনার কাছে, মা। অতীতের কোনো রহসাই আপনার অজ্ঞাত নয়, আপনি বলুন, সত্য প্রকাশ করুন। জানি নিজের বেদীতে বসে আপনি মিথ্যে বলতে পারবেন না। জবাব দিন আমার প্রশ্নের—কে এই লোক? কেন ওকে দেখার সঙ্গে সঙ্গে আমার অন্তর ধেয়ে গেছে ওর দিকে? অতীতে ওর সঙ্গে আমার কোনো সম্পর্ক ছিলো? আপনার কাছে কেন এসেছে ও? বলুন, ও মহিমাময়ী মা, সব গোপনীয়তার অবসান হোক। আমি আদেশ করছি, বলুন, পরে আমাকে হত্যা করতে চান করবেন, কিন্তু আগে সত্য প্রকাশ করুন।’

‘ই্যা, বলুন। বলুন।’ অ্যাভেন ক্রমতাই বলে উঠলো লিও। ‘আমিও জানতে চাই। আশা-নিরাশায় হাবুডুবু খাচ্ছে আমার মন, আমাকেও ভাড়িয়ে নিয়ে বেড়াচ্ছে স্মৃতি। বলুন আপনি।’

আমিও প্রতিধ্বনি করলাম, 'বলুন!'

চুপ করে আছে হেসা। একটা ছোটো করে সেকেণ্ডে পেরিয়ে যাচ্ছে।

'লিও ভিনসি,' অবশেষে বললো সে, 'তোমার কি মনে হয়? আমি কে হতে পারি?'

'আমার বিশ্বাস,' শাস্ত গলায় জবাব দিলো লিও, 'তুমি আয়শা। কোর এর গুহায় ছ'হাজার বছরেরও বেশি আগে যার হাতে আমি নিহত হয়েছিলাম সেই আয়শা। হ্যাঁ, আমার বিশ্বাস, তুমি আয়শা। কোর-এর সেই একই গুহায় বিশ বছর আগে আবার ফিরে আসার শপথ নিয়ে যাকে মারা যেতে দেখেছিলাম সেই আয়শা তুমি।'

তুনে খুব মজা পেলো যেন খানিয়া। বললো, 'শোনো পাগল কি বলে! বিশ বছর নয়, আশি ঐশ্ব আগে আমার দাদা, তখন উনি যুবক, মায়ের এই সিংহাসনে বসে থাকতে দেখে গিয়েছিলেন এই পূজারিণীকে।'

'তোমার কি মনে হয়, হলি? আমি কে হতে পারি?' অ্যাভেনের কথা যেন তুনেতেই পায়নি এমন ভঙ্গিতে জিজ্ঞেস করলো হেসা।

'লিওর যা বিশ্বাস আমারও তাই। অবশ্য, আসলে আপনি কি তা একমাত্র আপনিই বলতে পারেন।'

'হ্যাঁ, আমিই বলতে পারি আসলে আমি কি। কালি ঐ মৃতদেহ সংকারের জন্যে যখন উপরে নিয়ে যাওয়া হবে তখন এ নিয়ে আবার আলাপ করবো আমরা। ততক্ষণ তোমরা বিশ্বাস নাও, আর প্রস্তুতি নাও সেই ভয়ঙ্কর সত্যের মুখোমুখি হওয়ার।'

হেসার কথা শেষ হওয়ার আগেই, কুপালী পর্দা সরে এলো আগের জায়গায়। কালো পোশাক পরা খুরোহিতরা ঘিরে ধরলো অ্যাভেন আর তার চাচা শামানকে। মন্দির থেকে বেরিয়ে গেল তারা। পূজারী-

প্রধান অরোস ইশারায় তার পেছন পেছন যেতে বললো আমাদের। আমরাও বেরিয়ে এলাম মন্দির থেকে। অন্য পূজারী পূজারিণীরাও বেরিয়ে এলো। কেবল খান রাসেনের মৃতদেহ পড়ে রইলো যেখানে ছিলো সেখানে।

চমৎকার আসবাবপত্র সজ্জিত একটা বাড়িতে আমাদের নিয়ে এলো অরোস। অদ্ভুত এক পানীয় খেতে দিলো। স্বপ্নাচ্ছন্নের মতো বিনা প্রতিবাদে খেয়ে নিলাম আমি আর লিও। তারপর আর কিছু মনে নেই।

ঘুম ভাঙতে দেখলাম, বিছানায় শুয়ে আছি। চমৎকার স্বপ্নেরে লাগছে শরীর। এখনো রাত শেষ হয়নি। তার মানে খুব বেশিক্ষণ হয়নি ঘুমিয়েছি। পাশ ফিরে আবার ঘুমানোর চেষ্টা করলাম। কিন্তু ঘুম এলো না। কিছুক্ষণ এপাশ ওপাশ করার পর মনের ভেতর ভীড় করে এলো একরাশ চিন্তা। বিশেষ করে হেসার শেষ কথাগুলো—  
'প্রস্তুতি নাও ভয়ঙ্কর সত্যের মুখোমুখি হওয়ার।'

কি সেই ভয়ঙ্কর সত্য? যদি দেখা যায় ও আয়শা নয়, সত্যি ভয়ঙ্কর কিছু, তাহলে? শেষ দিকে অত মনোবল কোথায় গেলো খানিয়া? ভাবতে ভাবতে উঠে বসলাম আমি। দেখলাম, একটা মূর্তি এগিয়ে আসছে। চিনতে পারলাম। অরোস।

'অনেক ঘুমিয়েছেন, বন্ধু হলি,' সে বললো, 'এবার উঠুন, তৈরি হয়ে নিন।'

'অনেক ঘুমিয়েছি। এখনো দেখছি অন্ধকার রয়েছে।'

'বন্ধু, এ অন্ধকার নতুন একটা রাতের। পুরো একরাত একদিন ঘুমিয়েছেন আপনি।'

'আচ্ছা, একটা কথা—' শুরু করলাম আমি।

'না, বন্ধু, কোনো কথা নয়। আমি কিছুই বলবো না। এখন খানের

অস্বাভাবিকক্রিয়ায় যোগ দেবেন, সেখানে ভাগ্যে থাকলে আপনার প্রশ্নের জবাব পেয়ে যেতেও পারেন।’

দশ মিনিট পরে খাওয়ার ঘরে নিয়ে গেল আমাকে অরোস। দেখলাম, লিও আগে থাকতেই সেখানে বসে আছে। ওকে কাপড়-চোপড় পরিয়ে এখানে রেখে আমার কাছে গিয়েছিলো পূজারী-প্রধান। খাওয়া শেষে বেরিয়ে এলাম ঘর থেকে।

প্রথমেই মন্দিরে নিয়ে এলো আমাদের অরোস। অগ্নি-স্তম্ভে আলোকিত দীর্ঘ কামরা পেরিয়ে উপবৃত্তাকার কক্ষে এলাম। একদম ফাঁকা এখন জায়গাটা। এমন কি ধানের স্তূভদেহটাও নেই। বেদীর ওপর প্রতিমা তেমনই আছে কিন্তু নিচের কুঠুরিতে কিছু নেই। রূপালী পর্দা খোলা।

‘স্তুতকে সম্মান দেখানোর জন্যে চলে গেছেন মা। প্রাচীনকাল থেকেই চলে আসছে এ রীতি,’ ব্যাখ্যা করলো অরোস।

বেদীর ওপর উঠলাম আমরা। প্রতিমার পেছনে একটা দরজা দেখতে পেলাম। দরজার ওপাশে একটা গলি। তার শেষে বড় একটা কামরা। কামরার চার দেয়ালে অনেকগুলো দরজা। সেগুলো দিয়ে ঢোকা যায় বিভিন্ন কক্ষে। অরোস জানালো, হেসা তার পরিচারিকাদের নিয়ে বাস করেন ঐ কক্ষগুলোয়।

গলির শেষে কামরায় পৌঁছে দেখলাম ছ’জন পূজারী বসে আছে। প্রত্যেকের বগলে কয়েকটা করে মশাল অগ্নি হাতে একটা প্রদীপ।

‘অন্ধকারের ভেতর দিয়ে যেতে হবে আমাদের,’ বললো অরোস। দিন হলে বাইরের তুষার ছাওয়া ঠাল বেয়ে যাওয়া যেতো, রাতে ওখান দিয়ে যাওয়া বিপদ জনক।’

এক পূজারীর কাছ থেকে তিনটে মশাল নিয়ে ছাললো সে। দুটো আমাদের দু জনের হাতে দিয়ে তৃতীয়টা রাখলো নিজের কাছে। কামরার শেষ প্রান্তের একটা দরজা খুললো অরোস। অন্ধকার একটা সুড়ঙ্গ দেখা গেল। মুছ ঢালে পেঁচিয়ে পেঁচিয়ে উঠে গেছে ওপর দিকে। মশাল হাতে উঠতে শুরু করলাম আমরা। প্রায় একঘণ্টা ওঠার পর দীর্ঘ এক সিঁড়ির গোড়ায় পৌঁছলাম।

লিওর দিকে তাকালো অরোস। মাথা মুইয়ে অভ্যস্ত বিনীতভাবে বললো, 'এবার একটু বিশ্রাম নিয়ে নিন, প্রভু, এই সিঁড়ি বেয়ে অনেকদূর উঠতে হবে। এখন আমরা পাহাড়ের চূড়ার ঠিক নিচে রয়েছি। আংটাওয়াল! স্তম্ভে উঠবো এবার।'

বসে রইলাম আমরা। সুড়ঙ্গের ফাঁক-ফোকর দিয়ে ঠাণ্ডা বাতাস আসছে। মশালের শিখা কেঁপে কেঁপে উঠছে। মেঘ গর্জনের মতো অদ্ভুত গুরু গুরু একটা আওয়াজ স্তম্ভে পাচ্ছি একটু পর পরই। অরোসকে জিজ্ঞেস করলাম, ওটা কিসের শব্দ। সে বললো, অগ্নি-গিরির ছালামুখ থেকে খুব দূরে নেই আমরা। নিরেট পাথর ভেদ করে ভেসে আসছে অনন্ত আগুনের শব্দ।

কিছুক্ষণ বিশ্রাম নিয়ে উঠতে শুরু করলাম আমরা। উঠছি—উঠছি—উঠছি—শেষই হয় না সিঁড়ি। প্রায় এক ফুট উঠে একেইটা ধাপ। পেঁচিয়ে পেঁচিয়ে উঠে গেছে স্তম্ভের ভেতর দিয়ে। কয়েক মিনিটের ভেতর হাঁপাতে শুরু করলাম। আবার বিশ্রাম নিলাম আবার উঠলাম, তারপর আবার বিশ্রাম এবং আবার ওঠা। পুরো ছয়শো ধাপ টপকে স্তম্ভের মাথায় পৌঁছলাম। কিছু শেষ হলো না ওঠা। আংটার ভেতর দিয়েও উঠে গেছে সিঁড়ি। আবার ধানিককণ বিশ্রাম নিয়ে উঠে চললাম আমরা। অবশেষে আলো দেখতে পেলাম সামনে। আর

বিশটা ধাপ টপকাতেই উঠে এলাম একটা মঞ্চ মতো জায়গায়।

আংটার একেবারে মাথায় উঠে এসেছি আমরা। আশি ফুট লম্বা ত্রিশ ফুট চওড়া সমতল জায়গাটা। মাথার ওপর নক্ষত্রখচিত আকাশ। শেঁ শেঁ শব্দে বাতাস বইছে। প্রবল তার বেগ। মনে হচ্ছে উড়িয়ে নিয়ে যাবে। দক্ষিণে বিশ হাজার ফুট বা তারও নিচে অস্পষ্টভাবে দেখতে পাচ্ছি কালুনের সমভূমি। পূব এবং পশ্চিমে দূরে তুষার ছাওয়া পাহাড়শ্রেণী। এবং সবচেয়ে ভয়ঙ্কর, আমাদের ঠিক নিচে আগ্নেয়-গিরির প্রকাণ্ড ঝালামুখটা। প্রশস্ত একটা আগুনের হুদ। টগবগ করে বৃদবৃদ উঠছে। নানান রঙের নানান চেহারার ফুলঝুরি তুলে ফাটছে একেকটা বৃদবৃদ। আবার নতুন করে তৈরি হচ্ছে আরেকটা।

আতঙ্কে হাত পা হিম হয়ে আসতে চাইছে আমার। কৃৎপিণ্ডের গতি দ্রুত হয়ে গেছে। হাঁটু গেড়ে বসে পড়লাম। লিওকেও তিংকার করে বললাম আমার মতো করতে। এবার অনেকটা শান্তি পাচ্ছি। ঘাড় ঘুরিয়ে তাকালাম চারপাশে। কিন্তু কিছুই দেখতে পেলাম না— না মা হেসাক্তে না খানিয়া অ্যাতেনকে না তার মৃত স্বামীকে। অরোস আর তার সঙ্গী ছয় পুরোহিত নিবিকার দাঁড়িয়ে আছে।

কোথায় হতে পারে ওরা ভাবছি, এমন সময় পূজারীরা ঘিরে ধরলো আমাদের। ভয়ের লেশমাত্র নেই তাদের আচরণে। ধরে ধরে মঞ্চের তিনারে নিয়ে গেল ওরা আমাদের। একটা সিঁড়ি দেখতে পেলাম মশালের নিভু নিভু আলোতে। কয়েক ধাপ নিচে নামতেই লক্ষ্য করলাম আগের মতো উন্মুক্ত জায়গায় আর নেই আমরা। বাতাসের গর্জন এখন মাথায় ওপরে। আরো বিশ পা মতো এগোলাম। মাথার ওপর ছাদ দেখতে পেলাম। প্রাচীনকালের সেই অগ্নি-উপাসকরা বানিয়েছিলো বোধহয়। ছাদের নিচে তিন দিকে দেয়াল,

একটা দিক উন্মুক্ত, যেদিক থেকে আমরা এসেছি সেদিকটা। তিন দেয়ালওয়ালা বড়সড় একটা কামরা যেন। আগ্নেয়গিরির গভীর থেকে উঠে আসা... আগুন লাল পর্দার মতো মেলে আছে পেছনে। সেই আলোয় আলোকিত কামরাটা।

এবার মানুষজন দেখতে পেলাম। পাথর কুঁদে বসানো একটা চেয়ারে বসে আছে হেসা। গাঢ় লাল রঙের কারু কাজ করা একটা পোশাক তার পরনে। আগের মতোই মাথা থেকে পা পর্যন্ত ঢাকা। একটু দূরে দাঁড়িয়ে খানিয়া অ্যাভেন আর তার চাচা, বৃদ্ধ শামান। সব শেষে খান র্যাসেন, শুয়ে আছে তার অস্তোষ্টি শয্যায়।

এগিয়ে গিয়ে মাথা মুইয়ে সম্মান জানালাম আমরা। আবরণে ঢাকা মুখটা উঁচু করলো হেসা। আমাদের দিকে চোখ রেখেই অরোসকে বললো, 'তাহলে নিরাপদে নিয়ে আসতে পেরেছো ওদের! অতিথিরা কেমন মনে হচ্ছে হেম-এর সস্তানদের সমাধি গুহা?'

'আমাদের ধর্মে নরক বলে একটা জায়গার কথা বলা হয়েছে,' জবাব দিলো লিও, 'আমার ধারণা সেটা এমনই দেখতে।'

'না, না, নরক বলে কিছু নেই,' বললো হেসা। 'ওগুলো সব মন-গড়া কথা। লিও ভিনসি, নরক বলে সত্যিই যদি কিছু থেকে থাকে তা আছে এই পৃথিবীতেই, এখানে।' হাত দিয়ে বুকের ওপর টোকা দিলো সে। আবার কুলে পড়লো তার মুখ, গভীর ভাবে কিছু যেন ভাবছে।

বেশ কিছুক্ষণ ওভাবে রইলো সে। তারপর আবার মুখ তুললো।

'মাকরাত পরিণে গেছে। অনেক কাজ, অনেক ভোগান্তি সামনে, সব ভোরের আগে শেষ করতে হবে। হ্যাঁ, আধার সরিয়ে আলো আনতে হবে, নয়তো আলো সরিয়ে অনন্ত অন্ধকার।'

‘রাজকীয় নারী,’ অ্যাভেনকে সম্বোধন করে বলে চললো হেসা,  
‘মৃত স্বামীকে নিয়ে এসেছো তুমি, পবিত্র আগুনে সমাহিত হওয়ার  
অধিকার আছে ওর। কিন্তু তার আগে, অরোস, আমার পুজারী,  
অভিযোগকারী আর এই মৃতের পক্ষ সমর্থনকারী— দুজনকে ডাকো ;  
খাতা খুলতে বলো।

‘মৃত্যু সভার কাজ শুরু হচ্ছে।’

## গনৈরো

মাথা নুইয়ে চলে গেল অরোস। হেসা ইশারায় তার ডান পাশে গিয়ে  
দাঁড়াতে বললো আমাদের, অ্যাভেনকে বাঁ পাশে। একটু পরেই ছ’পাশ  
থেকে পুজারী পুজারিনীর দুটো দল ঢুকলো ঘরে। সংখ্যায় প্রায় পঞ্চাশ  
জন। মস্তকাবরণ প্রত্যেকের মাথায়। দেয়ালের কোল ঘেঁষে সারি দিয়ে  
দাঁড়িয়ে গেল তারা। তারপর ঢুকলো কালো আলখাল্লা পরা দুটো  
মুতি, মুখে মুখোশ আঁটা, হাতে একটা করে পার্চমেন্টের বাধানো  
খাতা। মৃতদেহের ছপাশে দাঁড়ালো তারা। আর অরোস পায়ের  
কাছে, হেসার দিকে মুখ।

হাতের মিসট্রামটা উঠু করলো হেসা। অমূল্য ভূত্যের মতো কথা  
বলে উঠলো অরোস—

‘খাতা খোলা হোক।’

মৃতদেহের ডান পাশে দাঁড়ানো অভিযোগকারী সীলমোহর ভেঙে



খাতা খুলে পড়তে শুরু করলো। মৃত মানুষটার পাপের বিবরণী লেখা তাতে। জন্ম থেকে মৃত্যুর আগ পর্যন্ত মত চুক্তি করেছে র্যাসেন, তার ফিরিস্তি দিয়ে গেল কালো পোশাক পর', মুখে মুখোশ আটা লোকটা।

আশ্চর্য হয়ে শুনলাম আমি। জন্মের পরমুহূর্ত থেকে লোকটার ওপর কিভাবে নজর রাখা হয়েছে বুঝতে পেরে বিষয়ে ধ হয়ে গেলাম। সবশেষে আমাদের হত্যা করার জন্যে কি ভাবে মরণ-শাপদ নিয়ে তাড়া করেছিলো খান তা পড়লো লোকটা। তারপর খাতা বন্ধ করে মাটিতে রাখতে রাখতে বললো—

‘এই হলো বিবরণ। এবার, মা, আপনার প্রজ্ঞা দিয়ে বিচার করুন।’

কোনো কথা বললো না হেসা। সিসট্রাম উচু করে পক্ষ সমর্থনকারীকে ইশারা করলো। খাতার সীলমোহর ভেঙে পড়তে শুরু করলো সে।

মৃত খান জীবনে কি কি ভালো কাজ করেছে তার বিবরণ দিয়ে গেল লোকটা। খারাপ কাজ যেগুলো করেছে, কেন করেছে তারও ব্যাখ্যা দিলো। স্ত্রী কিভাবে তাকে প্রতারণিত করেছে, কিভাবে মদে ওষুধ মিশিয়ে পাগল করা হয়েছে সব।

পড়া শেষ করে সমর্থনকারীও খাতাটা মাটিতে নামিয়ে রাখলো। বললো—

‘এই হলো বিবরণ। এবার, মা, আপনার প্রজ্ঞা দিয়ে বিচার করুন।’

এতক্ষণ শাস্ত, নিরাবেগ মুখে শুনেছে খানিরা এবার সামনে এগিয়ে গেল কথা বলার জন্যে। পেছন পেছন গেল তার চাচা শামান

সিমরি। কিন্তু অ্যাভেনের মুখ থেকে একটা কথাও বেরোনোর সুযোগ দিলো না হেসা। সিসট্রায় তুলে নিষেধ করলো। বললো—

‘উহু’, তোমার বিচারের দিন এখনো আসেনি। গণন আগসে তোমার পক্ষ সমর্থনকারী তোমার হয়ে বলবে যা বলার।’

‘ঠিক আছে,’ ঝাঁক মেশানো গলায় বলে পেছনে সরে এলো অ্যাভেন।

এবার পূজারী-প্রধান অরোসের পালা। ‘মা,’ শুরু করলো সে, ‘আপনি সব শুনেছেন। এবার আপনার প্রজ্ঞা, আপনার জ্ঞান দিয়ে বিশ্লেষণ করে রায় দিন; পা নিচে দিয়ে আগুনে ধাবে র্যাসেন, যাতে আবার ও জীবনের পথে হাঁটতে পারে; নাকি মাথা নিচে দিয়ে, যার অর্থ চিরতরেই মারা গেছে ও?’

নীরবতা। অধীর আগ্রহে অপেক্ষা করছে সবাই। অবশেষে রায় দিলো হেসা।

‘মামি শুনেছি, চুলচেরা বিশ্লেষণ করেছি, কিন্তু বিচার করার মাধ্য আমার নেই। যে মহাশক্তি ওকে ঠেলে দিয়েছে সামনে, আবার যার কাছে ও ফিরে গেছে সে-ই ওর বিচার করবে। যুত লোকটা পাপ করেছে, সন্দেহ নেই, গুরুতর পাপ করেছে, কিন্তু ওর বিরুদ্ধে করা হয়েছে আরো গুরুতর পাপ। সুতরাং, পা নিচের দিকে দিয়েই ওকে সমাহিত করবে, যাতে নির্ধারিত সময়ে আবার ও ফিরে আসতে পারে এই পৃথিবীতে।’

এবার অভিযোগকারী মাটি থেকে অভিযোগের খাতা তুলে নিয়ে এগোলো সামনের দিকে। মঞ্চের কিনারের দিকে খাতাটা ফেলে দিলো নিচে অগ্নি গিরির জ্বালামুখের দিকের। এবং ঘুরে দাঁড়িয়ে অদৃশ্য হয়ে গেল। এর অর্থ র্যাসেন নামের লোকটার বিরুদ্ধে সব অভিযোগ

মুছে দেয়া হলো । অন্যদিকে সমর্থনকারীও তুলে নিলো তার খাতা । সবিনয়ে তুলে দিলো পূজারী-প্রধানের হাতে । মন্দিরের সংগ্রহশালায় অনন্তকালের জন্যে সংরক্ষিত থাকবে ওটা । পূজারীরা অস্তোষ্টি সংগীত শুরু করলো এরপর । সমবেত কণ্ঠের করণ মুচ্ছনায় পূর্ণ হয়ে উঠলো ঘরটা ।

শেষ হলো সংগীত । ধীর পায়ে এগিয়ে এলো কয়েকজন পুরোহিত । শববাহী খাটিয়া তুলে নিয়ে চলে গেল কিনারে । ঘাড় ফিরিয়ে মায়ের দিকে তাকালো তারা । হাতের দণ্ড তুলে সংকেত দিলো হেসা । পা নিচের দিকে দিয়ে ফেলে দেয়া হলো রাসেনের যুতদেহ । সব ক'জন খুঁকে তাকালো নিচের দিকে । যতক্ষণ না ওটা টগবগে লাভার সরো-বরে ডুবে গেল ততক্ষণ তাকিয়ে রইলো ।

সময় হয়েছে । নিঃশব্দে মাথা নিচু করে বসে আছে হেসা তার প্রস্তর সিংহাসনে । সে-ও জানে সময় হয়েছে । এবার সব রহস্যের সমাধান হবে ।

একটা দীর্ঘ নিঃশ্বাস ফলে মুখ তুললো সে । সিসট্রাম নেড়ে ইশারা করে একটা কি ছুটো কথা বললো । যেমন এসেছিলো তেমনি প্রাণি-বন্ধভাবে বিদায় নিলো পূজারী পূজারিণীরা । হ'জন মাত্র রইলো, অরোস আর অপূর্ব চেহারার এক পূজারিণী, নাম পাণ্ডিত । পূজারিণী-দের প্রধান সে ।

'তোমরা শোনো,' শুরু করলো হেসা বেড় কিছু ঘটনা ঘটবে এখন । এই বিদেশীদের আগমনের সাথে সম্পর্ক আছে তার । তোমরা জানো, দীর্ঘদিন ধরে আমি এক বিদেশীর আসার অপেক্ষায় আছি । সে এসেছে । এই দুই বিদেশীরই একজন সে । এখন কি ঘটবে আমি

বলতে পারি না। অনেক ক্ষমতা আমার, হয়তো প্রয়োজনের তুলনায় একটু বেশিই। কিন্তু একটা শক্তি থেকে আমাকে বঞ্চিত রাখা হয়েছে। ভবিষ্যৎ দর্শনের ক্ষমতা আমার নেই। সুতরাং একটু পরেই যে কি ঘটবে তা অনুমান করারও সাধা আমার নেই। হয়তো—হয়তো শিগ-গিরই শূন্য হয়ে যাবে এই সিংহাসন, অনন্ত আগুনের খোরাক হবে আমার এই দেহ। না, মন খারাপ কোরো না, মন খারাপ করার কিছু নেই, কারণ আমি মরবো না। যদি মরিও আমার আত্মা ফিরে আসবে আবার।

‘মন দিয়ে শোনো, পাপাভ, তুমিই একমাত্র রক্ত মাংসের মানুষ যার সামনে আমি জ্ঞানের সকল ছয়র খুলে দিয়েছি। একটু পরে, বা কখনো যদি আমাকে চলে যেতে হয় তুমিই গ্রহণ করবে এই সুপ্রাচীন ক্ষমতার দণ্ড; পূরণ করবে আমার শূন্যস্থান। তোমাকে আমি আরো নির্দেশ দিচ্ছি, এবং তোমাকেও, অরোস, আমাকে যদি চলে যেতেই হয় অভ্যস্ত যত্নের সাথে এই বিদেশীদের পৌঁছে দিয়ে আসবে এ-দেশের বাইরে। হ্যাঁ, কোনো রকম কষ্ট যেন না হয় ওদের। যে পথে ওরা এসেছে সে পথে বা উত্তরের পাহাড়শ্রেণী ডিঙিয়ে—যেদিক দিয়ে সুবিধা মনে করো, বা ওরা যেতে চায়, দিয়ে আসবে। খানিয়া অ্যাভেন যদি ওদের ইচ্ছার বিরুদ্ধে ওদের আটকে রাখতে চায়, বা দেরি করিয়ে দিতে চায়, উপজাতীয়দের আমার নাম করে বলবে, যেন লড়াইয়ে নামে। দখল করে নেবে ওর রাজ্য। শুনেছো?’

‘শুনেছি, মা, আপনার নির্দেশ অক্ষরে অক্ষরে পালিত হবে,’ এক স্বরে জবাব দিলো অরোস আর পাপাভ।

এখানেই ইতি হলো ব্যাপারটা। এবার খানিয়ার দিকে ফিরলো হেসা।

‘আতেন কাল রাতে তুমি আমাকে একটা প্রশ্ন করেছিলে—’  
লিওর দিকে ইশারা করলো সে, ‘কেন এই লোকটাকে দেখার সঙ্গে  
সঙ্গে তোমার মনে প্রেম জাগলো। জবাব খুব সোজা। ওর মতো  
পুরুষকে দেখে কোন্ নারীর বুকে ভালোবাসা না জাগবে? তুমি আরো  
বলেছিলে, তোমার হৃদয় এবং তোমার চাচার ঐশ্বরিক ক্ষমতা  
নাকি কি বলেছে তোমাকে। তাহলে অতীতের পর্দা এবার উন্মোচন  
করতে হয়।

‘নারী, সময় হয়েছে, আমি তোমার প্রশ্নের জবাব দেবো—না,  
তুমি আদেশ করেছো সেজন্যে নয়, আমার ইচ্ছা হয়েছে তাই।  
শুধু কথা আমি কিছু বলতে পারবো না, কারণ আমি মানুষ, দেবী  
নই। আমি জানি না আমরা তিনজন কেন নিয়তির এ খেলায় জড়িয়ে  
গেলাম, জানি না কোথায় এর শেষ। সুতরাং যেখান থেকে আমার  
স্মৃতিতে আছে সেখান থেকেই শুরু করছি।’

ধামলো হেসা। কেঁপে উঠলো তার শরীর, যেন প্রবল ইচ্ছাশক্তির  
জ্বায়ে দমন করছে উদ্গত আবেগ। তারপর হুঁহাত ছড়িয়ে দিয়ে  
চিৎকার করে উঠলো, ‘এবার পেছনে তাকাও!’

ঘুরে দাঁড়ালাম আমরা। প্রথমে কিছুই দেখতে পেলাম না। আগ্নেয়-  
গিরির গর্ভ থেকে উঠে আসা আশ্বিন কেবল পর্দার মতো ঝুলছে  
সামনে। কিন্তু একটু পরেই দেখলাম, সেই লজ্জিত পর্দার গভীর থেকে  
যেন উঠে আসছে একটা কিছু। অস্পষ্ট। ক্রমশ স্পষ্ট হচ্ছে। কি  
আশ্চর্য! একটা ছবি। একেবারে জীবন্ত মনে হচ্ছে।

প্রশান্ত এক নদীর তীরে। বামুকালেলায় একটা মন্দির। মিসরীয়  
চংয়ের দেয়াল ঘেরা উঠানে পূজারীদের মিছিল, আসা যাওয়া।

কাঁকা হয়ে গেল উঠানটা। তারপরই দেখলাম, বাজপাখির ডানার ছায়া পড়লো তার সূর্যালোকিত মেঝেতে। মাথা কামানো, খালি পা, পুরোহিতের শাদা আলখাল্লা পরা এক লোক এগিয়ে এলো। দক্ষিণ পাশের একটা দরজা দিয়ে ঢুকলো উঠানে। বীর পায়ে এগিয়ে গেল গ্রানাইটের তৈরি একটা বেদীর নিকে। বেদীর ওপর বসে আছে মিসরীর ধাঁচের মুকুট পরা এক নারীর প্রতিমা। পবিত্র সিসট্রাম প্রতিমার হাতে। হঠাৎ, যেন কিছু একটা শব্দ শুনে খেমে দাঁড়ালো পুরোহিত। ঘাড় ফিরিয়ে ভাকালো আমাদের দিকে। কিন্তু, ও ঈশ্বর। এ কে? এ যে দেখছি লিও ভিনসি। যৌবনে ঠিক এমন ছিলো ওর চেহারা। কোর-এর গুহার মৃত ক্যালিক্রেটিসের যে চেহারা দেখে-ছিলাম তার সঙ্গেও ছবছ মিলে যায় এই পুরোহিতের চেহারা।

‘দেখ, দেখ!’ আমার হাত আঁকড়ে ধরে ঢোক গিলে বললো লিও। জ্বাবে আমি মাথা ঝাঁকালাম শুধু।

আবার হেঁটে চললো লোকটা। প্রতিমার সামনে গিয়ে হাঁটু গেড়ে বসলো। ছ’হাতে পা জড়িয়ে ধরে প্রার্থনা করলো। এর পরই সব-গুলো দরজা খুলে গেল এক সাথে। একটা মিছিল ঢুকলো পুরো-ভাগে মুখ ঢাকা এক মহিলা। পোশাক-আশাক প্রমাণ করছে মহিলা সজ্জাস্ত ঘরের। বেদীর পায়ে অর্ঘ্য নিবেদন করতে এসেছে। প্রতিমার পায়ের কাছে হাঁটু গেড়ে বসলো সে। হাতের জিনিসপত্রগুলো নামিয়ে রাখলো। তারপর উঠে দাঁড়ালো। চলে যাচ্ছে। যাওয়ার সময় একটা হাত বুলিয়ে দিয়ে গেল পুরোহিতের হাতে। এক মুহূর্ত ইতস্তত করে রমণীর পেছন পেছন চললো পুরোহিত।

খুব ধীরে হাঁটছে রমণী। তার সঙ্গীরা এগিয়ে গেল উঠানের ফটক পেরিয়ে। এতক্ষণে উঠানের প্রান্তে এলো রমণী। ফটক না

পেরিয়ে দেয়ালের কাছে দাঁড়িয়ে পড়লো। পুরোহিতও এসে দাঁড়ালো। ফিস ফিস করে তাকে কিছু বললো রমণী, হাত তুলে ইশারা করলো নদীর দিকে। বিরক্তির চিহ্ন ফুটে উঠলো পুরোহিতের মুখে। প্রতিবাদ করার চেষ্টা করলো রমণীর কথার। চকিতে একবার চারদিকে দৃষ্টি বুলিয়ে নিলো রমণী, ত্রস্ত হাতে সন্নিহনে আনলো মুখের কাপড়টা। তারপর ঝুকলো পুরোহিতের দিকে। মিলে গেল ওদের ছ'জোড়া ঠোঁট।

আর এক মুহূর্ত দেরি করলো না রমণী। ফটক পেরিয়ে ছুটলো। তার আগে আমাদের দিকে ফিরলো একবার ওর মুখ। এবং—কি আশ্চর্য। ইঁ্যা, মুখটা অ্যাভেনের। কালো চুলের মাঝ থেকে মণি-মুক্তা খচিত সোনার ক্লিক। পুরোহিতের দিকে তাকিয়ে হাসলো একবার রমণী—ঘোর লাগা হাসি। অস্তায়মান সূর্য আর নদীর দিকে ইশারা করলো আবার। তারপর চলে গেল।

আমাদের পাশে দাঁড়িয়ে বহু বহু দিন আগের সেই হাসির প্রতিধ্বনি করলো অ্যাভেন। ঠিক তেমনি ঘোর লাগা হাসি হেসে চিৎকার করে উঠলো বুড়ো শামানের উদ্দেশ্যে—

‘ঠিকই অনুভব করেছিলো আমার হৃদয়! দেখ অতীতে কি করে আমি জ্বিতে নিয়েছিলাম ওকে।’

ঠিক তক্ষুণি আগুনে বরফ পড়লো যেন। শীতল কণ্ঠে বলে উঠলো হেসা, ‘খামো, এখন দেখ, অতীতে কি করে তুমি হারিয়েছিলে ওকে।’

আমরাও দেখলাম। বদলে গেছে দৃশ্য। সুন্দর একটা দেহ গুয়ে আছে মনোরম পালকে। স্বপ্ন দেখছে মেয়েটা। ভয় পেয়েছে ও। ওর শরীরের ওপর আবছা ছায়া ছায়া একটা অবয়ব। মন্দিরে বেদীর

ওপর দেখা সেই প্রতিমার মতো, কিন্তু এখন তার মুখে রয়েছে শকু-  
নীর মুখোশ। চমকে স্বপ্ন থেকে জেগে উঠলো মেয়েটা। চারপাশে  
তাকালো। ওহ! মুখটা আয়নার মুখের মতো। কোর-এর গুহার  
প্রথম যেদিন মুখের কাপড় সরিয়েছিলো সেদিন যেমন দেখেছিলাম  
ঠিক তেমন।

আবার ঘুমিয়ে গেল সে। ভয়ানক মূর্তিটা আবার বুকে পড়লো  
তার ওপর। কিস কিস করে কানে কানে কিছু বললো। পরমুহূর্তে  
আরেকটা দৃশ্য ভেসে উঠলো। ঝাঝঝাঝ সাগরে একটা নৌকা।  
নৌকার ওপর একে অপরকে জড়িয়ে ধরে আছে সেই পুরোহিত আর  
রাজকীয় নারী। হঠাৎ দেখা গেল মূর্তিমান প্রতিশোধের মতো  
তাদের ওপর দিয়ে ডানা মেলে আসছে একটা গলাছিলা শকুনী।  
একটু আগে দেবীর মুখে যেমন মুখোশ দেখেছি তেমন।

ধীরে ধীরে অস্পষ্ট হয়ে গেল ছবিটা। ছপূরের আকাশের মতো  
শুষ্ক হয়ে গেল আগুনের পর্দা। তারপর আরেকটা দৃশ্য। প্রথমে  
বিরাত, মক্ষণ দেয়ালওয়ালা একটা গুহা, বালির মেঝে, দেখা মাত্র  
চিনতে পারলাম আমরা। বালির ওপর পড়ে আছে সেই পুরোহিত।  
মৃত। এখন আর কামানো নয়, ঝাকড়া সোনালী চুল তার মাথায়।  
চোখ দুটো চেয়ে আছে ওপরে, জ্বল জ্বল করছে। শাদা গায়ে ছোপ  
ছোপ রক্ত। তার পাশে দাঁড়িয়ে ছই নারী। একজন সম্পূর্ণ নগ্ন, দীর্ঘ  
চুলের রাশি কাঁধ পিঠ ছাড়িয়ে নেমে এসেছে তার গোড়ালির কাছে।  
অসম্ভব সুন্দরী সে। যে দেখেনি তার পক্ষে কল্পনা করা ছঃসাধ্য সে  
সৌন্দর্য। হাতে একটা বর্শা। অন্য নারীর দেহ কালো আলখাল্লায়  
আবৃত। হাত ছুঁড়ে ছুঁড়ে বিলাপ করছে আর অভিশাপ দিচ্ছে তার  
প্রতিদ্বন্দ্বীকে। এই ছই নারী আর কেউ নয়, একজন সেই গুমস্ত রমণী



যার কানের কাছে কিসকিস করছিলো ছায়ামূর্তি, অন্যজন সেই মিসরীয় রাজপুরাঙ্গনা, যে মন্দির ফটকের নিচে চুমু খেয়েছিলো পুরো-হিতকে ।

ধীরে ধীরে মিলিয়ে গেল এ দৃশ্যটাও । হেসা এতক্ষণ সামনে ঝুঁকে ছিলো, এবার হেলান দিয়ে বসলো । এরপর অত্যন্ত দ্রুত, টুকরো টুকরো ভাবে এলো, গেল অনেকগুলো ছবি । বন, মানুষের দল, বিশাল বিশাল গুহা, সে সব গুহায় অনেক মানুষ, আমাদের মুখও দেখলাম তাদের ভেতর, হতভাগ্য জব, বিলালী, সেনাবাহিনী কুচকাওয়াজ করছে, বিশাল যুদ্ধক্ষেত্র, রক্তাক্ত লাশ... আরো অনেক কিছু । এই ছবিগুলোও মিলিয়ে গেল এক সময় । আগুনের আয়না আবার শূন্য ।

'অ্যাভেন, তোমার প্রশ্নের জবাব পেয়েছো ?' নিচু গলায় জিজ্ঞেস করলো হেসা ।

'স্বীকার করছি, মা, অদ্ভুত কিছু দৃশ্য দেখলাম । কিন্তু কি করে বুঝবো এর ভেতরে কোনো কারসাজি নেই ? আপনার যাত্রার প্রভাবে মূর্ত হয়ে উঠছে না এসব ?'

'তাহলে শোনো,' ক্লাস্ত কণ্ঠে শুরু করলো আয়শা, 'অনেক অনেক যুগ আগে, তখন সব শুরু হয়েছে আমার এ পর্যায়ের জীবন, নীল-নদের তীরে বেহবিত-এ ছিলো মিসরের মহান দেবী আইসিসের মন্দির । এখন তা ধ্বংসসূপ । মিসর থেকে চলে গেছেন আইসিস, অবশ্য তাঁর কর্তৃত্ব পুরোমাত্রায়ই আছে সেখানে, সারা পৃথিবীতেই আছে, কারণ তিনিই প্রকৃতি । সেই মন্দিরের প্রধান পুরোহিত ছিলো ক্যালিক্রেটিস নামের এক গ্রীক । দেবীর সামনে দাঁড়িয়ে সে পুরো-হিতের ব্রত গ্রহণ করে । শপথ নেয়, আজীবন দেবীর সেবা করে যাবে ।

‘একটু আগে যে পুরোহিতকে দেখলে সে-ই সে। আর এখানে,  
‘তোমার পাশে দাঁড়িয়ে আছে পুনর্জন্ম নেয়া ক্যালিক্রেটিস।

‘সে সময়কার মিসরের ফারাওয়ের এক মেয়ে ছিলো, নাম আমে-  
নার্তাস। সে প্রেমে পড়ে এই ক্যালিক্রেটিসের। যাজ্ঞবিগার চর্চা  
করতো আমেনার্তাস। যাজ্ঞর প্রভাবে সে ক্যালিক্রেটিসকে বাধ্য করে  
ব্রত ভঙ্গ করে তার সাথে পালিয়ে যেতে। তুমি, অ্যাভেন, ছিলে  
সেই আমেনার্তাস।

‘সব শেষে, সেখানে বাস করতো এক আরবীয় কন্যা, নাম আয়শা।  
বুদ্ধিমতি, সুন্দরী এক নারী। সে তার হৃদয়ের শূন্যতা আর জ্ঞানের  
বেদনা নিয়ে আশ্রয় খুঁজেছিলো বিশ্বমায়ের চরণে, ভেবেছিলো প্রকৃত  
জ্ঞান অর্জন করবে। যা কখনোই তার ভেতর থেকে লুপ্ত হয়ে যাবে  
না। সেই আয়শাকে, যেমন তোমরা দেখলে, স্বপ্নে আদেশ দিলেন  
দেবী ; অবিশ্বাসীদের পেছন পেছন গিয়ে স্বর্গের প্রতিশোধ কার্যকর  
করে আসতে বললেন। প্রতিশ্রুতি দিলেন, সাফল্য লাভ করলে  
দেবেন মরণকে জয় করার ক্ষমতা আর এমন মৌন্দর্ঘ যা পৃথিবীর  
কোনো নারীতে কেউ দেখেনি।

‘রঙনা হয়ে গেল সে। অনেক অনেক পথ পাড়ি দিয়ে পৌঁছলো  
এমন এক জায়গায় যেখানে ঘুরতে ঘুরতে হাজির হলো—সেই অবি-  
শ্বাসীরা। সেখানে রুট নামের মহাজ্ঞানী এক পুথির সাথে সাক্ষাৎ  
হলো তার। আয়শাকে সাহায্য করার জন্তে এই নিযুক্ত করেছিলেন  
তাকে—তুমি, ও হলি তুমিই ছিলে সেই রুট। অবিশ্বাসীদের জন্তে  
গণন অপেক্ষা করছে তখন রুটের কাছে আয়শা জানতে পারে অনন্ত  
জীবনের সৌরভ ঘূর্ণায়মান অগ্নিস্তম্ভের কথা। যাতে স্থান করলে  
অনন্ত মৌন্দর্ঘ আর যৌবন লাভ করে মানুষ।

‘অবশেষে অবিখ্যাসীরা এলো। তারপর, কি আশ্চর্য। যে জীবনে কখনো ভালোবাসেনি, ভালোবাসা কাকে বলে জানেনি, জানার চেষ্টা করেনি, সেই আয়শা দেখামাত্র কামনা করে বসলো ক্যালিক্রেটিসকে। ওদেরকে প্রাণের আগুনের কাছে নিয়ে গেল সে, ইচ্ছা ক্যালিক্রেটিসকে আর নিজেকে অমরত্বের আবরণে জড়িয়ে নেবে। কিন্তু অশ্রুভাবে নির্ধারিত হয়ে ছিলো ওদের নিয়তি। দেবীর প্রতিশ্রুতি মতো অনন্ত জীবন পেলো আয়শা—কেবল আয়শা, এবং তারই হাতে প্রাণ ত্যাগ করলো তার দয়িত ক্যালিক্রেটিস।

‘এভাবেই দেবীর ক্রোধ পরিণতি পেলো। আয়শা অনন্ত জীবন, যৌবন নিয়ে পড়ে রইলো অনন্ত যাতনা ভোগ করার জগ্গে।

‘দিন গড়িয়ে চললো। যুগের পর যুগ কেটে গেল, পেরিয়ে গেল শতাব্দীর পর শতাব্দী। অমর আয়শা কিন্তু এখনও অপেক্ষা করছে, পুনর্জন্ম নিয়ে আসবে তার ক্যালিক্রেটিস। অবশেষে এলো সে। কিন্তু দেবীর ক্রোধ প্রশমিত হয়নি। প্রেমিকের চোখের সামনে অপার সজ্জা আর বেদনা নিয়ে ডুবে গেল আয়শা। স্তম্ভর হয়ে গেল উয়ঙ্কর বৃৎসিত। অমর মনে হলো, মারা গেল।

‘তবু ও ক্যালিক্রেটিস, আমি বলছি সে মরেনি। কোর-এর শুভায় আয়শা শপথ করেনি তোমার কাছে, আবার সে আশ্রয় ? তারপর লিও ভিনসি, ক্যালিক্রেটিস, ওর আত্মা কি দেখা দেয়নি তোমার স্বপ্নে ? তোমাকে দেখায়নি এই চূড়ায়, ওর কাছে ফিরে আসার পথ ?’

ধামলো হেসা। লিওর দিকে তাকালো, যেন জবাবের অপেক্ষা করছে।

‘কাহিনীর প্রথম অংশ, অর্থাৎ পোড়া মাটির ফলকে যা লেখা ছিলো

তার বাইরেরটুকু সম্পর্কে আমি,' কিছু জানি না বললো লিও।  
'বাকিটুকু সম্পর্কে আমি বা আমরা বলতে পারি, সব সত্যি। এখন  
আমার প্রশ্ন, আয়শা কোথায়? আপনিই কি আয়শা? তাহলে  
গলার স্বর অল্পরকম কেন? তাছাড়া, আয়শা অনেক দীর্ঘাঙ্গী ছিলো।  
বলুন, আপনার উপাস্ত্র দেবীর দোহাই দিয়ে বলছি, আপনিই কি  
আয়শা?'

'হ্যাঁ, আমিই আয়শা,' শাস্ত্র অচঞ্চল গলায় হেসে বললো, 'সেই  
আয়শা যার কাছে তুমি অনন্তকালের জন্তে সমর্পণ করেছিলে  
নিজেকে।'

'মিথো কথা! ও মিথো কথা বলছে।' চিৎকার করে উঠলো  
অ্যাভেন। 'স্বামী, ও-ই না একটু আগে বললো প্রায় বিশ বছর আগে  
যখন তোমাদের ছাড়াছাড়ি হয় তখন ও যুবতী, সুন্দরী? তাহলে কি  
করে ও এই মন্দিরের পূজারিণী হলো? আমি জানি একশো বছরের  
ভেতর এখানে নতুন কোনো পূজারিণীর অভিষেক হয়নি, আর ও যদি  
কুংসিত-ই না হবে মুখ দেখাচ্ছে না কেন?'

'অরোস,' মা বললো, 'খানিয়া যে পূজারিণীর কথা বলছে তার  
মৃত্যুর কাহিনীটা শোনাও।'

মাথা নুইয়ে স্বভাবসুলভ শাস্ত্রস্বরে শুরু করলো পূজারী প্রধান—

'আঠারো বছর আগে, এই পাহাড়ে দেবী হেস-এর পূজা শুরু হও-  
য়ার ২৩৩৩-তম বছরের শীতকালে খানিয়া আসতেন যে পূজারিণীর  
কথা বলছেন তিনি মারা গেছেন। আমি নিজে উপস্থিত ছিলাম সে  
সময়। দীর্ঘ একশো আট বছর তিনি দায়িত্ব পালন করে গেছেন,  
অবশেষে বার্ধক্যজনিত কারণে তাঁর মৃত্যু ঘটে। সে সময় তিনি সিং-  
হাসনে বসে ছিলেন। প্রাচীন রীতি অনুযায়ী তিন বর্টা পর আমরা

তার মৃতদেহ সমাহিত করার জন্তে প্রস্তুত করতে বাই। কিন্তু আশ্চর্য ! গিয়ে দেখি, আবার বেঁচে উঠেছেন তিনি, অবশ্য চেহারা আর আগের মতো নেই।

‘অন্তত কোনো যাত্রর খেলা ভেবে পূজারী পূজারিণীরা তাঁকে প্রত্যাখ্যান করে এবং সিংহাসন থেকে বিতাড়িত করার উদ্যোগ নেয়। আর তকুনি প্রজ্জ্বলিত হয়ে ওঠে পাহাড়, ভীম গর্জনে বজ্র নেমে আসে, অগ্নিস্তম্ভের আলো নিভে যায়। আমরা সবাই আতঙ্কিত হয়ে উঠি। তারপর গভীর অন্ধকারে, বেদীর ওপর যেখানে মায়ের প্রতিমা স্থাপিত সেখান থেকে দেবীর কণ্ঠস্বর ভেসে এলো—

‘ওকে গ্রহণ করো, আমিই ওকে পাঠিয়েছি তোমাদের শাসন করার জন্তে, আমার উদ্দেশ্য পূরণ করার জন্তে।’

‘মিলিয়ে গেল কণ্ঠস্বর। আলো ধলে উঠলো আবার। তখন আমরা হাঁটু গেড়ে বসে আনুগত্য প্রকাশ করলাম নতুন হেসার কাছে; মা হিশেবে স্বীকার করে নিলাম। এই হলো কাহিনী, শুধু আমি নই, শত শত পূজারী পূজারিণী তার সাক্ষী।’

‘তুনলে, অ্যাভেন,’ বললো হেসা। ‘এখনো তোমার সন্দেহ আছে?’

‘হ্যাঁ’, ছবিনীত গলায় জবাব দিলো খানিয়া। ‘আরোসের একটা কথাও আমি বিশ্বাস করি না। যা বললো তা যদি মিথ্যা না হয় তাহলে বলবো ও স্বপ্নে দেখেছিলো ওসব, অথবা নিজের কল্পনার রঙে রাঙিয়ে রচনা করেছে। সত্যিই তুমি যদি সেই অনন্ত যৌবনা আয়শা হও, প্রমাণ দাও। এই ছ’জন অর্থাৎ তোমাকে দেখেছে, এখনও দেখুক। তোমার ঘোমটা খুলে ফেল, ওরা দেখুক, আমি দেখি, সত্যিই তুমি অনন্ত সৌন্দর্যের আধার। দেখে চোখ জুড়াই। নিশ্চয়ই তোমার

শ্রেমিক এখনো তোমার মোহ থেকে মুক্তি পাননি, নিশ্চয়ই তোমাকে দেখেই ও চিনতে পারবে, এবং পদতলে লুটিয়ে পড়ে বলবে, “এইতো আমার অমর মানসী, আর কেউ নয়।” তার আগে আমি কিছুতেই বিশ্বাস করবো না এসব আজ্ঞাবি গল্প।’

সামনে পেছনে টুলভে লাগলো হেসা। তার কাপড় ঢাকা মুখটা দেখতে পাচ্ছি না, তবু বুঝতে পারছি, গভীর চশ্চিত্তার ছাপ পড়েছে সেখানে।

‘ক্যালিক্রেটিস’, অবশেষে কাতর কণ্ঠে সে বললো, ‘তোমারও কি তাই ইচ্ছা? যদি হয় তাহলে আমি অবশ্যই তা অপূর্ণ রাখবো না। তবু আমি তোমার কাছে মিনতি করছি, এখনই দেখতে চেয়ো না, এখনও সময় হয়নি, আমার শপথ এখনো পূরণ হয়নি। আমি বদলে গেছি, ক্যালিক্রেটিস, কোর-এর গুহার যেদিন তোমার কপালে চুমু খেয়েছিলাম, আমার নিজের বলে ঘোষণা করেছিলাম, সেদিন যেমন দেখেছিলে তেমন আর নেই আমি।’

হতাশ ভঙ্গিতে চারপাশে তাকালো লিও।

‘সরাতে বলো, শ্রদ্ধা,’ এই সময় চিৎকার করে উঠলো আভেন, ‘ঘোমটা সরাতে বলো। কথা দিচ্ছি, আমি সঁধাকাতর হবো না।’

‘ঠিক,’ বললো লিও, ‘তা-ই বলবো ওকে, ভালো হোক মন্দ হোক, আর সহ করতে পারছি না এই উৎকর্ষা! যতই বদলে থাকুক আমি ওকে চিনতে পারবোই।’

‘পুরুষোচিত কথা,’ জবাব দিলো হেসা। ‘তোমার মুখেই মানায়, ক্যালিক্রেটিস। অন্তর থেকে ধন্ববাদ জানাই তোমাকে। বেশ, আমি ঘোমটা সরানো কিং, ই্যা, তারপর আর আমার হাতে কিছু থাকবে না, তোমাকেই সিদ্ধান্ত নিতে হবে, আমার আত্মপ্রতিদ্বন্দ্বী ঐ মহি-

লাকে গ্রহণ করবে না আয়শাকে। ইচ্ছে হলেই আমাকে প্রত্যাখ্যান করতে পারো, কোনো ক্ষতি হবে না তোমার, বরং পাবে পৃথিবীর সব মানুষ যা চায় সেই ক্ষমতা, ধন, প্রেম। কেবল আমার স্বৃতিটুকু উপড়ে ফেলতে হবে তোমার হৃদয় থেকে।’

তারপর সে আমার দিকে ফিরলো। বললো, ‘ওহ! হলি, আমার সত্যিকারের বন্ধু, এ ঘটনা, শুরুও আগে থেকে আমাকে পথ দেখিয়ে আসছে। ওর পরেই আমি সবচেয়ে ভালোবাসি তোমাকে, তুমি ওকে পরামর্শ দাও, সঠিক পরামর্শ। বহু শতাব্দী আগে আমাকে পথ দেখিয়ে ছিলে, এখনওকে দেখাও। হ্যাঁ, ও যদি আমাকে শেষ পর্যন্ত প্রত্যাখ্যানই করে, আমরা চলে যাবো, এলোক ছাড়িয়ে অন্যলোকে, যেখানে সব জাগতিক আবেগ, কামনা, বাসনা অস্পষ্ট হয়ে আসে; অনন্তকাল আমরা বাস করতে থাকবো, পরম গৌরবময় বন্ধু নিয়ে, কেবল তুমি আর আমি।’

‘জানি তুমি প্রত্যাখ্যান করবে না, তোমার অস্তুর ইম্পাতের মতো কঠিন শুষ্কসত্যে পূর্ণ ছোটখাটো লোভের ফুলিঙ্গ তাকে গলাতে পারবে না, বরং পরিণত হবে মরচে ধরা শিকলে, যা তোমাকে বাঁধার চেষ্টা করে ছিঁড়ে টুকরো টুকরো হয়ে যাবে।’

‘ধনুবাদ আয়শা’, আমি বললাম, ‘এতবড় বিশেষণ আমাকে মানায় কিনা জানি না। তবে এটুকু জানি, আমি তোমাকে বন্ধু—এর বেশি কিছু হওয়ার কথা কোনোদিন ভাবিনি। আমি জানি, বিশ্বাস করি, তুমিই আমাদের হারানো সে।’

কি বলবো ভেবে না পেয়ে এটুকু শুধু বললাম আমি। অপার আনন্দে পূর্ণ হয়ে গেছে আমার হৃদয়, আয়শা নিজ মুখে বলেছে আমিও তার প্রিয়। এতদিন জানতাম পৃথিবীতে একজনই আমার

বন্ধু ; আঞ্জ জানলাম, আরেকজন আছে । এর চেয়ে বেশি কি আর চাইবো আমি ?

একটু পিছিয়ে এলাম আমি আর লিও । নিচু স্বরে লিওর মতামত জানতে চাইলাম ।

‘তুমিই ঠিক করো,’ বললো ও । ‘তোমার সিদ্ধান্তের ফলে যা কিছুই ঘটুক না কেন, তোমাকে দোষ দেবো না, হোরেস, এটুকুই শুধু আমি বলতে পারি ।’

‘বেশ । আমি ঠিক করে ফেলেছি,’ বলে হেসার সামনে এগিয়ে গেলাম আমি । ‘আর অপেক্ষা করতে পারছি না আমরা,’ শুরু করলাম । ‘যে সত্য জানতেই হবে তা দরিতে কেন ? কেন এখনি নয় ? আমাদের ইচ্ছা, হেস, তুমি আমাদের সামনে যুদ্ধের আবরণ সরাবে । এখানে এবং এখনি ।’

‘বেশ, পূর্ণ হবে তোমাদের ইচ্ছা,’ মিইয়ে যাওয়া গলায় জবাব দিলে পূজারিণী । ‘আমার কেবল একটাই প্রার্থনা, আমাকে একটু করুণা কোরো, বিক্রম কোরো না আমাকে দেখে ; যে আগুন আমার হৃদয়কে দহন করছে আরেকটু কয়লা দিয়ো না সে আগুনে ।’

তারপর, ধীরে ধীরে উঠে দাঁড়ালো হেসা । হেঁটে-বলি ভালো টলতে টলতে চলে গেল ছাদহীন ফাঁকা জায়গার প্রান্ত কিনারে । আর কয়েক পা পরেই নিচে আগুনের অতল গহ্বর পৌঁছানো ভঙ্গিতে মাথা নিচু করে চূপচাপ দাঁড়িয়ে রইলো কিছুক্ষণ । তারপর, তীক্ষ্ণস্বরে চিৎকার করে উঠলো—

‘এখানে এসো, পাপাভ, খুলে দাও আবরণগুলো ।’

এগিয়ে গেল পাপাভ, স্পষ্ট ভীতি তার সুন্দর মুখে । কাজ শুরু



করলো সে। পাপাভ মেয়েটা খুব লম্বা নয় তবু হেসার পাশে রীতি-মতো একটা মিনারের মতো মনে হচ্ছে তাকে।

বাইরের শাদা কাপড়টা ধীরে সাবধানে খুলে আনলো পাপাভ। ভেতরে একই রকম আরেকটা কাপড়। সেটাও সরানো হলো। মমির মতো শীর্ণ একটা মূর্তি আমাদের সামনে দাঁড়িয়ে। আরো কমে গেছে যেন ওর উচ্চতা। হাড়ের স্তূপের কাছে যে মূর্তিটা দেখেছিলাম ঠিক সেটার মতো লাগছে এখন ওকে। বুঝলাম আমাদের রহস্যময় পথ-প্রদর্শক আর হেসা একই মানুষ।

একটার পর একটা সক্র, লম্বা কাপড়ের ফালি খুলে আনছে পাপাভ ওর শরীর থেকে, মুখ থেকে। এর কি শেষ নেই? কত ছোট হয়ে গেছে কাঠামোটা, আশ্চর্য। পূর্ণ বয়স্কা একজন নারী এত বেঁটে হতে পারে কল্পনাই করা যায় না। ভেতরে ভেতরে অস্বস্তি বোধ করছি আমি। শেষ ফালিটা খোলা হচ্ছে। কাঠির মতো সক্র বাঁকানো দুটো হাত দেখা গেল। তারপর একই রকম দুটো পা।

একটা মাত্র অস্ত্রবাস আর শেষ মুখাবরণটা ছাড়া আর কিছু এখন নেই তার শরীরে। হাত নেড়ে পাপাভকে পিছিয়ে যেতে বললো হেসা। কোনোমতে সরে এলো পূজারিণী প্রধান। হাত দিয়ে মুখ ঢেকে মাটিতে পড়ে রইলো অচেতনের মতো। তারপর স্ত্রী স্রষ্টার মতো একটা শব্দ করে কাঠির মতো হাত দিয়ে মুখের কাপড়টা ধরলো হেসা। ই্যাকো এক টানে সেটা ছিঁড়ে ফেলে চরম হতাশার ভঙ্গিতে ঘুরে দাঁড়ালো আমাদের দিকে মুগ্ধ করে।

ওহ। সে—না, আমি তার বর্ণনা দিই না। দেখার সঙ্গে সঙ্গে চিনেছি, শেষবার প্রাণের আঙুরের কাছে দেখেছিলাম ওকে। এবং আশ্চর্য, তখন আতঙ্কে খেয়াল করতে পারিনি, এখন দেখলাম, সেই

মহামহিমাময়ী অপরূপা আয়শার সাথে কোথায় যেন একটু সাদৃশ্য আছে এই অদ্ভুত কুংসিত বানরের মতো অবয়বটার ।

ভয়ঙ্কর নিস্তরুতা এখন মকে । আমি দেখলাম, লিওর ঠোট শাদা হয়ে গেছে, কাঁপছে হাঁটু ছুটো । অনেক কষ্টে সামলালো ও নিজেকে । তারপর দাঁড়িয়ে রইলো সোজা, যেন ভারে ঝোলানো মৃতদেহ ।

অ্যাভেনকে দেখলাম, বজ্রাহতের মতো দাঁড়িয়ে আছে । প্রতিদ্বন্দ্বীর পরাভব দেখতে চেয়েছিলো ও, এমন দৃশ্য সম্ভবত স্বপ্নেও কল্পনা করেনি । কেবল সিমত্রি, আমার ধারণা ও আগে থেকেই জানতো কি দেখতে হবে, আর অরোসকে দেখলাম নিবিকার ।

নীরবতা ভাঙলো, অরোস । বিড়বিড় করে কি যেন বললো । কিন্তু তার কোনো অর্থ ধরতে পারলো না আমার মস্তিষ্ক । আমার মাথার স্তম্ভেরটায় কিসে যেন কামড়াচ্ছে । খালি মনে হচ্ছে কেন ওটা ফেটে যাচ্ছে না, তাহলে আর কিছু শোনার বা দেখার কষ্ট থেকে বেঁচে যেতাম ।

আয়শার মমি মুখে প্রথমে সামান্য আশার ছাপ পড়লো । কিন্তু কণিকের জন্যে । তারপর তীব্র হতাশা আর যন্ত্রণা সে আশার স্থান দখল করলো ।

কিছু একটা করতে হয়, এভাবে আর চলতে পারে না । কিন্তু কে করবে ? আমার ঠোট ছুটো যেন সঁটে গেছে একটার সাথে অন্যটা, খুলতেই পারছি না তো কথা বলবো কি ? পা ছুটো যেন পাথরের তৈরি । লিও এখনো তেমন দাঁড়িয়ে পাথরের মূর্তির মতো । পাপাঙ তেমনি মাটিতে পড়ে । অরোস আর সিমত্রিও নির্বাক ।

ওহ ! ঈশ্বরকে ধন্যবাদ, অ্যাভেন কথা বলছে ! মুণ্ডিত মাথা জিনিস-

টার পাশে গিয়ে দাঁড়ালো সে, তার সমস্ত সৌন্দর্য, নিখুঁত নারীত্ব নিয়ে দাঁড়ালো ।

‘লিও ভিনসি, বা ক্যালিক্রেটিস,’ বললো অ্যাভেন ; ‘যে নাম খুশি তুমি নিতে পারো । তুমি হয়তো অত্যন্ত নীচ ভাবো আমাকে, কিন্তু ছেনে রাখো, অস্তুত প্রতিদ্বন্দ্বীর চরম লজ্জার সময় আমি তাকে বিদ্রূপ করিনি, করতে পারিনি । ও একটা অসম্ভব গল্প শুনিয়েছে আমাদের, সত্যি না মিথ্যে জানি না । আমি নাকি দেবীর এক সেবককে চুরি করে নিয়েছি, তাই দেবী প্রতিশোধ নিয়েছেন । কি করে ? আমার কাছ থেকে আমার প্রাণের মানুষকে কেড়ে নিয়ে । বেশ, আমরা মানুষ, অসহায়, আমাদের নিয়ে যত পারেন খেলুন দেবীরা ; কিন্তু আমিও, যতক্ষণ প্রাণ আছে পরিপূর্ণ আত্মমর্যাদা নিয়ে যা আমার তার ওপর নিজের স্বত্ত্ব ঘোষণা করে যাবো ।

‘উপস্থিত এতগুলো লোকের সামনে বলতে লজ্জা পাচ্ছি না, আমি তোমাকে ভালোবাসি । এবং সম্ভবত এই মহিলাও—বা দেবী যা-ই বলো, ভালোবাসে তোমাকে । এবং একটু আগে ও বলেছে আমাদের ছুজনের ভেতর থেকে একজনকে বেছে নিতে হবে তোমার । ও বলেছে, আমি, ও যার প্রতিনিধি হিসেবে নিজেকে দাবি করছে সেই আইসিসের কাছে পাপ করেছি । কিন্তু ও কি করছে ? ও তো একজন স্বর্গের দেবী আর একজন মর্তের মানবী—ছুজনের কাছ থেকেই তোমাকে কেড়ে নিতে চাইছে । আমি যদি পাপী হই ও আরো ধারাপ নয় ?

‘অতএব বেছে নাও, লিও ভিনসি, এবং এখানেই চুকে যাক সব । নিজের সম্পর্কে আর কিছু বলতে চাই না আমি । তুমি জানো আমি কে, কি দিতে পারি তোমাকে । অতীত, সে তো স্বপ্ন, স্মৃতি । সহজেই

মুছে ফেলা যায় মন থেকে । বর্তমান নিয়ে ভাবো । তুমি কাকে নেবে,  
আমাকে না ওকে ?

নিঃশব্দে শুনলো আয়শা । একটা কথাও বললো না । এমন কি  
হাতটা পর্যন্ত নাড়লো না ।

লিওর ফ্যাকাসে মুখটা দেখলাম । একটু যেন অ্যাভেনের দিকে  
ঝুঁকলো । তারপর আচমকা সোজা হলো আবার । মাথা নেড়ে  
দীর্ঘশ্বাস ফেললো । অদ্ভুত এক আলো যেন ঝলে উঠলো এর মুখে ।

‘যত যা-ই হোক,’ যেন কথা বলছে না, সশব্দে চিন্তা করছে লিও ।  
‘যত যা-ই হোক, অতীত হলো স্বপ্ন । এমন এক স্বপ্ন যার সাথে  
কোনোই সম্পর্ক নেই আমার । বর্তমান নিয়ে ভাবতে হবে আমাকে ।  
আয়শা ছ’হাজার বছর ধরে অপেক্ষা করেছে আমার জন্তে ; আর  
অ্যাভেন ক্ষমতার লোভে বিয়ে করেছে এমন এক লোককে যাকে  
সে ঘৃণা করে, পরে বিষ খাইয়েছে বেচারাকে । আমাকে নিয়ে ক্লান্ত  
হয়ে উঠলে আমাকেও যে বিষ খাওয়াবে না এমন নিশ্চয়তা কেউ  
দিতে পারে ? আমেনার্তাসের কাছে কি শপথ করেছিলাম আমার  
মনে নেই, এমন কোনো নারী আদৌ ছিলো কিনা তা-ই জানি না ।  
কিন্তু আয়শার কাছে কি শপথ করেছিলাম মনে আছে । এ জীবনেই  
করেছিলাম । এখন যদি তা ভুল করি মিথ্যার ওপর দাঁড়িয়ে থাকবে  
আমার জীবন আমি হয়ে যাবো প্রবঞ্চক । প্রেম কি বয়সের স্পর্শে  
মিলিয়ে যেতে পারে ?

‘না, আয়শা কি ছিলো স্বরণ করে, কি হাতে পারে কল্পনা ও আশা  
করে, এখনকার আয়শাকে আমি গ্রহণ করছি ।’

তারপর এগিয়ে গিয়ে ভয়ঙ্কর মূর্তিটার সামনে দাঁড়ালো লিও ।  
ঝুঁকে চুমু খেলো তার কপালে ।

হ্যা, ও চুমু খেলো সহস্র কুঞ্জে সংকুচিত জ্বিনিসটাকে । মৃতিমান  
আভকটাকে । আমার মনে হয় সভ্যতার শুরু থেকে মানুষ যত ভয়-  
ঙ্কর ছঃসাহসিক কাজ করেছে তার ভেতর একটা হিসেবে গণ্য হতে  
পারে লিওর এ কাজটা ।

‘বেশ, লিও ভিনসি,’ বললো আ্যাতেন, অদ্ভুত শাস্ত, শীতল তার  
গলা, ‘তোমার বুদ্ধি বিবেচনা দিয়ে তুমি বেছে নিয়েছো । আমার  
কিছু বলবার নেই । তোমাকে হারানোর বেদনা আমি বয়ে বেড়াবো  
সারাজীবন । তোমার—তোমার বধুকে গ্রহণ করো, আমি যাই ।’

এবারও কিছু বললো না আয়শা । একই রকম স্তব্ধ হয়ে দাঁড়িয়ে  
রইলো কিছুক্ষণ । তারপর তার হাড় সর্ব্ব্ব হাঁটু মাটিতে ঠেকিয়ে  
বসলো । উচ্চকণ্ঠে প্রার্থনা করতে লাগলো—

‘ও সর্ব্বশক্তিমান ইচ্ছার প্রতিনিধি, তুমি শেষ বিচারের কুরখার  
ভরবারি, প্রকৃতি নামের অলঙ্ঘনীয় আইন ; মিসরীয়রা তোমাকে  
অভিষিক্ত করেছিলো আইসিস নামে ; তুমি মায়ের বৃকে সন্তান দাও,  
মৃতকে দাও জীবন, প্রাণবানকে মৃত্যু ; তুমি সূজলা সূফলা করেছে  
পৃথিবীকে ; তোমার মুহু হাসি বসন্ত, অট্টহাসি সাগরের বক্ষা, ঘুম  
শীতের রাত্রি ; হতভাগিনী সন্তানের সবিনয় প্রার্থনা শোনো :

‘এক সময় তুমি আমাকে তোমার নিজের শক্তি, অমর জীবন আর  
অনন্ত সৌন্দর্য দিয়েছিলে, কিন্তু আমি হতভাগিনী, এই মহার্ঘ্য প্রাপ্তির  
মূল্য দিতে পারিনি, গুরুতর পাপ করেছি তোমার কাছে, এবং সেই  
পাপের প্রতিফল ভোগ করছি শতাব্দীর পর শতাব্দী প্রাণান্তকর নিঃ-  
সঙ্গতায় কাটিয়ে । অবশেষে আমার জন্মিকের সামনে আমার সৌন্দর্য  
তুমি কেড়ে নিলে, বিক্রমের পাত্রে পরিণত করলে আমাকে । তোমার  
নিঃশ্বাসের ঘে সৌরভ আমাকে আলো দিয়েছিলো তা-ই নিয়ে এলো

নিঃসীম আধার। তুমি আমাকে প্রতিশ্রুতি দিয়েছিলে, আমি কখনো মরবো না, কিন্তু এই কুৎসিত কদাকার চেহারা নিয়ে, প্রেমিকের উপহাসের পাত্র হয়ে অনন্তকাল বেঁচে থেকে কি লাভ? আমাকে আরেকবার সুযোগ দাও, মা, আর একটি বারের জন্যে আমাকে তুলতে দাও আমার অনন্ত সৌন্দর্যের হারানো ফুলটি। মহামহিমাময়ী মা, তোমার চরণে এই আমার প্রার্থনা। ৬৯ অকৃত্রিম প্রেমের কথা বিবেচনা করে আমার পাপ ক্ষমা করো, নয়তো তোমার পরম শাস্তিদায়ক প্রসাদ—মৃত্যু দাও আমাকে !’

## ষোলো

খামলো সে। তারপর অনেক, অনেকক্ষণ অটুট নীরবতা। হতাশ চোখে লিওর দিকে তাকালাম। ও-ও তাকিয়ে আছে আমার দিকে। অসম্ভব আশা করছিলাম আমরা। ভাবছিলাম, এই সুন্দর করুণ প্রার্থনার জবাব বোধহয় দেবে প্রকৃতির বোবা আত্মা। তার মানে অলৌকিক কিছু ঘটবে। কিন্তু সময় গড়িয়ে চললো, অলৌকিক কিছু কেন, কিছুই ঘটলো না।

না, অনেক অনেকক্ষণ পর, কতক্ষণ জানি না, একটা ব্যাপার ঘটলো। ধীরে ধীরে অস্পষ্ট হতে শুরু করলো অগ্নিগিরির ছালামুখ থেকে উঠে আসা আগুনের পর্দা। ক্রমশ নিচের দিকে নেমে যাচ্ছে, যেন যেখান থেকে উঠেছিলো সেখানেই ডুব দিতে চাইছে আবার।

একটু একটু করে অন্ধকার হয়ে আসছে জায়গাটা ।

কমতে কমতে একেবারে অস্পষ্ট হয়ে এসেছে আলো । আর কয়েক সেকেন্ডের ভেতর একদম নিভে যাবে । এই সময় উঠে দাঁড়ালো আয়শা । ধীরে ধীরে এগোলো কয়েক পা । বাইরের দিকে বেরিয়ে থাকা এক টুকরো পাথরের ওপর গিয়ে দাঁড়ালো । নিচ থেকে উঠে আসা ধোঁয়াটে আভার বিপরীতে কালো প্রেতের মতো দেখাচ্ছে ওর অবয়বটা । আমার মনে হলো অসহনীয় গ্রানির হাত থেকে মুক্তি পাওয়ার জন্যে ও মরণকে আলিঙ্গন করতে চাইছে । লিওর-ও সম্ভবত তাই মনে হলো । তড়াক করে লাফিয়ে উঠে ও ছুটলো ওকে ঠেকানোর জন্যে । কিন্তু পূজারী অরোস আর পূজারিণী পাপাভ এগিয়ে এসে বাধা দিলো ওকে । হুজন হু'পাশ থেকে ধরে টেনে নিয়ে গেল পেছনে । তারপর পুরোপুরি আঁধার নেমে এলো সেখানে । অন্ধকারের ভেতর গুনতে পেলাম আয়শার গলা । অদ্ভুত পবিত্র সুরে কিছু একটা স্বব-গান করছে ।

একটু পরে বিরাট একটা আঙনের ফুলকি দেখতে পেলাম । পাখির মতো এদিক ওদিক ভাসতে ভাসতে উঠে আসছে । কিন্তু—কিন্তু—

‘হোরেস !’ কিসফিস করে বলে উঠলো লিও, ‘দেখেছো, বাতাসের উল্টো দিকে আসছে ওটা ।’

‘বাতাস বদলে গেছে হয়তো,’ বললাম আমি । ‘জানি যা বললাম, ঠিক নয়, বরং একটু বেড়েছে বাতাসের বেগ, তবু বললাম ।’

ক্রমশ কাছে আসছে ওটা । এখন আরো ভালোভাবে দেখতে পাচ্ছি । পাখির ডানার মতো দুটো অঙ্গনে ডানা হু'পাশে নড়ছে, মাঝখানে রয়েছে কালো কিছু একটা, অন্ধকারে দেখতে পাচ্ছি না । উঠতে উঠতে একেবারে আয়শার সামনে এসে পৌঁছলো ওটা । গনগনে

ডানা ছুটো ঢেকে ফেললো ওর কুঁচকানো দেহটাকে। তারপর অদৃশ্য হয়ে গেল আগুন। নিকষ কালো অন্ধকার সামনে, পেছনে, উপরে, নিচে। কিছুই দেখতে পাচ্ছি না।

কিছুক্ষণ কেটে গেল। এক মিনিট হতে পারে, দশ মিনিটও হতে পারে। তারপর হঠাৎ পূজারিণী পাপাভ অদৃশ্য, অশ্রুও কোনো সংকেত পেয়ে যেন পা টিপে টিপে এসে দাঁড়ালো আমার পাশে। ওর পোশাকের স্পর্শ পেলো আমার শরীর। আবার কিছুক্ষণ নীরবতা এবং নিশ্চিহ্ন অন্ধকার। এরপর টের পেলাম পাপাভ চলে যাচ্ছে। কীণ একটা কৌপানোর আওয়াজ শুনেতে পেলাম। নিঃসন্দেহে আয়শা ঝাঁপ দিয়েছে ছালামুখের ভেতর! বিয়োগান্তক ঘটনাটার পরিসমাপ্তি হলো বোধহয়।

ভোর হতে আর বাকি নেই। ধূসর হতে শুরু করেছে আকাশ। এমন সময় সেই আশ্চর্য সংগীত ভেসে এলো নিচ থেকে। নিশ্চয়ই নিচে যে পূজারিণী রয়েছে তারা গেয়ে উঠেছে। সে সংগীতের বর্ণনা দেয়ার সাধ্য আমার নেই। পৃথিবীর অনেক ধর্মের অনেক মন্দিরে অনেক ধরনের গান আমি শুনেছি, কিন্তু এমন অদ্ভুত সুর, লয় কখনো শুনিনি। ক্রমশ উচ্চগ্রামে উঠছে সংগীত। উঠতে উঠতে এক সময় উচ্চতম গ্রামে পৌঁছুলো, তারপর নামতে শুরু করলো আবার। কমতে কমতে অবশেষে মিলিয়ে গেল একসময়।

তারপর, পূর্বদিক থেকে একটা মাত্র আলোকরশ্মি লাফিয়ে উঠলো আকাশে।

‘দেখ ভোর হচ্ছে,’ শাস্ত গলা শোনা গেল অরোসের।

আমাদের মাথা ছাড়িয়ে অনেক উচ্চতে উঠে গেল আলোকরশ্মি। ক্ষুব্ধতার তরবারির মতো অগ্নিশিখা যেন। তারপর নেমে আসতে



লাগলো । হঠাৎ সামনের ছোট্ট পাথর খণ্ডটার ওপর পড়লো আলো ।

ওহ ! সেখানে—দাঁড়িয়ে আছে স্বর্গীয় অবয়ব একটা মাত্র বস্ত্রে আবৃত । চোখ দুটো বন্ধ, যেন ঘুমিয়ে আছে । নাকি মরে গেছে ? প্রথম দর্শনে মুখটা মৃতের মতোই লাগলো । সূর্যের প্রথম রশ্মি থেলা করছে ওর শরীরে, পাতলা আবরণ ভেদ করে পৌঁছে যাচ্ছে ভেতরে । চোখ দুটো খুললো । অপার বিস্ময় তাতে, নবজাত শিশুর দৃষ্টিতে যেমন থাকে । প্রাণের প্রবাহ বইতে শুরু করেছে, মুখে, বুকে, শরীরে । কালো কৌকড়া কুম্বলদল বাতাসে উড়ছে । মণিখচিত সোনার সাপ ঝিকিয়ে উঠলো কোমরে ।

একি মায়া, না সত্যিই আয়শা ? কোর-এর গুহায় ঘূর্ণায়মান প্রাণ-আগুনে ঢোকান আগে যে আয়শাকে দেখেছিলাম সে না অন্য কেউ ? আর ভাবতে পারলাম না আমি ; সম্ভবত লিও-ও না । একটু পরে যখন কানের কাছে নিৰ্ঝরের মতো মিষ্টি একটা কণ্ঠস্বর ফিসফিস করে উঠলো তখন সচেতন হয়ে দেখলাম, ছদ্মনই মাটিতে পড়ে আছি । ছড়িয়ে ধরে আছি একজন অন্যজনের গলা ।

‘এখানে এসো, ক্যালিক্রেটিস,’ স্বর্গীয় সংগীতের মতো মিষ্টি কণ্ঠস্বর শুনতে পেলাম, ‘আমার কাছে এসো ।’

অনেক কষ্টে উঠে দাঁড়ালো লিও । মাতালের মতো টলমলে পায়ে এগোলো আয়শার দিকে । তারপর আবার বসে পড়লো হাঁটু ভেঙে ।

‘ওঠো,’ বললো আয়শা, ‘তুমি কেন ? আচ্ছিসে তো হাঁটু গেড়ে বসবো তোমার সামনে ।’ লিওকে ওঠানোর জন্য হাত বাড়িয়ে দিলো ও ।

এবারও উঠতে পারলো না লিও । ধীরে ধীরে একটু একটু করে বুকে এলো আয়শা । ঠোট দুটো আলতো করে ছোঁয়ালো লিওর কপালে । তারপর ইশারায় ডাকলো আমাকে । আমি গেলাম, লিওর

মতোই হাঁটু গেড়ে বসলাম।

‘না,’ বললো সে, ‘তুমি ওঠো, চাইলে এমন কি না চাইলেও, প্রেমিক বা পূজারী অনেক পাবো। কিন্তু হলি, তোমার মতো বন্ধু কোথায় পাবো?’ তারপর খুঁকে আমার কপালেও আলতো করে ঠোঁট ছোঁয়ালো ও, — কেবল ছোঁয়ালো, আর কিছু না।

স্বীকার করতে লজ্জা নেই, সেই মুহূর্তে অদ্ভুত এক আকুলতা বোধ করলাম মনে। ওকে জড়িয়ে ধরার ইচ্ছা হলো আমার। প্রায় সঙ্গে সঙ্গে মনে পড়ে গেল আমি বৃদ্ধ, এধরনের আকুলতা প্রকাশ করার দিন পেরিয়ে এসেছি অনেক আগে। তাছাড়া আয়শা আমাকে সত্যিকারের বন্ধু হিসেবে স্বীকার করেছে, এলোক ছাড়িয়ে অন্তলোকে গিয়েও সে বন্ধু অটুট থাকবে। এর বেশি আর কি চাইবার আছে আমার?

লিওর হাত ধরে ছাদের নিচে ফিরে এলো আয়শা।

‘নাহ নীত লাগছে,’ বললো সে। ‘পাপান্ত, আমার আলখাল্লাটা দাও তো।’

কারুণ্য করা লাল পোশাকটা যত্ন করে পরিয়ে দিলো ওকে পূজারিণী। রাজকীয় ভঙ্গিতে ওটা খুলে রইলো ওর কাঁধ থেকে, অভিষেকের পোশাক যেন।

‘ও প্রিয়তম, প্রিয়তম,’ লিওর দিকে তাকিয়ে মৃগে চললো সে, ‘কমতাবানরা একবার খোঁচা খেলে সহজে ভুলতে পারে না, জানি না, ক’দিন তুমি আমি এক সাথে থাকতে পারিবো এপৃথিবীতে, হয়তো সামান্যক্ষণ। সুতরাং সময়টুকু হেলায় নষ্ট করবো কেন? চলো আনন্দের পেয়ালায় চুমুক দিয়ে একে পৌরবময় করে রাখি। এ জায়গা আমার কাছে অসহ্য লাগছে। এখানে যত কষ্ট, যত যাতনা সহ্য

করেছি, পৃথিবীতে কোনো নারী তা কখনো করেনি। আর এক মুহূর্ত এখানে থাকতে ইচ্ছে হচ্ছে না আমার।' তারপর আচমকা হিংস্র-ভঙ্গিতে শামান সিমত্রির দিকে ফিরে বললো, 'বলো তো, যাছকর, আমার এখন কি মনে হচ্ছে?'

বুকের ওপর ছ'হাত ভাঁজ করে এতক্ষণ দাঁড়িয়ে ছিলো বৃদ্ধ শামান। স্রবাব দিলো, 'সুন্দরী, তোমার যা নেই আমার তা আছে, ভবিষ্যৎ দেখবার ক্ষমতা। আমি একটা মৃতদেহ দেখতে পাচ্ছি। পড়ে আছে—'

'আর একটা কথা বলেছো কি, সেটা তোমার মৃতদেহ হবে।' গর্জে উঠলো আয়শা। আগুন ঝরছে ঘেন ওর চোখ থেকে। 'গর্দভ, আমাকে মনে করিয়ে দিও না আমি আমার হারানো শক্তি ফিরে পেয়েছি, ইচ্ছে করলেই এখন আমি যাদের ঘণা করতাম সেই সব পুরনো শত্রুদের ধ্বংস করে দিতে পারি।'

ভয় পেয়ে পিছিয়ে গেল বুড়ো যাছকর। পিছাতে পিছাতে দেয়ালে গিয়ে ঠেকলো তার পিঠ।

'ম—মহামহিমাময়ী! এখনো আমি—আমি আপনাকে আগের মতোই ভক্তি করি,' তো-তো করে বললো বৃদ্ধ। 'আমি—আমি শুধু বলতে চাইছিলাম, কালুনের এক ভাবী খানকে এখানে শুয়ে থাকতে দেখছি।'

'নিঃসন্দেহে কালুনের অনেক খানই এখানে শুয়ে থাকবে, সেটা আবার বলার মতো ব্যাপার হলো কখনো মাক ভয় পেয়ো না, শামান, তোমাকে কিছু বলবো না। আমার মাগ পড়ে গেছে। চলো আমরা যাই।'

সূর্য এখন পুরোপুরি বেগ্নিয়ে এসেছে দিগন্তের আড়াল থেকে।

আলোর বন্যায় ভাসছে পাহাড়ের পাদদেশ, দূরে কাণুনের সমভূমি ।  
মুঞ্চ চোখে দেখলো আয়শা । তারপর লিওর দিকে তাকিয়ে বললো,  
'পৃথিবীটা খুব সুন্দর । আমি এ-সব তোমাকে দিয়ে দিলাম ।'

মানো তুমি আমার রাজ্য দিয়ে দিচ্ছে। ওকে, হেস, প্রীতি উপহার  
হিশেবে ?' অনেকক্ষণ পর কথা বললো অ্যাভেন । 'কিন্তু এত সহজে  
তো তা সম্ভব নয়, আগে ওটা ছয় করতে হবে তোমাকে ।'

নিঃশব্দে কয়েক মুহূর্ত তাকিয়ে রইলো আয়শা অ্যাভেনের দিকে ।  
অবশেষে বললো, 'অল্প সময় হলে এই অশিষ্টে কথার জন্তে ভয়ানক  
শাস্তি পেতে হতো তোমাকে । কিন্তু এখন কমা করে দিলাম : আমিও  
প্রতিদ্বন্দ্বীর চরম লজ্জার সময় দুঃখ বোধ করি । যখন আমার চেয়ে  
সুন্দর ছিলে তখন তুমিই ওকে দিতে চেয়েছিলে তোমার রাজ্য ।  
কিন্তু এখন কে বেশি সুন্দর ? সবাই দেখ, বলো কে বেশি সুন্দর ?'  
হাসি মুখে অ্যাভেনের পাশে গিয়ে দাঁড়ালো সে ।

ধানিয়া রূপসী সন্দেহ নেই । পৃথিবীতে এত রূপ খুব কম নারীরই  
আছে । তবু ওহ ! আয়শার স্বর্গীয় সৌন্দর্যের পাশে কি ম্লান লাগছে  
ওকে !

'আমি নিছক একটা নারী,' বললো অ্যাভেন । 'তুমি পিশাচী না  
দেবী তুমিই ভালো জানো,' ভয়কর ক্রোধে কৌপাৰ্শ্বিও । 'স্বীকার  
করছি তোমার আগুনের মতো রূপের কাছে আমি প্রদীপের মতোই  
নিশ্চিভ, আমার মরণশীল রক্ত-মাংসের সঙ্গে তোমার অশুভ গোরবের  
তুলনা চলে না । পারলে সাধারণ হয়ে এসো, নারী হয়ে এসো, দেখি  
আমি আমার হারানো প্রেম ফিরে পেতে পারি কিনা । একটা কথা  
মনে রেখো, মানুষের সঙ্গেই মানুষের মিলন সম্ভব, পশু বা দেবী,  
পিশাচীর সঙ্গে নয় ।'

অস্থিরতার ছাপ পড়তে দেখলাম আয়শার মুখে। লাল ঠোঁট ছটো-তে একটু যেন ধূসর ছোপ লাগলো, চোখ ছটো যেন চঞ্চল। পরমুহূর্তে চঞ্চলতা, শঙ্কা, অস্থিরতা দূর হয়ে গেল। রূপালী ঘণ্টার মূছ টুং-টুং-এর মতো বেঞ্জে উঠলো ওর কণ্ঠস্বর : ‘কেন প্রলাপ বকছো, অ্যাভেন? জানো না গ্রীষ্মের কণজীবী ঝড় ষতই চেষ্টা করুক, পর্বতশৃঙ্গকে টলাতে পারে না, নিজেই নিঃশেষ হয়ে যায়। বাক, এখন শোনো, খুব শিগগিরই আমি তোমার রাজধানীতে যাবো। তুমি ঠিক করো, শাস্তিতে যাবো না যুদ্ধ করে যাবো।’

‘চলো অতিথিরা, আমরা এবার বিদায় নিই।’

অ্যাভেনকে পেরিয়ে এগিয়ে যাচ্ছে আয়শা, লিওয়ার হাতটা এখনো ওর হাতে। এই সময় নড়ে উঠতে দেখলাম খানিয়াকে। পরমুহূর্তে তার হাতে ঝিক করে উঠলো একটা ছুরি। পাগলের মতো ঝাপিয়ে পড়ে ছুরিটা সে গর্গেখে দিলো আয়শার পিঠে। স্পষ্ট দেখলাম ছুরির ফলা আমূল ঢুকে গেল ওর শরীরে। কিন্তু এ কি! আর্তনাদ তো দূরের কথা ভুরুটাও সামান্য কুঁচকালো না আয়শার। যেমন যাচ্ছিলো তেমনি হেঁটে যেতে লাগলো।

ব্যর্থ হয়েছে বোঝার সঙ্গে সঙ্গে আবার চেষ্টা চালালো অ্যাভেন। হুঁহাত বাড়িয়ে ছুটে গেল আয়শাকে ধাক্কা দিয়ে নিষেধ ফেলে দেয়ার জন্তে। আশ্চর্য! আয়শাকে ও স্পর্শই করতে পারলো না। আয়শার শরীরের সামান্য দূরে থাকতে অদৃশ্য কিছুই হাতাবে যেন সরে গেল ওর হাত। বাতাসে ধাক্কা মারলো অ্যাভেন এবং সেই মুহূর্তে ভাল হারালো। হোঁচট খাওয়ার ভঙ্গিতে এগিয়ে গেল এক পা, তারপর আরো এক পা। অ্যাভেনের একটা পা এখন মাটিতে অস্ত পা শূন্যে। এবার উন্টে পড়বে। এই সময় বিহ্বাৎ গতিতে হাত বাড়ালো আয়শা।

আ্যাতেনের এক হাত ধরে অবলীলায় তুলে আনলো ওপরে ।

‘বোকা মেহেমানুষ ।’ করুণা মেশানো স্বরে বললো আয়না ।  
‘পাগল নাকি, আত্মহত্যা করতে যাচ্ছিলে । আবার যখন আসবে  
শুধিবীতে, সাপ হয়ে না বিড়াল হয়ে ঠিক আছে কোনো ? বাকি  
জীবনটা ভোগ করে নাও ।’

এই বিজ্ঞপ সইতে পারলো না আ্যাতেন । ফুঁপিয়ে উঠে বললো,  
‘তুমি মানুষ নও, কি করে তোমার সাথে আমি লড়বো ? ঈশ্বরের  
হাতে ছেড়ে দিলাম তোমার শাস্তির ভার ।’ মুখ গুঁজে বসে কাঁদতে  
লাগলো ও ।

লিও আর সহ্য করতে পারলো না বেচারার কষ্ট । এগিয়ে গিয়ে  
হুঁহাতে ধরে তুললো ওকে । ছুঁএকটা সান্দ্রনাবাক্য শোনালো । কয়েক  
সেকেণ্ড ওর হাতে মাথা রেখে ছাড়িয়ে রইলো আ্যাতেন । তারপর  
ছাড়িয়ে নিলো নিজেকে । শামান সিমত্রি এসে ধরলো ভাইবির হাত ।

‘এখনো দেখছি তোমার সৌজ্ঞন্যবোধ আগের মতোই টনটনে, প্রভু  
লিও’, আয়না বললো । ‘কিন্তু উচিত হয়নি কাজটা, ওর কাপড়ের  
ভেতর আরো ছুরি লুকানো থাকতে পারে । যাক, চলো, অনেক বেলা  
হলো, এবার নিশ্চয়ই বিখ্যাম দরকার আমাদের ।’

The Online Library of Bangla Books

**BANGLA BOOK**.ORG

## সভেরো

নিচে নেমে এলাম আমরা। আয়শা বিদায় নিলো আপাতত। বলে গেল, 'অরোস তোমাদের সাথে থাকবে, সময় হলেই আবার আমার কাছে নিয়ে যাবে। ততক্ষণ আরাম করোগে যাও।'

অরোস সুন্দর একটা বাড়িতে নিয়ে গেল আমাদের। সামনে আরো সুন্দর একটা বাগান। মাটি থেকে এত উঁচুতেও তরতাজা সবুজ গাছে রঙ-বেরঙের ফুল ফুটে আছে।

'ওহ! ভয়ানক ক্রান্ত লাগছে। আমি এখন ঘুমাবো,' অরোসের দিকে তাকিয়ে লিও বললো।

বিনীত ভঙ্গিতে একটা কামরায় নিয়ে গেল আমাদের সুজারী-প্রধান। ধবধবে চাদর পাতা বিছানা দেখতে পেলাম সেখানে। প্রায় লাফিয়ে বিছানায় উঠলাম আমরা। শুতে না শুতেই ঘুমিয়ে গেলাম।

ঘুম ভাঙলো বিকেলে। উঠে স্নান করে ষাওয়া-দাওয়া সেরে নিলাম। তারপর গিয়ে বসলাম বাগানে। আমাদের—বিশেষ করে লিওর বর্তমান, ভবিষ্যত নিয়ে টুকটাক আলোচনা করলাম কিছুক্ষণ। হঠাৎ দেখি অরোস আসছে। লিওর সামনে এসে কুনিশের ভঙ্গিতে মাথা মুইয়ে সে বললো, 'মন্দিরে আপনাদের উপস্থিতি আশা করছেন হেসা।'

উঠে ঘরে এলাম আমরা। দেখলাম কয়েকজন পূজারী অপেক্ষা করছে। প্রথমেই আমাদের চুল দাড়ি হেঁটে দিলো ওরা। লিঙ বাধা দেয়ার চেষ্টা করলো একবার, ওরা গুনলো না। এরপর সোনার কারু-কাজ করা পাছকা পরিয়ে দিলো পায়ে। গায়ে পরিয়ে দিলো অত্যন্ত জমকালো পোশাক। আমারটার চেয়ে লিঙরটা বেশি সুন্দর, শাদার ওপর সোনালী আর লাল-এ কাজ করা। সবশেষে লিঙর হাতে একটা রূপার দণ্ড ধরিয়ে দেয়া হলো আর আমাকে সাধারণ একটা ছড়ি।

‘ওসিরিসের দণ্ড।’ লিঙর কানে কানে বললাম। ‘এখন থেকে বোধ-হয় ওসিরিসের অভিনয় করতে হবে তোমাকে।’

‘দেখ, বলে দিচ্ছি, কোনো উদ্ভট দেবতার অভিনয় আমি করতে পারবো না,’ সোজাসাপ্টা জবাব লিঙর। ‘যা হয় হবে, আমি যা বিশ্বাস করি না তা করবো না।’

আমি বোঝানোর চেষ্টা করলাম ওকে, ব্যাপারটা অত গুরুত্বপূর্ণ কিছু নয়, কিছুক্ষণ চোখ কান বুজে থাকলেই চুকে যাবে, না হলে আয়শা হয়তো অসন্তুষ্ট হবে, তখন কি ঘটবে কেউ বলতে পারে? কিন্তু ধর্ম-সংক্রান্ত ব্যাপারে লিঙর কোনো গোঁড়ামী নেই, ভণ্ডামীও নেই। সুতরাং কিছুতেই ও রাজি হলো না যা বিশ্বাস করে না তার অভিনয় করতে। অবশেষে আরোসের কাছে জিজ্ঞেস করলো ও, ‘কি হবে মন্দিরে?’ একটু রুক্ষ ওর কণ্ঠস্বর।

খতমত খেয়ে প্রথমে কিছুক্ষণ দাঁড়িয়ে রইলো আরোস। তারপর বললো, ‘বাগদান।’

এবার শাস্ত হলো লিঙ। প্রশ্ন করলো, ‘খানিয়া আ্যাভেন থাকবে?’

‘না। যুদ্ধ এবং প্রতিশোধের প্রতিজ্ঞা করে উনি কাসুনে ফিরে গেছেন।’



রওনা হলাম আমরা। উঠোন, সড়ক, সিঁড়ি, বারান্দা পেরিয়ে অবশেষে পৌঁছলাম মন্দিরের সেই উপবৃত্তাকার কক্ষে। শুধু আয়শা নয়, পূজারী, পূজারিণীরাও উপস্থিত সেখানে। সারি বেধে দাঁড়িয়ে আছে সবাই। এক সারিতে পূজারীরা, অন্য সারিতে পূজারিণী। আমাদের নেখেই সমবেত কণ্ঠে গান গেয়ে উঠলো তারা। আনন্দের গান। হুই সারির মাঝ দিয়ে এগিয়ে চললাম আমরা। সামনে অরোস, পেছনে পাশাপাশি আমি আর লিও। সারির শেষে দাঁড়িয়ে পড়লো অরোস। আমরা এগিয়ে গিয়ে দাঁড়লাম আয়শার মুখোমুখি।

সিংহাসনের পাশে দাঁড়িয়ে আছে আয়শা। লিওর গায়ে যেমন তেমনি জমকালো সুন্দর একটা আলখাল্লা ওরও পরনে। হাতে মণ্ডিত সোনার সিসট্রাম। আমরা দাঁড়িয়ে পড়তেই সিসট্রামটা উচু করলো আয়শা। খেমে গেল সমবেত সংগীত।

‘হেসার পছন্দের মানুষকে দেখ !’ জলতরঙ্গের মতো বেজে উঠলো আয়শার গলা।

সমবেত পূজারী, পূজারিণীরা সমস্বরে চিৎকার করে উঠলো, ‘হেসার পছন্দের মানুষ, স্বাগতম !’

ফাঁকা মন্দিরের দেয়ালে দেয়ালে প্রতিধ্বনি তুলে গম্বুজ করতে লাগলো আওয়াজটা। আমাকে তার পাশে দাঁড়ানোর ইশারা করে লিওর হাত ধরলো আয়শা। কয়েক পা এগিয়ে গেলো শাদা পোশাক পরা পূজারী-পূজারিণীদের দিকে। তারপর শুভাবেই লিওর হাত ধরে থেকে বলতে লাগলো—

‘হেস-এর পূজারী ও পূজারিণীরা শোনো। এই প্রথমবারের মতো আমি আমার রূপে তোমাদের সামনে এসেছি। কেন জানো ? এই লোকটাকে দেখছো, তোমরা জানো ও বিদেশী, ঘুরতে ঘুরতে

আমাদের মন্দিরে এসে পড়েছে। কিন্তু না, ও আগন্তুক নয়। অনেক অনেক শতাব্দী আগে ও ছিলো আমার প্রভু, এখন আবার আমার প্রেমের প্রত্যাশায় এসেছে। তাই না, ক্যালিক্রেটিস ?

‘হ্যাঁ’, জবাব দিলো লিও।

‘হেস-এর পূজারী ও পূজারিণীরা, তোমরা জানো, আমি যে পদ অধিকার করে আছি সে-পদের অধিকারী ইচ্ছে করলে একজন স্বামী বেছে নিতে পারে। এরকমই রীতি, তাই না ?’

‘হ্যাঁ, ও হেস,’ ওরা জবাব দিলো।

কয়েক মুহূর্ত চুপ করে রইলো আয়শা। তারপর অপূর্ব মিস্তি এক ভঙ্গিতে লিওর দিকে ফিরে মাথা ঝাঁকালো। পর পর তিনবার। তারপর হাঁটু গেড়ে বসলো। মুখ উচু করে বিশাল ছুঁচোখ মেলে লিওর চোখে চোখে তাকালো।

‘বলো তুমি,’ সে, বসলো ‘সমবেত সবার সামনে, এবং যাদেরকে দেখতে পাচ্ছে না তাদের সামনে বলো, আবার তুমি আমাকে বাগদস্তা বধু হিসেবে গ্রহণ করছো।’

‘হ্যাঁ, দেবী,’ গাঢ়, একটু কম্পিত স্বরে, বললো লিও, ‘এখন এবং চিরদিনের জন্তে।’

নিঃশব্দে দেখছে সবাই। ধীরে ধীরে উঠে দাঁড়ালো আয়শা। সিসট্রামটা পড়ে গেল ওর হাত থেকে। টুং-টাং আওয়াজ উঠলো ঘণ্টাগুলো থেকে। ছুঁহাত বাড়িয়ে দিলো ও লিওর দিকে।

লিও-ও ঝুঁকে এলো ওর দিকে। দুজনের ঠোঁট এক হয়ে যাচ্ছে। কিন্তু, এমন সময় হঠাৎ আমি খেয়াল করলাম, রক্তশূন্য ক্যাকাশে হরে গেছে লিওর মুখ। অদ্ভুত এক অস্বাভাবিক বিচুরিত হচ্ছে আয়শার কপাল থেকে, সেই আভায় সোনার মতো দেখাচ্ছে লিওর উজ্জল চুল। আমি

দেখলাম, বাতাস লাগা পাতার মতো কেঁপে উঠলো বিশালদেহী লিও, যেন পড়ে যাবে একুনি ।

আয়শাও খেয়াল করলো ব্যাপারটা । ঠোট ছটো এক হয়ে যাওয়ার আগ মুহূর্তে লিওকে ধাক্কা দিয়ে সরিয়ে দিলো ও । মুখে নেমে এলো ভয়ের কালো ছায়া । অবশ্য কণিকের জন্তে । তারপরেই লিওর আলিঙ্গন থেকে বেরিয়ে এসে হাত বাড়িয়ে ধরলো ওকে । ধরে রইলো যতক্ষণ না কাঁপুনি দূর হলো লিওর পায়ের ।

অরোস সিসট্রামটা আবার ধরিয়ে দিলো আয়শাকে । ওটা উচু করে সে বললো—

‘প্রিয়তম, তোমার নির্ধারিত আসন গ্রহণ করো । চিরদিন ঐ আসনে আমার পাশে বসে থাকবে তুমি । ও হেস-এর প্রিয়তম প্রভু, বসো তোমার সিংহাসনে, এবং গ্রহণ করো তোমার পূজারীদের পূজা ।’

‘না.’ বললো লিও, ‘কেউ আমার সামনে হাঁটু গেড়ে বসবে না । এই প্রথম এবং শেষবারের মতো বলে দিচ্ছি, তোমাদের অঙ্কুরিত সব দেবতা, অপদেবতা সম্পর্কে কোনো ধারণা নেই আমার, ওসব আমি বিশ্বাসও করি না । সুতরাং কেউ আমাকে পূজা করবে ? অসম্ভব !’

সারিবদ্ধভাবে দাঁড়িয়ে থাকা পূজারীদের অনেকের কানে গেল লিওর এই দৃঢ় বক্তব্য । একে অন্যের ভেতর কানাকানি করতে লাগলো তারা । একজন তো বলেই ফেললো—‘সরিধান, পছন্দের মানুষ ! মায়ের ক্রোধ থেকে সাবধান ।’

আবার কণিকের জন্যে ভয়ের ছায়া পড়লো আয়শার মুখে । তারপর একটু হেসে ব্যাপারটাকে হালকা করার জন্যে বললো—

‘ঠিক আছে, প্রিয়তম, তোমার ইচ্ছাই আমার ইচ্ছা । কেউ তোমার

সামনে হাঁটু গেড়ে বসবে না, আমার ভাবী স্বামী হিসেবে তুমি বসো সিংহাসনে।’

উপায়ান্তর না দেখে বসলো লিও। পূজারী-পূজারিণীরা আবার সেই অদ্ভুত গানটা শুরু করলো। তারপর একসময় পাচমকা ধেমে গেল গান। আয়শা তার সিসট্রাম নেড়ে একটা ইশারা করলো। পরপর তিনবার মাথা झুইয়ে সম্মান জানালো পূজারী-পূজারিণীরা। তারপর ঘুরে দাঁড়িয়ে চলে গেল সারি বেঁধে। অরোস আর পাপাও কেবল রইলো।

‘চমৎকার না গানটা?’ বললো আয়শা। স্বপ্নালু দৃষ্টি চোখে, গানের মায়ায় এখনো যেন আচ্ছন্ন ও। ‘মিসরের বেহবিট-এ আইসিস আর ওসিরিসের বিবাহ উৎসবে গাওয়া হয়েছিলো এ গান। আমি উপস্থিত ছিলাম সে উৎসবে। বাক, চলো প্রিয়তম—আচ্ছা, কি নামে ডাকবো তোমাকে? ক্যালিক্রেটিস না—’

‘আমাকে লিও বলেই ডেকো, আয়শা। আগে ক্যালিক্রেটিস ছিলাম না কি ছিলাম, এখন কিছুই মনে নেই, এখন আমি লিও, এটাই আমার এখনকার পরিচয়।’

‘বেশ, প্রিয়তম লিও, চলো তোমাদের এগিয়ে দিই মন্দিরের হওয়ার পর্যন্ত। আমি কিছুকণ একা থাকতে চাই। আমাকে ভাবতে হবে। আর—আর কয়েকজন দেখা করতে আসবে, তাদের সাক্ষাৎ দিতে হবে।’

The Online Library of Bangla Books  
**BANGLA BOOK**.ORG

## ঘাঠারো

‘আয়শা এলো না কেন ?’ ঘরে ফিরে প্রথম প্রশ্ন করলো লিও।

‘আমি কি করে জানবো ? অরোসকে জিজ্ঞেস করে দেখতে পারো, দরজার বাইরেই আছে ও।’

‘হ্যাঁ তাই যাই। আমি ওকে ছাড়া থাকতে পারছি না, হোরেস। মনে হচ্ছে—মনে হচ্ছে, অদৃশ্য কিছু যেন ওর দিকে টানছে আমাকে। যাই, অরোসকেই জিজ্ঞেস করি, কেন এলো না আয়শা।’

অরোস বৃহৎ হাসলো শুধু। বললো, ‘হেসা এখনো তাঁর ঘরে যাননি, তারমানে, এখনো মন্দিরেই আছেন।’

‘তা হলে চললাম ওকে খুঁজতে। অরোস, এসো; তুমিও, হোরেস।’

‘আপনারা যেখানে খুঁশি যেতে পারেন,’ সবিনয়ে বললো পুস্তাকারী, ‘সব দরজা খোলা আপনাদের জন্যে। কিন্তু আমার ওপর নির্দেশ আছে, আপনাদের দরজা ছেড়ে যেন না নড়ি।’

‘চলে, হোরেস,’ বললো লিও। ‘নাকি আমি একাই যাবো ?’

ইতস্তত করছি আমি। অবশেষে বললাম, ‘যেতে পারি, কিন্তু পথ খুঁজে পাবে না তো।’

‘দেখা যাক, পাই কিনা।’

একটু আগে যে পথে গিয়েছিলাম সে পথেই আবার মন্দিরের দর-

জ্বর কাছে পৌঁছলাম। লোহার দরজা পেরিয়ে বৃত্তাকার কক্ষের কাঠের দরজার সামনে এলাম। বন্ধ দরজাটা। ঠেলা দিতেই নিঃশব্দে খুলে গেল। আশ্চর্য। জীবন্ত আগুনের স্তম্ভগুলো নেই। গাঢ় অন্ধকার প্রায় গোল কামরাটায়। এমন সময় কছুও এক অনুভূতি হলো আমার। কামরাটা যেন লোকে গিজ গিজ করছে। তাদের পোশাকের স্পর্শ পাচ্ছি গায়ে। ওদের নিশ্বাসও অনুভব করছি, কিন্তু তা উষ্ণ নয়, শীতল। মানুষগুলো চলে ফিরে বেড়াচ্ছে যেন। কেমন ভয় ভয় করতে লাগলো আমার। গায়ের লোম খাড়া হয়ে গেছে।

অবশেষে অনেক দূরে আলোর দেখা পাওয়া গেল। অকস্মাৎ ছলে উঠেছে ছোটো অগ্নিস্তম্ভ প্রতিমা-বেদীর স্থপাশে। কিন্তু খুব একটা উজ্জ্বল ভাবে নয়। আমরা এখনো দরজার কাছে রয়েছি, এত দূরে আলো এসে পৌঁছচ্ছে না।

আমাদেরকে দেখতে না পেলেও আমরা ঠিকই দেখতে পাচ্ছি— ওখানে সিংহাসনে বসে আছে আয়শা। অগ্নিস্তম্ভের সম্পষ্ট নীল আলো খেলা করছে ওর ওপর। খাড়া বসে আছে ও, অল্পত এক অহঙ্কার চেহারায়, হুঁচোখ থেকে ঠিকরে পড়ছে ক্ষমতার ছাতি।

আবছা ছায়ার মতো একটা মূর্তি হাঁটু গেড়ে বসলো তার সামনে। তারপর আরেকটা, আরো একটা, এবং আরো। হাঁটু গেড়ে বসে সবাই একসাথে মাথানোয়ালো। হাতের দিসট্রামটা উঠ করে তাদের সম্মানের জবাব দিলো আয়শা। ওর ঠোঁট নিভতে দেখলাম, কিন্তু কোনো শব্দ পৌঁছলো না আমাদের কানি। নিশ্চয়ই পরলোকের আত্মারা পূজা নিবেদন করতে এসেছে।

তবু আমার নয়, লিওর মনেও সম্ভবত এই একই সম্ভাবনার কথা উঁকি দিয়েছে। কারণ যে মুহূর্তে আমি ওর হাত আঁকড়ে ধরতে গেলাম

ঠিক সেই মুহূর্তে ও-ও ঝাঁকড়ে ধরলো আমার হাত। ক্রুত অশচ  
নিঃশব্দ পায়ে বেরিয়ে এলাম আমরা মন্দির থেকে।

প্রায় ছুটে ছুটে এসে পৌঁছলাম আমাদের ঘরের কাছে। অরোস  
এখনো দাঁড়িয়ে আছে দরজায়। স্বভাবসুলভ মেকি হাসিটা ধরা আছে  
মুখে। ওর পাশ কাটিয়ে ঘরে ঢুকলাম আমরা। একে অপরের দিকে  
ডাকলাম।

‘কি ও ?’ হাঁপাতে হাঁপাতে জিজ্ঞেস করলো লিও। ‘দেব দূতী ?’

‘হ্যাঁ। বা ঐ ধরনের কিছু।’

‘আর ওগুলো—ছায়ার মতো—কি করছিলো ?’

‘রূপান্তরের পর শুভেচ্ছা জানাচ্ছিলো হয়তো। হয়তো ওগুলো  
ছায়া নয়, ছদ্মবেশী পুরোহিত, গোপন কোনো আচার পালন  
করছিলো।’

কাঁধ ঝাঁকালো লিও, কোনো জবাব দিলো না।

অবশেষে দরজা খুললো। অরোস ঢুকে বললো, হেসা তাঁর ঘরে যেতে  
বলেছেন আমাদের।

একটু আগে যে দৃশ্য দেখেছি তা মনে হতেই গা শিরশির করে  
উঠলো, তবু গেলাম।

বসে আছে আয়শা। একটু ঘেন ক্রান্ত গুজারিনী পাশে এই  
মাত্র খুলে নিয়েছে তার রাজকীয় আলখল্লা। ভেতরের শাদা পোশা-  
কটা এখন ওর পরনে। ইশারায় লিওকে কাছে ডাকলো। এবার  
ওদেরকে একটু একা থাকতে দিতে হয়, ভেবে ঘুরে দাঁড়লাম আমি।

‘কোথায় যাচ্ছে, হলি, আমাদের কেলে ?’ মুহূর্তে হেসে জিজ্ঞেস

করলো আয়শা। 'আবার মন্দিরে?' অর্ধপূর্ণ দৃষ্টিতে আমার দিকে তাকালো ও। 'কেন, মায়ের প্রতিমার কাছে কোনো প্রহ্ন আছে? নাকি জায়গাটা খুব ভালো লেগে গেছে জানাতে চাও মা-কে?'

আমি কোনো জবাব দিলাম না, সম্ভবত ও আশাও করেনি। কারণ না যেমই ও বলে চললো, 'না, তুমি এখানেই থাকো। আমরা তিনজন সেই অতীতের মতো আজ একসাথে থাকো। অরোস, পাশাভ, তোমরা এখন যাও, দরকার লাগলে ডাকবো তোমাদের।'

খুব বড় নয় আয়শার ঘরটা। ছাদ থেকে ঝোলানো প্রদীপের আলোয় দেখলাম, চমৎকার, দামী সব আসবাবপত্র সাজানো। পাথরের দেয়ালগুলোয় সুন্দর কালকাজ করা পর্দা ঝুলছে। টেবিল চেয়ারগুলো রূপো দিয়ে বাঁধানো। এখানে একজন মহিলা বাস করে তার একমাত্র প্রমাণ—বেশ কয়েকটা পাত্রে ফুল সাজানো।

টেবিলে খাবার সাজানোই ছিলো। সামান্য জিনিস; আমাদের জন্যে ডিম ভাজা, দুই আর ঠাণ্ডা হরিণের মাংস, ওর জন্যে দুধ, ছোট্ট কয়েক টুকরো ময়দার পিঠে আর পাহাড়ী জাম। আয়শা বসে উন্টোদিকের ছোটো চেয়ারে আমাদের বসতে ইশারা করলো।

আমি বসে পড়লাম। কিন্তু লিও বসার আগে গায়ের কিছুকালো আলখাল্লাটা খুলে ছুঁড়ে দিলো একদিকে, হাতের রূপালী দণ্ডটাও— একটু আগে অরোস জোর করে ওর হাতে গুঁজে দিয়েছিলো ওটা।

'এসব পবিত্র জিনিসপত্রের ওপর খুব একটা শ্রদ্ধা নেই তোমার তাই না?' একটু হেসে জিজ্ঞেস করলো আয়শা।

'একটুও না,' জবাব দিলো লিও। 'মন্দিরে যা বলেছিলাম নিশ্চয়ই শুনেছিলে, আয়শা? আমি তোমার ধর্মের কিছুই বুঝি না, এপর্ষন্ত যেটুকু দেখেছি তাতে ভক্তি জাগেনি আমার মনে। তারচেয়ে এসো।



একটা চুক্তি করি আমরা, কেউ কারো ধর্মবিশ্বাসে হস্তক্ষেপ করবো না। রাজি ?

আমি ভাবছিলাম রাগে ফেটে পড়বে আয়শা। কিন্তু না, ও সামান্য মাথা ঝাঁকালো শুধু। নরম করে বললো, 'তোমার ইচ্ছাই আমার ইচ্ছা, লিও. তোমার ধর্মবিশ্বাস তো আমারও ধর্মবিশ্বাস।'

'মানে! আমার ধর্মবিশ্বাস তোমার ধর্মবিশ্বাস হর্বে কেমন করে?'

'পৃথিবীর সব মহান বিশ্বাস কি এক নয়? সামান্য যেটুকু পার্থক্য তা বহুমান সময় আর জনগোষ্ঠীর ভিন্নতার কারণেই। আমি—আমরা বিশ্বাস করি সুমহান এক শুভশক্তি বিশ্বব্রহ্মাণ্ডকে নিয়ন্ত্রণ করছেন। এই শক্তিই ঈশ্বর। তোমার বিশ্বাস কি এর থেকে আলাদা?'

'না, আয়শা। কিন্তু তোমার? হেস বা আইসিস হলো তোমার দেবী। তার সঙ্গে দূর অতীতে তোমার কি চুক্তি হয়েছিলো তা কখনো বলোনি আমাদের। ভাগ্যক্রমে বা ছুঁড়াগ্যক্রমে—খাই বলো, কাল রাতে জানলাম। কে এই দেবী হেস?'

'আমি তার নাম দিয়েছি প্রকৃতির আত্মা। পৃথিবীর বাবতীয় জ্ঞান ও রহস্য লুকিয়ে আছে তাঁর ভেতর।'

'ভালো কথা। শুক্রা কেউ অবাধ্য হলে উনি নিশ্চয়ই প্রতিশোধ নেন? যেমন নিয়েছেন আমার—দূর অতীতের আমার ওপর।'

টেবিলে কনুই ঠেকিয়ে ঝুঁকে বসলো আয়শা। শান্ত, পূর্ণচোখে তাকালো লিওর দিকে। তারপর বললো, 'তোমার যে বিশ্বাস তাতে নিশ্চয়ই দুজন ঈশ্বর আছেন, একজন শুভের অন্যজন অশুভের, একজন ওসিরিস অন্যজন সেট?'

মাথা ঝাঁকালো লিও। 'অনেকটা।'

'এবং অশুভের দেবতাই শক্তিশালী বেশি, তাই না?'

‘কোনো কোনো ক্ষেত্রে ।’

‘তাহলে বলো, লিও, এখনো কি পৃথিবীর নখর মানুষ তুচ্ছ জাগতিক মোহে অন্তরের কাছে আত্মবিক্রি করে না ?’

‘হ্যাঁ, করে । সেরকম বদলোকের সংখ্যা কম নয় আজকের ছনিয়ায় ।’

‘এবং অতীতে যদি কোনো নারী অমন করে থাকে ? রূপ, দীর্ঘ-জীবন, জ্ঞান এবং প্রেমের মোহে পাগল হয়ে—’

‘নিজেকে বিক্রি করলো সেট নামের অপদেবতার কাছে ? এইতো তুমি বলতে চাইছো, আয়শা ?’ কল্পিত স্বরে বলতে বলতে উঠে দাঁড়ালো লিও । ‘তুমি—তুমি অমন এক নারী ?’

‘যদি হই ?’ ধীরে ধীরে উঠে দাঁড়িয়ে আয়শা বললো ।

‘যদি হও —’ ভেঙে গেল লিওর গলা, ‘ওহ !—সেক্ষেত্রে আমাদের বোধহয় আলাদা হওয়ার সময় এসেছে—’

‘আহ !’ আর্তনাদ করে উঠলো আয়শা, আচমকা যেন ছুরি বিঁধেছে তার বুকে । ‘তারপর কি অ্যাতেনের কাছে যাবে ? উহ’, তা তুমি পারবে না । আমার আছে ক্ষমতা, আছে লোকাল । আমি—আমি—না না, আর হত্যা করবো না তোমাকে । জীবিত অবস্থায়ই আটকে রাখবো । লিও, লিও, আমার রূপের নিকে তাকা—’ একটু বুকে মোহনীয় ভঙ্গিতে কিছুক্ষণ শরীর দোলালো সে । তারপর হঠাৎ সোজা হয়ে দাঁড়ালো । ‘না, এভাবে তোমাকে প্রলুব্ধ করবো না, প্রিয়তম । তুমি যাও । আমার একাকিষ, আমার পাপের মধ্যে আমাকে রেখে তুমি যাও । একনি যাও । অ্যাতেন তোমাকে আশ্রয় দেবে । দেখ, লিও, আমি আবার ঘোমটা টেনে দিচ্ছি, যাতে আমার রূপ তোমাকে প্রলুব্ধ করতে না পারে ।’ সত্যিই ও আলখাল্লার

কোনা দিয়ে আড়াল করে ফেললো মুখ। তারপর হঠাৎ জিজ্ঞেস করলো—

‘তুমি আর হলি আবার মন্দিরে গিয়েছিলে না? মনে হলো তোমাদের দেখলাম দরজায়।’

‘হ্যাঁ, তোমাকে খুঁজতে গিয়েছিলাম।’

‘এবং গিয়ে যা খুঁজছিলে না তা-ও পেলে?’

‘কি ওগুলো আয়শা? ছায়ার মতো, তোমার পায়ে মাথা ঠেকাচ্ছিলো?’

‘আমি অনেক রূপে অনেক দেশ শাসন করেছি, লিও। হয়তো ওরা আমার অতীত পূজারীদের কয়েকজন, হয়তো ওটা তোমার নিছক উত্তপ্ত মস্তিষ্কের কল্পনা, আগুনের পর্দায় যেমন ছবি দেখেছিলে তেমন।’

‘লিও তিনসি, সত্যি কথাটা এবার শোনো, পৃথিবীর সবকিছুই মায়া, দৃষ্টিবিলম্ব। অতীত, ভবিষ্যত বলে কিছু নেই। আমি আয়শা এক কুহকিনী। আমি অসুন্দর যখন তুমি আমাকে অসুন্দর দেখ, আমি সুন্দর যখন তুমি আমাকে সুন্দর দেখ। কল্পনা করো সেই সিংহাসনে বসে রাণীর কথা, যার পায়ে মাথা ঠেকাতে দেখেছিলো ছায়াময় শক্তিদের। সে আমি। আবার সেই কুংসিত আতঙ্কজনক চেহারার কথা স্মরণ করো। সে-ও আমি। পাপ পুণ্য হয়ে মিলিয়ে-ই আমি। এখন তুমি সিদ্ধান্ত নাও আমাকে ফেলে চলে যাবে, না আমাকে জড়িয়ে ধরে, ভালোবেসে আমার পাপের ভাগ তোমার মাথায় তুলে নেবে?’

কিছুক্ষণ চুপ করে রইলো লিও। দু’তিনবার ঘরের এমাথা ওমাথা পায়চারি করলো। অবশেষে বললো, ‘হ্যাঁ, আমি তোমাকে ভালোবেসেছি, পাপপুণ্যে মেশানো তোমাকে। তোমার ভালোটুকু যদি

গ্রহণ করতে পারি, মন্দটুকুও পারবো—পারতে হবে। আমি জানি আমি নিরপরাধ। তবু যদি শাস্তি পেতে হয়, তোমার জন্যে, সে শাস্তি আমি মাথা পেতে নেবো।’

শুনলো আয়শা। মাথা থেকে আলখাল্লার প্রাস্তটা কখন নেমে এলো খেয়ালই করলো না। নিঃশব্দে দাঁড়িয়ে রইলো হতভম্বের মতো। তারপর হঠাৎ ভেঙে পড়লো কান্নায়। লিওর সামনে গিয়ে বসলো। আন্তে আন্তে মাথাটা নামিয়ে ঠেকালো মাটিতে, ওর পায়ের কাছে।

ভাড়াভাড়া এগিয়ে গেল লিও। একটু বুকের হাত ধরে তুললো আয়শাকে। ধীরে ধীরে হাঁটিয়ে নিয়ে গিয়ে বসিয়ে দিলো গাদমোড়া একটা আসনে। এখনো কাঁদছে আয়শা।

‘কি করেছো তা যদি জানতে।’ অবশেষে বললো ও। ‘ওহ, লিও, তুমি—তুমিই একমাত্র বাধা আমার আর তোমার মিলনের মাঝে। কত কষ্ট করে, কত বিপদ পেরিয়ে, কত মোহ-লোভ জয় করে এখানে এসেছো আমাকে পাওয়ার জন্যে। এসে দেখলে এখানে আমার মাঝেই লুকিয়ে আছে তোমার সবচেয়ে ঘৃণার জিনিস। বুঝতে পারছো কি বলতে চাইছি?’

‘সামান্য, পুরো নয়,’ আন্তে জবাব দিলো লিও।

‘তোমার চোখে তাহলে হুঁলি ঝাঁটা, বলতে হবে,’ অস্থিরভাবে বললো আয়শা। ‘আমার ভয়ঙ্কর কুৎসিত চেহারা দেখেও তুমি আমাকে গ্রহণ করতে চেয়েছো, অ্যাভেনের রূপ চোখের সামনে থাকতেও ভালোবাসার অমরত্বের অজুহাতে তুমি কুৎসিত আমাকেই নিলে এবং সেজন্যে আমি আমার রূপ, যৌবন, নারীত্ব ফিরে পেলাম। লিও, কাল তুমি যদি আমাকে গ্রহণ না করতে, ঐ ভয়ঙ্কর চেহারা নিয়ে

অনন্তকাল আমাকে ধুঁকে যেতে হতো ।

‘প্রতিদানে আমি কি দিলাম ? আমার মনের কুশী দিকটা উন্মোচন করলাম তোমার সামনে । তারপরও তুমি দমলে না, ভালো মন্দ মিলিয়ে আমি যা তাকেই তুমি গ্রহণ করলে । এতখানি মহত্ত্ব তোমার । এখন আমার কারণে যদি তোমার ওপর ভয়ানক অতিলৌকিক কোনো ছর্ভোগ নেমে আসে, হয়তো—’

‘যদি আসে ভোগ করবো,’ বললো সিও । ‘একদিন না একদিন শেষ হবে ছর্ভোগ না হলেও কতি নেই, তোমাকে ছেড়ে চলে গেলেই বা কি সুখটা আমি পাবো ? যাক, এখন কয়েকটা বাপার পরিষ্কার করবে আমাদের সামনে ? কাল রাতে চূড়ার ওপর তুমি বদলালে কি করে ?’

‘আগুনের মার্ক দিয়ে আমি তোমাকে ছেড়ে গিয়েছিলাম, সিও, আগুনের ভেতর দিয়েই আবার ফিরে এসেছি । অথবা—অথবা, পরিবর্তন বলে যা তোমরা দেখছো তা তোমাদের চোখের ভুল, আসলে আমি যা ছিলাম তা-ই আছি । ব্যস, এর চেয়ে বেশি জানতে চেয়ো না ।’

‘আরেকটা কথা, আয়শা, একটু আগে আমাদের বাগদান হলো, বিয়ে নয় কেন ? কবে তুমি আমাকে বিয়ে করবে ?’

‘এখনো সময় হয়নি,’ বললো আয়শা । ‘একটু কি কেঁপে গেল ওর গলা ? ‘একটু দৈর্ঘ্য ধরতে হবে তোমাকে, সিও, কয়েক মাস বা এক বছর । ততদিন আমরা বন্ধু বা প্রেমিক-প্রেমিকা হিসেবেই থাকবো ।’

‘কেন ?’ এক গুঁয়ের মতো বললো সিও । ‘আমার বয়স তো কমছে না, আয়শা । তাছাড়া মানুষের মৃত্যু কখন কোন্ দিক থেকে হাজির হয় কেউ বলতে পারে ? তোমাকে পাওয়ার তৃষ্ণা নিয়েই হয়তো করে

যাবে আমার জীবন ।’

‘না, না । অমন অলক্ষণে কথা বোলো না ।’ আবার ভয়ের ছাপ পড়লো আয়শার মুখে । কিছুক্ষণ পায়চারি করলো । তারপর নীরে ধীরে মাথা নেড়ে বললো, ‘ঠিকই বলেছো, সময়ের বাধন তো ছিঁড়তে পারোনি তুমি । ওহ ! আমাকে জীবিত রেখে তুমি মারা যাবে ভাবতেই গা শিউরে ওঠে । আগামী বসন্তেই যখন বরফ গলতে শুরু করবে, আমরা চিবিয়ায় যাবো । প্রাণের কণ য় স্নান করবে তুমি । তারপর আমাদের বিয়ে হবে ।’

‘ও ছায়গা চিরন্তরে বন্ধ হয়ে গেছে আয়শা ।’

‘হতে পারে, তবে তোমার আমার জন্তে নয় । ভয় পেয়ো না, প্রিয়তম ঐ পাহাড়ে যাওয়ার সব পথ বন্ধ হয়ে গেলেও আমার দৃষ্টি দিয়ে আমি পথ তৈরি করে নেবো । আপাতত অপেক্ষা করা ছাড়া উপায় নেই । বরফ গলতে শুরু করলেই আমরা রওনা হয়ে যাবো ।’

‘তার মানে এপ্রিল—আটমাস, রওনা হওয়ার আগেই এতদিন বসে থাকতে হবে ! তারপর পাহাড় পেরিয়ে, সাগর পেরিয়ে, কোর-এর জলাভূমি পেরিয়ে যেতে হবে, তারও পরে খুঁজে রক্ষ করতে হবে পাহাড়টাকে । দু’বছরের আগে কিছুতেই হবে না, আয়শা ।’

কিন্তু জ্বাবে আয়শা কেবল না, না আর না ছাড়া আর কিছু বললো না । অবশেষে, আমার মনে হলো, একটু বিরক্ত হয়ে-ই ও আমাদের বিদায় করে দিলো ।

‘নাহ ! হলি,’ আমরা বিদায় নেয়ার আগে ও বললো, ‘আমি বলছি, কয়েক ঘণ্টা বিশ্রাম নাও শক্ত মুখে কয়েকটা ঘণ্টা কাটাও, দেখবে সব ঠিক হয়ে গেছে । কাল সকালেই দেখবে সব আবার সুন্দর লাগছে । আমি প্রতিশ্রুতি দিচ্ছি, কাল সকালেই আমরা সুখী হবো,

হ্যা, কাল সকালেই ।’

‘কেন ও এখনি আমাকে বিয়ে করলো না ? ঘরে পৌছার পর লিওর প্রশ্ন প্রশ্ন ।

‘কারণ ও ভয় পেয়েছে,’ জবাব দিলাম আমি ।

## উনিশ

বেশ কয়েকটা সপ্তাহ কেটে গেছে, বিশেষ কিছু ঘটেনি। আয়শার ঐতিহ্যক্রমিত মতো সুখ পেয়েছি কিনা বলতে পারবো না। সুখের সংজ্ঞা আমার জানা নেই। তবে এটুকু বলতে পারি কোনো কিছুর অভাব-বোধ করিনি এই ক’দিনে। মন্দিরের যেখানে খুশি যখন ইচ্ছা যাওয়ার স্বাধীনতা তো আছেই, সেই সাথে পেয়েছি, এখনো পাচ্ছি, পুষ্কারী-পূজারিদীদের অপরিমেয় আন্তরিক সম্মান, তার ওপর আছে আয়শার সাহচর্য। তিন বেলাই আয়শার সাথে আহার করি আমরা’ ।

‘আয়শা কেন এখনি আমাকে বিয়ে করলো না, আমার অনন্তজীবন পাওয়ার ব্যাপারটা তো বিয়ের পরেও হতে পারতো ?’ —এ প্রশ্নের জবাব এখনো পায়নি লিও। আর আমার প্রশ্ন, এই ‘সে’, হেস বা আয়শা নামের মেয়েলোকটার চোখে হেতভাগিনী কেউ কি জন্ম নিয়েছে পৃথিবীতে ?

আরো কিছু প্রশ্ন ভীড় করে আছে আমার মাথার ভেতর। আয়শার ক্ষমতা আসলে কতটুকু ? ও-কি সত্যিই নারী না অশরীরী আত্মা ? কি

করে কোর এর গুহা থেকে ও বা ওর আত্মা এখানে—এই মধ্য এশিয়ার পাহাড় চূড়ায় এলো ? শুধুই কি ওর আত্মা এখানে এসেছে, না শরীরও এসেছে ? যদি শরীরও এসে থাকে তাহলে হেস-এর পূজারিণী সেই বুদ্ধার মৃতদেহ কোথায় গেল ? অরোস বলেছে, ওরা সংস্কারের ব্যবস্থা করতে গিয়ে দেখে সিংহাসনে বসে আছে আয়শার কুংসিত রূপ। তাহলে ? পুরনো পূজারিণীর দেহ গেল কোথায় ? আরো একটা গুরুত্বপূর্ণ প্রশ্ন—আয়শা যদি এতই ক্ষমতাশালী হয়, ও কেন আমাদের বা তার হারানো ক্যালিক্রেটিসকে খুঁজতে গেল না ? কেন আমরাই তার কাছে আসবো আশা করে বসে রইলো ? অ্যাভেন যে মিসরীয় আমেনার্তাসের পুনর্জন্ম নেয়া রূপ তা কি ও জানতো না ? যদি জানতো তাহলে কেন অ্যাভেনকে পাঠিয়েছিলো আমাদের অভ্যর্থনা জানাতে ? কেন নিজে যায়নি বা নিজের বিশ্বস্ত কাউকে পাঠাননি ? ধরে নিলাম পাহাড়ের কারো কালুনের সমভূমিতে পা রাখা বারণ, সেক্ষেত্রে ওর গুপ্তচররা যখন দুর্গম পাহাড়ী এলাকায় আঁড়ি পেতে আমাদের কথা শুনে এসে ওকে জানায় তখনি কেন ও অন্য পথে আমাদের এখানে নিয়ে আসার ব্যবস্থা করলো না ?

নানা ভাবে ঘুরিয়ে ফিরিয়ে ভেবেছি, জবাব পাইনি প্রশ্নগুলোর। আয়শাকে জিজ্ঞেস করেছি। ও হয় এড়িয়ে গেছে নয়তো ঘোরানো প্যাচানো কথা বলতে ভাবিয়ে নিয়ে গেছে প্রশ্নগুলো। কখনো কখনো সরাসরি বলেছে, ‘এসব প্রশ্নের জবাব আমার কাছে জানতে চেছো না।’

লিওকে নিয়ে হুশিয়ার অস্ত নেই আয়শার। যা যেমন সন্তানকে আগলে রাখতে চায় ঠিক তেমন লিওকে সবসময় আগলে রাখতে



চায় ও। তবু মাঝে মাঝে লিও বেরিয়ে যায় বাইরে, জংলীদের দু'এক জন সর্দার বা পুঙ্কারী সঙ্গে থাকে। পাহাড়ী হরিণ, ভেড়া বা ছাগল শিকার করে ফেরে। যতক্ষণ লিও মন্দির এলাকার বাইরে থাকে ততক্ষণ হুশ্চিন্তায় ছটফট করতে থাকে আয়শা।

একদিনের কথা আমার মনে আছে। সেদিনও লিও শিকারে গেছে। আমি যাইনি। বাগানে বসে আছি আয়শার সাথে। দেখছি ওকে। হাতের ওপর মুখ রেখে বসে আছে ও। বড় বড় চোখগুলো তাকিয়ে আছে শূন্য দৃষ্টিতে। গভীর চিন্তায় মগ্ন হয়ে গেলেই কেবল মানুষের দৃষ্টি এমন হতে পারে।

হঠাৎ চমকে উঠে দাড়ালো ও। পাহাড়ের এক দিকে মাইল মাইল দূরে ইশারা করে বললো—

‘দেখ!’

তাকালাম। কিন্তু শাদা তুষারের স্তর ছাড়া আর কিছুই দেখতে পেলাম না।

‘কানা কোথাবার, দেখছেন না আমার প্রভু বিপদে পড়েছে?’ চিংকার করে উঠলো ও। ‘ওহ-হো, ভুলেই গেছিলাম, তুমি সীধারণ মানুষ, আমার মতো দেখার ক্ষমতা তোমার নেই। নাও আমি দিচ্ছি তোমাকে। আবার দেখ,’ বলে আমার কপালের পাশে হাত রাখলো ও। মনে হলো, অদ্ভুত এক অবশ করে দেখা স্রোত যেন বয়ে যাচ্ছে আমার মাথার ভেতর দিয়ে। দ্রুত বিড়বিড় করে কয়েকটা কথা বললো আয়শা।

মুহূর্তে চোখ খুলে গেল আমার। দেখলাম পাহাড়ের ঢালে একটা তুষার চিতাকে জাপটে ধরে গড়াগড়ি করছে লিও। অন্য শিকারীরা চারদিক থেকে ঘিরে ধরেছে ওদের। বলম উচিয়ে সুযোগ খুঁজছে

চিতাটাকে গেঁথে ফেলার। কিন্তু সুযোগ পেলো না ওয়া, তার আগেই লিও ওর হাল্টিং নাইফটা আমূল ঢুকিয়ে দিলো চিতার পেটে, তারপরই উপর দিকে হাঁচকা এক টান। সঙ্গে সঙ্গে স্থির হয়ে গেল চিতাটা। উঠে দাঁড়ালো লিও। গবিত হাসি মুখে। যেন কিছুই হয়নি।

দৃশ্যটা যেমন হঠাৎ এসেছিলো তেমন হঠাৎই মিলিয়ে গেল। আমার কাঁধে হাত রেখে দাঁড়ালো আয়শা। অতি সাধারণ ভয় পাওয়া রমণীর মতো হাঁপাতে হাঁপাতে বললো—

‘যাক, বাবা, বিপদ কেটে গেছে, কিন্তু আবার আসতে কতক্ষণ?’

এরপরই ওর যত রাগ গিয়ে পড়লো লিওর শিকারসঙ্গী জংলী সর্দারের ওপর। তুফুনি ক্ষত সারানোর মলম আর পালকি বেহারা পাঠিয়ে দিলো লিওকে নিয়ে আসার জন্যে। আর বলে দিলো, সর্দার আর তার চেলাদের ও যেন ধরে আনা হয়।

চারঘণ্টা পর ফিরলো লিও, পালকির পেছনে, খোঁড়াতে খোঁড়াতে। সঙ্গী শিকারীদের কষ্ট বাঁচাতে একটা পাহাড়ী ভেড়া আর চিতার চামড়াটা পালকিতে দিয়ে হেঁটে এসেছে নিজেকে। আয়শা তার শৌবার ঘরের পাশে বড় হলঘরটার অপেক্ষা করেছিলো লিওর জন্যে। লিও ঢুকতেই এগিয়ে গেল। হারানো ছেলেকে খুঁজে পেলে মা যেমন করে তেমন আকুল গলায় সমানে দোষ দিয়ে গেল, পালাপালি উদ্বেগ প্রকাশ করলো। লিও চুপ করে শুনলো। তারপর জিজ্ঞেস করলো—

‘তুমি জানলে কি করে এত কথা? চিতার চামড়াটাইতো তুমি এখনো দেখনি।’

‘আমি জানি,’ বললো আয়শা। ‘আমি দেখেছি। হাঁটুর উপরেই সবচেয়ে মারাত্মক জখম হয়েছে। মলম পাঠিয়েছিলাম, লাগিয়েছে?’

‘না। কিন্তু তুমি মন্দির ছেড়ে বেরোওনি, এসব জানলে কি করে ?  
যাহূ?’

‘যেভাবেই দেখি ; দেখেছি, হলিও দেখেছে।’

‘তোমার এই যাহূ দেখতে দেখতে ক্লান্ত হয়ে গেলাম। এক ঘণ্টার  
জন্মোণ্ড কি আমি একটু একা—তোমার খবরদারী ছাড়া থাকতে  
পারবো না ? এই সাহসী মানুষগুলো—’

এই সময় অরোণ ঢুকে ফিন ফিস করে কিছু বললো। আয়শার  
কানে।

‘তোমার এই সব সাহসী মানুষদের সাথে আমি আলাপ করবো,’  
বলে মুখের ওপর ঘোমটা টেনে দিয়ে বেরিয়ে গেল আয়শা। পাহাড়ী-  
দের সামনে ও ঘোমটা ছাড়া যায় না।

‘কোথায় গেল ও, হোরেন ?’ জানতে চাইলো লিও। ‘মন্দিরে  
কোনো ক্রিয়া কর্ম করতে ?’

‘জানি না। তবে এটুকু বলতে পারি, যদি হয় তো এ বেচারী  
সর্দারের শেষক্রিয়া হতে পারে।’

‘তাই ?’ বলেই ছুটলো লিও আয়শার পেছন পেছন।

এক বা হ’মিনিট পর মনে হলো, আমিও গেলেই বুদ্ধিমানের কাজ  
করবো।

মন্দিরে পৌঁছে দেখলাম, কোভুহলোদীপক এক দৃশ্যের অবতারণা  
হয়েছে সেখানে। প্রতিমার সামনে বসে আছে আয়শা। তার সামনে  
ইঁটু গেড়ে বসে আছে পাঁচ জংলী গিঁকারী আর তাদের সর্দার। ভয়ে  
কাঁপছে সব ক’জন। এখনো বশিষ্ঠলো রয়েছে তাদের হাতে। ওদের  
পেছনে খোলা তলোয়ার হাতে দাঁড়িয়ে আছে বারোজন মন্দির রক্ষী।  
পাশে পড়ে আছে মরা চিতাটার চামড়া। কল্পিত গলায় সর্দার ব্যাখ্যা

করে বোঝাচ্ছে কি করে জঙ্গলটা একটা বড় পাথরের আড়াল থেকে লুকিয়ে এসে পড়েছিলো প্রভু লিওর ওপর, ওদের কিছুই করার ছিলো না।

‘উঁহু,’ বললো আয়শা, ‘আমি সন জানি, তোরা নিজেদের প্রাণ বাঁচানোর জন্যে কাপুরুষের মতো আমার প্রভুকে ঠেলে দিচ্ছিলি হিংস্র জঙ্গলটার সামনে। বেশ,’ মন্দির রক্ষীদের দিকে তাকালো আয়শা, ‘যাও, পাহাড়ে ছেড়ে দিয়ে এসো এদের। আর ঘোষণা করে দাও, যে ওদের আশ্রয় বা আহাংর দেবে সে মরবে।’

কোনো রকম দয়া ভিক্ষা করলো না, করুণা প্রার্থনা করলো না, ধীরে ধীরে উঠে মাথা ঝোঁকালো সর্দার আর তার সঙ্গীরা। তারপর ঘুরে দাঁড়ালো চলে যাওয়ার জন্যে :

‘একটু দাঁড়াও।’ বাধা দিলো ওদের লিও। ‘সর্দার, আমাকে একটু ধরো। হাঁটুর নিচে বেশ ব্যথা করছে, সাহায্য ছাড়া হাঁটতে পারবো না। আমাকে ফলে কি শিকার করবে তোমরা?’

‘কি করছো?’ চেষ্টা করে উঠলো আয়শা। ‘পাগল হয়েছো?’

‘জানি না: পাগল হয়েছি কিন’, তবে এটুকু জানি তুমি বড় পাজী মেয়েমানুষ। ন্যায়-অন্যায়ের কোনো বোধ নেই। এদের মতো সাহসী মানুষ আমি খুব কম দেখেছি। ঐ যে ও,’ এক জঙ্গলের দিকে ইশারা করলো লিও, ‘আমার নির্দেশে ও-ই প্রথমে এগিয়ে গিয়েছিলো: চিতাটাকে মারার জন্যে। ও যখন পড়ে যায় তখন আমি এগিয়ে যাই। ওদের মতো সাহসী আর ভাল মানুষ তুমি না, আর তুমি কিনা ওদের খামোকা হত্যা করার নির্দেশ দিচ্ছো। ওদের যদি মরতে হয় আমাকে ও মরতে হবে, ওরা যা করার আমার নির্দেশেই করেছে।’

বিশ্বয়ের দৃষ্টিতে শিকারীরা তাকালো ওর দিকে। আর আয়শা,

কয়েক মুহূর্ত চূপ করে কি যেন ভাবলো তারপর বেশ চালাকের মতো বললো —

‘সত্যি কথা বলতে কি, প্রিয়তম লিও, পুরো ঘটনাটাই আমি দেখেছি, হেটুকু দেখতে পাইনি, ওদের মুখে শুনেছি, এবং তারই ভিত্তিতে ওদের শাস্তি দিতে যাচ্ছিলাম। ঠিক আছে, তুমি যখন তা চাও না, ওদের মাফ করে দিচ্ছি। যা তোরা।’

মাথা নুয়ে বেরিয়ে গেল জংলী ক’জন। আয়শ উদ্বিগ্ন মুখে এগিয়ে গেল লিওর দিকে, কতখানি ব্যথা পেয়েছে না পেয়েছে এ সম্পর্কে জিজ্ঞাসাবাদ করতে লাগলো। আরোসকে ডাকবে কিনা কতস্থান পরিষ্কার করার জন্যে জানতে চাইলো।

‘না,’ বললো লিও।

‘তাহলে আমিই পরিষ্কার করে দি,’ বললো আয়শা।

‘না! আমাকে নিয়ে দুর্ভাবনা না করলেও চলবে, আমাকে কি ছুধের বাচ্চা পয়েছো?’ শাস্তভাবে কথা ক’টা বললো, পর মুহূর্তে তীব্ররোষে ফেটে পড়লো লিও : ‘ভেবেছো কি তুমি হাঁ, আমি যা পছন্দ করি না তোমার সেই যাহু দিবে আমার ওপর গায়েন্দাগিরি চালাচ্ছে কেন? কেন ঐ নিরপরাধ ভালো মানুষগুলোকে নিষ্ঠুরভাবে হত্যা করতে চাচ্ছিলে? কেন আমি বাইরে বেরোলো আমার নিরাপত্তার ভার অন্যের ওপর দাও? তুমি কি ভাবো আমি নিজেকে রক্ষা করতে পারি না? বলো, জবাব দাও, আয়শা।’

কিছুই জবাব দিলো না আয়শা। চূপ করে দাঁড়িয়ে রইলো শুধু। জলে ধৈ ধৈ করে উঠলো তার বিশাল হ’চাখ। মুখ নিচু করতেই বৃষ্টির ফোঁটার মতো টপ টপ করে পড়লো মর্মের মেঘেতে।

ভোজবাজীর মতো একটা ব্যাপার ঘটলো এবার। মুহূর্তে রাগ

পানি হয়ে গেলো লিওর। এগিয়ে গিয়ে ধরলো আয়শাকে। বরণ কণ্ঠে ক্ষমা চাইতে লাগলো।

‘ছনিয়ার যে যা ইচ্ছে বলুক কিছু এসে যায় না, কিন্তু তুমি যদি, লিও, শক্ত কথা বলো আমি সহ্যে পারি না। ওহ, তুমি নিষ্ঠুর, তুমি নিষ্ঠুর। কেন আমি তোমাকে এমন আগলে রাখতে চাই, যদি বুঝতে। প্রাণের আগুনের কাছে যাওয়ার আগেই যদি তুমি বিদায় নাও এ পৃথিবী থেকে, আমার অবস্থা কি হবে একবার ভাবো; কি করবো আমি তখন? বলো, লিও, একবার ছ’হাজার বছর অপেক্ষা করেছি, আবার বিশ বছর, এরপর কত বছর অপেক্ষা করবো?’

‘যতদিন আমি তোমার মতো অনন্ত জীবন না পাচ্ছি ততদিন তো সে ভয় থাকবেই,’ বললো লিও, ‘সুতরাং ও নিয়ে দুশ্চিন্তা না করাই কি ভালো নয়?’

‘দুশ্চিন্তা করো না, বললেই কি নিশ্চিন্তে থাকা যায়?’ বলে দ্রুত পায়ে চলে গেল আয়শা। এখানেই ইতি হলো ব্যাপারটার।

## কুড়ি

সারা ছনিয়ার ওপর কতই প্রতিষ্ঠার অঙ্গ দেখছে আয়শা। প্রতি সন্ধ্যায় খেতে বসে ও আলোচনা করে আমাদের অপার সম্ভাবনাময় ভবিষ্যতের কথা। খুঁটিয়ে খুঁটিয়ে বর্তমান বিশ্ব, তার রাজনৈতিক, অর্থনৈতিক, সামাজিক পরিস্থিতি সম্পর্কে আমার কাছে জানতে চায়।

আমি বলি । তারপর ও পরিবর্তন করে, কিভাবে বিভিন্ন দেশের ওপর শাসন প্রতিষ্ঠা করবে ব্যাপারটা ওর অভ্যাসে দাঁড়িয়ে গেছে । প্রতিটা দিন ঐ এক কথা । আমি ওকে কয়েকটা খসড়া মানচিত্র এঁকে দিয়েছি, যতটা সম্ভব ওতে চিত্রিত করেছি পৃথিবীর দেশ ও মহাদেশগুলো । ওগুলোও নেড়ে চেড়ে দেখে ও । এখন যেখানে আছে সেখান থেকে কি করে ও সব দূরের দেশে পৌঁছানো তার জল্পনা-কল্পনা করে : এবং সব জল্পনার শেষে ঘোষণা করে এসব সে করবে তার প্রভু লিওর জনোই । লিওকে ও পৃথিবীর একমাত্র অধিপতি বানাবে ।

একদিন আমি স্নিগ্ধেস করলাম, ‘মাচ্ছা, পৃথিবীর সব রাজা, রাষ্ট্র-নাযকরের কিভাবে তুমি রাজি করাবে কমতা তোমার হাতে ছেড়ে দিতে ? বললেই তো আর তারা তাদের মুকুটগুলো তোমার মাথায় পরিয়ে দেবে না ।’

‘ওহ । কি স্বল্প বুদ্ধি তোমার, হলি !’ মুহূর্তেই বললো আয়ুশা । ‘জনগণ যখন স্বৈচ্ছায় আমাদের বরণ করবে তখন রাজা বা রাষ্ট্রনাযকরা বাধা দেবে কি করে ? আমরা যখন ওদের মাঝে যাবো আমাদের জ্যোতির্ময় সৌন্দর্য আর অনন্ত পরমাণু নিয়ে এবং ওদের সর্বজনগতিক চাহিদা পূরণ করবো ওরা চিৎকার করে উঠবে না । — ‘এসো আমাদের শাসন করো !’ ’

‘হয়তো ।’ সন্দেহের সুর আমার গলায় কোথায় তুমি প্রথম আবির্ভূত হবে ?

আমার আঁক: পূর্ব গোলাার্ধের একটি মানচিত্র টেনে নিলো ও । পিকিং ( প্রকৃত উচ্চারণ বেইজিং ) এর উপর আঙুল রেখে বললো—

‘প্রথমে এখানে কয়েক শতাব্দী বসবাস করবো আমরা— ধরো তিন বা পাঁচ বা সাত শতাব্দী । আশা করি এর ভেতর ওখানকার মানুষ-

দের আমার মনের মতো করে গড়ে নিতে পারবো। এই চাইনিজদের পছন্দ করেছি। কন জানো? তুমি বলেছো, ওরা সংখ্যায় অগুণ্টি, ওরা সাহসী, সহনশীল, বুদ্ধিমান। যদিও এখন সঠিক শিক্ষার অভাব আর কুণাসনের কারণে ক্ষমতাহীন, ওবু আমার বিশ্বাস ওদের দিয়ে পূরণ হবে আমার উদ্দেশ্য। ওদেরকে জ্ঞান দেবো, নতুন ধর্মবিশ্বাস দেবো, আর আমার হলি ওদের ভেতর থেকে বাছাই করা সব মানুষ নিয়ে গড়ে তুলবে অপরাঙ্কের এক সেনাবাহিনী। সেই সেনাবাহিনীর সহায়তায় সারা হুনিয়ার ওপর শাসন প্রতিষ্ঠিত করবো আমরা। আমার প্রভু লিও হবে পৃথিবীর সম্রাট।’

আর একদিন সন্ধ্যার পর এই একই বিষয়ে আলাপ করছি আমরা। আলাপ না বলে বলা ভালো। আয়শা বলে যাচ্ছে আমি আর লিও সুনছি। বলতে বলতে তন্দ্রা হয়ে গেছে আয়শা। ভবিষ্যতের কর্ননায় উজ্জ্বল হুঁচোখ। এই সময় এরোস ঢুকলো ঘরে। মাটিতে মাথা ঠেকিয়ে সম্মান জানালো।

‘কি চাই, পূজারী?’ তীক্ষ্ণ কণ্ঠে প্রশ্ন করলো আয়শা।

‘মহামহিমাময়ী হেস, ওপুচররা ফিরে এসেছে।’

‘তো আমি কি করবো?’ নিরাসক্ত ভঙ্গিতে বললো লিও। ‘কেন পাঠিয়েছিলে ওদের?’

‘আপনি নির্দেশ দিয়েছিলেন তাই।’

এতক্ষণে যেন সচেতন হলো আয়শা। প্রশ্ন, কি ধবর এনেছে ওরা?’

‘হুঃসংবাদ, হেস। কালুনের লোকেরা মরীয়া হয়ে উঠেছে। ওখানে এখন যে খরা চলছে তার জন্যে ওরা ওদের দেশের ওপর দিয়ে আসা বিদেশীদের দায়ী করছে। খানিগা ম্যাভেনও প্রতিশোধ নেয়ার জন্যে



প্রায় পাগল হয়ে উঠেছে। দিন রাত পরিশ্রম করছে। এর ভেতরেই নাকি ছোটো বিরাট বাহিনী প্রস্তুত করে ফেলেছে। একটা চল্লিশ হাজারের অনাটা বিশ হাজারের। খানিয়া তার চাচা শামান সিমত্রির অধিনায়ককে বিশ হাজারি বাহিনীটা পাঠাবে পবিত্র মন্দির জয়ের উদ্দেশ্যে। কোনো কারণে যদি ঐ বাহিনী পরাজিত হয়, ও নিজে আসবে বড় বাহিনীটা নিয়ে।'

'খবর বটে বাহোক,' তাজিলোর হাসি হেসে বললো আয়শা। 'ওকি পাগল হয়ে গেছে? আমার বিক্রমে লড়বে। হলি, আমি জানি আমাকে মনে মনে পাগল ভাবো তোমরা, এবার দেখবে আসলে কে পাগল আর আমি কি। মিথো বড়াই করি, না' যা বলি তাই করি?'

হঠাৎ কেমন যেন আনমনা হয়ে গেল আয়শা। চোখ দু'টো দেখে মনে হয় এখানকার কিছু নয়, বহু দূরের কিছু দেখছে। সম্মোহিত হয়ে দেখছে।

মিনিট পাঁচেক একটানা, একদিকে অমন তাকিয়ে রইলো ও। অথও নিস্তব্ধতা কামরায়। আমরা তাকিয়ে আছি ৬৩ দিকে।

'ঠিকই বলেছে তোমার গুপ্তচররা, অরোস,' হঠাৎ বলে উঠলো আয়শা। 'এখন যত তাড়াতাড়ি আমি তৎপর হবো তত কম মরবে আমার মানুষ। প্রভু লিও, যুদ্ধ দেখবে? না, তোমার কোনো বিপদ ঘটুক তা আমি চাই না। তুমি এখানে মন্দিরের নিরাপদ আশ্রয়ে থাকবে। আমি যাবো গ্যাভেনের মোকাবেলার জন্যে।'

'তুমি যেখানে যাবে আমিও সেখানে যাবে,' সাক সাক জানিয়ে দিলো লিও।

'না, না, আমার মিনতি শোনো, তুমি এখানেই থাকবে?'

আবার সেই আগলে রাখার প্রবণতা। লাল হয়ে উঠলো লিওর

মুখ, লজ্জায় না রাগে জানি না। কাটা কাটা গলায় বললো, 'আমি না বলেছি তার নড়চড় হবে না। তুমি যেখানে যাবে আমিও সেখানে যাবো।'

হতাশ চোখে লিওর দিকে কিছুক্ষণ তাকিয়ে রইলো আয়শা। তার পর ফিরলো অরোমের দিকে।

'যাও, পূজারী। সব ক'জন সর্দারকে জানিয়ে দাও হেস-এর নির্দেশ। আগামী টাঁদের শুরু যে রাতে সে রাতে ওরা যেন জড়ো হয়। না, সবাই না, বিশ হাজার হলেই চলবে। বাকিরা মন্দির পাহারা দেবে। বলে দেবে, বাড়াই করে সেরা লোকগুলোকে যেন নেয়। আর পনেরো দিনের মতো খাবার যেন নিয়ে আসে সঙ্গে করে।'

কুনিশ করে বিদায় নিলো পূজারী-প্রধান।

## একুশ

ছ'দিন পর।

যুদ্ধে শুভফল কামনা করে বিশেষ এক পূজা অনুষ্ঠান হলো মন্দিরে। আমরা তাতে যোগ দিলাম না। তবে রাতে যথারীতি এক সাথে খেতে বসলাম। আয়শার মেজাজ মন্দির কোনো খই পেলাম না এ সময়। এই হাসি, পরমুহূর্তে কেটে উঠছে। বুঝতে পারছি কোনো কারণে বিকিণ্ড হয়ে আছে ওর মন।

'জানো,' বললো ও, 'আজ পাহাড়ের ঐ গর্দভগুলো কি করেছে ?

ওদের সর্দারদের পাঠিয়েছে হেসাকে জিজ্ঞেস করতে, কিভাবে যুদ্ধ হবে; শত্রুর কাকে কাকে মারতে হবে, কাকে বাঁকে হবেনা বা সম্মান দেখাতে হবে, ইত্যাদি ইত্যাদি। আমি—আমি কোনো ভাব দিতে পারলাম না। শেষমেষ কথার ফুলঝুরি ছুটিয়ে বুকিয়ে দিলাম, যা ইচ্ছা করতে পারে ওরা। যুদ্ধ কি হবে ভালোই জানি আমি, আমি নিজে পরিচালনা করবো। কিন্তু ভবিষ্যৎ—ওহ। যদি জানতে পারতাম! এই একটা ব্যাপারে আমার কোনো ক্ষমতা নেই। 'ভবিষ্যতের কথা ভাবলেই মনে হয়, কালো দেয়াল যেন আমার সামনে।'

এরপর ঘাড় গুঁজে অনেকক্ষণ চুপ করে রইলো আয়শা। অবশেষে মুখ তুলে তাকালো লিওর দিকে। বললো—

'আমার অনুরোধ রাখবে না তুমি? কয়েকটা দিন চুপচাপ থাকবে না এখানে? না হয় কয়েকটা দিন শিকার করে এলে? আমিও না হয় থাকবো তোমার সঙ্গে। হালি আর অরোসই পারবে যুদ্ধ পরিচালনা করতে।'

'না না না।' সরোষে বললো লিও। আমার ধারণা আমাকে যুদ্ধে পাঠিয়ে ও নিরাপদ আশ্রয়ে রইবে আয়শার এই প্রস্তাবে বিশেষভাবে ক্ষেপে গেছে লিও। 'কিছুতেই অমন কাজ আমার দ্বারা হবে না। যদি এখানে রেখে যাও ঠিকই আমি পথ খুঁজে নিয়ে যুদ্ধে যোগ দেবো।'

'বেশ, তুমিই তাহলে নেতৃত্ব দেবে এ যুদ্ধে...না, না, তুমি না, প্রিয়তম, আমি—আমিই পরিচালনা করবো যুদ্ধ।'

এরপর হঠাৎ করেই বাচ্চা মেয়ের মতো উজ্জল হয়ে উঠলো আয়শা। কারণে অকারণে হাসতে লাগলো খিল খিল করে। সুদূর অতীতের অনেক গল্প শোনালো। সে যুগের হুঁ একটা কৌতুকও শোনালো। অবশেষে ব্যক্তিগত প্রসঙ্গে এলো সে। কিভাবে সত্যের সন্ধান করেছে,

জ্ঞানের অন্বেষণে ঘুরে বেড়িয়েছে দেশে দেশে ; সে গুণে প্রচলিত ধর্মবিশ্বাসগুলো বিশ্লেষণ করেছে এবং প্রত্যাখ্যান করেছে তারপর নিজের মতো করে একটা ধর্মবিশ্বাস গড়ে তুলে তার প্রচার করেছে । জেঞ্জালেমে ঐ ধর্মমত প্রচার করার সময় লোকেরা ওর গায়ে পাথর ছুঁড়ে মেরেছিলো, তখন ও নিজের দেশ আরবে ফিরে যায় । সেখানেও ও প্রত্যাখ্যাত হয়, অবশেষে চলে আসে মিসরে । মিসরের ফারাও-এর রাজসভায় তখনকার সেরা এক যাদুকরের সাথে সাক্ষাৎ হয় । তার সব কৌশল ও শিখে নেয়, এরপর শিগগিরই বেচারাকে তাঁবেদার বানিয়ে ফেলে আয়শা ।

এরপর মিসর থেকে কোর-এ চলে এলো আয়শার গল্প । এবং এই সময় অরোস ও হাজির হলো কামরায় । কুনিশ করে দাঁড়ালো ।

‘উহ, তোমার জন্যে একটা ঘটনাও কি শাস্তিতে কাটাতে পারবো না ?’ বিরক্ত কণ্ঠে বললো আয়শা । ‘কি চাই ?’

‘ও হেস, খানিয়া অ্যাতেনের কাছ থেকে একটা লিপি এসেছে ।’

‘খুলে পড়ো,’ আদেশ করলো আয়শা, তারপর আপন মনেই বলতে লাগলো, ‘আর কি লিখবে ? অনুভূতাপ হয়েছে মনে, কমা চাই, আর কি ?’

অরোস পড়তে শুরু করলো—

‘শৈল চূড়ার মন্দিরের হেসা, যিনি পৃথিবীতে আয়শা নামে পরিচিত এবং পৃথিবীর ওপরে, যখন সুযোগ পান তখন পড়া তারার মতো ঘুরে বেড়ান—’

‘বাহ ! চমৎকার সম্বোধন,’ বলে উঠলো আয়শা, ‘কিন্তু, অ্যাতেন,

খসে পড়া তারা আবার উঠবে, পাতাল ফুঁড়ে উঠলেও উঠবে। পড়ো, অরোস।’

‘ভূভেচ্ছা, ও আয়শা। আপনি প্রাচীন, অনেক জ্ঞান সঞ্চয় করেছেন বিগত শতাব্দীগুলোয়। সেই সঙ্গে এমন ক্ষমতাও অর্জন করেছেন যার বলে মানুষকে মোহাবিষ্ট করে তাদের চোখে আপনি সুন্দর বলে প্রতীয়মান হন। তবে একটা জ্ঞানের বা ক্ষমতার অভাব রয়েছে আপনার— এখনো যা ঘটেনি তা দেখার বা জানার ক্ষমতা। শুনুন, ও আয়শা, আমি এবং আমার মহাজ্ঞানী পিতৃব্য আসন্ন যুদ্ধের ফলাফল কি হবে জ্ঞানার আশায় সব স্বর্গীয় পুস্তকাদি ঘেঁটে দেখেছি।

‘লেখা আছে : আমার জন্যে যুত্বা,—তাতে আমার কোনো দুঃখ নেই, বরং বলতে পারেন সানন্দচিত্তে আমি বরণ করবো এই নিয়তি। আপনার জন্যে নির্ধারিত আছে আপনার নিজের হাতে তৈরি একটি বর্ষা। আর কালুনের ভাগ্যে রক্তপাত আর ধ্বংস যার জন্যে আপনি।

‘আ্যাভেন,

‘কালুনের খানিয়া’

নিঃশব্দে শুনলো আয়শা। এক বিন্দু কাঁপলো না ওর ঠোঁট বা বিবর্ণ হলো না মুখ। গবিত ভাবে অরোসকে বললো—

‘আ্যাভেনের হৃতকে জানিয়ে দাও, আমি বার্তা পেয়েছি, জ্বাব দেবো কালুনের রাজপ্রাসাদে গিয়ে। এবার যাও, পূজারী, আর বিরক্ত কোরো না আমাকে।’

পরদিন হুপুরে আমরা রওনা হলাম। পাহাড়ী ঢাল বেয়ে নেমে চলেছি

উপক্রান্তীয় সেনাবাহিনী নিয়ে। হিংস্র, বুনো চেহারার মাংস মগ।  
অগ্রবর্তী সৈনিকরা সামনে, তারপর অশ্বারোহী বাহিনী; তাদের  
ডানে, বামে এবং পেছনে পদাতিকরা। বিভিন্ন দলে ভাগ হয়ে এগিয়ে  
চলেছে। দলগুলোর নেতৃত্ব দিচ্ছে একেকজন গোত্রপতি অর্থাৎ সর্দার।

অত্যন্ত বেগবান এবং সুদর্শন একটি শাদা মাদী ঘোড়ার পিঠে  
চেপে চলেছে আয়শা। ঘোড়সওয়ার বাহিনীর মাঝামাঝি জায়গায়  
রয়েছে ও। ওর পাশে লিও আর আমি। লিও খান রাসেনের  
কালে ঘোড়ায় আর আমি অমনই আরেকটা ঘোড়ার পিঠে বসে  
আছি। আমাদেরকে ঘিরে এগোচ্ছে সশস্ত্র পূজারী আর বাছাই করা  
যোদ্ধাদের একটা দল।

সবার মন বেশ প্রকুল। শেষ শরতের না শীত না গরম আবহাওয়া।  
উজ্জল সূর্যালোকে হাসছে প্রকৃতি। যত ভয় বা শঙ্কা-ই থাক এমন  
পরিবেশে আপনিই মন ভালো হয়ে ওঠে। তার ওপর হাজার হাজার  
সশস্ত্র সঙ্গীর সাহস্য আর মাসম যুদ্ধের কল্পনায় উত্তেজিত হয়ে আছে  
স্নায়ু। আমার চেয়ে লিও আরো বেশি উৎফুল্ল। বহুদিন একে এত  
প্রাণোচ্ছল দেখিনি। আয়শাও।

‘ওহ! কতদিন!’ বললো আয়শা। ‘কতদিন পর পাহাড়ের ঐ  
কন্দর ছেড়ে বেরোলাম। মুক্ত পৃথিবীর মাঝে এসে কিয়ে আনন্দ আজ  
লাগছে। দূরের ঐ চূড়ায় দেখ, তুম্বার জমে আছে, কি সুন্দর। নিচে  
পাহাড়ী ঢালের দিকে তাকাও, তার উপাংশে সবুজ মাঠ। সূর্য।  
বাতাস। আহ কি মিষ্টি।’

‘বিশ্বাস করো, লিও, বিশ শতাব্দীরও বেশি হয়ে গেছে, শেষবার  
আমি ঘোড়ায় চড়েছি, কিন্তু দেখ, এখনো ভুলিনি ঘোড়ায় চড়ার কায়দা  
কৌশল। তবে যা-ই বলো, আরবী ঘোড়ার তুলনায় এগুলো কিছু না।’

ওহ ! আমার মনে আছে, বেহুস্টনের বিক্রমে যুদ্ধে বাবার পাশে পাশে ঘোড়া ছুটিয়ে গিয়েছিলাম। আমার বাবা মহান এক মানুষ ছিলো, অন্য একদিন বসবো তার কথা।

‘ঐ দেব সেই গিরিখাত। ওর ওপাশে থাকতো সেই বিড়াল উপাসক পুরোহিত, আরেকটু হলেই তোমরা ধার লোকদের হাতে মরতে বসেছিলে। একেক সময় আমার আশ্চর্য লাগে, এই বিড়াল পূজার ব্যাপারটা এখানে চালু হলো কি করে। সম্ভবত আলেকজান্ডারের সেনাপতি প্রথম র্যাসেনের সঙ্গে মিশর থেকে এসেছিলো ঐ প্রথা। অবশ্য র্যাসেনকে পুরোপুরি দোষ দেয়া যায় না। ও বিড়াল উপাসক ছিলো না। ওর সঙ্গে যে সব ধর্মগুরু এসেছিলো তাদের কেউ গোপনে বিড়াল পূজা করতো। এক সময় সুযোগ বুঝে ব্যাটা জংলীদের ভেতর চালু করে দেয় তার আসল বিশ্বাস। সেরকমই মনে পড়ছে আমার। এই মন্দিরের প্রথম হুসা ছিলাম আমি তা জানো ? র্যাসেনের সঙ্গে এসেছিলাম।’

বিস্মিত চোখে শ্রায়শার দিকে তাকলাম আমি আর লিও।

‘কি বিশ্বাস হলো না তো ?’ বললো ও। ‘তুমি, হলি, তোমার মতো সন্দেহবাতিকগ্রস্ত মানুষ আমি দেখিনি। ভাংছো আলেকজান্ডারের সময় আমি এখানে এলাম কি করে, আর যদি এসেই থাকি তাহলে আবার কোর-এ গেলাম কি করে ? শোনো, সেটা আমার এ জীবনের কথা নয়, আগের জন্মের কথা। মেনিডোসিয়ার আলেকজান্ডার আর আমি একই গ্রীষ্মে জন্ম নিয়েছিলাম। একে ভালোভাবে চিনতাম, যুদ্ধবিগ্রহের ব্যাপারে আমি ছিলাম ওর প্রধান মন্ত্রণাদাতা। পরে আমাদের ভেতর ঝগড়া হয়। র্যাসেনকে নিয়ে চলে আসি আমি। সেদিন থেকেই আলেকজান্ডার নামক নক্ষত্রের উজ্জ্বলতা মলিন হতে

শুরু করে ।’

‘আগের জীবনে কি কি ঘটেছে, কি কি করেছো স্পষ্ট মনে আছে তোমার ?’ আমি জিজ্ঞেস করলাম ।

‘না । টুকরো টুকরো কিছু স্মৃতি কেবল আছে । গোবন সাধনা— তোমরা থাকে বলা যাচ্ছে—তার মাধ্যমে পরে মনে করেছি, তা-ও সম্পূর্ণ পারিনি । যেমন ধরো, হলি, আমার মনে পড়ে তোমার কথা । নোংরা কাপড়চোপড় পরা কুৎসিত এক দার্শনিককে আমি দেখেছিলাম । আলেকজান্ডারের সঙ্গে গোলমাল বাধিয়েছিলো লোকটা । আলেকজান্ডার তাকে হত্যা করেছিলো অথবা ডুবিয়ে মেরেছিলো— ঠিক মনে নেই ।

‘নিশ্চয়ই ডায়োজেনেস নামে ডাকা হতো না আমাকে ?’

‘না, ডায়োজেনেস আরে; বিখ্যাত লোক ছিলো । কিন্তু ও কি । সামনের ওরা আক্রান্ত হয়েছে মনে হচ্ছে ।’

আমণার কথা শেষ হতে না হতেই দূর থেকে ভেসে এলো চিৎকার, কোলাহলের শব্দ । এবং সঙ্গে সঙ্গে দেখতে পলাম দীর্ঘ এক গম্বা-রোহীর দারি ছত্রভঙ্গ হয়ে পিছিয়ে যাচ্ছে । একটু পরেই অগ্রগামী বাহিনীর কয়েকজন সৈনিক এক বন্দীকে নিয়ে হাজির হলো । আমাদের কাছে । তারা জানালো, নিছক একটু খোঁচা দেয়ার জন্যে এগিয়ে এনেছিলো অ্যাতেনের বাহিনীটা । ঝড়ের বেগে এসে পড়লো ওদের ওপর, তারপরই পিছিয়ে গেছে আবার । এই অদ্ভুত আক্রমণের কারণটা বোধগম্য হলো না আমাদের কাছে । তবে একটু পরেই আটক লোকটাকে জিজ্ঞাসাবাদ করে জানা গেল, পবিত্র পাহাড়ের ওপর যুদ্ধ করার কোনো ইচ্ছা নেই খানিয়ার । আমরা যতক্ষণ না নদীর ওপারে পৌঁছোচ্ছি ততক্ষণ ঠায় অপেক্ষা করার নির্দেশ দিয়েছে



সে চাচা সিমত্রিকে। আমরা যাতে অবশ্যই নদী অতিক্রম করি  
সেজন্যে একটু উস্কানি দিলো সিমত্রি এই আক্রমণের মাধ্যমে।

সুতরাং সেদিন কোনো যুদ্ধ হলো না।

সারা বিকেল আমরা পাহাড়ের ঢাল বেয়ে নেমে চললাম। সূর্যাস্তের  
সামান্য আগে পৌঁছলাম এক প্রশস্ত ঢালু জায়গায়। ঢালটা শেষ  
হয়েছে পাহাড়ে ষষ্ঠার দিন যেখানে আমরা নরককাল ছড়িয়ে থাকতে  
দেখেছিলাম, যেখানে সাক্ষাৎ হয়েছিলো রহস্যময়ী পঞ্চ-প্রদর্শকের  
সঙ্গে সে উপত্যকার প্রান্তে। রাতে মতো ছাউনি ফেলা হলো।

অশ্বারোহী আর পদাতিকরা রইলো এখানে। আয়শার সঙ্গে  
আমরা বাঁয়ে মোড় নিয়ে এগিয়ে গেলাম কয়েকটা ছোট ছোট চূড়ার  
দিকে। সেগুলোর ওপাশে একটা সুড়ঙ্গ মতো দেখলাম। মশাল জ্বলে  
আমরা এগিয়ে চললাম অন্ধকার সুড়ঙ্গের ভেতর দিয়ে। অবশেষে  
পৌঁছলাম ওপাশে। এখানেই রাত কাটাবো আমরা। সুড়ঙ্গের মুখে  
প্রহরী থাকবে, সুতরাং নিরাপদে ঘুমাতে কোনো অসুবিধা হবে না।

আয়শার জন্যে একটা তাঁবু খাটানো হলো। একটাই মাত্র তাঁবু  
ছিলো সঙ্গে, সুতরাং আমি আর নিও শ খানেক গজ দূরে কয়েকটা  
পাথরের আড়ালে আশ্রয় নিলাম। কয়েকজন প্রহরী রইলো আমাদের  
সঙ্গে। এ অবস্থা দবে ভীষণ রেগে গেল আয়শা। শাস্তি এবং সাজ-  
সরঞ্জামের দায়িত্ব যে সর্দারের ওপর তাকে ডাক বকাঝকা করলো।  
বোকার মতো মুখ করে শুনলো বেচারী। তাঁবু জিনিসটা কি তা-ই  
জানে না, তো ব্যবস্থা করবে কি।

অরোসকেও ধমকালো আয়শা। বিনীতভাবে পূজারীপ্রধান জবাব  
দিলো, সে ভেবেছিলো আমরা যুদ্ধের কঠোর কষ্ট সম্পর্কে ওয়াকেব-  
হাল এবং অভ্যস্ত। শেষ পর্যন্ত নিজের ওপরই রাগ দেখাতে লাগলো

আয়শা। বার বার বলতে লাগলো—

‘কেন আমি খেয়াল করলাম ন’ খুঁটিনাটি বিষয়গুলো?’ শেষে যোগ করলো, ‘তাহলে তোমরা তাঁবুতে ঘুমাও, আমি বাইরে থাকি। এখানকার ঠাণ্ডায় আমি অভ্যস্ত।’

লিও হেসে উড়িয়ে দিলো ওর কথা। এরপর খোলা আকাশের নিচে বসে খেয়ে নিলাম আমরা—আমি আর লিও। আশপাশে প্রহরীরা ধাক্কায় আয়শা ঘোমটাই খুললো না। ফলে আমাদের সাথে খতে পারলো না। পরে তাঁবুতে ঢুকে খেয়েছিলো কিনা জানি না।

খাওয়ার পর আমরা আর দেরি না করে শুতে চলে গেলাম। আয়শা-ও চুপলো তাঁবুতে। প্রহরীরা ছাড়াও স্লুড্জের ওপাশে রয়েছে পুরো বাহিনী। স্তবরাং শোয়ার প্রায় সাথে সাথে নিশ্চিন্ত মনে ঘুমিয়ে পড়লাম হুঁজন।

দূর থেকে ভেসে আসা চিংকারে ঘুম ভেঙে গেল আমার। মনে হলো কোনো প্রহরী কারো পরিসর জিজ্ঞেস করলো। এক মুহূর্ত পরে শুনতে পেলাম আমাদের সঙ্গে যে প্রহরীরা রয়েছে তাদের দলগতভাবে জবাব। কি একটা প্রশ্নও করলো সে। উল্টোনিক থেকে আরেকটা জবাব ভেসে এলো। কয়েক সেকেন্ডের নীরবতা। তারপর দেখলাম, একজন পূজারী কুনিশ করে এসে দাঁড়ালো আমাদের সামনে। মশাল তার হাতে। লোকটার চেহারা চেনা চেনা মনে হলো।

‘আমি—’ একটা নাম বললো সে, আর নামটা মনে নেই আমার। ‘পূজারী প্রধান অরোস আমাদের পাঠিয়েছেন। উনি বলেন, হেসা একুনি আপনাদের হুঁজনের সাথে আলাপ করতে চান।’

ইতিমধ্যে হাই তুলতে তুলতে উঠে বসেছে লিও। ব্যাপার কি,

জিজ্ঞেস করলো। আমি বললাম।

‘সকাল পর্যন্ত অপেক্ষা করলেই পারতো,’ বললো ও। ‘যাক, ডেকেছে যখন যেতে হবে। চলো, হোরেস।’ উঠে রওনা হলো লিও আবার কুনিশ করলো পূজারী। বললো, ‘আপনাদের অস্ত্র আর রক্ষীদেরও নিয়ে যেতে বলেছেন হেসা।’

‘কি।’ বিস্ময় প্রকাশ করলো লিও। ‘নিজেদের সেনাবাহিনীর মাঝখানে থেকে একশো গজ যাবো তাতে আবার রক্ষী লাগবে।’

‘হেসা তাঁর তাঁবু ছেড়ে বেরিয়ে গেছেন,’ ব্যাখ্যা করলো লোকটা। ‘গিরিখাতের মুখে আছেন এখন। কোন দিক দিয়ে বাহিনী নিয়ে গেলে সুবিধা হবে, পর্যবেক্ষণ করছেন।’

‘তুমি কি করে জানলে এত কথা?’ আমি জিজ্ঞেস করলাম।

‘অরোপ বলেছেন। হেসা ওখানে একা আছেন তাই রক্ষীদের নিয়ে যেতে বলেছেন।’

‘পাগল নাকি ও?’ বললো লিও। ‘এই মাঝরাতিরে অমন জায়গায় গেছে, তাও আবার একা। হ্যাঁ, ওর পক্ষেই সম্ভব এমন অসম্ভব কাজ।’

আমারও মনে হলো, এমন অসম্ভব কাজ ওর পক্ষেই সম্ভব তবু ইতস্তত করতে লাগলাম। অবশেষে আধা ইচ্ছায় আধা অনিচ্ছায় রওনা হলাম দুতের পেছন পেছন। আমাদের তলোয়ার, বর্শা নিয়ে নিলাম। রক্ষীদেরও ডেকে নিলাম। মোট ঠারো জন। একটা কথা ভেবে নিশ্চিত বোধ করলাম, এর ভেতর কোনো কৌশল থাকলে রক্ষীদের নিয়ে যেতে বলা হতো না।

পথে দু’জায়গায় প্রহরীরা থাকালো আমাদের। সংকেত শব্দ বলতেই ছেড়ে দিলো। আমাদের ধারা চিনতে পারলো তাদের মুখে

বিস্ময়ের ছাপ পড়তে দেখলাম। ওরা কি কিছু সন্দেহ করছে? বুঝতে পারলাম না।

গিরিখাতের ধার দিয়ে নেমে চললাম আমরা। বেশ ঢালু পথ। ভাল রাখতে হিমসিম খেতে হচ্ছে আমাদের। কিন্তু আমাদের পথ-প্রদর্শক পূজারী অনায়াসে নেমে চলেছে, যেন নিজের বাড়ির বাঁধানো সিঁড়ি বেয়ে নামছে।

‘রাত তপূরে এমন অদ্ভুত জায়গায়!’ সন্দেহের সুর লিওর গলায়। রক্ষীদের দলনেতাও কিছু একটা বিড়বিড় করলো। আমি বোঝার চেষ্টা করছি ও কি বললো, এই সময় গিরিখাতের নিচে অস্পষ্ট শাদা একটা অবয়ব দেখতে পেলাম। আয়শার মুখ ঢাকা মূর্তি মনে হলো।

‘হেস! হেস!’ বলে উঠলো রক্ষী দলনেতা। স্বস্তির ভাব তার কণ্ঠস্বরে।

‘দেখ ওকে,’ বললো লিও, ‘এই শুষ্ক জায়গায় কেমন ঘুরে বেড়াচ্ছে, যেন হাইড পার্কে বেড়াতে এসেছে।’ বলেই ছুটে গেল ও আয়শার দিকে।

ঘুরে আয়শার দিকে তাকালো মূর্তি। পেছন পেছন যাওয়ার ইশারা করে হাঁটতে শুরু করলো।

কঙ্কাল ছাওয়া উপত্যকায় পৌঁছলাম। না থেকে এগিয়ে চললো আয়শা। কিছুদূর গিয়ে নিচু একটা চূড়ার কাছে থামলো। সেখানেও চারপাশে ছড়িয়ে আছে অসংখ্য কঙ্কাল। আমাদের পথ প্রদর্শক পুরোহিত দাঁড়িয়ে পড়লো রক্ষীদের নিয়ে—সেবার নির্দেশ ছাড়া তাঁর কাছাকাছি যাওয়া বারণ। আমি এগিয়ে গেলাম। লিও সাত আট গজ সামনে। ওকে বলতে শুনলাম—

‘এই রাতে এমন জায়গায় কি জন্য এসেছো, আয়শা? বিপদ ঘটতে

কতক্ষণ ?

জবাব দিলো না আয়শা। হাত হ'পাশে ছড়িয়ে দিয়ে আবার নামিয়ে আনলো। বিস্মিত হয়ে আমি ভাবছি, কোনো সংকেত ? হলে কিসের ? এমন সময় অস্তুত এক আওয়াজ উঠলো চারপাশ থেকে। অনেক লোক যেন হটোপুটি করছে।

ভুরু কুঁচকে তাকাতেই দেখলাম, ওহ ! ছড়িয়ে থাকা কঙ্কালগুলো উঠে দাঁড়িয়েছে। প্রত্যেকের হাতে বল্লম : চারপাশ থেকে ঘিরে ফেলে এগিয়ে আসছে আমাদের দিকে।

ভূত বিশ্বাস করি না আমি। জানি, আয়শার কোনো কৌশল এটা, তাছাড়া এমন হতে পারে না। তবু এতগুলো কঙ্কালকে আচমকা দাঁড়িয়ে পড়তে দেখে সত্যি ভূত দেখার মতোই চমকে উঠলাম। শির-শির একটা অনুভূতি হলো শরীর জুড়ে।

‘এ আবার কোন ধরনের পৈশাচিকতা ?’ ভয় আর রাগ মেশানো কম্পিত স্বরে লিও চৈচিয়ে উঠলো।

এবারও কোনো জবাব দিলো না শাদা। আলখাল্লা পরা মূর্তি। পেছনে শব্দ শুনে ঘাড় ফিরিয়ে তাকালাম। আমাদের রক্ষকের ওপর ঝাঁপিয়ে পড়েছে কঙ্কাল বাহিনী। কঙ্কালগুলোকে দাঁড়িয়ে পড়তে দেখেই ভয়ে আধমরা হয়ে গিয়েছিলো। জংলীগুলো বাধা দেয়ার কথা বোধ হয় মনেও পড়েনি বেচারাদের। এক এক করে সব ক'জনকে বল্লমে গঁথে ফেললো শত্রু। লিওর দিকে বল্লম উঁচিয়ে গেল এক কঙ্কাল। ঘোমটা টানা মূর্তি হাত উঁচু করলো এই সময়।

‘উঁহু’, ওকে বন্দী করো। আমাদের নির্দেশ, ওর যেন কোনো ক্ষতি না হয়।’

কণ্ঠস্বরটা আমার চেনা। কালুনের খানিয়া অ্যাতেনের।

‘ষড়যন্ত্র।’ চিৎকার করতে চাইলাম আমি। পারলাম না। তার আগেই জ্ঞান হারালাম মাথায় শক্ত, ভারি কিছুর আঘাত পেয়ে।

## বাইশ

যখন জ্ঞান ফিরলো তখন দিন হয়ে গেছে। মাথায় অসহ্য যন্ত্রণা। অরোসের শাস্ত মুখটা বুঁকে আছে আমার ওপর। আমাকে গোখ মেলতে দেখেই খানিকটা তরল পদার্থ ঢেলে দিলো আমার গলায়। সাথে সাথে আশ্চর্য প্রতিক্রিয়া হলো আমার ভেতরে। মনের ওপর জমে থাকা ঘষা কাঁচের মতো একটা পর্দা যেন গলে যেতে লাগলো। যন্ত্রণা দূর হয়ে গেল কয়েক সেকেন্ডের ভেতর। তারপর দেখলাম আয়শাকে। অরোসের পাশে দাঁড়িয়ে আছে।

‘কি সর্বনেশে কাণ্ড। তুমি বেঁচে আছো, আমার প্রভু লিঙ্ক কোথায়?’ চিৎকার করলো ও। ‘বলো কোথায় লুকিয়ে রেখেছো আমার প্রভুকে?’ বলো—না হলে মরবে!’

হিমবাহের তুষারে যখন ডুবে মরতে বসেছিলাম তখন জ্ঞান হারানোর আগে এই দৃশ্যটাই দেখেছিলাম, এই কথাগুলোই জিজ্ঞেস করেছিলো আয়শা।

‘অ্যাভেন নিয়ে গেছে ওকে,’ জবাব দিলাম।

‘তোমাকে জীবিত রেখে ওকে নিয়ে গেছে অ্যাভেন!’

‘আমার ওপর রাগ দেখিও না। আমার কোনো দোষ নেই।’

এরপর আমি সংক্ষেপে বর্ণনা করলাম রাতের ঘটনা ।’

নিঃশব্দে শুনলো আয়শা । দীর পায়ে এগিয়ে গেল নিহত রক্ষীদের দিকে । গভীর মুখে দেখলো কিছুক্ষণ ।

‘আচ্ছা । তাই তো ভেবে পাচ্ছিলাম না, ওরা মরলো কিভাবে ।’ অবশেষে সে বললো । তারপর এগিয়ে গেল আরেকটু— যে জায়গা থেকে লিওকে বন্দী করা হয়েছিলো সেখানে । ভাঙা একটা তলোয়ার পড়ে আছে । জিনিসটা খান র্যাসেনের । র্যাসেন মারা যাওয়ার পর ওটা লিওর সম্পত্তিতে পরিণত হয় । তলোয়ারটার পাশে ছোটো মৃতদেহ । কালো আটো পোশাক তাদের পরনে । মাথা এবং মুখ খড়ি মাটি দিয়ে শাদা করা । হাত, পা এবং বুকে ও খড়ি মাটির দাগ । কঙ্কালের চেহারা দেয়া হয়েছে ।

‘ভালোই ফন্দি এঁটেছিলো আাতেন,’ দাঁতে দাঁত চেপে বললো আয়শা । ‘কিন্তু, হলি, আমার প্রভু কি আঘাত পেয়েছে?’

‘খুব একটা না ; জ্ঞান হারানোর আগ মুহূর্তে দেখেছিলাম, এঁ দু’জনের সঙ্গে লড়াই । মুখ থেকে বোধহয় একটু রক্তও পড়তে দেখেছিলাম । আর কিছু মনে নেই ।’

‘প্রতি বিন্দুর জন্যে একশোটা করে জীবন নেবো । আমি শপথ করে বলছি, হলি ।’

ইতিমধ্যে শিবির ভেঙে বকাল উপত্যকায় জড়ো হতে শুরু করেছে উপজাতীয় সেনাবাহিনী ; পাঁচ হাজার সৈনিকের অস্বারোহী বাহিনী ও এসে গেছে । সবগুলো দলের সর্দারদের ডেকে পাঠালো আয়শা, এবং ভাষণ দিলো ওদের উদ্দেশ্যে ।

‘হেস-এর ভৃতারা,’ শুরু করলে, ও, ‘তোমাদের প্রভু, আমার অতিথি এবং হবু স্বামী লিওকে কৌশলে বন্দী করে নিয়ে গেছে খানিয়া

আতেনের লোকজন। যতদূর অনুমান করতে পারছি, ঠিক তিখি  
হিশেবে পাটক রাখবে। আমার ধারণা খুব বেশি দূর গেলে পারেনি  
ওরা আমাদের প্রভুকে নিয়ে। সুতরাং এই মুহূর্তে রওনা হলে চলে  
আমাদের। ঝড়ের বেগে নদী পেরিয়ে আমরা আক্রমণ করবো খানি-  
য়ার বাহিনীকে। আজ রাতে আমি কালুনে ঘুমাতে চাই। কি বলো,  
অরোস ? দ্বিতীয় এবং আরো বড় একটা বাহিনী থাকবে নগর প্রাচীর  
রক্ষা করার জন্যে ? থাকুক, প্রয়োজন হলে ওটাও আমি ধ্বংস করে  
দেবো, মিশিয়ে দেবো বাতাসের সঙ্গে। না, অবাক হওয়ার কিছু নেই।  
ধরে নাও ওরা যারা গেছে।

'ঘোড়সওয়াররা, আমার পেছন পেছন এসো। পদাতিকরা, তোমরা  
এগিয়ে যাবে আমাদের ছ'পাশ নিয়ে। যে পিছু হটবে বা এগোতে  
ভয় পাবে তার জন্যে অপেক্ষা করছে মৃত্যু। আর অপার সম্পদ ও  
সম্মান যারা সাহসের সঙ্গে এগিয়ে যাবে, তাদের জন্যে। হ্যাঁ, আমি  
প্রতিশ্রুতি দিচ্ছি, কালুনের উর্বরা জমি তোমাদের হবে। এবার যাও,  
প্রত্যেকে যার যার দল প্রস্তুত করে নাও। একুনি রওনা হবো আমরা।'

উৎফুল্ল কণ্ঠে সম্বরে চিৎকার করে উঠলো সর্দাররা। হিন্দু জাতি  
ওরা, পুকঝানুক্রমে যুদ্ধপ্রিয়, তার ওপর হেসার প্রতিশ্রুতি, সম্পদ ও  
সম্মান প্রাপ্তির। উৎফুল্ল হওয়ারই কথা।

প্রায় এক ঘণ্টা চল বেয়ে নামার পর জঙ্গলটির কাছে পৌঁছলো  
সেনাবাহিনী। সামনে কোনো প্রতিবন্ধক দেখা গেল না, যদিও সবাই  
মনে মনে আশা করছিলো, ছোট বা বড় বাই হোক না কেন, খানিয়ার  
কোনো বাহিনী থাকবে এখানে। এই দেখে আমাদের সেনাপতির  
হতাশ হলো না। খুশি হলো বুঝতে পারলাম না।

কিছুক্ষণ পর নদী তীরে পৌঁছলাম আমরা। এবার দেখা গেল



খানিয়ার সৈনিকদের। ওপারে দীর্ঘ সারি বেঁধে দাঁড়িয়ে আছে। নদীর মাঝখানেও দেখলাম কয়েকশোকে। বল্লম উঁচিয়ে অপেক্ষা করছে। কয়েক মুহূর্ত দাঁড়িয়ে রইলে আমাদের সৈনিকরা। তারপর প্রচণ্ড বুনো উল্লাসে চিৎকার করে ঝাঁপিয়ে পড়লো নদীতে। অঝোরোহীরা নড়লো না। অপেক্ষা করতে লাগলো পদাতিকদের কি অবস্থা হয় দেখার জন্যে। কয়েক মিনিট মাত্র লাগলো নদীর মাঝের শত্রুদের ছত্রভঙ্গ করে দিতে। প্রাণ ভয়ে হাচড়ে পাচড়ে পাড়ে উঠতে লাগলো তারা। ধাওয়া করে গেল আমাদের সৈনিকরা। এই সময় অরোস এসে জানালো, এক গুপ্তের এই মাত্র খবর নিয়ে এসেছে, সে লিওকে হাত পা বাধা অবস্থায় একটা ছই চাকাওয়ালো ঘোড়াটানা গাড়িতে দেখেছে। অ্যাভেন, সিমত্রি আর এক রক্ষীও ছিলো সঙ্গে। পূর্ণ বেগে কালুনের দিকে ছুটে চলেছে তারা।

ইতিমধ্যে আমাদের কিছু সৈনিক নদীর অপর পাড়ে উঠতে পেরেছে। শত্রু সেনারা ধেয়ে এলো ওদের দিকে। কয়েক মিনিট লড়ে পিছিয়ে আসতে বাধ্য হলো আমাদের সৈনিকরা। পর পর তিনবার এমন পিছিয়ে আসতে হলো ওদের। ক্ষয়-ক্ষতিও কম হলো না। অধীর হয়ে উঠলো আয়শা।

‘ওদের নেতা দরকার,’ বললো ও, ‘আমি নেতৃত্ব গ্রহণ করবো। এসো আমার সাথে, হালি,’ বলেই ঘোড়া ছুটিয়ে দিলো আয়শা। ঘোড়সওয়ার বাহিনীর মূল অংশটা অনুসরণ করলো ওকে। মহা উল্লাসে চিৎকার করতে করতে ঝাঁপিয়ে পড়লো নদীতে। শত সহস্র তীর বল্লম ছুটে আসতে লাগলো শত্রুর দিক থেকে। ডানে বায়ে আমাদের অনেক ঘোড়া এবং আরোহীকে লুটিয়ে পড়তে দেখলাম। কিন্তু আমার বা এক কি হুগঞ্জ সামনে শাদা আলঝাল্লা মোড়া আয়শার গা স্পর্শ

করলো না একটাও। পাঁচ মিনিটের মাথায় নদীর তীর পাড় দখল করে নিলাম আমরা। তারপর শুরু হলো আগল লড়াই।

এবটু পিছিয়ে গিয়েছিলো কালুনের বাহিনী। আমরা পাড় দখল করা মাত্র হামলা চালালে আবার। আমাদের মতো ওরাও মাঝখানে অস্বারোহী আর তার ছ'পাশে পদাতিক বাহিনী মোতায়েন করেছে। সুতরাং আমাদের পদাতিকরা মুখোমুখি হলো ওদের পদাতিকদের, আর ঘোড়সওয়াররা ওদের ঘোড়সওয়ারদের। ছ'পক্ষই সমানে বর্ষণ করছে তীর আর বল্লম। হতাহতও হচ্ছে সমানে সমানে। কিছুক্ষণ পর খেয়াল করলাম, খুব দীর্ঘ হলো আমরা এগোচ্ছি। আগেই বলেছি তীর বল্লম আমাদের নিকে আসছে কিন্তু অদৃশ্য কোনো শক্তির প্রভাবে যেন আমাদের গায়ে না লেগে আশপাশ দিয়ে চলে যাচ্ছে। সামনে, পেছনে, ছ'পাশে লড়ছে আমাদের মৈনিক, ঘোড়সওয়াররা। জখম হচ্ছে, মরছে; কিন্তু জক্ষেপ নেই কারো।

অবশেষে শত্রু বাহিনীর ব্যূহ ভেদ করে বেরিয়ে এলাম আমরা। প্রায় আধ মাইল মতো ছুটে গিয়ে খামলাম কিছুক্ষণের জন্যে। পাঁচ, দশ বা বিশ, পঞ্চাশ জনের ছোট ছোট দলে ভাগ হয়ে হাবিজাব হতে লাগলো আমাদের ঘোড়সওয়াররা। সামান্য সময়ের ভেতর হাজার তিনেক লোক জড় হয়ে গেল। শেষ দলটা উপস্থিত হওয়ার পর মিনিট পাঁচেক অপেক্ষা করলো আয়শা। আর কেউ এলো না দেখে হাত উঠ করে এগোনোর নির্দেশ দিলো। কালুনের মগরীর পথে ছুটে চললো জংলীবাহিনী। পুরোভাগে আয়শা। ছায়া সামান্য পেছনে পাশাপাশি আমি আর অরোস।

ভয়ঙ্কর বেগে ছুটে চলেছি আমরা। খান রাসেন যখন মরণ-স্বাপদ নিয়ে লিও আর আমাকে ভাড়া করেছিলো তখনও সম্ভবত এত জোরে

ঘোড়া ছোটাইনি। পেছনে তিন হাজার জংলীর উল্লসিত চিৎকার।  
খান র্যাসেনের তাড়া খেয়ে যে পথে এসেছিলাম এখন আমরা সে  
পথে যাচ্ছি না। সমভূমির ওপর দিয়ে কোনাকুনি একটা পথে ছুটছে  
আয়শা। ফলে অনেক কম সময়ে পৌঁছে গেলাম কালুনের কাছাকাছি।  
তুপুরের সামান্য পরে দূরে দেখতে পেলাম কালুন নগরী।

ছোট একটা জলার ধারে ঘোড়া থামালো আয়শা। তিন হাজার  
জংলী অশ্বারোহীও দাঁড়িয়ে পড়লো। এখানে ঘোড়াগুলোকে পানি  
খাইয়ে নেয়া হলো। যোদ্ধারাও সঙ্গের পুটলি থেকে খাবার বের করে  
খেয়ে নিলো আমিও সামান্য খেলাম। কিন্তু আয়শা কিছু মুখে তুললো  
না।

এখানেও কয়েকজন গুপ্তচর দেখা করলো অরোসের সঙ্গে। তাদের  
কাছে জানা গেল, খানিয়া অ্যাভেনের বড় বাহিনীটা নগর পরিষ্কার  
সেতুগুলো পাহারা দিচ্ছে। আমাদের এই স্বল্পসংখ্যক যোদ্ধা নিয়ে  
ওদের আক্রমণ করাটা বোকামি হবে। এ সব কথায় কান দিলো না  
আয়শা। ঘোড়াগুলোর একটু বিশ্রাম হতেই আবার এগোনোর নির্দেশ  
দিলো সে।

আবার কয়েক ঘণ্টা একটানা ঘোড়া ছুটিয়ে চলা। ঘোড়ার খুরের  
সম্মিলিত আওয়াজ ছাড়া আর কোনো শব্দ নেই। আয়শা কোনো  
কথা বলছে না, ওর সঙ্গী তিন সহস্র বুনো যোদ্ধাও নিশ্চুপ। মাঝে  
মাঝে ঘাড় ফিরিয়ে তাকাচ্ছে পেছনে।

আমিও তাকালাম একবার। সে দূরীভূত। কালো মেঘে  
ছেয়ে গেছে পেছনের আকাশ। মেঘের প্রান্তগুলো আগুনের মতো  
লাল। মাথার ওপর দিয়ে স্বর্গীয় সেনাবাহিনীর মতো এগিয়ে চলেছে  
যেন আমাদের সাথে সাথে। এমন কালো মেঘ আমি জীবনে কখনো

দেখিনি : মাত্র বিকেল এখন, কিন্তু মনে হচ্ছে সন্ধ্যা। নেমে এসেছে প্রকৃতিতে। প্রায় অন্ধকার হয়ে গেছে পেছনের সমভূমি। মাঝে মাঝে বিহ্বল চমকচ্ছে নিঃশব্দে। দেখে মনে হচ্ছে কোনো যোদ্ধা গেন তীব্র বেগে আঘাত হানছে হাতের খোলা তলোয়ার দিয়ে।

ক্রমশ এগিয়ে আসছে কালুন। একটু পরে দেখতে পেলাম ওদের দ্বিতীয় এবং বৃহত্তর বাহিনীটাকে। সত্যিই ভয় পাওয়ার মতোই দৃশ্য বটে। আকাশের পুঞ্জ পুঞ্জ মেঘের মতোই ঘন সন্নিবিষ্ট হয়ে দাঁড়িয়ে আছে সৈনিকরা, ঘোড়সওয়াররা। আমরা যেমন ওদের দেখেছি তেমনি ওরাও দেখেছে আমাদের।

একটু পরেই দেখলাম একজন দূত এগিয়ে আসছে ঘোড়ায় চেপে। আয়শা হাত উঠিয়ে সংকেত দিতেই খেমে গেলাম আমরা। আরো এগিয়ে এলো দূত। চিনতে পারলাম লোকটাকে। সাবেক খানের এক পারিষদ। লাগাম টেনে দূত কণ্ঠে সে বলতে লাগলো—

‘কালুন, হেস, খানিয়া আতেনের কথা, আপনার প্রিয় ভ্রম, বিদেশী প্রভু এখন বন্দী তাঁর প্রাণদে। এগোনোর চেষ্টা করলেই আপনাকে এবং আপনার ছোট্ট দলটাকে আমরা ধ্বংস করে দেবো। দেখতেই পাচ্ছেন কি বিশাল বাহিনী তৈরি রয়েছে এখানে। তবু যদি কোনো অলৌকিক উপায়ে আপনি জয়ী হন কালুনের প্রাণদে পৌঁছনোর আগেই মারা যাবে আপনার প্রিয়তম। তার চেয়ে আপনি আপনার পাহাড়ে ফিরে যান, খানিয়া প্রতিশ্রুতি দিয়েছেন আপনাকে এবং আপনার লোকদেরকে অক্ষত অবস্থায় ফিরে যাওয়ার সুযোগ দেবেন তিনি। এখন বলুন, আপনার যদি কিছু বলার থাকে।’

ফিস ফিস করে অরোসকে কিছু বললো আয়শা। অরোস উচ্চ গলায় শুনিয়ে দিলো কথাগুলো—

‘কিছু বলার নেই। প্রাণের মায়া থাকলে পালাও একুনি, মৃত্যু তোমার পেছনেই।’

হতাশ মুখে ঘোড়া ছুটিয়ে দিলো দূত। কিন্তু আয়শা তুফুনি রওনা হওয়ার নির্দেশ দিলো না আমাদের। গভীর চিন্তায় ডুবে গেছে ও।

একটু পরেই আমার দিকে তাকালো আয়শা। পাতলা মুখাবরণের ভেতর দিয়ে দেখতে পাচ্ছি ওর মুখ। শাদা, ভয়ঙ্কর হয়ে উঠেছে। চোখ দুটো সিংহীর চোখ রাতের বেলা যেমন ঝলছে তেমন ঝলছে। দাঁতে দাঁত চেপে হিসহিসে স্বরে সে বললো—

‘নরকের মুখ দেখার জন্যে তৈরি হও, হলি। ভেবেছিলাম সম্ভব হলে ওদের মাফ করে দেবো। পারলাম না। আমার সব গোপন শক্তি প্রয়োগ করে হলেও আমি লিওকে জীবিত দেখতে চাই। ওরা ওকে খুন করতে চাইছে।’

তারপর ও পেছন ফিরে চিৎকার করে উঠলো, ‘ভয় পেয়ো না সর্দাররা। তোমরা সংখ্যায় কম, কিন্তু তোমাদের সঙ্গে আছে লক্ষ লক্ষ মৈনিকের শক্তি। হেসাকে অনুসরণ করো, যা-ই ঘটুক না কেন, ভয় পেয়ো না বা হতাশ হয়ো না। তোমাদের সৈনিকদের জানিয়ে দাও একথা। বলো, ভয়ের কিছু নেই, হেসার বর্মের আড়ালে আমরা সেহু পেরিয়ে কালুন নগরীতে প্রবেশ করবো।’

সর্দাররা যার যার যোদ্ধাদের কাছে গিয়ে জানিয়ে দিলো আয়শার নির্দেশ।

‘আমরা আপনার পেছন পেছন নদী পেরিয়েছি, হেস,’ চাঁচিয়ে জবাব দিলো বুনো লোকগুলো, ‘এতদূর এসেছি বিনা বাধায়। আপনি এগিয়ে চলুন, আমরা আছি আপনার পেছনে।’

এবার কিছু নির্দেশ দিলো আয়শা। বর্ষার কলার মতো চেহারায়

দাড়িয়ে গেল ঘোড়সওয়াররা। আয়শা রইলো ফলার একেবারে মাথায়। অরোস আর আমি একটু পেছনে আগের মতোই পাশাপাশি।

তীক্ষ্ণ স্বরে একবার শিঙ্গা বেজে উঠলো কোথাও। পর মুহূর্তে কাছের এক পপলার বন থেকে সার বেঁধে বেরিয়ে এলো দিরাট এক অশ্বারোহী বাহিনী। দ্রুত বেগে আমাদের চারদিক থেকে ঘিরে ফেলার চেষ্টা করছে। এদিকে সামনে দাড়িয়ে থাকা বাহিনীটাও এগোতে শুরু করেছে। প্রথমে ঘোড়সওয়াররা তারপর পদাতিকরা।

আমাদের খেলা বোধহয় শেষ হলো। সন্দেহ নেই আমরা হারবো, অস্তুত আমার তাই মনে হচ্ছে।

পপলার বন থেকে বেরিয়ে আসা ঘোড়সওয়ারদের দিকে তাকালো একবার আয়শা। সামনের বাহিনীটার দিকে তাকালো একবার। তারপর একটানে মুখের আবরণ ছিঁড়ে ফেলে উঁচু করে ধরলো। ওর কপালে জ্বলে উঠলো সেই অদ্ভুত রহস্যময় নীল আলো। উপস্থিত অর্ধলক্ষ মানুষের ভেতর একমাত্র আমি এর আগে দেখেছি এ আলো।

ইতিমধ্যে মাথার ওপর মেঘ আরো ঘন হয়েছে, এবং এখনো হচ্ছে। মুহূর্তে বিদ্যুৎ চমকচ্ছে। এখন আর নিঃশব্দে নয়, সশব্দে পেছনে পাহাড় চূড়া থেকে আচমকা বেরিয়ে এলো কয়েক দশক অগ্নিশিখা। তিমি যেমন নিশ্বাস ছাড়ে তেমনি ফোয়ারার মতো উঠে গেল অনেক অনেক উপরে। লাল আভা ধরলো মেঘের কালো গা।

ঘোড়ার লাগাম ফেলে দিয়ে হাঁহাত আকাশে ছুঁড়ে দিলো আয়শা। হেঁড়া শাদা মুখাবরণটা নাড়তে লাগলো, স্বর্গের উদ্দেশ্যে সংকেত দেয়ার ভঙ্গিতে।

সেই মুহূর্তে আকাশের কালো চোয়ালটা যেন হাঁ হয়ে গেল। তীব্র, উজ্জ্বল আগুনের শিখা ছুটলো কালুনের দিকে। বিদ্যুৎচমক মান হয়ে

গেল সে উজ্জলতার কাছে। পক্ষণে শোঁ শোঁ শব্দে ধেয়ে এলো বাতাস। আমাদের সামান্য উপর দিয়ে ছুটে গেল কালুন নগরীর দিকে। কি ভয়ঙ্কর বগ সে বাতাসের। প্রবল ঝড়ও হার মানে তার কাছে। সামনে যা পেলো ইট, কাঠ, পাথর, মানুষ, ঘোড়া সব উড়িয়ে নিয়ে গেল। বসন্তের আগমনে শীতের তুষার যেমন গলে মাটির সঙ্গে মিশে যায় তেমনি দেখতে না দেখতে নাই হয়ে গেল অ্যাতেনের বিশাল বাহিনী।

আমি দেখলাম, প্রবল বাতাসে প্রথমে বেকে গেল পপলার গাছ-গুলো, তারপর উপড়ে এলো মাটি থেকে এবং একটু পরে অদৃশ্য হয়ে গেল। কালুনের উঁচু নগর প্রাচীর বালির বাধের মতো ধসে পড়লো। ইট, পাথরের দালানকোঠাগুলোয় দেখা দিলো আগুনের লেলিহান শিখা। এক বাড়ি থেকে অন্য বাড়িতে দ্রুত ছড়িয়ে পড়ছে আগুন। খুব অল্প-সময়ের ভেতর পুরো নগরীটা বলন্ত চুল্লি হয়ে উঠলো। বিশাল পাথির মতো ডানা ঝাপটাতে ঝাপটাতে অঙ্ককার নেমে এলো। আমাদের পেরিয়ে এগিয়ে গেল সামনে। তারপরই দেখলাম কালো ডানাগুলো লাল গনগনে হয়ে উঠেছে। আগুনের বান ছড়াকিয়ে উড়ে গেল কালুনের ওপর দিয়ে।

তারপর সব শাস্ত। চারদিকে কালো, শাস্ত, অঙ্ককার, নৈঃশব্দ, ধ্বংস আর মৃত্যু। ধীরে ধীরে মেঘ কেটে গেল। গোধূলীর ম্লান আলোয় দেখলাম সামনে শূন্য পড়ে আছে কালুনে ঢোকার সেতু। অ্যাতেনের বিশাল বাহিনীর চিহ্নও সেই কোথাও। অন্যদিকে নিহত তো দূরের কথা, আমাদের ক্রমশী বাহিনীর একটা লোকও আহত হয়নি। তবে বিস্ময়ে পাথর হয়ে গেছে তারা। আতঙ্কে মুখ দিয়ে কথা সরছে না কারো। আয়শা যখন এগোনোর নির্দেশ দিলো তখনও

দাঁড়িয়ে রইলো সবাই। অরোসের কাছ থেকে দ্বিতীয় নির্দেশ পাওয়ার পর সম্বিত ফিরলো ওদের। ক্লাস্ত ভঙ্গিতে এগোতে লাগলো আমাদের পেছন পেছন।

সেতুর ওপর উঠলো আয়শা। ঘোড়ার মুখ ঘুরিয়ে তাকালো তার সৈনিকদের দিকে। যেন বলতে চাইলো, স্বাগতম আমার সন্তানেরা। সে এক দেখার মতো দৃশ্য। ঘোড়ার গিঠে ঝঞ্জু হয়ে বসে আছে সে। মাথায় তারার মুকুট। জংলীরা প্রথম এবং শেষ বারের মতো দেখলো তার চেহারা।

‘দেবী।’ কাঁপা কাঁপা গলায় চিৎকার করে উঠলো তারা।

ঘোড়ার মুখ ঘুরিয়ে নিয়ে চলতে শুরু করলো আয়শা। ছলন্ত কালুনের রাজপথ ধরে এগিয়ে চললো রাজ প্রাসাদের দিকে।

পুরোপুরি রাত নেমে আসার আগেই আমরা পৌঁছে গেলাম প্রাসাদে। প্রহরীশূন্য অবস্থায় পড়ে আছে ফটক। শূন্য উঠোন পেরিয়ে ঘোড়া থেকে নামলো আয়শা। প্রাসাদে ঢুকলো। পেছনে আমি আর অরোস। একের পর এক খোলা দরজা পেরিয়ে এগিয়ে চলেছি আমরা। কোথাও কোনো সাড়াশব্দ নেই। সবগুলো ঘর ফাঁকা। সবাই পালিয়েছে নয়তো মারা গেছে।

অবশেষে একটা সিঁড়ির কাছে এলাম। উঠতে শুরু করলো আয়শা। প্রাসাদের চূড়ায় যেখানে শামান সিমত্রির ঘর সেখানে গিয়ে শেষ হয়েছে সিঁড়ি দেখামাত্র চিনতে পারলাম ঘরটা। অ্যাতেন এখানেই হত্যা করার ভূমকি দিয়েছিলো আমাদের দরজাটা বন্ধ। কি আশ্চর্য। আয়শা সামনে গিয়ে দাঁড়াতেই অর্পমা থেকে খুলে গেল ওটা।

আয়শার পেছন পেছন আমরা ঢুকলাম। প্রদীপের মুহূ আলোয় আলোকিত ঘরটা। যা দেখলাম—চেয়ারে বসে আছে লিও। হাত



পা বাঁধা চেয়ারের হাতল আর পায়ের সাথে। মুখটা ক্যাকাশে।  
কম্পিত হাতে একটা ছোরা ধরে আছে বৃদ্ধ শামান ওর বুকের ওপর।  
বিঁধিয়ে দিতে উদ্যত। মাটিতে পড়ে আছে খানিয়া অ্যাতেন। চোখ  
ছটো হাঁ করে খোলা, তাকিয়ে আছে ছাদের দিকে। মারা গেছে  
কালুনের খানিয়া অ্যাতেন, কিন্তু এতটুকু মলিন হয়নি তার রাজকীয়  
চেহারা।

মুহূর্তের ভেতর এতগুলো ব্যাপার লক্ষ্য করলাম আমরা। আয়শা  
তার হাতটা সামান্য নাড়ালো। সিমব্রির হাত থেকে খসে পড়ে গেল  
ছুরি। আর বৃদ্ধ শামান ঘুরে দাঁড়িয়েই ভূত দেখার মতো চমকে উঠে  
স্থির হয়ে গেল।

ঝুঁকে ছুরিটা তুললো আয়শা। দ্রুত হাতে বাঁধন কেটে দিলো লিওর  
হাত পায়ের। তারপর ক্রান্ত ভঙ্গিতে বসে পড়লো একটা চেয়ারে।  
লিও উঠে শূন্য দৃষ্টিতে একবার তাকালো চারপাশে। তারপর  
বললো—

‘একেবারে ঠিক সময়ে এসেছো, আয়শা। আর এক সেকেন্ড দেরি  
করলেই খুনী কুকুরটা—শামানের দিকে ইশারা করলো, ‘যাক  
সময়মতো এসেছিলে। কিন্তু, কি করে এলে তোমরা। এই প্রচণ্ড ঝড়ের  
ভেতর দিয়ে? ওহ, হোরেস, তুমি এখনো বেঁচে আছো।’

‘আমরা ঝড়ের ভেতর দিয়ে আসিনি,’ জবাব দিলো আয়শা;  
‘এসেছি ঝড়ের ডানায় চেপে। এখন বলো, তোমাকে ধরে আনার  
পর কি কি ঘটেছে?’

‘হাত পা বেঁধে এখানে নিয়ে এলো। তারপর তোমার কাছে চিঠি  
লিখতে বললো। তাতে লিখতে হবে তুমি ফিরে যাও না হলে আমি  
মরবো। আমি রাজি হলাম না। তখন—’ মেঝেতে পড়ে থাকা মৃত

দেহের দিকে তাকালো ও ।

‘তখন ?’ আয়শার প্রশ্ন ।

‘তখন শুরু সেই ভয়ঙ্কর ঝড় । মনে হচ্ছিলো, আর কিছুক্ষণ চললে পাগল হয়ে যাবো । এই পাথরের প্রাসাদ ধর ধর করে কাঁপছিলো । বাতাসের শোঁ—শোঁ গর্জন যদি শুনতে । বিছাতের চমক যদি দেখতে ।’

‘তোমাকে বাঁচানোর জন্যে আমিই পাঠিয়েছিলাম ওদের ।’

স্থির চোখে এক মুহূর্ত তাকিয়ে রইলো লিও আয়শার দিকে । কিছু যেন বোঝার চেষ্টা করলো । তারপর বলে চললো—

‘অ্যাতেনও তাই বলছিলো, আমি বিশ্বাস করিনি । আমার মনে হচ্ছিলো মহা প্রসন্ন আসন্ন । ঐ জানালার সামনে গিয়ে কিছুক্ষণ দাঁড়িয়ে রইলো অ্যাতেন । তারপর আবার এসে দাঁড়ালো আমার সামনে । একটা ছুরি তুলে নিলো আমাকে হত্যা করার জন্যে ।

‘আমি জানি, যেখানেই যাই-না কেন, তুমি যাবে পেছন পেছন । সুতরাং নির্ভয়ে বললাম, “হ্যাঁ, বিঁধিয়ে দাও আমার বুকে ।” বলেই চোখ বুঁজে অপেক্ষা করতে লাগলাম আঘাতের । বেশ কিছুক্ষণ পেরিয়ে গেল, আঘাত এলো না । তার বদলে কপালে অনুভব করলাম ওর ঠোঁটের ছোঁয়া ।

“না, এ আমি করবো না,” ওকে বলতে শুনলাম । “বিদায় প্রিয়-তম । তোমার নিয়তি তুমিই নির্ধারণ কোরো, আমারটা আমি করছি ।”

‘চোখ মেলে আমি দেখলাম, একটা মাসি হাতে দাঁড়িয়ে আছে অ্যাতেন । ঐ যে, ওর পাশে পড়ে আছে ওটা । গ্রাসের তরল পদার্থ টুক গলায় ঢেলে দিতেই ও লুটিয়ে পড়লো । তারপর ঐ বৃড়ো তুলে নিলো ছুরিটা । বিঁধিয়ে দিতে যাবে আমার বুকে এই সময় তোমরা

চুকলে।’

বলতে বলতে হাঁপিয়ে গেছে লিও। হঠাৎ টলে উঠলো ওর পা। পড়ে যেতে যেতেও সামলে নিলো কোনো রকমে। তাড়াতাড়ি বসে পড়লো চেয়ারটায়।

‘তুমি অসুস্থ।’ উদ্বিগ্ন গলায় বললো আয়শা। ‘অরোস, সেই ওষুণটা। তাড়াতাড়ি।’

কুনিশ করে আলখাল্লার পকেট থেকে একটা ছোট্ট শিশি বের করলো পুজারী। লিওর হাতে দিয়ে বললো, ‘খেয়ে নিন, প্রভু : একুণি আপনার হারানো শক্তি ফিরে পাবেন।’

সত্যিই তাই। ওষুণটা খাওয়ার কয়েক মিনিটের ভেতর সম্পূর্ণ স্বাভাবিক হয়ে গেল লিও। মুখের ফ্যাকাশে ভাব কেটে গেল। চোখের উজ্জলতা ফিরে এলো। দেহের শক্তিও সম্ভবত স্বাভাবিক হয়ে এলো, কারণ দেখলাম, একটু পরেই চেয়ার ছেড়ে উঠে দাঁড়ালো ও।

একটা টেবিলের ওপর রান্না করা মাংস ছিলো। সেটা দেখিয়ে লিও প্রশ্ন করলো, ‘এখন খেতে পারি, আয়শা? খিদেয় মরে যাওয়ার অবস্থা আমার।’

‘নিশ্চয়ই,’ বললো আয়শা। ‘খাও। হালি, তোমারও নিশ্চয়ই খিদে পেয়েছে? খেয়ে নাও।’

আমি আর লিও ঝাঁপিয়ে পড়লাম খাবারটুকুর ওপর। হ্যাঁ, আকস্মিক অর্থেই ঝাঁপিয়ে পড়লাম, ঘরে একটা মৃতদেহ থাকা সত্ত্বেও। অরোস খেলো না। আয়শাও কোনো ধার্মিক স্পর্শ করলো না। বৃদ্ধ যাহুকর সিমত্রি দাড়িয়েই রইলো পুজারীর মূর্তির মতো, কমতাহীন। খাওয়া তো দূরের কথা, নড়লো না পর্যন্ত।

## তেইশ

থাওয়া শেষ করে উঠলাম। লিও বললো, 'তোমাদের সঙ্গে থাকতে পারলে বেশ হতো। অন্তত ঘটনাগুলো স্বচক্ষে দেখতে পেতাম।'

'দেখার মতো কিছু ঘটেইনি তো দেখবে কি?' বললো, আয়শা। 'নদী পেরোনোর সময় সামান্য যুদ্ধ করতে হয়েছিলো বাস, আর কিছু না। আগুন, পৃথিবী, বাতাস আমার হয়ে করে দিয়েছে বাকিটুকু। আমি ওদের ঘুম থেকে ডেকে তুলেছিলাম। আমার নির্দেশে ওরা ঝাপিয়ে পড়েছিলো তোমাকে বাঁচানোর জন্যে।'

'একজনের জন্যে অনেক জীবন গেছে,' শান্ত গম্ভীর গলায় বললো লিও।

'আ, কয়েক হাজার। হাজার না হয়ে যদি ৫০০ সংখ্যায় লক্ষ লক্ষ হতো তবু একজনকেও আমি রেহাই দিতাম না। এর সর্ব দায় ওর,' গুত আ্যাভেনের দিকে ইশারা করলো সে। 'আমি ভেবেছিলাম যতটুকু না করলেই নয় ততটুকু কতি করলো, কিন্তু ও যখন বাধ্য করলো...।'

'তবু, প্রিয়তমা, তোমার হাত রক্তে রাঙানো ভাবতে কেমন জানি লাগছে আমার।'

'কেমন লাগার কিছু নেই, প্রিয়তম। এতদিন তোমার রক্তের দাগ

লেগে ছিলো এ হাতে, আজ ওদের রক্তে তা ধুয়ে নিলাম। যাক, রাতের ছঃসপ্ন আমরা যেমন ভুলে যাই, তু.খময় অতীতও তেমন ভুলে যাওয়াই ভালো। এখন বলো কি দিয়ে তোমাকে সম্মানিত করবো ?’

অ্যাতেনের মুকুটটা পড়ে আছে মেঝেতে তার চুলের ওপর। সেটা ভুলে নিলো আয়শা। লিওর সামনে এসে ছ’হাতে উঁচু করে ধরলো। আন্তে আন্তে হাত নামিয়ে এনে মুকুটটা লিওর কপালে ঠেকালো আয়শা। তারপর শাস্ত্র উদাত্ত স্বরে বললো, ‘জাগৃতিক অতি তুচ্ছ এই প্রতীক-এর সাহায্যে আমি তোমাকে পৃথিবীর রাজ-আসনে অভিষিক্ত করছি, প্রিয়তম। এ বিশেষ যা কিছু আছে, সব এখন থেকে তোমার শাসনাধীন। এমন কি আমিও।’

আবার ও মুকুটটা উঁচু করে ধরলো। ধীরে ধীরে নামিয়ে এনে ঠেকালো লিওর কপালে। তারপর আবার সেই সংগীতের মতো সুরেলা কণ্ঠস্বর : ‘আমি শপথ করে বলছি, প্রিয়তম, গণেশ দিনের প্রসাদ তুমি পাবে। যতদিন পৃথিবী থাকবে ততদিন তুমি থাকবে, এবং প্রভু হিশেবেই থাকবে।’

আবার উঁচু হলো মুকুট। নেমে এসে স্পর্শ করলো লিওর কপাল।

‘এই স্বর্ণ-প্রতীকের মাধ্যমে আমি তোমাকে দিচ্ছি জ্ঞান, প্রকৃত জ্ঞান, যে জ্ঞান তোমার সামনে খুলে দেবে প্রকৃতির সব গোপন ছয়্যার। বিজয়ীর মতো সে পথে হেঁটে যাবে তুমি আমার পাশে পাশে। তারপর এক সময় শেষ দরজাটা অতিক্রম করবে আমরা। জীবন মৃত্যুর ভেদ আর তখন থাকবে না আমাদের কাছে।’

তাচ্ছিল্যের সাথে মুকুটটা ছুঁড়ে ফেলে দিলো আয়শা। এবং কি আশ্চর্য, মৃত অ্যাতেনের বুকের ওপর গিয়ে সেটা পড়লো। সোজা হয়ে রইলো সেখানেই।

‘আমার এসব উপহারে তুমি খুশি হওনি, প্রভু ?’ তির্যক প্রশ্ন করে  
আয়শা।

বিমর্ষ ভঙ্গিতে ওর দিকে তাকিয়ে মাথা নাড়লো লিও।

‘আর কি তাহলে তুমি চাও ? বলো, আমি দেবো তোমাকে।’

‘সত্যিই দেবে ?’

‘হ্যাঁ। শপথ করে বলছি। এই যে এখানে যারা যারা আছে সবাই  
সাক্ষী তুমি শুধু চাও।’

আমি লক্ষ্য করলাম, সূক্ষ্ম একটা হাসি যেন কুটে উঠেই মিলিয়ে  
গেল মূর্তির মতো দাঁড়িয়ে থাক; শামানের ঠোঁটে।

‘আমি এমন কিছু চাইবো না যা দেয়া তোমার অসাধ্য,’ বললো  
লিও। ‘আয়শা, আমি তোমাকে চাই। এখন চাই। হ্যাঁ, এখনই,  
আজ রাতেই। কবে কোন রহস্যময় আঙুনে স্নান করবো, ততদিন  
অপেক্ষা করতে পারবো না!’

ভেতরে ভেতরে কুকড়ে গেল যেন আয়শা। একটু পিছিয়ে এলো  
লিওর কাছ থেকে। দাঁত দিয়ে কামড়ে ধরলো নিজের ঠোঁট। তারপর  
ধীরে ধীরে বললো, ‘সই বোকা দার্শনিকের মতো অবস্থায় রয়েছে  
আমার, হাঁটতে হাঁটতে নক্ষত্রের দিকে তাকিয়ে দেশ বিদেশের ভাগ্য  
গণনা করছিলো, নিজের ভাগ্যের কথা আর খেয়াল ছিলো না। শেষ  
পর্যন্ত ছুঁছুঁ ছেলেদের খুঁড়ে রাখা গর্তে পাড়ে হাত পা ভেঙে মরলো।  
আমি ভাবতে পারিনি পৃথিবীর সব ঐশ্বর্য, সব সম্মান, কামত পায়ে  
ঠেলে তুমি নিছক এক নারীর প্রেম চাইতে পারো।’

‘ওহ! লিও, আমি ভেবেছিলাম আরো ভালো, আরো মহান কিছু  
চাইবে। ভেবেছিলাম, হয়তো বিশ্ব ব্রহ্মাণ্ডের ওপর কামত চাইবে,  
নয়তো আমার সম্পর্কে যে সব কথা এখনো জানতে পারোনি সেগুলো

জানতে চাইবে . কিন্তু এ কি তুমি চাইলে ?’

‘হ্যা, আয়শা, নিছক এক নারীর প্রেমই আমি চাই। আমি সৈশ্বর নই, শয়তানও নই। আমি নিছক এক মানুষ- পুরুষ। যে নারীকে ভালোবাসি তাকেই আমি চাই . কমতার সব পোশাক খুলে ফেলে দাও, আয়শা। উচোকাঙ্গু, মহব্ব ভুলে নারী হয়ে—আমার হী হয়ে এসো।’

কোনো জবাব দিলো না আয়শা। লিওর দিকে তাকিয়ে মাথা নাড়লো একটু।

‘এই তোমার শপথ, আয়শা ? পাঁচ মিনিটও হয়নি, এখনি ভঙ্গ করতে চাইছো।’

আগের মতোই চূপ করে রইলো আয়শা।

‘সত্যিই বলছি, আয়শা,’ বলে চললো লিও, ‘আমি আর সইতে পারছি না, অপেক্ষার ছালা। কোনো কথাই আর আমি শুনতে চাই না। আমি আর অপেক্ষা করতে পারবো না। যা ঘটে ঘটুক, যা আসে আসুক, আমি হাসি মুখে বরণ করবো। অন্তত কিছুকণের জন্যে হলেও তো আমরা সুখ পাবো।’ বলতে বলতে লিও গিয়ে জড়িয়ে ধরলো আয়শাকে, চুমু খেতে চেষ্টা করলো। কিন্তু শরীর মুচড়ে কেঁদিয়ে এলো আয়শা ওর আলিঙ্গন থেকে।

‘হ্যা, লিও, সুখ পাবো, কিন্তু কতকণ ?’

‘কতকণ ? এক জীবন, এক বছর, বা এক মাস, এক দিন- হতে পারে—কি এসে গেল তাতে ? তুমি যতকণ আমার বিশ্বস্ত আছো ততকণ কোনো কিছুই আমি ভয় করি না।’

‘সত্যি বলছো ? বুঝি নেবে তুমি ? তুমি যা বলছো তা যদি কহি, কি ঘটবে আমি জানি না। সত্যিই বলছি আমি জানি না। তুমি মারাও

যেতে পারো।’

‘কি হবে তাতে ? আমরা আলাদা হয়ে যাবো ?’

‘না, না, লিও, তা কখনোই সম্ভব নয়। আমরা কখনো আলাদা হবো না, হতে পারি না, এ ব্যাপারে আমি নিশ্চিত। আমাকে প্রতি-শ্রুতি দেয়া হয়েছে। এ জীবনে না হোক অন্য জীবনে, অন্য বলয়ে গিয়ে হলেও আমরা মিলিত হবো।’

‘তাহলে কেন আমি এ যাতনা সহিবো আয়শা ? আমি আর কিছুই চাই না, তুমি তোমার শপথ রক্ষা করো।’

অদ্রুত এক পরিবর্তন লক্ষ্য করলাম এ সময় আয়শার ভেতর। সব দ্বিধা দ্বন্দ্ব ঝেড়ে ফেলে দিলো সে।

‘দেখ’ বর্ষার শত আঘাতে ছিন্ন, ধুলো বাজি লাগা ময়লা অঙ্গ-খাল্লাটা দগিয়ে আয়শা বললো, ‘দেখ, প্রিয়তম, কি পোশাকে আমি এসেছি তোমাকে বিয়ে করতে। একি মানায় ? তোমার আমার বিয়ে এই পোশাকে, এই অবস্থায় ?’

‘আমি আমার পছন্দের নারীকে চাই তার পোশাক নয়,’ আয়শার চোখে চোখ রেখে বললো লিও।

‘বেশ, তাহলে বলো কিভাবে বিয়ে হবে ?... হ্যাঁ, পেতেছি। হলি ছাড়া আর কে আমাদের দু’জনার হাত এক করে দেবে ? সাজী:ন আমাকে পথ দেখিয়েছে এখন তোমার হাতে সমর্পণ করবে আমাকে, আমার হাতে তোমাকে

‘এসে, হলি, তোমার কাজটুকু শেষ করো, এই কুমারীকে এই পুরুষের হাতে তুলে দাও।’

স্বপ্নাচ্ছন্ন মতো আমি ওর নির্দেশ পালন করলাম। আয়শার বাড়িয়ে দেয়া হাত তুলে নিলাম, লিওরটাও। ধীরে ধীরে ছোটো হাত



এক করে দিলাম। সত্যি কথা বলতে কি, সেই মহেশ্বর মুহূর্তে আমার মনে হলো, আমার গিরা উপশিরা দিয়ে যেন আগুনের এক স্রোত বয়ে গেল। অদ্ভুত এক দৃশ্য ভেসে উঠলো চোখের সামনে, কে জানে কোথা থেকে যেন ভেসে এলো অদ্ভুত এক সংগীতের সুর, মস্তিকে ওজন শূন্য অপাখিব এক অনুভূতি।

আমি ওদের হাত দু'টো এক করে দিলাম, জানি না কি করে; ওদের আশির্বাদ করলাম, কি বলে তা-ও জানি না। তারপর টলতে টলতে পিছিয়ে গিয়ে দাঁড়ালাম দেয়ালে পিঠ ঠেকিয়ে। তারপর ঘটলো সেই ঘটনা।

'স্বামী।' গভীর আবেগে গাঢ় স্বরে আয়শা বললো। তারপর দু'বাহু বাড়িয়ে জড়িয়ে ধরলে প্রেমিকের গলা। এক হাতে কাছে টেনে নিলো তার মাথা। লিওর সোনালী চুল মিশে গেল আয়শার কালো কেশগুচ্ছের সাথে। ধীরে ধীরে এক হয়ে গেল দু'জোড়া ঠোঁট।

কয়েক সেকেন্ড অমন অবস্থায় রইলো ওরা। আয়শার কপাল থেকে সেই অদ্ভুত আলো বেরিয়ে ছড়িয়ে পড়লো লিওর কপালে। আগুনের আভার মতো জ্বল জ্বল করে উঠলো ওর নিটোল শরীরটা। শাদা আলখাল্লা ভেদ করে দৃশ্যমান হয়ে উঠেছে।

আবেশ জড়ানো গলায় আয়শা বললো, 'এমনি করে, লিও ভিনসি, ওহ। এমনি করে আমি দ্বিতীয়বারের মতো তোমার কাছে সমর্পণ করলাম আমাকে। সেদিন কোর-এর ওপর যে প্রতিজ্ঞা তোমার কাছে করেছিলাম আজ এই কালুনের প্রায়দেও তাই করছি ভেনে রাখো, ফলাফল যাই হোক—তুমি, অশুভ, আমরা কখনো আলাদা হবো না। কিছুতেই ছিন্ন হবে না আমাদের বন্ধন। তুমি বেঁচে থাকলে আমি বেঁচে থাকবো। তোমার পাশে, তুমি মৃত্যু নদীর ওপারে গেলে

আমিও যাবো। যেতেই হবে। যেখানে তুমি গাবে সেখানেই আমি যাবো, যখন তুমি ঘুমাবে আমিও ঘুমাবো তোমার সঙ্গে ; জীবন মৃত্যুর স্বপ্নের ভেতর আমার কণ্ঠস্বরই তুমি শুনবে।’

থামলো আয়শা। মুখ তুলে তাকালো ওপর দিকে। চোখে মুখ দৃষ্টি।

আয়শার মুখ থেকে লিওর মুখের ওপর স্থির হলো আমার চোখ। বুদ্ধ শামান যেমন দাঁড়িয়ে আছে তেমনি মূর্তির মতো দাঁড়িয়ে আছে লিও। শ্রাণের কোনো লক্ষণ নেই তার শরীরে। মুখটা ফ্যাকাশে মৃতদেহের মতো।

এই সময় নূপুরের মূহ নিকনের মতো বেজে উঠলো আয়শার গলা। কি মিষ্টি। শ্বাস আটকে গেল আমার গলার কাছে। আয়শা গান গাইছে।

পৃথিবী ছিলো না, ছিলো না,

শুধু ছিলো নৈঃশব্দের গর্ভে ঘুমিয়ে

মানুষের প্রাণ।

তবু আমি ছিলাম আর তুমি—

যেমন শুরু করেছিলো তেমন হঠাৎ থেমে গেল আয়শা। তারপর আমি দেখলাম—না অনুভব করলাম, ওর মুখের আতঙ্ক। সঙ্গে সঙ্গে লিওর দিকে তাকালাম।

কি আশ্চর্য। টলছে লিও। ও যেন মাটিতে নয় উমিযুখর নদীতে নৌকায় দাঁড়িয়ে আছে। ছলতে ছলতে গহ্বের মতো ছ’হাত বাড়িয়ে শরীর চেঁচা করলো আয়শাকে। তারপর আচমকা চিৎ হয়ে পড়ে গেল অ্যাভেনের বৃকের ওপর।

ওহ। কি তীক্ষ্ণ, তীব্র এক চিৎকার বেরোলো আয়শার গলা চিরে। আমি ভাষায় প্রকাশ করতে পারবো না। আমার মনে হলো যুদ্ধ নিহত সব মৃত সৈনিক বৃষ্টি জেগে উঠবে সে শব্দে। একটা মাত্র চিৎ-

কার—তারপর আবার সব চূপ।

ছুটে গেলাম আমি লিওর কাছে। আয়শার প্রেমের আগুন থেকে হত্যা করেছে। মৃত পড়ে আছে লিও মৃত অ্যাতেনের বৃক্ষের ওপর।

## চব্বিশ

একটু পরে কথা বললো আয়শা। চরম হতাশার সুর ধ্বনিত হলো ওর গলায়। ‘মনে হচ্ছে আমার প্রভু কণিকের জন্যে আমায় ছেড়ে গেছে। আমাকেও যেতে হবে প্রভুর পেছন পেছন।’

এর পর কি কি ঘটেছে আমি সঠিক বলতে পারবো না। পৃথিবীতে আমার একমাত্র বন্ধু, সন্তান, আপনজনকে হারিয়েছি। আমার আর বেঁচে থাকার কি অর্থ আছে? কে কি করলো না করলো তা জেনেই বা আমার কি দরকার? অস্পষ্টভাবে যা মনে আছে তাহলো, আয়শা আর অরোস মিলে ওর প্রাণ ফিরিয়ে আনার চেষ্টা করলো। কিন্তু পারলো না। মহামহিমাময়ী, শক্তিমতি আয়শার ক্ষমতা এখানে ব্যর্থ হলো।

অবশেষে যখন একটু স্বাভাবিক অবস্থায় এলাম, শুনলাম আয়শা বলছে, ‘অভিশপ্ত মেয়ে মানুষটার লাশ নিয়ে যাও এখান থেকে।’

কয়েকজন পুজারী ওর নির্দেশ পালন করলো।

একটা দীর্ঘ আসনের ওপর শুইয়ে রাখা হয়েছে লিওকে। অদ্ভুত শাস্ত, পরিতৃপ্ত চেহারা। আয়শা বসে আছে ওর পাশে। একটি মেন হুশ্চিন্তার ছাপ চেহারায়। ধীরে ধীরে উঠে দাড়ালো ও। বললো—

‘আমি একজনকে এক জায়গায় পাঠাতে চাই। সাধারণ কাজ নয়, আধার রাজ্যের খোঁজ খবর নিতে হবে তাকে।’ অরোসের দিকে তাকালো সে।

এই প্রথমবারের মতো আমি পূজারী প্রধানের মুখ থেকে মৃত্ত হাসিটা মুছে যেতে দেখলাম। কেমন যেন ফ্যাকাশে হয়ে গেল তার চেহারা, কেঁপে উঠলো শরীর।

‘তুমি ভয় পেয়েছো,’ বলে চললো আয়শা। ‘না, অরোস, যে যেতে ভয় পাবে তাকে পাঠাবো না। তুমি যাবে, হলি, আমার—এবং ওর পক্ষ থেকে?’

‘হ্যাঁ,’ আমি জবাব দিলাম। ‘এ ছাড়া আর কি চাইবার আছে আমার? খালি দেখো, ব্যাপারটা যেন তাড়াতাড়ি ঘটে আর বেশি কষ্ট না পাই।’

এক মুহূর্ত ভাবলো আয়শা। ‘না। এখনো তোমার সময় হয়নি। কিছু কাজ এখনো বাকি রয়ে গেছে, সেগুলো করতে হবে তোমাকে।’

এরপর ও বৃদ্ধ শামানের দিকে তাকালো। এখনো লোকটা অনড় দাড়িয়ে আছে মূর্তির মতো।

‘এই শোনো।’ ডাকলো আয়শা।

মুহূর্তে সিমত্রির দেহে প্রাণ এসে যেন। ‘ভদ্রি, দেবী।’ বলতে বলতে নেহায়েত নিরুপায় হয়ে রয়েছে এমন ভঙ্গিতে কুনিশ করলো বুড়ো।

‘দেখেছো, সিমত্রি?’ হাত নেড়ে জিজ্ঞেস করলো আয়শা।

‘দেখেছি : অ্যাতেন আর আমি যা ভবিষ্যদ্বাণী করেছিলাম ঠিক তা-ই ঘটেছে। কালুনের এক ভাবী খানকে গুয়ে থাকতে দেখছি, বলেছিলাম কি না ?’ খুশিতে চক চক করে উঠলো বুড়োর চোখ।

বুড়োর খুশিটুকু গ্রাহ্য করলো না আয়শা। ‘তোমার ভাইয়ের এই করুণ মৃত্যুর জন্যে আন্তরিকভাবে দুঃখিত সিমত্রি ! আর আনন্দিত এই ভেবে, তোমার মতো অন্ধ বাড়েড়ও দেখার ক্ষমতা আছে। যাক, সিমত্রি, আমি তোমাকে আরো উঁচু সম্মানে সম্মানিত করবো। তুমি আমার দূত হয়ে যাবে। মৃত্যুর অন্ধকার পথ ধরে চলে যাবে, আমার প্রভুকে খুঁজে বের করবে—জানি না কোথায় কি ভাবে আজ রাত কাটাবে আমার প্রিয়তম। ওকে বলবে, আয়শা শিগগিরই আসছে ওর সাথে মিলিত হওয়ার জন্যে। বলবে, এটাই আমাদের নিয়তি। আলোকিত পৃথিবীতে আমাদের মিলন নির্ধারিত ছিলো না, তাই আধারের রাজ্যে আমরা এক হবো। এ-ই ভালো, মরণশীলতার রাত পেরিয়ে এখন অমরত্বের অনন্ত দিন ওর সামনে। এই ভালো। মৃত্যুর সিংহ দরজায় আমার জন্যে অপেক্ষা করতে বলবে ওকে। বুঝেছো ?’

‘বুঝেছি, ও মহামহিমাময়ী রাণী,’ আন্তরিক গলায় জবাব দিলো সিমত্রি।

‘ও, আর একটা কথা। অ্যাতেনকে বলবে, আমি ওকে ক্ষমা করেছি। ওর বিরুদ্ধে যা-ই করে থাকি না কেন, ওর মৃত্যু আমি অস্বীকার করবো কি করে ?’

‘বলবো, দেবী।’

‘তাহলে যাও তুমি।’

আয়শার মুখ থেকে কথাটা বেরোনো মাত্র মেঝে থেকে শূন্যে উঠে পড়লো সিমত্রি। বাতাসে কিছু একটা আঁকড়ে ধরার চেষ্টা করলো

দু'গাত বাড়িয়ে। খাওয়ার টেবিলটার সাথে ধাকা খেলো একটা।

রূপের হুড়মুড় করে পড়ে গেল মাটিতে। নিষ্পন্দ পড়ে রইলো ওর শরীরটা। আমার দিকে ফিরলো আয়শা।

‘ভূমি ক্লান্ত, হলি। যাও বিজ্ঞান নাও গে। কাল রাতে আমরা পাহাড়ের পথে রওনা হবো।’

নিঃশব্দে পাশের কামরায় ঢুকে পড়লাম আমি। সিমত্রির শোয়ার ঘর এটা। খাটে পরিপাটি বিছানা পাতা। যেমন নিঃশব্দে ঢুকেছিলাম তেমনি নিঃশব্দে ওয়ে পড়লাম। কিন্তু ঘুম এলো না। কালুন নগরী এখনো খলছে। আগুনের আভা জানালা গলে এসে পড়েছে পাশের কামরায়। সেই অস্পষ্ট আলোয় দেখলাম, আয়শা বসে বসে দেখছে মৃত দরিভের মুখ। নিশ্চুপ নিষ্পন্দ। হাতের ওপর ভর দিয়ে আছে মাথা। কাঁদছে না ও। একটা দীর্ঘশ্বাসও ফেলছে না। কেবল দেখছে, ঘুমন্ত শিশুর দিকে যা যেমন চেয়ে থাকে তেমন। ঘটার পর ঘটা পেরিয়ে গেল ওর দেখা শেষ হলো না।

ওর মুখে এখন কোনো আবরণ নেই। পরিষ্কার দেখতে পেলাম, সব অহঙ্কার, ক্রোধ দূর হয়ে গেছে সে মুখ থেকে। অসুত কৌমল, মায়াময় হয়ে উঠেছে। মনে হলো, কোথায় যেন দেখেছি এ মুখ। কিন্তু স্মরণ করতে পারলাম না। অনেককণ ভাবলাম, অবশেষে মনে পড়লো। মন্দিরের উপবৃত্তাকার কক্ষে মায়ের যে প্রতিমা দেখেছিলাম ছবছ সেই মুখ। হ্যাঁ, একেবারে সেই অভিব্যক্তি। প্রেম আর শক্তি মিলে মিশে একাকার হয়ে গেছে।

অবশেষে আয়শা উঠে আমার কামরায় এলো।

‘আমি শেষ হয়ে গেছি ভেবে আমার জন্যে দুঃখ হচ্ছে তোমার,

তাই না হলি ?' অত্যন্ত মৃদু কণ্ঠে ও বললো ।

'হ্যাঁ, আরশা, হৃঃখ হচ্ছে ; তোমার জন্যে, আমার জন্যে ।'

'হৃঃখ পাওয়ার কিছু নেই, হলি । আমার মানবীয় অংশ ওকে পৃথিবীতে ধরে রাখতে পারেনি বটে, কিন্তু আত্মা ? আমার আত্মা ঠিকই মিলবে ওর আত্মার সাথে । সময় হলে তুমিও চলে আসবে । মৃত্যুই তো প্রেমের শক্তি ; মৃত্যুই তো প্রেমের গন্তব্য । সেজন্যেই তো আমি জল মুছে ফেলেছি চোখ থেকে । হৃঃখ কিসের ? আমি যাবো, শিগ-গিরই যাবো ওর কাছে ।

'কিন্তু একি করছি আমি, ছি । ভুলে বসে আছি তোমার বিশ্রাম দরকার । হয়েছে, আর কথা নয়, এবার তুমি ঘুমাও, বন্ধু, আমি আদেশ করছি তোমাকে, ঘুমাও ।'

আমি ঘুমিয়ে গেলাম ।

ঘুম যখন ভাঙলো তখন যাত্রার সময় হয়ে গেছে । আমার বিছানার পাশে দাঁড়িয়ে আছে আরশা ।

'সব তৈরি,' বললো ও । 'ওঠো, চলো ।'

রওনা হলাম আমরা । এক সহস্র অশ্বারোহী চলছে আমাদের সাথে । বাকিরা থেকে যাচ্ছে কালুনে, দখল বজায় রাখার জন্যে । একে-বারে সামনে লিওর মৃতদেহ, শুভ্রবসন পূজারীরা নিয়ে নিয়ে চলেছে । তার পেছনে অবগুষ্ঠিত আরশা, ওর সেই অগুরু মাদী ঘোড়ার পিঠে, পাশে আমি ।

কি অদ্ভুত বৈপরীত্য আমাদের আত্মা আর যাওয়ার ভেতর ।

কি উল্লাসে বজ্র, বিদ্যুৎ আর ঝড়কে সাথী করে এসেছিলাম, আর যাচ্ছি কেমন ধীর গতিতে, নিঃশব্দে ; আমার, আরশার প্রাণের শব্দ

বহন করে ।

সারা রাত চললাম আমরা । তারপর সারাদিন । আগ্রহ হাত হলো । অবশেষে পৌছলাম অগ্নিগর্ভা পবিত্র পাহাড়ে । মন্দিরের উপ-বৃস্তাকার কক্ষে মায়ের প্রতিমার সামনে নামিয়ে রাখা হলো শিঙের শববাহী খাট ।

সিংহাসনে বসলো হেসা । পূজারী, পূজারিণীদের উদ্দেশ্যে বললো—

‘আমি খুব ক্লান্ত । একটু বিশ্রাম দরকার । সেজন্যে শিগগির হয়তো কিছু দিনের জন্যে তোমাদের ছেড়ে যাবো । এক বছর বা হাজার বছর—ঠিক বলতে পারি না । যদি তেমন কিছু ঘটে পাপাভকে তোমরা বরণ করে নেবে আমার জায়গায় । আমি যতদিন না ফিরি অরোসকে স্বামী এবং পরামর্শদাতা হিসেবে গ্রহণ করে ও আমার কাজ চালাবে ।

‘হেস-এর দেবালয়ের পূজারী ও পূজারিণীগণ । নতুন একটা রাজ্য আমি তোমাদের দিয়ে যাচ্ছি । নতুন, উদ্ভ্রভাবে ওদের শাসন করবে । এখন থেকে অগ্নি-পর্বতের হেসা কালুনের খানিয়া হিসেবে ও গণ্য হবে ।

‘পূজারী ও পূজারিণীরা । আমাদের এই পবিত্র পর্বত এবং মন্দিরের পবিত্রতা তোমরা রক্ষা করবে । একটা কথা মনে রাখবে, দেবী হেসা যদি আজকের পৃথিবীকে শাসন না-ও করেন, প্রকৃতি করছেন । দেবী আইসিসের নাম যদি আজ স্বর্গের দেব সভায় ধ্বনিত না-ও হয় স্বর্গ এখনও তার মানব সন্তানদের বৃকে করে পরিচর্যা করছেন ।’

হাত নেড়ে সবাইকে চলে যাওয়ার ইশারা করলো ও । তারপর হঠাৎ মনে পড়ে গেছে এমন ভঙ্গিতে যোগ করলো, ‘আর একটা কথা, এই লোকটা আমার প্রিয় বন্ধু এবং স্মৃতিধি । একেও তোমাদের এক-জন করে নেবে । আমি আশা করি, ওর বিশেষ বড় নেবে তোমরা । তারপর যখন গ্রীষ্মের সূচনায় বরফ গলতে শুরু করবে, ওকে তোমরা



নিরাপদে দূরের ঐ পাহাড়শ্রেণী পার করে দিয়ে আসবে। এবার তাহলে যাও তোমরা।’

ভোরের দিকে এগিয়ে চলেছে রাত। স্তম্ভের চূড়ায় উঠে এলাম আমরা, মাত্র চারজন—আয়শা, আমি, অরোস আর পাপাভ। বাহকরা লিওর যুতদেহ পাশের পাথরখণ্ডটার ওপর রেখে চলে গেছে। আগুনের পর্দা ধলে উঠলো আমাদের সামনে। লিওর পাশে হাঁটু গেড়ে বসলো আয়শা। শাস্ত হাসি মাখা মুখটার দিকে তাকিয়ে রইলো কিছুক্ষণ তারপর উঠে দাঁড়ালো ও। বললো—

‘অন্ধকার এগিয়ে আসছে, হলি, ভোরের উজ্জলতা ঢেকে দেয়ার মতো গাঢ় অন্ধকার। এবার আমি যাবো। যখন তোমার মৃত্যু সময় উপস্থিত হবে, তার আগে নয় কিন্তু, আমাকে ডেকো, আমি আসবো তোমার কাছে।’

‘ভেবো না আয়শা হেরে গেছে, ভেবো না আয়শা নিঃশেষ হয়ে গেছে; আয়শা নামক বইয়ের একটা মাত্র পৃষ্ঠা তুমি পড়েছো।’

একটু ভাবলো সে। তারপর আবার বললো, ‘বন্ধু, এই সিসট্রামটা নাও। এটা দেখে আমাকে স্মরণ করো। কিন্তু সাবধান, একেবারে শেষ মুহূর্তে, আমাকে ডাকার জন্যে ছাড়া কখনো এটা ব্যবহার করবে না।’ হাত বাড়িয়ে আমি নিলাম রত্নখচিত মণ্ডটা। সোনার ঘণ্টার মুছ টুং-টাং শব্দ হলো। ‘ওর কপালে চুমু দাও’ আবার বললো ও, ‘তারপর নিছিয়ে গিয়ে চূপ করে দাঁড়াবে, মরণ শেষ না হওয়া পর্যন্ত নড়বে না।’

সেদিনের মতো আজও ধীরে ধীরে অন্ধকার গাঢ় হয়ে আসছে। আগু-

নের পর্দা ক্রমে স্থান হয়ে যাচ্ছে। এক সময় নিকম কালো হয়ে গেল চারদিক। অদ্ভুত গভীর এক সংগীত উঠে আসতে লাগলো নিচে থেকে। স্থরের পাখার ভর করে যেন উঠে এলো দুই ডানাওয়ালা আঙুনটা। জড়িয়ে ধরলো আয়শাকে।

হঠাৎ নাই হয়ে গেল আঙুন। জোরের প্রথম বশ্মি ছুটে এলো পাখরখণ্ডটার ওপর।

কিস্ত ও কি! শূন্য পড়ে আছে ওটা। লিওর মৃতদেহ নেই, আয়শাও নেই।

কোথায় গেল ওরা? জানি না।

অরোস এবং আর সব পূজারীরা খুব ভালো ব্যবহার করলো আমার সঙ্গে। আয়শা যেমন বলে গিয়েছিলো তার একটু অন্যথা হলো না।

গ্রীষ্মের আগ পর্যন্ত মন্দিরেই কাটালাম। তারপর বরফ গলতে শুরু করলো। এবারও আয়শার নির্দেশ অক্ষরে অক্ষরে পালন করলো ওরা। আমার প্রয়োজন না থাকলেও প্রায় জোর করে আমার হাতে ধরিয়ে দিলো মূল্যবান রত্ন তত্তি একটা খলে। কানুনের সমভূমি পরিবেশে নগরে পৌঁছলাম। রাত কাটালাম প্রাসাদের বাইরে উঁচু খাটিয়ে। অ্যাতেনের প্রাসাদে ঢোকান প্রবৃত্তি হলো না। জার্মাটা কেমন যেন ভ্রুকুটি করে তাকিয়ে আছে আমার দিকে।

পরদিন নোকায় করে রওনা হলাম আয়শা। অবশেষে তোরণ গৃহে পৌঁছলাম। আরেকটা রাত কাটাতে হলো এখানে, যদিও ঘুমাতে পারলাম না।

পরদিন সকালে সেই খরস্রোতা পাহাড়ী নদীর তীরে পৌঁছলাম। আশ্চর্য হয়ে দেখলাম, পুল জাতীয় একটা কিছু তৈরি করা হয়েছে

ওটার ওপর ; ওপাশে পাহাড়ের গায়ে মই, উঠে গেছে গিরিখাতের উপর পর্যন্ত । এসব করা হয়েছে কেবল আমার জন্যে ।

মইয়ের গোড়ায় দাঁড়িয়ে অরোসের দিকে তাকালাম । যেদিন প্রথম দেখা হয়েছিলো সেদিন যেমন মূছ একটু হেসেছিলো তেমনি হাসলো আজও বিদায় নেয়ার আগ মুহূর্তে ।

‘অনেক অস্তুত জিনিস দেখলাম,’ কি বলবো বুকতে না পেরে বললাম ।

‘খুবই অস্তুত,’ জবাব দিলো অরোস ।

‘অস্তুত, বকু অরোস,’ একটু বিব্রত ভাবে আমি বললাম, ‘আমার কাছে লেগেছে । তোমার হয়তো লাগেনি, তোমার রাজকীয় গুণের কারণে ।’

‘আমার রাজকীয় অভিব্যক্তি ধার করা । নিঃসন্দেহে একদিন খসে যাবে এ মুখোশ ।’

‘তুমি বলতে চাও মহান হেসা মারা যাননি ?’

‘আমি বলতে চাই, হেসা কখনো মরেন না । হয়তো রূপ বদলান, ব্যাস । উনি চলে গেছেন, কালই হয়তো ফিরে আসবেন । আমি তাঁর আসার অপেক্ষায় আছি ।’

‘আমিও ওর ফিরে আসার আশায় থাকবো,’ বলে উঠতে শুরু করলাম মই বেয়ে ।

বিশজন সশস্ত্র পূজারী আমাকে পাহারা দিয়ে, পথ দেখিয়ে নিরে চললো । কোনো দুর্ঘটনা ছাড়াই পাহাড় পেরোলাম । মরুভূমির ভেতর দিয়ে এগিয়ে চললাম । অবশেষে সেই মঠের দেখা পেলাম, যেখানে বিশাল বৃদ্ধ বসে আছেন মরুভূমির দিকে তাকিয়ে । সন্ধ্যা ঘনিয়ে

আসছে। তাঁবু ফেললাম আমরা।

পরদিন সকালে ঘুম থেকে উঠে দেখলাম, পূজারীরা চলে গেছে। আমার ছোট্ট পুটলিটা নিয়ে হাঁটতে শুরু করলাম একা। সারাদিন পর পৌঁছলাম মঠে। দরজার সামনে ছিন্ন বসন পরে বসে আছে প্রাগৈতিহাসিক এক মূর্তি। আমাদের পুরনো বন্ধু কোউ-এন। শিং-এর চশমাটা নাকের ওপর ঠিক করতে করতে আমার দিকে তাকালো বৃদ্ধ।

‘তোমার জন্যেই অপেক্ষা করছিলাম, বিশ্বমঠের ভাই। খুব বিদে পেয়েছে যে আবার এই বাজে জায়গায় ফিরে এসেছো?’

‘খুউব’ কোউ-এন। বিশ্বামের বিদে।’

‘এ জন্মের ব্যক্তি দিনগুলোতে পাবে। কিন্তু আমার আরেক ভাই কোথায়?’

‘মরে গেছে।’

‘এবং কোথাও আবার জন্ম নিয়েছে। পরে ওর সঙ্গে দেখা হবে আমাদের। চলো খেয়ে নেয়া যাক, তারপর শুনবো তোমার গল্প।’

এক সাথে খেলাম আমরা। মঠ থেকে রওনা হওয়ার পর যা যা ঘটেছে সব বললাম কোউ-এনকে। মনোযোগ নিয়ে শুনলো বৃদ্ধ, কিন্তু বিন্দুমাত্র অবাক হলো না। আমি শেষ করতে সে শুরু করলো পুনর্জন্মের মতবাদ দিয়ে কি ভাবে একে ব্যাখ্যা করা যায়। শুনতে শুনতে ক্রান্ত হয়ে গেলাম আমি। শেষে ঝিমুতে শুরু করলাম।

‘আর কিছু না হোক,’ হাই তুলতে তুলতে আমি বললাম, ‘অস্তুত কিছু জ্ঞান বা অভিজ্ঞতা যাই বলেন, সফর তো হলো।’

‘হ্যাঁ, বিশ্ব মঠের ভাই, নিঃসন্দেহে জ্ঞান হয়েছে। তবে একটু ধীরে, এই আর কি। আমি যদি বলি, তোমার এই দেবী, রমণী, সে,

হেসা, আয়শা, খসে পড়া নকত্র যে নামেই ডাকো—°

( এখানেই শেষ মিস্টার হালির পাণ্ডুলিপি। কাশ্মীরল্যাণ্ডের বাড়িতে আগুনে ফেলে দেয়ায় পরের পৃষ্ঠাগুলো পুড়ে গিয়েছিলো। )

—: শেষ :—

The Online Library of Bangla Books  
**BANGLA BOOK**.ORG